

四庫全書存目叢書編纂委員會編

齊魯書社

四庫全書存目叢書

集部
第一四七冊



責任編輯：孫言誠 賀 偉

ISBN 7-5333-0615-5



EB43/09

四庫全書存目叢書·集部一四七

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 45.375 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第一四七冊目次

集部·別集類

端峰先生松菊堂集二十四卷

〔明〕孫鑒撰

上海圖書館藏明萬曆三十八年張垣刻本

..... 一

芝堂遺草七卷(存卷一至卷三)

〔明〕葉朝榮撰

福建師範大學圖書館藏明萬曆刻本

..... 二二三

穀城山館文集四十二卷(一)

〔明〕于慎行撰

北京圖書館藏明萬曆于緯刻本

..... 二七〇

端峰先生松菊堂集二十四

卷

〔明〕孫鑒撰

上海圖書館藏明萬曆三十八年張垣

刻本

附《四庫全書總目·松菊堂集

二十四卷》提要

端峰先生松菊堂集序

伏觀

毅皇帝朝宸濠之變

孫忠烈公以節著載在國史其孫子皆

一代偉人用文章名世登三輔躋九

列高議雲臺之上雍容石渠席觀中

集千載少雙無論矣即娛志煙霞寄

序一

情松菊如我

太老師端峰先生其筆泚墨濡一何卿

雲爛而日星垂也垣僻處楚郢寸慚

賡雪而幸承先司馬之遺澤竊慷慨

慕忠義無休時癸卯鄉薦獲出

太史老師門下受知剪拂倍萬恒品此

何異駑馬長價于孫陽哉脫鹽車踰

疏勒孰秋毫而匪洪造也日侍京邸
比于問字之末庶幾風塵俗吏窺武
庫一班乃吾

師遂述謝曰主臣不佞有先君子之
遺言在啟篋授垣垣讀而卒業騷賦
僊僊乎有屈宋潘陸之風焉四五言
則陶謝之雋也近體則王孟錢劉之

序二

選也絕句則青蓮之放而歌行則少
陵之宏也序傳不史漢之遺乎書記
頌說銘狀雜著不錯綜于文選昌黎
柳州乎此固忠節之緒餘實不朽之
盛事也吾

師方脩子長孟堅之業而垣遇忝國
士獲竊窺其家學謹繡梓人公之文

苑俾天下搢觚家尸祝吾

師者知先河後海所從來深遠矣為
集十二為卷二十四宦游登臨著述
不一而惣類曰松菊堂集從所志也
刻成謹識歲月如左皆

萬曆上章閏茂旦月上泮楚郢門下

晚學生張垣頓首拜謹序

序三



丁未
謹序

端峯先生松菊堂集總目

子集一

卷之一

騷五首

賦一首

四言古詩二首

五言古詩二十一首

子集二

卷之二

五言古詩四十六首

丑集一

卷之三

七言古詩三十首

丑集二

卷之四

七言古詩二十三首

寅集一

卷之五

五言律詩六十三首

寅集二

卷之六

五言律詩八十首

卯集一

卷之七

七言律詩五十四首

卯集二

卷之八

七言律詩五十四首

辰集一

卷之九

七言律詩五十首

辰集二

卷之十

七言律詩五十二首

巳集一

卷之十一

七言律詩五十二首

巳集二

卷之十二

七言律詩四十二首

午集一

卷之十三

七言律詩四十八首

午集二

卷之十四

七言律詩五十六首

未集一

卷之十五

七言律詩三十七首

未集二

卷之十六

七言律詩五十六首

松菊堂集

總目

一

松菊堂集

總目

二

甲集一

卷之十七

五言排律二首

七言排律三首

五言絕句三十六首

申集二

卷之十八

五言絕句五十七首

六言絕句十七首

酉集一

卷之十九

七言絕句一百二首

松菊堂集

總目

三

酉集二

卷之二十

七言絕句一百五首

戌集一

卷之二十一

序五首

記四首

戌集二

卷之二十二

書四首

說二首

頌一首

銘一首

亥集一

卷之二十三

傳十三首

亥集二

卷之二十四

行狀二首

雜著四首

松菊堂集

總目

四

端峰先生松菊堂集總目

端峰先生松菊堂集卷之一

東越孫鑿著

騷五首

遠遊

惜日

志居

予告

貺交

賦一首

松菊堂集

卷一

一

夢登蓬萊閣賦

四言古詩二首

秋宵讌集

楊生客歸夜酌聞琴

五言古詩二十一首

感懷四首

關山月

報國禪寺送刺史兄之河南登塔遠望

秋日旅館懷母

清夜獨酌

述行

乞菊

晚霽韓明府過訪

過真上人禪房

積雨遣懷

雨過村行

同黃舍人姜大行讌集龍山得也字

題十鹿圖

松菊堂集

卷一

二

都督兄晚過京邸話別四首

庭前雙石榴

騷

我所思效騷體五首

余少遊四方邇乃有息交之志閑居寡

營追念往昔輒倣楚騷聊述已意言無

倫次千古懷抱同此離憂云爾

我所思兮彼中野雲容容兮在其下邇吾致兮

轂方輟指霄漢兮雲路搖陟千仞兮翼四馬嶂

嶙峋引石為禱泉鏗鐫兮碧天洞何所會適兮
以余社稷之傍徨兮不以余假。

右遠遊

我所思兮晦朔既諸雄鷲之羽兮其來胥胥緯
繡之訓兮以植嗽狙所馳之趾兮不與抗疎信
佻巧不可恃兮蹇修逝而遠去叶惟美私之不
可固兮矢佩服茲瓊琚歲晚晏兮余紛厘之滌
屠菟何為兮顧眎若裾夏畦之勞兮芸莠若鋤
莓隲在原兮矯矯君子之廬長太息兮終侘傺
松菊堂集 卷一 三
余遠條。

右惜日

我所思兮龍山之泉合芳馨兮橫吾前蛟修竹
兮懋我靜娟懋我旦旦兮飲我湑漣高九衢兮
錯轍以先我懋我泉兮以日以年止與鑑兮行
與漩惟斯泉之湛若兮其末為川茲萎棘其柰
何兮曰余以不反叶信茲其不可懷兮固物有
委卷而相禪維鳩之鵲兮維泉之淵祝女安居
兮世不女遷。

右志居

我所思兮縹余馬于玄圃之山虎豹偃蹇兮日
與抱關山之不髮兮虬蛇獐獍雷填填兮水潏
潏欲往從君兮道路周艱思夫君兮腸百結而
涕漣君何為兮勿駕爾板下土之華兮化沙漠
而駢殷飲食女羞兮服食爾顏俾女康壽兮覲
女聞開翔余駝兮御余與還。

右子告

我所思兮鹿之呦呦女革野食兮曷女慰我愁。

松菊堂集

卷一

四

雲之龍兮儵歷女孟陬杳冥淵兮執力爾泗夙
夜御寅兮忠心綢繆龜皎皎兮勿冥爾黯幽苟
余懷其洵及兮雖曠遠其何憂維涇與渭兮北
向與流又皇恤我兮莫余儔天寒露道兮無女
尤。

右既交

賦

·夢登蓬萊閣賦有序

孫季子官上林甫一載奉使錢塘得歸

蕙江故里將病免馬有題季子北征者
季子笑曰子豈以雞肋足羈我哉予性
木強不能與時俛仰長官虐取中貴肆
橫厲色抗辭極力摧抑更以翰墨踞侮
縉紳世無狗監賦不得達胡得復
縉名以取再辱爰治東園種花開徑
疊石引流讀書彈琴期以娛老忽除書
至遷判膠陽季子復笑曰儔輩中傷不
出預料是遷也快彼之意成我之高吾

松菊堂集

卷一

五

志已決即鍾鼎弗羨已遂上疏乞休左
司馬翁先生雅號憐才亟為稱屈固止
之曰子文思瞻逸宜處清華然古多才
高見抑淹於案牘者得非蓬萊屬氣昔
待蘇長公今待孫季子耶請再躊躇以
卜出處季子曰先生知我不能諒我粵
昔元延祖調春陵輒棄官去親姪強勒
之答曰人生衣食可適飽煖不宜復有
所須惟灌畦掇薪以為有生之役過此

吾不思也若延祖可謂知止矣區區素
心千古一契言訖就卧夢登蓬萊龍光
蜃氣烟霧樓臺出淡變幻璀璨奪目問
所為膠山恍然莫覩覺而嘆曰邯鄲之
說匪浪語也口自吟云栖遁櫻情經綸
袖手風雲未期猿鶴為友益堅季子不
出之意作夢登蓬萊閣賦

松菊堂集

卷一

六

世傳蓬萊去天尺五在東海之中為僊人之塢
昔秦漢之君以神仙為可求乃東游而追其伍
巖有珠璣漏天之竒島有沙門長山之古洞則
紫府水簾岡則積金躡虎岨嵎遠映哈爐斜開
蔚陽連繫馬之壁烟霞接鵲鷗之臺鐵官西峙
五疊東排北曲與交毛而相並南班挿靈應以
成堆旌旗三駕之彷彿鳳喙五龍之崔嵬千佛
九司紫岫丹崖虎嘯風冽鶴棲雲來上有干霄
之松下有陵遷谷變之石口有西王八角海洋
秣真新開之果之平苔島石落之塞河有五澗
平南古橋柘埠東良萬盛之源莊頭大沽之跡

義井清泠冲其中。陶張送駕瀉其北。其水則蒸
雲水。冷水。黃水。昌水。其泉則溫泉。甘泉。寒泉。奇
泉。聖澤。遙通於七里。花山。近接於仙源。泱泱兮
鈴鐺。遶後。浩浩兮。猗養。當前。高瀑。挂百尋之練。
虛溟。轉萬派之烟。想群仙以出沒。開萬象之鴻
濛。層層貝闕。燁燁珠宮。霧霏霏兮。蔽天壤。淵杳
杳兮。藏蛟龍。重樓翠阜。傑閣危峰。差我礧礧。欽
巖龍從。靡雲旌而耀日。拖霓旆而飄風。忽仙人
之突至。駕玄鶴以相從。吹玉簫而引鳳。舞寶劍

松菊堂集

卷一

七

以凌空。宓妃靚莊。姍嫋其容。施雲布雨。曳電搖
虹。綸冠縞。敲瑣編文。鱗逍遙羽化。曼絕紅塵。呼
龍推豹。既鳴既躡。犇犀舞象。若畜若馴。東華呈
木公之瑞。西池現金母之神。登鸞駉。鵠乘鵠。跨
麟翔。翔飄忽。繚繞氤氲。遠陟於金樞之穴。流憩
於渤澥之濱。頃之薄櫨重轡。雉城雲屋。蜩蛸蟻
渡。砢礧軋吻。晃若長楊栢梁。窈不可極。忽焉輕
烟不飛。纖塵弗偪。延衰無定。縱橫屢易。霧歛霞
明。天空地碧。又如桺柳胡桐。牝荆剛栢。色相氣

類。彷彿乎蓬萊。遽廬。渺茫而莫測。其聚也。若或
闔之。其散也。若或闢之。不知何物主乎其間。而
有是哉。昔子瞻自膠西而守登。夙慕蓬萊之靈
異。告海若以宏文。冀蜃氣樓臺之顯瑞。嗟予生
之後時。適殊情而共事。既官守之無因。堅賦歸
之雅志。林泉有肥遯之緣。海嶽抱不平之氣。將
觀海市而末由。乃形景象於夢寐。足慰我之生
平。不問蓬萊於何處。

四言古詩

松菊堂集

卷一

八

秋宵讌集

白日既沒。燭以繼之。奚畫奚夜。迨茲盛時。烹腴
擊鮮。醇酒在卮。式歌亦舞。既竹且絲。六逸屬我。
八公伊誰。明月當筵。涼風入帷。際此佳景。豁眸
舒眉。動脾者鼓。蕩情者詩。賡吟越客。引興吳姬。
娛懷今夕。不醉何為。營營市利。智昏識卑。惜費
嗇施。達人足嗤。計會盈縮。將以傳遺。

楊生客歸夜酌聞琴

會日何少。離日何多。雲山迷目。風塵暗途。夢

險道鼓棹危波。霜凝白草。霧障黃河。登樓作賦。
彈鋏浩歌。三載乍歸。生計蹉跎。有琴在几。載調
再和。挑燈對酒。君頗其酤。

五言古詩

感懷四首

春風吹布袍。獨坐不成寐。身居一室中。心游萬
里外。冉冉雲西征。汨汨水東邁。感此但追歡。韶
華可能再。

其二

松菊堂集

卷一

九

溽暑將奈何。須臾雨如注。朝葩正滿條。暮瓣已
辭樹。世事若庭花。人情似天雨。雨歇花復開。趨
炎既盈路。

其三

秋風振林柯。落葉黃滿地。白露弄晨光。陰雲釀
寒氣。景候自不常。人生安久計。飛飛者蜉蝣。朝
來暮還去。

其四

息交畏風塵。築室僅容膝。飲藥逃餘年。排懷卧

終日。著書匪市名。安居豈耽逸。時事莫蹉跎。玄
月去何疾。

關山月

關山月迢迢。流光照機杼。月色與君同。關路險
以阻。寒衣憶短長。手裁心悽楚。製就欲寄君。君
今在何處。仰看月行疾。妾心疾如許。恨不與月
俱。飛度向君所。月行不相顧。幽獨共誰語。

報國禪寺送太守兄赴河南登塔遠望

松菊堂集

卷一

十

崔嵬峻浮屠。拔地不可上。我來攀雲梯。壯懷欲
飛颺。側身累層高。凭欄恣遠望。蕭瑟西風寒。葉
落天宇曠。回首眺家山。家山邈何向。天涯兩遊
子。燕衛各飄蓬。送兄情悽悽。思親倍快快。賴有
我仲兄。定省晨昏傍。二子胡為來。升斗為親養。
仰天忽長吁。空外雲蕩漾。千載狄梁公。太行同
此況。

秋日旅館懷母

一夜秋風生。絡虫鳴故故。叢叢槐抄花。團團玉
階露。兀坐千感生。衷腸九迴顧。三月家信稀。

詎阻烽戍夜夢白頭親囑我深閨婦寄言遊子
身深秋慎調護莫以一旦疾增我萬里慕驚覺
推孤枕悲思淚如雨曉來鵲長鳴收淚忽然悟
謂有音書來望望日將暮情事祇自知愁懷邈
難訴顯揚固所願能忘喜與懼有田良足畊有
桑還足樹曷為五斗羈頻歲京華住情擬李密
陳歸續陶潛賦計程除歲時北堂快相聚

清夜獨酌

明星綴高樹殘葉鳴西風惜惜忽不懌幽懷托

松菊堂集

卷一

七

絲桐清音淒以悲一曲猶未終呼僮進杯酒滿
飲杯忽空我歌僮擊鼓鼓迅歌益雄一笑向燈
前燈花喜吐紅惟來倏已醉頓覺身世空仰看
銀河畔皎月如彎弓

述行

離舍未數程陰陰一天雨川原漲於潮流潦行
且阻長風舟不前泊向秋江渚重嵐晝益迷濃
雲戀高樹旅懷何匆匆涉險心自拊漁子縱扁
舟風波日為侶但得雨中歡那知行旅苦

乞菊

吾家燭湖上山水繞前村頃居城東隅抱甕灌
南園暫違鷗鷺盟時與老圃論雖無山水勝亦
有花木蕃夏來苦炎熱舊菊今不存節臨乏采
翫何以慰我煩隣叟金沙子種菊三百盆清香
異別圃佳色羅幽軒日出寒意怯孤蝶來翩翩
霜露懼過殞歲宴空籬藩何當分數莖清芬及
蓬門即擬延主人飲泛同一樽

晚霽韓明府過訪

松菊堂集

卷一

七

五月梅子黃積雨淹中夏晚霽步林間孤吟繡
春樹風靜林寂寥池明水流瀉對景聊寄歡命
酌賞清暇忽聞有叩門謂枉故人駕故人久不
來倒屣出迎迓促席談素心披襟對燈下雨過
月在花踈鐘閉幽舍樹影掃堦平青蛙正鳴夜
良會莫蹉跎流年易傾謝

過真上人禪房

紅墜萬山暮青浮一澗消綠林穿曲徑幽花發
孤妍空房閉深竹野僧猶未眠春陰鳥語寂風

磬時冷然。演史霞飛盡。傾刻月已懸。霞飛入前峰。月懸光滿川。靈境絕塵俗。聊足棲高禪。

積雨遣懷

積雨漫江村。芳園生寂寞。好鳥亦倦啼。踈花漸零落。草色侵幽窓。風聲度虛閣。終夜復頻傾。流音響林壑。朝來覽物華。孤亭聊命酌。魚戲翻輕荷。蟬鳴傍叢籜。曲徑少人過。閑情堪自樂。

雨過村行

南村棗花發。北村布穀飛。雨驟花鳥落。雨晴草

松菊堂集

卷一

七

菲菲。前山靄欲開。疎林挂斜暉。已休田中耒。猶響村舍機。浣女向竹入。罽師渡川歸。吾亦返吾舍。白雲封柴扉。

同黃舍人諸公集龍山得也字

佳景促登眺。萬象屬朱夏。群林森長秀。重品轉清洒。水濯石道淨。縈迴響軒下。幽禽屢變聲。夕霏耀容冶。一尊對南山。挂席俯蘭若。層構參錯竒。靈境開蓮社。有客行秘書。風華少騷雅。揮麈驚四筵。高唱和彌寡。鵬冠效蟬吟。藤蘿附梧櫬。

仕隱隨所諧。意氣各傾瀉。心賞遺身累。絲竹藉陶寫。賡訓禮數寬。盤旋坐飛箏。暫借木石居。幾希野人也。頽然忽大醉。世事等土苴。

題十鹿圖

青山轉千疊。轟轟森芙蓉。懸厓掛薜蘿。洞鎖雲霧重。山深林樹密。歲月稀人蹤。麋鹿自成群。枝角脩若筇。一鹿迅以導。一鹿鳴嚶嚶。二鹿爭食芼。二鹿肩相從。一鹿渴飲泉。泉水流淙淙。一鹿下深澗。一鹿梯危峰。一鹿質縞素。舉項摩虬松。各負凌霄氣。蓬島迫仙翁。哂彼靈臺侶。濯濯羈樊籠。

松菊堂集

卷一

古

都督兄晚過京邸話別四首

積雨蒼蘚合。庭靡鳥雀喧。幽徑鮮客過。寂寞掩衡門。兄來急倒屣。共坐竹下軒。四壁圖青山。鬱鬱松栢繁。山勢類匡廬。石磴若可捫。背山數椽屋。宛然柴桑村。遐想靖節風。沉吟宵忘言。

其二

紛紛大都下。舉目皆豪英。懷刺安所投。掩扉守

硯石計若青樓嬌。一笑千金傾。舉世無伯樂。驥空悲鳴。狗監繫何人。而乃識長卿。

其三

熙朝雅好文。虛此瑚璉姿。棲息同鷦鷯。無分投高枝。豈非揚子雲。不辨問字奇。造物真簸弄。生我將何為。昂藏六尺軀。乃被五斗羈。

其四

兀兀閉門坐。終日懷不開。吹埴和以簋。對酒暫徘徊。笑我守孤潔。荏苒歲月催。感兄友愛篤。抗志終難隕。腐鼠曷足嚇。雞肋空自哀。世路嶮以巖。咫尺成天涯。丘壑甘幽棲。圭竇掩蒿萊。春水千里平。楊帆迅東回。

庭前雙石榴

庭前雙石榴。柯葉茅簷翳。挺幹傍巖阿。托根繞砌砌。上有高梧桐。下有叢生蔥。小山桂樹連。交枝纏薜荔。憶昔初種時。僅僅拱把細。倏爾逾十年。遂見叅雲勢。開花百千朵。閃鑠丹霞麗。以家恣採取。過客爭睥睨。繽紛多落英。亂點蒼苔墜。

燦爛成文章。山僮莫擁篲。

松菊堂集

卷一

六

東越孫登

五言古詩四十六首

秋夜三首

城上烏

幽齋對雨遣懷

摘園蔬

舟行紀感八首

五柳莊二十二首

松菊堂集 卷二

送蕭貢士歸三衢

與西隣梁客部話別

武林水亭送翁中丞巡撫山東得水上萍

風中雲六韻

彩鳳篇贈郭青螺大參

讀郭大參粵蜀二草

贈姜同卿

五言古詩

秋夜三首

良夜何湛寂。園林氣蕭然。丹楓靜洒露。玉樹生烟。萬籟頻聒耳。宵殘悵不眠。月乘燈照淡。風逐花香旋。高吟洗煩襟。豁然謝塵緣。

其二

飛泉聽滴瀝。鳴入稽琴哀。鳬渚走葉亂。兔輪薄霧開。侵衣踈水氣。照枕清霜堆。夜肅響孤鴻。颼颼風林催。攬衣起望遠。西山孤崔嵬。

其三

爽氣飄清界。蕭蕭夢中驚。銀河湛碧空。斗杓燦然橫。楊柳凋柔條。芙蓉爛新英。林杪群棲禽。草際孤飛螢。踈簾抱膝坐。露華滋深更。

松菊堂集 卷二

城上烏

聞啄城頭草。翳翳林光暮。草稀不充腸。聊得免四顧。田疇禾已熟。香粒風遠度。胡不覓稻糧。饒飛城頭哺。怪殺刈禾人。睥睨色可怖。寧使腸中饒。不上危機路。

幽齋對雨遣懷

風雨由巷深。柴門掩幽僻。薜荔蔓踈牆。苔蘚侵

臺碧道路水成渠。林暝畫如名。跌坐把書。虛室惟面壁。石榴枝上紅。蓮花池面白。紅白不染塵。覺來空即色。

摘園蔬

呼童摘園蔬。摘來餐已餘。朱門厭梁肉。彈鋏歌無魚。集哉簞瓢味。澹泊長自如。拮据學老圃。朝灌夕荷鋤。秋露滿東畦。蔓草須亟除。

舟行紀感八首

西風吹遠漢。壯士懷東歸。漸覺白雲眇。番嫌太行低。離家二千里。夢見舊釣磯。漁父執我手。弱孫牽我衣。得魚夕還舍。草堂未掩扉。高歌忽大醉。月明新入幃。

其二

行客縱輕帆。趨程不暫止。望見漂母祠。知是王孫里。跨下辱甘忍。寄食貧無倚。登壇成漢業。新首咸陽市。名垂欲何為。功高亦徒爾。見說張子房。從遊赤松子。

其三

霜下木葉零。江空水痕落。鴻鴈靡所棲。鷓鴣將安託。玄龍舞頽波。神蛟出寒壑。溟海皆震搖。孤舟天際泊。逆旅驚渺茫。客况苦蕭索。短笛何處來。呼酒聊獨酌。

其四

貴人寡適意。達士知避趨。共寶連城璧。競採明月珠。蜉蝣聚以陰。倦馬悲末途。所以鷗夷子。功成浮五湖。噉矢慎輕發。堅忍執素弧。大任豈易鷹。必先苦劬膚。

松菊堂集

卷二

四

其五

四望忽興感。悵彼洪川流。滔滔變今古。頽波何時休。朝發秦淮口。暮宿津渡頭。江聲攪夜寐。浩然思故丘。人生總逆旅。天地亦虛舟。壯志空自負。良為達士羞。

其六

黃河沒樹杪。四郊多漂流。紫馬誰家子。酌酒娛青樓。少妓調素絃。明月照高秋。揮金等泥沙。寧知先世留。餘糧任倉鼠。宿草乏耕牛。造物數已。

定當貴安可求

其七

景三太息。飛鳥欲西沉。黑雲接山頭。預卜旦
日陰。旦日果風雨。天意孚人心。奚況礎之潤。與
彼禽之音。世情類風雨。變態同古今。感兆厥有
先。見幾良貴深。

其八

上山故厭微。下山逢故知。再拜試問余。君行胡
遲遲。余嘆行路艱。出門多猜疑。故知仰天嘆。嘆

松菊堂集

卷二

五

我何太癡。黃鵠志摩空。寧效棲一枝。請君迅健
翮。萬里翔天達。

五柳莊二十二首

余少讀五柳先生傳。慕其人。既而為微
名所驅。雅負夙志。歲甲戌。上疏乞休。棄

五柳莊於蕙江之上。綴景凡若干。皆取

先生歸去辭中語。及他詩。命之蘇子瞻

云。吾奔走中外。深愧淵明之為人。欲以

晚節希效其萬一。然子瞻晚歲竟以官

謫碌碌。曾不得一日林泉之樂。則余之

勝子瞻遠矣。

五柳莊

彭澤賦歸來。門前五株柳。不及桃李華。清陰但
常守。疎條覆漁磯。得魚佐尊酒。黃鳥亦關情。枝
頭為呼友。

欣欣居

欣欣千章木。繁彼柯葉繁。手植不一年。而乃發
天蒸。白日流前林。清風披南軒。蘭桂騰新香。奚

松菊堂集

卷二

六

但松菊存

寄傲亭

傲世倚南窓。庭柯足怡顏。解綬返敝廬。值此髮
未斑。日日採芳蘭。時時對青山。青山不知老。吾
亦忘吾閒。

停遙所

塵世皆陸沉。宦海何茫茫。鼓枻遡風濤。不知道
路長。達人猛迴首。彼岸停沆瀣。知覺惟孔顏。舍
之將終藏。

三徑

倦遊歸敝廬。三徑猶未荒。竹木翳成林。林間鮮
求羊。賸得風月閒。八室共徜徉。高卧壯窓下。鼓
腹遊羲皇。

煮微苑

虛名等晨熹。安能久生色。炎炎向中道。少焉復
還芳。升沉會有時。陰晴詎可測。茫茫大化中。日
入群動息。

賦詩處

松菊堂集

卷二

七

隨處可賦詩。胡必臨清流。清流滌萬慮。對此心
悠悠。遊神八極間。沉沉如虛舟。澹然衆桑趣。今
古誰能儔。

出雲油

松石鑄碧阿。雲氣叢林流。裊裊出雲谷。分蔽結
海樓。長風驅何之。變出仍歸休。太虛亦無心。一
氣隨湛浮。

舒嘯軒

軒窓傍東臯。徘徊恣遠眺。古樹夏成陰。斜陽晚

猶照。對酒即狂歌。安得復年少。塵世總蜉蝣。刻
然發長嘯。

今是齋

五十已知非。歸來亦云暮。驅馳歷羊腸。寧不憚
岐路。世情薄秋雲。浮生等朝露。衆衆不折腰。香
然有深悟。

寓形宇

朝陽照頭顱。羞見髣欲華。聲名赫朝市。衣繡不
歸家。秦宮沒荒草。梁苑堆黃沙。所以阮肇徒。採
芝尋胡麻。

松菊堂集

卷二

八

遐觀樓

振衣百尺樓。四望見城市。夾道起朱甍。駟馬過
金紫。技術爭奇巧。貿易闢侈靡。塵世一隙中。紛
紛競如蠅。

流憩窩

扶藤入叢林。林密陰翳翳。窈窕縱幽尋。倦就溪
邊憩。赤魚躍微波。絳虫依薜荔。花影懸柴門。月
明猶未開。

容膝窩

結屋僅容膝。誰云天地寬。山川臨院落。花竹繞
闌干。凝風夏忘暑。曝日冬不寒。寄跡同鷗鷺。一
枝聊足安。

松菊堂

繫昔官上林。三春鬪桃李。桃李艷足誇。霜露經
秋萎。歸來築草堂。種菊孤松裏。歲寒結深盟。回
首傲燕市。

東月嶺

松菊堂集

卷二

九

城郭翳翳陰。寒蟲鳴悲悲。樓鐘薄暮起。片片浮
雲歸。露落葉何繁。人語山間稀。鈎簾上秋月。東
嶺光輝輝。

夕佳室

園林含商意。幽齋霽初開。江波動寒扉。南山秋
色來。金天澄素景。殘陽激巖隈。佳氣入夕多。對
我消罇壘。

聳逸閣

松高群嶺秀。野霽江水明。平墟散城郭。霜樹葉

有聲。雲影密危閣。東望海日生。白鳥沒煙隄。九
皋聞朗鳴。

尋壑亭

逶迤路轉入。巖竇光倏豁。雲陰出壑遲。水石靜
雨末。襟帶漬流泉。巾舄蔓藤葛。坐久遠俗囂。蒼
苔侵徑闊。

東臯

路出東郭門。翠嶽鬱以鬼。登高寓遠目。仰止客
星臺。中有嚴陵墓。千載清風開。雲臺久寂寂。荒

松菊堂集

卷二

十

址覆青苔。

涓涓亭

茆亭覆清江。俯視江水流。東籬四尺高。時時過
扁舟。漁歌隱以長。棹聲欸以柔。浮沉任潮汐。吾
不如沙鷗。

輕颺館

虛館結水鄉。拍岸波淅淅。清芬來遠風。古傳蕙
江名。凭欄聊四顧。窓間聚浮萍。昕夕對滄浪。何
必千里行。

蕭貢士歸三衢

秋雲慢岐道。朝暘晞露芳。感茲慷慨士。倦遊懷故鄉。與子結心期。兩載同一方。忽然動歸志。眷戀情何長。曉發千里程。車馬羅成行。世路多嶮巇。客思淒以涼。白草翳征途。黃沙滿行裝。西風寒颯颯。開樹晚蒼蒼。執手臨河堤。河水流洋洋。三載擬重來。桂子應倍香。高枝縱攀折。厲斧當吳剛。

與西隣梁客部話別

松菊堂集

卷二

十一

君家南海濱。我家東海濱。神交意久傾。一見欣解頤。晤會良有緣。頃蓋成故知。君詩我頻和。我觴君不辭。聯裙坐芳樹。清晝聽黃鸝。與君隔旬餘。聞君卜歸期。旅況多所違。矧乃添離思。輪轅倏已駕。僕夫候路岐。王事詎可緩。揚揚迅征旗。丈夫志四方。不效兒女悲。

武林水亭送翁中丞巡撫山東得水上游

風中雲六韻

與君雙蓬髮。把手臨流水。水流汨汨東。君棹行

西指東西不相顧。默默情無已。持此一寸誠。再拜以贈子。

右水字韻

我有一樽酒。況值新月上。坐語卒未終。棹聲發繁響。人對酒徘徊。月照杯蒼莽。雖無兒女情。歌音不慨慷。

右上字韻

白馬不受秣。腰下懸青萍。萬里一以瞬。壯志何英英。意氣苟所詣。四海皆弟兄。王事信靡盬。烽息不言兵。

松菊堂集

卷二

十一

右萍字韻

行人畏岑寂。高秋淒以風。迴首迷雲樹。悵惘兩地同。秋雲何太薄。林樹凋芳華。景物換新序。感歎心忡忡。

右風字韻

孤燈明耿耿。照我虛牖中。起聽四壁間。唧唧鳴悲虫。音問日以疎。會晤何當窮。徒令抱關吏。待此識終童。

右中字韻

贈言不終竟。山雨先出雲。雲密不為雨。言苦無
深文。暴帆亂涇渭。清濁何由分。去去勿復道。聞
聞以待君。

右雲字韻

彩鳳篇贈郭青螺大叅

有鳥銜靈文。翩翩五色多。朝陽主梧桐。安棲托
崇柯。好文應明主。阿閣遙來儀。一鳴叶清廟。再
鳴諧咸池。響振扶桑野。寥寥誰復和。週迴不妄
食。翔翔戾天遠。嗟嗟黃鵠志。徒令燕雀猜。

松菊堂集

卷二

十三

讀郭大叅粵蜀草

讀書負五車。結交環四海。白頭遇高賢。襟期獨
爽邁。異材產豫章。殊芬嗅蘭蕙。咬啗散珠玉。龍
蛇競毫彩。粵蜀縱雅遊。聯篇采文采。燕王築崇
臺。市駿師郭隗。黃金重聲價。千古何磊磊。不朽
經世業。雄文耀千載。

贈姜同卿

在昔行逸民。往往丘園竟。羨君簪組流。遺却功

名累。珍玩惟琴書。土苴等金穀。焚香誦黃庭。對

客談玄理。手持玉麈尾。數畫佳山水。未老即辭
榮。急流猛知止。不知辱與榮。安辨非共是。心苟
遠塵囂。跡堪隱城市。今古孰可偕。商山友黃綺。

松菊堂集

卷二

十四

端峰先生松菊堂集卷之二

東坡先生著

七言古詩三十首

湖上行

正月廿五日呂師相招遊衆樂園適莫山

人至入暮歸玉蘭堂觀燈

中秋吟

將進酒

神交曲

松菊堂集 卷三

同友人汎舟江上訪桃花

葉處士夫婦六十歲初度

月夜飲黃刺史宅

集宋觀察西清軒月下聞歌

題諸廣文竹林伴閒亭

惜花歌

題鸞鶴壽圖

鳳竹美人詩

胡不歸

芙蓉詞

中秋無月與胡六海酌

贈陳邑侯

懶樵行

秋江曲

題漁家傲圖

舟中夜宴

送張山人遊吳門

而後庭花飄落喜棠棣盛開呈鴻臚兄

松菊堂集 卷三

題陶穀學士掃雪烹茶圖

題桃花源圖

少松歌為文宗滕憲副題號

送胡明府

覬旋歌贈吳尉

送黃明府之息縣

暑夜歌

七言古詩

湖上行

朝來湖上山。暮涉湖中水。兩隔不一。及行若
千里。千里行行頃刻間。迢迢曲阜多躋攀。奔走
風塵亦如是。就遊不倦那思還。世人橫目幾知
足。肯向湖中結茅屋。買犢春耕數畝田。胡用餘
貲萬鍾粟。粟多不散怨亦多。富者其奈貧者何。
眼前青塚半豪傑。門近湖山曾幾過。黃鶯只解
啼新柳。不到尊前一勸酒。酒行席地自為歌。四
座紛然齊拍手。齊拍手。且成歡。坡環翠竹如琅
玕。從今祇向湖山醉。不教老大拘儒冠。落落日

松菊堂集

卷三

三

峰又含日。倦飛鳥亦嫌輕出。試問東山宰相心。
何如內史臨川筆。東風遲日費吟哦。獨有風流
晉永和。茂林修竹尚不改。流水殘陽生白波。

正月廿五日呂師相招遊衆樂園適莫山

人至入暮歸玉蘭堂觀燈

載酒尋幽衆樂園。追隨元老登東軒。登軒詞客
索倡韻。元老俄成詩五言。忽有山人自西至。乃
是吳門之高士。高士初聞元老詩。鼓掌掀髯且
心醉。半半新草春正芳。紅梅白梅繞清香。池上

赤魚徑寸大。峰頭削石千尺長。上小山。兮坐幽
閣。方欲舉杯日將落。群公爭和相公詩。吟向歸
舟又重酌。歸舟初到城之西。美人適來歌新詞。
艤舟復至相公府。玉蘭堂上燈猶奇。元夕距今
僅十日。六街燈火已寂寂。相府輝光自不同。夜
夜酣歌似元夕。水晶簇就百花毬。燁燁光生五
色浮。筵前諸客量如海。美人勸酒歌不休。良宵
嘉會豈易得。但願年年陪綺席。讌遊何必說平
泉。相公行樂人中仙。

松菊堂集

卷三

四

中秋吟 甲寅舊稿

誰將銀鏡天上布。遠天疾走走不駐。瞻睨九州
織烟霧。亂點雲破逗飛雨。終宵搗藥憐玉兔。嫦
娥脉脉愁無訴。綠衣少年不相顧。無語孤看暮
復暮。珠宮蓋殿瓊瑤圃。霞屏霧帳芙蓉鋪。天香
馥郁紛無數。鴛鴦夜冷金風度。少年素鮮嫦娥
慕。仰首諸天問雲路。扶搖直上廣寒步。龍巾在
再沾紅露。嫦娥莫為相思苦。

將進酒

王案雕林刺繡茵。宜城酒多光照春。坐列東華之仙子。歌有南國之美人。盛時徂流若川水。榮貴長存竟誰是。魏帝臺中碧瓦空。梁王苑內黃塵起。世人傾奪首未迴。可憐不飲冢累累。

神交曲有序

呂子新昌人。今少傳南渠相公宗弟也。詞明雲錦筆掃霜毛。縱高情于詩酒。宛如五柳先生。寄雅興于烟霞。恰似四明狂客。日來背錦囊涉蕙水。造相公之家。

松菊堂集

卷三

五

而見訪焉。時相公偕我酌酒於盧進士家。具揚呂子之芳聲。爰是孫生之夙企。明日相顧花前。各傾心曲。憐君多藝徒。閒渭水之濱。嗟我高才。空餐蘇門之嘯。呼酒醉春。賞花作賦。予吟下里之詞。追述神交之意。相別有期。歌以為送。聊做古人贈言云耳。

昨日行春南陌賒。相公携我酌盧家。陌頭光景異城市。梅花落盡開桃花。古來只說盧家茶。曉

瑯琊光酒亦嘉歌。筵縱飲日未竟。相公忽動歸家興。云有宗氏新昌來。光升為名呂為姓。噫嘻。呂子人中豪。為文最古詩最騷。相公問我何以識。乃是孫生廿載之神交。明日花前偶相顧。一尺麻冠衣縞素。知君懷我亦廿年。傾蓋褰裾即如故。見君還憶山陰陳。隱居自號海樵人。吐詞鏘鏘氣磊磊。騷壇餘響安足倫。生平只讓呂仲子。欲我一會而無因。今日會君陳已死。賸有詩篇付銀梓。謾道相逢思故人。人生難遇是知己。

松菊堂集

卷三

六

與君且盡花前觴。玉蘭開向玉蘭堂。此花素質似仲子。艷無桃李多清香。莫對群公悵時事。李杜當年未登第。君家吟思追開元。身後名傳亦如是。馬卿漢代擅文章。以贊曾為著作郎。愧我才華不堪擬。郎官強就空遑遑。塵世功名身外物。高隱名垂心亦足。尋遊五岳惟向平。掛冠千載稱梅福。世情好問看花人。金谷芳郊一樣春。所慮明朝又相別。眼底榮枯都莫說。

同友人汎舟江上訪桃花

雲影斜浮倦鳥還晴曛麗入江南山南山翠
松杉色山開茅屋門常關綠屋宿露濕三層
迥道人盡公子芳草萋萋春未殘隱隱疎香雜
蘭芷半春今日始登臺梨花細落桃花開二毛
侵鬢已非昔尋春雅興何曾灰僮携瓦甕隨先
後逢場卽倒酒逍遙長日儘足遊寧須大
耋方鼓缶請君放歌我和之和來慷慨還復悲
東皇不待去何速眼前有景堪銜卮雨歇蛙鳴
魚戲浪崖懸樹密藤蘿垂地古年深人不識尋

松菊堂集

卷三

七

幽載酒更復誰溪流夾岸水痕拍莓苔繡遍溪
邊石纖棹花前擊鼓催深紅搖漾杯中碧春光
百和花氣薰繞塘鳬鶯飛成羣漁歌歎乃日欲
曛短簫橫笛聲紛紛罇壺欲竭君莫問高陽有
市沽還近世事蹉跎不稱懷百錢拄杖休言新
歸來明月臨江干折得桃花帶月看晚節更於
春事好尋幽莫怯春來寒

葉處士夫婦六十歲初度

新和四月開薔薇君家小圃生芳菲經檐燕子

兩兩語繞庭蛺蝶雙雙飛香爐茶鼎供清晝
來培得芝蘭茂襲有南風入座香一齋容膝
何陋夫君讀易婦劈薪黃昏影對開燈花菜羹
糲飯差足飽登琴交鼓宜其家今年夫婦偕六
十白首相看世稀匹功名莫道誤青衿旦得榮
華幕旋失幾人富貴老故鄉幾人百歲同糟糠
金釵十二羅華屋爭妍妬寵成參商張筵燒燭
照華玉高堂兒女斑斕祝庭闈懽笑勝笙歌一
味清貧萬般足君不見楚國高士有老萊耕桑
跡溪谷深今古流傳說萊婦

松菊堂集

卷三

八

月夜飲黃刺史宅

門前曲港江湖迴小波驚雨搖新雷虛階點點
盈蒼苔吟扉半掩良獨裁春懷種種宵次堆曉
聽鳥鵲鳴庭槐社中有約頻相催東風忽忽吹
九垓青天若洗浮雲開山頭華月凌空來團團
直欲臨三台清光萬里侵樓臺瓊筵碧影流

杯對景揮毫倚馬才暢然長賦皆美哉
訴怨更哀江城樹樹盡落梅座客聞之皆徘徊
舉杯邀月月暎醅狂呼大醉玉山頽漏殘歸騎
紛江隈明朝又聲誰家壘

集宋觀察西清軒月下聞歌

晴空寒透仙人羅瑤階瓊宇碧玉坡翠盤敲落
梨花珂參差素影搖銀河坐間仙人稱詩魔
紅掩霧掀長波連宵吟興構思多眼前詩景奈
我何濡墨走筆迅若梭胸中貯有錦繡窩青衣

松菊堂集

卷三

九

階下舞婆娑霓裳一曲還高歌聲飄空外疑姮
娥深深勸進杯中醪何妨酣飲顏微酡醉來忽
聽誰吟哦首筵二老雙鬢皓貌骨清癯冠嵯峨
情投攜手相逶迤欲別未別倚雲和俄然擊鼓
又擊鐺出門一望若碧波仙人歸去呼馬馱

題諸廣文竹林偕閒亭

城居隔水如隔雲隣家鷄犬遙相聞芳塘半畝
泉橫出橋邊野色春平分朝來落花渾不掃曲
徑人稀只荒草客至乍驚林影移坐久方知鳥

聲如繞簾新行長琅玕開軒日日報平安泮池
日出清陰覆草間雲深夜暎寒君家素抱幽栖
志閒踞鱸堂稱隱吏聞寂堪同楊子廬載酒何
人來問字有時林外過青衿徐聞點瑟與西琴
青衿別去日欽午階除款步惟孤吟吟成詩句
無人和借得餘閒枕書卧起看星宿逗疎櫺井
欄螢火飛無數瀟瀟明月捲簷前遐想風流晉
七賢叢竹鳳栖旋振翮留將林影空悠然

惜花歌

松菊堂集

卷三

十

惜花不是愛花嬌賴得花開伴寂寥瓦盆小樹
枝枝好金谷微風朵朵飄欲折花枝插蓮首心
恐花傷復停手每來花下每題詩不到花前不
進酒看花怕盡一年春春今未盡已愁人纔留
片萼依前砌忽落千英過別隣懊惱園中妬花
女畫簷不禁狂風雨嫩瓣殘香一夜空蜂愁蝶
怨鶯無語縱有星星點舞衣拾來已覺損光輝
只應獨背東窓卧夢裏相隨高下飛

題鸞鶴壽圖

藝實流光貫牛渚。秋到人間八月暑。桃花結果
摘纍纍。青髮幾迴見如許。青鶴飛來向人立。舒
展兩翼車輪巨。如澠瓊液金疊傾。赤龍盤臺出
肥炬。綠雲為服紫雲冠。織就天孫巧機杼。歌管
流空墮玉蟾。妙舞當筵繡十旅。手栽庭樹轉瓏
枝。管領榮華照堦礎。但知日夜變桑田。混沌流
年忘次敘。遙看瑞靄連明霞。碧霄青鳥啣天語。

鳳竹美人詩

嬌春紅漬花心暖。半折柔枝力猶緩。芳閨常誦

松菊堂集

卷三

十一

怨春詩。零落明朝春不管。艷陽何事太輕狂。東
風荏苒催流光。霓裳羽衣總虛幻。翠鈿寶靨空
成妝。看花更厭繁英簇。不若移花還種竹。千雲
蔽日翠色凝。天上應來丹鳳宿。

胡不歸

南山山下田疇肥。村僮把鋤庄僕機。禾黍登場
足療饑。吁嗟遊子胡不歸。數椽臨水青山依。蒼
松壓簷竹映扉。寒威深閉暑氣微。吁嗟遊子胡
不歸。鬱森牆下桑數圍。木綿纍纍芋葛蕨。織來

細密堪裁衣。吁嗟遊子胡不歸。薔薇徑裏環紫
帷。新草池塘青韭菲。東籬黃菊秋色輝。吁嗟遊
子胡不歸。山摘楊梅園藤蕨。白魚紫蟹供釣磯。
旋開醇釀香醅醅。吁嗟遊子胡不歸。親友情話
意不違。林間棋罷忽落暉。清風披襟日入闥。吁
嗟遊子胡不歸。深山有虎熊牧稀。平地陷穽蔽
危機。談笑相對展面非。吁嗟遊子胡不歸。春葩
朝妍夕已飛。曉霜易消露易稀。百年寄跡迅若
飛。吁嗟遊子胡不歸。

松菊堂集

卷三

十一

芙蓉詞

羅敷手中線。出是蚕口絲。辛勤歷旦暮。綉出芙
蓉枝。芙蓉枝頭花幾朵。日暝停針愁殺我。待看
瑤砌月圓時。金鴨香沉玉釵墮。豈堪夫婿未歸
來。江上芙蓉仍好開。幽思忽驚霄漢外。嘹唳孤
鴻為誰哀。

中秋無月與胡六海酌

莊開村落同紫桑。秋來碧澗流清光。今夕何夕
天欲雨。一輪明月片雲裏。雲裏高枝百尺長。

風微送木犀香朝見花開暮還落好在枝頭竟
誰托清香偏製青樓人鏡裏紅顏不久新昨夜
晴光映樓閣今夜淒涼已非昨人生倏忽還若
斯迷却風塵不知故人何處歸千里忽謾相
逢一倒屣裁冠短褐說江湖牀頭有酒不須沽
艷女嬌喉歌不歇翩翩舞袖枝殊絕縱令無月
亦傾杯拚盡花間醉一迴數載與君江海別忽
覺星霜上毛髮人生歡飲能幾番酒逢知己花
復蕃記得少年負意氣抱玉吳門悲下第只今

松菊堂集

卷三

七

花下見嬋娟何必天上光圓圓

贈陳邑侯

彩鳳何翩翩鼓翼摩青天一出昭聖瑞高鳴紅
日邊紅日閃閃耀天闕杏花枝上春風發玉京
五城十二樓紫極祥光天地揭仙郎閬地看花
來文采聯翩靈鳳胎菁華振藻千篇就意氣凌
霄萬仞開金鷄寶馬長安走劍倚雙龍貫星斗
風流曠與古人儔聲名遠播時髦口紅塵撲面
映京華東海前來訪若耶若耶溪上開紅菡萏

映東山飛紫霞東山遙峙曹娥水一派東流蕙
江裏蕙江虞舜稱舊墟喜得管仲歌樂只樂只
君子民胥安兒不啼饑妻不寒月照訟庭光皎
皎霜飛四境政群姦垂簾長日餘清暇聳肩高
詠圖山下琴鳴堂上薰風來鶴馴庭外觀書罷
才華彪炳光陸離微得文星到棘園電徹衡懸
收雋彥公門桃李交爭輝祥光燁燁雲霄出星
耀三台射天碧搏風會奮海上鵬指日應飛雲
外烏鳥臺青瑣席還虛羨得仙郎播令譽棠樹

松菊堂集

卷三

古

桃花開不盡縣中佇擬降天書

懶樵行

朝亦不採薪暮亦不採薪手把書卷看鳥馴科
頭赤脚不避人見人長揖無他語但稱家藏酒
最醇山堂几席列整整盤中惟有莧與蓴狂歌
更倩旁人和大叫豈怕鄰翁噴谿田不多只種
秫雨後倦出鋤荆榛山花野草插滿笠老大撿
得兒童親王質戀棋亦不顧一局倏忽三百春
懶何仙子久羽化只今都說懶樵人

秋江曲

芙蓉江上初破紅孤舟蕩漾西南風羅裾曳水
態輕碧驚起沙頭雙鷗鵲昨日看花花輝輝今
朝枝上顏色稀總令好花不結子空添清霜獨
臨水滄江日暮生嫩寒片片浮雲飛過灘回頭
女伴各忘語汨濕青衿恨無主

題漁家微圖

江上森森新水平浪花款款隨風生雲天一碧
淨如洗萬里皎然孤月明翠屏黛障俯江潄白

松菊堂集

卷三

七

石蒼烟隔秋浦山頭孤木高十尋茆屋數楹結
西園漁家作夥泊幾舟一聲低唱驚沙鷗漁婦
葦綸子擊火漁翁睡起蘆荻洲賣魚買米還買
酒落盡芙蓉覓湖藕浮雲江海足生涯醉睨乾
坤小如斗披圖何必傲漁家五柳主人髯未華
田園日涉已成趣種得籬邊多菊花不惜黃金
散歌舞紅藥開前語鸚鵡蓬門時有故人来吟
向東臯列尊俎老妻弱女到江干稚子臨流弄
釣竿釣得黃魚盈尺許烹鮮進酒時為歡禁苑

當年侍 天子紫陌紅塵走燕市多少公卿
白頭辭粟歸來覺今是

舟中夜安

寶釵橫髻雙螭鯉紅墜山頭鳴鳳凰紫薇仙史
綉衣客同汎樓船夜未央紛紛歌舞興無節眉
歛湘烟袖迴雪得意牽情四座同莫把琵琶唱
離別唇起櫻桃聲轉嬌流雲響道隨風飄翠裾
拂席寒光動倦倚牙床酒力銷推蓬仰天待新
月微雨濛濛過南陌舉杯邀月月初懸半吐冰
輪破雲碧岸花凋盡空曲塘風來何處聞幽芳
江上紅梅一枝綻石鉗斜插臘脂香玉漏丁東
侵錦瑟獸炭金鑪火初出含羞不惜破朱顏駕
蒸昨夜新成足蕭郎邂逅即同心恩愛燈前海
樣深此意欲傳傳不得題將桐葉挑琴心

送張山人遊吳門

康莊七十江湖豪賦詩飲酒平生高扁舟西向
吳中去秋風不畏錢塘潮綈袍何處結知己丈
夫意氣每如此黃金揮盡少年場夷門白首老

松菊堂集

卷三

七

公子

雨後庭花飄落喜棠樹試開呈鴻臚兄

對酒問花朝誰非賞花客柳舞東江桃花偏

南陌登臺一望日未西鳳凰山下竹綠蹊鳳凰

不至竹空碧只聽茆屋群鳩啼夜來風雨曉忽

露落花片片迷芳砌何處幽花滯雨香樓前綽

約開棠棣棠棣花多不避風輕條偏反爭新紅

相輝華萼春藹藹葉密枝連氣亦同

題陶穀學士掃雪烹茶圖

松菊堂集

卷三

七

江南歸來絃韻歇流轉風光上華髮雪堆簷際

夜三更香送寒梅半窓月何處煨紅錦帳圍青

酒金壘傾不竭獨令瀟灑玉堂仙坐對寒庭興

空發掃將積雪旋烹茶纖手擎來香醇醇一般

清味少人知滌盡詩腸思飛越

題桃花源圖

桃花開盡始知春源上人家久避秦雞犬相聞

在何許艤棹溪邊一問津萬綠枝頭煙霧歇夜

半高林挂殘月竹籬茆屋自村村怡然來往語

黃髮相逢何必問漁翁只在乾坤一柳中飯有

胡麻非辟穀洞門惟與白雲通桃花結子大於

斗吹桃顏色猶酣酒春夏秋冬任變遷漢劉魏

晉如無有

少松歌為文宗滕憲副題號

武夷崔嵬幾萬丈仰首視之在天上上有喬松

歷歲寒根蟠屈曲依青嶂輪菌逼側類虬形礪

砢宛轉同螭狀巍枝聳絕不可攀團團密葉團

重擎長風作濤滾滾逝清露若雨離離搏雲霞

松菊堂集

卷三

大

聚散晝屯色山頭月上搖空碧貞心常保永不

凋只共蒼烟與白石華池擢秀鬱森森梢礙長

天孤幹直復生葱蒨良亦奇翠蓋亭亭霜不欺

產就茯苓大如斗化作蒼龍霖雨施翩翩鶴鶴

巢枝樹虎豹深藏起烟霧玄猿潛踪春復秋斑

鹿栖真朝且暮文宗大夫稱少松一片貞心亦

自同勁節高操棟梁器大厦支持造化天遣

巨材庇吳越千山萬樹生光風

送胡明府

江城桃李滋新雨，枝繞黃鸝似呼侶。殷勤江上送君侯，君侯戀戀栽花處。花樹芬芳棠樹叢，津亭握手臨東風。寸心千古斷金石，戀君情與君相同。祖席爭羅日，將酒詩在吟囊杯。在手誰道西行無故人，青瑣班聯饒密友。天門路邈更何期，名世經綸結主知。珮聲花外雍容集，侍從螭頭出每遲。主逢堯舜垂衣坐，蕭韶鸞鳳雲端和。聖朝無闕不須補，嘉猷披瀝寰區播。昂昂壯志許生平，翹首青天白日明。夢裡常懷稷與契，豈

松菊堂集

卷三

九

乾溫飽圖榮名，期君勲業明時起。不用悲酸昵兒女，何時驥尾更從君。應在龍樓鳳池裏。

凱旋歌贈吳尉

獵獵腥風涸吳越，么麼隊隊多驍烈。腰間霜刃血淋漓，八尺長弓勁如鐵。賊巢竊據東溟隈，乘風島嶼樓船開。登岸殺人，不匝眼。黎民逃竄堪悲哀。天王墨詔寄名將，西趾貔貅半南向。干戈劍戟似雲屯，到處官兵困供餉。旗鼓前茅輒逗留，寇勢益熾民益愁。由來兵法無成算，力

何如能還謀。天生吳尉人中英，慨然自任能專征。手持雙斧若飛電，胸藏十萬皆精兵。越中形勝真天設，曲曲河梁成穿穴。變幻開闔有神機，地險人謀稱兩絕。前年殺賊江水紅，去年五度膺奇功。即今鋒鏑逼城郭，終霄策馬驅西東。晚來忽報捷音至，賊酋已成破竹勢。閭閻拭目望旋師，奏凱欣看擁如市。中丞飛檄慰明君，褒勞進秩酬殊勛。安得材官盡吳尉，南夷北虜咸消魂。

松菊堂集

卷三

三

送黃明府之息縣

都城一夜榴花雨，枝畔黃鸝似呼侶。殷勤客裏送行人，番憶故人相送處。送我城西月色新，韶華轉眼忽經春。我來都城重會面，燈殘漏盡疑前身。即今天子棟良牧，符剖君侯去何速。去向中州千里餘，五十五度環星宿。宣尼自昔笑牛刀，借君鴻略展毫毛。絃歌百里遙相合，琴堂聲動秋風高。

署夜歌

今年六月暑如鑊蒸人午睡何曾著向暮微風
若解圍拏舟乃作良宵約弟兄叔姪意頗同携
尊次第欣相從得魚入饌有佳味况逢明月當
長空八日始汎東河渚新水平坡縱一葦吳奴
伐鼓驚蛟龍有客談禪泣神鬼十日復汎河之
西高歌赤脚登湖堤歸舟夜半月欲落傳杯分
韻爭聯詩望日忽赴隣家飲爛醉扶歸漫歌枕
醒來起看玉繩低應水歌聲誰未寢人言仲兄
來屢呼同遊仍是高陽徒咲我昏昏拂然去扳
松菊堂集 卷三 主

酬劇飲皆模糊莫訝疎狂昨日醉聞道群公亦
狼狽倒泥恠語妻孥嗔輸我恬然北窓睡

瑞峰先生松菊堂集卷之三

瑞峰先生松菊堂集卷之四

東越孫鑒著

七言古詩二十三首

題許由棄瓢圖

寒風曲

董山人鐫一印篆曰身羈廊廟夢繞江湖

爰憶家園之樂感而有作

盤龍山金襲堂叢桂行

江上吟

松菊堂集 卷四

樓桂篇

為谷道人歌贈韓明府

莫公遠貧居吳門張冢宰給餉樓靈隱禪

房寄此兼柬馮方伯

湖堤觀菊逢高鴻臚提黃二孝廉分韻得

落字

送四明龍郡丞擢南都民部

胡僉事自天台遷豫章憲副過武林遊西

湖經月詩以為別

呂內史與余數十年石交值七十初度追

念疇昔詩以壽之

聞隱君靜齋吟

朱翁初度吟

帥膳部謫轉運過姚江訪五柳莊即有四

明之別

錢塘江上觀潮

為彭郡守題壽萱圖

觀風圖為劉侍御題

松菊堂集

卷四

二

新河行

牧仲子七袞款客筵中走筆為壽

花朝夜坐思內

盤龍山桂花再開追憶內子

周郡丞視篆姚江還天台賦別

七言古詩

題許由棄瓢圖

紫芝秀產春泥香箕山白日如年長許由避世
如避弋到眼風物皆荒涼山中別自有宇宙世

上任彼稱侯王鰲角蟠蟠各盤桓龍虎向後

奔忙干戈自不到林麓太空縹緲高鴻翔一丘

一壑一瓢飲飲罷挂瓢林樹旁瓢鳴風前亦聒

耳隻手拋擲隨滄浪清聲尚爾溷高致况肯與

世爭雌黃熙熙攘攘名利客可憐未老頭顱蒼

棄瓢孤潔同冰霜披圖千古清風長

寒風曲

寒風颼颼從北至鴻雁悲鳴偏入耳門前萬樹

葉盡脫一夜愁深四千里前日猶衣吳地羅今

松菊堂集

卷四

三

朝已披綾共綺人生百歲寒復暄綠鬢俄添白

幾縷誰人不願少年時誰人不慕金章子少年

幾得到白頭短褐安閑傲青紫寒風寒風可柰

何寒豈應知又逢暑

董山人鐫一印篆曰身羈廊廟夢繞江湖

爰憶家園之樂感而有作

兩年上苑羈萍跡謬列清時廊廟客一夜江湖

千里遊醒來惆悵家園隔家園桑柘葉欲齊新

草一尺迷河堤剪蔬呼酒團圓坐數聲饒舌黃

鶯啼湖光曳練山浮碧軒窓過涼初過青春
已過朱夏臨階下葵榴經眼未疑霜叢菊繞籬
芳綴紫鋪金秋吐香九畹蘭開更馥郁蘭堪
稱薜蘿裳簷花片片舞六出老梅瘦倚溪橋白
折得疎梅插滿頭白侵雙鬢歎巾幘韶光不待
疾如梭何事金臺戀玉珂朝罷歸來飯纔畢訟
庭擾擾人如羅簿書方展客忽至送客出門環
候吏開筒多是促詞章夜半篝燈猶未寐荆妻
抱病屢相嗔莫學當年獻賦人已知今夕燈前
味何不歸安三徑貧

松菊堂集

卷四

四

盤龍山金襲堂叢桂行 已丑中秋日作

山間卜築金襲堂前雙桂秋來芳稜層古幹
紅龍四橫結鬱鬱蒼蒼叢叢密葉望不極翳
翳清陰連四壁旁條迤邐屋角東盤踞者逃斧
斤厄廣寒有客名吳剛踰蹊直上斫天香天香
月中三萬丈高枝秀出隨風揚不是高枝眇難
伐畱取清標和露發金粟垂垂秋復秋况值花
開趣明月明月懸枝照葉青暮烟晴色含清靈

孤根屈曲繞庭砌落英鋪地如流螢高朋列席
坐其下疑雲蔽日疑大厦忽然巖谷度清風細
細黃金手盈把蜀相古栢芳未如將軍大樹今
成虛逶迤石路迎莎草路旁過客多停車舊時
植桂人何在田與山翁經十載滋培仙品若瑤
華祗許姮娥天上採粵昔燕山說賓家繞庭丹
桂五株葩何如雙榦盤龍塢參天氣勢還堪誇
誰比昆岡之片玉玉屑紛紛還馥馥花中題品
第一流不是仙郎寧矚目貧家無爨貴於薪豪
家醕美釀來醇綺席清香浮大白不用柴桑漉
葛巾山翁屈指追疇昔策馬長安通桂籍侍從
君王遊上林過眼繁英成太息歸田荏苒二十
秋清江薜荔採扁舟到處尋花欲忘倦強壯投
簪忽白頭晚悟禪宗皈淨域身坐蒲團心默默
菩提有樹結三花萬劫皆空空是色噫嘻一咲
復噫嘻好把閒愁付不知年年老桂新枝發對
酒看花須及時

松菊堂集

卷四

五

江上吟

君不見梁王陂池瀉海水輦道崎嶇三百里又
不見隋堤楊柳簇烟市繡纜舳舻閩羅綺石家
金谷饒名花錦帳週迴護紅紫當時歌管殢沉
酣芳草王孫踏珠履雁渚鳬洲更安在奄忽繁
華不相待寧如只尺有青山蘭蕙江邊香可佩
暮春誰作童冠遊遲日和風良足愛我亦呼友
攜兒孫剪蔬攀筍烹鷄豚無須策杖躋石磴沿
蔓垂蘿手自捫少小成行隨白首驚舞鶯歌如
勸酒梁苑隋堤總夢談金谷奢豪復何有人間

松菊堂集

卷四

六

萬事皆虛無莫信神仙擁藥爐永和脩楔聞今
昔彭澤歸來興不孤孫登千載還同調登臺聊
發蘇門嘯江漢平分碧柳居野情不羨承明詔
鳥啼幽徑落花多韶光只恐常蹉跎丈夫不遇
即已矣胡用侯門彈鋏歌

樓桂篇

東園八月西風起木犀香徧東園裏只見花發
競朝陽那堪暮逐江流水朝陽暮水無休時年
年香綻月中枝廣寒仙境隔天上天上姮娥綵

結縞瓊珮珊珊玉為笏凌風擁霧綰明月霓旌
羽扇護星球鳳蓋鸞帷半開揭何意長空流素
雲忽晴復雨經秋分可憐桂子花無定歌罷餘
香襲舞裙小樓纔高二十尺日日凭樓坐幽寂
叢叢桂影拂朱甍摘花釀酒頻開席隣家二仲
皆白頭放懷縱飲多風流烏角綸巾鐵如意談
空放浪歌相酬秋容漠漠看不極綺筵高映蒼
山色生平氣節懶折腰歸向田園侶泉石木犀
落盡芙蓉開抱琴携酒明日來總令花謝人猶

松菊堂集

卷四

七

在山川相對堪銜杯

為谷道人歌贈韓明府

山中抱病一月多城東春事今如何庭除草長
欲盈尺不是相知不數過夜來忽夢龍山阿山
下流泉滙碧波照見雙髻滿塵色長安走馬隨
鳴珂醒來故人携尊酒列之草堂話良久話久
停杯共手談一着蹉跎皆掣肘可憐世事若圍
棋處處相逢俱敵手縱令勲業銘旂常疇昔英
雄今在否還應林下守素麻抱甕日涉園中花

中種花無種瓜芋粟壘壘蔬蔬江山秀色

門外賒朝携短屐暮汎艤長官不噴吏不譁何
須夜夜封公衙韓君解組十年許千仞雲霄翔
鳳翥平生獨抱經濟才為耻折腰賦歸去萬鍾
五鼎不足誇只應社飲供鷄黍紛紛豺虎列滿
前九曲羊腸路險阻道人意氣何忡忡肯將世
故營胸中塞馬得失不足計蕉鹿夢醒皆成空
榮枯滿眼聲聒耳一任世俗呼育聾花開花落
旦暮改捧腹一咲臨東風姑蘇臺傾文種殪烏
松菊堂集 卷四 八

江劍別淮陰繫何如湖海汎扁舟遊共赤松堪
避世歷說六國終何為金印已佩貂裘散天涯
鹿鹿走功名名赫功高衆所忌似君寄傲塵世
稀林泉許我常相依君家屋後青山近春到青
山多蕨薇門前即是蕙江水江上鯉魚三尺肥
採得山薇烹江鯉明月空庭照酒卮為谿為谷
人莫嗤雄雌榮辱君自知却咲東山折屐屐
負當前駒過隙嗟嗟道人性何僻身外一
太息

莫公遠貧居吳門張冢宰給餉栖靈隱禪

房寄此無東馮方伯

吳門老叟誰識爾結交中原有七子七子憐才
多不存惟有明卿與元美明卿謝組家洞庭元
美司寇官秣陵途窮老叟何所仗罌中玉粒無
半升一子僅知覓梨栗向平婚嫁猶未畢蕭條
白首七十踰况值年荒更多疾老驥伏櫪思孫
陽綈袍百結悲空囊青眼憐才逢太宰移將書
劍栖禪房虎溪溪上廬山下晉時惠遠開蓮社
松菊堂集 卷四 九

獨許淵明飲酒來攢眉半醉投蘭若西湖秋色
勝虎溪青山倒挿芙蓉堤扶筇披衲步芒履忽
聞鐘磬鳴闍黎山人感慨追疇昔十五年前遊
采石分俸何當戀戀情至今猶念馮方伯

湖堤觀菊逢高鴻臚揚黃二孝廉分韻得

落字

臨安城西水初涸林葉經寒任飄泊兩峰來改
削芙蓉栢翠松蒼渾似昨風翻細浪動魚鱗日
暈空山啼鳥雀含霜紅樹弄晴光十月黃花徧

籬落木蘭遙破鏡中天旋艤堤邊酒頻酌醉餘
岸幘堤上行出沒烟霞繞巖壑故人睽別忽相
逢指點奚囊問新作經眼青青多藻蘋入耳悠
悠鳴管篇尊前盡是騷壇雄閨韻賡酬如有約

送四明龍郡丞擢南都民部龍君武陵人

武陵源上桃花遠花枝萬樹春風嫋洞裏旋開
別有天日月長明烟霧杳地古山深隔世塵鍾
靈毓秀生聞人蒼茫晝起風雲色龍蟄淵深如
有神神龍變化為霖雨匡濟蒼生翊明主獨

松菊堂集

卷四

十

持三尺理中都復佐明州稱召父明州咫尺臨
滄溟溟波蕩漾拍堤平使君澤比波濤潤更復
泠然徹底清循聲藉藉播寰宇捧檄金陵蒞民
部金陵自古帝王都生平抱負從今吐縹緲
三山十二樓燕子磯連白鷺洲鳳凰臺上誰賡
和青蓮今古神同遊湖海高蹤丈夫志歷徧名
山屐雙敝官貧無可典鸛鷀朱雀橋邊酒堪賁
胡僉事自天台遷豫章憲副過武林遊西

湖經月詩以為別

天台鴈宕連赤霄觀風使者馳星輶層崖絕巘
恣雙屐等閒復渡錢塘潮公餘即汎西湖棹蘇
柳堤邊坐殘照兩峰南北暎蓬窓倏忽三潭月
痕到玉泉古剎鳴疎鐘石屋烟霞隔幾重巉崑
路入三天竺蒼翠陰連九里松初陽臺曼俯龍
井斷橋雪霽泉聲冷虎跑直帶獅子岡白晝風
篁逗疎影葛洪丹竈碧草生星落真珠萬壑鳴
呼猿洞口神仙跡放鶴亭前處士名使君登臨
經月許却與湖山夙相處天台鴈宕亦二年安

松菊堂集

卷四

十一

得悠悠一灣水留連不忍別西湖携得清光入
畫圖吳臺指日虛開府魚鳥湖山望不孤

呂內史與余數十年石交值七十初度追

念疇昔歌以壽之

憶昔青衿年少時與君結交深相知城村遙隔
數過訪投轄傾罇君不辭君家猶子字調甫侍
席譚玄競揮麈榻下南州高館開棋局東山慣
賭墅未幾偕君業辟雍我師祭酒君伯兄鴻文
碩望簡當宁金甌枚卜司台衡疎才謬為師

相喜代草槐堂吾共爾餐飧笑語壯氣舒調甫
趨庭來 帝里誰言交誼重雷陳爾我金蘭誼
更真君向紫薇官內史還同調甫掌絲綸我官
供奉直禁苑旦暮都門隨二阮師相忽爾遭內
難君歸舜水辭龍衮靈緒山頭望 紫宸彤雲
深處每馳神遣懷詩酒頻開社圃有奇花水有
蓴白蓮池上遠公邈遐傲香山集九老泉石逍
遙春復秋惟我三人髮未皓綢繆遞飲日日酣
清歌妙舞憑何戲巾車短棹任所適經丘尋壑

松菊堂集

卷四

十三

多奇探十載從遊驩莫計我復趨朝侍 天帝
迴思師友蕙江南杖履安能共流憩肯因五斗
殲京都奉使歸來泛五湖茂陵托疾辭簪組雅
抱林泉興不孤小築茆亭遍栽柳柳繫扁舟過
舊友來往雙城二十年秋月春花共携酒九老
五人歸荒丘主盟師相亦仙遊東郭盧翁逾八
袞隣居只尺同優游調甫今年六十四我齒大
馬長其二秋半逢君七十齡玳瑁張筵拔客醉
鳳毛遶膝將高騫庭前玉樹孫枝繁更喜齊眉

追憶昨重慶遠皆瑱璠千頃腴田瞰江水
棟叅雲宮室美回首耆英會裏人多少青雲繫
金紱惟我三人列署郎駕班聯珮近 君王未
老懸車偶相似悠然日月壺中長有山足樵田
足食庭產芝蘭無枳棘人間清福享百年客星
隱隱連南極

聞隱君靜齋吟

白雲慣宿茆檐裏日射東牕睡纔起厭聞城市
聲喧喧獨坐忘言數叩齒悠然四壁懸圖書只

松菊堂集

卷四

十三

尺室庭草不除衙門閒寂若太古客少逢迎常
晏如開扉西望龍山樹疊翠含青耐久雨盆池
蓄有金鯽魚驛子春分出無數看魚噴水吞芹
芽不用濠梁興自賒呼兒籬下剪薇蕨日午偕
婦餐胡麻移得新花栽小圃抱甕灌畦手鋤土
拋將世事付流泉泉流曲曲歸南浦采藥當年
逢華佗秘方傳得囊中多珍囊施藥遍城市向
人口誦衛生歌一咲紅顏欲忘老何必飛升慕
蓬島行隨鹿豕任逍遙機忘鷗鳥除煩惱知君

家醪有糟丘醉眠花底華胥遊乾坤浩蕩堪
拙碌碌風塵空白頭

朱翁初度吟

獨不見君家孝友耽隱栖赤烏白雀枝頭啼又
不見君家博學呼萬卷一月春風坐司諫吟有
清都山水郎掃徧梅花醉洛陽煥章待制老雲
谷百代儒宗拜徽巨右族相傳是渥洼龍駒千
里君足誇珠璣萬斛胸中富筆端搖處春生花
少年負笈遊芹水意氣憑陵眇多士名姓褒然

松菊堂集

卷四

十四

動一時翩翩擬向秋風起誰當馳驟爭為雄長
鳴振鬣冀北空星霜侵髮尚伏櫪數椽茅屋居
城東屋傍叢林枕江滸引流日涉同老圃襟襟
遠與世情違傲殺長安紫簪組江邊舉網足魚
蝦杖有餘錢付酒家扁舟鼓枻任西望鷗狎滄
浪鷺立沙浦口岡懸鳳宿西望龍山挂飛瀑
白緒峰連彷彿聞翠微深處琅玕竹雲外雙城
雉蝶開潮痕直向海門來耽遊不倦中流興月
挂帆檣棹未迴桑柘悠悠堪卒歲有田足耕酒

足醉仰天長嘯老紅顏百年無恙稱人瑞

帥膳部謫轉運過姚江訪五柳莊即有四

明之別

綠遍春江春草生平江新水抱東城桃開津上
無人問門掩垂蘿曙色明曙色鮮鮮暎谿谷幾
隊遊魚萬竿竹野人閒步破莓苔頭戴箬冠薜
為服尋壑經丘曲逕通層樓峻閣水雲中山川
不政春常在片片花飛一澗紅潮落舟橫閑古
渡貼岬朝霞收薄霧蓬蒿不剪翳翳多皂蓋翻

松菊堂集

卷四

十五

翻過膳部堤邊魚鳥亦生歡縷縷垂楊繫紫鞍
侵人香氣來蘭芷談執青春白雪寒羨君意氣
凌霄漢咲向風塵雙眼看一曲瑤琴風月清孤
懸寶劍星辰燦為訪幽人蕙水濱流鶯啼倦怯
歸春與君辦取登山屐詩入青山酒入唇帆檣
東指四明去山水雄奇堪作賦騷壇赤幟獨論
君囊中貯有千篇富與君且盡斗十千况逢華
月浮前川功名顯晦不足較天上人間有謫仙
錢塘江上觀潮

天津杜宇悲啼血紫極宮中蝕太白千騎萬乘
瀟江來錢塘匯作侯王宅八月十八滄溟潮湧
入錢塘千丈高公子王孫駐金勒翠裙紅袖相
綢繆宋朝御輦千官出鳳吹鸞歌傳駐蹕奔濤
噴浪響如雷鞭撻蛟龍勢何疾黃昏華月滿秋
城寶炬金蓮夾道明霓旌鱗斧羽林簇流蘇珮
沓珊瑚聲繁華昔日今安在風月江頭渾不改
驚看鉅浪自東來瞬息潮迴還赴海潮迴百里
是蛟門滄海桑田變幾番一年一度潮經眼不

松菊堂集

卷四

十六

盡千秋綠酒尊

為彭郡守題壽萱圖

彭家阿母雙鬟華北堂高植宜男花宜男花開
供燕喜仙郎進酒傾流霞翟冠象服花前坐吹
埙旋有簾相和母持杯酒酌花神十二金釵花
下墮枝葉扶疎暎日輝鮮新偏稱斑斕衣花能
含笑葉能舞黃蜂紫蝶紛紛飛况有芝蘭繞花
下奕奕祥光照臺榭仙郎捧檄出專城會稽小
兒竹馬迎北堂言念桑梓里不辭萬里滇南行

奉母歸家母益樂花滿家園映杯酌金昆玉季
舞慈闈聲藹笙歌喧鳥雀君家世世沐恩波祖
武相繩餘慶多移孝為忠丈夫事龔黃勛業傳
能過歲杪褰帷蒞東越馭得潘輿子心悅萱開
歲歲堂北花池上蟠桃相映發

觀風圖為劉侍御題

盛世納言若流水中外爭看真御史凜凜風裁
慣獨持朝上封章夕承旨臺中勁氣誰最多劉
君挺挺儔能過昨來秉斧按關內風雷動地翻

松菊堂集

卷四

十七

顏波勇冠鐵筆操簡白百二十城皆震赫暴官
污吏解印歸狐狸落膽豺狼息幽巖邃谷久不
明日臨電制垂光精手開陰雲散濃霧炎威滌
盡乾坤清大都風紀眇前哲獨抱澄清荅金闕
神龍躍海沛甘露高隼凌空振羽翮一隅豈盡
經世才蒼生四海望公來繡斧復持臨浙水越
甸吳疆江上開鷺車風颭千山尾閃爍青萍泣
神鬼法星朗朗霄漢懸光映台衡動宸扆未央
晴色曜旌旗鐵面冰操誰不知歸朝共避驄

馬使嘉猷不忝準繩司謾說埋輪風凜冽補袞
披鱗廷檻折主聖臣直千載逢昭代明良追稷
契

新河行

黃河水出崑崙池洪潭泛溢流瀾瀾搖銀漢
碧空瀉纔下龍門波浪危錦纜拖舟如絡繹暮
暮朝朝風不息連旗映浦曉飛雲疊鼓沸沙晴
捲石桃花屢折緒金濤竹葉奔翻千里遙拔劍
蛟吞桐栢起騰駭龜向陽紆蹄朝廷開運二

松菊堂集

卷四

七

百載來往萬艘聲欸乃天黃符璽非偶然大澤
觀龍獻五采神禹奇功今孰倫垂衣有道通長
津年來何事水頻漲汜濫漫空城半湮十里一
灣百里曲樹杪行舟無止宿須更水去成沙丘
轉眼沙堆沒樓屋昔聞元光決此河漢帝曾為
瓠子歌投壁沉馬薪難塞臨流嗟悼無如何運
艘關阻深懊惱疇咨廷臣任誰好拮据四載方
開河疏濬當年惟少保再命少保來彭城河上
父老歡相迎指揮彷彿有神見渡淮五月黃河

平黃河之水分九折注海湯湯流不絕頃從少
保入司空天使瘡痍罹巨孽少保復得成奇功
夏鎮新開河自通天竺社稷有深意老臣報國
懷孤忠紛紛聚訟謀海運將謂南風片帆近南
風安得久借天溟波出沒時生釁鑿得新河運
已疏茶城百里無壅淤東南歲輸四百萬太倉
累積饒糧儲

牧仲子七袞款客筵中走筆為壽

南極有星高萬重光芒深照華之東老人黃髮

松菊堂集

卷四

七

不知歲獨騎蒼鶴遊長空洞裏神仙度滄海手
植桃花幾千載千載逍遙瞬息間不解榮枯顏
未改喜看紫氣天邊來三十六洞朱門開老人
騎鶴幾回頽祥雲萬朵栖蓬萊蓬萊島嶼接天
際碧玉樓臺隔塵世須臾鐘裏煮山川吸霧餐
霞亦堪醉牧家仲子興頗當茆堂小構臨清江
東城江水春潮滿明月清風夜汎艘一官廣文
五侯第大父黃門籍餘庇閑吟款步一掀髯睥
睨乾坤渾是寄朝期豪客暮登筵日日傾尊酒

似泉但知開口向人咲不關時事人中仙今年
初度歲七十長者停車歌舞集花院春風入幕
香落紅雨過胭脂濕髻髮忘機狎海鷗高陽之
徒傾百甌杏花村中酒不竭沽來對客同歡謳
却咲主人酒量淺未飲三杯即沉酒淺深無過
一醉間歲月茫茫任流轉

花朝夜坐思內

櫻桃海棠一時發已覺韶華輕漏泄東風花信
到孤城南陌晴光流片月空將淚血染杜鵑獨

松菊堂集

卷四

十

抱寒衾夢蝴蝶燈花落盡夜如年無限中情共
誰說

盤龍山桂花再開追憶內子

巖阿雙桂兩度花綠條壓枝流錦霞乘興扁舟
還再賞竹厨茶熟烹胡麻舉頭鴻鴈翔天末蘆
花片片清江發作陣相呼不失群鴒梁暮啄西
疇月鴻鴈秋深到可憑木犀兩度花層層嗟吁
內子歸何處只隔松楸數行樹寒窗臺下卧麒麟
歷盡寒霜與朝露時光却記六年前綢繆偕

坐木犀邊折花煮茗共談笑携將侍婢調朱絃
百卉雖繁不如桂一年兩度花間醉自傷暮景
類鰥魚長夜追思竟忘寐幾人得配似梁鴻舉
案鸞有在夢中失群我已同孤雁盈盈涕泪揮
西風六十餘生我且老猶然詩酒舒懷抱細君
棄我入青山青山秋杪羅荒草徒令托桂憶山
妻惆悵歸舟落日低怕聞歌管增感慨愁殺滄
江白鴈啼

周郡丞視篆姚江還天台賦別

松菊堂集

卷四

十

瀑布山空幽鳥鳴半江寒水抱春城丹霞洞口
無人到天姥峰頭片月明石橋流水溪聲淺白
玉樓臺吠山犬胡麻狼藉石痕斜採藥當年遇
劉阮巖壑岩蹊路可通萬重絳闕紫霄宮山川
不改春長在千樹桃花一澗紅翩翩忽至神仙
吏百粵才名初展驥仙緣未竟歷天台捧檄猶
當民社寄借篆句餘涉蕙津楊花落盡欲歸春
春歸留得青樽在夢飲連宵共酒人早晚天台
還貳守送別河梁重回首相思何處問徵君夢

逶迤門五株柳還期暇日訪仙踪直上黃巖第
幾峰孫綽賦成金石響使君地主快相逢

端峰先生松菊堂集卷之五

東越孫肇著

五言律詩六十三首

秋興八首

人日任侍御張叅政過江園飲奕

邵藩叅西湖隱居二首

徐太守携酒莊園三首

十二兄見訪冒雨晚歸

雨止將赴姜上人湖寺之約二首

松菊堂集

卷五

積慶寺二首

雪中彭使君招飲星宿閣同任柱史

初晴

聽僧誦經

積慶寺

江上懷友人

臨鏡

山房

過古虞

夜渡曹娥

舟中夜雨

渡錢塘

立春日家宴二首

王百谷寄題五柳庄次韻

牧生携酒賞花二首

雷雨經旬初晴出五柳莊四首

江村晚步

汎舟

松菊堂集

卷五

二

送李柱史按滇中

上巳泛舟四首

小蓬萊避暑二首

閒居

梅花五首

與孫山人二首

邵戚畹隱居

送孝廉陳子還閩中

懷任長卿柱史

賞牡丹客去燈下自酌四首

五言律詩

秋興八首

清江環別墅。山小倚晴空。靜自琴中習。書因劍裏工。就窓眠竹榻。傍壑納松風。颯颯幽巖響。楓林落葉紅。

其二

五斗辭歸早。三竿卧起遲。烟霞隨意適。鹿豕與身隨。尋壑依筇竹。吟風倒接蘿。幽階馴鳥雀。頻

語似相知

其三

草深人不至。香動鶴先知。竹影團書幌。芸香襲硯池。醉來猶命酒。夢裏每題詩。洗幘磯邊水。浮鷗總不疑。

其四

風掃松間石。陰垂竹下亭。門無題鳳字。囊有換鵝經。秋色流梧葉。舟聲度柳汀。看山不知暮。日落萬峯青。

其五

村墅雨方過。滄江波漫流。孤松懸石壁。一葉汎烟舟。蟾影浮沙冷。蟬聲咽露秋。醉同鷗鷺宿。夢繞白蘋洲。

其六

吟風筠細細。窺戶鳥雙雙。柳濕低水檻。苔深上紙窓。蝶翻輕弄影。魚唱自成腔。何物供幽賞。床頭釀滿缸。

其七

松菊堂集 卷五 四
嵐光迷草樹。商意滿山川。舊葺臨江館。新耕負郭田。酒車頻過客。茶竈數隨船。深夜明殘月。鍾聲落雁邊。

其八

潮落石痕出。江空返照明。千山秋葉響。四壁草蛩鳴。白露薰葭色。西風鼓角聲。竹牀高卧足。嬾嬾咲穠生。

人日任侍御張叅政過江園飲奕

城郭迴陽早。和風小徑開。江環春樹合。星動故

人來。興引東山月。情深北海杯。縱令柯欲爛。未醉莫先回。

邵藩叅西湖隱居二首

人情原錯落。世路久蹉跎。吟興湖中得。風光客裏多。僻居深雨雪。春夢繞江河。時許披裘者。林間日日過。

其二

獨向西湖畔。沿堤曲曲行。一春虛酒債。廿載拂衣情。健不須鳩杖。閑惟聽鳥聲。滄浪纓可濯。水面動浮萍。

松菊堂集 卷五 五

徐太守携酒莊園三首

忽來山外雨。復坐石峰前。幽徑沿秋蚓。疎林急暮蟬。潮隨新水漲。雲與舊城連。未罄杯中物。何須問百錢。

其二

江近水侵徑。蒼苔處處生。雨多添井味。風急帶潮聲。白首忘年會。青尊盡日情。幽棲塵不到。堪結竹林盟。

其三

小雨倏然霽。西山起暮霞。碧深桐樹葉。紅徧石榴花。老圃頻供菜。溪童慣煮茶。酒闌還賭墅。江畔殢歸槎。

十二兄見訪冒雨晚歸

僻住青山曲。經時會面稀。偶過池上坐。忽向雨中歸。夜杳空懸榻。燈昏獨掩扉。羨君琴瑟好。白首共依依。

雨止將赴姜上人湖寺之約二首

松菊堂集

卷五

六

理楫欲何去。祇林在燭湖。晴川初息浪。新水尚迷途。積雨肥葵蕨。迎舟有鷺鳬。淵明不戒飲。惠遠酒先沽。

其二

禪房連雨後。羅徑碧垂垂。久訂高僧約。休孤野鶴期。溪清宜汎棹。花發待銜卮。更有山中味。楊梅赤滿枝。

積慶寺二首

延禪無避暑。入寺坐來清。佛閣層層小。林霞隱

隱明一僧雲外至。苔齒籟淵邊鳴。已辨登山屐幽巖石磴橫。

其二

梅雨初晴後。清涼碧落西。佛龕懸樹杪。山殿與雲齊。靈鷲隨簷報。哀猿入暮啼。高僧有真趣。留我共幽棲。

雪中彭使君招飲星宿閣同任柱史

江天絕鳥跡。村渚斷樵漁。載酒興何劇。登山約不虛。話長寒雪厚。恭罷戍鍾疎。歸騎聯聰馬。尋梅不用驅。

松菊堂集

卷五

七

初晴

風吹潮入港。兩水浪初分。沙擁東山屐。天收北海雲。蟬蟪沿曲徑。蛺蝶弄斜曛。別院人吹瑣。關情柳外聞。

聽僧誦經

心定戶常扃。天空月一庭。風清通竹徑。夜靜誦蓮經。蒲葉裁新篋。荷花插淨瓶。瑤函三萬品。止許鶴來聽。

積慶寺

古寺碧森森。殘碑苔蘚侵。風敲松落子。藤繞樹垂陰。鹿走高崑迅。鶯藏密葉深。丁丁幽谷裡。伐木有餘音。

江上懷友人

客別年久。潮來日日如。慣看潮有信。可怪客無書。花樹春開盡。晴曛夕照餘。悠然一水外。雲月伴吾廬。

臨鏡

苔痕新到檻。久雨濕松關。幽意含芳樹。禪心對遠山。草深連徑碧。花落滿林斑。消瘦休臨鏡。耽詩損舊顏。

山房

山半流雲繞。巖深掛薜蘿。遊魚閒弄藻。棲鳥暮爭窠。蜂麥年來薄。瓜蔬雨後多。荷花滿溪畔。時聽採蓮歌。

過古虞

兩足連青嶂。天光混碧江。山川今勝域。風俗古

名邦。愁濕鶯看並。歸巢燕自雙。數家臨水岸。烟柳隱軒窗。

夜渡曹娥

貪程不覺曉。波急擢聲長。漁火搖風浦。螢燈度水塘。自能歌窈窕。那必對壺觴。杳杳江天靜。明星起曙光。

舟中夜雨

鏡浦方飛鷁。江村忽住桡。乾坤迴伏暑。風雨坐分宵。林響鳴殘葉。波翻急暮潮。壯懷隨地適。不

向客中銷。

渡錢塘

八月潮常漲。潮今若個平。人疑天上坐。船自鏡中行。雲盡千峰出。烟銷兩岸明。中流一擊楫。慷慨濟川情。

立春日家宴二首

鴻鈞開泰運。萬物已生光。棠萼凝春瑞。椒花入酒香。青衣鳴錦瑟。絳蠟照華堂。和氣金爐暖。風前舞袖長。

其二

喜色添華宴。歌聲度錦屏。嬌榮不知老。蘭茂自生馨。北海尊開灩。東風綵舞輕。今年淑氣早。卷柳已含青。

王百谷寄題五柳庄次韻

何日王弘酒。相携陶令家。空梁懸落月。茂苑寄梅花。鶴破瑤階蘚。鷗眠柝岬沙。登樓聊騁望。雲樹幾重遮。

牧生携酒賞花二首

松菊堂集

卷五

十

花開不似昨。客過莫教稀。雨徑迷流水。寒江度落暉。興隨人事改。酒與世情違。石上羅尊俎。輕苔染客衣。

其二

水光搖席動。芳杜繞江賒。紫陌收殘雨。青山映落霞。聽鶯過柳岬。携核入桃花。莫惜芳尊倒。青帘是酒家。

雷雨經旬初晴出五柳庄四首

雷聲可奈何。到酒不成歌。問柳春過半。催花雨

太多層烟迷隴陌。惡溜徧江河。獨有漁家傲。舟一釣簑。

其二

懶漫閒雙屐。衡門徧草萊。斑鳩呼雨至。黃鳥報花開。酒色凝華髮。階痕鎖碧苔。淒然江上館。應待主人來。

其三

春盟不可負。鷗鷺候汀沙。入巷看陶柳。留田種邵瓜。簷虛應宿霧。雨久欲殘花。杏拂清江上。城南是酒家。

松菊堂集

卷五

十一

其四

逢花不為樂。晴日咲花容。拼盡百錢酒。盤桓曲徑。舞風新燕雀。翻浪老魚龍。倚杖柴門望。城頭已暮鐘。

江村晚步

騎騎江村暮。蕭疎碧樹林。石含苔點翠。沙映日鋪金。誤入烟蘿徑。欣聞樵採吟。生涯雲宇內。蹤跡任浮沉。

汎舟

只言青嶂阻。誰道綠溪通。穿峽知湍急。流澌覺雪融。人看楊柳外。舟隱薜蘿中。磯畔垂竿者。悠然此意同。

送李柱史按滇中柱史擢自中書省

滇南紅日近。咫尺仰天威。行李餘臺草。看花憶省薇。虎冠知避易。鳥道逐征騑。祖帳開江上。雲霞簇繡衣。

上已泛舟四首

松菊堂集

卷五

十三

拉輿從朝發。悠悠蕙水涯。亂雲迷古峽。曲澗轉平沙。橋斷何年石。桃開幾日花。投竿爭稚子。離畔隱人家。

其二

縱目景無盡。飄飄春思盈。人吹橫笛短。風送小舟輕。極浦浮雲影。深山伐木聲。首丘行欲近。松檜幾關情。

其三

生計浮波裏。滄浪任僻居。茫茫江氣簇。落落世

情蹤。囊裏猶携藥。盤飧只薦蔬。紅顏還自遣。高興欲凌虛。

其四

野濶清流急。閒雲晴復陰。江魚細吞浪。山鳥並啼林。芳陌看花性。懸堤種柳心。舟行若天上。碧水洗塵襟。

小蓬萊避暑二首

夏深群樹茂。繞屋更依依。蔽日留松蔭。迎風敞竹扉。稻花香半吐。烟草蝶雙飛。莫畏炎塵逼。江

松菊堂集

卷五

十三

村暑氣微。

其二

門外流堪枕。飄飄任陸沉。日移青嶂落。鳥度白雲深。世慮空澄澗。浮蹤返舊林。誰能知此意。蘭茝結同心。

閒居

乾坤容遁跡。詩酒駐顏顏。寒色輕芳草。春情寄碧山。鶯花三月盡。江海一身閒。村墅便幽性。衡門盡日關。

梅花五首

寒英開幾日。幽客想多時。尋去行忘倦。香來遠
即知。恐消枝上辨。頻泛雪中卮。分付江城管。臨
風莫屢吹。

其二

忽到窓前影。東皇預報春。長宜青眼看。不避白
頭嗔。卧雪同高士。臨風寄遠人。武陵千樹好。猶
是帶紅塵。

其三

松菊堂集

卷五

十四

咫尺城南路。梅花第幾枝。常因杯作哂。獨與月
為期。夷苑偏宜雪。楊州慣索詩。羅浮千里夢。片
片結相思。

其四

影落燈前淡。香浮酒面賒。清憐冰作骨。素倩玉
為葩。暮落一聲笛。春同五出花。無人賞幽意。憑
向曲欄斜。

其五

誰向隴頭寄。還從驢背尋。高裁郢中曲。獨抱歲

寒心。樹小花偏密。堂虛帳護深。逋仙去已久。何
處覓知音。

與孫山人二首

村居草樹密。雲影晝冥冥。楓似春花赤。松銜夜
露青。爐香供佛座。甌茗閱金經。何事門常掩。置
置不耐聽。

其二

銀杏葉全稀。新都客未歸。湖山開勝界。尊俎汎
晴暉。駒隙渾如幻。鷗盟久息機。桐江時極目。家
松菊堂集

卷五

十五

近子陵磯。

邵戚晚隱居

晏坐橋西石。斜陽帶晚霞。窓虛嵌巖石。籬隙逗
江花。紫勒王孫馬。青門處士家。風前時散步。隣
叟話桑麻。

送孝廉陳子還閩中

落日舟還戀。芳罇酒未空。波聲兩岬急。柳色萬
村同。此日楊梅紫。歸家荔子紅。清江新水漲。雙
鯉托東風。

懷任長卿柱史

坐來山忽曉。起步小庭東。寂寂幽人館。遲遲御
史駢。鳥聲雲樹裏。雨色酒杯中。習習寒聲壯。江
天帳北風。

賞牡丹客去燈下自酌四首

花神邀皓月。銀鏡照珊瑚。髮白花羞見。罇青酒
不孤。紅塵銷玉宇。清漏斷銅壺。興濃渾不寐。少
婦屢當爐。

其二

松菊堂集

卷五

十六

共誇花有色。坐久亦聞香。帶草披瑤砌。含風入
華堂。雨餘穠不減。蜂採韻猶芳。月影搖朱幌。楊
妃聞晚粧。

其三

花邊窮日醉。尚恐亞枝稀。有限晴難遇。無多春
欲歸。光移楊柳月。影落薜蘿衣。華院明如晝。朱
門敞翠扉。

其四

酒當花飲艷。貪賞意何窮。乳燕毛分紫。啼鵲舌

濕紅。欲開含夜雨。不倦舞春風。月過西巖外。移
燈照錦叢。

松菊堂集

卷五

十七

瑞峰先生松菊堂集卷之五

端峰先生松菊堂集卷之六

東越孫鑿著

五言律詩八十首

陳邑侯過五柳莊四首

殢雨

薦新黍二首

池上松棚

呂閣老陳邑侯再訪五柳莊二首

韓明府徐使君呂繕部過江園賞花二首

松菊堂集

卷六

一

汎月鑑湖同呂祠部二首

和勞方伯初晴登武夷山

為楊生題尊人西湖卷

舟中送王郡丞還山陰

遊破山寺

與項子談兵

徐太守見龍樓晚酌

雨後張山人見訪夜酌

溫司馬過會稽相別北上二首

暮春晚晴與莫公遠乘潮至蜀山渡限韻

四首

望雨微峰次莫公遠韻二首

同莫公遠冒雨從小山曲阜至蜀山渡登

舟二首

同莫公遠再宿吟舫

舟中送徐司馬北上

邑寓不寐次杜甫客夜韻

夏日同李中翰蔣太守載酒李內史莊居

松菊堂集

卷六

二

賞荷三首

四明山訪紫隱君

太虛樓避暑

大中丞胡公凱旋二首

答陳海樵見懷

譙西溪草堂

毘陵別李祠部

登金山有感

萬壽聖節謝宴貴

秋雨

吉兵馬之南京

送王主事

薄暮張胡兩行人見訪

詠白鹿和胡少保

徐生應試聞母病亟歸

送王進士宰杞邑

送賈貢士還安福

禹陵

松菊堂集

卷六

三

過北山田莊

與李中翰魏光祿訪陳少府

題江石隱者

江園避暑姜罔卿不至詰朝以詩見貽答

此

詠西宮庭桂三復開花

午過田家小憩

史銀臺園居二詠

寒食掃墓還過小莊

陳叔子園中招飭不起

秋夜歸鄉村李祠部移舟相送至安山分

韻三首

齊雲峰

天門

真珠簾

五老峰

飛雨泉

香爐峯

松菊堂集

卷六

四

送莫公遠之四明

湖上邂逅高鴻臚黃山人有作

秋夕束履善比部過東園草堂與介如上

人談禪

送葉生伯仲還閩中

夏日同呂內史邵憲副姜罔卿徐太守集

衆樂園

月夜過葉氏園亭

六言律詩六首

梅花四首

春閨

暮春有感寄友人

五言律詩

陳邑侯過五柳莊四首

偶栽門外柳。敢擬縣中花。誰道河陽宰。能過彭澤家。江空涵夕霽。樓迥宿殘霞。延戀不言醉。輕風拂帽斜。

其二

松菊堂集

卷六

五

青山看未盡。落日在前林。倏忽城頭月。流光照素琴。興緣清景發。情為歎言深。不是垂簾暇。那能丘壑尋。

其三

琴動清思幽。賞遣良辰郭。外看修竹林。間問主人潮。聲喧靜夜池。影淨紅塵濁。酒供嘉客時。時倒葛巾。

其四

公餘整乘興。飛舄到丹丘。好為山間月。飲將池

上樓。門籠雙鶴舞。俯檻大江流。何自藤蘿徑。高旌過邑侯。

滯雨

苗葉朝添綠。燈光夜吐紅。歌聲金谷重。穠色石榴中。席傍孤雲出。詩催片雨工。習池空有約。杯酒滯山公。

薦新黍二首

江上惟耽隱。風流遠世塵。烟霞三徑晚。禾黍萬家新。日涉堪娛老。年豐不畏貧。君恩懸北極。

松菊堂集

卷六

六

一飯報無因

其二

天高涼氣動。露下忽沾巾。詩酒雙蓬鬢。田園一散人。雲璈聞谷口。烟艇泊江濱。秋事豐於昔。加飡樂此身。

池上松棚

松氣疎疎隔。清陰暑不留。橋分流水合。波靜落花浮。隱不閑時慮。閒當未老投。臨深羨魚樂。幽意愜莊周。

呂閣老陳邑侯再訪五杉莊二首

忽過東山履。主人猶未知。薔薇初發處。林竹正青時。坐對風塵外。言深日影遲。暮雲芳樹合。膜色望中奇。

其二

客來山有色。院靜日增長。陰比三槐茂。花疑一縣香。池塘林影斷。峰岫蘚痕蒼。衣袂輕風舉。塵襟滌水鄉。

韓明府徐使君呂膳部過江園賞花二首

松菊堂集

卷六

七

十日春應盡。幽懷不可尋。花開連夜雨。柳遍隔年陰。引興催浮玉。相知欲斷金。樓臺江水曲。是處好登臨。

其二

午樞潮迴速。汀沙漲不紆。田蛙啼宿雨。梁燕語新雛。看竹春增籜。逢花酒盡壺。醉眸猶眺遠。烟霧滿江湖。

汎月鑑湖同呂祠部二首

月為初晴皎。星因曠野稀。江風透今夕。雲水落

餘輝。鏡展銀塘淨。珠團碧露微。歌聲催棹急。林外一鳥飛。

其二

蟾影通虛閣。螢光點曲塘。雨餘巖帶濕。竹密水生涼。嵐西山客翠。風凝酒面香。星辰仙嶠滿。偏照四明狂。

和勞方伯初晴登武夷山

壺天第幾峰。樓閣曉重重。晴日林間薄。寒烟洞口封。到來迷疊嶂。何處響疎鐘。潭影澄澄碧。風

松菊堂集

卷六

八

雷起蟄龍

為楊生題專人西湖卷

夜雨添新浪。春風度翠微。芳堤分柳碧。好鳥蹴花飛。屋隙烟雲繞。山昏麋鹿歸。湖中人去遠。瞻望泪沾衣。

舟中送王郡丞還山陰

雙棹臨星渚。孤檣貼水城。開篷搖燭影。過鼓雜棋聲。碧樹藏雲暝。銀河度堊明。醉來看鬢疑是鏡中行。

遊破山寺

名山懸剎古幽徑帶烟微
尊酒幾人共春風一
嘆稀白蓮招隱士
祇樹挂餘暉惠遠能相送溪
邊酩酊歸

與項子談兵

宇內聞豪俠軍中識壯顏
談兵妖鬼泣看劍血
痕斑鼙鼓悲霜月烽烟暗海山
君懷報國志行
秦觀歌還

徐太守見龍樓晚酌

松菊堂集

卷六

九

白社過賓從青山對主人樓開晴日好林帶晚
霞新嵐影當簷落禽聲入座頻幾回春釀倒酒
力較初醇

雨後張山人見訪夜酌

梅雨早初霽荷風晚自來
高人忽見訪明月偶
相陪園摘多新菜家藏只舊醅
經旬無過客庭
砌滿蒼苔

溫司馬過會稽相別北上二首

君來會稽日君去剡門時
生計田園拙高懷山

水期韶光銷遠道杯酒幾相知
誰識燕歌處歌

其二

相送臨南浦潺潺春水生
東風吹別袂西日動
離情芳草津亭綠驪駒江岸鳴陽關一尊酒應
為故人傾

暮春晚晴與莫公遠乘潮至蜀山渡限韻

四首

江夜生新水江雲散遠空
鶻啼半春雨花逐一

松菊堂集

卷六

十

帆風逸思俱塵外浮蹤似夢中
我酣君亦醉潦
倒頽山公

其二

峭石浮雲碍澄心澹碧空
千尋蘭葉水數陳柳
花風芳杜春宵外青山夜月中
江流聊可枕
隱自興公

其三

連江雪消水剝好放船過
杳杳夜未已沉沉思
若何鳴鷄喧野店飛鵲度銀河
蓬島不難去乘

潮迅若梭

其四

尋山乘晚渡，浪裏棹聲過。不倩春醪醉，其如寒夜何。群鷗宿沙岬，殘月流江河。樹樹垂新綠，韶光似擲梭。

望雨徵峰次莫公遠韻二首

徵峰出江口，峯外雲閒闊。瀾多春雨烟，籠暗晚山千。松行處翠叢，竹望中斑。賸有耽幽僻，搖搖棹欲還。

松菊堂集

卷六

七

其二

金梯不可涉，片雨半山閒。欲訪渾無際，相看別有山。巖阿幽徑小，酒面落花斑。延賞敞襟客，醉眠猶未還。

同莫公遠冒雨從小山曲阜至蜀山渡登

舟二首

飯罷午方霽，出門車馬稀。尋山聊試屐，驟雨忽沾衣。歸徑苔逾滑，爭林鳥亂飛。渡頭舟在望，烟霧益霏微。

其二

急趨從曲阜，雨迹松間稀。疎蘆龍烟樹，香泥污客衣。澗携雙袖出，風逐片雲飛。迴首蒼茫處，幽栖在翠微。

同莫公遠再宿吟舫

仙舟連夜語，花浪逐鷗輕。岸遠草依綠，雨殘燈照明。黃梁炊未熟，蝴蝶夢初成。曉聽城頭上，烏啼三兩聲。

舟中送徐司馬北上

松菊堂集

卷六

七

烽火西南急，匆匆司馬行。幾年圖報國，此日慰平生。延戀天將暮，淒涼雨似傾。張帆分手處，相對不勝情。

邑寓不寐次杜甫客夜韻

篋床憐獨卧，涼月向誰明。故故秋蟲語，沉沉夜漏聲。青燈連穗落，白髮幾莖生。不寐非關病，深知逆旅情。

夏日同李中翰蔣太守載酒李內史莊居

賞荷三首

乘暑來村舍尋幽豈避名方塘纔半畝列岫
層城籬竹經簷翠荷風入酒清傳杯坐終日河
朔飲同情

其二

柳拂衙門暗泉流曲沼清主歌賓擊鼓花舞葉
為觥遶興須今日忘憂仗友生重來應莫爽鷗
鳥締新盟

其三

南村娛永晝日暮棹詩催放浪俱忘倦沉酣尚
松菊堂集 卷六 十一

舉杯撻從牛斗落潮是海門來幽興連朝愜吟
吟得意回

四明山訪紫隱君

巔樹依雲迥岳花當戶開馴厨識鳥雀坐石長
莓苔晚日猶棋局秋溪自釣臺何因車馬客儲
興到山來

太虛樓避暑

携酒登高閣豪吟坐古臺雲生松色暝風擊寺
門開地勝多人訪山深無暑來海天俱在目遠

覽任徘徊

大中丞胡公凱旋二首

焮火東南急中丞出運籌陣成龍豹略威震犬
羊愁白日轅門冷清霜劍氣秋波濤溟海靜千
里盡歌謳

其二

數文兼備武戈甲貫胸襟 天寵隆三錫神謀
中七擒秋風沙獵獵海國晝陰陰瀝血盟蒼漢
平生報國心

松菊堂集 卷六 十四

答陳海樵見懷

春風吹雪霽夢遶越王臺一水盈盈隔故人期
不來停雲虛夜館把酒問寒梅剡曲堪乘興移
舟不待催

附

陳霍

簫條上元夜風雨暗書臺春草滿庭綠王孫何
日來夢長迷浦樹心遠寄江梅哀鬢垂垂白非
闕歲月催

譙西溪草堂

讌集草堂靜溪光席上分好花一春雨古樹半
山雲豹跡閒行見松聲隔座聞持杯發長嘯嵐
影動黃昏

毘陵別李祠部

為客非吾意懷家思不勝惡聞秋至鴈愁對夜
來燈浪跡憐王粲歸舟別李膺重逢在何日十
月過毘陵

登金山有感

茫茫揚子渡日暮片帆收孤客愁看月閨人正

松菊堂集

卷六

十五

倚樓關心頻入夢覽勝一維舟不到三逾歲題
詩續舊遊

萬壽聖節謝宴賞

丹禁龍旌閃天階肅賁過芸香飄寶殿花影漾
金河徐動千官珮恭聞萬壽歌小臣叨宴賞
感激聖恩多

秋雨

蕭蕭連日雨無奈客愁何樽酒歌聲咽蓬門秋
意多陰雲迷院竹曉漲沒池荷車馬聲還香長

安水似河

吉兵馬之南京

異地同為客看君欲別難一官之建業千里出
鄉關海國連秋樹江雲帶晚山東南多勝跡暇
日縱奇觀

送王主事

三年宦京國此日暫還家去指清淮月行攀上
蔡花燕歌送楚客邊鴈動胡笳却喜干戈後鄉
園樂歲華

松菊堂集

卷六

十六

薄暮張胡兩行人見訪

相知忽見訪同是客燕臺斜日山頭落清風天
上未庭榴供晚賞尊酒為君開明月天街靜垂
鞭信馬迴

詠白鹿和胡少保

溪壘供奇馭呦呦聽好鳴風毛翻玉屑日影溢
瑤晴北盡開祥運南山出壽徵蕭韶聲動虎相
像舞彤廷

徐生應試聞母病亟歸

君念高堂切還家秋正深暫違題柱意且慰倚
閨心落葉清江滿浮雲古塞陰陽關別知已惆
悵不成吟

送王進士宰杞邑

莫聽驪歌曲青尊且暫留送君臨別踟策馬向
中州芳樹烟中合流鶯雨外愁他時相憶處縹
緲一凭樓

送賈貢士還安福

社裏長髯客風流賈浪仙賡詩晴對雪說劍夜

松菊堂集

卷六

七

開筵獻策來燕市思親隔楚天相看俱是客羨
爾整歸鞭

禹陵

大禹猶遺像瞻餘若儼然草香時過鹿樹老不
知年勝地千山拱神功萬禩傳耽遊忘日暮林
外忽啼鶯

過北山田莊

山深無客至地僻盡苔痕雨歇雲歸洞溪迴水
到門澆田衣別墅遠樹帶荒村忽歎胡麻飯歸

來日已昏

與李中翰魏光祿訪陳少府

轟轟崇山勝旋旋溪水紆殘陽明水杵白露靜
園蕪客至茶先熟尊開酒不沽半生尋隱地此
處可樵蘇

題江石隱者

家住秋江上潮聲隔坐聞松山連遠岸汀柳斷
斜照僻性堅於石浮名薄似雲扁舟時獨往釣
罷醉醺醺

松菊堂集

卷六

八

江園避暑姜同卿不至詰朝以詩見貽答
此

避暑倦長日曉來詩復過耽吟知我少絕唱喜
君多會擬漠河朔觴流晉永和北窓高卧者落
落意如何

詠西崑庭桂三復開花

譙集西崑館仙葩幾度開參差礙霄漢盤盤鬱
庭臺愛客呈家瑞傳香入酒杯誰將瓊闕種移
向碧山來

午過田家小憩

僮僕勞行役田家聊具殮小山遙背郭疎柳半
成村屋上有禽語門前無市喧瓦盆滋味足蔬
菜摘前園

史銀臺園居二詠

宜春館

南園新結館燕賞獨宜春疎草慣依榻名花自
可人放歌惟勝地適意幾芳辰好締高陽侶尊
前倒葛巾

松菊堂集

卷六

九

野雲泉

主人厭時事長坐碧溪濱鑿石成新活穿泉瀉
白雲夜梧秋作侶海鳥日為群賦得臨流句無
令仕者聞

寒食掃墓還過小莊

十里青山隔歸程過小莊溪南幾流水竹裏一
虛堂日午行無倦春風花有香農夫具村酒款
坐醉斜陽

陳叔子園中招飲不赴

陳蕃初下榻徐穉忽言旋想像園中景芬芳花
滿筵吳姬歌進酒洛客賦連篇我歸村舍迂
疎性自偏

秋夜歸鄉村李祠部移舟相送至安山分

韻三首

江清夜不波與客泛仙槎霽月光初滿楚風涼
更多緣堤饒鷺宿隔浦動漁歌山樹秋聲起啣
杯意若何

其二

松菊堂集

卷六

二十

江上興何如晚風吹客裾白魚頻汎汎畫鷁故
徐徐即喜新秋入全令溽暑除况逢銀漢皎莫
放酒杯虛

其三

暫爾歸村舍猶同江上游吹簫臨皓月鼓棹奮
中流螢照連星斗波搖起鷺鷥夜深休再送且
泊蓼花洲

登白嶽六詠

齊雲峯

巉巖石立疑是仙人行
玉京羣峰山下小層
閣足過生紅雲上還
聞秦鳳笙

削壁青霄迴
門忽闢然開
將雲外路鑿破石
中
天
虎豹當關守
風雷繞洞旋
夜深銀漢近
星斗挂衣邊

真珠簾

仙人簾不捲
石竇挂明珠
月照光逾瑩
風飄影

松菊堂集

卷六

五

乍疎晴空飛白雪
秋水結流蘇
繡幕天孫巧
玲瓏得似無

五老峰

聞說廬山勝
峰隱五老翁
比來登白嶽
雲際恍相逢
拱立如迎日
逍遙若御風
欲將塵世隔
還倩紫霞籠

飛雨泉

懸崖噴飛沫
潭似瀉天河
綠草含膏潤
蒼松滴雨多
常時聞淅瀝
春水益滂沱
何用巫山女
灑灑

瀟瀟碧阿

香爐峰

誰挈軒輶出
移將碧斂前
芙蓉披紫霧
玉女插青天
聳奪千山秀
晴開五色烟
夜燃雙寶炬
月夾峰懸

送莫公遠之四明

相憶復幾載
相逢值暮秋
天邊鴻鴈影
江上蓼花愁
落日惜分手
西風送白頭
憐君狂更甚
為愛四明遊

松菊堂集

卷六

五

湖上邂逅高鴻臚黃山人有作

傾蓋論交地
停撓試望時
烟雲隨短屐
島嶼入新詩
結社邀元亮
携琴向子期
誰知塵世裡
僂侶暫相追

秋夕素履善比部過東園草堂與介如上

人談禪比部上人俱松江人

青山橫短榻
落日過高旌
賦妙雲間手
才爭鄴下名
霜容驕玉樹
露氣浥金莖
聽法虛堂夜
寥寥欲二更

送葉生伯仲還閩中

山中十日雨萬壑水通潮川杳隨青嶂帆移向
碧霄高文看變豹絕技自承蜩明月歸途盡雙
珠照夜遙

夏日同呂內史邵憲副姜同卿徐太守集

衆樂園

共來江上飲爽氣欲先秋最是閑庭敲蕪之落
日幽烹茶向深竹洗盞傍清流翳翳芳園暮千
山影入樓

松菊堂集

卷六

圭

月夜過葉氏園亭

霜重月逾白瓊枝挂碧流主賓看是玉星斗綴
如旒恠石還堪漱明珠自可投坐來神思爽塵
世有丹丘

六言律詩

梅花四首

絕訝梅花開早尚憐檻內窺春樹樹懸冰綴玉
枝枝剪雪栽銀明月松窓弄影綺筵竹葉相親
欲折還應住手江南猶滯歸人

其二

曲沼沿波種種初晴帶雪盈盈庭院寒深纔見
栢松歲暮同盟吟屐恍疑東閣惜來吹落江城
連日賞留綠蟻春風信報黃鸝

其三

自抱清標獨迥不隨繁卉爭新色與梨花同夢
風含畫帳生春看處欲欺白髮折來慣插烏巾
隔舍兒童問信只因香度西隣

其四

松菊堂集

卷六

圭

十里春隨客至半宵興引杯長花逐銀燈細吐
香連寶鼎飄揚磊磊可憐瘦質冷冷盡洗濃粧
只恐東隣欲折莫教教疎影臨牆

春閨

無奈清宵最永那堪白晝偏長並坐黃鸝交密
雙飛粉蝶成行花朶驕人春色柳絲繫妾衷腸
滿目風光如舊惟添新恨茫茫

暮春有感寄友人

芳園花開嬌艷紫陌燕舞飄飄風物春來隨轉

霜髯暖到難消尋常鴈魚杳杳咫尺川路遙遙
身與心分兩地夢隨人去連宵

松菊堂集

卷六

二十五

端峰先生松菊堂集卷之六

端峰先生松菊堂集卷之七

東越孫整著

七言律詩五十四首

小祇園四首

為南京陳民部題三湖逸叟卷五首

山居苦塊從叔參軍偕諸昆弟携尊過訪

同李內翰任進士訪魏光祿山房

秋宵月興

城居叔兄弟姪期汎燭湖荅此

松菊堂集

卷七

清明過湖莊水鑑亭小酌二首

寄馬銀臺

張少司寇過江園對奕

獨坐

春暮汎舟有感

訪朱秀才

梅梁胡外史八十初度

與俞杏泉醫士

贈張逸士

訪水月上人

贈鄒汝信表兄

同陳諸二生登龍山

荅西巘陳先生四首

詠園花四首

贈胡巨卿翁冠花前紀興

王華冒明府歸隱

新安遇陳山人九臯次韻

贈胡中丞

松菊堂集

卷七

二

暑夜汎舟

海寇蕩平舟山獲白鹿東陳兵憲

東陽秘圖山人

舟次遇李司成

薄暮同李水部遊金山

訪張隱君山居

錦衣家兄卜居有作

張子自大梁歸即有吳門之行

鍾竹和玉太史

遊虎丘寺

雨後柬允齋嚴太守

同少傅李師衆樂園讌集次韻二首

回文

重陽同李師相登勝歸臺

喜方隱君過訪

七言律詩

小祇園四首

幽栖小築翠微東野蔓陰森薜荔中雞犬不聞

松菊堂集

卷七

三

深谷裏烟霞如在梵林中一庭叢竹初浮綠幾

樹殘花欲墮紅載酒小車誰問字諳奇深窈似

楊雄

其二

祇園雨後片雲無晏坐深庭興不孤獨對月華

移斗柄任教風浪滿江湖鑪香焚處禪心定甌

茗烹來渴病蘼開遍桃花人跡少衙門惟有鵲

相呼

其三

手自澆花口自吟
掩關長夏杜招尋
閒處獨有談天客
暑氣寧侵傲世心
翠簾夢迴冰骨淨
青蓮香貯玉壺深
欲遊五岳喚華髮
自愧襟期謝向禽

其四

藏名柳畔小蓬萊
梅子黃時片雨催
繞榻白雲供畫臥
上窓紅日報晴來
僧逢惠遠開蓮社
官棄淵明縱酒杯
宇宙儘堪容吾老
水光山色任徘徊

松菊堂集

卷七

四

為南京陳民部題三湖逸叟卷五首

芳草垂楊映岬沙
長風吹荇動微波
輕嵐結綺侵樓閣
疎雨飛珠點芰荷
艤棹水邊招客泛
披襟樹下倚蟬歌
湖開勝景遊無倦
向夕歸舟月色多

其二

居近金陵指故都
石頭城外望平湖
綠楊樹裏家家月
紅蓼花間片片鳬
吟癖不知頭上白
杯傳莫遣掌中孤
醉來欲向滄浪濯
烟水扁舟范

蠡徒

其三

竹帆風逐薜蘿衣
一葉蘭舟貼岬飛
湖上局殘人未散
山頭雨過鳥初歸
秋花傍席供吟料
新水生波拍釣磯
數尺漁竿真樂在
曲塘深處鰕魚肥

其四

湖外山明雨乍晴
餘寒猶帶晚風輕
沿堤芳草雙飛蝶
隔水垂楊百轉鶯
出沒遊魚依夕浦
參

松菊堂集

卷七

五

差畫鷁傍春城
羊裘披向烟波老
一夜東風杜若生

其五

淑景初開寒氣微
巖頭積雪映斜暉
豈無酒債供春興
應有花香待晚歸
漱澗波光搖月浦
蒼茫樹色照柴扉
白門梅柳看多少
不及湖邊採蕨薇

山居苦塊從叔參軍偕諸昆弟携尊過訪
眼前有景倦登臨
無那新愁展轉侵
湖上鷺鷥

時泛泛山中莸李自陰陰獨憐此日悲風木散
學當年醉竹松但得朝昏頻見訪不勞杯酒致
殷勤

同李內翰任進士訪魏光祿山房

聞君煉藥住山村為愛幽栖可避諠不速故人
乘墊興旋携新酒叩柴門溪南流水鳴殘雨竹
裏千茅結小軒相對忘言渾寂寂惟聞蛩語向
黃昏

秋宵月興

松菊堂集

卷七

六

君家暫住水東頭相送同君且踏秋路遠豈辭
清夜訪月明疑在廣寒遊溪紗有約還過范仙
犬如知不吠劉坐愛庭花延戀久含情一曲小
梁州

城居叔兄弟姪期汎燭湖答此

粳稻全收喜歲豐故園光景異城中欲歸陌上
多秋暑還憶湖邊有晚風謝氏弟兄情最洽阮
家叔侄興偏同紅蕖半落猶堪賞旋擬移舟醉
碧筒

清明過湖莊水鑑亭小酌二首

蘭舟載酒汎清明盤列山肴不用錫節屬艷陽
應乍暖山常瘳兩喜初晴天桃葉長紅俱落鸚
鵡杯行綠滿傾何處啼聲腸欲斷隔林新塚不
勝情

其二

湖中新水照人明湖上人家半煮餠紫陌有花
皆是景青春無日不宜晴機心久向閑中息笑
口頻從醉裏傾暫借片時林壑趣莫聽啼鳥倍
傷情

松菊堂集

卷七

七

寄馬銀臺

金門侍從十年餘解組歸來尚著書漢闕舊遺
青瑣草吳城新結碧山居朱顏似醉非因酒綠
水投竿不在魚 明主好文方側席上林作賦
待相如

張少司寇過江園對奕

東山只尺有薔薇試屐從容到不希塹學漁樵
隨世混何妨巾櫛與時違功名染指誰非局勝

負關心總是機日夕小樓重汎酒盤餐新薦鱸
龍肥

獨坐

枝頭百舌語相爭曲曲滄江水正平門巷含烟
山日落村墟欲雨谷風生遙看一簇嵐光翳近
入千林野氣清春半西疇農事亟紛然驅犢競
深耕

春暮汎舟有感

何處追尋有十洲等閒載酒汎中流千花歷亂

松菊堂集

卷七

八

啼黃鳥一葉輕颺趁白鷗縱目春光供楚眺關
心時事繫人愁誰家年少遲金勒江上清歌醉
玉樓

訪朱秀才

櫓聲隱隱過輕艇半掩衡門傍水涯黃卷五車
惟教子芳園一畝只栽花社逢草閣歸春燕日
出江城散曉鴉坐對青山移白晝山頭來去任
飛霞

梅梁胡外史八十初度

一瓊坐破宦情闌門外千林好挂冠星度素蓬
明綺席園收首宿試春盤湖山家近清光繞風
月庭深碧樹寒恰是上元開霽色花間燈火照
更殘

與俞杏泉鑒士

少年豪氣似飛翰白髮盈頭興未闌春色不曾
緣老異杏花長是帶晴看青囊藥石隨人濟綠
酒江山盡日懽恠得朱顏猶自好忘機世外勝
霞餐

松菊堂集

卷七

九

贈張逸士

碧雲深鎖小壺天內有高人不記年塵尾揮談
移白晝漁磯閑坐濯清泉子房學道隨方外博
望耽遊汎斗邊怪道烟霞成僻性生來仙骨自
家傳

訪水月上人

無愁日夕掩松關階下蕭蕭草不芟自有淵明
投白社却逢支遁買青山舉頭莫道諸天遠行
脚猶持半偈閒渠水連潮平彼岸翻經皓月到

窓間

贈鄒汝信表兄

龐公遁跡白雲間，逸駕翩翩不可攀。
草閣尊前雙白髮，蓬門雨後一青山。
經簷竹影移書幌，傍水荷花破酒顏。
莫問長安裘馬客，風塵猶自繫鷓鴣班。

同陳諸二生登龍山

諸天高閣度禪關，靜結餘生白日閒。
自入春來頻載酒，不因老去倦登山。
橫江綠鷁孤雲外，帶

松菊堂集

卷七

十

郭蒼龍一水間，携得少年英雋在桃花。
點點姪紅顏。

答西巖陳先生四首

石橋流水浪生溪，積雨溪深路欲迷。
夏木森森青嶂合，晴山縹緲白雲低。
長天孤鶴空中出，落日閒猿谷口啼。
行覓樵人爛柯處，神仙應在此間栖。

其二

石林茆屋竹成籬，摘盡黃梅五月時。
雨久烟霞

凝眸荔月明，香韻散茶蘼。
疎簾花鳥知迎客，僻地溪山慣入詩。
一別十年渾似昔，暮雲春樹托相思。

其三

羽扇逍遙手自揮，葛巾芒屨芟荷衣。
穿林鹿豕依人跡，歸岫鷓鴣背日飛。
厨內青尊新酒熟，山中白髮舊交稀。
虛窓疊疊星辰挂，卧覺餘光動夜扉。

其四

西巖巖上架茅房，高枕殘書歲月長。
山色尚懸松栢翠，秋風應待木犀黃。
新派赴壑衝花徑，迤照連霞映石塘。
白水洞深遙在想，何當列坐一浮觴。

詠園花四首

牡丹

黃鸝啼徹夕陽斜，洛下名花護絳絛。
春色倒看芳沼灩，哀顏羞對錦叢葩。
嬌憐飛燕粧堪並，詩比清平調足誇。
何用沉香亭北去，儘拚深院醉

玉球

水鄉飛閣結丹丘。看徧春光縱二眸。點點簇來
星作舞團團。傾處雪為球。巖間玉樹疑三島。洞
裏瑤花散十洲。恍似素娥離月窟。輕搖玉珮下
瓊樓。

杜鵑

尋春興引蕙江隄。三月穠葩逐鳥啼。新釀綠浮
鸚鵡。勸朝霞紅貼杜鵑低。輕盈風外嬌無力。妖

松菊堂集

卷七

十一

艷花中品擅題閑。倚欄干頻寓目。翠微深處夕
陽西。

緋莢

一樹緋桃帶露濃。繁英歷歷倚孤松。艷同西子
春風面。嬌助楊妃曉睡容。傷葢新懸青葉短。緣
枝旋護錦雲重。玄都觀裏携來種。開向東臬第
幾峯。

贈胡巨卿第冠花前記興

不辭日日縱歡狂。三

揮早歲且開綠酒卻春寒。登山強健憑芒屨。束
髮蕭疎贈第冠。四十年来渾似昨。幾人無恙老
加餐。

玉華冒明府歸隱

壁立嶙峋萬仞晴。少微星向玉華明。古惟彭澤
遺歸賦。今見河陽復擅名。楊柳近添門巷瑤。桃
花尚憶邑侯清。林泉自得閑中樂。空外浮雲不
繫情。

新安遇陳山人九臯次韻

松菊堂集

卷七

十一

豪吟呼酒剡川涯。睽別那堪歷歲華。對我不禁
遊子淚。與君且看異鄉花。一燈夜雨難為夢。千
里音書未到家。近喜干戈漸寧息。好歸故苑問
桑麻。

附

陳奎

風塵避亂向天涯。歷盡星霜髮漸華。千里幸逢
知己面。三年不見故園花。心同那必重論社。身
在何須更問家。朝內已聞才績著。知君且晚草
黃麻。

贈胡中丞

大將掀髯浩氣橫
旂常功業非輕吳
天劍倚風霜凜漢
壘旗翻日月明愛
國五年添白髮平
夷萬里慰蒼生古
來惟有汾陽績此
日旂常並勒銘

暑夜汎舟

渠水平隄暮汎舟
憑空疑在鏡中遊
盤盤無兼味餘新
酒天送長風若早
秋歌雜棹聲魚競
避水連星影月同
浮當年河朔稱豪
飲此夕臨流意

松菊堂集

卷七

十四

更綱

海寇蕩平舟山獲白鹿東陳兵憲

烽火頻驚照劍秋
凱歌千里奏勲猷
貔貅不戰收營壘
鹿輸祥出海陬雪
吐瑞光明嶺岫日
懸琪樹度林丘漫
誇決勝勞諸將帷
幄應知有運籌

東楊秘園山人

一區小築瑤江隈
曳杖江邊步百迴
村館幾家呼白酒
釣磯百尺護蒼苔
雲迎老眼千峰合

夾扁舟兩岸開文似楊雄應有薦徵書指日自
天來

舟次遇李司成

玉堂清望重當時
傾蓋吳門若有期
結客半生猶未遇
與君一見即相知
綈袍雨後寒猶偏
綠樹堤邊葉尚垂
喜得仙舟聯北上
當年李郭跡堪追

薄暮同李水部遊金山

楊子江中饒勝跡
相携太白共登遊
潮迴石窟

松菊堂集

卷七

十五

電龍出月上松巘
鶴鶴幽羅刹四圍
迷翠嶽漁燈萬點
映滄洲遙瞻直北
青天外星斗蒼茫
是帝州

訪張隱君山居

半畝芳園一草亭
白雲深鎖畫冥冥
長松老檜巢孤鶴
古洞重巖隱百靈
坐石焚香臨翠竹
汲流漱齒誦黃庭
即令抱玉猶尊足
行向山中採茯苓

錦衣家兄卜居有作

夕客長安再卜居移來惟有業侯書光懸北斗
青霄近門對西山翠色餘花院乘春宜宴賞日
窓坐午更幽虛寥寥恰似楊雲宅贏得衙門過
酒車

張子自大梁歸即有吳門之行

短缺行遊已暮春角巾芒屨帶風塵久因梁苑
羈詞客復向吳門訪故人回首遠看雲樹杳留
題到慶筆花新行裝貯有書千卷高詠何須歎
路貧

松菊堂集

卷七

十六

種竹和王太史

種得瀟湘竹數竿清陰冉冉鎖詩壇月移疎影
因風舞雨洗新根抱石蟠門外紅塵從此隔簾
前翠色不勝看此君日日堪相對千載王猷共
結歡

遊虎丘寺

五陵草木烟霞地旅客江湖風浪心山寺偶來
留日暮酒杯容易過春陰梨花忽落三冬雪楊
柳初含二月金回首故園頻入望幾番惆悵暗

雲深

雨後東巖之齋太守
兩歇黃沙社若青
臨明鏡對酒千山擁翠屏五馬鄆陽懷舊蹟羣
鷗湖畔狎新盟主人元是嚴陵胄不負羊裘大
隱君

同少傅李師衆樂園讌集次韻二首

平泉山館隱成文
開白社樓臺况復接青雲庭前蘭蕙秋堪佩池
上芙蓉晚更芬對景不知天欲暝夕陽搖影樹
續紛

松菊堂集

卷七

十七

其二

秋風新水碧波文
將汎月隱雷自北忽生雲嬌喉低轉娛人醉舞
袖輕翻隔座芬蕭鼓近城車馬集岸頭燈火夜
紛紛

四文

啼鳥獨聽怨寒更
啼鳥獨聽怨寒更夢裏聞空幾見鷺低扇拂雲

歌曲艷遠香迴雪舞腰輕西樓悵望春花落北
塞愁看夜月明岐路覓人迷處處題詩有恨寄
多情

重陽同李師相登勝歸臺

停車拂翠入雲來烟雨霏霏午未開半嶺茱萸
還競採千杯竹葉不須催江分二水環重郭山
獻諸峰拱上台孺子幸隨黃石後風前進纓傍
層臺

喜方隱君過訪

方君雅能詩歌而臨池少
遜予故嘲之

松菊堂集

卷七

大

丹桂花前過小車呼童煩掃野入廬垂門綠樹
如迎客曲沼清流可釣魚倚馬懸知君有賦籠
鵝應讓我能書况逢明月今宵勝影入樓臺光
滿壺

端峰先生松菊堂集卷之七

端峯先生松菊堂集卷之八

東越孫鑿著

七言律詩五十四首

歸田園四首

常開府由四明入天台却寄

湖上呂祠部劉勳伯分韻二首

題居停金主人壁

湖上遇汪文學邀至舟中與胡生對奕

初晴出湧金門逢呂山人光升

松菊堂集

卷八

一

劉誠意再期泛舟尋雲門山

剡溪兄七十

送張中丞仲子會試

九日從呂少傳登龍山

初度期家兄不至用來韻

嚴張兩山人再過泉臯折梅供飲分韻得

詩字

移舟訪張嚴兩山人江上暮歸

松棚復葺

舟中聽高上人誦經

與胡巨卿

春日携歌湖上同謝氏伯仲

費轉運期遊蘭亭不赴

流營入禪房

池上觀魚

佛堂新月

舟歸梅川為三兄初度

呂魏二丈期至東臯二首

松菊堂集 卷八

韓明府徐郡守聞秀才楊春元携酒訪盤

龍首丘

呂舍人得第三子舍人為呂閣老長公

同胡郡守呂內史遊天竺四首

高鴻臚山堂與吳中諸大夫社飲

訪劉誠意然陽道院

題呂仲子光升餘生卷

九日登高歸有懷無瑕上人

新居

入西湖懷故里社中諸友二首

寓武林懷北隣楊貢士

長春軒二首

紀夢

郭別駕携酒成都閬園中賞花時都閬在河南

呂少傅樂志園作

元夜試燈

十六夜呂相公宅觀燈

與陳孝廉話舊兼憶其先尊中丞公

松菊堂集 卷八

雪中登吳山懷龍司里龍君楚人

懷葉水部杜陵何遜皆官工部

雪獅

訊南都太宰趙麟陽致仕

至西湖有懷吳觀察駐節甌江吳舊為杭州

訪袁舍人不值

江上送翁伯子赴金陵秋試

七言律詩

歸田園四首

居偏深巷枕川流為愛看山築小樓十里江村
遙對兩百年身計半逢秋門前草樹經春合水
上庭臺盡日幽雙髻不辭吟裏白投閑只合老
滄洲

其二

住隔漁樵僅幾家庭深不厭雀聲諱秋來得句
頻題竹晏起開尊獨對花幾遇心同金可斷即
令足則玉無瑕宅邊數畝聊堪涉老圃相隨學
種氏

松菊堂集

卷八

四

其三

累朝供事 玉階前未老投簪性豈偏敢薄微
名輕去國祇緣多病乞歸田四明地接丹山近
五柳門當碧水懸早晚登臨頻試屐雨餘復上
釣魚船

其四

時序休騰隙裡過百年行樂未蹉跎灌園猶自
餘松菊初服還應着芰荷村僻經時來客少身
閑長日著書多罌中况是多儲粟不向西風夢

王

常開府由四明入天台却寄

朱衣黑髮玉為顏春日舟移赤水灣陌上堊花
迎繡豸袖中綵筆賦青山旌旗晚度魚龍澤劍
戟寒生虎豹關孫綽自憐能作賦天台遙望碧
雲間

湖上呂祠部劉勳伯分韻二首得明字

背郭船開逐浪輕鳴鑼打鼓復吹笙紅飄帆外
飄千葉白到中邊髮幾莖落日乍陰雲釀雨秋

松菊堂集

卷八

五

山有色水無聲誰言老去花看霧兩岸芙蓉眼
倍明

得浮字

草樹蕭疎欲暮秋西風放鷁晚悠悠醉乘黃鶴
來仙客高隱青門是故侯新水晴光落藻動遠
山翠色栢松浮仰看天外滑虛府一簇烟霞十
二樓

題居停金主人壁

城郭臨安宅第饒白頭謝組尚風騷秋陰暮散

千峯兩江氣晴連萬里潮
畫樓臺猶往日青
衣融管罷今宵相逢仍作居
休主話向深更月
色高

湖上遇汪文學遊至舟中與胡生對奕
潺湲碧浪拍堤長到席山光接水光一局圍棋
看勝負十年萍跡問行藏鏡中雙鬢添秋色湖
上孤蓬汎夕陽揮塵風生涼入座芙蓉花下醉
壺觴

初晴出湧金門逢呂山人光升

松菊堂集

卷八

六

晴色預聞鍾鼓報遊情忽動燕鶯啼霞栖花樹
時來去嵐匝青山乍有無倦向風塵垂組紵
甘雲卧乞江湖臨安市裏青帘繞半醉相逢舊
酒徒

劉誠意再期泛舟尋雲門山余以事羈後
至有作

經年踪跡隱蓬萊興引西風到幾回洞口忽聞
仙犬吠山中再見木犀開溪涵霽色逢青眼波
送秋光汎綠醅勝地尚留綵綽賦劉郎先已到

天台

剡溪兄七十

剡水灘頭松幾株嵐光林影護幽居草深遠岬
時驅犢波漲扁舟可捕魚秋色不因黃葉老野
情常共白雲舒雄心猶戀青衿業摩眼燈前尚
讀書

送張中丞仲子會試

挾策衝寒千里途到時春事滿皇都羅衣花襲
經仙苑金勒駘嘶過酒壚勲業預知同小范文
松菊堂集

卷八

七

章不復說三蘇中丞世澤傳公子五色雲中有
鳳雛

九日從呂少傳登龍山

乘興登高有庾公孟嘉能賦每相從此時稀見
籬邊菊盡日惟看石上松鴈嶺雲橫秋着雨龍
泉寺迴暮聞鍾醉來一望西林眇山色蒼茫幾
萬重

初度期家兄不至用來韻

海龍川上隱巖光山色經秋到鬢蒼幾為吾兄

開竹榻空教稚子掃茆堂西風鴈度青霄外南
極星臨紫極傍更值芙蓉花正發塤箎聲裡醉
霞觴

嚴張兩山人再過東臯折梅供飲分韻得

詩字

門臨瑤澗雨離離孤倚垂楊有所期蔣詡特開
蓬外徑求羊俱出袖中詩鴛鴦遷木聲偏巧鴈
自逢春韻不悲折得梅花同泛酒長風吹落笛
先知

松菊堂集

卷八

八

移舟訪張嚴兩山人江上暮歸

鳥外青山傍瑤隈畫船蕩漾夕陽開烟中津樹
千重合江上潮痕十里回榻管驚看張旭草垂
綸儼似子陵臺歸來暝色連嵐翠双鶴迎人破
石苔

松棚復葺

斫得青松覆廣除恍疑山色入吾廬况逢時雨
當清晝數有涼風稱燕居暑氣自隨新葉散野
懷應共晚雲舒懶簾吟癖將迎少散髮匡床只

松菊堂集

舟中聽高上人誦經

整航遙度法華通波面微生貝葉風夜杳忽看
星欲動天明始覺色還空似乘飛錫千山外已
脫浮塵萬劫中咫尺諸天行即到鐘磬何處荒
王宮

與胡巨卿

少小看君即出群都門抱玉悵劉蕢半生空學
屠龍技五色休誇吐鳳文實匣秋風頻按劍墨

松菊堂集

卷八

九

屏春水慣書裙憑將夙昔江湖興老向東園醉
暮雲

春日携歌湖上同謝氏伯仲

高陽醉客又重来竹葉蘭橈晚共開花簇綠雲
雙到髻席移芳草復啣盃微烟弄柳迷青障疎
雨淮堤破綠苔莫道謝家能作賦揮毫盡是惠
連才

費轉運期遊蘭亭不起

轉運風流向海陬新旌若為故人留西江片雨

飛梧葉斜日千山繞郭樓孤館許誰共賦
鄉官况怯逢秋連朝貪向登臨倦有約蘭亭負
勝遊

派螢入禪房

草閣流螢月半沉
柴庭院閉來陰飛將禪榻
窺明滅點入林塘度淺深
華屋正飄飄瑤玉朱
門不鎖獸環金却疑
紈扇迷銀燭獨照山僧入
定心

池上觀魚

松菊堂集

卷八

十

帶郭茆堂一徑饒
石橋孤坐思逍遙萬竿翠竹
臨春水半畝芳塘進午潮
畜有青魚浮曲澗啣
將碧藻弄柔條悠然不減
濠梁樂斜日波光屢
動搖

佛堂新月

那禁暑病日侵尋
兀坐蒲團對竹林新月半懸
空色相清波一曲洗塵心
風來花徑輕烟散
語池塘碧草深為戀清光猶未臥
江天夜靜發
高吟

舟歸梅川為三兄初度

鼓棹中流江水平
片雲浮動弄初晴
兩年宴負
蓬萊約此日花看
棣萼明愛惜駐顏
苑已熟惠
連有夢艸長生
倡來白首燈前和
風逐歌聲薄
太清

呂魏二丈期至東臬二首

草榻松堂坐寂寥
門前來往只漁樵
無人共對
山中雨有客期
乘江上潮修竹還
應過鳳鳥疎
枝聊自借鷦鷯
鷯寒深巷柳雖搖
落草閣猶堪倒

松菊堂集

卷八

十一

濁醪

其二

東臬徙倚石為梯
野色蒼茫落日低
白首興携
江月至清秋寒送
樹烏啼娛賓留得
荷盈沼侑
酒惟應菜摘畦何
物尊前供一嘯西
風吹傍草
堂西

韓明府徐郡守聞秀才楊春元携酒訪盤

龍首丘

林樹飄殘葉尚丹
雪開晴景試憑闌
碧天雲散

千峯淨白日舟移一水寒馬鬣松聲空外有龍
盤山色醉中看諸君共有陽春詠潦倒山翁欲
和難

呂舍人得第三子舍人為呂閣老長公

東山月上薔薇曉相府風清桂子高忽報異香
流繡閣即看佳氣襲宮袍綠槐庭內今三植彩
鳳池中又一毛君試第觀皆玉樹古來不數謝
家髦

同胡郡守呂內史遊天竺四首

松菊堂集

卷八

十一

一春湖上數相逢行盡青山又幾重霞影暗臨
吳苑樹松聲晚度景陽鍾上人石榻棲三竺羽
客星冠出五峯色相已空潭影外禪堂寂寂白
雲封

其二

青蘿碧樹覆晴澗積雪流澌繞曲巒松徑遙從
九里出嶺雲斜抱一溪寒綠堤芳草行間綠近
壑梅花雨後殘纔到空門塵想絕浮生無着水
漫漫

其三

諸天高倚白雲居路轉深廊響木魚新柳暗歸
春酒瑤飛泉寒響佛燈虛山含嵐氣侵衣衲落
帶風聲讀藏書為問龍光曾入定千江明月夜
如何

其四

漸入深山歷翠華瀟瀟疎竹隔僧家一簾晴映
千巖雪滿谷香生萬樹花雲擁幽溪飛片雨日
移高閣挂殘霞步經蓮宇尋猿洞復上層臺石
徑斜

松菊堂集

卷八

十三

高鴻臚山堂與吳中諸大夫社飲

陸沉燕市客京華暫乞幽閑湖水涯匣裏星辰
搖海嶽樓前花樹滿烟霞豈無綵筆投詩社肯
惜黃金盡酒家此夕山堂談夙昔風吹涼雨動
燈紗

訪劉誠意紫陽道院

碧闌干外徧芳菲池畔芊芊徑草肥四壁圖書
看不盡一庭風月坐忘歸遊絲閑傍疎簾繞乳

燕斜依小閣飛觀裏桃花千樹落劉郎題罷悵斜暉

題呂仲子光升餘生卷

家貧浪跡任東西不惜青錢縱酒卮花柳春陰忙裏過山川晴色客中奇餘生自分蛟龍蟄避世堪同鹿豕期眼底浮名談咲裡百年情寄五言詩

九日登高歸有懷無瑕

登高屐屐恣徜徉萬疊峰巒千仞岡無數白雲

松菊堂集

卷八

十四

封玉樹有時黃葉落銀塘籃輿歸入紫雲暮草閣孤臨水竹涼支遁買山何處住禪堂深閉法華香

新居

碧柳垂門赤水環歸來高卧白雲間回思北闕風塵甚自是東籬歲月閑堂構不妨閑綠野詩情兼得寄青山蓬蒿滿徑稀人跡盡日焚香閑竹關

入西湖懷故里社中諸友二首

草碧沙明白鴈稀滿巖香雪映斜暉移舟酒綠遊無伴照席山青興不遠水落湖光搖夕浦兩深寒力刺春衣回思東郭隣家叟應向江頭載月歸

其二

百疊山迴古寺西六橋烟樹遶湖堤簾開紫燕隨雲入柳外黃鸝傍酒啼老眼看春懷舊侶孤吟近日有新題芳菲減却知多少片片飛花逐馬蹄

松菊堂集

卷八

十五

寓武林懷北隣楊貢士

猶憶燈宵歌鼓紛西遊一月信無聞春來垂柳蘆元亮賦就長楊重子雲酒熟舍南誰問主花開湖上獨思君蘭舟已辦東歸計一局圍棋共夕曛

長春軒二首

小築幽樓別有天遶軒開徑草芊芊參差新卉高尋丈繚繞叢篁翠萬千青眼看花香復艷紅顏對酒聖兼賢不須九十春光媚四季長留景

色妍

其二

數畝芳園傍水涯誰知城市有村家
惟餘草樹幽庭翳不刈蓬蒿小徑遮
四面有山俱入座百年無日不看花
巖蘿堆蘚蒼蒼色金谷平泉未足誇

紀夢

丙子冬游兒計階北上余同至會稽夜
夢賦詩云雙龍北極天恩重疋馬西風

松菊堂集

卷八

七

驛路寒次日餞其同年朱徐毛三君至
柯橋遂與游兒別因續成之

山吐蟾光印碧灘移舟送爾入長安
雙龍北極天恩重疋馬西風驛路寒
閣淚莫為兒女態同袍且盡弟兄懽
白雲望處應回首五柳門懸蕙水干

郭別駕携酒成都閭園中賞花

時都開在河南

庭懸柱石插青雲翠入琅玕一徑分
開滿好花迎別駕
匝來細柳憶將軍酒浮香氣留春駐簫

引禽聲帶月聞為報洛陽多麗景牡丹千樹正
紛紛

其二

門前瑤草映階青片片閑雲護小亭
沙上春深眠白鷺堤邊日午聽蒼鷄
匡廬欲結池蓮社彭澤空羈斗粟名
眼底風塵來薊北烟霞去住不關情

呂少傅樂志園作

瓊樓十二倚丹梯古樹奇花拂檻迷
水曲霞明

松菊堂集

卷八

七

鱗欲動庭深春曉鳥初啼江流中度漁舟小
山色遙分雉堞低數畝園林開綠野冥冥世外有鴻栖

元夜試燈

歌管紛紛奏晚風燈前讌笑萬家同
鳳攬翠蓋星光燦麝擁鑪香月色籠朱戶
高懸雲母障玉枝低度蕊珠宮飄然何處來
雙珮人在瑤臺綺席中

十六夜呂相公宅觀燈

雙城歌吹夜蒼蒼。幾處星球映玉堂。天上三陽
回淑氣。燈前百寶吐祥光。玻璃杯勸翻鸚鵡。瑪
瑙屏圍舞鳳凰。醉向東山邀皓月。梅連火樹散
新香。

與陳孝廉話舊兼憶其先尊中丞公

相逢吳市酒頻沽。艸角書生已丈夫。水徑樓臺
曾不減。石門猿鶴尚相呼。賦詩白社人何在。掛
劍青山夢久無。千里共君談往事。愁看風雪滿
江湖。

松菊堂集

卷八

十八

雪中登吳山懷龍司理龍君楚人

玉龍銀海泛瓊波。短屐衝寒興若何。嶺外雪深
三尺許。社中人別半年多。吟成郢曲誰為和。醉
向吳山自放歌。滿目同雲迷野望。扁舟蓑笠滿
江河。

懷葉水部杜陵何遜皆官工部

百尺高樓萬卷藏。虛簷星斗燦文光。杜陵屬草
吟成癖。何遜題梅句尚香。曲澗風生蘆荻亂。幽
巖雨過薜蘿長。思君不覺空齋暮。涼月紛紛白

滿梁

雪獅

六出凝來凍未澌。江南瑞色徧瑤枝。已看墻畔
多鹽虎。不道庭前有雪獅。聲動晚風如疾吼。影
搖晴日欲奔馳。嚴寒何得雄威壯。稚子驕看幾
度疑。

訊南都太宰趙麟陽致仕

憐君幽興故人同。開徧薔薇幾度空。頻望東山
想安石。忽聞吏部歸山公。雨花臺上芙蓉月。燕

松菊堂集

卷八

十九

子磯邊楊柳風。囊裡盡收江左勝。烟霞滿袖恰
相逢。

西湖懷吳觀察駐節甌江吳舊為杭州守

荏苒韶華信未通。題詩何處托郵筒。扁舟客夢
春山外。隔岸鶯聲暮雨中。萬樹野棠懷召伯。六
橋烟柳憶蘇公。知君夙抱探奇癖。吟向龍湫鴈
蕩東。

訪袁舍人不值

一聲鶴唳客先聞。庭院三槐老尚存。憶昔聯裾

攜玉琬與君分袂在金門紫微郎住依江郭紅
杏花開近酒村為問主人何處去綠堤芳草候
王孫

江上送翁伯子赴金陵秋試

詞壇小友氣凌嶒堤柳牽情照眼青一水盈盈
連碧漢千山疊疊赴金陵高低蟾影遙隨浪遠
近漁舟不斷燈秋入西風吹客路佇看鵬翮縱
飛騰

松菊堂集

卷八

干

端峯先生松菊堂集卷之八

端峯先生松菊堂集卷之九

東越孫鑒著

七言律詩五十首

春日五柳莊十首

兩下登遐觀櫻四首

艤舟江邊登鳳凰山寺

自覺

贈林學憲

讀李崆峒集

松菊堂集

卷九

一

雪後長至同武林大夫集佑聖觀遙祝

錢塘小築

元日

新正二日同社中諸大夫東城樓上觀春

觀春畢過五柳莊晚酌

正月十三日暮兩家宴浙兒自郡買燈回

與山妻東臯晚步

與山妻莊門觀釣

與山妻沼上採蓮

余官內英時郭方伯寄書索西湖圖十年

未報秋日有懷

立秋日懷喜鵲

鴻雁兄晚歸納菴贖叟賦此

早秋

賞菊微花

八月十八日試新舫

王郡丞陳伍兩別駕招遊秦望雲門阻雨

移尊大觀堂同彭郡守任柱史對奕

松菊堂集

卷九

二

九日登塔山次呂調甫韻

寄宜興吳詹簿

陸山人曷過訪五柳莊

嘲任長卿五首

經徐太守里

張郎自武林回携歌過訪

翁山人自楚歸過東園留酌

紫陽菴同張開府賞雪

王生客吳門暫歸

幽居

談空

九月十日同呂師相登龍山觀新肖像

秋日汎舟

楊伯武入山陰二首

秋日五柳莊二首

題雲樵為武林瞿醫士

七言律詩

春日五柳莊十首

松菊堂集

卷九

三

經楊兩岸擁時瀾旋引清風興未闌縱目明霞

天上坐披襟青嶂畫中看夢回纔熟黃梁飯江

近頻供紫螭盤長日客來談勝賞芒莪雙屐葛

冠

其二

獨臨孤閣憑川旁汨汨泉聲到石床門巷盡分

烟樹色池塘陰結雨花香青山有伴歸桑梓

髮何人繫廟廊昨夜雨過新漲滿浴波

自成行

其三

江間別墅夕陽天，閣苑人間似有緣。
靜理琴聲臨碧澗，閑揮玉管染霞箋。
鍾聲隱隱星初動，燈影疎疎客未眠。
更有月華供夜色，高懸林外映臺前。

其四

習靜年來道氣存，登高獨眺欲忘言。
穿雲鳥雀投孤嶂，擁樹人烟鎖暮村。
五斗粟辭歸栗里，一畦瓜美似青門。
幽棲曲徑疎人跡，抱甕行吟且灌園。

松菊堂集

卷九

四

其五

歷歷新竹雜桑麻，只隔孤城遠市譚。
近水樓臺來燕燕，當庭崑崙護丹霞。
園同錦里多栽芋，洞比桃源已落花。
門外片帆迷去住，烟深茅屋混漁家。

其六

無人肯為薦長楊，只合幽栖舊草堂。
柳有五株輕組綬，湖分一曲卧滄浪。
臺邊日擁扶桑色，浦

口春移杜若香，社結竹林長是醉。
倚來筇杖對斜陽。

其七

石梁跨壑小天台，碧樹陰森樸草萊。
倒甕座中皆酒伴，登樓眼底盡詩媒。
圖書聊得供春枕，屐齒何妨破晚苔。
明月也應憐隱逸，多情清夜近窓來。

其八

檻外時過范蠡舟，清江宛是五湖遊。
乍看烟雨

松菊堂集

卷九

五

何來速，即有風波不解愁。
映水疎籬花半吐，隨波青荇葉初稠。
獨醒久訝三閭客，長對青尊伴白頭。

其九

紫燕含泥理舊巢，茆堂影覆柏松喬。
翠微倒映平江淨，松壑斜穿小徑遙。
一局圍棋供晚節，數過佳客盡風騷。
歸樵忽訝林間唱，疑是仙人弄玉簫。

其十

等閒傾倒莫嗟嗟縱飲何妨發浩歌坐坐陰陰
環竹木窓開面面繞江河平田蛙鼓鳴春雨斜
日漁家晒晚簑一笑總能消萬慮衙門常自閉
烟蘿

雨中登遐觀樓四首

東臬怪石挿嵯峨小有山樓隱薜蘿閑把佛珠
總下數遠看仙鶴雨中過巖松色共蒼烟合徑
草陰連碧蘚多波面儵魚遊隊隊盪搖新水動
池荷

松菊堂集

卷九

六

其二

江邊響荻蘆蕭蕭秋色滿郊墟况逢時雨
當清晝數有涼風稱燕居暑氣却隨梧葉散酒
情應共暮雲舒登樓望處迷雙眼閑向匡床獨
枕書

其三

洗盡紅塵豁兩眸松陰香霧水邊幽軒窓忽爾
欣無暑田畝爰知預有秋數點蜻蜓穿葉舞一
雙鷓鴣狎魚遊林嵐處處蒼翠曳袂登山更

上樓

其四

紅蓼江邊雨更嘉忘機白鷺下汀沙階頭蓊蘚
忽增繡池面芙蓉將落花風閣午餘惟展簟冰
盤秋到始嘗瓜臨流倚杖聲喧耳草滿芳堤幾
處蛙

蟻舟江邊登鳳凰山寺

水拍蘭舟近柳汀綠蘋風逐听花聲水連天處
無邊白山傍江來不斷青芳草蝶翻尋舊徑夕

松菊堂集

卷九

七

陽人語在幽亭一聲清磬禪堂裡高頌遙聞貝
葉經

自覺

清宵寂寂坐禪房何處蓮花入几香忍性自知
同鐵石洗心兼得近滄浪相從鳥雀栖三徑拋
却琴書卧一牀塵想覺來虛室白佛前燈影漏
殘光

贈林學憲

林公還自翰苑

簪筆當年侍帝旁翩翩爭羨少年郎暫拋魚

佩辭丹闕夙有鴻文著玉堂暇日琴書供几席
深春桃李繞官牆高懸一鑑來滄海收入明珠
動夜光

讀李崆峒集

崆峒天外勢崢嶸山岳靈鍾挺萬英曲有陽春
稀和客文回星斗賴先生還看仙籍青蓮謫復
見幽關熱氣盈奇種翩翩誇世美風流千載並
高名

雪後長至同武林大夫集佑聖觀遙祝

松菊堂集

卷九

八

律轉黃鍾動太和長風萬里度江河星聯即署
開珠斗雪報陽春映玉珂龍闕九重瞻德遠
鳳池七世沐恩多心同賀監千秋祝暫着朝衣
換薜蘿

錢塘小築

粟辭五斗賦歸來結屋吳山傍碧隈燕市風塵
迷組綬席林烟柳護樓臺未班雙鬢春遊足長
繫孤舟酒債催亭敞東風空寂寂旁人謾作子
雲猜

元日

九霄晴色萬人歡門巷笙歌度履端梅信有香
傳泰運竹聲隨節報平安金爐烟逐東風轉銀
燭光連北斗寒自覺新年多喜氣無邊春色在
門闌

新正二日同社中諸大夫東城樓上觀春
人生得意只林泉始信閑中別有天繞郭江山
春入西沿村花樹曉栖烟相逢白髮論新社共
對青樽憶舊年寓目繁華空是色紛紛車馬過

松菊堂集

卷九

九

樓前

觀春畢過五柳庄晚酌

東南佳氣鬱蔥蔥百里烟雲一望空徑草恰逢
連雨堦庭花不減舊時紅結縈香透爐烟紫繡
鴛屏圍火色紅酒債更於何處覓江頭五柳住
春風

正月十三日暮雨家宴浙兒自郡中買燈

回

上元城市簇星橋踏盡遊人路不遙千頃烟雲

迷紫陌一番風雨度清宵
金香之樽中酒
玉聲聞洞裏簫何事次郎歸得晚
花燈多辨候
春潮

與山妻東臯晚步

攜手穿林石蘚蒼
迎人鴛鴦自成行
共攀藤蘿
過巖畔咲折薔薇在路旁
秋到不妨梧葉墮
風來尚有藕花香
室中莫道無萊婦
偕隱棲遲在水鄉

與山妻莊門觀釣

松菊堂集 卷九 十
秋風江上掃漁磯
屋傍清流不掩扉
赤鯉釣來
兒女喜黃雞
咏向稻梁肥
門幽好共山妻坐
日滿還看樵子歸
一咲欲忘身是寄
齊眉相對百
羊絺

與山妻沿上採蓮

倚欄襟袂動輕漪
陣陣香風滿面吹
結子已微
連理兆看花尚憶
並頭時清芬不受紅
塵染翠
蓋遙擎玉露
臨水相携照雙鬢
二毛疑走藕
中絲

余官內苑時郭方伯寄書索西湖圖十年
未報秋日有懷

青迷江上徧菰蒲
秋到懷人日已晡
記得織書
來北闕托將圖
画寫西湖歸田問
信千山隔
征鴈臨風片渚無
尚憶細侯功業在
兒童竹馬十
羊狐

立秋日聞喜鵲

曉起欣看暑氣回
一番清景入樓臺
涼蟬得露
鳴秋急靈鵲因風
報喜來
梧葉尚懸金井
瑤蘭
松菊堂集 卷九 十

花幽傍石品開閒
居連日稀車馬
詩債無端每
自催

鴻臚兄晚號納庵賸叟賦此

宦海回頭岸已登
熱心此日化寒冰
噴惟畫字
同王笠翁為就詩
似杜陵三經香留
離畔菊一
庵孤坐衲前燈
不關時事渾忘老
總是人間舊
髮僧

早秋

楊柳門前坐石頭
西風涼意落滄洲
浴波白鷺

閑依岸招兩班鳩忽報秋池上賞花朝卧酒山
中乘月暮登樓鱸魚又足供鮮饌好向烟波理
釣舟

賞紫薇花

雨過柔枝倚石坡繁紅低映一池荷根移江上
三年盛花入秋來百日多幽思只應禽鳥得關
情無柰蝶蜂何開軒艷色全侵榻簾動清風伴
醉歌

八月十八日試新舫

松菊堂集

卷九

七

百里江光倚瑞霄隔江兒女看秋濤歌聲繚繞
隨波動酒興從容待月高近柳乍迷青雀舫遠
風忽送紫鸞簫滄江咫尺原通海不減錢塘八
月潮

王郡丞陳伍兩別駕招遊秦望雲門阻雪

移樽大觀堂同彭郡守任柱史對奕

蓬萊仙吏共凭欄琪樹瑤宮縱大觀秦望山高
遊不到雲門寺遠信猶寒登樓青眼皆王紫賭
墅蒼生想謝安霞吐晴光懸晚照一聲長嘯海

天寬

九日登塔山次呂調甫祠部韻

塵世浮蹤處處忙相逢一咲醉重陽却携筇竹
登山去為採茱萸入酒香帽底蓬鬆渾是雪巖
前楓落已經霜年過半百身猶健舞向西風學
楚狂

寄宜興吳詹簿

都門花月憶相逢搖珮同趨紫殿東我已賦
歸辭禁苑君應無夢到春宮十年策筮清江

松菊堂集

卷九

七

上千里雲山落日中陽羨春來茶可摘故人渴
思似盧仝

陸山人昂過訪五柳莊

銀燭金爐夜色驕途窮欲飲舊時貂一囊詩草
逢青眼萬里蓬窓卧瑤霄籬菊再逢彭澤酒江
風獨釣富春潮看君壯志猶如昔烏角巾邊白
髮飄

嘲任長卿五首

別君猶憶在秋餘千里雲山數寄書舟楫幾番

孤客况雲山咫尺美人居
葦蘿溪上春風遠錦帳
燈前海誓虛欲寄音書憑
赤鯉江濤淼淼正愁予

其二

聯舟共飲漏初沉可道仙
郎酒量深客裡幾人能
獨醉雪中無夜不高吟
雲迷芳草空成夢臘盡
梅花何處尋好向蘭房
倚紅翠西風門外暮寒
侵

其三

夜半寒城處處難臨風偏
近客窗啼情多神女恩
猶殘魂斷裏王夢欲迷
霧帳重搖銀燭艷雲屏
遙護翠裾低景陽樓上
鍾初動最好風光帶笑
題

其四

低頭無語坐宵深雲鬢蓬
鬆墜玉簪別後浮沉紅
葉信愁來嗚咽白頭吟
淡含梁苑花枝濕眉鎖
隋堤柳葉深可是相如
情大薄柔心到處有知
音

其五

劉郎何處戀桃花聞道前
宵已在家秦女樓中春
入夢越王臺上晚飛霞
沙平野岫棲賓鴈潮滿
寒江到海槎難得多情
雙送酒開尊今夜醉
琵琶

經徐太守里

溪深橋轉瑤溝潄刺史歸
來只掩關種樹恰逢春
雨後垂綸好共水雲閑
宅多隙地惟開圃俸有
餘錢可買山一局棋殘
天欲暝松頭明月印
松蘿堂集 卷九 十五

前灣

張郎自武林回携歌過訪

相思千里負花辰花下逢
君酒似銀雲綰綠鬟相
思千里負花辰花下逢
君酒似銀雲綰綠鬟釵
擁翠風飄芳韻襪無塵
將因紅葉憑溝水好向
清流賦洛神寒偏尚留
春色在仙郎原是画眉
人

翁山人自楚歸過東園留酌

少年美爾氣何揚廿載萍
踪返故鄉莫問郢中詩
似雪忽看頭上髻如霜
銀箏調引鷓鴣曲金

谷風生芍藥香往事却憐如過隙樽前款語聲
驚黃

紫陽菴同張開府賞雪

凌霄石磴紫陽宮縹緲臺高瑤漢通一歲又經
玄月盡萬山多是白烟籠寒深樓上惟堪醉瑞
入江南預報豐何處有香先到酒隴梅不辨六
花中

王生客吳門暫歸

相逢襟袖帶風塵一入吳門已十春登岍乍驚

松菊堂集

卷九

十六

霜裡鬢還鄉猶是客中身淒淒門巷經連雨落
落江湖少故人何處移家尋弟妹潛然無語獨
沾巾

幽居

清江初霽落帆扉萬頃雲霄一鳥飛摘盡葵花
同黃菜收將荷芰欲裁衣涼生頓覺炎塵改今
是緣知昨日非物外澹然空即色風聲雲影共
忘機

談空

窓掩蟲聲小苑東刺桐垂影曲房籬坐來長日
無塵到欲向諸天有路通對面人情孤共虎回
頭官海浪兼風當年已覺繁華夢蓮社前身是
遠公

九月十日同呂師相登龍山觀新肖像

坡前松竹鬱蒼蒼石磴躋攀薜荔長麟閣回追
千古蹟龍山登值兩重陽雲開霽日秋天碧酒
泛清尊晚菊黃南望江城開萬堞樓臺夕照座
生光

松菊堂集

卷九

十七

秋日泛舟

滄江晴日午風柔江氣多凝蓮葉舟中戴九華
來白社客携雙佩下青樓泛來赤鯉輕吹浪開
通紅葉半落秋薄暮不知何處去悠然鼓柁任
東流

楊伯武入山陰二首

一幅綸巾髻未華數來溪上飯胡麻青衫色染
千林晚綠華花開二月賒夢入家山憐客夜詩
題石壁晚清霞臨歧恋恋斜陽盡忽聽江城啼

暮鴉

其二

携將詩卷墨痕香
寶劍瑤琴共一囊
莎浦倒懸晴月小
竹帆遙度晚風長
右軍池上鷺應在
賀監湖邊客任狂
我有小亭臨水曲
幽蘭欲吐待流觴

秋日五柳莊二首

蕭瑟虛窓思不窮
茆檐昨夜動西風
滄洲雁落寒烟外
遠樹蟬鳴夕照中
徑滿蓬蒿同蔣詡
書

松菊堂集

卷九

木

成玄草似楊椎朝來過
雨秋潮急新水潏潏曲
間通

其二

寂寞荒村日似年
香來知是稻盈田
白翻鸛鶴巢松徧
青入藤蘿繞石纏
梁上忽歸秋社燕
渡頭頻過暮潮船
窺窓獨有涼宵月
常借清光到榻前

題雲樵為武林瞿醫士

歲名卜築在城隅
櫺入青山似畫圖
持斧穿雲

過北嶺負薪帶月返西湖
千林玉露秋將盡
一粒金丹病即蘇
飲得太和長是醉
人間有酒不須沽

松菊堂集

卷九

尤

松菊堂集卷之十

東越孫鑿著

七言律詩五十二首

長嘯臺十首

江上羽客見訪

艤舟姜岡卿竹院二首

訪成公子花前留酌

呂舍人園中賞花

泛舟登小鳳山飲盧使君酒

松菊堂集

卷十

二月望日懷長兒如游會試

與姜岡卿韓明府携歌汎舟夜酌

春分雨雪有作

送任長卿

立夏卧病二首

立夏後一日葉尉携酒江園予以病不飲

筵中放歌葉尉自酌

登吳山周覽左江右湖尋大觀樓已廢感

而有作

月下聞笛

九日同陳胡兩生泛舟至鳳山阻雨歸登

遐觀樓晚霽對月二首

舉網得白魚長二尺烹飲醉成

入西湖懷故里社中諸友二首

佛誕日與衲庵兄西園散步適有京察之

報次兄韻二首

雨過

胡蔣張三藩叅過五柳莊賞荷余赴飲他

松菊堂集

卷十

出遣歌童侑之

送任刺史入杭州兼寄居停金子

兒曹籬邊進酒

十二夜雨中觀燈

十二夜試燈風雨連夕有上元知不負仙

家之句是夕果晴喜而賦此

上元夜觀影戲

上元已過邵薄伯自武林歸有燈前之約

聞將西歸詩以留之

花朝山堂待月

送周水部之荊州督關

參軍叔花前招飲次鴻臚兄韻

九日期任柱史不至

延慶寺訪德基上人四首

謁宋陵

再遊蘭亭

應廿七秀才七十初度

有感

松菊堂集

卷十

三

七言律詩

長嘯臺十首

迂疎只合守蓬蒿耕鑿餘生世已逃幾隊帆檣

歸夕浦半村烟柳散輕颺眼中遙望空雲漢世

上浮名薄羽毛却咲滔滔東逝水朝來暮去海

門濤

其二

小築層臺近故廬舒徐步履縱郊墟去年芳草

抽將徧舊日深交過不虛露氣漸滋幽谷樹月

痕偏哭曲塘魚冷然千仞憑空處已覺人間萬劫除

其三

碧漲綠堤潮水平和風初夏拂衣輕雲連翠竹
分三徑月浸朱樓傍五城水上吟成鸚鵡賦臺
中嘯動鳳鸞聲江空一夜黃梅雨采采扁舟薜
荔情

其四

江口臺深百尺梯崎嶇石徑竹林西疎簾搖動
松菊堂集 卷十 四

湘波影芳芷侵尋碧水溪遣興自來詩不廢同

聲忽至酒相携四山環抱多奇絕著得幽人此

地栖

其五

旋熟胡麻烹蕨薇山人飯罷客來稀嬾梳白髮

垂蓬鬢偶出清溪曳草衣勲勳麒麟同幻化盟

深鷗鷺共忘機石邊滴水還和墨一卷黃庭手

自揮

其六

新籜盤旋石徑穿幽人突兀坐如禪頻看陌上
熱梅雨盡種江頭負郭田火擁藥爐渾不夜手
栽花樹可忘年一聲何處吹橫笛隔水人家別
有天

其七

樂水悠然性自偏數楹茆屋倚前川先天易理
應非畫太古琴心豈在絃目縱三山何處是彌
空四海有聲傳烟霞不用尋幽境一片澄心隔
世緣

松菊堂集

卷十

五

其八

高蹤雅慕百泉名林下從遊阮步兵三載無言
惟授意一聲長嘯已含情榮枯試看堤邊柳出
處應同水上萍時事厭聞雙耳塞默然獨守太
玄經

其九

蘿烟嫋嫋柳翩翩鳩喚前村欲雨天風景別開
仙嶠裏樓臺高並客星邊江聲迢遞通千澗潭
影澄空似百泉忽爾劃然空外響憑虛一嘯萬

山傳

其十

層樓縹緲俯丹梯翠抱瑯玕百尺齊水漲春潮
連雨急草沿沙渚帶烟迷江花點綴漁舟外峯
石參差雉堞西長嘯一聲人不識乍疑天籟動
林蹊

江上羽客見訪

菰蘆葉高白鷺飛徑過羽客開荆扉夏雲約雨
日初落木槿背山花尚稀赤松有伴將辟穀桃

松菊堂集

卷十

六

源何處堪忘歸尚平兒女已無累五岳十洲皆
可依

艤舟姜岡卿竹院二首

詩成白雪映窓寒蕙水松雲意緒寬別館夜移
新雨榻釣船波動舊漁竿我因看竹還尋主君
為思尊早掛冠乞得南隣江上地盡栽千尺翠
琅玕

其二

紅蓼青蘋滿舊墟扁舟莫道出無車簪纓拋却

國策囊空來尚買書短晷香生莎逕暖
疎欄雲傍草堂虛知君最是逢迎懶深掩江扉
只燕居

訪成公子花前留酌

海桐盤結繞名園興引寒暄穀雨天疊有小山
當檻外携將繁管奏花前酒因詩興春常醉柳
拂爐香晚駐烟自是李倫金谷艷杯擎翠袖笑
嫣然

呂舍人園中賞花園對卧龍山

松菊堂集

卷十

七

高綠敷陰樹一丘閑雲團蓋抱西樓垂芳槐宰
貽王晉解語花神似莫愁龍卧青山橫几上鶯
啼碧柳隔江頭嬌喉歌罷繁絲奏把盞何妨盡
日留

泛舟登小凰山飲廬使君酒

廬家新釀鬱金浮開甕招尋逸客遊山接鳳凰
島喚小舫移青雀水鄉幽松杉風送聲疑管樓
閣堤懸影入流何處遠僧叅佛罷蒲團趺坐嶺
西頭

二月望日懷長兒如游會試

老去益深遊子戀每逢時序思何窮即看江畔
柳初綠遐想都門杏欲紅九十日春過已半四
千里路信難通登樓目斷長空外雲樹朦朧似
夢中

與姜岡卿韓明府携歌汎舟夜酌

冰盤鬱鬱薦楊梅薄暮蘭舟酒共開江畔好風
驅暑去山間華月逐人來殷勤二美歌初動傾
倒三公興未迴已厭城南鳴角片雲頭上復

相催

松菊堂集

卷十

八

春分雨雪有作

陌上難逢酒旆懸杖頭已負百文錢不堪久雨
迷春徑那更同雲欲雪天社燕衝寒尋舊壘海
棠含咲帶輕烟恠來江浦披蓑者渙火風前夜
泊船

送任長卿

滿江新水路悠悠雲外征帆不可留燕為社來
君別社心隨舟去霧迷舟廟廊知已多青眼江

海懷人易白頭惆悵河梁分手處酒闌斜日下
西樓

立夏卧病二首

經旬抱病繫愁城苦為耽詩太瘦生林樹漸稠
留暑陰杜鵑不倦送春聲路迷曲徑惟蒿徧雲
鎖衙門自月明人世等閒容易改只隨鷗鳥締
交情

其二

江天晚霽散幽香爍畔清風繞竹床身病不堪
松菊堂集 卷十 九

償酒債春歸番笑為花忙半生空自憐萍跡七
終何人過草堂高枕北窓將十日不知門外變
新黃

立夏後一日葉尉携酒江園予以病不飲

筵中放歌葉尉自酌

扶筇強起坐茅菴短髮稀疏疎不着簪記得舊詞
還自唱携來新酒盡君酣春葩過眼皆成幻時
序驚心且莫談即使病餘狂興在掀髯一咲樂
甚甚

登吳山周覽左江右湖尋大觀樓已廢感
而有作

危梯直上混樵蘇携得高陽舊酒徒方丈儘容
栖歲月東西隨意攬江湖遊人歌管當時盛讌
容樓臺此日無攀樹捫蘿登眺盡落霞紅樹晚
山孤

月下聞笛

日落山空獨倚樓誰吹長笛隔滄洲可堪孤鶴
聲同怨不是愁人淚亦流落盡梅花香寂寂折
松菊堂集 卷十 十

來楊柳思悠悠仰看清漢渾如洗明月今宵已
半秋

九日同陳胡兩生泛舟至鳳山阻雨歸登

遐觀樓晚霽對月二首

半江蘆荻卧沙鷗幾幅芙蓉老渡頭住近名山
逢九日汎來細雨滯孤舟孟嘉不落風前帽更
亮還登月下樓一望長天含晚霽波搖空影動
深秋

其二

登高阻雨負重陽歌鼓歸舟興未央帽插山菜
雙鬢紫盆移離菊一枝黃滄江忽見烟光歛遠
岫遙分月影長尚有白衣能共酒花前傾倒醉
清光

舉網得白魚長二尺烹飲醉成

江水新添數尺餘遊鱗隊動江虛乘潮落日
浮孤鷁投網中沅得巨魚稚子歡呼過柳岸渙
翁遙羨在村墟秋風鱸膾何須憶明月當鐫照
廣除

松菊堂集

卷十

十一

入西湖懷故里社中諸友二首

草碧沙明白鴈稀滿巖香雪映斜暉移舟酒綠
遊無伴照席山青興不遠水落湖光搖夕浦雨
深寒力刺春衣回思故里同心友獨向江頭載
月歸

其一

百疊山迴古寺西六橋烟樹遶湖堤簾開紫燕
隨雲入柳外黃鸝傍酒啼老眼看春懷舊侶孤
吟近日有新題芳菲減却知多少片片飛花逐

馬蹄

佛誕日與衲庵兄西園散步適有京察之
報次兄韻二首

石壇瑤草竹闌干滿樹荆花蕊尚含西望何緣
逢佛日南來近亦有瞿曇韶華荏苒惟應醉時
事紛紜久不諳長掩松關櫺老衲中天明月照
空庵

其二

門前山色入簾青片片閑雲護小亭沙上春深
松菊堂集

卷十

十一

眠白鷺堤邊日午聽蒼鷺匡廬欲結池蓮社彭
澤空羈斗粟名眼底風塵來薊北烟霞去住不
關情

雨過

平堤江水小舟孤汨汨溪聲入燭湖林結遠嵐
朝簇錦山懸薄霧暮沅酥雨深不用憂千畝林
好何妨醉百壺片片平疇多白鷺銜將苗葉弄
新雛

胡蔣張三蒲叅過五柳莊賞荷余赴飲他

出遣歌童侑之

尋遊移席問花神只隔城西托比隣荷沼送香
聞十里薇垣來客有三入酒逢華月涼光滿漏
盡清江夜色新元亮別投蓮社去特令歌吹侑
嘉賓

送任長卿入杭州兼寄居停金子

綠水堤邊青雀舟聞君今夜過杭州幾年秋夢
思吳市百里潮聲到驛樓東道預知賢主待西
湖應續舊時遊相逢若問山中信為道孫生已

松菊堂集

卷十

十三

白頭

兒曹籬邊進酒

林泉寄傲酒杯間秋色催詩未是閒照席寒光
臨牖登臺佳氣滿南山葉懸霜後疑黃菊鶴
放籠邊似白鷗即有埴篿籬下奏花枝遙稱舞
衣班

十二夜雨中觀燈

青陽易令景偏嘉起蟄飛蟲弄碧紗高閣夜鳴
風外管疎簾燈動雨中花勝懸火樹迎春色喜

結星橋待月華曾與廣寒人有約上元知不負
仙家

十二夜試燈風雨連夕有上元知不負仙
家之句是夕果晴喜而賦此

上元知不負仙家彷彿東方散晚霞五夜煙燈
聯玉魄六街梅柳合銀花雷聲先報龍蛇蟄雨
色初開草木華春早只今晴得意高陽處處醉
琵琶

上元夜觀影戲

松菊堂集

卷十

十四

紛紛絃管酒盃頻金谷無須問季倫絳蠟一堂
春似錦黃昏三徑月如銀虛名只隔燈前紙浪
跡還同影裏人想像五侯今夜宴蟬冠不換鹿
皮巾

上元已過邵藩伯自武林歸有燈前之約

聞將西裝詩以留之

早梅落盡信誰憑聞說來歸喜倍增詩料儘堪
償酒債草堂猶及賞花澄舊時白社誰非主何
處青山不可登明月江天知有待雕欄十二任

君凭

花朝山堂待月

一枝棲息似鷓鴣凍合江頭妬柳條
火辨芳尊開桂棹可堪連雨度花朝
寒綢尚覺春情薄坐久番燠酒力消
晴色忽開山有約儘憑明月醉今宵

送周水部之荊州督關

書劍匆匆作勝遊一尊聊得片時留
江河渺渺春生水風雨蕭蕭夜放舟
大雅自來推水部高

松菊堂集

卷十

十五

名皆願識荊州楚天望入長空遠雲樹蒼茫萬疊愁

參軍叔花前招飲次鴻臚兄韻

春風白髮興偏佳叔侄尋遊只謝家
棠棣近來多綻萼薔薇何處未開花
相過南陌穿雲逕同向東山待月華
招飲不辭連日雨屐痕狼藉野橋斜

九日期任柱史不至

雨報重陽度羣微朝來天外片雲飛
看山到處

多黃葉送酒何人是白衣籬下不妨終日坐林間
直待暮鴉歸棋聲還在東山墅一局敲殘已落暉

延慶寺訪德基上人四首

泠然飛錫隱明州不許紅塵水面留
草就練飛懷素跡蓮開社結遠公儔
青松掛月孤城暮翠竹凝烟古寺秋
乍到欲忘塵世想半生回首付東流

其二

松菊堂集

卷十

十六

沙門石磴轉悠悠雙樹成林古道幽
錫杖擲空曾服虎木杯浮海不驚鷗
虛堂念佛齋心坐靜院偕僧款步遊
頓覺此心無恙礙風霜到鬢為誰憂

其三

雨過山松盡灑泉遠看嵐影翠當前
悟來空裏還生色可到閒中每習禪
半卷殘經聞五夜一聲清磬動諸天
虛堂不礙高人訪布衲蒲團卻世緣

其四

地隅紅塵接上方亂藤高竹共蒼蒼沿門持鉢
清齋足入院鳴鐘白晝長兩後降龍歸大藏月
明棲鶴下迴廊憑僧笑問西來意安得醍醐灌
頂涼

謁宋陵

携酒山行一探奇古臺荒草可勝悲花開三月
惟啼鳥薜蘿千年有斷碑陵寢幾更新宇宙宮
牆猶壯舊威儀丈夫不洒傷春淚回首那堪見

松菊堂集

卷十

七

忝離

再遊蘭亭

脩楔猶傳晉室才千年塵蹟只堪哀有詩對客
還題竹無水臨亭亦汎杯芳草坐深雲影度夕
陽低盡馬啼催彭殤今古皆虛誕好向春風醉
百迴

應廿七秀才七十初度

膠庠夙秀出羣才意氣昂藏老未頽烏帽不侵
頭上雪紫霞浮動掌中杯堂標錦樹連雲迥蕭

引青鸞度海來報道庭前秋事好斑衣舞傍桂
花開

有感

夢裏傳宣侍玉鑾逢人猶自說長安喜聞農唱
機方息欲報君恩意未闌鳴佩趨朝當五夜
枕書高臥正三竿由來仕隱難兼併魏闕何人
戴鵲冠

松菊堂集

卷十

八

端峰先生松菊堂集卷之十

端峰先生松菊堂集卷之十一

東越孫葵著

七言律詩五十二首

江上秋興四首

題輕燕圖

次俞秀才登徑山韻

秋夜舟中酌夏秀才酒

問月亭獨酌

登園中小東山漫酌

松菊堂集 卷十一

次則溪兄元日見懷韻

與剡溪兄談詩

立秋日集諸妓泛月

紅梅

春梅

徐元戎鎮海上值五十初度二首

期巖公子賞花辭疾荅此

卜壽地得盤龍山

貽鴻臚兄棠棣花即生第四子時年七十

次來韻

招寶山寺

寓山陰寒夜睡覺聞簫起坐命酌

藩伯諸公銜 詔至燭湖先隴二首

中秋石橋家宴

送文融弟 詔赴太常

周令君乞菊以詩奉荅

庭菊盛開與葉胡兩丈携歌共賞

郊園送黃內史乘月夜蒞

松菊堂集 卷十一

送張藩幕遷官北上

武林與潘景升夜坐

七夕

任長君葉二丈過東園予談時任長君將

赴官

九日同介如上人登龍山

黃兆聖過訪城居余出江園不值詩以期

之

五日與葉友對奕

望海樓二首

葉二丈評余詩有明珠莫暗投之句答此
與胡巨卿登鳳山

汎舟至盤龍山暮歸有作

胡山人冒雪歸梅川

送張顧二山人

天台周使君書至

周柱史招飲舟中出西湖吊古詩

陶司寇西歸任張管三觀察過江園送別

松菊堂集

卷十一

三

艤舟柳陰對奕呼歌者不至

小莊桂花復開期徐葉二使君賞之二首

與胡六弟談都門舊遊

雨過觀牡丹

都閫瀛侄之滇南二首

錢君訪普陀還憩龍泉寺

七言律詩

江上秋興四首

隔水烟輕積雨收水邊高樹拂虛樓蒼然景入

一和暮颿爾風生萬壑秋魚鳥相親時作伴江
山獨對足消愁誰人解却閒雲意縹緲長空任
去留

其二

叅雲飛閣俯青山漠漠東疇鶴一雙石沼潺湲
通北澗風巖蕭瑟嵌西窓花開爛熳疑金谷客
至從容汎玉缸心遠不妨城郭近歌諧松韻共
成腔

其三

松菊堂集

卷十一

四

心空色相類寒氷兀坐居然畜髮僧雉堞晚收
江口月渙舟夜泊埠頭燈誰將短笛閑三弄自
啓幽窓試一憑苔積幽巖聊試屐危梯窈窕步
層層

其四

曲徑通幽草閣開扶筇登眺恍蓬萊雨餘北渚
潯陰合烟繞東山紫氣來彩筆乘春常染翰青
天問月獨含杯隣家老圃能分菊日日携鋤手
自培

題輕燕圖

春苑垂楊亦可憐東風新燕繞堤前輕迷花萼樓西雨長帶昭陽殿裏烟窺向画眉情最巧翻來紫袖影初旋謝家朱戶非前日目斷山雲憶舊年

次俞秀才登徑山韻

山駕危梯百尺懸憑虛千里思茫然風生白鶴蒼天外雲擁青牛紫氣邊碧樹秋空頻落葉丹崖石竇亂飛泉飄飄忽覺身如寄聊借山僧一

松菊堂集

卷十一

五

榻眠

秋夜舟中酌夏秀才酒

秋半江城露滿臺水光蕩漾綠於苔綠雲片片隨風去珠斗垂垂映水來歌罷漏殘狂客醉月明江上美人回多君更有尋花興畱取芳尊待桂開

問月亭獨酌

月到孤亭皎若盤風微花影墮闌干杯停為問光何滿坐久還禁露未寒雲外吹簫遙引鳳空

中飛珮快乘鸞興長欲上清虛府碧海三山振羽翰

登園中小東山漫酌

十日東山踪跡踈畱雲洞口繞蜘蛛庭梧葉落秋多少石磴苔深路有無雨積空林涼透早露深虛閣月明孤坡前掃徑班荆坐一曲琵琶酒百壺

次剡溪元日見懷韻

豈避窮交歎自尊寒深人跡斷孤村摘來栢葉

松菊堂集

卷十一

六

開新酒罵得桃符守舊門出岫烟雲千樹合敲窓風雪一燈昏相思何處尋安道剡水溪頭駕隱輪

與剡溪兄談詩

五字耽吟老未愁風騷獨擅傲林丘青衿誤却平生業白髮空懷壯歲憂松栢山中深隱約芙蓉江上狎盟鷗問奇數向玄亭過夜雨臨牀語不休

立秋日集諸妓泛月

潮痕拍岸水淩迴雙棹隨波向晚開每就月明
天上泛忽逢秋色夜深來嬌喉競起歌金縷纖
指齊看捧玉杯斜倚蓬窓還騁望浮空島嶼似
蓬萊

紅梅

燕地相看亦異常瓊姿點點照杯光消塵獨有
冰為標混世聊同杏作粧雪嶺彩霞輕弄影珠
宮丹液暗流香霸橋策蹇清修士此夕逃名到
醉鄉

松菊堂集

卷十一

七

春梅

美人何處寄遐思夢斷羅浮祇自知皓月有情
同入戶黃昏無語獨臨池一枝已動陽春色五
出猶含白雪姿忽聽數聲空外鶴恍疑清怨笛
中吹

徐元戎鎮海上值五十初度二首

雲繞旌旗樹裏回營前饒鼓動秋雷即看寶劍
當筵舞忽有青鸞駕海來紫綬繫將腰下印瓊
漿瀉向掌中杯將星子夜明如月獨向中天拱

上台

其二

英風萬里識長驅少擅屠龍老佩魚帷幃全憑
黃石峯雲山未共赤松居身提虎豹開營壘手
斬鯨鯢出海隅見說令公登上壽汾陽勛業幾
應如

胡巖公子賞花辭疾荅此

城西公子到來稀多病文園獨掩扉風雨妬春
花徑阻江天入暮客星微只憑兔管揮詩卷不

松菊堂集

卷十一

八

看羊裘過釣磯臺上牡丹猶未落更逢明月照
舊薇

卜壽地得盤龍山

蒼苔翠嶺鬱蔥蔥日照瓊崖結彩紅錦樹萬章
啼紫鳳清江九曲護蒼龍天開潮汐通深浦郭
帶樓臺送遠峯丹穴千年遺澤在氤氲五色有
雲封

貽鴻臚兄棠棣花即生第四子時年七十

次來韻

長庚星夢到吾家忽通瑋書寫不差老蚌珠明
海有色枯楊露浥樹生華克閭紫氣團傾蓋照
社神光混落霞棠棣移將先入兆晚來重看霧
中花

招寶山寺

半入丹梯路轉賒鐘聲先報梵王家濤翻助雨
喧天起嵐簇迷人抱日斜極目空中開佛坐清
心雲外見蓮花普陀只在滄溟外安得張騫犯
斗槎

松菊堂集

卷十一

九

寓山陰寒夜睡覺聞簫起坐命酌

山城玉漏故相催孤枕殘衾夢正迴起坐寒深
惟對火燒燈穗落漸成灰何堪旅客聞簫管獨
有家僮進酒杯想像秦樓聲恰似雲端應有鳳
凰來

藩伯諸公銜 詔至燭湖先隴二首

湖開新碧浪花流豈是乘槎犯斗遊 舟詔有
程來四牡青山何意過諸侯星臨月殿千門曉
風度娥江六月秋稽首瞻恩如咫尺龍旌雉扇

五雲浮

其二

煌煌使節度江城馬首祥光百里生寵自楓宸
天子詔徑懸松色大夫行山堂乍擁風雲氣嶺
道初開日月明仙仗森然韶舞度叢筠隔水鳳
凰鳴

中秋石橋家宴

林塘秋半葉初消汨汨江聲乍進潮萬里愛看
懸皓月百年幾得遇晴宵却遵水曲穿雲徑似

松菊堂集

卷十一

十

入天台坐石橋誰引鳳雛來竹院風前隱隱聽
吹簫

送文融弟 詔赴太常

滄江曲曲水潺潺江上長堤草色斑遺迹已甘
投白社徵書何意到青山龍鱗攀向風雲際豹
變文看宇宙間應是 聖明思賈誼還從前席
覲天顏

周令君乞菊以詩奉答

世外閒人水上莊慣蓬雙鬢坐茆堂半秋雨積

偏侵菊九月籬邊未吐香庭草芬芳薄茂奴縣
花穠艷說河陽如何借問陶家徑政暇移尊好
共嘗

庭菊盛開與葉胡兩丈携歌共賞

門騎蓬蒿小徑彎求羊不速過相看花非往歲
凝霜重酒向深秋盡日懽乍有香風吹白髮况
逢明月上朱欄杯前半吐黃金色妬殺紅粧舞
翠盤

郊園送黃內史乘月夜發

松菊堂集

卷十一

十一

垂楊嫋嫋竹脩脩祖帳尊開駐使輶山月近城
晴半吐江風入幕暑全消新知心可金同斷高
雅人看玉是標鳥外雙旌懸露發郊原螢火未
分宵

送張藩幕遷官北上

江畔行吟誰獨醒蕭然官况似飄零便從天上
沾新露總落人間應列星紫氣高秋銜玉樹碧
霄明月照青萍丈夫踪跡隨南北一幅輕帆去
莫停

武林與潘景升夜坐

高陽市裏杖頭錢小院尊開酒似泉桐葉舞風
紛落几竹林飛雨薄侵烟半囊書劍長為客五
岳星霜不記年遙夜連床眠不着且聽清嘯坐
燈前

七夕

千門乞巧競登樓夜半相逢總是愁雲鬢可堪
鸞鏡曉星河虛度鵲橋秋應知天上啼紅淚莫
恠人間賦白頭離合有情多繫累爭誇五岳向

松菊堂集

卷十一

十一

平遊

任長君葉二丈過東園手談時任長君將
赴官

東陵園畔護烟霞半是青蘿半是瓜徑隔人蹤
迷野樹堂迎仙客飯胡麻林泉耕鑿身隨隱簪
組風塵鬢易華到手躊躇論出處局中一着不
容差

九日同介如上人登龍山

重陽會繼龍山勝紅滿霜林瑣碧牕飯罷涼風

吹小雨坐移返照落清江經聞古剎鳴金磬酒
送東籬倒玉缸望入諸天無際岸長空飛鳥自
雙雙

黃兆聖過訪城居余出江園不值詩以期
之

河陽縣裏數傳書寧料翩然駕鹿車江上自栖
松徑老城中誰訪華門虛甕餘罇酒堪留客園
近盤餐只剪蔬連日思君君不見豈因避跡故
人疎

松菊堂集

卷十一

三

五日與友對奕

東臯坐對杳忘思簷隙清陰樹影移六十三年
逢五日尋常雙鬢變千絲榴花萱草經新雨艾
葉蒲鱗總舊時老友數過銷永晝共敲一局不
爭棋

望海樓二首

淼淼迴瀾浪未平江豚海馬勢縱橫山懸古樹
烟嵐色春漲寒潮日夜聲劍倚龍光歸大澤舟
分漁火瀉滄瀧玻璃碧繞天連水又見蛟騰九

萬程

其二

萬派天橫勢自尊十洲縹緲散朝暎乾坤旺氣
開蓬島江漢洪濤度禹門應有樓臺春起屬忽
看雲霧曉騰鯤丈夫夙抱滄溟志赤日扶桑手
可捫

葉二丈評余詩有明珠莫暗投之句荅此

久厭逢迎守一丘病餘疎懶合栖幽還因郢曲
春來和莫笑隋珠暗裏投醉枕琴書依竹榻晴

松菊堂集

卷十一

十四

攜歌管試蘭舟灌園已得閒中趣自到青門薄
五侯

與胡巨卿登鳳山

適時消得此身閒何必丹爐可駐顏無那雨多
初見日不堪春盡始登山天空帆影移江上風
細松花落酒間座有幽人歌宵窅翠微深處隔
塵寰

汎舟至盤龍山暮歸有作

晴江十里水悠悠人喜逢秋髻怯秋帶酒日斜

蘭棹急近城風細竹帆收消閒每度笙歌盡逐
浪空傷木葉流回首松楸多慷慨此身飄忽總
虛舟

胡山人冒雪歸梅川

片帆衝鴈意如何癯影堪憐映碧波四野迴風
迷鳥跡半江歸棹濕溪簑河邊積雪寒猶釀天
上同雲晚更多却笑子猷乘夜發梅川興較剡
溪過

送張顧二山人

松菊堂集

卷十一

五

青山對酒足徜徉蘭蕙綠江樓岸香早起送君
無奈雨愁來到鬢漸成霜蓬蒿不刈人稀過松
菊成行徑未荒握手丁寧期二仲秋來新釀待
君嘗

天台周使君書至

遠天鴻影嘆離群杯酒聊憑強自醺郡裏有書
頻寄我山中無日不思君夢迴孤榻傷秋雨望
入千峰隔暮雲已辦巾車將過訪赤城相對共

論文

周柱史招飲舟中出西湖吊古詩

羨君意氣出風塵口吐珠璣字字新北闕彈文
心許國西湖吊古句驚人丹霞影斷千林晚黃
鳥聲傳二月春簫鼓盡船歸柳外紛紛燈火簇
城闌

陶司寇西歸任張管三觀察過江園送別

艤舟柳陰對奕呼歌者不至

輕雷微送雨霏霏暑涼生若解園携酒高陽
徒盡至思家孤棹客西歸風塵是處皆棋局江

松菊堂集

卷十一

六

漢何人守釣磯莫問章臺春在否陶潛門巷柳
依依

小莊桂花復開期徐葉二使君賞之二首

日薄空山繞戶斜忘機踞坐傍鷗沙寒林忽散
孤城雨叢桂重開八月花入坐文光移斗柄凭
欄秋色動煙霞眼空憶海甘遺佚一任西風老
物華

其二

戎趣為園日涉幽巒門薛荔俯滄洲雙携琴霍

來五馬高枕圖書守一丘
霜柳摧殘彭澤隱天
葩搖落小山秋
回思桂籍空成夢
香揮綸巾咲
白頭

與胡六弟談都門舊遊

龐公寄跡白雲間
逸駕翩翩不可攀
草閣尊前
雙白髮蓬門兩後一青山
垂簷薜荔推書幌出
水芙蓉破酒顏
莫問長安裘馬客
風塵猶自繫
鸛班

兩過觀牡丹

松菊堂集

卷十一

七

侵階翠色草初長
杜宇啼紅怨夕陽
薄霧漸收
春似錦微風不斷樹
生香幾迴花下調銀甲
數
向欄邊醉玉觴
可是巫山神女現
夜來為雨洗
新妝

都閭瀛侄之滇南二首

驪歌一曲酒初酣
岐路迢迢駕遠驂
踈雨濕裝
臨祖帳雙城連岫鎖
春嵐欲畱報
主憑壽略
預卜封侯在咲談
宇宙功名原是寄
不辭裘馬
下滇南

其二

遙遙碧漢動星文
帷幄神機九塞聞
風挾兵聲
先度水山含壯氣
盡成雲雨橫
長劍出新績
我向圍棋聽異勲
坐鎮太平
朝野望白麻名重
大將軍

錢若謫普陀還憇龍泉寺

孤蹤駐慶即為家
來往風濤歷歲華
滄海尋珠
乘舴艋沙門下榻卧
袈裟
山深寺古春侵草
院靜人閑畫落
花客至龍泉還自汲
瓦鐺石鼎煮
新茶

松菊堂集

卷十一

七

端峰先生松菊堂集卷之十一

端峯先生松菊堂集卷之十二

東越孫葵著

七言律詩四十二首

社中諸大夫次第携酒五柳莊有作

月下過盧光祿江園看花酒盡復沽詩以

酬之

送友人還楚藩長史

周明府過江園小飲

周明府借筐牀時久旱初雨

松菊堂集

卷十二

一

駕部張大夫過訪江園

余乞菊于四明龍使君命舟移至使君有

亭官署種竹千竿而余菊近千本足相

當已詩以爲謝

費藩參自癸亥偕不佞聯舟北上距今廿

載追感賦懷

費公兼以司空郎駐節吳關茲復觀察寄

此

吳觀察過姚江余抱病郊園悵然有作

嘯臺初成登吟遣興

胡使君久客武林十年一歸追感往事二

首

胡穉明宰宜興歸里中以近刻詩草見貽

答此

為陳兵憲題雙山圖

江園款客

任柱史招陪周明府不赴

梅莊觀魚同呂祠部張法曹陶進士各限

松菊堂集

卷十二

二

韻四首

雨中期莫山人不至

少司馬嵯峨張公開府浙中四首

春夜劉會稽文先移酒過訪

秋宵江上

洪士瞻携酒寶叔塔晚酌落星臺

孫錢塘誕子

錢太淑人值中秋初度于官大參孫已登

第

朱勳衛宅詠梅

西湖十景次聶大年韻十首

七言律詩

社中諸大夫次第携酒五柳莊有作

尋遊何似久蹉跎小徑秋深蘚護沙積雨故侵
黃菊少新涼旋泛紫霞多車停門巷分華月鷗
弄江潮起碧波儲興不妨頻過醉燈前莫問夜
如何

月下過盧光祿江園看花酒盡復沽詩以

松菊堂集

卷十二

三

朝之

主人隔水報繁華薄暮乘風渡小棹四壁有光
皆霽月一庭無處不名花何勞野店遙賒酒數
向山童索飲茶明日重來君莫避盤中只剖邵
平瓜

送友人遷楚蒲長史

岐路輕風引去裝羨君意氣自揚揚草侵官舍
芳猶在裾向玉門曳不妨湖湛晴光通七澤江
分秋色入三湘賈生吊屈傳詞賦更向長沙吊

夕陽

周明府過江園小飲

紛紛車騎過蒿萊烟鎖柴門向晚開輕翠席間
牽薜荔深紅葉底摘楊梅風生北牖涼侵簾酒
近南山樂有臺微雨乍收雲盡歛江風徐送月
華來

周明府借篴牀時久旱初雨

何來茂宰大江東吳越疆聯俗亦同懸榻可能
容孺子枕書猶得夢周公澤流花縣千門雨愜

松菊堂集

卷十二

四

解琴堂六月風暇日秘圖山下詠苔痕樹色一
簾中

駕部張大夫過訪江園

張君北產寄居雲間

江上芙蓉挿遠峰雙旌拂柳露華濃群空冀北
來司馬跡寄雲間起卧龍幽院僅栽君子竹高
標復對大夫松不因逸駕能臨况門掩紅塵隔
幾重

余乞菊于四明龍使君命舟移至使君有
亭官署種竹千竿而余菊近千本足相

當也詩以為謝

地僻西風巷柳斜何當尺素問山家
離間移得洞明種海上浮來博望槎
玉露流香銜夜月青尊招客醉秋花
儵然無恙亭前竹影共霜安傍翠華

費臬副自癸亥偕不佞聯舟北上距今廿載追感賦懷

廿載相思訊有無青雲高映隔江湖
聯舟夜雨驪難再下榻秋風夢每孤
肝膽更誰能剖玉文

松菊堂集

卷十二

五

章老在漫投珠故人若問徵君興
楊柳門前繫五株

費公曩以司空即駐節吳關茲復觀察寄

此

吳關擁節舊冬官觀察風裁萬里看到處多驄
俱避跡向來魚鳥亦知懼雪深誰為陽春和霜
肅能無白日寒何幸四郊寧似許不才猶得老
漁竿

吳觀察過姚江余抱病郊園悵然有作

蒼松偃對大夫容寒色侵人暑亦冬無
柰片心飛似鳥獨懸長劍氣如龍四愁
不為銷狂態七發何當奪病容遙憶春
風渾是醉從教錯喚酒家傭

肅臺初成登吟遣興

臺俯菱花白滿池綠筠新長覆東籬
山中衣草無寒暑終外調琴遣歲時
自信用才終是累惟餘高咏却相宜
全真不媿孫登後異代風流亦我師

松菊堂集

卷十二

六

胡使君久客武林十年一歸追感往事二

首

烟霞何處可栖真貪戀仙源豈避秦
浪跡慣成方外性還家苗是客中身
乍來里巷無知已漸覺湖山有故人
莫怪兒童不相識尚平父已出風塵

其二

扁舟忽報使君還開盡池蓮社已寒
不問素麻收故苑且誇桃柳寄臨安
頭顱添得千絲白藥

石難成九轉丹客久午驕風俗異城中父老半凋殘

胡釋明宰宜興歸里中以近刻詩草見貽答此

翩翩變弱薄飛霞暫駐梅川歷歲華分得囊中新賦章却疑縣裏舊栽花猶餘月俸堪供酒共羨星郎迥泛植碧露秋空懸玉樹憐余猶得託蕪葭

為陳兵憲題雙山圖

松菊堂集

卷十三

七

屋角晴烟墮遠空芙蓉雙插紫雲封鶴群自下千松月石洞斜生萬壑風野色平分秋水碧寒花偏向半山紅主人方結南陽館却為憂時起卧龍

江園款客

歷亂烟雲鎖翠微濃花小院雨中稀巷迴車轍心偏遠墅賭圖基韻不違典盡鷗鷺多為客盟諧鷗鳥共忘機莫愁有酒無兼味離筍初長野蕨肥

任柱史招陪周明府不赴

城西華屋傍青山雨長蒼苔過石欄花縣客來是烏蘭臺主近多為冠風派四座談皆勝月近中宵飲盡驪獨少蘇門長嘯者故人避世在江干

梅莊觀魚同呂祠部張法曹陶進士各限韻

四首

梅字韻

水面芙蓉處處栽香風旋引到江隈百錢杖掛

松菊堂集

卷十三

八

尤堪醉雙棹波平好獨開落日有情林杪駐遊魚無賴酒邊來千年此地梅生蹟笛奏西風悵落梅

莊字韻

露濃烟重水浪浪樹映青山檜葉長一片沙鷗隨漿白半秋籬菊隔溪黃醉來伴月高眠足歌動隨風清韻長竹外垂綸多赤鯉鑑湖西去有梅莊

觀字韻

秋高萬里海天寬野色蒼茫鏡裡遊
楓葉老孤亭局罷酒杯殘舟移山畔帆連樹
呼霜前月落灘漁火隔林歌未歇網收還夜水
雲寒

魚字韻

屋傍滄浪結隱居芳塘半畝水通渠行穿翠竹
苔痕破坐見青山樹影疎落日風輕堪放鷁澹
烟波裏縱觀魚上林曾是從遊獵却愧當年賦
子虛

松菊堂集

卷十二

九

雨中期莫山人不至

若為閒雁一登臺秋興遙從雨色來却望遠天
人不見祇憐濁酒甕初開坐多清晝孤幽賞吟
有陽春好獨裁醉後盡拋塵世想因君渺渺思
頻迴

少司馬嵒嶧張公開府浙中四首

中原數子擅雄才驚見文光倚上台帝為蒼
生還列柏人推黃閣舊和梅星寒劍氣雙龍合
風定妖氛萬騎迴可道霜威嚴得似兼携白雪

八吳來

其二

日邊紫氣滛滄波橫舉臨江每自歌壁抱連城
明月動槎乘遠漢使星過臺中霜露經秋早湖
上雲山到酒多照檻芙蓉紅不減伐來荆棘欲
如何

其三

飛魚宮錦佩金章玉樹高標氣挾霜錫馬赤旂
朱節度屠龍白刃出漁陽關時暮見風雲色報

松菊堂集

卷十二

十

國秋懸日月光世路豺狼應避跡埋輪今復有

張綱

其四

騷壇推轂主詞盟更借登壇統甲兵檄草乍飛
江漢肅劍光遠拂鬼神驚黃麻此日新持節
塞當年舊請纓江左功高安石在經綸此日懸

蒼生

春夜劉會稽丈先移酒過訪

論文意氣兩相忘纔別知音歲覺長每向春風

如對面還疑明月下空梁
樽中酒已盡
散芝蘭滿院香
款話不知天欲曉
秋光山色遠蒼蒼

秋宵江上

岫爽芙蓉秋色新
看花渾似洛陽春
杜陵白髮空憂國
三衍清談已誤人
郭外買田多作室
樽中得酒即思尊
艷歌聲裏婆娑舞
狂態從嗔倒著巾

洪士瞻携酒寶叔塔晚酌落星臺

松菊堂集

卷十二

十一

碧雲繚繞半秋天
古寺門西一塔懸
僧舍小依雙澗外
湖船多繫六橋邊
晚鍾聲雜幽巖籟
衰柳晴拖野店烟
客已白頭從未到
酒尊移磬石臺前

孫錢塘誕子

初綰銅符出建章
懽聲百里動錢塘
清江潮擁風雲壯
化國春臨日月長
玉樹迎陽花外發
驪珠入夜掌中光
逢君父老歌懷保
赤子先看福夢祥

錢太淑人值中秋初度子官太孫已第

翩翩金母下蓬瀛
仙樂聲隨鶴駕迎
堂上燭燒霞帳映
花間香惹綵衣輕
婆娑懸碧漢
星初度雲欽
蒼山月正明
慶澤已看滋
玉樹瑤階又見紫芝生

朱勳衛宅詠梅

雲母屏開淡月籠
清香微度蕊珠宮
一陽初動枝先覺
孤影纔臨夢欲空
恍是花神來故里
不

松菊堂集

卷十二

十一

堪遊客恨東風闌
干寂寞聊頻倚
數盡瑤枝第幾枝

西湖十景次聶大年韻

蘇堤春曉

樓閣東風倚碧沙
蘇堤深樹翠烟遮
波開潋灩浮春鷁
松篁笙簧雜曉鴉
近水青帘沽竹葉
懸堤石洞徧桃花
六橋望入孤山迥
放鶴猶看處士家

附

聶大年

樹烟汀霧繞隄沙樓閣朦朧半已遮三竺鐘聲
催落月六橋柳色帶栖鴉綠牕暗覺聞啼鳥綺
閣妝殘喚賣花遙望酒旗何處是炊煙縹緲有
人家

柳浪聞鶯

堤草萋萋柳復青鶯啼浪裏一楊舡誰家公子
春多醉何處佳人夢欲醒聲換嬌疑金縷唱聽
來愁掩翠雲屏悠然似奏湘妃瑟驚起潛魚破
水萍

松菊堂集

卷三

三

附

聶大年

雨後翻空一派青蘇公堤畔繫孤舡只藏鴛鴦
春聲滑不起魚龍夜氣醒遊客愛聞傳玉勒佳
人倦聽倚銀屏待看三月歌喉老又見浮波絮
作萍

花港觀魚

魚弄澄潭漾碧空春風拖蕩暖偏濃街花出水
紅千隊翻藻浮波翠百重豈有素綃傳赤鯉還
應麗日起蒼龍閑來獨釣明湖月誰道任竿不

可容

附

聶大年

湖上春來水拍空桃花浪盡柳陰濃微翻荇帶
青千尺亂躍萍星翠幾重洲渚此時多避鷺風
雲何日去為龍箇中總有濠梁樂閑網深罾波
自容

兩峰揀雲

崔嵬青嶂望來冥屏列諸山勢欲凌松檜千尋
雲叢裏芙蓉雙揀揀霧層層金牛遙動中湖影玉

松菊堂集

卷三

古

兔高懸萬壑燈望入扶桑紅灩澦曙光漸向海
門升

附

聶大年

屹立亭亭入杳冥勢雄南北氣憑凌玉簪拔地
三千仞寶蓋撐空一七層天遠不聞風外鐸夜
深遙禮月邊燈何當盡掃浮雲靜俯視東溟看
日升

三潭仰月

長天入暮騎金收千里清光浸碧流水底乍沉

金鏡香空中深貯玉壺秋
蛟龍誤喜明珠動蟾兔
虛憑碧澗浮隱隱棹聲過
靜夜澄波點破木蘭舟

附

聶大年

纖雲掃迹浪花收塔影亭亭引
瑞流半夜冰輪初出海一湖金水欲銜秋
龍宮獻璧神光吐蛟室遊珠瑞氣浮浪說影娥池上景不知此地有仙舟

曲院風荷

松菊堂集

卷之二

十五

芙蓉波面任縱橫恍耀朱旗練水兵
亂拂影隨流水漾輕搖香自曲塘生
翠擎似向雕盤舞紅墜還如絳雪傾
花畔蕩舟多麗女晚來齊試採蓮聲

附

翠圍紅繞戰縱橫似看吳宮習女兵
飛雪翻空雲影亂萍魚吹浪水紋生
錦囊零落香猶在銅柱欹斜露半傾
兩腋新涼驚酒醒西船風送歌聲

平湖秋月

何處佳人夜扣舷澄湖千頃落嬋娟
芙蓉秀並蟾中桂鴻鵠浮隨鏡裏船
閒俯金波時一弄醉看銀漢夜高眠
飄飄恍欲乘槎去徙倚清光興灑然

附

聶大年

慣向明星夜扣舷愛看波影弄嬋娟
一塵不到天連水萬籟無聲客在船
赤壁未醒玄鶴夢驪宮偏惱老龍眠
朗吟玉塔微瀾句長咲凌空氣浩然

松菊堂集

卷之二

十六

浩然

南屏晚鍾

高林翳翳翠烟生何處疎鍾通晚聲
僧舍朗然和梵語客窓颯爾動秋情
隨風細細傳空谷帶月蕭蕭響暮城
笛裡梅花吹不盡一枝彷彿落寒更

附

聶大年

柳昏花暝暮雲生隱隱初傳一兩聲
禪榻屢驚僧入定旅之偏惱客含情
月隨逸鶴升鰲嶺風

遶遺音過鳳城催散遊人歌舞罷玉壺銀箭夜
初更

雷峰夕照

雨霽嵐光日夕宜遠看黛綠鏡中施參差峰岫
飛霞斷多少漁舟落葉隨山鳥似呼人醉後烟
花能帶客歸遲雷峰塔倚青霄外搖漾平波倒
影奇

附

宜雨宜晴晚更宜西湖端可比西施霞穿樓閣

松菊堂集

卷十一

十七

紅光繞雲捲笙歌逸韻隨山紫翠中樵唱遠樹
蒼蒼外馬歸遲何人解西瀟湘景併與漁樵作
二奇

斷橋殘雪

石梁積雪似銀梯高士幽尋踏作泥隱隱龍梅
香不斷層層山檜翠將迷鋪成白地春光徧影
動黃昏月色低夜半不須移剡棹壩橋詩思促
歸蹄

附

壬午大年

醉裡曾登白玉梯東風吹暖又成泥玉腰蟠踈
垂天闊銀色樓臺夾岼迷九井晴添新水活兩
峯濃壓宿雲低衝寒為訪梅花信十里銀沙印
馬蹄

松菊堂集

卷十一

十八

瑞峰先生松菊堂集卷之十二

端峰先生松菊堂集卷之十三

東越孫鑿著

七言律詩四十八首

江城汎月

汎舟江上訪楊隱君觀菊

艤舟竹山橋村舍觀菊飲主人酒二首

葉文惠菊

觀妓

簡朱明府

松菊堂集 卷十三

人日

長史弟桂冠歸里新居落成詩以問之

人日立春荅上虞朱明府

任刺史自夔州擢潁州便歸元夜抵宅

久雨初晴珠燈未徹月下期楊別駕吳任

兩刺史過賞牡丹

呈鴻臚三兄

過燭湖積慶寺避暑示姜上人

汎燭湖晝憩招提紀興次三兄韻二首

訪魏光祿卧病

九月十三日初度呂少傅駕舟過江園田

酌次韻

謝郡博自潮陽令遷至有贈

同莫公遠由三茅觀至紫陽菴次壁間仙

韻

全支明府飲清道觀

慈山北望懷鴻臚兄時孫柱史促飲

寄費觀察

松菊堂集 卷十三

二

携酒呂師相山亭飲黃兆聖黃德卿兼有

五柳莊之約二首

勞中丞過五柳莊

鴻臚兄期過燭湖嘗楊梅阻雨

介如上人渡曹娥憩龍泉寺

邵方岳七十初度即君侍酒

雪後月明遲胡巨卿不至

簡莊九丈

蘭亭

晚晴與吳山人江上待月

乞紅芍藥

九日登龍泉山中天閣

胡山人還梅川

期姜同鄉過五柳莊

元夜同任柱史觀邵亞卿鰲山

懷姜同鄉客薊門

夢與山陰陳都閫談詩

瀛姪擢河南都司喜而有作

松菊堂集

卷十三

三

一百五十四

馮昆峰蔡龍陽兩給諫擢藩臬至浙

胡巨卿過東園夜酌

寄南京陳司寇舊為邑令

挽海州邵刺史

徐子與方伯豫章計至

常開府疑予童顏有養蒼此

孟夏周二府借余采薛荔舟西渡

七言律詩

江城泛月

極浦潮痕碧樹籠羅衣香襲岼花風盡船忽驚
星辰滿黃葉初飛島嶼空鷗鷺影沉雲盡廈簷
歌聲度月明中清光復向城樓玩髮髩瑤臺玉
宇通

汎舟江上訪楊隱君觀菊

門臨江渚蒹蘆邊路轉叢筠破暝烟黃菊不隨
陶令酒青山偏近米家船香來曲徑遊蜂引影
入芳尊綠蟻傳搖落寒林秋欲盡醉鄉自得數
枝懸

松菊堂集

卷十二

四

二百五十五

艤舟竹山橋村舍觀菊飲主人酒二首

問花孤棹泊江邊夾岸秋含碧樹烟林下何人
能作主渡頭斜日未開船弄晴白鷺群依渚唼
黍黃雞半在田自咲東籬空寂寂為尋秋色過
山前

其二

放溜清溪景色賒搖搖輕浪似乘槎青山看處
能無賦黃菊尋來僅此花僻境何緣逢楚老濁
醪聊可醉田家悠然坐向霜林下閑愛村墟日

夕佳

葉文惠菊

菊繞孤松徑未荒幽人園圃羨芬芳乍移葉短
偏傷雨更喜花多不避霜東嶺月來秋有色西
風香襲午生涼分將數種誇奇絕開賞虛堂酒
共黃

觀妓

何來窈窕寄東隣忽謾相逢舞袖頻梁苑花懸
春色麗章臺柳浥露華新簾開明月穿金屋杯
松菊堂集 卷十三 五

引流霞醉玉人漫說苧蘿千載事浣紗料得是
前身

簡朱明府

年少新承墨綬加山城試宰擅聲華庭無兩造
餘蒼蘚座滿諸生列絳紗月俸僅供罌內粟風
派徧植縣中花南薰一曲娛長日地主相逢有
伯牙

人日

春圓春盤菜甲鮮兒童頻薦慶新年千家剪綵

逢人日半嶺流霞欲暮天花外鹿車來問字手
中麈尾慣談玄老年幾得逢佳節鳩杖時時挂
酒錢

長史弟桂冠歸里新居落成詩以問之

惠連經歲村城隔聞築新居俯石林紫閣攀躋
紅日近青山徙倚白雲深車懸駟馬歸田興劔
倚雙龍報國心十里池塘春正好相期盃酒共
高吟

人日立春荅上虞朱明府

松菊堂集

卷十三

六

二百三十三

山下琴堂海上邦悠然翠色簌山窓吟餘醉枕
琴三尺政暇閒携鶴一雙人日逢春催淑氣客
星遙夜映寒江新年賸喜身差健恰共高朋倒
玉缸

任刺史自夔州擢潁州便歸元夜抵宅

任家刺史暫歸鄉纔汎瞿唐又洛陽杜甫宅邊
詩有色鍾繇臺下墨生香錦窓月上明如畫玉
樹宵懸白似霜試向姚江江上望清流何似潁
川長

久雨初晴珠燈未徹月下期楊別駕吳任

兩刺史過賞牡丹

積雨江頭漲碧湍初晴雲影動闌干雖無錦帳
懸金谷尚有珠燈照牡丹翠袖舞來摧客醉艷
歌聲裏送春寒總令今夕為元夕難遇花王帶
月看

呈鴻臚三兄

解組歸來戀碧溪主人性僻合幽棲紙窓映日
蒼蠅擊櫺葉稠時杜宇啼樽酒春濃無客至池

松菊堂集

卷十三

七

三百四十五

塘草綠有詩題枕書卧向羲皇侶屋近青山一
榻低

過燭湖積慶寺避暑示姜上人

尋幽古剎燭湖中極浦長汀路未窮嶺道紆迴
千嶂出波流屈曲萬溪通黃梅半落疎疎雨翠
竹清含澹澹風支遁買山深處隱纖塵不到梵
王宮

汎燭湖畫憩招提紀興次三兄韻二首

隨風波面縱輕桡杖掛餘錢盡買醪穠樹不分

芳草綠青山多接瑤天高已知朝露如人世寧
避秋霜入髻毛松逴笙簧來梵宇恍疑洞口擊
雲璈

其二

寺邊楊柳石橋橫僧着袈裟柳外迎雲隔山頭
迷日色水連湖口動溪聲夾籬木槿懸花紫繞
院松陰到榻清繞入沙門炎暑淨林風先透葛
衣輕

訪魏光祿卧病

松菊堂集

卷十三

八

三百三十六

秋風蕭瑟入西堂門向爐邊檢藥囊咲却文園
常是渴近來詩社為誰荒花前尚憶題鸚鵡病
後何因典鵬鷖相對劇談同七發翩然不覺思
飛颺

九月十三日初度呂少傳駕舟過江園留

酌次韻

芙蓉爛熳碧雲隈短棹迎潮江上來忽爾蓬門
開宿霧不妨珠履破新苔秋深幾遇清宵月花
下休停濁酒杯簫引神仙過洞裡青鸞白鶴共

追陪

謝郡博自潮陽令遷至有贈

蓬萊雲樹晚蒼蒼
雨過芹生泮水香
亦有絃歌聞絳帳
莫將桃李認河陽
天懸霽月文星近
門引光風化日長
越國諸生紛侍側
無邊春色在宮牆

同莫公遠由三茅觀至紫陽菴次壁間仙韻

韻

茅山何處覓仙翁
斜日疎林雅興同
別院曲穿

松菊堂集

卷十三

九

百字

芳徑杳道人遙指白雲通
半懸古木飛泉外
亂挿奇峯大殿東
草坐不妨衣袂濕
陶然共醉碧巖中

全支明府飲清道觀

海天蕩漾碧霞明
石磴參差綠蘚盈
楊柳乍舒新霽色
絃歌忽逐晚潮聲
空中樓閣烟初起
望裏江湖水正平
日照山城春樹麗
縣人猶說種花情

慈山北望懷鴻臚兄時孫柱史促飲

清江若帶萬山圍
春盡登山已覺遲
回首東皋雲斷處
關情北極雁歸時
花宵數引床頭酒
草色還催夢裏詩
淑景滿前聊暫適
青駝嘶處故人期

携酒呂師相山亭飲黃兆聖黃德卿兼有

五柳莊之約二首

梯雲彷彿在蓬萊
萬樹秋聲動石臺
聯枕夢迴殘暑去
數峰江上片帆來
園花若為青尊咲
徑草偏供彩筆裁
仙境劉容浪跡胡床
携得到天台

松菊堂集

卷十三

十

百字

天台

其二

梁園近復歎鄒枚
海內希逢作賦才
二客幾時過五柳
一杯此日就三槐
山幽麋鹿行無避
洞古烟雲掃不開
暮雨初收花徑滑
雙屐齒印蒼苔

勞中丞過五柳莊

五柳莊人

為念伊人水一方
葛巾野服過茅堂
紫桑回首家何在
楊柳懸門徑未荒
新草正逢開舊社
故

人莫問是他鄉。惟來薄暮揚帆。望悵西風對夕陽。

鴻臚兄期過。燭湖嘗楊梅阻雨。

有約燭溪湖上。飲甕留新酒。共盤餐。還因棠棣稀。相見欲花楊梅一。盡驪雲樹萬重。山色暝江天。十日兩聲寒。舟航却沮盈。盈水回首家園雅興闌。

介如上人渡曹娥慈龍泉寺

石餅楊柳淨中攀。坐對松窓竹榻間。佛室晝懸

松菊堂集

卷十三

十一

二百四

燈彷彿慈航。夜渡水潺湲。不妨蓮社淵明醉得共。祇林惠遠閑已斷六塵歸淨域。一江明月照空山。

邵方岳七十初度。邵君侍酒

相逢一咲坐黃昏。寄漱山林道自尊。已向東陵辭萬戶。忽看南極曜千門。露滋椿樹含靈氣。春暖桃花破酒痕。膝下阿戎紛起舞。青青階草龍王孫。

雪後月明遲。胡巨卿不至

臘日西風雪色連。擁衾應是縱高眠。還家不復瞻秦嶺。訪友應須趁剡舡。野水玉龍迷斷浦。江城白鶴下寒烟。快來同汎杯中物。冬月能逢幾度圓。

蘭莊九丈

醉後高歌久不聞。莊生何處卧烟雲。大鵬自適逍遙趣。孤蝶還同夢寐群。求友鶯聲啼別院。當軒榻影動斜曛。呼僮掃徑頻相候。准擬開尊摘野芹。

松菊堂集

卷十三

十一

二百五

蘭亭

脩禊猶傳晉室才。千年勝蹟只荒毫。有詩對客還題竹。無水看山亦汎杯。芳草坐深雲影度。夕陽落盡馬蹄回。永和嘉會今重過。一醉風前雅抱開。

晚晴與吳山人江上待月

江頭酒肆杖頭錢。恰共幽人坐水邊。楊柳花飛頻到檻。竹林雨過尚含烟。一尊乘興還邀月。十日遙君似隔年。况是新波添數尺。潺潺流繞綠

尊前

乞紅芍藥

自咲看花情不厭主人原上是上林歸却憐舊圃
蕪紅藥乞得新枝到翠微兩後凭欄添霽色日
高開徑藹春輝釀成村酒頻堪賞百偏相過莫
暫稀

九日登龍泉山中天閣

歷亂苔痕石徑斑松關寂寂竹窓閑茱萸滿谷
身堪佩薜荔懸崖手自攀僧卧一菴深閑雨人

松菊堂集

卷十三

十三

一百一十五

逢九日快登山凭欄望入秋江晚片片舟航入
暮還

胡山人還梅川

怗爾經旬返故村多因兒女辦饔飧問人稱貸
常敲戶無產徵輸不及門何處田疇收黍稷誰
家塲圃放雞豚茅齋宛似柴桑里垣堵蕭然欲
斷魂

期姜罔卿過五柳莊

故人咫尺隔寒溫望入雲天柳外蹲應是校竿

依渭水可能聽嘯過蘇門徑餘松菊供秋色郭
繞江山帶晚村留得一罇香更釀好憑新月醉
黃昏

元夜同任柱史觀邵亞卿鰲山

邵平高蹈棄東陵佳節邀惟集友朋玉宇樓臺
千頃月金鰲鱗甲滿堂燈嬌嬌喉齶動聲如管綺
席頻傾酒似渾海上釣竿懸百尺任公意氣獨
憑凌

懷姜罔卿客薊門

松菊堂集

卷十三

十四

一百一十六

知音久曠不成歌為問行蹤近若何已辦犁鋤
供畝畝何緣舟楫渡江河燈前夜雨思家遠客
裏寒霜到髻多為報東君春信息梅花依舊滿
庭柯

夢與山陰陳都閫談詩

陳君善草書

江隔曹娥錦浪層思君夜雨共踈燈春來麗藻
關新夢雲外青山想舊登別後龍蛇書較勝托
來鴻鴈信無憑故人已入西天戒半偈庵中畜
髮僧

藏姪擢河南都司喜而有作

五十功名白髮催將軍佩印出金臺一春官裏
無書至千里棋邊有捷來勝算欲追武子畧雄
風不減仲謀才東風柳色垂絲細營壘森森劍
戟開

馮昆峰蔡龍陽兩給諫擢藩臬至浙

清朝瑣闥並稱才曾叶孫登嘯口開十載雲泥
千里別一時藩臬兩人來都中風月吟同調湖
上鶯花醉幾迴自是福星吳越照遙依紫極動

松菊堂集

卷三

五

三台

胡巨卿過東園夜酌

囊空四海任萍浮歷盡星霜鬢已秋雙屐不期
今夕至一罇若為故人留客中何處多青眼花
下相逢兩白頭家住海濱魚足食何須彈鋏嘆
窮愁

寄南京陳司寇舊為邑令

虛窓寂寂思悠悠下榻情深夢亦綢為令山城
渾似昨別君江館屢經秋每逢孤雁書頻寄忽

見雙鳬泪即流只隔金陵一千里不堪雲樹暮
登樓

挽海州邵刺史海州產白鶴

年少情投即締盟斷金交誼許平生社中已負
湖山約郡裏寧忘父老情尚有蒲鞭懷刺史豈
無竹馬憶專城還因海上多仙鶴獨跨逍遙入
九京

徐子與方伯豫章訃至

樓成白玉淹長吉七子凋零半已過薊北別時

松菊堂集

卷三

六

三百四十五

春艸徧江南望裏暮雲多情深欲掛青萍劍夢
杳難肅白雪歌彭蠡依然千頃碧秋來新水咽
愁波

常開府疑予童顏有養否此

浮漚過隙笑人間百歲忙忙老未閒開府勞心
酬社稷狂生浪跡托江山丹壚有火難成藥白
日無私可駐顏莫怪神仙塵世少幾人能透利
名關

孟夏周二守偕余采薜荔舟西渡

載書新試米家升二交村中已清秋初日籠烟
天乍曉和風吹雨隴舍秋陰未簪組猶相繫何
處漁竿不可投百里滄江芳草色清光肯為使
君留

松菊堂集

卷五

七

端峰先生松菊堂集卷之十三

端峰先生松菊堂集卷之十四

東越孫鑒著

七言律詩五十六首

小蘇門十首

葉郡守以邯鄲蕙畲見貽答此

雪夜東葉郡守楚中憂歸

登釣臺謁嚴陵祠四首

正月十三夜富春泊月魏使君送肴酒至

二首

松菊堂集

卷四

一

富春曉發回首釣臺

建德道中

十四日淳安夜泊

元夕入界口

贈少司馬汪伯玉四首

遊白嶽歸留別社中諸友

陽月既望為鴻臚兄七十初度將避跡遠

遊以詩奉留三首

汪司馬伯玉遊武林喻使君開社見招

以事遠赴中

靈隱寺

過高地嶺

過燭湖觀楊梅

江上晚歸

試李祠部新舟次李師相韻二首

七月既望汎舟江上次李師相韻

湖莊期魏光祿不至寄訊

花朝期顧郡博楊莫二山人讌集龍山二

松菊堂集

卷十四

二

首

衆樂園賞牡丹

陪呂太傅凌霄閣賞花

登錦雲峰眺海上諸山

登鳳凰山遠眺懷人

雨中顧郡博以詩見懷次韻答之

登龍山與呂貢士夜酌次韻

初晴同徐太守魏光祿呂內史昌祠部集

龍山

顧司理宋觀察徐郡守呂祠部伯仲過草

堂晚酌

宋觀察姜罔卿稱病不赴社飲

李司訓擢閩邑教諭

郭貳守覲回擢官不赴有贈

七言律詩

小蘇門十首

烟霞深鎖洞門多洞裏森森掛薜蘿津樹乍籠

滄海日野雲遙度碧江波八牕淨几閑圖史半

松菊堂集

卷十四

三

畝芳塘長菱荷不用籃輿供遠涉逍遙杖屨步

巖阿

其二

江邊清氣晚瀟瀟萬竹千松擁翠標門靜祇令

雙鶴守潭虛遠覆數峰高輕烟帶暝迷村樹微

雨隨風濕布袍曳杖悠然時獨往盤桓長是倚

東臯

其三

數椽草閣傍江村隱似公和姓亦孫遺跡欲追

高士傳幽情不與世人論狂猶故態既清興事
不閒心對綠尊栖息百年還過半只今小築擬
蘇門

其四

菱葉侵巢風漸薰身閒慣得狎鷗群田間稼穡
多逢雨林下郊茨半護雲種樹幾年成茂蔭拋
書遯日坐斜曛衣冠舊侶何須問獨有求羊是
故人

其五

松菊堂集 卷十四 四
燕雛初夏傍城飛梅熟江天雨色微為檢方書
知草性慣橫長釣坐漁磯庭槐閉日陰籠檻徑
籜穿風綠繞扉池面菱荷高數尺摘將新菜可
裁衣

其六

日出江空竹樹林穿林飛雨翳平陰頻携濁酒
拚春醉纔有新詩對客吟傍榻數磨看月眼尋
山不倦采芝心青門入夏瓜先熟藤蔓踈籬
色深

其七

林深徑僻有雲封洞裏仙人不易逢
臨絕壑盤桓白日撫孤松花明金谷春鳥風
度祇園遯晚鍾天地儘堪容散誕灌園釣水混
漁農

其八

竹牀藤簟卧江邊時序推遷且晏然刻燭恰當
書在几銜杯更喜月隨船年來謝客心長寂老
去逃禪思入玄不用研硃頻點易羲皇只在靜
中天

其九

不向天河汎遠槎身留一榻白雲遮山邊曳杖
尋僧舍市裏藏名卧酒家白石叅差凝玉露紫
芝多少護丹霞十年謝組初聞道一任侵巾兩
鬢華

其十

僻將隙地築新宮只尺三江路盡通雨鷁飛
芳樹外臨池綠冷碧波中垂柳下林雨陣

陣荷香十里風回首長安塵夢杳何勞擾攘競
爭雄

葉郡守以邯鄲夢齋見貽答此

睡眼朦朧認未真披箇千載跡猶新相逢白髮
寰中客總是黃梁夢裏身回首九重多雨露閑
情五柳少風塵只今泉石誰知己咫尺東隣有
故人

雪夜東葉郡守楚中憂歸

茆屋蕭疎火斷爐北風吹雪上頭顱寒居誰問

松菊堂集

卷十四

六

三百三十九

袁高士郢曲還投楚大夫為郡不妨書卷癖思
親無那酒杯孤一聲何處鳴哀雁遙夜驚聞夢
有無

登釣臺謁嚴陵祠四首

高節猶傳大隱名快瞻遺像想儀形悔從楓陛
趨仙仗羞過桐江訪客星冠挂林間頭已白壁
投世上眼誰青潺湲一片烟波渺極目懸厓有
釣亭

其二

帆落江空泊富春寒雲帶雨欲迷津幾逢山水
能垂釣纔逐風塵即誤身世上誰非羈旅客天
涯予是倦遊人嚴陵今古無知己舟楫相過各
愴神

其三

巖下濤聲送遠艘滄洲鷗鷺狎雙雙一竿勝蹟
存遺廟千仞荒臺枕暮江日落野猿啼嶺樹水
澄新竹映蓬窓高名直與夷齊並颯颯清風起
萬邦

松菊堂集

卷十四

七

三百三十四

其四

草宿沙明石滿谿波搖嵐影畫婁迷人登祠宇
還瞻仰身繫簪纓莫品題翹首客星蒼漢北停
撓寒日碧林西先生家在姚江上為愛名山向
此栖

正月十三夜富春泊月魏使君送肴酒至

二首

東風初覺片帆輕日暮灘頭殢客程皎皎月明
臨野渡迢迢山勢抱春城天街燈火兒童喜水

國樓臺管籥鳴小艇何人能載酒桐江郡裏使
君情

其二

晴光坐對片雲無一曲高歌酒一壺烏鵲欲棲
驚皓魄蒼龍兢起抱明珠溪山秀色添清夜城
市寒燈挂酒壚飲到夜深渾不寐灘頭四望客
船孤

富春曉發回首釣臺

曉發春城月上時懸青環碧獨宜詩枕流孫楚

松菊堂集

卷十四

八

虛名薄釣水嚴光隱跡竒日落紫烟迷古渡山
森翠柏護荒祠登臺昨夜停舟處回首桐江繫
遠思

建德道中

溪行日日逐春風夾岸青山百澗通傍石魚蝦
時出沒隨波驚鶴自西東晴收霧薄孤帆外湍
湧舟高萬樹中遠道不辭尋白岳尚平蹤跡古
今同

十四日淳安夜泊

萬重溪水曲相連百仞灘高緩進船屏列好山
雲外斷鏡開明月客中圓人從逆旅酣新酒節
近元宵感舊年村館張燈鍾鼓動寄懷長嘯晚
風前

元夕入界口

梅花多在霧中看深谷陽春莫葉殘遲日山川
過界口上元燈火宿新安蓬窓高枕灘聲急鴻
雁孤鳴月色寒千里激湍今度盡行人莫說路
艱難

松菊堂集

卷十四

九

贈少司馬汪伯玉四首

日射齊雲插五天投閒司馬思翩翩甘為谿谷
惟知白總向山林獨守玄照乘有光珠自媚償
城無意璞應旋遙看綠野開堂處只許同聲數
往還

其三

名並題橋自古今鄒枚梁苑故追尋千篇賦就
雕龍手一顧群空相馬心盛代幾人能說藝中
原數子各知音獨憐不朽文章事得附青雲著

作林

其三

月暗當年夕舉烽臨軒不惜剖符封談兵官舍
居司馬籌策名堪抗卧龍蒼髯昔緣軍國改赤
松今得帝師從直愁廊廟思安石未許東山久
息蹤

其四

三朝蹤跡任浮沉高枕維摩隱碧淨揮塵唾來
俱是玉抽毫擲屢盡成金名山好在宜藏史孤

松菊堂集

卷十四

十

二百一十五

榻長懸喜蓋簪不遇鍾期能妙賞子牙那似抱
鳴琴

遊白嶽歸田別社中諸友

新都遠在碧天涯洞府仙蹤勝足誇兩月名山
留作客連宵春夢已還家新詩檢點餘行李歸
馬蹁躑踏落花別後遺懷惟是醉東風處處酒
旂賒

陽月既望為鴻臚兄七十初度將避跡遠
遊以詩奉留三首

經緯雲霄白鶴翔天空曙色吐襟光百年
勞千慮七袞欣逢度一陽何處江湖容逸跡只
應風雪滯行裝南窓已見舒梅萼碧玉杯傳入
酒香

其二

絕喜家園宦轍停莫將蹤跡作浮萍延開梅里
娛長日瑞鶯椿庭見壽星蘭桂叢中人競舞埴
甓聲裏酒初醒人生七十應難遇那得重逢七
十齡

松菊堂集

卷十四

十一

其三

東西道路雪霜深且向山家守樹林呼客夜談
湖海氣傾杯寒入薜蘿心舊時親友長相似此
日朋儔不可尋膝有短琴還自鼓紛紛塵世少
知音

汪司馬伯玉遊武林喻使君開社見招余
以事還越中

敢與騷壇狎主盟榻懸高館數將迎人逢司馬
遊吳地客自籠鵲遙越城北極星辰衝曉色西

湖花鳥縱春晴獨憐長
霜登臨處風輕濤江
上聲

六弟惠雙鳳燈時余方佐鼓盆詩以謝之
白髮相知幾弟兄年來重訂歲寒盟入門愁對
孤鸞影到夜驚看雙鳳明牕兩殘花燈裏結池
塘新草夢中生羨君文已成五采千仞高翔向
帝城

靈隱寺

秋山曉霧散霏霏下馬看山入寺扉幾樹梧桐

松菊堂集

卷十四

十一

先落葉繞塘荷芰可裁衣地留勝跡詩增價洞
鎖閒雲夕不飛偶聽孤僧誦真偈空來色相已
忘機

過高地嶺

高地山高接太虛遊人過此且停車豹行深樹
跡猶見菊滿寒林花未舒嶺北刈禾依晚舍溪
南決水溜秋渠振衣四望渾無際翹首天空興
有餘

過獨湖觀楊梅

餘芳杜益漣漣湖上纔深水拍堤六月松
山不暑兩塘烟鎖路全迷樹頭色豔楊梅熟葉
底聲頻布穀啼獨往停車看不厭隔籬誰唱竹
枝詞

江上晚歸

梅雨經旬暑氣微初晴江上對斜暉市兒浴水
衝波起漁客鳴榔趁晚歸貼圻小山蒼鬱鬱近
城踈柳碧依依到家童僕懽相候門騎蓬蒿未
掩扉

松菊堂集

卷十四

十一

試李祠部新舟次李師相韻二首

清江同載李膺船蕭鼓中流望若仙掌上酒杯
須盡飲眼前詩思故相牽弄波鷗鷺群依棹貼
岬樓臺半帶川醉倚蓬牕聊四顧茫茫秋水共
長天

其二

李家今日試新船載酒臨江對謫仙貪景構詩
杯不記迎潮生浪纜徐牽風來谷口雲歸浦光
動山頭月滿川歌吹悠揚蛟起舞道遙人在

中天

七月既望汎舟江上次李師相韻

秋空雲盡見嬋娟影入波流度洛仙赤壁當年
邀皎月盡船此夕汎晴川洞簫隱隱悲還怨
鷓鴣去復旋延戀清光遊不倦酣來把酒問
青天

湖莊期魏光祿不至寄訊

與君訂約白雲隈十日淹留尚未來即使灘邊
虛小艇忍令秋半只孤臺園中薇蕨頻頻摘水

松菊堂集

卷四

古

上芙蓉漸漸開留取青州從事在月明莫負盤

餘杯

花朝期顧郡博楊莫二山人讌集龍山二

首

暇日登臺四望新臺前綠草徧如茵山無片靄
迷清眺花有輕寒趁好春酒醺不須嗔醉客官
閒還待共幽人分符外吏風儀在暫為耽遊倒
角巾

其二

携酒同登靈緒峯流雲忽在半山中
濛濛雨敲竹頻聽習習風潮落江江
斜門巷小桃紅暮歸曲徑呼燈火蘿月烟封第
幾重

永樂園賞牡丹

九十春光漸欲還庭前風雨晝闌珊乍飛社燕
成新豐欲謝天桃非故顏獨有花王開傍谷豈
無詞客賞登山魏家未必多如許衆樂園中不
掩關

松菊堂集

卷四

古

陪呂太傅凌霄閣賞花

東山杖履每相從丞相幽栖自碧空含雨花開
三月半凌霄閣在五雲中春來有約晴偏少詩
到無思句亦工園似辟疆遊不厭風前沉醉興
還同

登錦雲峰眺海上諸山

嶙峋峰插小樓西騁望還須上碧栖落日半空
流錦繡遠山萬疊隔玻璃蛟光閃映雲常護
氣蒼然海欲迷縹緲霞何處去臨風回首赤

城低

登鳳凰山遠眺懷人

翠鎖晴烟石徑迷
酒旗飛處杏花低
停撓江上芳蓀長
背郭山頭丹鳳啼
高閣日殘人未醉
平原春盡草初齊
美人何處遲歸信
賸有緘封錦字題

雨中顧郡博以詩見懷次韻答之

經夏晴多萬壑乾
片雲初慰四農歡
隨車時雨波新漲
引興芳樽酒未闌
嵐氣一簾天欲暝
風

松菊堂集

卷十四

十六

光五月夜猶寒懷君忽枉詩篇過霞錦翩翩不厭看

登龍山與呂貢士夜酌次韻

尋盟何幸得良朋
握手交懽興倍增
白日欲留看漸落
青山有約喜同登
釀來酒熟春供宴
歌罷花殘夜剪燈
醉後喚壺還自擊
雲霄奇氣正凌凌

初晴同徐太守魏光祿呂內史呂祠部集

龍山

積雨侵江水拍城
朝來雨歇訂新盟
一尊賸有五人共
九夏都無十日晴
風逐鳥聲簾外斷
苔連草色砌邊生
山深林茂堪忘暑
酒力全消思亦清

顧司理宋觀察徐郡守呂祠部伯仲過草堂晚酌

孤坐懷人轉寂寥
忽傳門外駐星轡
樹含落日花增色
風度流鶯語正嬌
池上放歌魚躍躍
林間列坐竹脩脩
誰言六逸成塵跡
此日高情未

松菊堂集

卷十四

十七

寂寥

宋觀察姜同卿稱病不赴社飲

初晴開社興同嘉
有約相過日已斜
不信兩人俱臥病
忍令中夏獨開花
堂張玉案供金縷
酒倚青衣出絳紗
林動清光孤月皎
不知雙壁照誰家

李司訓擢閩邑教諭

霖雨偏驚別客心
天涯芳草鷓鴣吟
帆移城浦層層浪
梅熟江村日日陰
紗帽幾曾曾白

堂仍復化青衿到看荔子枝頭熟清味何如首
翁深

郭貳守觀回擢官不赴有贈

疊疊青山蕙水涯臨岐折柳更題詩五雲觀
帝初回日萬里移官又別時城市攀轅留欲暮
江天阻雨去還遲細族更有陶潛興孤負兒童
竹馬騎

端峰先生松菊堂集卷之十五

東越孫鑒著

七言律詩

山居閑坐

病起對鏡

盧大學兄弟携酒江堤納涼

病後將入西湖訪禪

避客湖山

盧光祿拜官歸為嚴君太守公壽

柳下獨酌懷葉牧二生不至

宋僮釣魚烹獻命酒盡醉

竹下納涼盧光祿叔姪不至

明州江上觀龍舟競渡

五日懷兄

獨坐石欄觀荷呼茶自唱二首

谿邊見柳有懷五柳莊

谷口梅花

登齊雲山六首

溪亭詩為宗氏隱君賦

贈古虞朱明府

盧光祿叔姪赴官北上二首

葉海憲期訪五柳莊不果

潘景昇遊天台便訪陳立父司理寄此

中秋雨中思內

遊新都歸李祠部張司寇過江園見訪

庭桂開遲留尊待賞二首

寄高憲副

松菊堂集

卷五

二

任柱史納妾

盧園觀芍藥值主人北上

趙廿二丈居海陬寄玫瑰花詩以復之

志海詩

答西巖陳先生二首

東牧叔子卧病叔子雅不喜飲頗解吟詩

盧生携酒同胡柱史蔣藩叅池上觀蘭日

夕復飲江畔二首

荷亭紫微蘭花共開二胡一蔣三藩叅過

賞細魚佐酒二首

荷亭待月憂旱

敏一兄壽八十辭恩詔冠帶

贈一兄八十初度

送吏部趙尚書應召北上

喻度君工部遷杭州寄此

瑤姪居嶧邑之珠溪九月值六十歲初度

贈之

七言律詩

松菊堂集

卷五

三

山居閑坐

習靜空齋日掩扉惟來性癖不隨時薔薇乍落

蜘蛛深芍藥將開蝶蛺知却病有方惟禁酒舒

懷無伴可談詩蓬蒿翳翳迷深徑睡覺南窓起

自遲

病起對鏡

衡門愁掩浹旬餘孤負花開酒亦虛午卧殘書

供枕簟雨催新竹滿庭除詩客瘦甚愁窺鏡病

髮稀來怕受梳消渴更添炎暑劇倦遊今已須

相如

盧太學兄弟携酒江上納涼

求羊携袂訪花來新暑江頭坐石臺
薜荔密侵萱草碧茶蘼落盡石榴開
隔田蛙鼓催歌管貼水螢燈照酒杯
明月相隨狂客影階前醉舞破莓苔

病後將入西湖訪禪

纔說西湖病已瘥錦袍脫下着袈裟
恠來玄鳥空成壘悟到黃梅欲出家
坐對叢林繙貝葉閑

松菊堂集

卷五

四

依祇樹看曇花却將萬慮俱消盡
只向蒲團證法華

避客湖山

波光樹色共含情日落蒼烟鎖暮城
放鶴亭前高士隱談經寺裏梵王聲
吟憑雙眼看星近醉倚孤山待月明
身寄吳門家在越湖邊獨立嘆浮萍

盧光祿拜官歸為嚴君太守公壽

郎官捧檄暫還家清比盧仝慣煮茶
早晚趨顏

承白髮杯盤侍酒試烏紗依稀楊柳門前雨歷亂薔薇架裏花
總是故園人已老近臣供奉憶東華

柳下獨酌懷葉牧二生不至

釣船泊處晒漁簑夏木陰陰興若何
梅雨一江潮水滿柴門四月午風多
盤餐獨有青魚膾絃管還兼黃鳥歌
二仲不來惟自酌東疇喜見插新禾

家僮釣魚烹獻命酒盡醉

松菊堂集

卷五

五

三百八

數畝芳塘盡蓄魚悠然水面伴幽居
遠從湖海來無定遊傍河梁樂自如
已解潛淵深避獺何因貪餌竟投漁
不須彈鋏頻興慨對酒高歌飲不虛

竹下納涼盧光祿叔姪不至

五人携酒過江隈摘筍烹鮮趁此杯
引興荷香侵几席厭聽梅雨長
蒿萊坐忘白髮歌無倦飲到黃昏量盡開
本為竹林新結社何因二阮不來

明州江上觀龍舟競渡

菖蒲細細酒花濃水上青山帶雨容
即有竹杭浮綠鷁誰將蘭橈鼓蒼龍
羅江風氣通蛟浦溟海潮聲送午鍾
此日弄波爭迅速雲飛千里亦相從

五日懷兄

階下兒童歌鼓喧聲傳恍惚聽吹埙
天中節序蒲根細日午門闌艾葉繁
賜扇回思鴛鴦列懷兄只在鵲鴿原
梅龍川上時回首萱草葵花繞

松菊堂集

卷五

六

改園

獨坐石欄觀荷呼茶自唱二首

接惟嬾着步徐徐雨過芳塘草不除
一澗曲通荷沼淺兩山斜映竹窓虛
羽橫錦樹來靈鷲鱗動浮萍躍鯽魚
酒甕已乾茶鼎沸飲餘移簟枕殘書

其二

無酒看花興亦幽烹茶自飲唱梁州
遠公可結山中社太乙堪乘水上舟
烟繞西林連雨足石

橫曲磴坐池頭亂蛙不斷鳴殘照江月徐看近暮樓

谿邊見柳有懷五柳莊

波迴風迅布帆孤睡足蓬窓夢有無
柳帶宿烟迷弱草堤銜曉色匝平蕪
相逢溪上森千樹不及莊前繫五株
何事先生輕遠出將因學道訪蓬壺

谷口梅花

東風歷亂落花遲茅屋疎籬露宿枝
作客見來春日早思君開傍故園時
山中定有林逋跡雪後寧無何遜詩
香撲小舟還問酒酒家須是杖頭知

松菊堂集

卷五

七

登齊雲山六首

玉虛宮

玄極宮高紫鳳儀玉虛金闕六龍飛
幡幢耀日朱霓閃棟宇參雲翠栢圍
寶座爐烟清細瑤階草色淨菲菲
到來此地仙凡隔却整衣冠謁紫微

桃源嶺

溪上雲與細浪生波流照眼石痕清路窮橋斷
無舟渡徑轉松深有鹿鳴揮劍峰頭寒日薄酒
霞洞口落花明遙聞雞犬知人處千載桃源避
世情

象鼻岡

迷巒閉谷眇晴嵐象鼻岡高試一探喬岳峰迴
還上下齊雲地迥自東南相逢道士從容問指
點山靈次第談飛雨巖邊水清淺人傳此處有

松菊堂集

卷五

八

龍潭

垂虹壑

絕障依稀四望同石梁天際似垂虹松花忽傍
孤峰墮曉色遙凝萬壑通半嶺風雲開紫氣九
天日月護玄宮金莖縹緲仙人掌露滴芙蓉碧
漢中

三清殿

入洞幽探景更奇朱甍迥處白雲栖春殘猶積
山頭雲夜半先聞谷口雞四海冠裳千里至三

清宮殿九天齊瞻依寂寂塵心靜惟有深松一
鳥啼

栖真巖

泉飛歷歷傍天門古樹雲深白日昏曲嶺斜穿
西界小諸峰獨讓碧霄尊巖松忽借蒼烟駐海
日遙將紫氣吞煉玉可留丹灶在栖真人去跡
猶存

溪亭詩為宗氏隱君賦

歸田無事閉松關顏面如童髮已斑自汲溪流

松菊堂集

卷五

九

頻灌圃時携鳩杖獨看山河須辟穀身逃世可
得食芝老駐顏亭畔浮雲閒出沒胡麻流水異
人間

贈古虞朱明府

藹藹城隅泚氣浮福星一路頌賢侯半肩行李
來山色百里絃歌徹海陬蘿壁高懸清漢月娥
江清繞碧波秋即今處處皆饑饉喜見虞封鼓
腹遊

其二

年少新承 帝寵加山城試宰攝聲華凌空雙
舄趨 丹陛滿座諸生侍絳紗月俸僅供罌內
粟風流徧植縣中花南薰鼓罷娛長日地主相
逢有伯牙

盧光祿叔姪赴官北上二首

阮家叔姪竹林間共向天庖長大官萬里携裝
解故里一時搖珮入長安酒邊潮促牙檣動江
上秋分玉露寒列宿自應趨北極不堪翹首五
雲看

松菊堂集

卷五

十

其二

忘言交誼日為期杖屨從容縱所之金谷花開
惟伏酒玉川人去已無詩天空樹遠愁行色野
曠風淒助別離搖落柳條難折贈一枝猶在繫
相思

葉海憲期訪五柳莊不果

玉露西風帶白蘋秋高碧樹斷紅塵滄浪近水
歌小子木石深山居野人雲擁乍疑仙旆至霞
明遠似繡袍新悠然頗倚東臯待濁酒呼僮鹿

覽中

潘景昇遊天台便訪陳立父司理寄此

暫停仙駕碧雲隈草舘蘭亭待爾開榻下郡齋
逢地主賦投金石問天台青楓過雨千山冷白
露乘潮八月來可道客星明夜夜舟從嚴嶺沉
蓬萊

中秋雨中思內

去年此夕作西遊携得山妻共一舟落木可憐
悲宋玉鼓盆無那泣莊周雨將明月沉青鏡老
松菊堂集 卷五 十

任滄江卧白頭倚榻朱絃今已斷燈前不復問

中秋

遊新都歸李祠部張司寇過江園見訪

雨過城東啼暮鴉片帆收處月痕斜新都楊柳
牽遊客故苑薔薇開到家豈有錦囊同李賀復
携寶劍對張華人生是處皆如寄且罄芳尊剪
燭花

庭桂開遲留尊待賞二首

清畫冉冉秋氣微水邊虛館披荆扉數株木犀

猶未發徑尺江魚空自肥去歲中秋花半落今年此日香全稀青尊酒虛待不及惆悵中庭空落暉

其二

梧桐葉飄秋滿堤吹衣忽覺風來西迴潮沙畔落白鴈啄黍野田多黃雞何似月中香寂寂多因雨後寒淒淒幾從花萼問消息誰携羯鼓鳴山蹊

寄高憲副

松菊堂集

卷五

十一

當年作客向新安頃蓋相逢動笑顏乘興三春投白社航遊一月繫黃山尊携政暇登臨處榻下情深夢寐間此日憶君秋欲暮青溪高卧掩松關

任柱史納妾

聞君買妾入三吳芳草留連一月徂叢桂天香分紫府桃花春色養玄都笑生雙臉真傾國興托扁舟可汎湖醉向黃昏懸繡幕高燒銀燭照珊瑚

盧園觀芍藥值主人北上

為訪盧家隔水濱玉川花木舊芳芬入門殘園留紅藥開遲虛亭鎖白雲隣父來來愁不醉主人壯去惜離群欄邊無語孤臨檻獨有鶯聲怨落暉

趙廿二丈居海陬寄玫瑰花詩以復之無期過草堂

草亭飯罷度風輕疎散林垌步晚晴玫瑰何因移遠馥瓊瑤愧乏報多情春歸楚麥千疇熟雨

松菊堂集

卷五

十一

後蟬蛩四月鳴為問主人栖海上幾時策蹇入山城

志海詩

萬里晴波望外新瓊樓十二斷紅塵積流桑海原無際細浪桃花別有春霧散好尋遺棗地月明如見弄珠人磯橫把釣任公子黃竹竿頭百尺綸

其二

日暎扶桑出海濱蛟門極目鎖氤氳風濤忽送

千帆雨溼氣全通萬壑雲晴引霞光
浮魚浪向春分隋珠復拾仙郎掌
却驪龍五色紋

荅西巖陳先生二首

石橋流水浪生溪積雨溪深路欲迷
夏木森森青嶂合晴山縹緲白雲低
長天孤雁空中出落日閑猿谷口啼
行覓樵郎爛柯處神仙應在此間栖

其二

松菊堂集

卷五

古

石林茆屋竹成籬摘盡黃梅五月時
雨久煙痕迷薜荔風徐香韻散茶蘼
疎簾花鳥知留客僻地溪山慣入詩
何事十年踪跡瀾暮雲春樹托相思

東牧叔子卧病叔子雅不喜飲頗解吟詩
五日同君汎碧波已餘十日未相過
還疑梅雨出門少誰道篁林戀枕多
不飲定非因酒病貪吟或是惹詩魔
為憐消渴烹溪水七碗還來飲若何

盧生携酒同胡桂史蒔藩叅池上觀蘭日
夕復飲江畔二首

水近風微暑自無倚巖樓閣翠烟鋪
偶來蓬徑初疑蔣為憶蘭臺舊姓胡
香汎花神迎雨露清隨詩隱在江湖
相逢不是高陽侶乍解冠簪學酒徒

其二

碧江青荷白鷗盟河朔飛觴九夏情
日沒西林涼氣薄席移東畔晚潮平
笙歌半是花前醉燈火低懸柳外明
莫恠主人佳釀少盧仝惟有嗜茶名

松菊堂集

卷五

五

荷亭紫薇蘭花共開二胡一蔣三藩叅過
賞網魚佐酒二首

日午園林蔭綠槐風清江上故人來
倚香共有蘭亭詠避暑寧無何朔杯
碧葉筒能酬客醉紫薇花似待君開
黃昏復向蓬門坐點點流螢度草萊

其二

古樹新蟬作陣鳴聲喧亭畔雜吹望眼前待句
題林竹池上垂綸破水萍乘興屢傾磁甕酒烹
鮮絕勝露葵羹莫將微省頻迴首此日花香入
座清

荷亭待月憂旱

蓬門虛殿納薰風水竹幽栖景不同明月待來
今夜滿甘霖望處幾時通預聞田畝憂荒歲忍
向池亭醉碧筒却恠路旁人競指清涼疑是廣
寒宮

松菊堂集

卷五

六

敏一兄壽八十辭恩 詔冠帶

栖遲衡宇隔塵寰屋繞桑麻可共閒談有奕碁
消白日枕憑書卷卧青山恠來華髮秋風裏已
覺黃梁午夢間聖代恩深空念老肯將冠冕妬
仙顏

贈一兄八十初度

生涯羞與世人同身似孤僧萬慮空飯足胡麻
持半偈日移高枕傲三公蒼苔坐轉梧桐月白
芋歌殘楊柳風却咲蟠溪輕自出不辭白首作

非熊

送吏部趙尚書應召北上

秋氣平分木葉丹鴈鴻西去碧霄看再逢莘野
徵伊尹復見東山起謝安楓陛有宜難俟駕蕙
江切莫戀投竿持衡復識尚書舊台曜還依北
斗寒

喻使君工部遷杭州寄此

一束奚囊遠入吳星開天外識昆吾大夫工部
原稱杜太守杭州舊姓蘇楊柳津頭烟草薄芙
蓉堤上客罇孤扁舟何意還同泛雲滿蒼山月
滿湖

松菊堂集

卷五

七

瑤姪居嶧邑之珠溪九月值六十歲初度

贈之

阿咸林下戴黃冠甲子初逢髮漸斑家在珠溪
隣北郭庭懸玉樹近東山籬邊採菊秋長醉池
上餐桃晚駐顏數里石梁時獨往胡麻流水異
人間

端峯先生松菊堂集卷之十五

端峯先生松菊堂集卷之十六

東越孫鑒著

七言律詩五十六首

圓覺齋靜坐四首

余與汪伯玉司馬並齒司馬以詩見貽因

憶太函山房雅會次韻奉答

葉慶士送杜鵑花一夜盡開

答龍使君見懷之作

蟠龍山摘楊梅雨久盡落

松菊堂集 卷十六

一

登招寶山

立春前三日作

呂通甫五十初度四首

班荆坐芙蓉坡上同徐太守韓明府二首

明州龍使君停舟江園見訪

夏日得曾孫

贈黃生

東園對菊胡廷尉書至自梅川

兀坐二首

小築二首

燈宵與蔣少恭酌二首

送春二首

立夏

雨中江館獨酌胡廷評自南都寄天池茶

至

中秋值雨喜莫公遠至

贈劉少華使君二首

九姪自齊雲山歸過訪期重陽携菊復至

松菊堂集 卷十六

二

深秋庭桂始開

重九日同胡巨卿登臺看桂花

東趙廿二慶士二首

九月十三日初度荅葉二丈

雨過葉邑侯見訪

茅亭對菊

月下思兄

滕督學擢方伯自廣中至浙

吳城聞諸輔卿彈琴

呂祠部期飲湖中阻雨移席寓館

寓錢塘懷五柳莊中牡丹

吳山聚景亭酌張道士酒

客夜

贈太乙道人

九日雨過塗使君招遊湖山二首

武林遇吳江唐山人

楊諫議渡錢塘貽金胡兩故人酒資索余

言為贈

松菊堂集

卷十六

三

楊楚亭太史過訪湖上

乞曆

西歸與社友敘談

七言律詩

圓覺齋靜坐四首

藤簾蒲團繞曲流兩餘清思坐悠悠瑋侵小徑

迷瑤草紅闌新枝綻石榴靜裏一菴堪耐老窮

來萬卷足銷愁朋儕不解玄中訣聲斷黃鶯空

自求

其二

霧散庭前鳥鵲群朱明花木轉芳芬
紅含日節挺琅玕翠接雲靜覺蛙聲歇枕入近
聽漁唱隔江分主人何似消清晝石鼎香烟不
斷然

其三

浪說叢林別有緣白雲一塢任談玄
蓮花清淨開廬岳圖畫分明在輞川
半偈盡空懸皓月片雲不染是青天
已知造物無窮盡老入浮屠性

松菊堂集

卷十六

四

未偏

其四

簪纓久却謝塵寰宇宙浮生水共山
蘇晉逃禪長是醉維摩抱病暫投閑
心忘機械甘遠俗性懶逢迎只閉關
悟到無生空色相不妨頭上二毛斑

余與汪伯玉司馬並齒司馬以詩見貽因

憶太函山房雅會次韻奉荅

太函高出萬松顛載酒探奇憶往年
室有芝蘭

千里馥囊餘芳草八行傳壺中日月堪同老
底風雲任各天自信歲寒盟可結三春花柳護
爭先

附

汪道昆

君仍綠髮我華顛莫向棄孤並計年獨嘯蘇門
遺響在同歸陶社大名傳雙躡祇樹依初地一
寄官梅到遠天赤日石林春色早滄洲五柳未
應先

葉慶士送杜鵑花一夜盡開

松菊堂集

卷六

五

春山負郭月痕斜影動珊瑚帶露華新枕乍驚
蝴蝶夢芳園初見杜鵑花愁聞寒食啼紅血醉
倚春光汎紫霞自是赤松枝畔侶却隨五柳種
陶家

答龍使君見懷之作余與龍君同白榆社

娥江秋隔冷詞盟遙夜空聞落葉聲寒野催殘
芳草信雲山望斷白榆情千門過鴈銜霜色三
徑開尊對月明天上使君勞問信故人潦倒濕
時名

蟠龍山摘楊梅雨久盡落

山房深鎖道蒿萊乍啓柴扉徑沒苔故喜陰
多竹木獨憐風雨落楊梅主人曳杖尋山去稚
子携筐傍樹來摘得不多嘗未足空餘村酒注
深杯

登招寶山

遠嶠橫空偈太清蓬瀛深處碧波明乘槎競說
張騫勝蹈海猶傳魯仲名珠樹鶴栖雲外度扶
桑鳳宿日邊鳴誰言仙路遙難到兩腋翩躚一

松菊堂集

卷六

六

羽輕

立春前三日作

三日春歸春可憐敲詩孤枕小窓前閉門滋盡
花兩隔隴啼殘布穀天芳草難留青帝駕王
孫倦着紫騮鞭時荒處處皆謀食誰向壚頭辦
酒錢

呂通甫五十初度四首

當年侍從近天威北極祥光五色圓翰染鳳
池春色麗班聯駕曉星輝綵綸世掌趨黃閣

珠玉揮成對紫薇四十九年渾是夢懸車此日始知非

其二

歸田誰復問行藏一局圍碁歲月長杖履東山思太傅衣冠西掖繼仙郎樓前華萼秋風曉庭下芝蘭夜雨香百歲半過銷萬慮逍遙不染髻中霜

其三

宦途無處不風波早挂冠纓卧薜蘿龍緒山頭

松菊堂集

卷十六

七

紅樹含蕙花江畔白雲多玉缸春汎娛晴日金勒郊遊踏晚歌纔覺朱顏今又艾浮生萍跡悵江河

其四

琅玕翠色滿前軒玉樹金蘭繞砌繁屋傍曲流堪引釣月當幽徑慣開尊携鋤獨抱栽花癖試履雙看帶露痕天朗恰逢初度日喧喧歌舞動朱門

班荆坐芙蓉坡上同徐太守韓明府二公

追驩江上興還儲却恨長天日易晡已說懸車來五馬不期飛鳥見雙鳧花凝錦樹知多少市近青尊任有無堤畔班荆忘爾我酣來高咏復狂呼

其二

酒船兼得帶行厨日日耽遊醉不虛旋煮山中青自當就攀巖畔木芙蓉踏殘狂客雙芒履飲傍誰家一草廬斜日漁郎多晒網遙呼問取買鱸魚

松菊堂集

卷十六

八

明州龍使君停舟江國見訪明州有桃花渡夜雨遙停青雀舟神龍似遣片雲留庭前秋色應須賦座上陽春可易酬不雪詎勞移剡棹聞風今恰識荊州問津亦有桃花渡吏隱烟波未足羞

夏日得曾孫

新長琅玕翠色稠淇園晴滿瑤雲浮啼聲到座誇黃口喜氣充閭慰白頭門挂素弧人共賀堂開蓬徑客頻留螽斯膾喜延先脉敢擬龍駒渥

才

贈黃生

聞說藏名且杜門不辭客至盡歡華秋來紅染
山楓色雨後班添石蘚痕長日琴書閑几席西
風蘋蓼遍江村當時擲果猶年少又見潘郎白
髮繁

東園對菊胡廷尉書至自梅川

西風蕭瑟度長天皓月初逢此夜懸杯酒每携
臨菊圃尺書忽至自梅川楓林紅染絳霜葉未

松菊堂集

卷六

九

黍香收負郭田安得使君過信宿傾談疇昔醉
籬邊

兀坐二首

萋萋芳草拔還生深徑迢迢倦送迎龍劍不磨
銷壯氣鶻冠長戴薄虛名傾壺獨醉同陶令含
筆沉思咲馬卿檢點琴書安別墅一春踪跡隔
江城

其二

懶向紅塵逐浪遊還因春盡一凭樓
來日上

江村曉坐對風前隴麥秋塵世是非同夢蝶烟
波來往任浮鷗丈夫意氣終難屈好學前賢賦
四休

小集二首

數楹茅屋蔭垂楊新築崇臺望八荒百里山川
供綠蟻四時雲樹映芳塘園中宴客嘉蔬摘池
上臨書懸藻香颯颯涼風生半嶺忽聽林外嘯
聲長

其二

松菊堂集

卷六

十

小築幽居厭市諱寧知負郭有烟霞水邊紅樹
全遮屋谷口青蘿半雜蘼微士祗應栖栗里漁
郎何必問桃花憐余自是孫登後一嘯無言度
歲華

燈宵與蔣少叅酌二首

化國韶華喜不勝花如錦繡酒如澠六街霽色
樓前月五夜寒光雪後燈可是笙歌供讌賞預
欣畝畝兆豐登春情着處歡無限漏斷山城醉
未曾

其二

樹生金粟水生蓮鐵鎖星橋一渡天
風外散光流杯筆酒中圓喜逢將謂開三徑好
共孫登嘯百年難得天晴人更健放歌箕踞向
風前

送春二首

忽看烟霧畫霏微西望青山擁落暉
賴有舊醅供夜飲怯逢新月送春歸
蓄微着意迎歌扇楊柳牽情卧釣磯
惆悵舞臺繁管歇雕鞍明日陌

松菊堂集

卷十六

十一

頭稀

其二

律逢中呂解寒來戀戀東皇不可留
尋樂王孫猶病酒看春少婦羅登樓
風前花落流鶯恨夜半聲殘杜宇愁
時序百年何去速又添新髮白盈頭

立夏

素園村徑桺垂津繞屋清陰喜殺人
可是黃昏方入夏且留白日未歸春
登山准辦穿芒屨瀝

酒還堪倒葛巾誰道朱明花已盡
蒼藤又見一番新

雨中江館獨酌胡廷評自南都寄天池茶

至

厭聞宿雨落黃梅寂寂蓬門晝不開
酒近從新市買茗香遠自秣陵來
蜘蛛濕網懸江閣鸛鷺銜魚傍釣臺
想像江南風景似與君西地共徘徊

中秋值雨喜莫公遠至

松菊堂集

卷十六

十三

三

紛紛絃管合歌謳座列青尊照白頭
連日縱看郊外月此宵番作雨中秋
有無丹桂開幽徑多少蒼烟鎖暮樓
忽報故人江上至殘杯聊得為君留

贈劉少華使君二首

郊迎竹馬擁長亭皂蓋東臨度柳汀
片月孤懸光皎皎一錢復見水泠泠
庭留古樹千尋碧塵映崇山萬仞青
自是使君多異政郡人不斷口為銘

其二

百雉名都舊越王
森森畫戟綬垂黃
堂開龍
風雲壯郭近蘭亭
雨露香
化日千門凝淑景
星一踞戴恩先
曹娥秋到波濤漲
恰共君侯德澤長

九姪自齊雲山歸過訪期重陽携菊復至
柳拂蓬門暮尚開
秋分忽報阿咸來
詩於暇日
尋山得興自齊雲
汎棹回作客可憐
經歲月逢人不倦
說蓬萊再過莫負
重陽節携菊同登
江

松菊堂集

卷十六

十三

三百九

上臺

深秋庭桂始開

樓臺十二護烟霞
臺下盤旋小徑斜
日暖秋殘
猶綻桂庭深雨積
始開花
衆辭彭澤歸陶徑
香似燕山憶竇家
摘取新英頻浸酒
清芬不讓玉川茶

重九日同胡巨卿登臺看桂花

日出霜消曙色開
樹飄紅葉點蒼苔
雙携兩後
登山屐同上風前
落帽臺菊綻尚留
丹桂在尊

開不待白衣來
秋收處處田家足
好為豐年醉

東趙廿二處士二首

憐君村僻獨耽幽
無計相從泛十洲
難得涼風
收宿雨况逢明月
在中秋
西林香氣聞丹桂
北斗祥光映玉樓
為報海濱如雪湧
芙蓉江上已通舟

其二

仙人不向洞庭過
黃鶴聲中怨別何
酒債漸從

松菊堂集

卷十六

十四

三百九

花徑積詩情偏入
竹林多
飡來東陌新禾
黍衣授前年舊薜蘿
釣得鱸魚旋作膾
一尊搖月汎銀河

九月十三日初度答葉二丈

江上開雲揭草亭
苔痕遇雨遍秋庭
天開南極
明寒夜人指東方
是歲星蓬鬢欲隨
千葉落松山倒插
一尊青上林賦就
遊還倦猶自虛名
說茂陵

雨過葉邑侯見訪

雨閉高軒幽鳥啼空琴三尺獨相携踏來春蘚
青迷徑剪得新蔬綠滿畦水長秘園湖月澹山
懸靈緒樹雲迷沾濡足慰三農望返照重看落
日低

茅亭對菊

盤餘新菜席頻移移傍欄干折亞枝初霽尚憐
含雨色晚香爭美傲霜姿花前酒任狂歌醉亭
下人稀悶字奇無事儘堪園日涉最憐秋色在
東籬

松菊堂集

卷六

五

三首

月下思兄

浮空仙嶠自嶙峋已失天台作賦人對酒不堪
今夜月看花長負故園春鵲鴝寂寂關情淚蛺
蝶翩翩似夢身池草可憐經雨後一回吟詠一
傷神

滕督學權方伯自廣中至浙

記得逢迎潞水頭文星燁燁照江洲壇前紅杏
懸春樹郭外甘棠繞郡樓駟馬兩年來百粵蒼
生萬里望諸侯西湖寺裏經題處落盡梅花續

舊進

吳城聞諸輔卿彈琴

湖堤三月落桃花忽聽鳴琴坐日斜自是雲霄
聲振響可知山水思無涯名高晉代傳嵇叔技
絕吳門有伯牙彈到淒涼勝斷霞明妃不用托
琵琶

呂祠部期飲湖中阻雨移席寓館

招遊湖上訂初盟忍負蘭舟載酒行總為雲烟
迷遠岫乍驚雷雨遍春城六橋水逐桃花落孤

松菊堂集

卷六

五

館簾開燕子鳴牖有一尊供剪燭深宵相對故
人情

寓錢塘懷五柳莊中牡丹

携琴千里入錢塘黃鳥蘇堤引興長連日湖山
無酒伴一春風雨憶花王亞枝閑弄柴門影艷
色空臨瑤沼芳何事栖栖未歸去却教稚子候
門牆

吳山聚景亭酌張道士酒

吳山連日雨濡濡銀杏枝頭唱鷓鴣北嶼巖差

雲塔迥東風蕩漾畫船孤六橋花柳偏宜酒三月烟波足汎湖道士相逢留一醉儘餘春色在玄都

客夜

酒催人暮不閒檢點琴書理舟棹兩餘新水正
虛歲月白頭猶自混塵寰湖山留客秋將盡詩
酒催人暮不閒檢點琴書理舟棹兩餘新水正
潺潺

贈太乙道人

松菊堂集

卷六

十七

一瓢已自棄風前高枕清流白日眠方外烟霞
輕將相山中棋局共神仙手栽松樹還看老洞
鎖桃花不計年可是真人稱太乙隨波片葉駕
青蓮

九日雨過塗使君招遊湖山二首

地主情深酒亦醲恰逢佳節共幽蹤楓飄新葉
紅千點雨洗山林翠萬重石壁參差懸荔薜瑤
空縹緲揀芙蓉晚來艤棹登孤閣忽報南屏寺
裏鐘

其二

新水亂侵紅蓼岫晴霞遙映紫芝杯塞鴻陣陣
衝風至盡鷗翩翩背郭開湖上樓臺銜返照山
中車馬破蒼苔蘇公昔日堤栽柳此日重逢太
乙塔

武林遇吳江唐山人

丈夫四海走風塵何必依依兒女親寺裏逢僧
皆地主座中列客盡山人無錢拄杖還常醉有
草盈囊未是貧談罷掀髯歌郢曲吳門十月動

松菊堂集

卷六

太

陽春

楊諫議渡錢塘貽金胡兩故人酒資索余

言為贈

客情寥寂兩絲絲杯酒相逢忽遠離毛薜恰逢
公子在求羊只與隱君知窮途白首誰憐老寒
夜綈袍却贈誰總是奚囊官俸薄天涯留別託
相思

楊楚亭太史過訪湖上

避喧栖息借林垞湖水冷冷山色青有客乍談

天姥勝無人不慕太玄經清風何意來蓬蓽落
日相看坐草亭秋盡未殘堤畔柳扁舟擬共破
浮萍

乞曆

葭飛玉琯一陽初寒寄吳門夜擁爐太史曆傳
新歲月旅人吟向舊江湖不知纏度星多少為
問年來閨有無可得山中頌大統春風詩酒慰
狂夫

西歸與社友敘談

松菊堂集

卷十六

十九

復觀高陽舊酒徒林間意氣總相孚青衫卒歲
饒知己白首初寒共倚爐自有梅花開北閣不
勞蘭葉問西湖文園別久因成渴此日逢迎病
欲蘇

端峯先生松菊堂集卷之十六

端峰先生松菊堂集卷之十七

東越孫葵者

五言排律二首

夏日姚氏山園讌集十一韻

贈呂調甫六十初度二十二韻

七言雜律三首

孟夏江園晚步十六韻

壽汪司馬十一韻

璦荆卿訪周令君館於縣署值余抱病園

松菊堂集

卷十七

一

居詩以邀之

五言絕句三十六首

秋懷七首

春懷四首

客邸秋懷四首

古意二首

旅夜二首

寄家書五首

從軍

春夜

塞上二首

舟中即事

東郊雨過

書感六首

五言排律

蘇氏山園讌集十一韻

僻地饒林麓幽蹊積蘚苔園因賢主勝館為故人開傍屋青山出循簷碧澗迴迎門雙鶴引入

松菊堂集

卷十七

二

座列仙陪樹密花叢葉枝垂菓熟梅於巖清籟宵連沼暗香來草嵌高低石雲連屈曲隈蔓藤衣繚繞仄徑展徘徊水叶琴中韻波搖鏡裏臺穿林嵐影破落日鳥聲催後會還先訂新醪勝舊醅

贈呂調甫六十初度二十二韻

調甫為師相長君由

中書舍人選祠部郎

丞相功補袞高賢業紹裘奇文擲金石芳躅步驂駟標格冰壺映襟期霽月俾白眉先王季青

眼接時流座視梁園客談傾鄒下傳庭闈趨問

學省披預咨猷載筆讐經典鳴珂近冕旒屏通

黃閣迴院植紫微稠天語絲綸重春曹禮樂優

葵心遙拱極槐蔭遠貽謀辭粟成肥遁含香憶

舊遊五湖歸画舫萬卷築書樓生事同蕉鹿豪

吟遍斗牛玄亭邀翰墨金谷錯觥籌玩世醜為

醉看雲出復收栖真冠戴鶚問字客傳騶莫剪

臨初度藤蘿足暮秋大椿長日茂丹桂幾蓂抽杯酒烟蘿碧棋枰水竹幽蓬瀛仙是呂漆園吏

松菊堂集

卷十七

三

名周毛在誇池鳳機忘任海鷗臺官占夜氣知是歲星浮

七言排律

孟夏江園讌步十六韻

初霽郊園四月天清和佳景興陶然西林嵐氣氤氳結南陌村家散翠聯日落不時還過鷁春歸何處尚啼鵲幽樓彷彿如盤谷勝地分明似輞川渡水橋橫侵白石經丘洞宿蒼烟携來歌管從容奏望入樓臺咫尺懸瓊裏久藏餘綠

蟻杖頭不用費青錢人聞從舊常滿境僻揚
亭草是玄歷歷繞堤森玉簫亭出水遠金蓮
攀躋曲磴孤峰外徒倚清風一鑑前長嘯披襟
聲朗朗尋芳試展思翩翩紅消欄藥猶含露青
動池魚乍進泉雉堞薜蘿千縷合烏巢楊柳五
株連掀髯欲傲清朝客蓄髮真同野寺禪將
學少年忘却老敢言丹訣授神仙

壽汪司馬十一韻

出河圖負逢元會降嶽靈鍾翼大明勲業夔龍

松菊堂集

卷十七

四

素非極文章楊馬繼西京憐才結襪酬多士知
已彈冠愛此宅自晉公開綠野望隆謝傳繁
蒼生白榆星宿臨新社細柳旌旗想舊營好在
青山藏秘史早從黃石授奇兵豹栖深霧絳時
變鳳起昂霄向日鳴碩果獨懸還不食鹽梅一
用足調羹年華遂玉行常化駿骨燕金風著聲
莫是憂民玄鬢改且將酬客紫霞傾只今聖主
齒方茂翊贊應須問老成

璩荆卿訪周令君值余抱病詩以邀之

客似荆卿酒似河飲連十日未頽醺綈袍轉覺
霜痕薄白壁遙分月色多可是扁舟移剡曲應
知殘碣讀曹娥東來岐路催芳草西望長川漲
碧波竹榻數為高士下崩緪不向令公歌縣當
仙嶠餘花樹門掩寒烟繞薜蘿雲水片心還我
共秋風雙鬢奈君何賦中楊馬堪爭羨徑裏求
羊許暫過獨抱渴懷無可遣寥寥忍負病維摩

五言絕句

秋懷七首

松菊堂集

卷十七

五

寇掠早復侵倉皇無可住王師何日臨千里降
時雨

其二

疾風聲若雷大樹半吹倒况此窮愁人何因不
衽襦

其三

秋聲到客床終宵坐無語樹頭山鳥鳴聞軒始
知曙

其四

愁人自多事，憎鴉喜聞鵲。披簾驚鴉飛，呼鵲簾前落。

其五

隣燭光焰長，舍旁有寒士。何妨鑿十隙，竊照蠅頭字。

其六

一年一度秋，天涯掃行跡。光陰雖有情，不及窮愁客。

其七

松菊堂集

卷十七

六

淒淒復淒淒，媿我年三十。况逢秋氣悲，抱璞山中泣。

春懷四首

極浦晴雲澹，荒村落日低。草堂來社燕，春恨幾人知。

其二

燈下開遠械，照見啼淚痕。吹燈黯然坐，月色正當門。

其三

閑門坐長日，小鷺還大疑。忽然心解悟，身似墮空絲。

其四

露雨經旬日，東風水拍涯。愁人方卧病，無素復催詩。

客邸秋懷四首

來時枕滿堤，又見梧飄井。西風吹我裳，那知客中冷。

其二

松菊堂集

卷十七

七

秋眠長閉門，旁午不知曉。散髮理菊花，天寒菊花少。

其三

對酒還賦詩，開軒日皜皜。年光付吟哦，非因作詩好。

其四

九月不授衣，望斷江南路。風雨阻行人，可憐遊子苦。

古意二首

飲馬杜若洲汀花好顏色見花如美人采采轉
憂惻

其二

湘水深且長耿耿情何極空有木蘭舟未得西
風力

旅夜二首

坐卧丈尺地十月衣裳單開門十步遠北風吹
面寒

其二

松菊堂集

卷十七

八

客中頻見月貪立露花冷徘徊飲衣袂愁人忌
照影

寄家書五首

手字伴愁淚殷勤長到家如何身事拙踪跡滯
天涯

其二

動息即有感轉展情緒長含愁作家信把筆忽
已忘

其三

素箋尺許長行行細繩子一讀再三嘆續書仍
滿紙

其四

無事久為客書歸人未歸為言冬雪裏猶着寄
采衣

其五

行人戒晨夕前途多虎狼莫畏到家晚歲月亦
自長

從軍

松菊堂集

卷十七

九

從軍去墳墓十年一到家舊時手栽樹今哺幾
回鴉

春夜

枕上一千里醒來燈未昏春風滿梁棟或是燕
來軒

塞上二首

塞草迷羶隰玄雲沒健雕將軍頭似雪寶劍不
離腰

其二

百戰不知息十年猶未還功成封定遠望斷玉門關

舟中即事

渡頭青荇菜漂流附客船過江今幾日蕩入藕花川

東郊雨過

荷鋤及晚晴草長手自擇隔田喧野人良謂及時澤

書感六首

松菊堂集

卷十七

十

風墮榆枿子繞墓成大樹上有九子烏戀巢不飛去

其二

江南古鬼祠日暮但烟水愛結野草花佩之細垂委

其三

井綆能磷石煖爐猶炙手寧知魏齊頭不及范睢口

其四

黃河當面險日日渡行人千金買馬車不如守要津

其五

高鬟誤從人金屋空日夜胡沙損玉顏猶勝明妃嫁

其六

鳥飛畏嶮巖拂雲猶宛宛王陽疾驅車馳上九折坂

松菊堂集

卷十七

十一

端峰先生松菊堂集卷之十七

端峰先生松菊堂集卷之十八

東越孫登著

五言絕句五十七首

即事二首

閨情四首

四時歌四首

庭菊二首

宮詞五首

梅花六首

松菊堂集

卷末

東園二十詠

秋意二首

秋夕

上巳日集小蘭亭分韻得山字四首

秋懷二首

聞砧

撥悶三首

卧病二首

望虎丘

同胡山人訪葉隱君村居

客邸步月

六言絕句十七首

梅花十首

江村二首

村意二首

桐樹

病起對月

新柳

松菊堂集

卷十八

五言絕句

即事二首

浮萍不着水風起水飄忽不如松下蘿纏附比

清樾

其二

花生根枝連花謝枝葉老一為春所妍光景各

自好

閨情四首

南南語梁燕雙雙覓舊壘遊子却忘歸初心修

已改

其二

荷片儂作蓮房子蓮子自苦心花落逐流水

其三

晨登崔嵬山望望識歸路相期采茱萸歲月薄云暮

其四

孤枕繡衾殘蕭瑟寒窗兩夢裏宛如初為我背

松菊堂集

卷十八

三

中拊

四時歌四首

桃李發新妍梅花已成莖回頭問桃李結子何時候

其二

桑葉大於掌路濕不可取蚕老饑奈何日日黃梅雨

其三

淒飈散落葉滿地無人掃堆積似儂愁旋掃旋

復有

其四

長夜恰如年坐久燭光杳如何歡會時忽忽不覺曉

庭菊二首

日出繁英麗參差影更奇一枝巖石傍絕勝在東籬

其二

秋漢墮殘月宵深氣倍清黃花凝玉露莫認作

松菊堂集

卷十八

四

金莖

宮調五首

金屋深深護瑤階寂寂春倚欄花共語窺戶鳥相親

其二

怨深頻起坐意懶復耽眠眠坐渾無賴床前墮翠鈿

其三

輕輦遙聞過眉端喜倍生如何杳無迹原是曉

輓聲

其四

柳色朝朝放鶯歌日日新
風光一樣好別院

其五

鸞鏡久生塵羞見紅顏好
昔為臺上花今作階前草

梅花六首

爐花非冷淡燈影亦橫斜
空作西湖夢先看上

松菊堂集

卷六

五

苑花

其二

有情開北牖無語近南樓
玉骨難禁瘦冰心可奈愁

其三

林風吹不到深院欲藏春
破牖開幾點清香隔紫塵

其四

黃昏客不去白月初來尊
酒歡相對寒花一

以開

其五

兩樹紅兼白芳姿闌席間
自憐頭半白一醉似紅顏

其六

門前樹俱老屋裏暖初回
枝上垂垂滿迎扉為客開

東園二十詠

居官一載飄然賦歸小圃
灌植聊以娛

松菊堂集

卷六

六

老楔曰東園彷彿商山之
隱凡為景二

十有五

大隱堂

大隱在城市迹名併廢吟
閒堂繞蒼翠城市有山林

長春軒

院落香來細闌干影上斜
何須催羯鼓不斷樹頭花

聽鶯軒

嚶嚶弄巧聲遷來傍喬木喬木枝且危何如在
幽谷

狎鷗所

蒼鷗不避人時向池塘立何如鳥雀群稻田啄
餘粒

繡春樹

苔蘚滿階石點綴成綺羅蒼痕新踏破應是鶴
來過

凌虛閣

松菊堂集

卷八

七

曾臺迥太虛人在廣寒闕冷冷萬籟清身似空

中月

悠然臺

蒼茫千萬里臺橫天地間登臺聊寓目雲樹滿

前山

問月亭

獨坐向青霄問月月不語應是玉宇寒嫦娥在

深處

平安徑

種竹小山前叢叢蔽山道雨過琅玕青謂有山
僮報

小石梁

咫尺有天台莫謂石梁小不見沅胡麻芰荷滿
芳沼

賓陽池館

曉日照幽居主人猶未起悠然躍錦鱗晴光落
池水

爛柯所

松菊堂集

卷八

八

竹下石作几枰空坐亦寒相逢皆敵手不敢說

長安

雙澗

石澗水澄碧魚樂何洋洋會心惟一壑何必在

濠梁

小五岳

乾坤自空曠五岳眇如粟我有石五拳環列小

亭曲

逍遙宇

海客談鷗溟天池邈何處冷然御風行空中目
來去

惟石屏

巖巉倚竹松乍見駭奇怪對酒即良朋整襟時
下拜

小東山

壘石小園東
自老却咲出山人渡江成
小草

薔薇塢

松菊堂集

卷六

九

池上小東山山下薔薇塢雲月不須陪琴尊自
為伍

曲徑

隙無二仲過翠微鎖深處巖畔一徑幽白雲自
來去

迎仙橋

丹爐火未盡跌坐石闌邊颯爾清風至相逢小
洞天

秋意二首

玉露曉離離山頭已秋色青垂自薜蘿閑繞江
邊石

其二

沿堤拍暮潮孤舟乘月去涼風吹人衣只向秋
江住

秋夕

獨卧絳紗厨忽見蘭花落夜來暑盡清風清不
似昨

上巳日集小蘭亭分韻得山字四首

松菊堂集

卷六

十

江漲桃花水江邊花滿山春風飄欲盡對酒惜
紅顏

其二

雙屐穿叢竹綠林曲曲灣一丘聊共適不用覓
崇山

其三

列坐群觴詠幽情寄小山莫愁苔蘚濕巖畔足
荆班

其四

感慨彭殤事三春一瞬間且須憐暮景長醉對

青山

秋懷二首

山中多白雲山前溜溪水溪水與白雲閒却秋

山裏

其二

門前大葉楊葉底鳴雙鳩晴時聽來喜雨中偏
助愁

聞砧

松菊堂集

卷十八

土

月下鳴寒霜風前度歸雁征人不暇聽聲歇意

方亂

撥悶三首

少小負盛名老大雙蓬髮如何散衆人終佩黃

金印

其二

昂藏亦丈夫每向人前揖天地忌浮名淡下青

袍澁

其三

白馬御僕夫踟躕背雕鞍縱能走千里猶自思
長安

卧病二首

鳥啼日欲午高枕類維摩寂寂空齋裏猶嫌說
法多

其二

卧對窓前樹濃花映竹扉翩翩蝴蝶舞不向夢
中飛

望虎丘

松菊堂集

卷十八

十三

堤草綠於染野花開正班酒旗風自逐遙望虎

丘山

同胡山人訪葉隱君村居

樽酒過籬下林光入暮新言尋赤松子還共白

衣人

客邸步月

皎皎青天月虛簷帶露寒可憐孤館夜形影自

相看

六言絕句

梅花十首

腸斷不堪三弄窓
虛遙度疎枝莫遣興闌驢背
隴頭消息先知

其二

日暮城南鴈盡江頭春色來遲何處梅花開偏
因風滿袖香携

其三

下馬共尋姑射人間亦有蓬萊春意偷傳密院
疎花兩樹同開

松菊堂集

卷十

十三

其四

簾度清光弄影酒傳香信飛觴不共書齋映雪
却於翠幌深藏

其五

但說一枝破臘豈知孤館生春安得素心長守
還看白髮驚新

其六

松竹歲寒同塢梅花不但香清准擬深春結子
豫期鼎內調羹

其七

逸客誰同范蠡寒梅可比西施潛汎五湖春色
扁舟不許人知

其八

歲晚羣芳搖落幽庭獨占先春牕外空餘明月
檐前不染紅塵

其九

傍帳依稀稀入畫辭條零碎團酥最愛江南獨盛
誰云薊北全無

松菊堂集

卷八

十四

其十

酒面倒窺疎影屏邊斜入低枝未動上林春色
猶疑綺席幽姿

江村二首

俯仰水天皆碧清幽人月同閒款乃一聲何處
開門獨對青山

其二

雨後誰畊綠野半犁芳草萋萋驅犢兒童作陣
垂竿漁叟沿隄

村曉二首

初日林光晶晶輕嵐野色蒼蒼犬吠時聞
人聲遙隔茆牆

其二

江鷺沿堤隊隊林鳥噪日喧喧
僮閑頻掃山徑客至方啓柴門

桐樹

颼颼金風落葉一枝翠色猶新
客至還堪題徧春霞秋色愁人

松菊堂集

卷八

五

病起對月

皎皎侵人月色病餘轉覺生涼
玉兔何須搗藥金莖玉露堪嘗

新橋

細細渾如眉面輕輕初綴鵝黃
分付曉烟遙護佳人恐妬新妝

端峰先生松菊堂集卷之十八

端峰先生松菊堂集卷之十九

東越孫鑒著

七言絕句一百二首

官詞四首

樂府四首

絕句四首

題畫

題梅

望海門四首

松菊堂集

卷九

十一

春暮汎江四首

五柳莊閑雨十首

卧病兩月春暮始至江園見五柳懸門因

作楊柳詞十首

清溪四首

與錢王孫二首

泛舟四首

張羽士過江館二首

贈劉都督

任柱史問菊答之

江上訪張五山人二首

送張五山人還金陵二首

江園長至日五首

林內翰八十詩三首

同楊秘圖山人春暮汎舟四首

畫梅二首

寄都閨姪二首

吳太守過草堂對菊二首

松菊堂集

卷九

二

任柱史過小庭看菊

周司理詩來有江園之約次韻答之四首

送文融弟北上七首

午睡

玉欄臺賞芍藥

玉欄臺惜芍藥

朱勳國宅詠梅花十首

七言絕句

宮詞四首

昭陽舞罷賜輕羅閑坐猶溫子夜歌倚徧庭臺
不成思水晶簾外七香過

其二

北闕雲收織曙霞東風處處舞楊花忽聞別殿
笙歌沸又辨新聲出絳紗

其三

紅芍開時三月闌花前無語只頻看奇葩贏得
君王賞只恐春深花又殘

其四

松菊堂集

卷九

三

門前楊柳亂如絲春盡佳人嬾画眉照影臨池
花自惜紅顏狼藉幾誰知

樂府四首

嬾拂粧臺鏡裏塵為春憔悴怕逢春花前擊鼓
誰家宴郎不歸來賽殺人

其二

斜日灘頭過小車東隣遊子已還家阿郎不寄
平安字孤倚危樓數暮鴉

其三

郎在天涯久不歸
餐殮無計典春衣
丁寧燕子須相信
莫向郎前語是非

其四

楊花落盡亂飄颻
楊葉垂垂百尺長
獨坐黃鸝有新恨
聲聲啼處亂人腸

絕句四首

十載情多付渺茫
幾人能似舊劉郎
武陵空有春如許
從此桃源已斷腸

其二

松菊堂集

卷十九

四

往事追思若夢遊
傳詩却悔到通州
從今阿軟羞相見
綠水紅蓮總是愁

其三

無奈東君愛客何
麗詞還與雪兒歌
雪殘春盡東君別
夢繞巫山夜夜多

其四

謾道王孫逐後塵
蕭郎不是路行人
御溝紅葉原無定
流向天涯別有春

題畫

彩毫隨意寫雲烟
千仞回崖瀑布泉
山下草亭人寂寂
斷橋橫繫木蘭船

題梅

一夜東風動地回
陌頭春信欲相催
山人慣得林逋興
點綴梅花影倒開

望海門四首

日出扶桑夕斂暉
滄桑幾變世應非
田橫五百猶如在
徐市三千竟不歸

其二

松菊堂集

卷十九

五

誰識舟航一間津
可能汎海學波臣
雙珠陸却明如月
不掩驪光夜夜新

其三

天連弱水曙霞重
萬疊巉巖海上峯
舟楫有無春色裏
長空片片紫雲封

其四

晴動波光蜃氣消
迎仙遙識漢時橋
春來得伴風雲蟄
應有鯢乘萬里潮

春暮汎江四首

郊原芳草任孤舟
淡日低懸古驛樓
聲叶漁歌向南浦
東風吹浪拍汀洲

其二

堤上青帘近酒家
芳塘乍暖欲啼蛙
絲絲風送章臺雨
分付輕烟護柳花

其三

中流款款信潮行
日暮浮雲不肯晴
落盡梅花青子小
誰家笛裏弄春聲

其四

松菊堂集

卷十九

六

青山俯郭遶江門
日日羅衫帶酒痕
啼鳥亦知春去速
不勝清怨在林園

五柳莊閑雨十首

楊柳花飛春滿城
啼鳩嘒嘒雨中聲
柴門却也無人到
一夜燈前白髮生

其二

何人紫陌試輕羅
春水春山采薜蘿
多少漁船歸入暮
滿江淒雨濕寒蓑

其三

綠蒲青筍欲歸春
柳碧花紅一樣新
最是流鶯不避雨
窻前喚醒夢中人

其四

白晝花飛小院孤
梁間舊燕哺新雛
呢喃敢怨人窺視
愁殺天陰啄食無

其五

虛亭草草坐清涼
吟罷新詩字字斟
一片蒲團忘世慮
隔林鍾磬動禪心

其六

松菊堂集

卷十九

七

雨深徑裡長蓬蒿
青履梧桐十尺高
彩鳳翱翔千仞上
空教臺上數吹簫

其七

新水船從天上遊
蕙波蘭棹去悠悠
道人閒洗看春眼
日暮孤登烟雨樓

其八

錦帳低懸護牡丹
花穠帶雨暮生寒
玄亭閒寂誰携酒
覓句吟凭十二欄

其九

紅若開刪春色虛輕除紫翳
吾廬潮來暮
平江水且向磯邊學釣魚

其十

山迎門巷綠波迴寂寂衙門午未開却恠東風
偏憐雨尋常吹送落花來

卧病兩月春暮始至江園見五柳懸門因

作楊柳詞十首

江干楊柳尚依然寒雨枝頭鎖白烟玄鳥故知
春信息東風無數夕陽邊

松菊堂集

卷九

八

其二

紫陌風前弄暮春顰眉幾度掃芳塵輕盈可比
虞姬草一任低回舞向人

其三

書生空賦漢長楊夢裏隋堤欲斷腸杜若含情
南浦綠相逢春色妬蕭娘

其四

懸門柳色五株齊數有黃鸝傍晚啼少婦綉窻
春睡足關情無夢到遼西

其五

拍堤新水碧悠悠離水隨波逐影流不是渭城
人送別長條無那繫扁舟

其六

宛宛青絲匝地來韓郎不至問章臺安排多病
看春眼幾樹桃花隔水開

其七

羞殺秦松踈大夫蘇堤瀟灑酒蔭平湖垂條葉
青如許遙夜深枝宿鷓鴣

松菊堂集

卷九

九

其八

樹底何人度小車垂絲輕最玉簪斜雙眉淡掃
憐春色柳葉彎彎未足誇

其九

不作城東清夜遊垂垂弱柳大堤頭啼鳥多少
含春怨殘月輕烟滿翠樓

其十

青匪連門日正遲春心常抱主人知依依長戀
江邊宅却笑隋堤異昔時

清溪四首

春晴競泛水蘭舟落盡楊花片片浮忽見碧天
懸皓月遠山松栢照滄洲

其二

山連碧澗吐晴沙三月堤邊萬柳斜醉倚蓬窗
看不盡東風吹散浪頭花

其三

近水蓬門繞薜蘿隔溪晒網唱漁歌白楊紅杏
村村繞紫燕黃鸝處處多

松菊堂集

卷十九

十

其四

樓臺小築碧山樓芳草蒼烟白鷺啼澗底遊魚
清可數持竿閒俯石橋西

與錢玉孫二首

七尺昂藏此丈夫杖頭常是一錢無逢人慣入
高陽市解却寒衣付酒壚

其二

傍午離家酒半醺往來城郭又斜曛多情到處
皆知已慷慨風流自不群

泛舟四首

白雲江上白雲閒浦口移舟去復還無奈滿
來翠色頻揮如意數青山

其二

寒偏長堤草欲黃數行白鴈叫斜陽同遊盡是
高陽侶一曲歌殘酒數行

其三

搖搖舟入白雲深帆繞山邊碧樹林鳳管數聽
秦女弄風迴疑是水龍吟

松菊堂集

卷十九

十一

其四

牙樯蕩漾蕙花川夾岬行人望若仙載有舊時
齒史在風流錯認米家船

張羽士過江館二首

角巾短褐白芒鞋何處僊人訪道來家隔江山
三百里洞門深閉小蓬萊

其二

綠酒黃昏燭半明玉樓十二紫簫聲聞君五岳
遊將遍婚嫁初完學向平

贈劉都督

日出秋高烟水空紫雲繚繞海天東將軍已混
漁樵子猶說樓船百戰功

任柱史問菊荅之

霜臺清白隔紅塵才見霜花喜殺人昨夜西風
動林薄却吹香信到東隣

江上訪張五山人二首

雨餘江岸護香泥柳色陰陰草色萋一住南村
將百日惟聞枝上杜鵑啼

松菊堂集

卷十九

十三

其二

江城縣裏動疎鐘欲寄書思萬重夜半燈前
渾不寐憶將家事復開封

送張五山人還金陵二首

日日同遊不待別春江遊處又成離他時相憶
來江畔惆悵臨流獨賦詩

其二

斷杯川上思悠悠孤劍扁舟作勝遊分付鱖魚
莫相負春江春水正東流

江園長至日五首

徐步掀髯笑一回韶華迅速托深杯數聲吹落
天風外寒偏江城鴈北來

其二

沽酒無錢莫厭頻白雲江上少風塵談俱是
清狂客今夜燈前醉幾人

其三

凋盡垂楊悵暮堤滄洲返照樹頭西章臺欲報
春消息依舊黃鸝枝上啼

松菊堂集

卷十九

十三

其四

紙窗初月弄輝輝長至葭灰玉琯飛忽見隴梅
開欲半江南無雪薄寒衣

其五

東園松竹翠生烟烟護江村不雨天堤草猶存
陽欲動晚來歌鼓試樓船

林內翰八十詩三首

一任非熊入夢閒逃名藉有小孤山雲霄忽度
長鳴雀知是林逋故掉還

其二

秘閣當年早著聲老辭丹詔悟黃庭披裘獨釣
羅江上太史應占動客星

其三

大隱何須遠市塵西湖是處武陵春誰言學士
焚魚竿自愛菰葦向水濱

同楊秘圖山人春暮汎舟四首

平原芳草汎扁舟斜日低懸古驛樓聲狎漁歌
向南浦東風吹浪拍汀洲

徐菊堂集

卷十九

十四

其二

堤上青帘近酒家芳塘乍暖欲鳴蛙絲絲風送
畫簾雨分付輕烟護柳花

其三

中流款款信潮行日暮浮雲不肯晴落盡樹頭
梅子小誰家笛裏弄春聲

其四

青山拊郭繞江門日日羅衣帶酒痕啼鳥亦知
春去速不勝清怨在林園

畫梅二首

誰言天地心難見數點梅花動一陽深谷春風
吹不到旋開圖回墨痕香

其二

聞說江生夢足誇只今筆底有梅花幽情總是
無人識開盡寒英石徑斜

寄都閫姪二首

小築幽栖水竹邊澹然世故等雲烟如何忽折
東山屐為報功成有阿玄

徐菊堂集

卷九

十五

其二

細柳青青曙日臨光生肘後握黃金太平汗馬
歸營壘一劍猶懸報國心

吳太守過草堂對菊二首

蓬門秋色復如何片片鮮霞散綺羅無限風光
看不盡寒香透襲繡袍多

其二

江城千里足秋霖政暇閒携鶴與琴日映寒花
滿城郭郡人疑是賜黃金

任柱史過小庭看菊

庭前晴雲菊未殘一時蜂蝶傍闌干忽看臺上清霜色秋氣侵人白日寒

周司理詩來有江園之約次韻答之四首

曾將新草共君栽風雨山城逢酒杯返照樓臺銜霽色二星依舊偏三台

其二

屋連城郭水連村旋引江潮直到門不恠漁郎頻問渡烟波迷處坐黃昏

松菊堂集

卷十九

十六

其三

江邊楊柳即詩家斜日門懸薜荔賒報道仙槎今夜過預令稚子摘枇杷

其四

幽人長日倚西樓開遍山庭紫石榴津吏紛紛迎綵鷁月明車馬在江頭

送文融弟北上七首

醉別城西江上樓漁燈野火映孤舟遙遙去指燕山路夜聽猿啼夢裏愁

其二

綠浦橋邊泊去楂潮迴寒水浪花墳簷聲叶驪歌曲數倒青尊傍酒家

其三

含淚河梁欲別難雲迷何處是長安一杯相勸休辭醉今夜西風到客寒

其四

對面躊躇總不言綠堤衰草別王孫大都故舊多蒼鬢傲殺徵君不出門

松菊堂集

卷十九

十七

其五

舟移明月遡潺湲江口雙城鎖碧山此去吳門連越甸故人滿路異陽關

其六

廿年迴首付東流猶憶長安敝黑裘塵世功名休繫戀清風飄忽白雲浮

其七

不醉其如秋夜長江潮帶露拍船涼聯床相對渾如昨殘月疎燈舊草堂

午睡

卧擁寒衾數歲華風塵幾日到天涯睡中剛得
愁忘却何用匆匆夢到家

玉欄臺賞芍藥

春風偏到玉欄臺芍藥花前對酒杯醉折一枝
還起舞晴空忽送彩雲來

玉欄臺惜芍藥

鴉啼幾樹玉欄東夢破驚愁別院空紗袖翠籠
寒霧薄花殘雨夜一簾風

松菊堂集

卷九

六

朱勳國宅詠梅花十首

前日來時花未開今朝朵朵傍瑤臺閉門何處
傳春信莫是園中羯鼓催

其二

江南處處暗香來陌上山邊破牖開慳得燕京
梅數點瓦盆徑尺兩株栽

其三

故人幽閣對芳姿漏泄春光忽滿枝把酒問花
花不語惜花莫賦落梅詩

其四

無溪無峽竹為羣靜倚幽窻護白雲人在高樓
以簾罷辦隨寒影落斜曛

其五

誰說春從天上来梅花春半大都開城中兒女
初相識半道梨花半道梅

其六

江南春色獨西湖楊柳含金響鷓鴣此處寒多
風景異梅花開盡柳仍枯

松菊堂集

卷九

九

暖閣低垂綉幕新一爐活火逼花神可憐未得
共生意開遍枝頭不為春

其八

窗外風多冷不勝兩株梅樹傍寒燈花前欲和
陽春曲不是何郎恐未能

其九

漢家宮主辨為粧醉抱銀箏倚綉牀檀口半開
溫小語含羞不敢問君王

其十

端峰先生松菊堂集卷之二十
端峰先生松菊堂集卷之二十
縱歌舞孤山處士跡深藏

松菊堂集

卷五

下

端峰先生松菊堂集卷之二十

東越孫鑿著

七言絕句一百五首

燈前曲四首

迴文題画四首

沈家園四首

贈徐元戎鎮定海二首

暮春

漢董生故里

松菊堂集

卷下

一

邵伯湖值順風舟行迅速二首

錢塘

江行望龍山

七月十五夜同呂相公泛舟至衆樂園二

首

題吳山姚園三首

獨坐

題襍畫四首

不寐

七夕

早朝

閨情二首

美人二首

兩夜與友人敘別

與錢塘姜明府二首

張太史謫轉運至浙中

武林遇樵李黃使君

題許憲使湖中香月樓次王仲山韻二首

松菊堂集

卷三十

二

聞洪士瞻彈琴四首

陳觀察東巡道出姚江追之不及二首

訪周寧波

寓明州題黃主人壁四首

題四景美人圖四首

無題四首

任刺史寄新詩荅此

任長卿自四明携牡丹回

呂孝廉下第四首

池上紅梅

東園雨過

與陳醫士四首

楊廉士江館

贈徐將軍二首

客有西小莊四景圖見贈援筆漫題四首

雪夜訪客

與胡巨卿三首

與方二隱士話舊十首

松菊堂集

卷三十一

三

夢

秋懷八首和劉誠意社長

詞二首

丁邑侯修建文廟詞調謁金門

丁邑侯修建琴堂詞調賀聖朝

七言絕句

燈前曲四首

香然金鼎瑞烟生懸遍星毬百寶明燈下美人

歌窈窕萬花叢裏鳳凰鳴

其二

吳姬勸酒越姬歌
絳燭重燒夜半過
蕭鼓天街燈未息
一輪華月渡銀河

其三

庭前火樹散瓊花
飲盡芳尊月未斜
臺似廣寒人似玉
不知明夜醉誰家

其四

樓臺燈火映青山
山繞仙源曲曲灣
不是仙源行樂處
何因二女到人間

松菊堂集

卷三十

四

迴文題画四首

風生谷口水潺潺
竹映溪流碧繞山
楓樹萬林秋動響
空橫月影落花閑

其二

煙含樹杪雨霏霏
遠岫迷雲片鳥歸
連徑草深幽澗隔
泉流曲處敞荆扉

其三

前溪問月向松攀
釣罷漁翁一徑還
川帶晚村迷碧柳
天青望遠樹連山

其四

吟吟醉月步溪南
草帶烟村柳帶嵐
心遠自閑閑處樂
禽幽獨對坐空菴

沈家園四首

石池堤畔石為橋
縹緲樓臺風霧消
楊柳欲青歌聲罷
春風邪外酒旗飄

其二

江頭草閣閣青霞
人指城西處士家
春暖忽經連日雨
海棠一夜盡開花

松菊堂集

卷三十

五

其三

一入仙源認武陵
桃花未綻信無憑
只今臺榭多芳艸
不識劉郎到此曾

其四

水光雲影帶晴烟
無數遊魚近酒船
醉卧不知春日暮
出門新月滿江天

贈徐元戎鎮定海二首

定海隔普陀不遠
大將宣威萬里多
東南溟海不揚波
月明雲盡清如畫
遙見蓮花出普陀

其二

天外旌懸海嶠高，蛟門晝夜浪滔滔。
橫虎艦臨流賦日出，扶桑照錦袍。

暮春

楊花開遍杏花稀，好是春風一半歸。
分付黃鸝莫愁絕，明春早向上林飛。

漢董生故里

落日蒼茫古陌平，啞枝上夜烏聲。
黃塵埋沒春來草，此地曾棲漢董生。

松菊堂集

卷二十

六

邵伯湖值順風舟行迅速二首

汀草凄凄鶯亂啼，曉風習習雨霏霏。
江流縹緲浮雲外，一片歸蓬趁鳥飛。

其二

桡條細細向東披，不道西風四月吹。
快棹日行三百里，客心猶自恨歸遲。

錢塘

層層花浪逐風生，勢撼蕭山吼作聲。
疑是越兵乘勝後，百年鐵騎響鉦鉦。

江行望龍山

清江無浪復無烟，一派東流入蕙川。
却望龍山應不遠，龍山只在蕙江邊。

首

七月十五夜同呂相公泛舟至衆樂園二
日落江頭潮未迴，樓船擊鼓向西開。
青霄孤鶴橫江過，疑是黃州赤壁來。

其二

一帆明月渡江天，歌管聲高止暮蟾。
丞相歸來

松菊堂集

卷二十

七

開別墅山房莫是舊平泉

題吳山姚園三首

薔薇繞徑竹侵臺，金削芙蓉萬疊開。
左右江湖頻入望，長風吹浪拍空來。

其二

細雨微風弄日曛，瑤天萬里縱流雲。
負薪野叟歸來晚，一曲吳歌隔隴聞。

其三

南北峰頭縹霧生，空濛翠色匝山城。
幽人結屋

山深處跡混樵夫隱姓名

獨坐

半簾輕霧散茅堂小
暑初消
簾香坐覺空庭
秋思晚一行歸鳥背殘陽

題襍画四首

紫芝玉樹繞溪幽
翠壁丹崖嵐氣浮
應有仙人
在深處一羣麋鹿下山頭

其二

朱欄密樹闌芬芳
濃艷春深照錦堂
片片彩雲

松菊堂集

卷三十

八

飛不定滿庭綠繞護花王

其三

而後扁舟繫水涯
烟雲深處有人家
翩翩谷口

飛蝴蝶莫是深藏玉洞花

其四

露深霜重月朦朧
獨有凝寒菊滿叢
屈指從前
花幾樹開時誰不借東風

不寐

烟月籠沙客未眠
歌聲燈火酒家前
今朝始覺

鄉遠身在淮陽夜泊船

七夕

清宵靈鵲簇成橋
咲引天孫紫玉簫
道人聞
透白別画屏銀燭夜寥寥

早朝

月斜行傍御溝橋
忽聽雞人報早朝
絳闕金蓮
懸萬點火光如晝曉來銷

閨情二首

銀燭金爐五夜寒
綺窓睡起日三竿
春情盡托

松菊堂集

卷三十

九

金徽裏彈向知音見欲難

其二

玉郎何處未言還
望斷秦山共楚山
坐久忽看

維快上夜來新淚又成斑

美人二首

京華女子貌傾城
掩咲逢迎更有情
舞學平陽
多艷態歌翻子夜動新聲

其二

繡囊多佩襲人香
高髻釵頭小鳳凰
低喚侍兒

整錦瑟兮鞋徐步出平康

雨夜與友人敘別

繫馬門前雨未晴東風容易送君行
燭花細剪兩聲歇別是離人一段情

與錢塘姜明府二首

西湖湖畔響泠泠一夜甘霖水拍汀
何用滿城桃李植六橋楊柳萬條青

其二

千障雲開處處清臺中新月照人明
候潮門外

松菊堂集

卷十

十

黃昏渡棹裏歌聲唱太平

張太史謫轉運至浙中

西湖新水滿芳洲日落風前一倚樓
家在豫章千里外瑤雲飛盡楚山頭

武林遇橋李黃使君

春乘五馬過西湖上壚頭酒任沽
今夕相逢論舊社一天新月醉蓬壺

題許憲使湖中香月樓次王仲山韻二首

微吟幽坐白雲間蘭蕙香來水一灣
最是半窓

東窗獨坐欄日日對孤山

其二

閒簾新月夜如鈎水色山光入小樓
湖畔青楓霜未落酒船遙繫縱清遊

聞洪士瞻彈琴四首

酒散孤樓燭半明黃昏細雨閉江城
恹來清夜寒如許彈出詩人白雪情

右調陽春

一片囊琴有斷紋猗蘭香韻續爐薰
秋聲夜汎

松菊堂集

卷十

十一

蕭湘曲不是中郎不可聞

右調猗蘭

入指淒涼猿鶴知美人何處繫相思
滿庭風月穿簾入一夜秋聲兩鬢絲

右調雙清

秋空夜半喚孤鴻聲入瑤琴小院東
不是伯牙彈不得托將流水入深宮

右調秋鴻

陳觀察東巡道出姚江追之不及二

青瑤晴雪舞簷花何處春盤醉幾度為問寒梅
有消息報來觀察駐皇華

其二

兩雪江邊春水來驚人寒色到烏臺官船又向
明州去百里波光一艦開

訪周寧波

日出帆高烟水空野雲遙落海天東非關八月
浮槎興欲識明州刺史風

寓明州題黃主人壁四首

松菊堂集

卷十

十一

雲樹蒼茫落日遲山城秋色照花枝太平野老
閒無事最是高歌鼓腹時

其二

橋邊新水綠如羅蘋攪涼風起白波烟外扁舟
歸去急滿蓬殘雨夕來多

其三

庭下花開照檻明花間芳草拔還生西風遙送
秋聲急酒熟何人到小亭

其四

深部樓臺一望間浮雲終繞鳥簷閑客來棋局
敲林下竹護蒼苔滿遲班

題四景美人圖四首

芳草淒淒二月寒王孫立馬弄雕鞍東風楊柳
江城暮舞倦宮腰似小蠻

其二

一上歌樓日易曛薔薇花裏出紅裙多情不減
東山興洞口相逢是白雲

其三

松菊堂集

卷十

十三

翠繞門闌酒不虛秋江開落木芙蓉月明歌管
誰家宴金谷園中有綠珠

其四

春信綠知在隴頭雪中時有暗香浮銀瓶綠酒
銷金帳一曲琵琶唱莫愁

無題四首

綠酒清喉醉亦愁寒深一夜泛扁舟明州亦有
徐州牧日暮含情燕子樓

其二

粧臺無語倚東風江上紅梅信已通春色却隨
流水去飛花不落壽陽宮

其三

門掩春閨燭影移海棠紅綻細垂絲吹將香韻
來歌管一曲新詞問雪兒

其四

飛盡寒鴉落暮潮琵琶又抱去迢迢迎陽門外
虛金屋却咲無緣貯阿嬌

任刺史寄新詩答此

松菊堂集

卷二十

十五

只道郎君戀奕棋山中局罷即吟詩年來刺盡
亭前竹纔有新聲自出奇

任長卿自四明携牡丹回

移歸紅藥洛陽春遲日開樽憶故人獨倚青山
吟得意醉校佳句報花神

呂孝廉下第四首

一路風塵滿客衣懷中白壁伴東歸恠來和氏
還三刖獨向深山泣落暉

其二

江上秋蕭蕭蒼苔為誰愁歸來猿鶴
山風忽怕殺重登王粲樓

其三

石頭城上春風安失意劉蕡亦自歌最是客中
曉不得風飄落桂花多

其四

原裏春深斗文紛紛吳楚客如雲莫言此劍
千金值不遇張華總不聞

池上紅梅

松菊堂集

卷二十

十五

莫道情多信未通一枝斜倚咲東風瑞閣橋畔
花如女唾落胭脂舞袖紅

求雨雨過

離邊蛩語早知秋碧樹青苔暎小樓連雨草堂
人不至閒携雙屐獨尋幽

與陳醫士四首

與君相望惠江西隔水臨風聽鳥啼秋半欄干
今夜月携樽花裏醉如泥

其二

遙見春林開杏花石圍丹甕煮烟霞道人靜據
胡牀坐一幅巾中戴九華

其三

蓆草田頭多竹林千家深巷碧森森浩翁入暮
方歸去客到蓬門無處尋

其四

獨背葫蘆到處遊尋仙採藥棹扁舟華佗未盡
人間業洞裡神仙不可留

楊慶士江館

松菊堂集

卷三

七

門敞薰風日未斜滿池紅雨醉荷花南山只在
節牆外青落江城處士家

贈徐將軍二首

轅門列戟向江開風撼秋林鼓角催虎艦橫波
連十里潮聲夜半度江來

其二

散寒猶解捕虜名江南早晚復提兵霜威肅肅
凝戈戟征鴈秋空亦駐聲

客有画小莊四景圖見贈援筆漫題四首

策馬携尊過晚汀垂楊低灑水泠泠風不斷
江頭兩桺杏飄紅杜若青

其二

水上茆堂萬竹遮風搖竹影拂窓斜幽人永盡
睡初足閑步池塘看藕花

其三

沙畔秋雲片片新扁舟泊向碧溪濱晚來潮落
收漁網瑟瑟西風動白蘋

其四

松菊堂集 卷三 七
山色凋殘萬木多梅花幾樹傍巖阿莊前凍合
稀人跡獨自尋香踏雪過

雪夜訪客

水滿江汀而未殘一天飛雪萬山寒相思只在
清溪上夜半移舟訪戴安

與胡巨卿三首

木蕖花發最分明總向秋光闢晚英何似若家
霜入髻每逢秋到不勝情

其二

蕭索衡門草尚青吟當綠酒醉幽亭鷓鴣一曲
千行泪操瑟齊門未有聽

其三

少年場裡氣何豪老却蓬蒿坐爵門外霜林
漸摧落幾人客裏解綈袍

與方二隱士話舊十首

對君如在夢疑中燈下相看蒼鬢同十載萍蹤
渺何處人生能得幾迴逢

其二

松菊堂集

卷三十

七

當年曾約汎中秋雲翳長空而不休為阻扁舟
溪上興人生能得幾迴遊

其三

軒岐秘術風稱奇不道災囊有好詩自古同心
惟管鮑人生能得幾迴知

其四

羨君風韻冠江南豪飲狂歌雜咲談談到情深
杯自罄人生能得幾迴酣

其五

煉砂已就九還丹何事蕭疎兩鬢斑訪道江湖
倦行役人生能得幾迴閒

其六

促來綺席坐團團翠袖繽紛錦瑟彈墮珥遺簪
燈半滅人生能得幾迴懽

其七

動情何似一枝春玉指纖纖進酒頻莫問十年
顏色好人生能得幾迴新

其八

松菊堂集

卷三十

九

休聽玉漏報殘更好趁庭除月色明憶昨瀟瀟
風雨夕人生能得幾迴晴

其九

酒闌競起出庭前露滿瑤臺夜半天此地逢君
君欲別人生能得幾迴圓

其十

相携歌妓出東門清夜嬌喉響遏雲此調霓裳
差足擬人生能得幾迴聞

夢

花影參差小院東，半秋風雨記飄蓬。
屏幃深鎖天涯隔，知是巫山第幾峰。

秋懷八首和劉誠意社長

門前銀杏匝清秋，白練河邊隱釣舟。
安得庾公今尚在，共邀新月嘯南樓。

其二

水上青楓挂瑤羅，客懷無那入秋多。
迎霜忽訝枝搖落，天外征鴻夜渡河。

其三

松菊堂集

卷三十

二十

朦朧山色暮雲封，聲咽東隣寺裏鍾。
欲看雨中湖上景，可憐烟霧沒芙蓉。

其四

湖上晴光散紫霞，堤邊蘭渚傍山家。
高眠忽有江淹夢，馥馥香生筆底花。

其五

秋空玉露夜盈盈，注向仙人掌上清。
漢主可能分一滴，茂陵應是得長生。

其六

崇林多少倚滄江，塔頂高鳴鶴一雙。
孤客枕書殘夢覺，惟來風雨暗西窓。

其七

涼雨長風響樹林，波搖林影望中深。
漫空嵐霧迷津浦，愁殺漁郎無處尋。

其八

良宵銀漢不生雲，十二樓邊管籥聞。
翹首蒼天如可問，清光暫借對芳罇。

詞二首

松菊堂集

卷三十

主

丁巳侯修建文廟詞併序丁侯曾產

伏以聖宮赫奕，並誇白虎之崇觀。仙史
文英，丕闡金華之與義。星迴日麗，天啟
人從山疊江還，地靈傑出三千禮樂烟。
霞燦魏棟之間，百萬詩書逢掖列青雲。
之上自非杏壇遺化名賢，產尼父之鄉
何能棧樸作人。今古繼文翁之教，詞曰
絃歌處桃李門前化雨為閭閻。賢侯如
原齊魯星斗光搖殿宇，閣道遙通雲路
泮藻。

春深滋曉露菁莪應共綠

右調謁金門

丁巳侯修建琴堂詞 併序

伏以紫微瞻帝座高迥連霄黔首效子
來經營不日莪構壯金湯之勢瓊階映
冰玉之操訟庭秋月交輝惠澤春風共
煦檐交雙檜高標勁節指青雲縣植千
花開卷垂簾娛白晝清續鳴琴之興惟
有鶴隨蕪菰擊壤之謠用申雀躍詞曰

松菊堂集

卷二十

主

甘棠茂處朱甍聳堂上琴聲動雲現翔鳬門看
飛兔廡堪棲鳳 帶海襟江流芳千禩更萬山
龍從還應指日青鎖金門迎恩承寵

右調賀聖朝

端峰先生松菊堂集卷之二十

端峰先生松菊堂集卷之二十一

東越孫鰲著

序五首

家慶圖序

壽叔石泉翁序

樂壽序

賀大司馬胡公平冠進爵序

贈李侯遷廷評序

記四首

松菊堂集

卷二十一

一

梅軒記

錢氏小圩記

勝歸山胡公生祠記

謙遊紀樂

序

家慶圖序

造化鍾祥緣德隆替故澤深者流遠善積者慶
餘貽謀繩武後先相續可以觀世焉吾姚稱厚
德長者必曰大司空簡菴陳公邃抱宏施亮工

熙載為 昭代名臣歸娛泉石壽屆期頤人僉
曰陳氏世德厥耳未艾享知幾復產我岳公
兩溪先生蓋衆賢而作類者也先生為簡菴公
長孫家承鍾鼎乃能一洗紕綺之習含態茹藥
履素率真孝友敦倫謙冲折節不自有其家大
司空以上卿著勲先生次應蔭補輒讓其昆弟
期自樹以報君親玄成鴻愷之節菽或加焉視
昔薛苞瓊瓚器什之間風斯下矣所謂山川之
英卓行之士非耶先生雖世家產業京薄岳母

松菊堂集

卷三

二

鄒采嘉維則中壺稱賢脫珥織絰以資誦讀先
生得一意進修貢入辟雍以行藝推先於六館
屢試弗就爰謁選判高郵蔚有芳譽慷慨挺立
不能與世俯仰遂拂衣高卧因溪山之勝卜築
棲真亭榭齋軒窈窕雅致翛然松竹可嬉可娛
先生時時杖履浥清泉陟幽巖四時更序昕夕
改觀日精月華雲緋霞彩水光山色變幻無盡
罔不醉心醒目怡情悅性擷窮攘之詭異為胸
臆之瑰奇或偕親朋攜童冠據山石以手談藉

草茵而暢飲長嘯高歌與溪聲松韻鏗鏘相應
過者從林隙遙觀恍若方壺員嶠松喬偃佺之
與遊也今歲仲夏年甲既週岳母於先生媿德
儷齒釀酒擊鮮延賓腆潔詩曰無非無儀惟酒
食是議孺人以之非孺人之賢何以成先生之
樂耶孺人惟一女慈婦也爰繪家慶圖以祝焉
黑冠緋袍昂藏南向者先生也綺服翟冠偕坐
高堂者孺人也英姿豐貌整襟而傍侍者先生
之歲子也殷勤舉觴偕立於前者釐與婦也二

松菊堂集

卷三

三

初昏隨歡呼侑宴者釐之子如游如浙也繞膝
承歡齊眉集慶和風淑氣藹於一堂樂哉釐宦
金門弗克躬賀謹東嚮遙祝爰致以詞先生達
人也即期頤上壽奚足為先生慶哉彭殤等盡
不朽為難昔人稱不朽者德義而先生之德義
充於其躬乎於其家小試於其官惜乎不竟其
施也不施於其身將宏施於其後吾固知流澤
無窮矣夫水之為勢川者高澤者卑高者流卑
者止天將雨水氣上行無擇于川澤然則澤之

道其亦有施乎先生之德義風於時被於后世
益行簡菴公遺澤于永永此其前所稱澤深而
源遠者也豈必施之自其身也哉是為先生壽
壽叔石泉翁序

比歲測畧占步家咸謂老人星臨牛女分吾越
宜揚州分野庶幾享年者之多見乎即吾族貌
古身康年高德邵躋耄耋者項背相望古稀以
下無論焉人言不誣矣夫壽者造化所以優仁
人族善類豈謾錫濫予使繩趨尺步者阻而踰

松菊堂集

卷五

四

矩越度者益侈耶是不然今古稱壽有三而要
其歸惟德凝壽惟壽綏福餘皆倖致胡可云壽
吾族有隱君子石泉翁者鍾純龐敦厚之氣誠
而懿謹而愿胸次平坦不設町畦畊食鑿飲以
嬉以遊真葛天無懷之流也一經授子熙美連
芳今壽八袞齒兒然顏童然其生辰也光朗
徹和風滿庭親識宗黨載核携觴趨慶恐後兩
子諸孫膝前萊舞婆娑彩袖耀日飄雲合座懽
呼穹宇為霽非予所謂以德凝壽以壽綏福者

乎其或有背天常違地紀肆情恣行積戾叢經
為世鄙薄而倖享多年老不衰歟使人側目惟
虞其斃之不速豈天爽厥罰而顧獎之耶識者
曰茲欲厭其惡稔其禍也又或勞筋餓膚旦夕
不給四望鮮強援撐門無壯力顛連輒獨為世
矜憐而獨茂於年齒匍匐支吾使人酸鼻咸惜
其逝之不早豈天惇厥施而顧詒之耶識者曰
茲欲延其端久其罰也三者之壽可例論哉惟
翁凝壽以德則德彌厚而壽益昌綏福以壽則
壽不竭而福逾集異日者高大其門褒嘉貽穀
委綬垂紳為宗人瑞將不勝其賀者幸志吾言
以俟左驗

松菊堂集

卷五

五

樂壽序

胡公少魁南宮由司馬郎歷郡守憲副大叅倬
有聲譽今歲戊辰元旦公壽六十孫子往賀之
過賀客有問於孫子者曰宇宙從容古今變易
夫人以藐然之身俯仰一世顧欲與奔霞流雲
競相馳逐其樂安在孫子曰赤身俯仰枵腹晨

啓動則泥塗卧則苦藉雖有揚弗周也必也樓
臺倚漢山石臨川蕙蒹香浮桂蘭幽蘭冷瓊飲
玉炙鳳煨鸞碣硃耀堯地之華珠翠萬裝是之
麗殿盈貫朽寶歲塵烟蓋將雄燒晉楚鏗駕陶
荷也斯不足以為樂乎客曰未也孫子曰丁紇
不辦固重茵而汗泚廟廊無似將列鼎而厚顏
可欲而不可快也必也輝煌金紫閃鑠車乘鵷
班立象偉之階鳳闕秉絲綸之寄鑾輿幸第戈
戟懸門權通將相勢重丘山蓋將步武伊周躡

松菊堂集

卷五

六

躡丙魏也斯不足以為樂乎客曰然與未也孫
子曰富貴固託呂難繼龐功業斬傳牛安附馬
固可稱快一時未足與休後禊也必也子姓紹
隆孫枝接響上慕周文之無憂下啓安世之濟
美流風不殞餘慶未央蓋將構古今之帝運罄
生人之至願也斯不足以為樂乎客津津言曰
子言善哉請申其至孫子曰嘻其然哉我知之
矣夫太和假我以元氣維皇降我以真精歛寂
一心充彌造化由是契老氏之玄虛領王喬之

秘訣吸霞氣茹日精噬淪陰飲沆瀣戴切雲之
我冠珮飄風之博帶駕青虬乘白螭擁霓旌
雷旂縱逍遙以忘世忽上下而容與蓋將逃
而禪逃禪而仙也若是者其樂何如也客躍然
起拊掌笑曰得之矣得之矣言訖孫子乃舉對
客者為胡公壽以見公之為樂者不在富貴之
間也

賀大司馬胡公平寇進爵序

總制浙直軍務大司馬胡公者今進少保兼太

松菊堂集

卷五

七

子太保云公蒞吾浙自直指使者遷御史大夫
迄今八稔若所駿豎若所鴻謨未易殫述往歲
公以擒賊渠魁王直勛最進公大司馬蔭子錦
衣已乃申勅撫操諸臣協心防海事聞天子
曰良哉胡卿心實任事可加太保兼太子太保
凡吳閩撫臣監司而下悉受節制其一應事宜
照三邊行是曠典也與進秩咨次第三公奚以
得此於朝廷也哉惟公之制軍也嚴嚴若癰
恤士君子約身勑度長算却慮與計焉

輸躬盡瘁者同一忠戊午之夏公遣眷屬還新安三載獨居恒如一日與裴晉公之奮不顧家者同一操身冒矢石頽苦形悴徵餉練兵皇皇夙夜惠此群黎保茲疆土與甯武子之不避艱險者同一愚訃謨石畫隨試輒效釐弊興利樹大濟艱關奏聞投機中款與陸宣公之建謀抗議者同一貞即今烽烟不熾吳閭底定臨海奇捷斬首俘獲以數千百計忘軀殫力紓蓋報國世豈有兩之者哉公既平寇諸將士畢集督

松菊堂集

卷五

八

府開讌飲至舉觴觴公公受觴酹地酬諸將士曰今日之勝仗天子威靈賴諸君戮力余何功之有願諸君毋忘疇昔汗馬之艱今日懽飲蓋自萬死中得也諸將士無弗感激泣下值公進爵諸將士屬不佞執筆為賀某竊惟古之大將樹鴻烈者必有雄傑之氣濶達之度然後能恢廓不拘荷艱肩鉅蓋抱不世之智次斯建不世之事功非淺衷狹度瑣屑拘攣者可同日語曩公為御史按吾浙携一劒晏坐命酌則必橫

膝間熟視有雄蓋一世之氣每一撫弄則為飲一斗一彈鋏則為飲一大斗醉則引劍起舞數迴曰今日官御史用三尺為朝廷肅紀法他日當兵事用三尺為朝廷戡禍亂大丈夫所自許不虛矣公御將士信賞必罰揮金擢用超逸常等用能使行間鼓舞悅服作其敵愾故戰則必克蓋公濶達之度足以素孚于眾也昔劉長卿獻李節度詩曰一劒答君萬金酬士則公今日之謂哉諸將士曰善遂書以佐凱歌之末

松菊堂集

卷五

九

贈李侯遷廷評序

吾姚東南樂土素稱易治頻年島夷橫行度劉我疆或戎馬糧餉徵求旁午民俗日困為當寧憂爰慎邑令之選又應初任者甫稱章句未諳政理博求循吏得英山令李侯仍其官遷令吾姚姚士民引領望至謂公衡慎擇必剛果英銳之士掣電轟雷之手乃克整釐繁劇期秦速化迨俟下車寬大簡默不沾沾以市恩不察察以密法雖羽檄星馳軍旅全集應之需徐色不

少無爲白毋擾吾民未三月而千經百緯總總就緒而并計陌弄草矣以錯居雖集不相抵忤人始帖然安之矣曰古者之治民也無幾哉夫爲政之要惟才與德才以任事德以運才任斯免舉故公儀休與李離石者似獨俱美而離與者則不然長于法理黃霸趙廣漢張敞治郡俱有聲稱而廣漢敞則幹局之能也若夫敦大寬厚不務苛細脫畧町畦上下便之則公儀休黃霸之所設施去四子遠矣李侯治吾姚襄惠

松菊堂集

卷五

十

拯困厚俗安民渾渾無跡政成而人自信令一而化自乎是公儀休黃霸今古再觀也臺史督臣交與並爲晉陟廷評求三尺之法握上殺之柄豈必剛果英銳擊雷轟雷之手乃獨職哉吾知侯亦執所以治姚者性耳張釋之爲廷尉民自以爲不寃于公高入其門千古習誦是遵何術耶若周興來俊臣劓法以克民濫刑而逞暴民至今憾之用刑之道在此不在彼也消吉西行惟圖書一束振轅卧轍終不能抗成命爰相

以言撫拾政績發姚民戴德之云

梅軒記

歲甲寅季秋之月清霜始降草木黃落爲聲聞寂風淒景涼孫子愀然感懷抱膝孤坐索莫成寐頃之指香徐來踈影四徹含烟帶雪傍燄臨池連幔纒軒襲衣飄席以爲梅耶黃花初綻梅於何有謂非梅耶毛髮洒淅弗寒而慄脩脩然若披裘躡履于孤隴之間幽巖之上忽見一仙

松菊堂集

卷五

十一

人顧予而言曰吾傳春主人羅浮之子也性潔而志清其生也首冠百卉幽芳自持苦節不群歲寒不變世人每以况貞士焉予曰爾其爲林逋之友乎爾其爲陸凱之寄乎豈爲何遜之思孟浩之尋乎抑爲傅巖之和羹乎不應而去比覺有括蒼劉生以梅軒請記予不暇作廼爲道夢中語更勘之曰夫造化於人異以冰玉之姿必先疑以清和之氣吾子丰標德器冲然粹然先哲是程闡明道學且將有民社之寄則子之

梅泗濱之壇杏也河陽之飛李也抑耶軒耶夢耶真耶吾胡乎知其然吾惡乎知其不然

錢氏小圩記

昔李德裕平泉山館甚華麗嘗鳴官立石期百歲後弗為權勢所奪迨歿未幾嗣人不能守亭榭荒頽欄砌蕪萎奇葩恠石盡為洛城有力者所得夫紕袴子不自檢飭墜厥芳聲遺辱先世家之弗保何有於苑囿至若東吳之俗奢靡隄甚蓐酣富貴之樂馳騁聲色之場豪逸于今必

松菊堂集

卷五

五

狼籍於后也錢君家居海濱東吳望族以臨江守東圩公為之父以司寇宗伯為之兄鍾鼎之家膏粱之習迺能克自振起守真敦素弗味世腴於東圩公所剏園林臺館逾加整葺花卉竹木手自灌溉日繁日茂因以小圩自號志不忘也其視德裕子孫相去霄壤予甚嘉焉作小圩記

勝歸山胡公生祠記

我國家誕膺天命臨御區宇二百餘載豐

松菊堂集

卷五

五

亨豫大金甌晏然吳越為東南財賦地家給戶殷民生樂業靡兵革供餉之擾適者海島么麼憑恃險阻出沒波濤與鯨鯢蛟鱷並肆其毒嘉靖壬子春倭酋糾黨艤艘海濱縱橫東南恣行焚掠守臣具聞上怒屢詔重臣平之皆不治上益怒廷論洶洶以是行難其人歲乙卯績溪胡公以柱史按兩浙有聲天子嘉之晉公御史大夫錫勞有加俾領戎政兼節度吳閩廼請廣兵暨京營材官同事賊聞震懼渠首請降餘黨負固益肆其害公進多士訓曰彼賊罪殷義不可貸爾有眾戮力一心圖奏厥功用答帝命又訓多士曰天子至仁不欲究武爾有眾紀律是承勿妄僇殺致過帝澤眾皆懼呼曰敢不唯命於是褫纛軍門修戈盾備糧糗整卒伍蓄火器嚴戒以俟維冬十有一月賊勢散蔓公率兵追至會稽之龕山躬督諸將格戰矢鋒兩集砲聲雷鉤士卒乘勝擊斬劇賊千餘俘獲無算賊潰四竄報聞天子大悅明年進公少

司馬總制四省 詔以重權士卒憚公威望効死趨戰夏之仲賊分犯吳越連捷如前是秋公用密計大蹙其黨賊乃平公告成于學宴賚有差自公受事晝夜勞思苦辛彌至髭髮半蒼報國憂民若公能有幾哉自東南盜起今五年三易撫臣再更將領莫或底定公以文武之才忠偉之節曾不踰時大勲克集雖天庥東南事固有待而公之深謀雄畧其可少乎古者出師凱旋類有言以揚盛美今公兩載于浙三承 錫

松菊堂集

卷五

古

命陟崇階奏大捷駿烈偉功與世無極猗歟盛哉可無言以記厥事公嘗為吾姚令多惠政姚城北有山曰勝歸昔劉牢之破敵休兵於此遂以名山山多石為富豪所有鑿取市利傷地脉公捐俸醵之立石示禁後毋敢擅取者民德之爰祠公于山之陽說者謂公討賊必識勝歸茲其驗云

讌遊紀樂

吾姚擅山川勝然志宦達者戀冠紳侈金貨者

松菊堂集

卷五

十五

後衡對樓船歌鼓輪蹄軼蓋無聞焉右軍不倡蘭亭子瞻不主赤壁山川人物殆相衮鑒也吾師李相公謝跡聲華棲真綠塋治園城西楔口眾樂有亭臺巖岫之勝松閑竹徑之幽喚醒迷途糾田士習始翕然改觀挾冊携觴從遊恐後情景相當豈非山川一幸哉己巳夏炎暑異常謀為河朔之飲魏光祿李內翰咸指眾樂園曰舍此無以豁吟思暢暑懷也六月廿有四日丙申祠部李伯子將赴郡城予偕魏光祿具轂核為錢李內翰助以醇酒李季子携歌者飛觴遞詠眾情胥洽伯子不言去予輩不言歸江風徐來山月既出玉漏聲斷涼氣侵衣不知為溽暑時矣伯子別去不數日會黃刺史姜岡卿具言郊園之樂爰集舊遊四人於廿八日庚子各具轂核往李內翰復助以醇酒圍坐衡門重扉直敞荷風四集香遠益清雖卓午炎蒸不煩襟襪歌者且舞簫鼓之聲徹于郊閑日暮放舟東歸值伯子旋自郡城詢連日之遊聞之吾師相公

期閏月十有七日己未顯治尊俎携譙郊園是
日赴飲如約有魏山人者與相公賭墅金風祛
暑涼更適前泛舟中流待月而返十九日辛酉
魏光祿治尊俎復往相公放樓船逆流而西午
餘乃至有楊山人者同舊遊九十人歌舞晉觴
暢敘至暮再登樓船整核更酌相公倡詠群客
賡酬獨懷宋觀察善聲詩饒曠逸可無預今日
之會緣訂廿一日癸亥醵飲于予東城別業則
宋觀察預焉而魏楊兩山人不預也諸僮交舞

公角室集

卷五

六

百樂齊鳴傳觴極歡盡酣乃別姜周卿請相公
復倡詠次第賡之約適為治具以娛勝賞七月
八日庚辰李伯子樓船新成各具尊俎請相公
為賀自史家埠放舟乘湖至徐家渡登萬竹亭
林懸落照翠色含金風動叢篁鏗然鳴玉山氣
嵐光紫綠變幻觸景抒情酒行無算盡醉登舟
請相公倡詠應聲賦之諸君醉莫能和者來時
風逆錦纜徐牽歸則順風不移刻至史家埠矣
新月初升諸君留相公汎月相公曰吾儔且

月色尚新擬十四日為七月既望皓魄正圓
氣漸爽當與諸君效赤壁之遊是日丙戌皆如
期至相公駕樓船與伯子新船相並兩船擊鼓
簫管齊鳴吹歌歌興清音繚繞宛若奏霓裳羽
衣於天上夾岸人家啓扉遙望謂神仙然入暮
月上碧天淨洗清光四徹皎如白晝江風薦涼
衆皆加衣旋浮太白劇飲徑醉相公隱几俄時
成二律楊山人以相公詩高聲吟之衆擊缶相
和還抵埤漏下三鼓相公復訂曰莫負三秋不

公角室集

卷五

七

辭頻叙叙宜盡興詩有新題衆皆曰如約孫子
曰昔人言飲酒有四不樂景非佳勝座乏高朋
不過良辰不逢歌舞哂駒隙之浮生慨河清之
難待開口歡咲能復幾時今茲之會詩傳酒伴
唱和琴酬山月江風嬌歌艷舞四樂併群情暢
撥欣所由山川之秀自天設遊觀之倡自相公
他日園亭之勝當與謝家東山司馬獨樂並稱
今古而譙遊之娛蘭亭亦壁詎獨擅哉予樂而
醉醉而醒醒而拈筆濡毫用紀顛末并錄廢詠

二十四章填置卷隙有心脾者當自得之

松菊堂集

卷五

大

瑞峯先生松菊堂集卷之二十二

東越孫鑒著

書四首

與唐荆川中丞書

報袁元峯宰輔書

奉岳父兩溪陳公書

與翁見海少司空書

說二首

神仙說上

松菊堂集

卷五

一

神仙說下

頌一首

平海頌有序

銘一首

三錫銘有序

書

與唐荆川中丞書

鄙人遊於吳覽峯巒之聳秀川澗之逶迤包山于隧扈瀆塩田洞庭屈曲五湖周環其景蹟則

有五雲之閣滴瀟凝露之亭其異物則有蒼蛟
白獺其奇怪則有樹呼龜人化鶴其題詠則有
高城帶水一壑風烟之句美哉詩筆乎冠絕東
南者也意必有鍾瑞毓靈奇偉特達之士生其
間者恭惟明公抱間世之資卓絕之識滙為學
海上窺姬孔下逮百家肆為文章盡却鉛華獨
紆心得闢為道學洙泗淵源伊洛流派視昔儒
彥如季札言游駿駿乎振遺響而追芳躅矣周
盤龍顧虎頭明公郡產也果孰優劣况胡宿鄒

松菊堂集

卷五

二

浩其人者乎明公殆山川之特鍾者非耶鄙人
南歸經廣陵謁明公於韓門一見禮厚下堂褰
袂曰君遺珠也屢從續溪胡司馬讀君制作恨
相知晚爰命庖為治劇談至夕遣僕導之出疆
鄙人何以得此哉鄙人視明公為知己敢以素
履陳于明公之側試垂聽焉鄙人越產也年少
居京師懷高負奇志若飛鴻氣若歛電脫去勢
利之外落落寡合獨與燕趙豪俠遊意常加于
人不帖帖也蓋放浪不羈迂拙天稟詎若統綽

子走馬長安醉花柳者伍耶又癖耽詞章雅慕
卓聖騷人墨士名望藉甚者未嘗不千里負笈
就而請業若乃縉紳諸名家與先公談藝輒傾
心竊聽豁然解悟即先達如獻吉仲默昌穀輩
雖弗克晤會一堂猶必深味遺言追求宗好或
居獨室中尚論往昔開展圖卷千古坐對縱不
敢自謂衙官屈宋壓倒元白而意有所極睥睨
寰宇嗟乎嗟乎世靡知己雅慕古人獨信獨往
更復何言追念鄙人生年七歲先公授書讀未

松菊堂集

卷五

三

卒業輒自了了既出幼遂徧觀諸史百家自謂
讀書不至抵滯人往往以大器期之再觀浙闈
三就北試五戰而五却每鳴琴自悲仰屋長嘆
有才無命甘於惇時天乎天乎豈嗜古者不宜
於今耶抑志氣激昂不能阿諛局促奔走於塵
網中耶不然何美我質縱我才而折我限我否
我運命若此哉既又自悟丈夫子生不得不振
王庭揚勵治紀仍房杜之殊勛効汲魏之孤直
以汲張主畧輔翊聖謨便當命扁舟駕巾車周

遊勝樂窮覽六合舒襟襟駁駁發吟思勒感
家之言即弗克藏諸名山垂之不朽而生平志
意亦足自酬故陟會稽探禹穴想像天地平成
神功永賴石匱秘藏千古如在涉淮河歷下邳
過彭城歎赤帝之崛起慨拔山之徒雄羨受書
之奇過哀寄食之孤窮之楚泛洞庭瀟湘登岳
陽黃鶴帝妃斑竹之遺青蓮浣花之詠悉遊覽
而追和焉至京師登燕山瞻恒嶽還稅駕于秦
望雲門若耶鏡水之間所過名山巨川無一不

松菊堂集

卷五

四

收其波瀾而融其屈曲以洩為聲詩其他蓋世
宏烈振俗顯名自分迂疎非可強冀冥冥已定
蒼蒼何尤流輩肉眼見鄙人若此輒一握為笑
指為狂生嗚呼豈知鄙人者哉詎意明公素非
識面握手論心遂成知己語云傾蓋如故言相
知也若明公鄙人之謂與鄙人不售於當世而
謬受知於明公是陳蕃徐穉復生今日而李白
子儀不獨見於唐也使者遠送告旋謹勒狀奉
謝高誼渡揚子遊金山各有詠併舟次雜詩

二十首雜文五首附致記室帷幄運籌之暇一
賜正焉

答袁元峯宰輔書

頃枉台駕坐語移時詢及詞章所宗誰氏且謬
許曰君以史館之才為苑囿之吏弗宜也既別
去餽以多儀拜嘉汗愧少選而姜膳部啣閣下
命欲置某於門下典筆札之役某竊怪之閣下
博學宏詞玉堂領袖自揣孱劣散材奚辱齒吻
適者翰劄下頒語意諄切如姜膳部所傳云則

松菊堂集

卷五

五

閣下果不我棄也辟則華山之金久埋沙土出
而淘之紫光赤氣耀室鳴山緘書封璽昭其用
探鳩化鵲顯其情是金之受知於人也又辟則
漲海之珠方其沉于淵藏于蚌也光則晦矣逮
吐澤出瀆精光夜照列為九品呈為六異向非
人力終不得炫是珠之受知於人也某迂疎不
容于世而獨受閣下之知猶之探海得珠撥沙
見金語曰士為知己者死某何敢自棄于左右
然經經鄙衷又不敢始終自恃某幼稟殊質日

誦千言既長氣益凌爍謂功名可指取迺數不
偶遂自放於山巔水涯之間昔黃霸政治之循
長卿詞賦之杰尚以貲為即杜甫李白天寶詩
人之冠也彼其周遊寄食浪跡高陽馬足車塵
山川登涉豈不以身阨一第假以寓意耶某誠
念之自以才弗及數子乃性耽著述於詩則沈
宋之嚴整章孟之冲虛摩詰文房之雅逸於文
則屈宋之優柔相如之宏麗子長孟堅之雄剛
靡弗邇流窮源緣辭究旨而又以疎曠成癖弗

松菊堂集

卷五

六

克句考字研篇解章析與古作者相上下閣下
無乃聽過情之譽為循聲之舉耶既自信以抱
璞不售梯雲無從即宜藏穎歛華陸沉於俗郎
官末職開口誰親伏惟閣下詞人墨客望門墻
而却步者何限乃下詢不肖朱門彈鋏無乃為
眾所誚茲某所以不敢承命也閣下亮之亮之
某家世清白然有薄田一項足供饘粥敝廬數
椽足蔽風雨湖光繞宅山色當門效阮籍之狂
肖嵇康之懶明月自至清風自來南山採薇東

籬把菊稚子晉酒野叟談藁傲正位輕八座
足娛此生矣閣下乃欲置之門墻若無韞之鳥
一入樊籠欲出不得非疎曠之性所能安也閣
下亮之亮之夫所貴於干將莫邪者貴於立斷
也所以尚騏驎者謂其立至也所稱乎聰敏才
藝者以能取榮名膺顯爵也某徒自負而名譽
不揚爵位不顯又何貴于聰敏才藝哉將廢毛
穎毀端絲兀然作一無能人矣何復能秉筆處
閣下之門耶迂拙慙直冒瀆台嚴不罪

松菊堂集

卷五

七

奉岳父兩溪陳公書

山川與區鉅靈攸宅吾浙龍脉自天目山來至
東海而盡乃脉所融結處也其東北之地曰四
門東南之地曰眉山皆距海不一二里層巒疊
嶽競秀爭奇登高騁望千里溟波吞天浴日蓋
不必梯蓬萊航弱水而佳勝居然在目海於天
壤間為物最鉅其融結之處必鍾鉅人四門則
產謝文正木齋翁大魁宰輔為昭代名臣年
幾九十眉山則大司空簡菴翁碩德宏猷更四

朝躋八座毅然引退徜徉山水者二十年年
幾百歲岳父為大司空長孫佐刺江淮亦毅然
引退夫簡菴翁以壯年通籍跋涉四方風塵備
歷比及謝政已踰稀年志慮竭於經綸精力殫
於政理猶且以上壽考終今岳父疆仕就官未
艾解組富有餘不盡之才順有餘不盡之力悠
怡適情冲淡寡慾其稟受於化工者不雕以撓
其毓萃於海嶽者又深以邃獨完夫淳龐渾噩
之氣而優游山谷溪壑之間降靈於茲鑄齡於

松菊堂集

卷五

八

茲永為兩溪主人若堯花之源甘泉之谷年壽
無算即百歲未足多也其以宦羈弗克稱觴堂
下惟述岳父壽考之原以為岳父壽計是辰也
薰風侑觴蟠飛薦實偕岳母坐高堂子姓稱觴
效南山之頌誦東海之章天倫至樂人世罕逢
謹頌一介遙致祝忱敬繪家慶之圖叙以為壽
俾懸之雙壽堂中云

與翁見海少司空書

頃從呂祠部几上閱門下所奏漕運艱要圖洞

管民隱具見忠勤謨畧 聖明省覽施行何慮
漕河淤塞是社稷之計也偶與呂祠部談攝生
之術請為門下喻焉夫人身之有血氣猶國
家之有運漕也一元網緼關竅脉絡常運常動
無有壅滯則精神暢叙經絡融通軀體無恙壽
考是寧一有積聚百疾孔作而札瘥由之故善
攝生者調其食飲時其起居節其喜怒慎其拂
逆矯亂之私使之周流不滯而已非必如左道
之鴟顧熊經索爐逆轉而後為得也 國家定

松菊堂集

卷五

九

制諸路歲漕米四百萬石以輸京師京師居北
漕出東南襟江帶河水道五千餘里舟艦如林
不易輾集也輓運士卒驕悍縱恣不易約束也
惟淮安為天下之中濟寧當開壩之要乃設兩
大中丞交相提攝凡諸經緯其政張弛其法伸
縮其數較其遲速程其期會甄勞糾愚補乏散
贏內外以維首尾以應本末以承遠近以濟由
是納于太庾貢于官省給于邊緜奚啻億萬命
所仰賴哉得人以理則饋餉既足 國家以安

不得其人則涇塞斯阻而國家恙矣豈特古
人所謂疣瘡之病將生死以之故善理漕者疏
利其渠道消息其通流培理其閘壩而啓閉之
下上其舳舻而蓄洩之使民不告病卒不肆奸
無有乎阻塞流滯之患而旱澇不能為之災則
國家殷富天下人然不猶攝生得術期頤久眎
者乎或縱其私或鑿其知欲速見小如導氣者
欲求大還九轉適以速戾厥躬爾門下究漕河
利病聞其顛末圖其切要是善理漕與善攝生
松菊堂集 卷五 十

何異惟矢志永有以卒成業以慰聖天子簡
任不盡說

神仙說上

漆園子曰孔子不語神非謂無神也懼惑人也
近世神仙非孔子之所為神也乃今邀考古史
博採群書類多奇異種種不可枚指有以神養
而成者以補養而成者以內鍊而成外鍊而成
者保合元氣樓真繕性貧困不移榮利不變此

神養也陽生於寅純木之精也陰生於申純金
之精也以木投金無往不傷故陰能疲陽也真
人者審其盛衰我行青龍彼行白虎取彼朱雀
煎我玄武此補養之要王綱陶弘景之所用也
鍊在內者不營世務不飾服御不言也不行也
閉氣內息拭目危坐摩搦身體舐舌咽津九竅
五臟肢體毛髮皆令和暢初學者以鼻引氣以
心數息行習既久可以卻疾病可以禁毒螫可
以伏水中可以行水上可以辟饑渴可以延年

松菊堂集

卷五

十

歲夫行氣不欲多食不欲恚怒恚怒則氣亂食
多則氣疆錢鏗葛僊翁用此道也鍊在外者陽
爐陰鼎伏汞養鉛朱髓之訣丹分三品以鉛為
君以汞為臣八石為使黃芽為苗運火功全乾
汞成藥藥成之日五金八石黃芽諸物與君臣
二藥不相離亂取其精靈用以服食胡剛子得
之而長生劉無名得之而不知所往不知所來
至若蕭靜之餐肉芝朱孺子餌枸杞是服食之
下也又若蘇耽陽翁伯以至孝而感動得僊李

林肅以不世而見仙錄則又與導引服食
異矣嗚呼今世神養者內鍊者蓋寡補養與外
鍊者或未舉其要無已則修懿行敦忠孝其亦
庶乎得道矣哉

神仙說下

漆園子曰古語云子不夜行則安知道上有夜
行人今不得仙者亦安知深山窮谷不有學道
得仙者世有仙人已服神藥不即昇天方且類
聚同道相求相應往往行遊村落市井混跡塵

松菊堂集

卷五

十三

世而俗眼故自不識反謂神仙迂誕不可信夫
以已所不聞不覩則謂無有不亦悲哉即無論
深山窮谷修真得道之人雖近在草野隱身求
志不耀文采不博聲譽不營進取不慕富貴人
猶不識何況仙人惟得道者為能知其人傳其
道杜子春逸入也遇道士約會雙檜間遂與入
華山登雲峯以旌旗戈甲千夫萬騎劫之而子
春不懼也以流雷迅雷疾風暴雨臨之而子春
不恐也妻孥毒苦涕泣乞憐而子春不哀也火

坑煬鑊刀山劍樹萬種刑辱而子春不怒也託
生為女獲遊宦家而子春不樂也生子而子春
不喜也至於子死而子春惜之者獨愛心未忘
也是以道幾成而敗也悲夫道士之用心徒切
也馬鳴生之度陰長生善矣孔安國陳伯其次
乎王遠奉經又其次乎鍾離呂巖善之善者也
長桑子授韋振以術也能作雷雲雨露能以木
石為六畜能分已形能涉江海含水噴之皆成
珠玉又能令弟子舉目明見千里又能墮飛鳥

松菊堂集

卷五

十三

召水物或時閉氣舉之不起推之不動屈之不
曲伸之不直也張道陵之於趙昇也閉門不納
以觀其誠美女調戲以觀其節遺金於道以觀
其操三虎交前以觀其勇買絲綢而信取其直
以觀其直雖舉世譏之衣求食以觀其慈令取
桃實身無絲之絕下臨不測之深淵以觀
其志九七試而七中也不遂授以道也嗟乎夫諸
僊人者既已得道矣而多方用力以求其徒以
傳其道成已成物孰謂其不類於吾儒也哉

頌

平海頌有序

天眷中華殷赫啓聖神武威靈式臨萬國海波
不沸民不知兵邇年以來島酋獲我向道糾夥
萬餘從海濱泊舟橫行焚劫孽黨紛紜肆畧吳
越諸郡邑直趨建業 天子曰是不可與生歲
乙卯璽屬績溪胡公以大中丞節度浙及吳閩
軍事公至則批亢擣虛整肅用命凡破賊擒斬
若干凱旋 天子進公少司馬其明年寇復熾

松菊堂集

卷五

古

天子曰東事未靖爾其益殫厥心募兵徵餉躬
督將領協期勦蕩以副 朝廷東顧公慷慨承
命集諸守臣將吏歃血指天誓以必討時寇習
玩王師強固益甚分隊數道奔馳失險又不虞
我師猝至接戰數合生擒渠魁斬逆黨若干人
仲秋賊平噫嘻四方多事有謀臣者為 國家
解紛戢亂厥惟罕職不然景伯材異代耶宜播
之頌頌曰 東雲宜茲薄猱肆虐蕪我田疇犯
我關關新刺有軍臨危罔節山川不毛江水流

血 帝曰伊誰翦此驍然惟公壯猷時屢中熱

夕寢靡安日餐不咽慷慨南征誓平虎穴戈甲
振雄鼓擊烈矢心目星勵氣水雪揚旌壘門
堅壁分裂轉戰收功奏凱旋轍崇階表勲屯難
竇際蠶茲島夷復殄而啞 帝曰柰何惟卿往
城壁一再頒仗劍再別師行赫赫旌駐子子綱
維寔周荆棘是櫛渠魁就擒黨逆乃徹吳越以
平萬姓胥悅競譔唐虞爰頌稷契緬昔寇興如
火初焚嗟燎于原救焚徒惕憂辛兩載公力既
竭星辰皎芒春意回泄黃裳密謀張詠孤潔霄
漢廓寥日星朗揭山岳聳隆溟海澄澈 國有
偉人靖茲醜孽勒勳鼎彝垂休竹帛

松菊堂集

卷五

五

銘

三錫銘有序

夫以新田采芑詩人美方叔之功渚水勒銘唐
世紀汾陽之績叛者干必誅之令討之兼肆赦
之仁恭惟少司馬胡公 中朝元老南國偉人
忠義備乎剛柔才克全乎文武筆下倒三千禮

樂府中歲十萬甲兵適野與賊連東頃以
海隅弗靖環千里半為盜區將帥之憂閱數載
允銷兵力 皇威有赫廷議是容乃援金紫之
章俾受軍旅之寄羽書就道 給命臨庭禮迥
絕於百僚權兼統乎四省申嚴軍令肅聽 宸
嚴將誇巖虎桓桓兵合東南總總運籌不動聲
色決勝若迅風霆再戰而平龕山三戰而拯桐
邑渠魁殲滅餘孽島空露布上聞 天恩屢賁
龍章鳳詔欣承日下飛來文綺白金符受師中

松菊堂集

卷五

六

寵賚功載盟府名垂汗編實戎務之多勞厓台
衡而久待天河洗甲永貽四境以無虞星履趨
朝共荷一人之有慶猥茲治里仰庇帡幪謹述
與情用彰 殊寵峴山片石羊祜同銘銘曰
藻歸萬物消服群慝文武胡公允為世則昔按
海陬風猷超特海波沸騰王赫師殲授節南征
誓殲島賊惟此島賊如鬼如域焚我屋廬蹂我
疆域戕我生靈荒我禾稷晝夜以追詭蹤莫測
制府屢前勅請獲得戎公適來安詳非億布令

定謀軍威整飭士受良謀行間生色操符
勇百其力渠魁者徐再戰再克脇黨膽寒勢窮
屢剋或山而踣或海而偪京觀既崇盪平反側
四載烽烟一朝孔熄氣吞蠻夷恩沾動植海不
揚波民安稼穡玉衡指冬凱旋在即維功維勛
柱石王國爰錫褒綸爰膺崇陟公曰 天威弗
自為德益矢嘉猷入獻忠臆公雖不矜功高莫
抑銘勛於常昭示無極

松菊堂集

卷五

七

端峰先生松菊堂集卷之二十三

東越孫整著

傳一十三首

滕六司農傳

神翁傳

班寅傳

玉羽仙翁傳

食革仙子傳

滕子承元傳

松菊堂集

卷三

一

祝子藉夫傳

褚子統之傳

秦大夫傳

清修子傳

姑射仙傳

白衣君子傳

精一子傳

傳

漆園供事列傳併序

孫子官上材使楚便道歸里中於宅之東為園以自娛將隱焉上林者

天子園囿之官也在昔蒙莊為漆園吏卻

楚王聘謂其使者曰往矣吾將曳尾於

塗中余竊慕之遂名其園曰漆園園甫

葺而值雪孫子曰東坡雪堂今古適契

門外凍合人跡罕至獨坐園中抽毫漫

興作滕六司農傳時嘉靖甲子臘之中

旬也其明年乙丑春仲有客過漆園余

松菊堂集

卷三

二

出傳以示客雅工詞翰兼善丹青援筆

於壁間左右圖龍虎謂孫子曰東坡繪

雪於堂今繪龍虎於壁子業為雪作傳

矣於龍虎無意乎吾傳其神以盡子

傳其神以文足稱二絕余欣然對客作

神翁班寅傳既成喚謂客曰園中供事

者衆矣獨龍與虎耶畜諸園者有鶴有

鹿作玉羽仙翁食革僊子傳陳諸榻者

有枕有簾有幃作滕子承元祝子藉夫

褚子統之傳植諸庭者有松有竹有梅
作秦大夫清脩子姑射僊傳出沼中者
有荷環籬下者有菊作白衣君子精一
子傳客咲曰子供事者衆即靡二仲亦
足相與娛老矣

滕六司農傳

滕六君係出天皇氏之後族屬布滿天下莫可
指數其隱于由首山小威山空桑山者歷四時
不變節尤為人所稱許君之生其母華陰夫人

松菊堂集

卷三

三

夢與太白老人遇而感姬比長肢體潔白瑩無
瑕疵凜凜然英氣逼人能白戰不持寸鐵壯士
武夫率爾相值罔不股慄神慘然風度飄逸因
方為圭遇圓成璧靡所凝滯雅與廣寒闕主羅
浮山人友善互相標榜聲望並起及入仕拜大
司農忌觸暑煥非冬月不輕巡歷節旄所指湯
侯先驅從以萬玉妃縞車素馬玉珮環建三
白之旂列五花之隊紛紛洋洋簇擁于衙雖阻
山控水輒稅駕焉性復豪侈敝銀屏張寶幄夏

瑛珞索撒馬首之銀杯縱風前之白鳳粉飾太
平穹壤間一奇觀也其勲績之表表者能調燮
元祿幹旋氣運使天下享豐亨之福故康衢之
謠曰司農一出阜我家室司農一遊稔我田疇
疆宇快瞻展也令休海內士大夫聞其風或酌
羔自於錦帳或啜清茗於草堂或把經相對或
掃徑躬迎好事者且放舟剡曲策蹇霸橋相從
恐後其不然者若素居士之閉門高卧絕之太
峻蘇子卿之忍心吞噬甘之如飴而譏刺者又

松菊堂集

卷三

四

以其藍闌梗韓昌黎之術似暴深夜從李憩入
蔡城似詭然不可以小疵掩大純也余性狷隘
水強嗜冰蔡視世之烘烘者莫之適從幸值司
農審為冰玉君子顙結居焉司農亦不嫌陋巷
相許甚歡余語司農曰吾輩與君締歲寒之交
側聞東震公與司農不相能行將假暘谷之威
煽祝融之焰一洗宿憾君苟不勉吾儕曷從司
農曰信如子言籌之已熟大化推遷陰陽代謝
功成則奉身而退君子貴乎知幾俟得東皇

訊當遠遁陰山以避茲虐逆計東震氏亦
露耳一旦朱明扼其咽而奪其柄再繼以西金
氏之暴摧其枯而拉其朽滿目繁華盡成消歇
終能柰我清白子何與君睽離旬月更當携瓊
抱玉聚首蓬門相訂不遠無容於邑就日雪視
涕淚漸流慘然色變司農亦不自禁矣夷考平
生功與德埒余不沒人之善為之立傳以表於
世

太史公曰造化以和風甘雨發育萬物聖王以

松菊堂集

卷三

五

深仁厚澤利濟生民司農獨以嚴毅剛果之氣
成幹旋燮理之功亦異矣君之氣義氣也非肅
殺不保合非收歛不發舒其寓生於義者乎古
云過於義則流而入於忍人君能與時消息善
藏其用故克綏成功以永令譽也宜哉傳曰君
子喻於義余固於司農多所許可

神翁班寅傳

神翁其先陽氏也名乾為人多變幻不測能幽
能明能小能大能短能長春分而登天秋分而

入海人稱為神翁云時庖犧氏御極以神翁為
世出之瑞因以紀官乃使使徵神翁神翁應召
往朝陟崑崙暮宿孟諸騰雲漢而上婉轉四瀆
之濱逮至上曰神翁能補袞耶有詔命掌稼穡
神翁分田列界布雲霧作霖雨使天下獲有年
上說錫以金章赤帶及五彩之服神翁既貴所
居有池方七百里多五花樹其從者皆採食之
每出必駕雲旌人望雲氣咸知其為神翁

班寅字濟猛漢之扶風人其先所從來遠不知

松菊堂集

卷三

六

系出何代其始祖生而有文在其身班班然遂
以班系姓寅與彪為族又同時彪子超立功萬
里外封定遠侯以其首類寅也寅性剛猛其氣
象雄威不可犯初官貴中郎將能壯朝儀為百
僚畏重喜跳躍每大呼聲撼山岳或一嘯則風
生馬嘗自言曰吾先世有勛勩甚夥令尹子文
棄諸夢澤吾先世活之惠也始皇以玉刻吾先
世形點目化去神也李廣出獵見形似吾先世
者射之沒矢其見憚若此人或謂寅過猛寅嗤

曰苛政尚猛於我而謂我猛耶後為胡氏者假其威擾民民不堪命朝廷聞而惡之寅被斥退處弘農郡值劉琨為弘農郡守行仁政寅自愧不敢肆暴迺渡河竄於山中晝則隱形常夜出人得其蹤跡恒切齒痛恨以故深遁茂林叢棘之間一日出遇周處處見之曰此爪牙之士也吾聞古人所重白眉不聞白額遂刺殺之寅既死變為同類頗衆人往往畏憚之

太史公曰易曰雲從龍風從虎聖人作而萬物

松菊堂集

卷五

七

觀方神翁班寅遇主得時豈非聖作物觀者哉乾以功績故顯寅不自量卒以暴終嗚呼彼謂勇力制人為可恒也哉

王羽僊翁傳

僊翁家楊州系出五岳之後遂以岳為氏名翔字翀伯別號王羽僊翁少時學道棲深山為服鍊已而丹成其頂如有紅光云性潔故色尚白氣清故聲聞于天不火食故狀貌矯亢弗類能陟山巔步雲際故足高踈喉以吐垢修頸以納

新故壽考不可量每與赤松子鹿門子友善相從幽巖深谷青溪白灘之間翕玉露而啜赤蛇人往往於清夜見其聳肩徐步飄然自得長嘯風前高吟月下其子和之有九苞山人者聞其音與扶搖道士挾僊翁騰空而去厥後嘗出沒人間有樵子見之於蓬萊山

太史公曰子閒居漆園忽一日僊翁御風翩翩而來降於庭狀貌修潔不施文采類恬憺幽貞之士乃其芳聲高韻四達而無所不聞何耶君

松菊堂集

卷五

八

子學修而名揚戢于內而暢于外廓如也澤如也皙如也則靜含而動光體潛而用章德積而功起豈非微之而顯之翕之而張之者乎予因僊翁深有感焉

食革僊子傳

食革僊子者系出毛氏之族世隱山林中子孫因以為家詩人之咏曰中林𧄸𧄸遂以𧄸為名𧄸𧄸者森森也僊子之生也其母夢上帝曰世德維揚受祿其昌俾爾佳胤歷算彌長故字之

曰壽徵其體濯濯其色蒼蒼其奔蹶蹶又得內
養之術心氣和平其聲呦呦然自幼時凌厲不
群已露頭角人咸曰是子也有異徵爰有異質
殆毛族之出類者也每嘉賓有會姓必與笙簧
雜奏旨酒燕樂四座皆傾心焉諸賓相謂曰以
子踴躍超逸之才弗之大都自表見何乃株守
山林為乎於是遊關中因趙高見秦二世高忌
其才恐奪已權詎二世曰此馬氏子也姓畏高
勢力不敢自白退讓高曰馬氏所居宛城極塞

松菊堂集

卷三

九

廐室繁陰而予處層巘峻嶺卧白雲棲翠微果
孰與我馬氏絡繹雕飾公子王孫羈縻駕馭上
者亦為諸侯天子恭養耳而予乘玉女荐軒轅
由犬戎獻周穆貴重若此果孰與我馬氏雖恣
飲長流飽餐終日而食前草草予所茹五嶽膏
芝所飲十洲玉液果孰與我馬氏驅馳塵世奔
走窮途而予生也上符樞斗美並四靈超軼絕
塵果孰與我此數者姓亦自知馬氏之不我類
也而子顧指馬氏恩我於上耶高不應二世愚

昧亦不問對既不見用遂亡去天下間姓亡共
逐之項籍為西楚霸王自恃勇力逐之五年不
得漢高帝使彭越韓信黥布等分道四逐獲之
適蕭何治未央宮成即以姓幽于其中歷孝惠
文景終不得自見值孝武即位求長生因上躡
曰臣山中野人也黃白間色彬彬呈彩宴息山
谷樂性雲泉舜畊歷山臣嘗與遊及舜受命作
韶武臣乃隨眾率舞于庭至文王營靈臺臣亦
未嘗不預讌遊也梁惠昏弱雖顧臣臣弗之喜

松菊堂集

卷三

十

齊宣以郊關內地方四十里縱臣放逸復嚴其
禁以衛臣終非臣顧今者幸遇聖明博訪道術
敢效惓欵且臣自唐虞迄今上下百千歲如一
日臣之可取者一聖王則就庸主則去臣之可
取者二毛髮鬚眉歷千年而玄又五百年而白
臣之可取者三臣待罪先帝久居未央雖無走
墮之恩寔抱獻環之念惟陛下憐之上覽奏即
時召見舉動矍鑠風度超逸曰此真僊子也處
之上林姓退嘆曰吾拘繫久矣幸爾見釋縱不

顯貴獨不可全首領於故土乎乃乘間自躍而出帝覺命驃騎將軍帶甲士追之弗得東方朔言於帝曰臣曩居山中知姓之為人鍊神服氣非有道終莫能致陛下誠靜心修德則仁感騶虞化洽麟趾姓且自至何必追姓既歸與李渤李涉俱隱廬山洞逍遙傲世遂辟穀采革而食之自號食革僊子因得道後人遂以其姓氏名洞焉有獵者遇之於廬氏縣澗上見人不驚人射之亦不能傷咸以為神也

松菊堂集

卷五

十一

太史公曰毛姓類有道術者知二世不道故亡去漢高馬上之風耳不足與追文景時銳意太平之治冀實効而姓超曠故終不用孝武多慾主也安能久留神僊哉卒之封泰山幸海上蓬萊諸島弗獲一遇也悲夫

三子傳

滕子承元

祝子籍夫

褚子統之

滕在成周為封國逮漢初滕公者有佐命功厥

後播遷散處山谷間俗尚矯揉雖適於用而無挺挺直節承元尤善逢迎與人處不入犇閭雖不冠幘散髮垢面咸得親匿頭交耳接兀兀窮日夜不俟曲肱而神氣舒暢予頗厭酬應嗜書卷既謝客即携書就之體安而意適相與遊華胥之境然性雅素其類有餘紕縠緣錦繡同香閨綺閣俗子麗人狎承元峻責之曰爾曹棚中而彫外殆茅塞子之心矣众慚而退

松菊堂集

卷五

十一

祝子出墨胎之後其先首陽抱節族派繁衍崑崙淇澳類多名家為世用最廣而籍夫性委宛能與時卷舒帖帖人下或袒裼裸裎偃然加之無愠色雖狂夫醉客氣溢神耗熱中汗背亦沉沉無釋稱入幕之賓子每與滕子相俛傍籍夫手委身帖體曰君安爾元首措爾股肱其上交不諂下交不瀆乎同黨或產自蒲濱草澤者競以細密相誇詡華而浣經緯雖煩而弱姿柔態終覺草草見祝氏輒為避席其後有壬癸氏龍鬚子者與后王太上左右寢處甚貴重然清修

雅致咸推祝氏云

褚氏在古無聞人東晉時季野有皮裏陽春之
譽唐興遂良有翊命功厥後散處四方圖史奏
記案牘輒備世用文人學士咸資以數華摘藻
然質多浮薄獨統之休休有容與人交每為覆
藏護匿不使露顛踵親就之者靡不神安體適
咸推保障之功予每凭承元帖籍夫相與夷猶
然終不能出統之範圍外也統之儔輩或聚絞
人夜泣之綃百粵雉頭之錦頗有德色然其所
松菊堂集 卷五 古

松菊堂集

卷五

古

為伍

太史公曰滕子善承元首似忠祝子能措百體
似義褚子從而保障之似仁予嘉三德樂與之
處然有深感焉丈夫志四方將盡友天下尚論
古人而區區卧榻間與儔輩日夕相比昵安足
稱遠大之器哉爾首且昂周視八荒爾身若翔
經營四方開爾心障撤爾悻悻床垂紳秉笏趨蹌

廟廊勿欺為忠奉公為義汲汲濟時義盡仁至
宴安鴆毒爰墮厥志予昏昏默默與三子比覺
而識之併次其事

三友傳

秦大夫

清修子

姑射仙

秦大夫姓木氏名榕世居泰山之陽其先有木
植者為群木所長自號曰木公木公者榕四世
祖也木公生喬喬生蒼蒼生榕榕生而體質挺

松菊堂集

卷五

古

秀儀度森整秦始皇帝封泰山遇迅雷大雨止
於榕家榕具苓實金粉朝夕袒裼蔽目進食執
臣子禮甚恭上悅封榕大夫食泰山郡榕迺徙
家至關中上幸馭親撫之相與盤桓曰卿霜幹
虬形必能正色立朝者秦諸大夫與之交亦時
被其蔭焉榕既獲上幸謂直心無功食大夫祿
恐弗得當也迺數挺挺直諫大略陳用法太密
取人太踈臣下阿諛而無勁節宜一切剪伐蕪
穢以清朝廷等事疏奏為丞相李斯所嫉榕又

恃寵欲高出諸大夫上斯來聞諸於上前上怒召榕至殿下榕俯伏待罪上見其容體偃屈曰大夫老不堪供職時方興工造阿房詔曰大夫棟梁罷也朕不及大用爾供阿房役爾其悉心厥職以任重委榕受詔艱然曰臣衰謝無似乞賜骸骨歸山中許之其後裔仍蔭為大夫奕葉累世云

清修子林氏名節字管箬秦大夫榕同時人少

與榕俱學念榕封功而復為始皇帝所窘毅然

松菊堂集

卷五

五

曰彼惟竊秦祿以至于此吾守清修終吾身耳遂不仕隱於瀟湘淇澳間家本楊州其族蔭翳森聳散處天下能化龍棲鳳多異種云惟節獨逍遙世外拂雲送月自號清修子清修子既隱與稽康阮籍山濤向秀劉伶阮咸王戎善縱飲為忘世交迺更貞心苦節以故士大夫得相交接者輒不能舍去王子猷特愛之曰吾一日不可無此君也後徙居山嶺間與姑射仙雜處焉姑射仙姓白名標小字五郎其先世感太白之

精生而冰肌玉骨瀟灑出塵類得仙術者嘗以爲吾仙種也吾子姓必首出陽春獨占天下先世居東南嶺頭有五世祖者好遊慕太和山之勝徃遇真武約修真于榔樹之下相與仰天誓曰吾道若成樹當花開果結比道成而驗如其言姑射仙稟清潔不喜濃艷每衣縞素遙倚風前高吟月下瘦質疎疎顧影自愛性孤介獨立不妄與人交何水部遜雅慕之於揚州官廨相遇朝夕過從徘徊不能去每形之吟詠孟浩高

松菊堂集

卷五

五

曠寡合亦樂與之交雖在雪中輒衝寒命屐尋訪焉標好遊類五世祖聞有山曰藐姑射者僻處人境外冷然獨往御風而行旁人見之輒曰夫夫也肌膚若水雪淖約若處子飄飄有羽化登仙之狀因號為姑射仙云姑射仙嘗自言宇宙寥廓何可守東南一隅爰縱其蹤跡于四方北遊至燕燕都人士異之歎為上客處以華堂圍以繡幕猶或慮寒侵肌骨令懷抱不放供以爐火冀其開顏而賞心也姑射仙不欲逆主人

意強為一咲然終非天性已而東風煽淑忽隨風去不知所之標生十子其七居東南之嶺其三令居太和山以繼祖業曰吾字五郎二五為十以衍吾種類也故詩人咏之曰其實七兮又其實三兮惟族居嶺頭者為多

太史公曰木榕以驟寵至不能保其晚節秦酬功薄矣然亦可為恃寵之戒也林節清修自守真高士也白標居大都儻不自晦為世用當與傳說和羹並稱其功業可勝道哉

松菊堂集

卷五

十七

白衣君子傳

白衣生不知何許人也亦不詳其姓字為人恬靜清雅雖居炎燠之世而冷然獨立以故眾咸高之其侶有洛陽魏姚二氏者嗤之曰吾衣紫垂黃居金谷常艷陽之時富貴極矣而子獨出非其時顧反自矜耶安石君亦從而解之曰吾與子同時而子徒衣白衣寧如我艷色動人也獨惠遠居廬山中雅慕其高潔鑒池開社締世外之交後有周茂叔者尤加賞愛每以君子許

之自是而白衣君子之名播天下矣

太史公曰吾觀白衣有君子之道四焉內虛而多思有君子之心亭亭特立有君子之節威儀雅飭純素不亢有君子之容清芬藉人俾聞者神爽有君子之風宜乎有道之士愛之也語云君子不因世亂而改其節白衣生處炎世而靜以自植斯其為君子矣夫

精一子傳

精一子姓華名牆字更生精一子其別號也其

松菊堂集

卷五

十八

母與如意子感而娠及生香氣滿室聞者皆知為異人精一子體幹秀儀度婉轉身不甚長而貌類如意子如意子居恒戚戚不樂時入名之為苦如意而精一子性恬和有甘節之守嘗卜居南陽鄧縣北八里深谷中所居有水滋液可飲谷中處者三十餘家皆汲之得飲者體質堅彊身輕而氣和上壽過百下者亦耄耋人也胡廣父患風羸延精一子治之乃喻以醇滋酌以金液不數日而疾愈故咸謂精一子得長生

大脂之術又性耽隱逸耻與世俗華靡為伍石
季倫治園於金谷雅好騷壇墨客延致四方名
品殆徧乃曰座無精一子何以稱名園延之固
不進曰吾聞季倫守財虜耳性奢侈好綺麗吾
不願入其門也數強乃往木奴蓉帳桂醕蘭羞
其他美人及供具器用華整甚至精一子不一
顧後絕跡不復往獨與陶潛友善怡情三徑寄
興東籬霞滂而舒晚咲風動而散清芬時共潛
聞居栗里忽王弘携酒至相與席地坐傳觴劇

松菊堂集

卷三

十九

飲徑醉精一子既醉藉草裯卧潛亦醉取葛巾
漉酒強精一子飲辭以醉輒舉酒灑之衣盡濡
亦不嗔怒第咲受而已其恬和如此然孤標性
植鮮與俗諧嘗曰造化賦稟一定有如其形吾
安能俛仰東風爭妍綺陌以取媚當世耶竟隱
居不出與道士朱孺子修真焉人謂精一子和
而介故稱隱逸者必曰精一子精一子好衣黃
自言吾精一執中黃中色也其苗裔曼衍頗混
世俗或披紫裘或着紅綺或赭袍朱紳或淺粧

素節又或間色不正逞奇標彩以悅人目獨意
東籬三徑者仍衣黃有精一子之風
太史公曰子觀精一子弱體柔性不與人爭驟
而卒不改節於世俗或出或處有始有卒詩曰
愷悌君子易曰高尚其志精一子之謂與

松菊堂集

卷三

二十

端峰先生松菊堂集卷之二

端峯先生松菊堂集卷之二十四

東越孫整著

行狀二首

徵仕郎高郵州判兩谿陳公行狀

鄒孺人行狀

雜著四首

請修嚴子陵先生祠疏

文昌祠立像告文

論醫示俞生

松菊堂集

卷二十四

一

宗約跋語

行狀

徵仕郎高郵州判陳公行狀

公諱孟莊字子孝其先出自陳高祖隋代陳分置其子弟諸郡後徙居餘姚建炎間有昇者以鄉兵禦金寇有功累進武功大夫京畿都統領其孫昇更徙居眉山之陽累傳而至信信生頤皆贈工部尚書頤生雍是為簡菴公簡菴公為人長者舉進士敏歷中外以工部尚書致仕年

九十餘世稱三達尊云簡菴公生文篚號守愚

贈詹事府主簿公父也公生而寬厚醇謹有祖

風修幹豐姿其與人煦煦不立崖岸口未嘗道

人過失自少時衆指為長者矣質穎異讀書再

過輒成誦善舉子業為博士弟子員一時知名

者咸推重自以弗如也已進太學太學多四方

英俊則又咸推公焉會守愚公卒公聞訃哀毀

幾不欲生奔喪四依棲墓側泣血三年守愚公

有子六人公長同母弟二人為毛孺人出其三

松菊堂集

卷二十四

二

則庶母弟也公視無貳為迎師督訓之守愚公

既歿家務多紛籍不紀公當戶獨任總總有條

遂不得專志攻舉子業毛孺人謂公曰吾兒篤

志修業乃屢試南北不售如命何盍就選圖升

斗養我何乃自苦守歲月待薦薦而吾弗及睹

就與早就快吾目公受命謁選家宰靈寶許公

覽公試文宏博有體裁嘆曰科目乃能限人於

是除公判高郵管理河道會興獻太后梓宮

歸葬承天取道于河前所過中貴往往肆虐橫

索錢州刺史惠之公毅然曰事在我即弗予辱
我予傷民傷民也寧我辱耳卒不予公嘗曰黃
鵠奮翮千里而雀翔一枝則分有所限也且吾
聞之蘭茝不以幽邃隕芳志士不以踈遯晦行
吾居官稱職足矣乃益砥礪為良吏上官亦交
口曰判良先是公將赴官不忍別毛孺人既居
官每念一逮即終日廢食飲輒臨風東向咨咨
依依焉命毛孺人卒訃聞哀毀踰禮絕而復甦
曰生不及祿養死不及視殮吾其長抱終天之

松菊堂集

卷五

三

恨矣復何意塵世功名耶歸畢裏事即掛冠不
復出日與其親友命棋賭墅怡然自適公雅不
善飲然喜飲客客至必飲飲而歌且歌且拍竟
懽乃已又樂與人談笑終日不倦閑居覽古獨
坐一室中宴如也夙抱山水之癖宅西不一里
崔嵬屹峙者曰簾山山下有谿者兩東西夾流
合為一澗公始號眉峰晚乃更號兩谿散人卜
壽藏於谿山之間構望洋窩築大觀臺鑿觀躍
池就所謂兩谿合澗者而橋焉環植竹樹花卉

又因山勢屈曲高下為景者十有五取海內奇
勝地名焉曰吾少志在五嶽今已矣吾不出鄉
邑而遍遊天下勝區亦足樂也乃時時杖屨登
汎不廢昕夕諸所從遊無論先達後進皆得其
懽心性孝友幼時與群兒戲守愚公怒以鐵簡
投之中其脅後每遇陰雨脅輒作楚輒仰天大
慟曰安得父在擊我方年壯同輩聚飲酣而失
足齒落公哭連日夜曰毀親體匪孝也乃益自
檢庶母嘗得危疾公泣曰吾庶弟方賴母以成

松菊堂集

卷五

四

立何中道背之禱于天廣致鹽疾乃愈說者謂
公孝友之感云方簡菴公為少司空時值 坤
寧宮成以採木勞蔭胄子公當補蔭是時公已
肄業太學矣眾勸公留以待子公竟讓其弟孟
愷孟愷官詹事府主簿即守愚公所從得贈者
也公又念其諸弟俾各以貲登仕籍有不足則
以已資捐之弟孟陽者客死嘗逋公金數百囑
其子曰即死若輩携妻子棲墓廬盡以祖所遺
業償伯父慎毋負公聞泣下曰吾不靳數百

忍負吾弟義不取視其子無異已出居常念其
祖若考既歿弗及事即簾山麓創祠宇春秋祀
享焉陳氏譜久廢簡菴公圖舉之未就公手校
而刊之凡以承祖考志里中人交頌曰子孝孝
子也蓋因其字稱之云公年雖高顏童髮僅蒼
神氣聳聳乃微疾不起萬曆甲戌二月八日也
距生弘治丁巳五月十三日享年七十有八配
孺人鄒氏男三祝側室徐氏出女二長鄒孺人
出即鰥婦也次尚陸生之筵孫男五人治元治

松菊堂集

卷五

五

綱皆庠生餘俱幼始公年五十無子值初度鰥
率婦持觴觴公公固却曰吾未有子即斬絕且
獲罪於先人負辜不孝尚安事觴爰感泣數行
下明年遂舉子即今諸孫挺秀將有昌公後者
識者咸謂孝友之報云鄒孺人有婦德齊壽至
七十五歲先公卒語具孺人狀中

陳母鄒孺人行狀

鄒孺人者兩谿陳公配也吾姚東南濱海稱衣
冠望族者眉山陳氏樣山鄒氏鄒氏入我朝

累多聞人至罔卿介菴公都諫簾山公父子名
赫一時而陳氏大司空簡菴公與罔卿公兄弟
交游孺人父素齋處士者罔卿公從子也孺人
閑懿端慧處士心異之曰是女不凡必配佳兒
於是司空公子守愚公聞處士有淑女求為兩
谿公配其時兩谿公方幼性敏悟浸浸露頭角
矣處士亦願得為壻遂締盟焉以正德乙亥歸
孺人於陳孺人既于歸孝敬溫和分析語不出閭
姑太孺人毛喜曰鄒氏女固夙稱懿今果乃爾

松菊堂集

卷五

六

昌吾家者婦也孺人性勤儉兩谿公夜讀書則
孺人共篝燈紡織至夜分公或倦忘休孺人徐
勸之曰女勤絲累時日以成帛君不苦學能就
大事乎公感其言益砥礪有名諸生間嘉靖壬
午偕兩谿公以貢入辟雍諸遊辟雍者多紕繆
子兢僦舍通衢便交易逞冶艷獨公與孺人就
辟雍中廊舍居人謂世家處此弗堪也乃竟居
久益便孺人手自操作與兩谿公食淡素衣重
澣又雅善女紅鬻長安富人富人以爲工輒

倍其直易之以資旅費給晨夕馬是歲秋兩谿公就試北闈不第咨嗟憤憤幾病孺人曰妾嘗聞之窮顯運也利鈍時也夫抱玉而刖懷直而黜非所語時耶今若此憤憤也尤時哉公意少釋會守愚公計至孺人從兩谿公歸戊戌兩谿公除高郵判孺人從之官公每聽政畢退向孺人曰今日理某事某事具某事枉未具孺人即乘間曰君為民父母持公平毋枉人枉人枉法法枉則民無所措手足父母之謂何公為判有

松菊堂集

卷四

七

聲孺人實襄之居高郵三載聞毛太孺人訃痛哭曰吾為陳氏冢婦前年舅亡婦在外今姑亡又在外何以婦為躡躡號天歷三年哀痛如一日蓋兩谿公以孝稱里中孺人以孝稱壺內云處妯娌以和乃妯娌恒切憚有過失必轉相謂曰鄒孺人得無聞否治家自子婦及媵侍而下悉遵矩度至惠愛即童稚必周恤之以故閭內外肅肅如也雍雍如也孺人初生三子皆殤惟一女歸贅贅母鄒恭人者簾山公女也於孺人

為女兒而孺人止一女視贅如子贅亦事如母時時迎孺人至于家孺人對壻女外孫輩惟日訓以植本起家之務守身處世之理累疊中窾有丈夫子所不能道者豈與閨閤者流姁姁猥瑣等哉始兩谿公五十無子孺人為納側室生子三祝孺人懃懃拊字之不率教即切切訓責不避嫌賢哉夫二女之睽著於易鳴鳩之均咏於詩孺人為兩谿公納側室不忌又視其所出罔有貳誠難之矣昔許升妻勸其夫問學魯公

松菊堂集

卷四

八

雜著

請修嚴子陵先生祠疏

邑城龍泉山上有四祠子陵嚴先生陽明王公文正謝公忠烈先公嚴曰清風高節王曰元勛直節謝曰完名全節先公曰精忠大節號龍山

四節祠云舟過姚江遙望龍山鬱葱秀聳靡弗
延頸交頌曰世稱餘姚多豪傑本其山川絕奇
若此諸祠皆炳耀華觀獨子陵先生祠僅僅數
楹荒蕪頽落過者輒泣然興感曰先生却諫議
而走桐江披羊裘而安垂釣則今日之祠先生
先生不樂也况欲觀美乎然立懦廉貪非崇祠
何以風天下粵攷古今英賢或節義高懸或勲
業懋著聲垂後禩景行芳躅仰止高山若先
生者豈與夫隱居高尚捐介潔身者比哉在昔

松菊堂集

卷五

九

漢高以百戰取天下謀臣策士輻輳後先而光
武一布衣獨與先生促膝密謀恢廓鴻業有人
弗及知史弗及書者迨義旗一舉蕩掃氛祲雲
合景從蛟騰虎變不俟崇朝天下大定先生始
累足褰裳逍遙遠遁閱策首功隱然無迹其語
君房曰懷仁輔義天下乃悅則先生之忠君為
國情事彰彰矣故巢由洗耳夷齊採薇千古清
修與建功立名者並垂簡冊乃先生所可知者
清修所不可知者功業且也始以謀猷定漢鼎

終以節義扶漢鼎足稱高隱匪曰幽人洗耳採
薇安可媲美若王謝二公與先公之勲業忠貞
百世相感夫非聞先生之風而興起者乎高標
瞻仰與龍山崔嵬永峙天壤而獨圯頽其祠宇
何以慰瞻拜勵士風爰謀之邑侯徐君徐君曰
此有司責也捐俸以助度費鳩工凡我同邑士
大夫量力捐資共成義舉其有不足鑒雖貧士
當典劍鬻書以竣厥事

文昌祠立像告文

松菊堂集

卷五

十

伏以文明啟化江山增萬里之光輝經緯開元
日月煥九天之景象芳基敞舊上禎協有赫之
規華殿構新吉兆衍無疆之運恭惟文昌星主
梓潼帝君神表昂安斗樞毓粹集百千祥而種
德歷七十世以化身聰明縱天岳誕玉皇之僊
史勛猷治水穴開瓊宇之我官命掌斯文特司
玄錄昭融晉德瑞凝河洛之藏觀察賁文秀育
瀛洲之雋萃五經之文章學術海宇同振鐸之
風措一世於揖讓絃歌 廊廟翼垂衣之治維

茲佳址用壯神居蕙水繞宮塔畢集八方之英
彥蓬萊通閣道式延三島之仙靈桂子飄香隱
隱廣寒景界杏花舒錦融融麗日輝煌山疊萬
重聳筆鋒而罔巒持地江流九曲環玉帶而潮
浪連天輪奐遙護雲霞接龍山之勝槩棟題迎
當城郭臨雉堞之崇觀竊念某弓冶箕裘善慶
仰承乎祖父螽斯燕翼福緣期集于子孫下里
裁歌五字豈云白雪上林借寵一官聊附清班
歸效陶潛門僅懸夫五柳德慚王晉敢植乎
松菊堂集 卷十四 十一

論醫示俞生

古人謂養性則無疾而仲尼於疾特慎焉天有
消息盈虛人有安康也厄不自慎不能濟故養
性必先知慎慎以畏為本土無畏則簡仁義農
無畏則墮稼穡工無畏則慢矩規商無畏則貨
不殖子無畏則忘孝父無畏則廢慈臣無畏則

勲名不立君無畏則治化不成養生無畏則百
疾孔疚故太上畏道其次畏天其次畏物其次
畏人其次畏身憂於身者不拘於人畏於己者
不制於彼慎於小者不懼於大近者不侮
於遠知此則知長生久眎之術矣按唐孫思邈
於陰陽推步醫藥罔不善蓋謹嚴照隣以師事
之照隣有惡疾問曰師愈疾柰何答曰天有可
振之災體有可愈之疾聖人和以至德輔以人
事高醫導以藥石救以砭劑故善治醫者治以
松菊堂集 卷十四 十一

心心小則膽益壯疾自不生心為君君尚恭故
欲小詩曰如臨深淵如履薄冰膽為將將務果
故欲壯詩曰赳赳武臣公侯干城照隣解之數
日而愈迺知善醫者以畏示人以理勝藥今人
以藥試病以病嘗技夫安獲瘳昔人有言醫在
識病若妄意摩揣巧術邀功譬之獵不知兔廣
絡原野莫一倖獲術亦踈矣予觀世醫皆廣絡
原野者醫和為平公明蠱李修知高允將危華
佗治創出蛇皆知兔者也三醫聖矣不可復得

有能博綜古經雅善方脉惟重人命不貪已功
庶幾哉得鑒之道矣夫為人子者不可不知醫
不特不知醫且不能擇醫不孝彌甚予故為醫
論示俞生欲生慎以治疾更知自慎以保其身
也

宗約跋語

季子曰木有本也水有源也人有宗也惟木在
山其枝糾錯端本則齊矣惟水在地其流斲分
邇源則合矣至於人之於宗也尊卑異服焉大

松菊堂集

卷五

十三

小異等焉親疎異殺焉遠近異散焉邇乎其不
齊也是約之不可不行也故觀天文者齊曆象
察地理者辨職方闡宗約者慎宗長吾家自後
唐明宗時由睦州徙居越之餘姚梅川鄉雲初
奕葉代不乏人本厚源長宗漸繁衍傳至于今
戶口四千有奇雖居一鄉而窮山僻巷散處又
千許人也我 國朝自高大父南山公以儒起
家為邑博士曾伯考御史公登甲第繼之先大
父忠烈公濟美揚休胤支日盛列之縉紳者貢

之南宮者胃監者諸生者從事功曹而待祿者
百有餘人餘皆畊讀營業勤儉治生良善居多
而挾恃門第逆理犯常者往往有之緣宗氏長
以次相代舉其分之尊不敢考其行之善令不
行禁不止宗約久弛弛易迷逸易忘微易湮蒙
易晦雜易淆睽易携旁廢末散卒至貴則遺賤
富則棄貧老則虐孤少則抗長死喪不吊疾病
不問暴行於鄉而不忌刑辱於官而不耻滅先
奸憲門閥玷污是約之不可不行也往年宗氏

松菊堂集

卷五

十四

長梅川先生棄世宗人長幼遵石泉先生為宗
氏長先生德器寬厚行履端方夙為鄉評所許
爰奉 高皇帝制凡庶民耄耆有德者榮之以
官預鄉飲大賓所以彰善也爰是聞之邑長轉
聞之文宗大夫許之先生既長厥宗命某闡明
宗約增近日喫緊數事列之條款令既具乃集
宗人諭之曰今而後務自檢飭遵約束不者請
宗氏長撻之衆鳴鼓攻之撓約者聞之官懲以
刑又不悛則治以法約斯嚴家斯齊矣大學曰

欲齊其家者先修其身易家人之象曰君子以
言有物行有恒其在宗氏長哉其在宗氏長哉

松菊堂集

卷五

十五

端峰先生松菊堂集卷之二十四

松菊堂集二十四卷

浙江孫仰曾家藏本

明孫鑒撰鑒字端峯餘姚人江西巡撫燧之孫工
部尚書陞之子也官上林苑丞是集凡詩二十卷
襍文四卷詩句清雋不入前後七子之派文則不
免於平衍鑒晚歸燭湖於宅東構漆園居之作漆
園供事別傳如滕六司農玉羽仙翁食葦仙子秦
大夫清修子姑射仙諸傳皆以文爲戲之筆也

芝堂遺草七卷（存卷一至

卷三）

〔明〕葉朝榮撰

福建師範大學圖書館藏明萬曆刻本

附《四庫全書總目·芝堂遺草

七卷》提要

芝堂遺草序

夫文章之不古若也則文與

教岐而二之也古者士以經

術相高當是時淳樸未

誅靡貌之立不作士取

以鼓吹如田范孔

流意不為文以為文固不茲

爾後世文章之途漸廣作者

代興雖不無世俗贈誄之言

然提要鉤玄卓然大雅蓋其

學問久閱世深所由與古人

一揆也文子曰古之文也約

以達今之文也。每以塞繁塞，不可與於文。猶實有之。若夫悠謬假借之談，自謂懸國門，購可輕千金索之，則寐語何論。窘邊幅哉。嗟嗟文至此，極弊矣。劉子曰：余讀桂山先生集，盖有感於經術之猶存也。先生文數十篇，大概宏深，疏越有源，有委有情。有事有則，其造端置辭，不為蹈襲前人。之弊。詩格不減錢劉，乃其託志曠遠，超超乎且將詣。

澤而得其門方之，質孟不啻承下風矣。盖嘗反覆篇什，其論文大指亦略見於義蒼題辭。及與盧生書所云造化無為人為，不能加化工之巧，至巧莫能及。故凡聖賢之迷作，其出於心之自然而無為，無巧者，即化工也。嗟乎詞人起而淫麗興元，和倡而怪誕作，其孰有能為此言者乎。夫文章者，性術之風標，神明之律呂也。故小人之文傲君子之

文則論世者以此取鏡焉余
讀先生文意其人必恂恂繩
墨閤中朴外其大類古之脩
士與而少宰先生嘗為余言
先生無它好願獨好讀書雖
常汎覽百家無甚好願甚好
六經及漢宋儒注疏釋義終
日危坐無傲容方其俯仰千
古玄窺董子之園而常載墨
翟之車湛乎若思泊乎若遺
即白首一日也斯亦所謂學
問久閱世深者彼其能以經

術飭文辭意在斯和篇中所
載若異人神惠瑞芝記此其
故甚奇余既感鬼神之事知
先生賢良無疑質證乃其片
言居要實不過以正大平直
之指闡幽明之故如異人篇
之力戒衡命神惠之言不報
瑞芝之徵葭茁與孔門不語
之指又何異焉史稱相如多
虛辭浮論要其大意歸于節
儉猶有足取者若夫究心性
命之學隨其篇章吟詠炎炎


詹詹反而借之大道願不甚
偉與先生既以經術賜建南
之流而少宰公益光大昭融
文章冠冕方正易而脩黼黻
之業夫濟南授經爰啓兕孔
河汾衍緒房杜以興是故儒
者之用不於其身則于其後
世而況其在父子之間乎嘻
嘻盛矣余與少宰先生昔同
在
講幄後七年同官舊京聞先
生高行甚具論其著者

賜進士出身朝議大夫南京
國子監祭酒前掌南京翰林
院記注

起居

東宮講官通家晚生南昌劉

曰宣撰



芝堂遺草序



少宰臺山公刻蒼霞草行于世復理尊桂山先生遺文梓之曰吾敢謂葉氏父子決然並傳要以先公畢世讀書實學實力遠非不肖某敢望乃其際遇名位抑何落之若輩某特掇而饒取之也七世之廟可以觀源葉氏文章再世矣心聲手澤宛然若新司成氏為家序之我將使子孫觀焉賴聞天

將開一代之治必是一代之偉人偉人天意所鍾擇地而樹必以吉擇人而育必以良明珠有胎佳木有種此造化生自自然之妙也先生世居融谿十五明經四十五舉少宰五十四恩薦薄宦十年七十二謝政以歿績學厲行白首不渝則績武之軌焉孝友敦篤表正內外則太丘之風焉清操守官在處尸祝則桐鄉之遺焉其學問以涵養本

原為主其政事以日行善
事約已利民為之而不求知
于人後為文章春容爾雅
質而不佞腹而不溥清歌風
韻有情有實寄趣于吟風弄
月借題于雲閣玉峰絕不具
有纖靡滯腐之習嗒焉傷
拙聞然日章極之至于神告
其龜鬼收其聲靈草堂生
于瓦礫異人嘆定其目錄此
亦至精之激厲有道之貞
符也嘗識碑之少宰如長江

萬里濠之朝宗于大海先生
則岷源初合匯而下瞿塘濫
瀨之灘少宰如之曜經天調
四時五行之序先生則曙星
初朗曳起東方之白首錦
袍弼純直有時譽司馬和
中自力備讀歷宦時稱長者
一終晉州一終達州之傳舍厥
用未嘗其子溫魏兩公目其
遺光輔三朝弘捧日格天之
業准古論今不盡之固必然
之應其又何以異哉嗟乎積

德遜易垂蔭實雖小人有
父老學官不得一饒劉大司
成之言乃翁三提解首不果
上時耶命耶將有待而然
耶必寧負天下望馳驟皇
王駿之柄用弱寇用程追當
年之感慨白頭南國嘆此日
之優閒手斯集而濟世之
心與崇先貽後之心吾知其
合并油然而生矣

萬曆丙午季冬南系國子
監司業通家晚生朱國禎

叔首拜撰



刻芝堂遺草述



先通議公生平無他嗜好獨酷好讀書其于書真饑以當食寒以當衣鬱以當舒勞以當息疾病以當醫藥當其執卷吾伊冥心契往固不知泰山之崩于前滄海桑田之變于側也讀必盡卷必成誦必如流不者不更帙自六經而下尤篤于儒先家言鄭氏之箋孔氏之疏司馬氏之通鑑考亭氏之大全綱目瀛洛閩閩氏之性理幾枕藉其中字句不遺其于文則獨好眉山以為能發其

序

十四

胸中之所欲言不為棘唇刺吻之語

故其所撰述自博士業以至古文辭

皆明白洞朗無少障礙見世以軋茁

為文者輒嘆曰文以明理且以達意今

明理而理反晦達意而意反塞以此

修辭豈作者之本指耶小子高自學

序

十五

操筆通議公即以此語誡之所為博

士業有一語晦澁及不合傳註即加

譙訶孺子何知乃敢背昔賢成訓

甚則咎責之者恒自讀書外好為

詩歌肌膚少陵彭澤以為高潔忠

愛非流連光景者比間有吟詠皆師

其意其悲傷感慨忠厚惻怛之深
情盡然見篇什間少年時既以疾
病患難感鬼神之事故益自飭躬
砥行惟恐有一言一動不可對于神
明居官約己利民不求人知所至興
廢舉墜不遺餘力沒而江右粵西兩
地人事尸視之文章政事本于德行
非苟而已也當通議公卒官時小子
不在側其詩文遺稿多散佚無存
蓋更二十年而小子佐留銓清曹多
暇追惟先人之志乃稍取舊帙僅存
者得若干篇釐為七卷授之梓請

友人劉幼安朱文寧二先生敘焉惟
通議公績學真修議論必依于宋
儒概諸行已業官嶄然無愧此豈
以詩文立名者即小子亦豈敢謂詩文
足不朽先公哉惟是他日子孫誦其遺
言猶恍彷彿羹牆之見繹思先德以勉
自植立毋霄壤聲較于從濫近世作
者浮濫之說其所得固已多矣小子
質謝童烏安受玄草學非伯溫何
以發明皇極經世每憶登第時先
公自粵西貽書勗以忠孝大義謂
惟恬淡可以立身惟忠信不欺可以

事君處友媿：千百言且云而翁勤
 苦一生不博一第孺子學問鹵莽
 滅裂而遽爾倖倖意者吾耕之汝食
 之吾織之汝衣之耶今忝竊逾涯荒
 落日甚于先公平日教訓百未行一感
 念斯語潛然涕零故因茲刻成而論
 述先公為學之大都附此以志愧且以
 告夫世之為先公後者先公學在六
 經尤深于詩所著有詩經存固詩
 經義略四書述訓彭澤縣志而義
 略存固行于世

不肖男向高稽首敬書

芝堂遺草卷之一

福清桂山葉朝榮

男向高校

傷拙

傷哉我之拙苦讀數行書青雲既無分俛首愧瓊
 瑤品色病高士抱鬱未能歸我數聖賢籍伊人竟
 焉如烜灼多歎譽謂文盡在茲載搜文藝苑歷歷
 紀名儒杜陵嗣三百聲律遜巍科落落蘇明允制
 策疇能過至人不易得奇花無艷色不朽在科名
 我真無長策

芝堂遺草卷之一

題黃處士南牕

卜築南牕舊人間別有天池光浸寒月雲影動瑤
 綈花下椒觴潤風前竹枕偏先生非獨樂聖世野
 多賢

懷母

晚色橫江水難禁對景心仲由懷負米閔子淚援
 琴寸草含暉碧慈烏繞樹陰歸來醒不寐夜雨向
 孤吟

江口飛瀾迅夜深感百憂慈親不可見熊膽况復
 留燈落頻添淚心悲蚤見秋無端風木恨掩卷悵

悠悠

心勞恒苦熱愁病又交妨衰經令人瘦青燈覺夜長
朋徒皆母黨澤海卽吾鄉感此情何極哀哀向夕陽

輓雲山伯父

採藥雲山外山深雲氣微蓬瀛應有約孫子柰疇
依已覺風情異那堪世事非空庭懷想切見月望來歸

雲樓

雲樓高入漢有客坐雲端風致迥然異情懷曠爾
芝生遺草卷之一
寬春杯濃琥珀客簾青玳玕日暮羣山色簾前次第看

漁父

風生江外一帆輕箬笠蓑衣臥月明沽酒烹魚捫
耳熱不知霜露下深更

感興

拍手清亭一放歌蒼天生我意如何靈局開處非
人力笑弄梅花月色多

避倭鎮東遊瑞岩讀張令尹沈觀察詩

聞關避寇恣經丘指點桃源欲盡頭索寞有懷思

往哲登臨此日數名流張公冲雅詩無敵沈令清
狂興未休一點丹心吟弄發英雄千古共清遊

詠前塘處士黃鏐處士生百歲前余向不得聞
適里有九十翁能談古昔誦黃詩余驚怪里有
斯人何泯泯也豈時無有知者抑子孫微不能
述而傳之耶又惜所誦斷落不全無從錄之今
亦忘矣但其悠然之趣猶在吾心目間可想像
也因賦此

南里風流第一家前塘黃氏筆生花今朝故老爲
吾誦驚嘆先賢得句嘉百歲門墻悲蕪沒數株松
竹任橫斜從來文藻多寥落天道幽茫亦可嗟

輓雲樓伯父

忽聽秋聲動客哀雲樓何日再登陪凋零宿雨淒
淒下搖落寒風瑟瑟來曾憶少時叨獨注敢將衰
朽負深栽臨終有囑情尤切茁茁蘭芽子細培

悼妹

兄妹相看望白頭百年終計抵今休思親海錯頻
來往惠我村醪幾獻酬往歲州行延榻話今秋家
會輓裾留前塘一別成終訣回首淒涼不盡愁

寓舊妻家

十年重至江之濱烟水微茫不見人燕子臨風閒
自語山容依舊青相親少時好事還能記此日青
春只夢頻幾欲題詩發幽興晚來獨詠恐傷神

寓澤山公舍懷母

暮影澄江色似霞女墻月度映牕紗漁翁舉網頻
沽酒客子悲風益戀家律峯澤山今不改妻京萱
背已長賒吟餘莫禁江頭淚獨坐空庭月影斜
吊北郭黃隱士江陰人晚遇金山何司明識別
之輒相唱和隱士名仲舟

江村流落有詩翁語入金山格調同傾蓋笑談成
芝蘭遺草卷之一

宿好登壇揖讓見雄風花開向客枝枝艷頭白終
貧事事空垂死不逢知己侶千秋誰爲嘆愁窮

春日寇至有懷寄薛南岐

山齋鬱熱書力倦夜月分明詩興來擊楫聲遲絃
誦歇凱筵杯發鼓聲哀諸將方開燕凱歌而後效倭至閩山荔果
東船載玉帛子女蓬島仙花上苑開時上在遙望
美人慰饑渴綵箋欲寄手親裁時南岐官吏部望有請亂之畧

寄郭北澤

寡劣愁無侶多君慰所思下帷同發憤剖腹見襟
期不惜驚湖辨寧論匡鼎瀕月明千里共一醉任

風吹

岐陽書舍答薛愧石兄

岐陽清館夏景靜不知誼返照光盈座澄江近在
門臨風雙眼濶憂國一心存三益時來教詩書入
細論

輓南泉黃母

我本懷萱切知君永慕心留九今更苦反哺意難
禁重愴黃泉別行看紫誥臨無端風木恨感泣淚
沾襟

謝林襟弟京回惠香

芝蘭遺草卷之一

芝蘭生九畹移種倘金臺挹味知奇品流芳愧不
才休祥從此卜遠信自天來多君瓊玖意對月幾
徘徊

輓張白波尊人

三代遺英盡深悲古道亡煙霞歸洞久蘿薜蔓離
長野史光潛德名山啟舊藏夜深明月後搔首愴
相望

輓岐陽薛公公有孫爲吏部大叅

仰憶岐陽處士賢生平高義斗星懸氣完宇宙英
魂炳香發詩書世澤綿鰲海成橋千古績口碑頌

德萬人傳賢孫已協庭槐兆淑行應書太史篇

輓西齋薛公

西齋月黯夜臺肩忽夢南柯曉未醒遺後只餘清
白操隱居無愧少微星百年丘隴儀刑在蒲架詩
書奕世馨駟馬高門應有日須知孝友格蒼冥

齋居偶成

經學迂疎久未投青壇坐冷事堪羞英雄肯信終
流落糟粕何心費講求糊口生涯嗟驥伏匡時勳
業待榆奴丁寧莫負生平志老翮層霄壯遠遊

病起二首

先之遺草

卷之一

冬寒愁病守窻隈困鬱雖頻肯自摧祿養未能期
晚得先憂獨抱聽時來玉顏疑見書中有桂子知
從秋後開坐久吟成還自慰呼童更進手中杯
夫子山妻繼別離冬床孤枕淚如絲勤勞未見成
歿日四十渾如弱冠時自信源深流自遠誰云業
就數還齋由今桂茁蘭芽長稽首穹蒼莫恨遲

寓澤朗寨公舍懷母

宮堂旌宿景將秋曲磴回巒足勝遊吟榻夜涼邀
月共客心更寂付波流山環江上顏仍翠棹泊城
西唱未休對物深孤賓席飲芳樽信不解真愁

憶余子體載

故情相憶漏聲長生死幽明倍慘傷昔日論文空
舊館殘燈念汝隔他鄉堂垂白髮悲朝雪戶掩紅
顏泣夜釐九地魚書無入處臨風一詠轉淒涼

輓雲庄魏先生

上帝生民樹先覺斯世斯文賴啟鑰魏公挺出際
休期淑氣靈英鍾海岳少年標格自軒軒帝術皇
猷手中握試將寶劍露霜芒驄馬大夫膽驚落塵
場兵甲任縱橫埃塵未拭文衡錯我公誠利名
關肯將行止動悲樂沁水卷懷幾十秋

先之遺草

卷之一

孟中托上觀堯舜與義皇下窺洙泗井濂洛年未
及耄忽焉頽太和元氣如何薄誰人不道穹鑑昏
嗟嗟學古終林壑予獨尤天斬老成安將顯晦論
羸縮君不見商山瑯琊紫芝曲功不立兮名亦卓
又不見嚴灘之下流無濁千載清波映明月公去
聲名高北斗公去精神起冥漠公手親植兩三槐
行見文光輝海角後生躑躅曷依歸長嘆九原不
可作

輓薛樂泉兄嫂

燕喜相看自北堂萱花秋晚謝幽芳昔時細雨沾

衣線此日寒鳥愴夕陽回首良人雙鬢白傷心令
子一枝香生平雜佩應誰贈欲誦鷄鳴當輓章

輓余東泉客楚觀歸

連床契濶未經年忽報羈亡倍愴然敝紵迎舉過
野外寒牕對雨泣燈前相思有約孤今日永訣無
緣隔遠天湖海不堪回首處旅魂誰吊楚江邊
荒館誰人問薜蘿江蘋欲薦奈愁何春回花塢閑
烟月水落漁磯罷釣策蕙帳松空孤鶴去山亭雲
暗亂猿多東泉渺渺嗟長逝淚對斜陽聽楚歌
夜雨憶母妻諸郎二首

遺草卷之一

八

一母二妻總斷腸四郎孩抱入泉鄉憐吾意氣窮
猶壯感愴難禁雨夜長

四十年前事可憐追思萬恨總難言寒軒寂寞奚
堪慰雪裏靈椿晚色妍

送薛對江應南岐邀赴金臺

萊衣舞罷遠遊輕長劍橫空壯曉程馬首寒風催
別燕江心夜月伴行旌文移上國星辰近生際熙
朝雨露新寄語故人心獨切精忠端不負生平

玉峰館後羣植五品

檻內松筠橘與桃芭蕉新影入蓬蒿閒來自得濂

溪趣庭草池蓮興共豪

同砌菊花茉莉花

菊花幽素有微香靜處東籬晚趣長茉莉却嫌無
雅淡數根移種菊花傍

鷄冠花二首

晚吐新紅色更奇秋蟾冬雪總相宜人生得意休
嫌暮正是開遲落也遲

鳴鳳由來世所奇翩然高髻欲來儀時人誤作鷄
冠看一種仙姿誰得知

臥雲閣四首

遺草卷之一

九

臥雲閣上倚匡床看盡人間百戲場曲短曲長休
浪說等閒簫鼓總淒涼

明牕展鏡照癯顏髮髮蕭蕭欲近斑分付此身深
自惜許多事業未投閑

學不多言只在躬靜看物色意融融傷人若問寒
憲事六籍原無一字空

芋源一見羞無地黃后雙秋愧不容試看橋頭新
題字濟時霖雨識真龍

中秋四首

月白花紅照眼明中秋佳興向誰傾看花玩月輕

斟酒添得詩魂一味清

海天秋月白如練酒到花間飲自遲佳興不爲愁
緒沮主賓共醉和新詩

全閩煙炮月華光綺席風微酒正香更願九州天
一色人人此夕醉靈鯨

東月高升山影明空亭酒臥夢初成暗香寒菊侵
書案有意相看對月盟

示郭子九思二經

舞雩風外試春衫並駕翔翔見兩駟馬帳龍門今
在否誰云吾道只東南

之堂遺草

卷之一

十一

題夢

靜裏操心是要機惺惺寂寂莫教馳夢魂飄忽埏
埏遠愧悟生平學已非

題堂母舅澤山郭公傳後

明明清介宦特行世希聞守道杜關節懷忠欲獻
芹恩波流百里浩氣壯三軍投老辭黃綬閒居共
白雲鳳飛元快覩鴻舉有誰羣遺後關西業流聲
卓茂勲向來敷政地清淚洒碑文

題節婦薛氏卷

皎皎青娥女中幃列統綺儀爾失夫君降命何獨

否不惜美朱顏超然知死所夫死何敢生親在何
敢死忍作未亡人傾淚和甘旨寰宇一身輕屹屹
中流砥誰謂爾不學何人臻斯理寄言讀書子能
無慚口耳

答林襟弟書

有客傳魚素開緘喜不禁以茲膠漆好重之瑤華
音鼓瑟他年夢懷人此日心何時同盃酒携手發
長吟

爲小生郭資潮書扇

岐嶷看頭角于今有子奇之無窮百試嬉戲却羣
之堂遺草

卷之一

十二

兒能答書屏句會吟朝闕詩一朝入王殿宮女爲
畫眉

輓薛子敬

岐嶺冬風切重重別酒傾孰知分袂語成此永訣
盟白日難回照蒼天易妬名殘燈風雨夜憶子不
勝情

月下感懷寄西泉何兄

對月生惆悵同心見面稀馳神空有夢披膽已多
遠病體驚秋瘦輕雲轉月飛美人烟水外聊爾共
團輝

兼葭千頃碧渺望色橫秋風景原非昔伊人不可
求嗟予心力費抱此離索憂佳會成何日相攜足
勝遊

別郭閩江諸弟

獨憐鴻影隻念子意肫肫疑見嚶鳴谷可是脊令
原南北生離思晨昏入夢魂相思何日見欲寄恐
難言

哀故友西潭游大用

昔年曾到西潭宿今見潭中空明月月影常清不
見人萬軸牙籤生寂寞夏秋鷄黍亦仍肥門前馬
芝堂遺草卷之一

跡應稀絕過此躊躇思轉幽嗟嘆人生真奄忽

岐山薛公雙壽圖

鋒鏑縱橫已廿秋重來相見少白頭百年稱慶真
難事雙壽如公更寡儔綠鬢有緣間杖屨素心無
累仰鳬鷖春深堂宇開新燕日映芳樽瑞氣浮

題節孝卷

流黃機斷鳳鸞孤泉下相逢志不渝一死從君知
易事百年終養諦深圖紅顏鏡裏秋先悴白髮堂
前晚自娛最是愁心無處寫夜深清淚泣明珠

神江話別

新春文旆發清遊海上仙峰入座浮江月有緣風
浪靜林花多與野烟收酒行數字難辭飲客去牽
裾不厭畱離亂幾時重聚首與君細論且清謳

賀南牕黃司直處士冠帶

紫誥金章下九天聖明重道與尊賢紅塵白壁增
新價綠酒烏紗任醉眠朋輩共言稽古力史書應
著逸民篇清朝此日多恩澤白髮還看雨露偏

丙午試回館郭環湖家

拂袖歸來揖隱君幽懷披豁細論文相忘風雪三
冬冷長挹芝蘭一味芬知我敢望鮑叔子數奇何
芝堂遺草卷之一

訝李將軍蹉跎此日慚蓬鬢墨帳光陰重惜分

題壽官李逢峰

林泉臥穩日優遊蘿薜煙霞八十秋白髮但妨榮
進路烏紗却戀達尊頭壺觴花下迎車轍杖屨江
干狎水鷗遐齒繁禧稱具美儒紳况復仰風流

悼郭子九思

門牆春色子先開野館樞衣破綠苔三載玉峰同
夜雨百年心事寄寒梅鎮城相見多愁病杯酒重
期不果來惆悵無言空洒淚滿江秋色共憐才

題魏弦軒憶父母兄詩卷

雲莊舊隱昔非今燈火芸香月正沉詩禮丁寧懷
舊訓羨牆佻佛動哀吟時更霜露年將暮風落松
楸思轉深孝子終身喪未釋令人感泣淚沾襟
泉臺無地問晨昏日晏歸來孰倚門安得此身常
傍母忽看萱樹更銷魂春暉欲報心長苦風木未
寧淚暗吞冷落斑衣何處舞天書還擬賁荒原
鴈影孤飛水正波思兄其柰九愁何昔時急難情
堪憶此日飄零怨獨多草綠池塘虛舊夢花殘棠
棣發悲歌九原無路吹簫管一望荆枝恨不磨
有懷寄南岐

芝堂遺草

卷之一

十四

方庭淡月影初迴遙憶真人悶索杯童子剔燈花
欲燦江城試劒匣長開吹噓天上憑誰力衰暮年
來肯自摧百歲此身遭盛世誓將辛苦答涓埃

秋懷

幽園樹色迷清曙書案金風動夕陽嵐翠遠看千
嶺碧寒花細數幾枝香蹉跎空憶十年事夢寐相
思百遍腸身世有緣無兩負半生忠孝亦深長

重九

寂寞空庭隱短床清秋相對葉飛霜時逢重九山
多興杯發幽人酒更香鏡裏癯顏悲歲月客中敝

溫憶家鄉宵來擬報平倭捷攬轡馳驅入夢長
陽月觀梅

序轉純坤陽已胎隴梅初發小春來含芳瘦質堪
題品莫待枝頭爛熳開

已領西風又北風蒲林寒信見芳叢詩人莫爲梅
花惜怯冷應開十月中

月冷江天欲雪時稜稜玉骨映寒漪由今漸飽六
陽氣待取調羹味正奇

歛盡新粧自一家疎枝弄影月橫斜祇今秋盡衝
寒急端放江南第一花

芝堂遺草

卷之一

十五

卧雲閣漫書

抱此瑰奇寂寞鄉數盃山茗自斟嘗真人却歛真
頭面白日相過笑一場

榕城啟行

二首

拍手行行且放歌晚來向闕意偏豪傍人莫訝行
囊乏紅杏開時雨露多

携兒北上小車聯馬首春風柳色鮮踈拙有懷思
盡吐更期文彩映金蓮

擬殷捷歸省

金鞍寶馬擁雲旌萬里亨衢速去程莫訝狀元風

力勁杏花香襯馬蹄輕

次白沙

晚泊沙溪酒未醒興携稚子傍溪行花迎短屐含
煙笑舟邇湍流急棹撐海國新晴風正軟虹橋暮
影月初明長歌還憶當年夢肯向清時負此生

次大石溪

大石溪頭夜不眠旅懷蕭索水潺然雲移親舍千
山遠月在他鄉幾度圓忠孝孤踪思莫慰風波短
鬢事堪憐明朝馬度仙霞嶺喜見江郎石挿天

次漁梁有感

芝堂遺草卷之一

十六

旅宿漁梁雨未收溪聲欹枕轉疑秋啖兒果核頻
多與思父晨昏不盡愁流水有情臨綠綺道人何
處覓朱樓分明塵外開雙眼便是人間第一流

過仙霞

仙霞拂劍倚蒼穹路入雲霄眼界空鄉國不堪悲
去住溪流何事忽西東林間霽色風初煖天際清
光日晚紅行到保安舒一笑橋頭新柳繫花驄

嚴陵臺

萬古風高一釣臺扁舟曉渡幾徘徊故人肯就千
官列聖生空勞一夜陪煙鎖羊裘無覓處水淙江

許不重來分明心事無人會百爾新詩只浪猜

江郎山

天作江郎山巍然不可攀上有三片石亭亭出雲
間壁立高萬仞全無俗子顏丈夫有奇節過此重
盤桓安得移東海砥礪障狂瀾

送夏兩峰之咸寧

客裏難爲別相逢少故人左江樽酒舊南浦柳條
新旌馬玉融期重會杖藜可再親君今遊漢曲花
縣正陽春

答魏學齋王少圃

芝堂遺草卷之一

十七

一別長相思再別思何如知君同此意萬里一緘
書佳會成何日行看一載餘丁寧諸舊益日復賁
吾廬

賀南岐薛公登進士

名登金榜冠羣英草莽文章達聖明夙志原無溫
飽計勲庸端不愧科名

輓陳兄世良中丞希齋公子

對雨芳樽正憶君忽驚萬里計音聞清懷猶帶山
陰雪別眼空肝日暮雲宇內功名成底事天涯涕
淚哭斯文寒檠有約今寥閨那得芝蘭一味芬

春雨高樓薄暮陰重斟別酒發清吟丁寧徹溫連
床話驚報炎風萬里音望眼不禁南北恨殘燈猶
照死生心向來交誼頻勞夢幾度淒涼淚滿襟

送鑑塘吳子之遼東叅戎

薊門曙色喜新晴劒拂穹蒼壯曉行戍道馳驅頻
入望客鄉離別轉含情殿前日麗 皇恩重海上
雲飛驥足輕九月風霜增老色好將石畫贊昇平

憶宗侄體靜

夙雅斯文喜共宗百年道誼死生同劬書已足三
冬業試刃未終一劒功堂上雙親猶健飯階前孤
芝堂遺草

卷之一

十八

子亦英風相思不盡重相慰回首雲山日晚紅

別施良庵潘碧梧二兄

獨抱疎狂未敢言欲從靜處遡靈源神丹九轉無
真訣焦火多年有病根傾蓋殷勤懷舊好臨風蕭
瑟動離魂明朝雲樹無窮碧何日重來子細論

京回抵家

萬里歸來晚三年歡會遲堂前春正好彩袖獻新
卮少婦竊倚門看夫瘦與肥兒女覓梨栗兩兩傍
牽衣發笥何所有途吟白雪詩珍重客中思共爾
玩忘饑

賀許侯誕辰

南呂葭飛忽報秋金風輕拂洗塵眸佳辰殊覺清
光迥初度仍看瑞氣浮銀燭花新搖玉佩綺筵酒
綠泛瓊甌幽人授簡詎能頌爲祝鳳麟蚤紹裘

謝許侯枉顧

車蓋騰雲出帝京閩陬遙指八千程山川迢遞多
生色草木青蔥各有情虎去人行夜市樂魚懸官
坐晚衙清心勞撫字憑誰說五馬山前夜月明

中秋夜飲和馬文泉韻

蹉跎驚短髮踪跡愧名流落落平生志悠悠萬里
芝堂遺草

卷之一

十九

遊忘言過宦海兼隱到瀛洲秋月有佳趣携樽上
庾樓

下留都舟和馬文泉中秋韻謝別

杯酒慙慙別風帆咫尺分放歌江上月轉盼日邊
雲波靜羣鷗見天空一鴈聞舟眠紅日曉暫喜謝
塵紛

憩東林寺

落落生平志驅馳亦不妨山花逢客笑席菓看人
忙來數僧談密春深野興長虎溪行且住惆悵鬢
毛蒼

追送馬文泉江上

促促移舟暮悠悠送客愁風微檣自動月落纜初收
流水歸何急伊人去不留好將芹曝意兼領到皇州

雲光天際渺樹影水中浮問我東來意懷人逐去舟
大孤憐獨眺小泐擬同遊追及寬離恨猶歎信宿留

我愛吳中彥風塵物色奇鷹鷂非所志鸞鳳乃其姿
過我常憐菊登堂復看芝留談烹野菽芹苴正芳時

芝堂遺草

卷之一

二十一

風棹發潯陽暮宿黃茅塘萍跡隨波遠江聲帶雨長
離心同去住吾道聽行藏清暑餘春謁梧桐葉正蒼

夜飲有懷短述寄馬文泉

萸菊秋江晚臨樽憶友生許多來去鴈不盡別離情
盆浦盱眙眼燕雲隔萬程忽看天上月依舊照孤城

登石鐘山

幾過鐘山下未緣一登眺偶值風波驚停舟維石
嶠攝衣履巉岩引觴發長嘯因知沸逆途天意自

玄妙所貴君子流敦仁乃其要

采石江懷林兄樂野

昔我年十九君年且二十相將出門去侍師雪中
立燈火不暫違淒淒風雨夕願言事業長劬書無
休息漸通玄妙理窺彼賢聖域文章未足論援筆
神鬼泣君輒稱予美軒騰應在卽感此故人心恨
我不努力嗟蛇衰且暮江州靡宦跡驥足老馳驅
修途多所歷迢遞指匡廬遊游下彭澤邈邈江雲
飛懷人不可得寄音述往前环重謝三益

東林寺問僧

芝堂遺草

卷之一

二十一

可見之謂色無形之謂空見色若無色端的是真
空眼前渾是色爾我將無同還將身轉盼是否出
桑空

寄西泉何兄

有美西泉叟襟期見弟兄傾談無俗韻相看非世
情夜光何隱耀綠綺亦潛聲但願歸來蚤與君共
濯纓

夜飲有懷述舊寄比部馬文泉

畫署東西五馬隨天涯遊子轉相親慇懃別意難
銷歇珍重來書莫厭頻

送張都閫携酒鐘山

五老峰前蘆荻洲。一孤山下水東流。扁舟帶月過彭蠡。萬里長江洗客愁。

夜渡

安慶輓舟上彭澤。月黯星稀江路黑。舟人不復認東西。水曲潮回東旣白。

宿南昌公署思親

簪組歸來騁玉聰。思親不見恨無窮。黃堂薄祿難追養。紫誥何年得賜封。幾欲瞻雲空悵望。奚爲捧檄慶遭逢。主恩少報歸田里。直傍親墳怨暮終。

喜魏學齋至

官衙新喜小齋開。忽枉高軒入徑來。樽酒重逢新歲月。燈花共話舊鄉臺。風鳴野樹秋聲急。霜結江城鴈影迴。莫道政閑無所事。庭槐綠蔭手親培。

宿南昌江館憶故遊諸友

憶昔弱齡同志友。連床燈火五更初。幾年不見人何在。壯歲相期事總虛。已向陌塵悲聚散。肯將生死別親疎。江樓欹枕難成寐。清夢依然到舊廬。

春日懷雙石山

辭家歲月永。雙石山焉如。松栢聞已蒼。枝條亦上

疎思爾十載後。可以庇墳廬。吾歸理揪翳。感憶父母且終慕。何休歇淹留。嘆居諸旋車。倏云邁。令我素懷舒。

謁陶狄祠有引

狄公祠唐時建。庭植山茶花。一株歷今餘大盈。抱枝蔭滿庭。二月三日祭。時花特盛。好事者分種之。竟無一活。惟此獨茂。夫松柏稱後凋。未有歷久如此者。山茶永存。又大發。非常豈公精誠。亘古今而并木之微。亦含公之精而特異耶。孔廟之柏亦久。聖人同天地也。公真非常人矣。

芝堂遺草卷之一

環邑有佳境。予無石上詩。陶狄千載人。可少一吊之。捫心多所愧。摸寫拙言辭。束帶勞奔走。辛苦欲何爲。靖節頓遐引。我邁日遲遲。文惠竟高勲。我役慮卑卑。無田堪種禾。少飲情自怡。未草蠲租疏。猶幸民不饑。絃歌有遺響。禮樂還雍熙。一朝遊栗里。轉訪山中祠。今古不相逮。感物多所思。宅柳餘千樹。山茶長萬枝。二公去已遠。二物尚在茲。况復身後名。耿耿萬世垂。所遭不同致。均以立民彝。問我將奚適。緬此有餘悲。往跡不可企。念念是吾師。

丁丑孟春望夕。同宋濂川侄江上話飲鄰舟送

鯉魚燈喜之聊短述

芙蓉江上月非常生皎潔入照綺羅筵况是元宵
節新結鯉魚燈高懸玉兔列風細管聲柔天晶波
影碧逢君一樽酒莫使負今夕

秋江有懷

江中昨夜風波起秋色蕭條雲亂飛衡鴈一聲天
際杳漁燈孤照水光微潮陽天遠鴻先斷太守李
公觀察
蠡木霜寒客未歸同馬公在問我東行何日
返下留都黃花落盡解征衣

送程君大倫

芝堂遺草卷之一
潯陽解榻迎高士風槩真推第一流老向江頭閉
拭劍還驚寶氣夜衝牛抹駒忽引匡廬道把酒重
歌帝子樓信宿不禁離思亂何時更得九江遊

龍眼山八景爲徐東屏乃翁歸隱作

館閣新榮解綬歸故鄉山水轉光輝投鞭龍虎風
雲合落釣潭泉鯉鯉肥古木風霜知勁節連峰煙
雨望霏微登樓獨坐芸香靜又見層巒疊翠飛

題南康別駕徐東屏卷

龍眼分岐聳秀峯草堂坐擁玉屏風高人峻絕應
難偶轉盼巍峩恰與同綠蘚蒼苔若自古紫雲丹

棲賢橋和李景渠

竈洞常空何時共整登山屐爛醉峯頭興不窮
古道虹牽倚石臺棲賢遺跡我重來身浮星漢千
尋轉衣染煙霞五色裁橋下泉聲懸澗落馬前山
翠逐人開名兼吏隱多乘輿到處清高卽上台

澄江樓同寅魏伯宋公純仁作也

江上樓成控楚都東臨彭蠡引全吳鵝涵赤壁雲
間影簾捲黃梅水上圖鎮檻襟咽雄保障折衝樽
俎仗文儒波澄月白風生座賓主何妨醉百壺

憶二妻

芝堂遺草卷之一
匣鏡重埋事可憐回看箕箒淚如涓清輝郭女非
凡匹拙默新康又得賢勸學曩時成古訓嗣音死
後作佳傳緣疎百歲情何極褒德恒懷下九天

登鐘山

滔滔浪跡負平生不爲尋常覽勝行俗胃頓清風
漸冷吟眸乍豁酒初傾鳴鐘不入忙中耳流水偏
添物外情感慨欲爲棲隱計故山雲水久訂盟

題見愚陳公榮擢赴闕贈言卷

春滿江城映翠薇河陽紅樹轉芳菲客來鶴舞聞
琴響吏散鴉啼報訟稀百里月明村犬卧千家雨

過隴牛肥海陬來暮歌聲徹已有恩光帶日暉

寄眉丘夏兄

盛年意氣欲騫飛老向衡門獨掩扉慷慨有懷非俗慮風流別樣是天機丘園藜藿隨時足岩壑文章與世違但願兒孫同奮翼共君林下有光輝

京回汶上念西泉何兄

鰲橋把手期重會今日思君不果來白酒共誰邀月飲黃花空自帶霜開忍看舊牘曾留草深憶初陽特訪梅汶上肩輿過柳徑鶯聲一轉淚盈腮
觀回次高橋旅宿

芝堂遺草卷之一

二十七

春風驅馬出京華紅杏煙村覓酒家孟瀉魯醅云舊釀爐烹柳葉當新茶沉吟夜半燈花落獨步階除月影斜萬國會同真盛際委遲周道不須嗟
潯陽江上憶覺軒吳兄

搔首回看倍愴神風流空負覺軒春匣琴原自知流水杯酒能無憶故人江上頭顱非昔日歸來杖屨少相親可憐旌馬舊遊地安得吳兄再卜鄰
觀畢同未殿試進士盧溪南兄回道中小述
燈火相親二十年陌塵蒼鬢復聯鞭未應憐我單車云猶喜看君駟馬旋此日蓬瀛見仙侶重來文

藻映金蓮兒曹努力長揚賦附驥飛騰上九天

揚州別盧溪南

與君並轡復聯舟書劍相將萬里遊風播黃埃停錦纜爐烹芳茗話滄洲朱簾影裏青娥見絲綺聲中碧水流君別蚤來予不再江湖廟廟各心憂

謝印峯許公枉顧

野外開樽獨酌遲門施蘿薜貴人稀俄驚軒冕來霄漢特遡滄溟問釣磯敝陋幽棲漸簡略衰頹蒼鬢喜光輝暮登海嶠看真氣遠接蓬雲五色飛獨鶴翩翩傍素琴慙慙觀省慈棠陰風開羽扇經綸手日照檐帷子惠心借寇初傳天子詔改來已聽野人吟如公德澤宜歌頌山海高深誰與尋

芝堂遺草卷之一

二十七

遊天池寺

萬仞廬山望渺然藤蘿境外是諸天昭回星漢瑤池接迢遞雲霄梵宇聯岩樹雪銷晴亦雨洞門煙鎖坐成仙笑予未脫紅塵屐邂逅逢僧一醉眠
早發青居館見菊

青居夙駕夜初殘馬首黃花正好看九月風霜秋欲老東籬紅紫露偏溥笑予宦況終嫌晚羨爾清姿可耐寒自是柴桑人去遠白蓮社裏有誰歡

臥雲閣

清懷獨抱向幽羈靜掩山扉月到遲馬帳橫經嗟拙計杜陵憂國托新詩登臨不似塵中眼笑傲何慚鬢上絲賓戲客嘲應倦解英雄端不負清時

吊鍾過齋在庠生可祥

鍾兄業學三十秋曳袖岩棲雪滿頭有書可讀任能繼壯志未舒老更酬何事穹蒼妬英俊旋教奄忽喪泉丘韓公向亦無聊賴十二郎去不勝愁

天馬山

天馬峰頭四望開蒼巒環拱水淙洄雲間山色渾如畫海上潮聲半似雷鐫句無佳終翳蘇呼觴未至獨登臺箇中原是神仙境身惹紅塵不許來

羣山

天馬南飛又北迴天馬山羣成龍首顧南來龍首山鳳儀有跡西岡上鳳跡山雲出無心東嶺隈雲山岩桂九秋香滿院桂山鐵臺六月雪成堆鐵臺山笑予歸老渾無俗靜對羣山獨舉杯

滕王閣

洪都飛閣快登臨不負生平覽勝心獨立危欄煙水外猶聞隔浦管絃音當年勝會嗟寥落一介文

章照古今漠漠江天無盡思寧妨散吏一清吟

過東平州時已卯入覲高兒以計偕隨侍憶昔已已應選兒九歲同行今十載矣遇故遊處兒悉記能道之感時光迅速賦此

憶昔携兒上帝京轉看十載復同程風遊鄒魯能

談故此日風煙總繫情萬里客心傷夜雨一杯山

茗對寒檠東平城下雙溪合派出源頭一樣清

題寅丈文泉馬先生待鳳軒公職理刑有不爲

鷹鷂意故于軒下植梧桐數株以待鳳名軒

手植梧桐喜就芳飽鍾淑氣向朝陽未思老幹供芝堂遺草卷之一

琴瑟且長新枝集鳳凰鳳華葦不同凡卉秀雖離忽

報泰階祥知公撫視慇懃意行矢卷阿侍帝傍

登石鐘山

步躡層岩眇遠空鐘聲忽聽白雲中天然靈籟豈多得片石分明造化功

送馬文泉內補赴部

春雲漠漠江水泱泱君子于行駕言遠將摩搔佇

望云何傷矣

春雲漠漠江雨霏霏君曷至哉翺翔帝畿願言

親止復何幾矣

春雲漠漠江燕飛飛樂只君子歸舞萊衣巾獨否
今心之遠矣

溫恭淑慎侃切而忠馳驅卒歲蹇蹇匪躬且以相
勗感刺予衷

我日于役室人載饑將誰咎之伊戚自詒惟知惟
恤實繫我思

登石鐘山

鐘山石上品題多刮洗莓苔半滅磨中有一室梁
公祠雲封石壁高嵯峨問僧邑是古彭澤因祠梁
公山之側白雲萬古猶堪望忠孝如公不可得感
芝堂遺草卷之一
此躊躇重太息我亦宦遊至茲邑

憶懷海吳兄

追憶冬風坐蕭索羊裘野袖賁牕隈經年相見發
長笑促膝言言素抱開欸慰無嫌山茗薄高歌興
逸倒樽疊別時指點梅梢白嘆息青春幾往迴那
知執手成真訣稜稜標格忽先摧志士如何容易
老蘭芽桂苗孰滋培眼前不見舊知己往事分明
夢裏催芳草白雲歸路杳香魂欲吊竟悠哉交情
生死原何異重來江潯抱深哀

舟次彭城沽飲見月因憶少臬余君

薜蘿煙冷舊柴扉共哭余君蚤弃遠予聞宦途未
幾載君今不見已多時予年欲暮顏非故君去之
年鬢未絲長短親知不相待死生思慕無絕期玉
峰轉盼風景切江郡傳書哀賻遲仰見東樓舊時
月月華猶照故人衣故人舊月江天夜愴怳停杯
欲共誰

芝堂遺草卷之一終

芝堂遺草卷之一

三十一

芝堂遺草卷之二

福清桂山葉朝榮著

男向高校輯

雲樓記

余祖父朴庵公。構書樓一所於居之左。伯父讀書其中。扁曰雲樓。因號雲樓主人。余時少未解也。及長稍知學。暇而登覽焉。見山川盤鬱。雲氣興沒。樓桷椽題。凌空倚漢。夜朗蟾明。奎躔在望。清風度欄。氛埃不染。喟然嘆曰。美哉斯樓之勝也。雲樓公襟懷洒落。光霽嚴人。笑語鏗鏘。天籟響合。噓雲吸日。芝堂遺草卷之二

清氣聯霄。宛有仙風道氣。不屬人間者也。取號之意。其在於斯乎。又一日登之。時方旱赤。荷鍾瞻露。喁喁四野。余見樓頭片雲。蒸漾漫空。天瓢倒瀉。倏爾滿盈。原黍隴苗。靡不浸潤於澤。又喟然歎曰。美哉斯樓之澤也。公青雲在念。而欲大行其道。歲旱霖雨。厥施斯普。取號之意。端在於斯乎。既又思之。由前所言。可以見公之懷。由後所言。可以發公之志。是皆未足以見公之大也。有徧著者。必有所徇。有所徇者。必有所累。務光墨翟。各岐所向。吾未見其能雲也。夫雲之爲體不一。要其大端曰無心焉。

耳。時呈彩而端。時敷和而澤。時出岫而若倦。時倏歛而若寂。卷舒出沒。惟其值耳。豈有一毫繫著於其間哉。方公之壯也。抗志經史。蜚聲儒林。固欲其致而澤之也。時之當爲者然也。年逮初衰。遂謝歸養。卷懷於雲水之鄉。周旋於白雲之舍。烟霞惟侶。萱草是依。克然若有甚樂焉。則知公取號之意。謂其有心於出不可也。謂其有心於處不可也。天道無心。以雲而時其卷舒。公亦無心。觀雲而時其出處。一而巳。雖然。又有說焉。雲者山川之和氣也。是故其油然而作者。和之益也。及其沛然而下者。和芝堂遺草卷之二

之流也。使有乖戾之氣。間於其間。則霾霾氛祲。往往緣之而起。吾知登於斯樓之上。固有感極而悲者矣。其又何取乎。喜怒哀樂者。人心之雲也。其未發謂中。發之中節則和焉。公於中和而致之。則天地至和之氣。已在心身之間。而知道君子。仰公之德。必以爲景星慶雲。極其愛慕。而不可卽者矣。豈但出處之道於雲有類哉。公曰然。遂次第其說。書於雲樓以爲記。

異人記

余弱冠時肄業三山之開元寺社友薛舜澤廬一初輩十餘人過余余送之寺門至鐘樓下一老人年可九十餘野服道冠撮其髻倚柱而立挽余語曰在相法君當刑四子時余猶未娶心惡之渠又曰君無愠也子雖晚當貴已又曰功名竟有迺迺耳余年少氣銳謂一第可立取聞此愈怫然趨出渠復笑挽余曰更有一言門下多賢士諸所言皆余所不喜默然怪之他友人意其善相人也問焉俱不答再訪之去矣詢之僧僧曰無有也越一歲芝堂遺草

卷之十一

三

以經義多成名而瑞昌科第厄且七十年余以署邑試士首拔李汝祥其年遂舉於鄉門下之多賢亦不虛也而當余來守養利時高兒亦舉進士官翰林細思老人邂逅數言盡余生平無一謬者曩已卯歲余以攝郡代太守入計有善風鑑者謂余有道骨當遇異人老人其異人耶昔圯上老人授書留侯曰讀此爲王者師後十年興其言果驗余非留侯等倫而老人之爲異人有相類者老人所不答諸友人卒皆淪落天下事信有數哉彼營營者欲以智術詐巧與造化爭衡謬矣

芝堂遺草

卷之十一

四

神惠記

余中年得奇病病不知所由來亦無他苦第不能睡每睡欲合眼則背蓬蓬然動始如十大漸縮至背心僅如錢孔則湧起醒矣以此三年不成寐遂骨立延醫診之醫不能名其病第見其骨立則以爲損也用參苓諸藥補之愈補愈甚且將就木矣家大人遍訪名醫得十人莫適與也則具十人者名祝於鄉祀女神劉夫人者枚舉而筴之良者陽筴否則陰十筴皆陰家大人犬驚吾兒殆哉其不可藥矣不然何十醫而無一良也家人相對涕泣

芝堂遺草

卷之二

五

計無所出而余忽見一人星冠道服自空下拊余告曰君何病服越鞠丸愈矣遂儻然去余異之以詢醫醫曰方誠有之平平無奇耳安能愈君君病久恍惚何言神也問方載何書曰在丹溪心法問何療曰瘵鬱余瞿然曰得之矣往余再喪妻四喪子復喪妹最後喪母骨肉之痛連綿不絕哭泣悲傷五衷宛結今茲之病由鬱生也神告我矣遂合一劑服之卽成寐再服則通宵安寢三日而起矣友人來問病者皆大驚謂余遇茅山道士授還魂丹耶何起之驟也遂醵錢具餅餌酒果羅庭中爲

余拜答神貺時已甲夜矣忽爐中有火熒熒如炬光照一室友人皆見之余喜而占一聯曰危而安方識神功廣大微之顯莫言陰教虛無更十年讀書三山忽一夜前神復至語余曰君何尚留此其亟歸謀避倭時倭已遠去吾鄉人安居無恙殊不以爲然第念神曩者救我于垂絕今豈我誕耶因五鼓就道徒步疾走二百里以夜分抵家明發卽欲行而家大人不信也以告鄉人鄉人咸椰榆謂余駭余不得已留二日竟強家大人挈家去止東城未十日倭以風便突至吾鄉人不及避誅殺慘

芝堂遺草

卷之二

六

毒至有一門無噍類者而余家幸免居東城數載倭難平與家人浮海歸故居業登舟矣神復來告余以不利余雖信之而難于易舟適有友人王散軒者亦以避倭浮海歸勸余附其舟余從之方有所待未卽解纜而前舟先發不數里颶風作覆其舟舟中人皆墜魚腹矣而余家復幸免惟神救余者三皆大難大厄心思意想所不能及微神則必殆余何以得此于神哉母亦祖父明德神鑒之而集于余耶然神竟不言其誰何余亦不審其何神大德不報惟當世世脩持毋神負耳子不語怪而

其盛鬼神之德則曰如在其上如在其左右怪耶
非耶雖然彼猶云不見也不聞也余見且聞矣是
何靈異而昉響若是哉余不知之矣

仕學軒記

余判江州居歲餘構數椽於公署之右扁曰仕學
軒客笑余曰公之仕其優耶余曰仕也學優而仕
固矣今之學者果優而后仕乎仕優而學固矣今
之仕者果必待優而無急於學乎余久於學而未
優則亦已仕矣若更諉之曰仕優而后學則將無
日而優亦將無日而學彼貧人簞夫既無裕蓄之
圖又乏目前之計其不餒以斃者無幾也故余時
而應務時而聽政旁午紛囂亦云煩矣然心無別
累而常閒少有間焉入坐於軒左有史右有經縱
芝堂遺草 卷之二 八
橫百氏諸子環而讀之讀而思之油然若有得焉
心亦有養出而措之則沛然矣何也聖賢述作無
非日用往昔遺事悉皆我師是以無求而不得亦
隨試而輒效譬之飲食然素飽而充榮者學優而
仕者也隨饑而食隨食而飽者仕而學者也若曰
仕不待學則充榮者亦將以廢食乎仕不優而不
暇學則饑而餒者將以不遑食而遂已乎故學優
而仕者不可以不學學未優而仕與仕之未優者
尤不可以不學此仕學軒之所以作也客曰然述
答問以爲軒記

瑞芝堂記

余萬曆丙子冬十一月赴九江居無何以公事下留都署內夜鬼時作拋磚擊石屋上羣走雪有掌跡家人懼至煩謝經歷輩及捕官督卒守之亦爲所擊余正月竣事歸家人談鬼甚具詢謝經歷信然同寅諸公以爲憂謀禳之余謂不必爾也卽夜焚香告之曰有晝有夜有陽有陰有人有鬼茲復何疑是皆其常亦奚爲怪知覺運動一機而已汝能運動亦必有知旣曰有知予難汝欺吾心而正吾事而公無妬于民汝當佑之安我室人吾心而

芝堂遺草

卷之二

九

邪吾事而私欺上罔下汝當予極逞怪奚爲汝其去此聽我告辭告畢謝諸守者獨坐良久就寢五鼓下詢家人無有警者亦謂偶不耳嗣後一無所聞肅如也余環視西畔荒穢古木叢陰誠鬼區也令僕輩伐之剔之仍訪故老云兵變多殺人瘞此時鬼有夜號者余因墾爲園前住仕學軒輸其瓦礫梗塊不可種者作小山於軒後時登之望廬舒笑周環植竹前種桃貳株松貳株列菊數品宛然城郭中一亭榭也庚辰歲余觀畢同兒向高回瑞昌李生汝祥兄弟亦來會文五月內小山傍忽產

靈芝二本一大如盤亭然若蓋僕不知爲何鋤擲于江余往視一本猶存產磚塊上余連塊拾之大如碗斜倚紫色四周白狀未甚奇也六月又生一本高四寸許有文理數層如夏雲奇峯小兒輩知其芝也喜摘視余余謂當俟其長何遽摘之至八月又不數日忽生一本余往觀戒勿踐履未匝月大如盤又長一層有綠葉如蒲初色白時黃時紫質潤澤甚奇客至輒往觀之十一月余公出雪霽貳尺芝爲壓枯如槁木勁如鐵余歸悔失護之恐無活理矣次年正月仍轉潤澤四週生粉增彩中

芝堂遺草

卷之二

十

回新紫余喜時往往玩之衆以爲祥文泉馬公作歌二章詩一律賀余仍令改仕學軒爲瑞芝堂余謂鬼去而芝生稱祥似也豈余得專之芝產名山岩穴府治刑政所出非產芝所也名勝若廬山巍然在望仙跡纍纍可指數宜多靈草而芝無聞顧產於茲果偶耶夫天地之氣與人心流貫乖和少異輒應如響使蒞茲土者刑政少乖卽無厲應芝亦不生矣茲芝歲四發焉其殆有和德在上封疆之吏承流宣化協和於下氣有必應者偶於此發之耳余何敢私焉彼葭凡卉也昔南園美諸侯之仁

以葭之苗徵之聖人首列於經爲鵲巢之應明聖
化也矧芝乎因爲記之

左州高大夫斷虎碑

高大夫以萬曆十二年四月奉命守左州五月
民以旱告齋戒禱城隍神三日大雨如注偕百姓
歡呼稱謝逾月有虎入境爲民患諸父老具言往
歲夏五月五虎入市多噬羊豕各物厭飽以去民
薄暮回州遂閉戶不復出甚苦之今村仍多虎傷
男婦九人中一孕婦尤慘大夫聞而痛之徬徨四
顧拊心曰此吾責也左居山藪虎不足異市有虎
異矣古有良刺史守罷能去獸虎北渡河者今不
去且入市非守土者之咎歟因自惟禱神祈雨神
芝堂遺草 卷之二 十二
應如響禱神去虎而應獨不然耶遂竭誠禱於城
隍惻惻不自安若乃身之病越五日夜漏將盡忽
恍惚夢羣虎聯絡至庭或坐或伏若叩首狀繼從
中甬道垂頭而去旦步出堂述以語諸吏及父老
輩僉曰吉此虎伏辜兆也隨有事澤州旋再閱月
矣詢虎何若曰未也仍禱城隍如初至九月迎霜
降椎牛醺酒犒士欲選善射力能扼虎者與從事
未具忽村民七十輩捕黃斑白面大雄虎至大夫
喜賞捕者酒肉有差命裨袒獻於城隍次至州大
夫數其罪當戮如法杖畢剝而支解之越次日又

擒一生豹至自是每間日一獲或三日一獲每獲
鵠必先噪至必迎告城隍杖斷如前計二十餘日
捕虎豹凡九與所傷人數合豈偶歟自是絕無虎
患民夜安作不閉戶矣大夫作而嘆曰珍不德無
能令虎自遜籍非禱神如響疇能及此神實相予
其益勉脩以稱神意百姓咸稽首稱謝適余以事
過左衆請紀之余惟虎北渡河稱異政而誦聲作
雖有所感猶畏而避之也河之北能無受其毒乎
大夫至誠格神虎悉就捕大夫得以法杖而戮之
逃罪與服罪所感何如養利居左之北小河易渡
芝堂遺草 卷之二 十三
虎不避彼而卽此豈以余之政能却之其殆有感
於大夫而服罪深也此與童漢宗詰虎而虎伏受
誅者所由不異矣大夫之德不獨在左而且及余
之四封故記而勒之石以示兩隄之人大夫諱珍
字某江西南豐人

叙哭二舅哀情

夫甥舅之親母子之屬也見舅母存視甥猶子此
實人情之至心之不容以已也况如吾舅之愛尤
爲世之所希者乎榮少有知也母時謂榮曰汝生
於澤哺於澤能言能行於澤入小學蒙養於澤汝
之身皆舅之德也嗣是往來繼見奉教左右諄諄
然真猶母子之戚他未足倫也丁未歲諸舅延榮
家塾竊自喜曰吾所自出之地也心之所戀也童
赤之所遊也諸舅父母也儕輩兄弟也由是居澤
周二載荷舅之愛多矣維時母氏未亡也往返父
芝堂遺草 卷之二 十四
母之鄉譬若鴈兒燕子春冬南北莫非舊巢歡然
而忘彼此也奈何甥舅之歡未幾慈親之養不終
瞻壽山而感愴臨澤水而涕淚欣戚之不常也如
是夫然猶可幸者二舅俱存母之音容亦若可見
耶不意今載未半二舅俱亡何榮之不幸如是哉
追惟吾舅性質剛方孝友尤篤勤學好善老而不
衰次舅慈良懇惻質直無私古之所謂仁人非耶
夫天心祐善宜無不至以舅之德而子姓福澤若
未甚慊于人者夫豈彼蒼之定則然哉且所愛如
榮者又復不肖落客無所比數年方四十寸

祿未沾。追思聖德。欲報無由。此榮之罪。而力之
所靳也。慈烏哺母。於舅獨有不然乎。風木余傷。母
舅亦一耳。二舅之沒。榮又不得視殮。不得朝夕吊
哭。與執喪事。榮之情分薄矣。負舅實多矣。嗚呼。生
不能以報德。死亦不能以致情。是則罪之大也。茲
當中元之候。古今所傳來享之日。敬陳此意。以叙
哀慕之情。且以自鳴其罪。而示責罰焉。

母出葬遺奠文

嘉靖三十一年壬子秋九月庚戌朔越二十二日
辛丑不孝男朝榮致奠於 故母孺人郭氏靈柩
前哭以情曰。痛惟吾母會坤道之精。秉陰德之懿。
婦善母儀。今古罕儔。孝而敬。慈而義。聰而匪哲。儉
而能施。自處以嚴。責人弗備。閨門之內。辨辨而肅。
妯娌之間。愉愉而惠。勤以終始。夙興夜寐。求諸史
傳。敬則於思。齊孝繩乎思媚。有孟光之舉。案有軻
母之斷機。嗚呼。母固有賢。孰賢吾母。出女中之類。
拔女中之萃。信未有如吾母者也。榮也不才。非莪
伊蔚大之不能立身行道。顯吾母於萬世。次之不
能策名躋仕。奉吾母以祿位。又次之不能力耕卒
養。而使吾母自極於勞瘁。嗚呼。販夫賈豎。朝謀而
夕利。歸以奉母。衍衍而嬉。嬉農夫之秋黍熟而美。
鷄豚而肥。暇以魚暇以雉。歸以奉母。亦衍而亦嬉。
榮乎。榮乎。進不獲施。退而鮮利。匪特顯親之未能。
雖視齊民之流。亦赤面而懷耻。嗟而嗟。而惟以詩
書而自怠。遂以詩書而誤其親。母以詩書而教其
子。顧以教子而斃其身。怨慕額天。咎將誰執。就使
他日有成。而列鼎高堂。亦不待具。是以

爲崇奉椿屋母悲喜交并未敢必也詩且有數
子者此而弗肖彼而必賢或長或少必獲食報榮
鮮兄弟所藉伊何形單影隻負母實多獨步而坐
獨寐而寤思母之德欲報無何思已之過追咎無
何悲而哭哭而歌此情孰訴此懷孰補矧茲永別
柩弗可親雖羨塋有象彷彿非真終天終地永無
見母之期臨風一奠曷慰我悲嗚呼金風凜兮愴
長別烏聲泣兮腸禹折愛子如母兮今不言輓母
欲留兮謀安設哀哉尙饗

夢亡室盧氏文

嘉靖三十二年癸丑秋八月朔越十有三日丁
亥賢室孺人康氏沒世之次辰也夫主葉朝榮携
幼女愛默奉杯酒奠于靈柩前含哀而言曰嗚
呼汝爲予妻十四年矣愛敬之情亦至矣乃今捨
我而去豈其心之所欲耶大數莫逃汝不欲去其
將奈何予雖愛汝亦將奈何痛惟汝德溫惠靜默
迥出女流而治家勤儉尤極其至服御清素不喜
華飾真儒家之婦足稱予心也予私喜曰予得賢
內助矣可以無內憂矣又私謂汝曰汝年不逮於
芝堂遺草卷之二
予必後予歿保予家者必汝也就謂汝今遽去耶
予七月齋回汝謂予曰妾夢不祥有歿徵矣予慰
曰亂也夢之非其真耶孰謂歿果迫而夢果徵耶
汝病謂予曰君善自保妾身不足重輕嗚呼豈不
足重耶予視其重而汝自視則輕耳病篤又謂予
曰妾爲君妻至此休矣妾志亦宏茲其已矣嗚呼
言之可悲如是耶又曰妾雖死恃君如山嗚呼汝
之所恃於予者不言可知矣汝之德賴予以彰汝
之身賴予以葬汝之父母之德賴予以報弱息抱
泣頓予爲父者以全其恩又其後嗣未蕃使汝未

子而有子者，予以昌其胤。嗚呼汝之見，予彼庸凡，俚婦其足以識此耶？且以垂死之日，又爲顧惜家事，嗚呼汝不以將死而息吾事，則必不以旣死而泯其心可知矣。今吾之事何如耶？汝之目必不瞑於地下矣。今予不見汝面而知汝心，汝不得助予而心不泯，二者相諒生死一致，其相哀念亦豈有殊耶？嗚呼夫妻至是不亦傷哉？意不盡言亦不窮，聊寫數語以告汝靈。汝真有知其鑒我耶？尚饗。

代人撰祭妻繼死文

維嘉靖歲在甲寅六月庚午朔越有五日甲戌夫主侯某具牲醴庶饘携幼女某奠於亡室孺人林氏靈柩前和淚而言曰嗚呼汝之癡何至是耶？夫婦居室孰無一言因言而遽死？吾不知何見耶？且父母二人衆衆一息愛亦鍾之及汝于歸亦得舅姑歡心予亦竊自喜曰吾得賢內助矣可以無內憂矣柰何決於弃我耶？想汝就死之辰必曰吾婦人不足自惜嗚呼汝固不自惜其如父母之愛何哉？其如舅姑之愛何哉？其如七載夫婦之愛又何哉？况復女兒在抱呱呱號泣汝獨何忍而舍去耶？吾之忿恚以致汝死過固不免矣然汝聰慧溫柔非爲九婦也婦人以順爲正以敬夫爲大亦汝平日所曾自守者也何一旦之謬遽不能容如是耶？嗚呼是必吾門之衰不得賢婦以底於成耶？抑天咎予故奪內助而降之罰耶？抑亦有鬼物以促之使汝亦迷而不覺耶？嗚呼人之一死或重如太山或輕如鴻毛或爲節義或爲客氣是故死所當死雖丈夫不惜死不當死雖女子不輕汝之賢明豈不了此信乎？天之所爲神之所使矣柰之何哉？柰

之何哉且吾不能正情養性怒失其平遂致乖異
如此自責無及自咎無及抱悔無及痛汝無及使
吾身可輕亦當從汝以死以舒吾恨顧吾一身所
係何如諒不得爲汝之故而輕其死也明矣況汝
愛夫之心吾亦知其不泯也今爲之計惟謀葬汝
使他日與吾同穴撫幼女以俟其成推其不得盡
於汝者以及汝之所遺又因汝之所不及報者而
少盡之以舒半子之情如此而已矣他尚何及哉
今當成服之日特陳此意以告汝靈言有盡而情
不盡淚有窮而哀不窮尚其鑒之

芝堂遺草

卷之十一

二十二

祭薛南岐文

維公世德奕奕著聞義門趾美鰲海流動爰及今
考博雅逸羣鍾和發粹岐水之濱公實受之桂馥
蘭芬玉姿鳳彩燁爾神人社稷之器廊廟之珍始
直內翰吞吐絲綸載司天部品藻縉紳惟公惟慎
帝曰純臣顧茲蜀隄壤接函秦東雄劒閣北控綏
銀國之西界戎狄是賓咨惟汝往奠輯夷民公驅
匹馬綏靖拊循頌公之介清獻爲鄰倚公之重忠
定未湮帝方眷任岳伯寵新如何盡瘁遽爾返真
王事靡盬寧遑恤身閱官雖久終其食貧帝憶良
翰民哭私親惟公委化存順履寧更垂不朽勲立
名成不顯亦世玉樹崢嶸凡我友朋感愴生平見
公之困見公之享見公之晦見公之榮那堪送往
生歿匪輕故人交誼永隔幽明興懷何恨一豆一
觥曷其盡之聊表微誠尚饗

芝堂遺草

卷之十一

二十二

代南岡侯丈公撰祭女文女同壻王德良之任
歿或云爲妾所毒與視歸塋故告之如此

萬曆二年甲戌正月丁丑朔二日戊寅乃吾女從
正入窆幽宅之辰也老父令男孟在孫永言具牲
醴奠告于吾女之靈淚而言曰嗚呼哀哉吾女德
聞于族于鄉于所轄之百姓無容述矣恨汝告我
父母而別謂將偕壻宦成以歸爲父母孝爲父母
榮詎意別未重會而遽計聞耶且閩薊萬里生歿
殊鄉旅魂飄渺晨夕疇依果能耿然不迷否耶如
其耿然將益悲矣吾與汝母年稱既耄哭汝又哭
芝堂遺草卷之十一
汝妹又相繼哭汝弟三人腸非鐵石何能堪此且
聞汝歿不得其正又將益悲如汝賢淑逮下有恩
宜無有此其果信然耶抑傳之非其真耶子之於
父讐不共天父之於子其獨不然念吾壻賢明必
諧家室萬無有是又念翁壻之愛諱聞其事故寧
忍汝未明之恨不忍傷吾翁壻相好之情苟無是
事而必欲白之所夷已多吾安能爲之耶如其有
之咎固有歸如吾壻何吾亦安能爲之耶吾與汝
母老淚交揮日夜長思事當且已情亦宜然又念
汝身雖乏息而側室育蕃嗣微之報厥後已昌則

此心可慰吾亦不爲汝恨矣但念汝歿在萬里之
外吾不得視歛不得與汝永訣今歸玄室實難爲
情聊陳委曲以慰汝心嗚呼哀哉

芝堂道草卷之三

福清桂山葉朝榮著

男向高校輯

葉公毅齋行狀

余堂伯父毅齋公諱廣微字大猷厚軒公次子也自始祖而下以忠厚世其家厚軒公承先德義問日宣縣令况公旌之公少有奇氣貌端神爽言語明徹鏗鏘才華燁然人咸謂吾葉積厚慶隆用有偉人特起如是也余伯父雲樓公英儻好義有大丈夫風烈才堪應變公獨與上下議論意氣

芝堂遺草 卷之三

相伴每事雲樓公策之公直以身任之暨成與初議不爽蓋雲樓善謀而公之才足以副之也公兄弟五人長雲山廣德次公次廣微廣廣衍公於兄弟備極友愛雲山樸茂篤誠每事任公公悉力爲之雖難且劇不辭厚軒庶母池氏有前夫子勝厚軒撫其成勝男微等五人黠慧過人且利萬金之產謀以庶訟初厚軒鮮兄弟獨立寡助勝頗小心勤事厚軒才之微少俊穎愛亦鍾焉樹立既久人皆以勝真厚軒弟也訟於官御史臺而下諸司不辨真贋者什八九公出死力爭之上代父兄下

代諸弟竟無難色因圖動經累旬受箠楚不可計公亦怡然甘之每自笑曰天生我爲父兄抗難何辭之有勝以訟終微繼之公亦以此曰首稍見直未幾復起配郭氏痛公之勞勸公自愛公每出不謀諸內獨身當大獄者若干年卒以得直君子曰毅齋天性孝友力抗外侮保家完業以遺久遠私毫皆其力也事厚軒公暨母孺人鍾每事輒窺色旨承奉不違厚軒喜嘗曰追吾憂者微也初厚軒客閩清病甚親屬俱不在左右公年方髫齡躬湯藥晨夕衣不解帶焚香籲天竟得無恙人咸奇之

芝堂遺草 卷之三

男良器晚愛惜殊甚延名師教之期以大就每曰吾子克成儒名吾瞑目矣乙巳年疾卒距生弘治庚戌享年五十六壽未及期痛哉沒後器任家務廢舉業所事動不違理公之教也女二長適郭五倫次適林待禮邑庠生孫男三向東向南向成余每喜公孝友直諒慷慨宏偉仰慕不忘器請狀余亦懼其泯也敬拜述事畧庶使公之子孫知祖德之光且使諸侄輩暨其後者毋忘公勞時繹思焉

半溪盧先生行狀

先生諱朝望字國臣號半溪自始祖世家秦溪爲融著姓代有文獻祖諱亨邑庠廩生父諱雲鵠號近溪續先志文行爲儒庠冠博貫經史性尤孝友忠信啓誨後學俱本其所自得者羣邑人材出其門者甚衆少與郭先生治同業友善郭早卒男程幼孤且貧近溪愛而撫之教之且妻以女甲午領順天薦越明年成進士拜刑部主事文章行誼京邑取重焉皆近溪之力也翁舅四人長卽先生貌方正色清神瑩眉目如畫有濯濯之英曄曄之芝堂遺草 卷之三

光動止端凝雅飭望若翠竹蒼梧鸞鵠停峙秀拔可愛者也讀書妙入肯綮凡經史百家言靡不精究措之文辭雅博沉蔚風調溫柔體裁清懿見之知有養焉年二十三選補邑庠弟子員屢試有聲癸卯年母林氏卒居喪易而戚每念母劬勞輒廢飲食與客道遺事淚咽不能語衰毀成疾幾喪生焉服闋歲餘始平復近溪得先生甚晚因以望名之愛鍾而責成益大期以聖賢之學先生體教力行佩仁服義有小失卽退省自訟必復於無過始釋每念世家業儒厥施未究日砥礪奮勉思大用

以光先德行誼脩飭取與不妄與人交久而益篤教子弟必告以文行合一之道色和而莊辭寡而確不愠怒而化行不作威而人敬不日貶而君子日親不過防而小人日遠觀其行槩眞所謂大雅卓然不羣者也學憲石崖周公廉其行獎之士大夫稱得人先是近溪亦以德行獎于樸溪潘公先生繼之人皆云近溪家學淵源必有顯者其在先生矣己酉壬子二秋舉垂入格復罷御史臺下郡邑賞慰之識者恨焉乙卯秋試畢而卒距生丁巳享年三十有九窮不第而且早世先生真數

芝堂遺草

卷之三

四

配林氏庠生彥和女也繼娶李男二人長汝爲次汝 女二人長林出適薛應科近溪痛先生而矜其行之莫紀也命余狀之余與先生髮亂交游同筆硯寢席匙筯者周二載繼是奉教二十年矣貌言動靜氣體之間抵今宛在目前矧其行槩之大者乎爰次其畧庶他日二郎長大必能策名奮迹請於縉紳有道先生立銘著傳施於後世用是庶有所考且於思慕之餘亦可想見其顏面德器以爲思成之助焉

雲山長者集公傳

公諱德字大本號雲山自始祖宜興公十三傳至公世居融之雲山堪輿家卜是居得地之中得上之祿前後正應其來紆紆代有端人長者用協厥居越四世俊衡公任宋福建鹽鐵副使子元吉公南京行省通判孫禎公國初領鄉薦爲廣高州學正官至陵源令咸以名義自美暨高祖宏公奕世忠厚爲融著姓魯大父贊公有隱德敦行好義不求聞於人大父淮公與弟漢公俱有名行樂施予貸弗能償者輒還其券鄉邑稱二長者云父厚芝堂遺草卷之三

五

侍側未嘗跛踣兄弟五人公居長日以承志爲事總一家政庭無間然其婚娶成立多公之助諸弟亦未嘗不以父道兄公也嘉靖甲辰末弟衍卽世未子遺命公次子紀爲嗣紀頗難之公泣諭曰叔父父也猶子子也予不忍於弟若寧忍於叔父乎遂捐貲周其終事靡不誠信時紀病未平復卽令同婦施氏披髮服衰哀哭盡禮雖俗以父母在爲嫌公亦弗訝也越一歲諸弟繼亡公含哀視殯經畫調度殯厥心力公於兄弟始終盡仁也如此君子曰難哉歲乙巳大歉寶峰陸侯勸分以賑餓乏芝堂遺草卷之三

六

漢史稱萬石君不言躬行丙吉之不伐卓茂之悃
幅要皆敦篤長者其裨益於國家元氣不少故余
於公樂爲之傳以附史氏之義風天下示來者且
望吾葉子孫世守焉

澹齋薛先生傳

先生諱一經字廷講別號澹齋派出河東世家融
邑岐山之陽高祖某至先生五世俱以明經師後
學父希聖叔希文崇義敦孝益廣家學弟子出其
門者俱有名行其議論吟詠流播在人可誦也先
生質稟純粹學力尤克氣宏而量遠貌莊而和辭
簡而確禮間而恭與叔子未齋先生同業經弱冠
同克秀才同以孝友著聲人稱麟鳳兄弟常慨俗
學紛離浮靡反之心身同氣互相啟發洞見本原
務以身之所行爲學以學之所得爲言嘉靖辛卯
芝堂遺草 卷之三
未齋領福建鄉貢試春官不第與先生詣道益力
薄於榮進講授後學皆孔孟以來相傳要旨朴溪
潘公蒞閩學政思闡伊洛之教以淑來學正士心
時方翩翩向風未幾潘公去隨各廢墜獨先生日
加勉勵文行渾然一致家族禮義相先人咸則之
融南學者率多敦行務實明禮守度至於文章亦
根理致非標竊者倫皆先生之教也後未齋授興
安教諭未暮年卒於官先生養盛道尊巍然獨立
文教賴以不墜且左右提誨不遺余力後生多所
開益性方嚴有則甘貧守道義利之介凜不可喻

家常貧日不自給無所干於人晏如也善飲酒人勸之不強辭亦未嘗至醉微醺默然不矜而恭晚與雲樓泳涯諸先生結社賡詠其剛毅正大之氣愛時順命之情侃如克如頽如也男四人長某早世次某某侄化魯俱能世其學某年某月某日卒壽六十有三學者共稱端介先生桂山葉子贊曰學貴反本儒必有真先生理由心會道以行成不急於用而有扶植斯文之功不矜於藝而有幽潛自得之學較其弟兄誠蘇氏之所揖讓而進躡於二程者也卒老岩穴未究厥施惜哉

芝堂遺草

卷之三

九

洋南何公傳

公玉融豪山人諱洪字從寬別號洋南隱逸公銖長子也少聰慧不凡日記數千言落筆爲文與衆異趣講誦經史鈔入肯綮人咸奇之世居豪山之陽其先太榮公卓犖有聲知禮樂義三傳隱逸公倜儻不羣超然塵外耽書史煙霞之趣時稱高士融志隱逸傳載行誼爲詳公承嚴訓治舉子業總角選充邑庠弟子員屢試有聲十試不偶窮經白首而壯志不衰隱逸公以兌糧赴京遭寇不達繫獄當刑公年十四請以身代弗允申救益力竟得

芝堂遺草

卷之三

十

請坐繫者累年諸司矜公卒以見原公既脫父于刑備極孝養凡百家務殫力經理諸先塋就廢者悉葺之隱逸公邁疾日夜侍湯藥不懈及卒哀毀幾不爲生奉母林力貧爲養卒卜塋水南之麓躬負土營築君子難之時倡學東南學者從之甚衆請官地建書樓八間於黌宮之傍以便講習後因家焉繼以倭燼公子植輸地價於官創建如初終公之志也公配鄭氏少有智鑑時求婚者多富室隱逸公亦聞孺人賢爲公請婚孺人翁媪曰何子貧可却也孺人知公才因當食投筯翁瞿然曰賢

哉女吾姁定矣遂許公及笄歸相敬如賓服勤甘
淡儉約雅素公甚宜之子四長樸次植次楨次桂
桂繼室鄭氏出也俱習儒循循有禮讓樸楨早世
植砥志澡身有風烈克世其家女二長適定山林
禾次適雲莊魏弘仕孫男炳燦燦嘉靖戊午夏五
月日卒距生某年某月某日享年七十七歲公平
生事親以孝律身以禮質而有文約而能施才以
不盡用爲長學以不徒文爲得處家和而有制與
衆寬而不隨至於遇事當機有謀有斷變化伸縮
其應不窮使得酬於時當與史傳諸豪傑馳騁上
芝堂遺草 卷之三 十一

下其勲業可量哉偃蹇不遇竟老岩穴悲夫

北山陳先生傳

余束髮時吾里同遊數十輩今幾盡矣居最近者
獨北山陳公恒朝夕見見必傾懷倒腑髮蕭蕭白
余喜公尚能飲飲罷輒縱步江干愁舊館草鮮鮮
仍綠嗟舊遊之不可復再也公因與梧岡黃公靜
樓薛公玄軒魏公少岡王公諸耆丈結社吟詩余
以微程累不與時笑謂公曰兄當待我賦歸來時
種蔬植果釀醇酒吐清謳續諸公卷後也公笑曰
吾謹俟之柰何未幾公告余逝矣嗚呼公不可復
觀矣追惟往事心焉如割其孤大亨君持公行實
芝堂遺草 卷之三 十二

詣余請傳余知公實深公諱孟純字某世居北山
後徙鳳跡山之原別號北山識舊也祖仲家貧力
學以名行稱于鄉父晦軒公倣儻有大志卜基廣
業荒厥宅里延名師課諸子令公學易於南岡王
先生公生穎異洞徹幽奧遂以易名家日見之行
者皆易也癸卯夏公月川選克臞庠弟子員歷試
聲名藉甚晦軒公卒年六十有一妣何氏後二十
餘年公哀痛思父悲養之不逮也益竭情底孝豫
母心晨夕嬉嬉膝下若小兒狀兄弟五人公居中
事兄恭處弟友終身罔間急病持危囊無私蓄公

古貌古心遇事利害無所計惟義可否平生無一
妄語與人交白首如初垂沒之晨呼大亨君囑曰
殯我葬我能不違理足矣諸親友吊予者皆吾昔
所愛敬汝其禮之毋以居戚從簡負吾始心也昔
夫子稱平仲父敬而善交韓公作柳子銘獨於處
友之義三致意焉誠賢之矣公忠信孝友人也其
懿行多有沒無他囑猶惓惓惟敬友是念其心篤
於仁者耶余聞而益悲因次第其事俾公之行誼
有傳諸耆丈同公遊者感此追憶猶予悲也公卒
於某年某月某日某時距生某年某月某日某時
芝堂遺草卷之三 十三

享壽六十有幾鄉稱敦篤君子使在聖門當論少
德行品列豈恒人之所易及歟

節孝薛母孺人傳

節孝薛母者岐陽達齋公長女也性溫惠靜篤守
母教惟嚴凡古今婦德賢否可法戒者悉通曉能
述其槩云年十六歸見湖公和敬並著事翁介軒
公暨姑曲盡孝誠踰年姑卒家務統理咸宜痛姑
不終養奉介軒公益謹志甘食貧歲時伏臘輒絮
蘋羞藻享姑悲咽不自勝翁稱孝婦焉見湖公客
吳楚以家政付孺人且囑曰吾父老弟幼惟汝孝
汝慈孺人諾而承之事上處下暨內外務咸井井
辦也人益賢之癸巳冬見湖公卒孺人時年二十
芝堂遺草卷之三 十四

有五男一言在抱翁且耄矣家薄日不自給人
危之謂孺人難處此也孺人矢之曰夫也天乎而
父吾父吾其終之而子吾子吾其長之無敢負又
謂子曰吾與爾更爲命矣日夜親麻枲勤績絰雖
隆冬盛暑不廢翁卒喪葬如禮凡費皆已出夫弟
不與焉子少長出就外傳苦空乏遂鬻僕以供費
是重教子而知所權也君子曰難哉子學成弗偶
孺人謂曰男子志四方逸居何以樹立乃客遊江
浙結交多名士言論風旨有儒者氣象事孺人至
孝待兄弟宗族曲有恩禮皆孺人善教之功也

未歲倭侵鄰界未入境孺人卽令子若孫率家人避州城居無何倭卒犯境屯聚劫畧鄉人被殘夷者十室而九衆莫不多孺人之賢且智也其慮事蚤見類如此孫男長濬次瀚次洞皆業學明經日見頭角家日益昌孺人以庚午年十一月十三日寅時卒距生戊辰年四月初一日寅時享年六十有三論曰婦人無外事以無非無儀爲貴是語常者然也至於大變之臨家乏冢主乾道缺矣分雖無成而代終之責尤重非甚才智何以處此孺人初載夫沒子幼舅老家貧以一弱質處乎其間

芝堂遺草

卷之五

十五

終一節四十餘年亦已難矣矧濟艱危而昌社以爲先君子光此其賢可勝道歟世有偷生喪節或以身徇之而無益於成敗之數者視孺人何如竹軒公孺人弟也其賢皆似達齋公噫厥有自哉

東泉余公偕配林氏傳

東泉余公諱端璧王峯公次子也性明偉慷慨樂施與孝友無間尤謹然諾鄉人倚以爲重容貌魁傑美鬚髯身長七尺威足畏也其接人色溫禮恭無少長尊卑靡忽事所當爲殫力爲之不計利害不忮不撓毅然一丈夫也喜結賢士禮敬不衰長史林公繼茂馬公寅輩皆以道誼爲布衣交公沒嘖嘖追嘆謂見東泉心自生敬誠交遊中益友也公少抗志經史長遊湖海飄然有出風塵之想常謂長子崇曰使予念利孳孳歲可慮百金累而

芝堂遺草

卷之五

十六

之豈不成一富家翁耶顧予謂有所重者不計其首受輻此耳又謂季子會曰黃金之用可盡黃卷之用無窮與侄見泉君延余家塾一時名士多來遊者公待之隆洽因各砥礪彬彬然稱廊廟器同用者衆矣皆公造端之力也某年某月某日卒於楚距生某年某月某日享年五十有幾配孺人林氏事舅姑孝與公相敬終身自奉有約待賓友不吝公固風致人也孺人實相之有鮮佩遺風後公幾年卒男二會明經蚤世崇克紹其家余知公素因次第以傳作而嘆曰公篤於義者孺人成之

稱賢夫婦諒不踰此齊德同心初終一致難矣哉
世有白首勤勞欲利無厭又有受祿而止於自肥
者視此胥愧矣

芝堂遺草

彭澤何仲德傳

何懷宇仲德號同野彭澤人少孤事祖母劉母王
竭力致養長潛心理學從涇野呂公南野歐公遊
凡議論務切心身所爲文必根極理要遊太學太
司成程公試經義深器之梓其稿謂於理學有發
明也爲小官未幾告休家居二十餘年晚尤喜易
朝夕誦聲不絕或訝之答曰聖如夫子猶三絕其
編况凡流乎易理無精麤上下得其一二亦足
淑徒誦其言也其意只糟粕耳所集有易經釋
義主以本義

芝堂

論喪禮遺訓宗紙筆手

意將

論喪禮遺訓宗紙筆手

付諸子訓

身之孝喪易寧戚之旨足

言云論曰何懷嘉靖間承闕縣余隣封也聞其
至是二郎持其所集易經釋義及論訓諸作謁余
以而深嘉之蓋知讀書而有發明者可以爲教
匪直文焉已也聞之士論有以訟微詞爲何累
者吁訟之無情久矣以此爲瑕何其舛耶余取其
論著足傳于世故爲述其槩夫山川之靈發於人
文者不偶斯人也使盡泯焉不亦悲歟

芝堂遺草卷之三

終

芝堂遺草七卷

福建巡撫
採進本

明葉朝榮撰朝榮有詩經存固已著錄是集爲其
子大學士向高所刊凡詩一卷雜文六卷其名芝
堂者朝榮判江州時有靈芝產於所作仕學軒前
改軒曰瑞芝堂自爲之記因以名集朝榮詩格文
格並明白坦易大抵偶然涉筆非刻意欲成一家
者也

穀城山館文集四十二卷

(一)

〔明〕于慎行撰

北京圖書館藏明萬曆于緯刻本

穀城山館文集卷一目錄

送大宗伯平泉陸公

賀制府晴川楊公晉南大司寇叙

賀大司空黃涯郭公考績叙

賀開府中丞範溪鄭公考績受策叙

送直閣吳卿致仕叙

壽趙左山封君七十叙

壽倪南望先生五十叙

壽節軒貢翁七十叙

穀城山館文集卷之一目錄

送大司空鎮山朱公致政叙

穀城山館文集一卷

穀城山館文集卷一

東阿于慎行著

門人郭應寵編

北海董可威

天中李時馥校

都門李本緯

男于緯重梓

送大宗伯平泉陸公予告南歸敘

平泉先生以 上卽位之元徵入爲大宗伯其明年遂以病去當先生行時朝士大夫高其風節相與嗟嘆曰賢哉先生鴻飛冥冥翔於寥廓矣漢所頌說疏太傅父子孰與先生客曰不然

穀城山館文集卷之一

一

19

彼二疏青禁師儒非有公卿之任一且以老自罷固賢而先生耆舊臣也上以冲年踐祚維是二三股肱調護委裘之理大夫卿士夙夜朝夕不遑啓處此亦人臣盡節之秋也泊焉而去之何心哉夫慕縣車解組之風者庶士之名高而非三事之義也侈賜金祖帳之榮者仕籍之美談而非闕廷之覲也遵大易老子之訓者貴身之上策而非憂國之謨也先生奚取焉魯生聞而調之曰甚善矣客之談先生乎雖然請爲客

本原其義夫鳳凰翔於千仞其聲中軒轅之行呂不可馴而用也翠黃驪裹一日而千里如燦電焉極而不返則佚矣此二者聲實不相中也

不覩夫神龍之濩略乎驤首九天之上則沛爲霖澍膏潤羣生戢於九淵之中則以尺蠖爲蟄而居身乎不宰之域故測者以爲變化不可執而易獨言龍德正中夫正中之德不幾於世者唯有欲也無欲則無邪曲故能變化而天下目以爲神則古黃不足爲珍而鸞鷟無所爲用矣

穀城山館文集卷之一

二

三

古之大臣不得已而出出則天下沐其澤無所爲而去去則天下仰其風故其出也爲國之棟厦而其去也爲士之軌儀斯之謂龍德正中而先生之大節所爲卓犖今古不可企及與先生自起家成進士修業秘苑則以病自罷進爲左右史則又以病罷進爲大司成則又以病罷進爲少宗伯若少宰則又以病罷三四十一年之中其振佩而朝者數歲月耳餘則高臥海上與漢陰丈人遊也 今上卽位首慕先生玄纁加璧

強起諸其間先生思一見 新天子第受命來
來不解裝也則又以病罷嗟乎先生何其視主
組軒冕如蟻蠓之浮空也天下之望陸先生在
重雲倒景之間若隱若見而不可晞其光彩不
以其翛然無欲也與昔者唐虞之世皐夔稷禹
布在一堂而巢父許由者方且偃息乎箕山潁
水之間聖后帝臣不得接下風而語此其所繇
異道矣然非皐夔稷禹不能成二后嘉邕之理
非巢父許由不能扇二代清穆之風比功絜德

藏城山館文集卷之一

二

三

則均焉今先生一出而 聖主有尊道之名朝
廷以爲憑倚先生一退而大臣有高舉之節士
大夫以爲矜式則是以皐夔之業爲巢由之隱
自唐虞之際不能兼焉所以潤色熙明翊宣景
化何其宏哉始先生求去疏至五上不俞則使
使奉牢醴珍饌臨問尚書服食狀勅太醫令進
藥趣出視事而先生志竟不回乃予告去於是
先生嘆曰嗟乎臣誠負 上顧自念犬馬之齒
有矣子又甚少老憊不能無顧念愧懼奈何則

爲書謝 上奏時事十餘條皆老成長慮之言
所指陳密勿語多人所不能道者往者少傅松
谷陳公以病罷亦奏時事十餘條大指與先生
埒此大臣去國之義數十年來所再見者彼疏
氏父子直能保止足二語烏知此哉是故跡遠
而心邇者貞臣之勝軌也身隱而言章者鴻人
之偉圖也此又先生之大節也

賀制府晴川楊公晉南大司寇敘

御史大夫上郡楊公鎮薊遼之三年 天子念

藏城山館文集卷之一

四

五

公久在兵間勞苦擢爲南京刑部尚書且得代
行矣所部長吏相率詣公府致賀而介密雲邢
令受言行書生非習兵事獨幸以章句備近從
凡 上憂勞邊具知狀又嘗紬蘭臺牒記數十
年虜情大槩可隱約談也竊以爲地有緩急常
互爲難易任人者因之異日者虜江酒泉張掖
之間浸淫至安定北地其難嘗在陝以西矣已
照舊驚代雲中浸淫上谷候騎薄都亭者再其
難又在宣大矣賴 先帝神靈虜回面內嚮削

符開關自上谷達於隴西數千里而漁陽在郊
牧與東胡隣遼左介烏桓鮮卑日與之構他諸
鎮吏士櫜戈兵射獵爲樂而漁陽遼左不解甲
是其難安在夫地以時輕重而人以地低昂
天子之任公意乃如是矣往公兵備永平直遼
左道上知遼事嘗而撫薊薊昌熟公約束及受
命開制府獨念以爲薊於京師背也背當厚衣
被以自防而遼爲左臂臂可以搏人決勝負是
故以薊守而以遼戰建夷之擾東州大入邊城

可入而又以其間飭邊事若繕兵詰戎衆不可
舉天子使部中丞視之還言狀下詔褒勞而
會公以三年滿報績於是有御史大夫之命當
是時虜以十萬鳴鏑逡巡於遼之左右而不敢
入而黃花古北塞上士見障不見虜是公伸其
威於遼而享其成於薊也都城左輔偃戈息燧
乃始與諸鎮等矣或以爲公立功名要塞任天
下至勞今擢而卿留都都不太逸乎行竊明其不
然古之鉅臣出而鎮撫方夏建絕世之功入而
委蛇廟朝爲士大夫儀則閑劇固不必同而其
負天下之重不可以齷齪尺寸計則一也辟之
於金範而爲刀劍鉤矛以之截鳧鵲剗犀兕是
其用也範而爲夏敦殷彝五父之鼎度於明堂
之序以爲寶器亦其用也顧其爲金良不耳有
如公之才在內則內重在外則外重在遠遠重
在邇邇重非有二也國家簡任六卿多由制
府召拜至大司馬尤注意焉以往及今諸公可
屈指數公今假道南中計不朝夕上且以元

樞待公亟召而北問邊計便利唯所壁畫自宣
大陝以西皆賴其休苾獨薊遼哉公關西世族
起家曹郎郡守至今官居北邊且十年其爲人
寬大有容不爲塹岸部吏樂其簡易而賦政行
法動有紀律莫之能撓其不可以尺寸較甚明
向之所爲建殊績不偶耳密雲令曰檀民嘗苦
賦馬公爲奏減其百以爲有大造于檀嗟嗟是
辟之膏雨然谿者知其爲谿壑者知其爲壑忘
乎其不崇朝而雨四海矣

蘇城山館文集卷之一

七

三百八卷

賀大司空黃涯郭公考績敘

萬曆甲戌少司徒汶上郭公拜爲大司空後三
歲丁丑滿考奏績天官上狀 上以璽書褒勞
遣中使奉羊酒卽賜私第仍爵其三世如所居
官恩至渥矣里諸大夫仕於朝者進而賀公屬
余致詞嘗惟大司空之職於百工山澤之政令
卽郡國遠邇無所不當問然其難常在內何也
上有不可已之役而下有不可繼之財而緩之
則不度所守者在乎法之內而所應者在乎繩

之外而巽之則不立此所謂難也自公在事三
歲中 天子嘗以珪璧牲牷謁欵天帝修禮羣
神矣嘗幸東序舍采問道矣嘗詔修帝籍之典
以俟三推矣壇宇廟室無弗飭且新者大司空
之績也都門之陰 列聖之玄宮在焉垣墉
廡有剝且陟者乎無弗修矣郊甸之中溝池川
梁有弗不可行者乎無弗繕矣大司空之績也
兩宮列在鈎盾閣道相屬厦屋崇嚴恢舊制矣
椒寢甲觀先六禮而飭矣大司空之績也夫此

蘇城山館文集卷之一

八

三百九卷

諸役者動與貴近相完可謂不易矣然自公爲
之誓御左右工爲釜鬻之行終不得以浮淫
之蠹撓情其間而都官水衡以令甲賦功費簡
而工不楛事集而用不詘自近者如此況其遠
乎夫久而不可渝者材至堅也素而不可飾者
質至美也故千仞之松負嶽崮而立雖有露雷
雪霜之感無以改其柯矣千金之璧剖璞而出
之雖有銀黃藻綠之飾無以雕其素矣何也其
材彌堅其變彌遲其質彌美其守彌定也公之

爲人觚而不堅廉而不剡行情實而去貌居厚而厭薄自通籍禁門積而至卿座餘四十年所矣觀其狀則魯國之諸生不爲寒素而漢陰之丈人不爲淳龐也故世以松栢良玉比焉夫左右人主矩度百僚非誠長者不能今之俗皆道辨說文麗之詞炫其華而忘有用崇瑰異之迹而不裁于古幸而有公者在吾猶其見古人也天子方將寵之統率之任俾以敦朴無華爲百辟卿士風軌用紉羨一民使上下交樸以今之

穀城山館文集卷之一

九

三〇五

知公卜之矣夫執鈎繩矩度以錄功於盤盂圖史而不阻其難公之績可見者也操精白誠一之德以翊冲聖而固國之命脉公之績不可見者也夫功至於不可見則古所稱帝者之佐社稷之臣矣

賀開府中丞範溪鄭公考績受策敘

天子受命六載嘉禮告成廼薦號兩宮錫貺股肱之佐殿中丞範溪鄭公方奉璽書出鎮雲朔乃賜之策命三用褒序其勞績而班之爵祖

考兩世皆封御史中丞公拜稽首以受門下將吏謀前賀公嘗來受辭竊睹今邊胡九大鎮延袤萬里如蟠率然雲中其要害也而又直虜王庭疾馳之騎不移日景而臻往諸鎮均中虜而雲中與其王角及虜朝請邊均之剖符除關而雲中與其王市兵久且弛武吏恬嬉猝有意外從此起九鎮士操戈植立矣以故中外談者西望代爲門間輒庶幾得古李牧魏尚其人云而歲甲戌鄭公方以憲使入見會晉中丞缺廷臣

穀城山館文集卷之一

十

三〇六

輒推公上卽以公往至而雲中中丞缺上熟念以雲中視晉重又以公往當是時直不得兩鄭公耳公舊嘗治兵上谷及至晉移雲中軍吏士無不喜相告而虜中故聞公名又讐伏嚙指戒毋敢近邊公至則審規錯慮度時適宜操縱闔闢莫知其所運大事斧斷小事理解其臨關市也召虜入貢者厚慰勞飲食之而陰攝以威虜喙息受賜去母敢持刀弓入市椎釜盎矣往吏卒以敗繒絮給虜虜數蹄而歸我馬今以

鮮好幣易胡名馬雲錦遊龍先後以數萬矣自天城以西六百里之間大築亭徼却笠羊腸之險一如薊盧龍矣又以其間開官田斥塞令民業其中以充餉餉既脫地墾者且二萬頃而司農輒輸寬矣其士伍列營而居投石超乘氣如飄風案籍而數之不至十萬無幾矣三數年來虜君長仰我乳哺以歲時朝請邊諸鎮皆臥鼓橐甲目不知虜以公鑰國門故也此之爲績寧與牧尚諸人守一國之邊當一路之塞者同

綏城山館文集卷之一

上

三十四

日談乎夫崧高烝民之雅著申伯仲山甫之功與德而詩序以爲美宣王能錫命諸侯任賢使能周室中興焉天子知人善任委閫以外授公旣已有成效矣而褒之訓辭章之物采以風勵勞績之臣與古聖隆典同符合瑞不亦甚盛美哉嘗謂天佑人國往往生魁壘雄俊之臣以弘濟艱難然必奕世載德施而不究而後靈氣所甄引而彌茂非偶值也公故燕南世家大父同產某公嘗爲御史中丞而大父不顯及歿考

某公以才歌鹿鳴於省不及公成而逝母淑人矢節保護以有今日積德百年而興中間闕遇乃如此卒之三世褒顯爵爲上卿而大父踰數十年昆弟俱中丞者又巧曆所不能筭天之篤生賢哲以佐熙明何其隆也從此以往者公且晉而盡護九邊召而握樞鈐位上宰益懋其文武才猷以福四海鴻號旁魄光耀人代工誦之士必有歌詠其所由生以比於申伯仲山甫者於中興之烈不尤炳炳乎哉

綏城山館文集卷之一

士一

卷六

送直閣吳卿致仕敘

國家設文淵閣藏古今秘奧圖籍相君之直廬在焉故有東西兩房爲之藏室而以內史工書有才行者供筆札之役豈古所謂石渠東觀之選歟靜山吳君者魯單父人也大父某公當成化弘治間以文學掌故周旋省禁積至春卿吳君世其家學自嘉靖初載以諸生待詔官府稍遷中書舍人醇謹小心書法精良諸相君重其人地以翰林侍書選侍穆廟潛邸隆慶改元

用從龍恩擢爲鴻臚寺丞其後凡再晉爵遂至
尚寶卿得準四品服金紫恭居禁中四十餘年
矣 兩朝國史玉牒皆得參校經筵日講儒臣
所奏義皆爲代書 國家有大典禮若懸勝樹
石署書皆藉其筆蓋匪頌句匱之資府無虛時
自列卿大僚不多得也萬曆乙亥吳君自以爲
老思歸奏書請骸骨上廉其情許之然當是時
其子亦已爲中書舍人矣子與吳君同郡又同
遊禁從數與談語吳君爲說 先朝故事歷歷

蘇城山館文集卷之一

七

史書林

指掌皆今者舊大臣所不及見又能道諸相君
風儀自永嘉以下無慮二三十人以爲皆如旦
暮余締其言感焉古之隱者皆於深山藪澤之
中而東方先生獨自陸沉金馬以爲勝居蓬蒿
之下子雲一老執戟給事黃門至四十餘年今
觀其人皆有以爲也彼其時將相貴臣嘯咤風
雲傾洞海嶽烟沉電滅相代乎其前者不知其
幾矣而二子曳屣半通之綸褻手而旁睨之若不
足當其一瞬其爲避世不亦深乎吳君遊長安

久矣今歸而畫車丹紱展謁丘墓出所餘賜金
爲父老取酒高會爲歡已而坐河梁之上漁釣
自娛追憶平生所歷數十年間滄海桑田之變
皆在目前念無可與告語默而一咲亦自快也
蓋遁而稱小隱矣

壽趙左山封君七十敘

左山先生者營丘耆儒生也舉明經不第仕爲
曲逆博士而有子第仕爲御史世號之繼山君
繼山君第而先生在曲逆則喜曰吾無以博士

蘇城山館文集卷之一

十四

三石二宋

爲也自吾宋髮受書嘗有志青雲之上矣然終
已不顯今孺子儼然造廷號爲帝臣自邑里所
初見吾歸而漁釣海上快足矣何博士爲立白
長吏罷去繼山銓爲行人三奉 命出使取道
謁先生會隆慶壬申上 兩宮尊號覃恩近臣
法得貤封遂賜先生璽書褒其行誼爵如子官
又越一年而繼山爲御史出按河東又取道里
門則先生滿七十春秋而配任夫人者長先生
一歲皆矯矯健甚矣御史擁六乘傳持斧服

衣方領伏謁先生前奉觴起舞邑大夫以下三
長老諸生皆來爲壽車騎羅門廷御史再拜謝
客去則從容侍先生語先生卽問廷中所見御
史具爲道說 天子冲聖厲精思道日坐路門
公卿百吏以次列兩階御史立文石陞北面羣
臣秉圭入見若郡國所遣使伏章面陳卽有不
當御史輒前劾奏矣退則開石渠邇英之延延
見師傅前說詩書至日中昃乃罷諸御史又直
日侍具見狀若 朝會大禮 上御正殿御史

穀城山館文集卷之一

十五

三百廿米

侍立殿中在青蒲左右也於是先生問使河東
者何御史又言故事使河東者自河洛關陝之
區方數千里皆使者所部使者伏軾行郡邑問
民疾苦及所便宜輒以書奏及代則三省監司
守令賢不肖狀皆得傳白簡不靳靳持牙籌較
鹽官錢卽已耳先生少而志經固欲以儒術自
顯今聞御史扈聖選時潤色三五之業將必怡
然一咲而曰幸哉有子如是爲之大醕一觴又
以御史所稱說爲夫人本原其義夫人亦爲一

觴矣嗟乎田父之課其子甕窶滿篝汗邪滿車
卽喜而相賀賈人子出入風濤涉瞿塘灩澦之
險少有刀錐之贏則父母夷豫若夫儒者之所
爲式穀貽燕又殊絕矣然而聲聞顯融榮鏡當
世生平韞抱借以發揚豈不快哉何者少而習
之其所期者在焉不可以虛辭借也齊語曰黃
金滿籬不如教子一經幾謂是乎當御史行時
同里諸君圖所壽先生使于生道其意于生謝
不文也然御史歸而侍先生狀其大都如此矣

穀城山館文集卷之一

十六

三百廿五

壽倪南望先生五十敘

嘗博觀古逸民至漢梁伯鸞之隱會稽未嘗不
灑然易容焉士有遺世高舉之心固欲蟬蛻囂
埃鵠立雲霞之表幸而得推布操作之侶與之
長往深林銷聲物外無所顧返不謂難哉余生
不遊吳越觀采遺風俗不知頗有其人與否而
倪子談其翁南望先生事何使人嘆慕不已乎
南望先生者會稽儁儒生也少而受書爲文辭
醇雅潛心道業越故士藪然皆屈指先生謂取

高第易爾然先生數奇七謁有司不第顧年不遲暮也而輒發憤稱曰夫所貴乎士者謂能博綜古今修辭著義以自見於世也假而齷齪無奇徒以帖括片語獵得一第自致雲霄之上與春華等榮何足道哉於是乃捷關下帷盡取諸儒所論著及石室蘭臺之編日夜伏讀讀已輒筆志之於經史之奧多所發明可以傳世而故所治博士家言皆束以受倪子曰兒好爲之吾與青紫絕矣倪子者俊辯都雅博學能文天下

曰兒休矣第入對大廷幸荷一命歸而祝我倪子入則成進士給事天官欲謁曰尚書求以使事出取道沈沐修癸酉之缺以謂于子于子進語曰子欲壽而親乎子越人也知千將鏤鄒之造劍乎夫千將鏤鄒之造劍也鍛赤堇之錫鋼若耶之銅拔髮斷爪夫婦遽遽鑄而成劍以之切玉如泥易之駿馬萬戶之都未嘗一顧天下靈其劍遂名以爲千將鏤鄒因其所自成也方其冶鑄之勤玉女下窺神龍守護天地之精固鍾於此劍矣得而服之奚道而用之而可乎吾聞望之不可見選之無所扞者上古之神劍也藏之若虛出之若流上士之大略也子之所爲用者若是可矣夫道成於已則榮歸於親千將鏤鄒豈得與先生之名量其久遠哉於是倪子瞿然曰夫言壽者如此乎請書之牘歸以獻吾親

壽節軒貢翁七十敘

余讀漢史二千石令長歲時循行阡陌辟見三

老孝悌問民所疾苦民行義有狀三老孝悌白
吏表其間卽有媿情不率二千石令長輒三
老孝悌矣三代而下漢俗淳沕近古蓋有由然
自教化不行吏治以名法相矜尚鄉曲長老賢
者率與俗浮沉能督其子弟不負公家約以其
暇廢著轉徙操錙銖之贏不至滯礙卽善矣間
有一二里父雅陳說古今令諸少年少年夙目
攝之謂此何等語不則輒然相顧笑掉臂去差
嗟此何以令俗長厚也江南故多大族者有
城貢氏貢氏世儒胄也其先故宋時有爵至封
侯若官尚書者兩世國初訪問江南舊家召拜
貢氏一人爲郎郎子仕至司憲故貢氏名益大
著世居宣之南湖其宗數千人皆模愿好禮不
奸有司自令宣城者未嘗見貢氏宗人操束矢
謁吏蓋其長老有節軒翁云節軒翁者司業曾
孫也生七歲而孤又寡兄弟從里師學經久之
釋去以獨子當戶慨家世中落刻苦自樹大父
所遺貲多捐之羣從不較平生喜施予務振人

之窮郡中無小大皆誦其賢宗人化焉久之名
稍稍聞吏翁固伏田中不入城郭長吏有緩急
輒請節軒翁翁卽出身佐吏已事復遁去郡邑
以牒褒者數矣建昌羅公爲守日集士民宣教
化問郡中父老有可爲士民矜式者乎皆前言
貢翁長者也羅公慕之遣使奉冠服東帶請爲
約正常以月旦聚民讀法子弟皆來聽聞所解
說熙然輸服談者謂翁以敦德質行爲子弟軌
儀有漢三老孝悌遺風羨焉嗟夫此豈末世所
可多得哉萬曆甲辰春官校士翁子玄忠氏爲
余所舉玄忠博大端方嗜學慕古蓋恪士也爲
余道余梗槩如此會翁七十誕日諸遊玄忠者
皆爲歌詩述其意琅琅盈牘予得從觀覽焉古
人有言以善養不以祿養余嘗頌法其語願人
所遇不同夫親狃於聲利自束書課子固萬一
冀幸如當世達者一日起爲吏高大其里門華
屋耽耽裘馬爍奕其故時等夷皆睥眄健羨不
敢幾望則緩帶而遨曰幸哉子也此以祿養爲

悅者也其以道義勗子自操觚濡翰固萬一異
幸如古名人一旦起爲吏能以聲節自表見卽
連遭下僚固未嘗不快其汨沒於紛華所爲不
合古卽穹顯未嘗解顏此以善養爲悅者也翁
自老田里其妻所蓄積見謂賢豪幸而有子如
是乃其所期者安在可不問而知矣玄忠固自
大器異日者進而柄用能如古名人所爲卽崑
崙姑射之仙不足敵翁之壽何乃道七十春秋
爲古所希有乎古者膠序之中尊事老更皆有

送大司空鎮山朱公致政敘

今上二年吾師鎮山先生以病在告上大司空
印綬請歸田里上以公耆舊臣不宜去左右
下詔固留者再疏請愈力上不得已晉太子
太保賜乘傳歸蓋異數也先是宮中有詔召大
司空以內帑金鉅萬大發三輔丁卒築橋胡良

公以爲脩朔津梁職在有司將作無與也疏白
其不可已召大司空爲肺腑貴戚起家長安費
可數萬公以爲成晚業有賜第營建非法又白
其不可已又召大司空建元君祠涿郡元君祠
者都士女所爲建醮祝釐者也公以爲此不領
於太祝非所以訓又白其不可於是駸駸忤官
中意矣會公今年六月滿尚書九載以爲考績
奏狀當白上求去而屬太宰缺有恐公得之者
輒先期爲流言上雅知公忠不入其說而公志
已不可挽矣六月十一日陛辭出都門卿士大
夫相率出祖輿馬填塞巷陌至不能行公車過
去則咸咭囁耳語曰奈何從大司空去也大司
空社稷臣繫天下之望有日矣主上春秋鼎盛
正欲如大司空者處百僚之上壓塞海內奈
何從其請令去乎予生曰固也然公之志固快
無所負矣夫古今公卿輔弼之臣左右人主者
非少也然身退而名銷至閭沕不聞於世者何
功不加於社稷而澤不膏於萌庶也公束髮登

朝故歷四十年矣卽母論其他卽言大司空事
出則穿渠二百里建萬世之長策入則奉公節
約歲省少府錢鉅萬萬至請臺諫監核爲留餘
樓貯之則是公之聲實已流而志大行也直飄
飄然遊於千仞之上何所不足者哉夫肥甘穠
脆之調有口者之所嗜也然一飽則厭矣苦口
之藥素于前未有不裂吻而辭者一旦緩急索
而用之而不得則秦楚之路不爲遠也夫人臣
亦如是矣公一日在朝廷暫御近習之人皆憚

穀城山館文集卷之一

三

以爲芒刺及其不在左右而緩急無可倚廟堂
之上徬徨四顧以爲非公莫屬任者竊以爲
上且召公也自 世宗皇帝以禮樂文物陶鑄
天下四五十年之間所得社稷重臣如公幾何
積之數十年之久舉而加諸百寮之上正爲今
日爾乃使之自遂其私而不與國家之憂辟有
梗楠豫章之材樹之深山大澤之中出之露雷
雪霜之後歷數百年而以棟大廈及至風雨
漂搖之日乃徹而去之也 高廟神靈所以佑

相宗社不如是哉于生曰昔者信陵君好士門
下常三千人其著者監門屠者之流然其殉
報主情感白日至今其風烈士大夫不如也
門生故吏半天下至如生者魯之豎儒耳而公
所爲埏埴之天下莫不聞今公之行生獨
不得意而不能出一言半辭爲公重輕曾不
監門屠者之流烏用是喋喋牘上語哉

穀城山館文集卷之一

三

穀城山館文集卷之一

穀城山館文集卷二目錄

魯藩三錫頌敘

壽座師棠川殷相公六十敘

壽宮保鎮山朱師七十敘

送撫臺汝泉趙公召晉少宰敘

壽外舅秦翁六十敘

賀藩參蒙泉趙公分守東兗敘

壽圓峰宋公七十敘

送撫臺本菴楊公晉右司馬敘

穀城山館文集卷之二目錄

乙

穀城山館文集卷二目錄終

穀城山館文集卷二

東阿于慎行著

門人郭應寵編

北海董可威

天中李時稷校

都門李本緯

男于緯重梓

魯藩三錫頌敘

高皇帝分天下半衆建諸子爲國支輔魯之先
王實胙白茅青土以有周公之宇世載明德八
葉而至 今王益以仁聞天下稱天潢師表矣
往 肅皇帝時魯宗室吏民上書言 王體行

穀城山館文集卷之二

一

至德被服儒術歲時虛藏金錢存問耆老佐縣
官拊循百姓屬歲大稔弛湖利千頃令貧民業
其中比有軍興輸祿千金奉邊戰士臣等以爲
王志行卓茂宜褒顯以厲宗藩 天子以爲然
使使奉璽書卽國中勞 王表其宮門示寵異
焉及 莊皇帝時而大司農言宗人日衆郡國
租稅漸不能給下九卿廷臣議意以風諸侯王
使自計之而莫肯先應 王輒請辭祿二千石
以予宗人貧者 天子嘉其意允之又使使以

爾書勞 王如一命禮居無何 今上嗣服詔
諸王若王子侯有行誼者守臣具以狀聞於是
中丞御史備述 王積德累行服膺不怠狀如
前二疏 天子嘉之又使使以璽書勞 王如
再命禮於是魯受三錫矣宗室長吏父老諸生
相率詣府稱賀而魯人仕於朝者又咸徵文爲
頌時行在禁近無暇操筆然每私心慊焉比歲
已卯以病賜告走伏山中 王使郎謁者以幣
問曰不穀獲守藩服維是境內二三大夫在
穀城山館文集卷之二

二

上右左幸及里門敬勞從者行拜受命未有
以報也行不佞叨官藏室紬繹國史又以經藝
侍 上珥彤螭坳日記言動凡 三朝所爲寵
靈 王者皆已牒而藏之石室中矣嘗惟三代
以下帝者莫不疆土建國分立子孫以蕃京邑
然保祚艾民令聞長世如漢所稱東平河間者
寥寥無聞焉 王以明德淑問祗承 天眷崇
恩盛烈史不絕書豈非 高皇帝之遺訓 聖
之漸摩使然哉然南北諸藩恭布星列而傳

以今德芳名三受嘉命則周孔之遺風固亦不
可泯與魯自禽父受封有赤刀大訓山川附庸
之錫奕世濟美至於僖公以文武仁孝之懿昭
格烈祖其國人誦而祝之曰萬有千歲眉壽無
害又曰三壽作朋如岡如陵孔子述詩列國陳
風而魯獨有頌居然與商周並簡則秉禮守義
光荷天王之寵命豈與諸文昭武穆同乎哉今
王之行義視魯人所頌不啻過之而聖朝展親
崇賢之典方諸周室有加隆焉行也生在邦域
穀城山館文集卷之二

三

之中膏沐有日又治博士詩習聲歌竊慕而擬
魯頌十二章以爲 王祝其辭曰肅肅 高皇
紹天立極光宅函夏九有是式剏物肇規以開
萬億乃建天潢藩屏帝室 其一藩屏維何俾王
於魯四牡龍旂世祚東土宣聖之墟周公之宇
率東諸侯爲 天子輔 其二明明我魯世有
哲王本支千億俾熾而昌王纘厥武朱紱斯煌
昧旦丕顯令德彌彰 其三其德維何恭儉誠一
茂質淵冲英姿玉立友則因心孝匪外飾夙夜

虔共修時貢職其四 修時貢職以奉 一人從

軍供賦辭祿均仁 山澤弛利帑藏捐珍恩覃翔

泳惠洽臣民其五 穆穆 世皇臨下有赫金簡

玉書以章懿德 穆考嗣服恩綸載錫奕奕闕

門煌煌聖策其六 我 皇纂曆道化旁流奉揚

先訓明德作求三命而俯辟魯在周勉勉 賢

王荷天之庥其七 荷天之庥對揚成命野廵風

馳都莊雲動百辟觀式羣流仰鏡惟 王之賢

惟 帝之聖其八 維 王之誕月在嘉平幙惟

穀城山館文集卷之二 四

蘭殿醴設丹屏卿雲承旒祥風載興侯王吏士

雍雍造廷其九 王在華堂豈樂飲酒冕弁服

藻集於左右上下悅欣小大稽首於千斯年遐

不眉壽其十 維汶之陽泰山巖巖 王壽似之

於千斯年俾彼東海化為沃田 王錫難老不

可記旃其十一 予忝帝臣實生王國敬續賡詩

王之澤於赫賢王為諸侯則奉我皇猷與國無

斁其十二

壽座師棠川叔相公六十敘

少保棠川相公當 肅皇帝之世登於大廷置

在左右羽儀國本 莊皇帝御極實翊六龍以

升又越二稔爰立作相歲辛未年甫五十卽上

書請告歸於濟水之上以憑冲虛遊塵之外僊

僊乎適也又且十年為萬曆辛巳壽六十矣部

使臺省有事東土者布幣式間而壽門下士吏

長安者合辭緘書而壽後生學子遠在下邑者

重趼及門而壽門人行方且伏穀城山中脩葆

生之術而竊欣欣相與斬焉嘗以為國之有相

穀城山館文集卷之二 五 仲三

臣猶天之有二氣今夫天襲二氣之母以亭毒

萬品必更出而迭運之俾互濟其所不及以成

歲功辟如隆冬沍寒以肅冽嚴凝之氣整齊百

物而陰以嫗孌孳育之氣幹轉於中以濟其所

不及而成歲及暑而又更之夫相亦若是矣進

而受命則以其職布國家之典憲屬諸羣工以

輔翊主之明聖處而遵晦則以其意調護於繩

法之外以植國之命脉二者皆相道也夫一命

之士得時則駕不得時則蓬累伏巖窟語及之

卽危言語不及之卽危行至如輔弼之臣與主
同休戚寧可以遠邇異意乎 今天子接神聖
之統二三揆路相與潤色鴻茂登諸至理考憲
修令綜實核名以厲中外中外之吏日夜兢兢
惟奉行之是亟而吾師以三朝元老海內屬而
望之豈其在遠而有遐心獨念以爲今綱維已
張八紘寧壹舊臣擊壤而歌安所效萬一惟是
奉法之吏急於奏成或以一切取集澤不宣究
朝廷明下令禁之而未止也此不可以法齊而
可以心喻於是出故所編監懲錄大指諫古往
貪殘報應示吏所繇以治及考 祖宗造律之
原後吏漸失其旨者論著其故以爲之防書出
而域中遍矣吏受天府之紀靡敢弛於文法而
陰以吾師意指裁緩急相假貸毋與民爭一旦
之勝者往往有焉第毋論其他而氓之蚩蚩庇
以生活固不可勝數此於國家命脉其所和調
培植功亦不細矣哉門人行脩葆生之術竊聞
之人身亦有二氣所謂至陰肅肅至陽赫赫肅

肅本乎天赫赫發乎地訓人之元神二氣互根
也夫人之神辟如火矣楊子曰夫火用之彌明
宿之彌壯明於不用之用故彌壯用而出於不
用故彌明蓋肅肅赫赫更出迭運而萬化生心
焉以之壽國則爲大昇以之壽身則爲大年故
曰彭祖得之上及有虞下及五伯傳說得之以
相武丁奄有天下比於列星豈以道之精者無
與於土苴糟粕而不以感其心與諸壽吾師者
以是說進門人行敬贊謁焉或曰陰德陽報之
說古蓋傳之卽有利澤生活民命 帝錫之算
貴其子孫咸可指數以相君之仁心慕義無窮
帝錫之算從以孫子無涯涘矣或曰崧嶽降神
生甫及申故申甫者中土之國也相君降於東
方東方生物之府其嶽爲岱傳曰天孫岱嶽萬
物之所始相君豈其神與此其說近漫不敢以
聞然味夫子仁壽之旨而象三公於嶽也倘其
所稱術有據與

壽宮保鎮山朱師七十敘

行垂影而事吾師大司空於濟以至更長安
十有六年而吾師南返楚又八年而稱七十壽
也行方且投簪海岸閉戶以息登高眺遠望鸛
火之垣彭蠡豫章之野心搖搖如懸旌而不能
負發涉江秦卮酒堂下於在三之義何哉竊嘗
聞之自古國家弘泰寧之期衍永昌之曆則其
元氣所甄多黃髮耆舊之臣而祚之久遠因之
列子寓言藐姑射之山上有神人仙聖爲之使
元命苞以爲老人星見則天下治平若皆芒忽
不可究然以此上下載籍徵其似可持陳焉當
成周之時太和之氣布濩區宇故公望公高之
徒弼亮佐理至於數世壽踰期頤逮其中葉衛
武公以大耄茂德稱爲睿聖而曆數之永莫過
於周盖不必有僊聖之使及弧南一星兆其禎
祥而國家之氣脉與人臣之壽祉相疑而成爾
三代以降名臣鉅卿垂耀當世者固不爲少至
稟奇鍾異都名壽之榮惟漢之張丞相蒼宋之
文潞國一二而已豈其氣化日滴而至和不凝

耶何古之多老成人後無幾見也我朝接千
聖之統際一元之會窺其氣運紆徐容與如旭
日之方旦而其大臣舊老備顯名上壽之全爲
國榮懷者較之前代不啻倍蓰第舉所習聞八
座諸公
章皇帝時則有若大宗伯胡忠安公壽八十九
歲
純皇帝時則有若大家宰王端毅公壽九十三
歲
敬皇帝時則有若大司馬林文安公壽八十六
歲
毅皇帝時則有若大司徒韓忠定公壽九十歲
肅皇帝時則有若大宗伯湛文簡公壽九十歲
此五公者皆所謂上應四七下當五百揚震代
之輝而垂聲盤孟者也與吾師而六矣國家仁
壽之祉融爲熙盎孕育耆德與景祚並久何其
盛與吾師當嘉靖初弱冠登廷由郎署岳牧游
歷卿輔垂五十年出而奠懷襄之汾躬擐耒鍤

跋涉山川以爲國家建永世之利入而掌大司
空惟筦鑰出納之是謹以與貴近爲難而不恤
其私迹其忠誠體國出伸龍變類王公其勤勞
中外多歷年所類胡公其毓和萃祉遺燕垂麻
類林公其守正不阿身可抑而法不可撓類韓
公而其學問淵源本之心得又嘗與湛公同遊
夫以五公者符其一二直將與國作朋爲岡爲
陵而况欲兼之哉南伯子葵問於女偶曰子之
年長矣而色若孺子何也曰吾聞道矣聞道者

穀城山館文集卷之二

十

三月二十四日

虛而猗移其神無卻故巫咸之相壺子由地文
天壤至於未始出吾宗而後巫咸反走弗敢應
也謂之名實不入而機發於踵此真人之所以
曼衍而吾師所與湛公服行者歟曰 天子上
號兩宮敦禮耆舊使使問大司徒方公於湖南
問大冢宰王公於江右問大司寇應公於浙此
其年皆九十餘且百歲且將軼往諸公而上之
其以八十令有司卽問者又甚繁矣嘻其盛與
以吾師歲數其去存問諸公尚二十年二十年

之中出而秉成翊代凡杖而佐昇平處而含和
抱一偃息而藩社稷是太公望畢公衛武千載
接踵而張文比肩也獨近代哉小子趨侍左右
操方尺之簡紀述功德尚有辭矣

送撫臺汝貞趙公召晉少宰敘

汝陽趙公由中丞撫楚入佐臺政而會東開府
缺以河漕輸輓之是亟特命中丞出撫東人士
交相賀也撫東二年海岱濟河之間頌聲大作
而會天官少宰缺屬且大計羣吏乃召公入佐

穀城山館文集卷之二

北 卷三十五

太宰朝大夫交相賀也夫 上以公有勛庸於
時而內外交倚重之以爲羣工式明至遠矣藩
臬諸君進而謁賀謂史宜辭行書生也不習世
故然嘗有慨於古之談治者云夫明作有爲之
政所以章軌壹民也而尅核者爲之至於峭峭
繳繞而不顧其安惇大無爲之理所以導和固
本也而迂恢者爲之至於因恬惰弛而不要其
成此皆於治道遠矣今觀公之治東又何其兼
出並用而不測厥跡乎方公之下車濟上以爲

撫臣奉命省方當以時巡行郡邑觀覽風俗獨
安取坐而錄之於是駕而行三齊之郊按十二
之險東臨海岸返而歷鄒魯之墟考賢聖之遺
風折而環宋衛之間觀漕輓之艱難與河流之
決漭蓋百有八城皆將有車轍馬跡焉於是議
保障之防而名都巖邑皆有成城廣關殖之方
而斥鹵磽确之田墾者以數萬計布招撫之令
而民無轉徙脩門閭之禁而戶不外閉清積貯
之法而邑皆有萬石之藏核吏治之得失而奏

敘城山館文集卷之二

十三

三

職無狀甚者不待時而罷才地不相中者互更
而浚民以媚上者疏其狀摘也然上之不數爲
奏請以煩尚書中之不多爲教以撓民之耳
目下之不使以文法相蒙炫觀聽而失真以爲
惇大而民樂其所以成以爲明作而民忘其所
以迹公蓋處乎兢練張弛之間而以陰陽互運
者與夫守官有體莅政有宜運化有機彼撫者
與按異也按之體主於剴裁糾適以其法爲秋
霜而撫之體主於噢咻濡煦以其澤爲冬日之

敘城山館文集卷之二

十三

世三

不可越俎而謀也公所謂識其體者也撫勞民
者又與沃土異也沃土之民逸辟之病雍闕者
其法宜導滌土之民勞辟之病虛羸者其法宜
滋故不可膠柱而談也公所謂適其宜者也語
曰石秤丈量徑而寡失簡絲數米煩而不察善
乎襄城童子之論牧去其害馬者而已至東野
之御馬力盡矣而策之不已故無以爲而得其
機牧萬馬而有餘有以爲而撓其羣駕四馬而
不足此政喻也公所謂握其機者也持是三要
以運於兢練張弛之間而不測其端此公之殊
尤絕迹而不可及與抑願有以獻公昔曹叅治
齊以清淨安集爲質及入而相漢所推擇郡國
吏率未訕於文辭重厚長者而吏之言文刻深
欲務聲名者輒斥去之民是以有寧一之歌今
大宰進退百官埒漢丞相公入而大計吏其毋
忘所以治齊使太和溢盎而治化畢臻此則救
時之急務海內所默望於公公念之哉

壽外舅秦翁六十敘

邑之舊族爲秦氏秦氏之先三世令長博士其子弟多豪有材力而老多眉壽外舅於其族屬最尊稱爲宗老而年甚盛也外舅生而席先世之蔭貴用饒足少年慕俠節好客有游閑公子之名去俠而儒列諸生無所知名又去儒習談兵挽強超乘數舉司馬傾諸少已又去兵習吏奉檄爲衍聖家丞有所說於主君主君讓未遑也則又去吏以樵漁老焉而學官弟子因請爲鄉飲祭酒正憲老之席矣外舅無子有女子一

穀城山館文集卷之二

十四世三百二十五

人生而以字史行今封爲安人者是也外舅之愛女異甚自行仕長安日夜望思女歲以秋冬夫婦輓輅擔簦走長安視至間關踏冰雪不辭其情悲矣徒維之歲外舅年滿六十其誕七月望日宗人長老在者多號爲從子若孫皆皓髯龍鍾稱觴其坐里子弟亦相率往賀而行爲子壻不得效一卮則從緒先生受策云外舅之言曰人之生於世猶萍之於波也隨所至而止耳又如石火目未眴而消矣故知命則不憂知

足則不累吾以此游於汗漫茫然彷徨而無所滑其靈府又何暇計天地之委蛻爲又曰往吾少時好以氣折人今者里人有爭訟吾居間爲解率不言吏而決又嘗以歲時釀金醕酒與飲卽有病貧不能藥吾又以湯醴拯之起而頓首謝者戶外之屨滿矣而里少年舊嘗睚眦我者皆求交如平生驪始悟處世徒豪舉無益也行聞其言心善之以爲皆壽徵也夫人生而有欲馳騫於貨利聲名而不得休息以焦枯其形神

穀城山館文集卷之二

十五

三百四

如此者制命在外不憂則心逸無累則神全如此者制命在內夫熙然如春則近陽凜然似秋則近陰故和則氣王此二者皆壽徵也又有子徵也何也心神佚者本固而保和恭德者其末必昌天之道也彼秦宗諸長老無乃盡得是邪其外舅有所受於僊神人之屬而秘不傳乎其於道有合矣嘗記先君在時與里中五六大夫結社會飲是特別駕郭公年八十餘最老其次博士郭公可七十餘其次罔丞李公刺史陳公

皆六十餘中丞侯公幾六十間一來先君五十餘最少外舅年四十餘而從諸老人游在未坐舉觴相囑咲歌竟日至相共而歸行時尚少每從旁窺之常欲求工畫者圖其狀以比於耆英洛社之事而先人旋棄諸孤今去之殆二十年舊事猶在目中而諸老皆無存者惟獨外舅在而年又甚盛若此來日無窮從此皤然如諸宗人狀使里子弟長見舊老之儀形豈非鄉邑盛事哉

穀城山館文集卷之二

士

三百四

賀藩叅蒙泉趙公分守東兗敘

東兗二郡苞春秋魯衛曹宋之墟而盡全齊之西境方二千里之間名城以四十五而河漕之大政兩京之衝山海之險皆在焉朝廷使藩大夫一人守之以掌其人民田賦而使憲大夫一人巡之與之合符齊契以令郡邑惟兵也分而爲四沂泗瑯琊之間府山海之藏故使一憲大夫治兵於沂曹單鄆濮南與豫梁爲境河則滔陸故使一憲大夫治兵於曹河之能利害漕

其會在汶濟之交河臣南徙軍吏無所要束遙制於淮故使一憲大夫治兵於濟漕北而得清源百貨居之爲戎所瞰故使一憲大夫治兵於清謂之四兵道四兵道之地形如錯繡皆當兩京之衝南北之行李出入其中吏卒衛之惟守與巡也於兵無與焉萬曆庚辰有詔裁監司之急者於是省東兗之巡合其政於四兵道使畫地而巡之化而爲四巡道四巡道者環二郡之境而以一守道居其中左提右挈與之合符

穀城山館文集卷之二

士

三百四

齊契以令郡邑是以一應四也夫使一人畫方一人畫圓此兩人之難也聚四人而畫或爲方或爲圓而使一人應之此一人之難也故此一人者非有博大精深之力而練於世故則上不能也代郡趙公僉東省憲政巡濟南之屬積勞者三歲矣及有改道之命而東兗之守適闕所司推可者兩人名上俞公而用之晉以爲藩議使開府二郡治焉蓋知其有博大精深之才而練於世故者與往公爲御史持節出按遼左

其時數有大捷匿不聞敗公至而與虜遇輒具狀奏以爲向言不敗者謾也自漁陽以東大修亭障歲請司農錢穀鉅萬及告厥成皆以爲金城千里公至而視之半堦垣爾又具狀奏以爲向言險固者又謾也於是薊與遼之將吏嚙指相戒毋敢爲巧文以隱而公因出臬齊矣齊古之建國地廣而政不一公褊身肅軌奉三尺從事鮮所縱舍而大指取寬博不爲小治辦以采名聲非博大精深而練於世故固不若是以是

事河隄而莫敢告勞老弱輓輅而給之撫之使不怨非巡事也夫南北之行李出於四道之地陸則轂擊水則樅接帶索而牽百丈者兩岸如蝟毛民罷極矣蘇之使不因非巡事也故四道者以陽治其標而公以陰培其本四道以法疆其幹而公以惠實其腹四道以日計而公以歲計此爲應之而已矣嗟夫世之治者多緣飾小文以覲一切而志不勝其銳故有竭澤取魚反裘示忠鏤脂爲巧韓革取大其敝徒文具而不核於理故非博大則澤不究非精深則事不立非練於世故則不能淵思玄覽而要之萬全上所爲擇公而任之者以此邪然則二郡直試之耳矣公之遷也藩臬諸公以不佞與公同舉介春門嚴公徵言爲賀然公與嚴公同在臺諫其相知深於不佞且公之巡濟也而嚴公守之試於巡之應守則燭於守之應巡矣而使不佞言之是伯牙子期相得以音而令吹竽者調之也

壽圓峯宋公七十敘

大夫宋君以萬曆庚辰來令於穀明年辛巳大
人圓峯先生壽七十之歲也大夫乃介阿侯朱
君請於翰林主人曰大人以文學起家鴻漸兩
邑直諒惻惻不工選時甫遷別駕懸車請老僕
竊不敏幸荷國恩奄有大邑惟大人之訓是慕
是行罔敢佚越靈奉天隲大人壽茲茂矣願以
八月二日誕辰壽堂下敢徵惠史氏之辭主
人曰於懿錄哉大夫之慶也竊聞禮有備物之

穀城山館文集卷之二

三十

宋百古

養詩有介壽之文今南陽宛葉之間實有漢之
樂都楚國之上腴居處游息可以娛耳愉目動
心快志者多有環絕弘麗之觀請述以爲先生
壽而大夫擇焉曰唯唯幸甚敬聽嘉音主人曰
唯仲之秋日紀懸弧華閣風清彤軒暑徂先生
乃設樽俎於堂上也孫子在列嘉賓是將三揖
而陞晏於玉箱則有華鄉之秬泔臯之秬橘采
於鄧橙出於穰商山之果汜露漢臯之榛含霜
露鵲晨鳧之腫蘘荷諸蕙之芳採以甘谷之菊

穀城山館文集卷之二

三十

三五四信

調以帝臺之漿芳旨萬選狎獵圓方擲籥吹笙
含宮吐商楚盤鄭舞鴻翥鳧翔翠羽華珪隨風
飄揚爛百枝之膏浮九醞之觴起而爲壽欣欣
樂康於千斯年其歡未央斯亦天下之至娛也
以壽先生奚若大夫曰否否世爲儒吏門庭如
水卽有田家斗酒以斬黃髮安所取鮮麗而稱
之弗敢聞也主人曰夫豐壤神臯百貨所簇寶
麗珍奇其多萬族故有金華銀璞紫英翠綠景
山之艘丹水之粟太一餘糧中黃穀玉佩之永
年服之辟穀亦有天封具茨列真之宇神人周
旋于焉晏處吸日凌霞御風嘆雨遲子晉於洛
濱邀耕父於神渚采三花於嵩丘解雙珠於漢
女斯亦寰區之極瑋而主人之上圖也以壽先
生奚若大夫曰否否夫仙靈華說儒者不談服
食僻方上士所笑雖梓里傳說弗敢聞也主人
曰夫桐栢之山跨躡宛葉熊耳維衡拱抱截薛
崕峴鬼嶺嶽嶽峯峯上干雲虹內韜霜雪日月
蔽虧青冥杳絕鸞鸞之所回翔麟馬之所蹀躞

歷千萬歲而如斯吾不知鴻蒙之焉結斯先生之年與夫長淮之水經於太復吞滄納渚貫而爲瀆滄陽東陂泓澄淵漭汪汪萬頃提騰相屬洩滴瀟瀟滲淚減汨投激流湍天馳雨疾三光瀆其中百靈濤其域漉漉泝入於東極汙瀟長邁萬里一息斯先生之澤與夫壽命之基如山靜則不渝慶澤之流如水遠則不匱先生結廬乎桐栢之下而臨泳乎淮汝之間此可以曼衍而膺祉福與大夫曰韓哉敬拜貺矣雖然竊

穀城山館文集卷之三

三十三

三十三

有思焉往大人嘗令武陽以課最褒遷不佞後若干年綰綬穀邑維大人之舊域居然在疆場之間不勝瞻帖之私且將掃除堂室奉御軒車以遊甘棠之蔭應騎竹之迎而恐其不至也况敢稱舊鄉之山水以繫其思哉於是主人援琴鼓之爲岱山之歌歌曰岱之山兮穹崇表三觀兮馳六龍響仙歌兮綠水睇白雲兮出封五花兮瑤草枝萬年兮春松登天門兮四顧與桐栢兮長無窮又爲海水之歌歌曰海之水兮漫漫

三神山兮飄且旋璇宮兮影堂氣金銀兮藝琅玕丹霞兮絳露仙之人兮翩翩望淮水兮如帶澤瀾瀾兮世延大夫受而稱曰渥矣悉矣多受錫矣酌言獻之服無斃矣

送撫臺本菴楊公晉石司馬敘

天子茂膺景祚思周萬方惟岱宗主東諸侯爲國股肱圖所以收寧綏與遇詔御史中丞本菴楊公自鄖陽開府移鎮東夏至而布宣屬書飭厲百吏迺屬諸藩大夫而告曰不佞服役茲土

穀城山館文集卷之三

三十三

三十三

惟是旬宣之政與二三大夫共之夫山以東故磽壤也而又綰轂周道供億行旅以歲之不時民母乃窶然隕於饑勞以荒穀土願與大夫圖之藩大夫受命迺屬諸憲大夫而告曰不佞服役茲土惟是紀綱之政與二三大夫共之夫大國之風興而多奸瘠土之民勞而不可訓吏母乃操持太甚以興其無良而刑辟多有願與大夫圖之憲大夫受命迺屬諸閫帥而告曰不佞服役茲土惟是戎馬之政與二三大夫共之夫

齊東南山海之間厥壤可馮得無有揭竿而嘯
齊之西境五方同軌得無有聚人於菹蒲願
軍帥圖之聞帥受命於是核其算賦廣其儲蓄
闢其澤鹵豐其委積越歲藩政成於是簡其愚
牘蠲其驚急慎其比讞申其禁令越歲憲政成
於是覈其屯伍平其踐更講其卒乘審其千陌
越歲軍政成惠單法行較如畫一山以東稱恭
治矣 上嘉公勲屬有國慶錫之策命三曰
予有世臣實能弘厥考之不緒以庇元元其益
篤忠貞庸纂烈考之秩迺晉爲右司馬俾佐元
樞公拜受書以行大夫聞帥相與爲祖道之饗
訪贊謁之辭於史史乃簪牘對曰夫辭有懷往
謁有彰來懷往者頌彰來者祝今羣侯不釋於
公之德教而睠然願懷亦將頌其往績以慰我
東人士之恩則旣已習聞而聞繹之矣意者亦
上體 帝心弘其替祝以對揚公之寵命蓋上
古有道之國迓承天貺以永其祚福厥有受姓
賜氏之臣奕世載德修其典訓以列在朝廷然

後厭塞海內之望而鞏固邦家之基其在有商
則有若伊摯實爲阿衡以左右商王克享天心
厥子涉用能纂烈考之秩以相湯孫於亳廟其
在成周則有若公旦實爲冢宰以勤勞王家覲
文武之烈厥子禽父用能纂烈考之秩以啓於
魯爲周室輔三代之隆夫豈惟其典則謨訓可
以長久亦以國有世臣輔之者重而無敢撓也
國家接千歲之統紹商周之烈至於 世皇神
聖御宇茂簡元卿知太傅襄毅公之忠立以爲
司馬使董邦政又立以爲太宰使正官常至於
穆考紹前之光寵而攝以戎樞至於 今上益
崇其班爵而總於初政文功武烈榮鏡 三朝
冠冕當世與商衡周宰齊微比邵矣乃其受宏
施博鍾爲華閱煒然以文武上第大啓其族而
公爲元嗣都其豐烈是能淳耀明德顯榮長世
以爲國華詩謂式穀似之公其有焉吾徵其往
以俟其來又安有不似者 天子實曰庸纂烈
考之秩將無稽二代之令典以胙世臣而永其

毗替是伊陟再鑊金版而禽父重鑄玉牒也昔
太傅公敷教齊魯作人斌斌其入而宅揆所取
材於東者皆其所樹也夫教之在政一而已今
公保釐東土維是藩憲軍府之政生聚彰輝以
爲民衍者咸已播之謠俗永有遺愛矣卽晉而
端流平衡夙夜在公豈其忘我東人則亦豈惟
羣侯在事奉其麻德自海岱河濟之區百有八
城其莫不永有庇依以熙於景化則公之不信
宿於東甚未遠也夫克肖前烈以光燕翼孝莫
隆焉纂率世勞翼亮帝室忠莫懋焉無忘去思
以綏舊土恩莫湛焉君事有此三者則名與五
辰並耀而澤與八風俱翔矣文史末學無亦忝
諸訓方以藏石室又何申辭之有

穀城山館文集卷之二

王

穀城山館文集卷二終

穀城山館文集三卷目錄

賀制府廬山張公晉太子太保叙

壽太宰夢山楊公七十叙

送開府近臺李公入掌內臺叙

賀大司成棠軒李公叙

賀制府春陵王公入爲大司馬叙

送子憲使子冲備兵薊門叙

壽詹錄少溪吳君六十叙

壽葛太夫人八十叙

穀城山館文集卷之三目錄

乙 仲二百廿三

壽谷太夫人八十叙

壽王太安人七十叙

穀城山館文集卷三目錄終

穀城山館文集卷三

東阿于慎行著

門人郭應龍編

北海董可威

天中李時馥校

都門李本緯

男于緯重梓

賀制府廬山張公晉太子太保敘

前歲西蜀張公以左司馬出靖越亂進御史大夫聞鎮撫總督薊門虜入疆臣告嚴念非公莫可任者召拜大司馬開幕府漁陽提衡三鎮至則有築邊之役指授吏士畫地而作不踰歲而

穀城山館文集卷之三

仲之第十二

功成左起盧龍右屬上谷列障千里如負屏扆矣其年東胡酋仰奴大入遼左公授略大將出師走之獲虜首千餘級上御路朝受捷晉公太子少保官一子入宿衛明年東胡酋克又入遼左公授略大將出塞掩擊獲首虜數百級上御路朝受捷晉公太子太保錫之九命之服進子秩一階六道治兵大夫則同諸軍府揚解上謁材官毅騎謹闐和壘歡聲如震於是密昌郭君于君進曰惟二道爲國北門以二三騎邑

穀城山館文集卷之三

世三十一

屏護陵京幸從耒耜之餘觀茲成功自漁陽以北實受公賜敢不謁賀於是薊永顧君葉君進曰惟二道在國左輔壤界三韓烽火交於眉睫幸從耒耜之餘觀茲成功自盧龍以西實受公賜敢不謁賀於是易霸田君余君進曰惟二道在國右輔西扼常山之尾緩急是視幸從耒耜之餘觀茲成功自長城易水以南實受公賜敢不謁賀公乃前諸大夫謝曰司馬不佞幸御委韃從大夫於此以大夫之福獲再邀功於遼中受名寵惟不能奉 上之鴻庥是懼況其敢居厥成以辱將吏敬不舉大夫之觴諸大夫不得請退圖公功以告內史史受而質諸府有之報曰公之樹績於遼則信焯燭豐融無與匹矣而亦喻其待成於薊乎 國家設三大幕府苞制九邊薊門近在郊圻操遼之重地勢形便天下弗如也異時薊歲中虜白羽若飛遼則徘徊蠕望靡有寸矢遺鏃加於搏景寧其材力於今相惡甚邪則一絃莫鼓而獨拊無聲矣自 莊皇

帝從一二首事議築臺於薊基置千里今者公
又終其緒業益爲崇城巨防厥險造天虜不敢
嚮而收也雖而東出以觸遼網遼將吏因是礪
刃貫甲以待其入無不立靡故薊之守日盛而
遼日奏功安謂不相待也亦觀楚之掠雲夢乎
野火絳天旒旃彌野設罟置網楚狂兇駭鹿以
入於陸虞人之守也張弓設矢六微烈受詘一發
焮輪其獲若雨射夫之能也雖其獲於射而忘
其待於虞非知獵矣諸大夫亦何自引遜薊不

穀城山館文集卷之三

王世貞

稱而簡重遼乎頃者上御法筵一二儒臣進
說采薇以下上靜聽終篇有所穆然深思焉
其時遼捷適至廷中無不洒然相慶者蓋昔周
室中興光大文武之烈其臣若仲以車馬旂旄
出而城守亦惟地險是憑故其詩曰天子命我
城彼朔方周都鎬京朔方乃其北戶辟如漁陽
矣朔方既城獫狁駭喙時有僇塞匪茹則厲師
以禦之故其詩曰豈敢定居一月三捷考仲之
功在戰其權在守及秦廢伯仲曰赫赫南仲

猗猗于襄也有以夫周室安攘之勲以仲爲首
不亦偉與上憂勞邊事日與二三大臣按圖
計書風占小異輒馳諭邊臣申儆修備英明聖
武何讓周宣而公以股肱上佐翼弘丕烈與仲
比功論德不相軒輊要以控御三陲森馳霆激
若有難焉公召文武儒才聲施當世所至皆有
奇節上甚慕公故倚以北事成效又若斯矣
旦夕召入元樞九塞之畫與公共之豐功盛名
方馳於無垓之宇何薊與遼之云行魯書生不
習世故無能揚厲公功以贊大夫之謁無已則
所進說出車之雅在公歸而覲上則奏其六
章矣

穀城山館文集卷之三

四

王世貞

壽太宰夢山楊公七十敘

上御極之十有四年太宰夢山楊公賜鳩玉於
朝之歲也往公當莊皇帝時以中丞開府歸
侍母夫人比上初元疆起諸間以爲少宰又
請扶侍以歸前後里居十餘年省臺部使疏請
召公以數十上天下之望海岱間隱然東山洛

陽穀先生之命而母夫人度世百餘歲仙矣會
上有所滌除思得耆碩大臣與之更始廷中咸
首推公則起爲南大宗伯至不數月則召爲大
司空又不數月則徙爲大司徒又不數月則立
爲太宰歷試而及以政如恐後焉公感 上特
知益務覃誠畢精與二三鼎揆協心夾輔以率
百僚由是吏治蒸蒸海宇禔福太平可覩矣久
之公滿尚書奏狀 上嘉乃勲錫之策命爵爲
官保及是歲大計以年至請 上下詔留公

穀城山館文集卷之三

五 卷三百廿

公乃就位諸大夫相與函采薦觴及降岳之辰
登堂以祝則有進而稱曰夫影無表正植表則
端矢無枉直望鵠則樹其所儀者然也古之稱
天官冢宰式是百辟豈以名寵赫奕能董正之
則有儀而可則矣公升爲卿佐且二十年居而
耕於岱畎惟是環堵之宮畝丘之園讓畔於田
夫均席於野老非養名也起而位羣公之上門
無掃除庭無覲謁衣不重采食不重味非閉情
也凡以不言躬行默先羣吏使之被濯其心以

砥於羔羊五紵之節而污慢不衷之行逆銷於
遐方奧近而毋敢萌芽此之爲表與鵠豈與中
令挈法者較名實尋丈間邪鴈鳩之詩有之正
是四國胡不萬年爲公一祝又有進而稱曰夫
厲廉直之操者多刻核之心葆潔白之衷者少
寬博之度虛已難也公禔身守官兢兢尺寸藐
然絕俗而其立論微指則取調適性情毋滑其
天甄量人材惟持大體羸於善善詘於惡惡不
以已長格物方寸之地虛矣虛則集和和則凝

穀城山館文集卷之三

六

卷三百廿

福古之謂美意延年南山之詩有之樂只君子
保艾爾後爲公再祝又有進而稱曰於都哉匠
石之功在材陶人之績在器徵其實也異日者
老成屏伏正人播越有識憂之矣公出而及大
政日夜吐握求天下之賢人而登之列蓋今者
六官之長貳無非耆老遺逸先朝之所栽培而
法從近僚亦無非譽謬矯節前政之所留蹕壞
材畢登利器咸就業流於邦家功歸乎荃宰豈
不踔哉小明之詩有之好是正直神之聽之介

爾景福爲公三祝內史于生進曰懿夫諸大夫之辭天將爲佑人國衍厥景祚則太和所烝臚饗全湧亦越股肱之臣並臻胡耆與國並茂鋪觀祖宗以來名卿哲輔都穹崇之算曷奕後先諸先太宰如王文端之在正統王忠肅之在天順王端毅馬端肅之在成弘皆以豐勲亮節秉均握衡臻乎黃髮炤爛史籍於今爲烈斯何故天爲國家生諸公使闕大化卽爲國家諸公使有大年理不誣也繇斯亦談公之筭無取矣不可以數策矣無俟斬矣烝民之詩不曰保茲天子生仲山甫闕宮之詩不曰三壽作朋如岡如陵然則何敢私公敢以爲國家祝公乃肅諸大夫前曰敬謝大夫之貺貺以三善敢不拜嘉抑上不以愚無似使待罪銓衡歲茲邁矣俯而循牆懼隕越天子之耿命况敢邀諸先大宰之福惟大夫以里閭之誼寵之其不以祝而以規無以一日長而舍我諸大夫迺拜手言曰於都哉此衛武公之警也有抑之詩在更二

十五年進而祝公請賦以獻
送開府近臺李公入掌內臺敘
蓋往者歲在甲申御史中丞豫章李公實奉簡書出撫東夏一日上御路門召二三宰臣議所興起吏治令自今諸開府卿非滿二歲毋得輒遷於是公擬遷南少宰矣以有新命復借東入一年已南部使者或屢爰書而大夫中丞皆闕上欲求廉慎大臣董正羣吏主爵疏當拜大夫者名至五上乃得請疏當拜中丞者以公名奏詔輒報可其不佞日操筆陞楯間竊窺主任人圖理神靈獨斷乃其用公不於南而於北召不以一暮而以再踰歲豈惟是東方一二赤子勤上仁恩亦將有以待公也可謂盛遇乎哉夫河濟海岱之間古齊魯之域也昔者太公治齊五月而報政伯禽治魯三年而報政周公策魯之誥於齊也固曰不易不簡民不有近而仲尼志在東周又欲變齊使至於魯謂揖讓之禮則從矣政俗之不佞如此然周公建魯而

不能得所尚於齊仲尼思以易齊又不能變而之魯勢不兼也若乃兼二國之勢而能調其政與俗則其權莫如今之開府乃往往束於文法不得以其意爲治異日者廟堂班下科條務在繩飭郡國三歲而質成行其殿最開府以下求所塞尚書問狀安能毋急諸吏恐上之負殿皇有所歸亦安能毋急諸民民乃始囂然愁慘無所藉賴卽齊魯舊壤無亦惟是惠文三尺以相彈治烏覩所謂易簡之政禮讓之俗哉乃者上益明習國事破凋鑿觚汰苛蠲墨惟所以康息元元謂公博大長者委重股肱之地假之歲月以觀厥成公以是奉行庶德孳孳不怠與諸藩臬大夫申討章程下之列郡使治賦之吏時其衰征而毋敢盡利使執法之吏以令典平決而毋敢爲茶與脂使候望之吏以班送迎罔滯賓旅而毋市私使守閭之吏干掇不虞而毋騷啓閉察吏之墨與苛以上諸司寇而毋諱與彊察征歛之無藝以請於司徒而毋避譙讓行此

二年園吏不煩師徒無聳年穀豐登黎元浸福東海奏泱泱之風而洙泗之間斷斷如也蓋亦操易簡之理以興禮讓之俗而厥効爛焉可覩矣今者奉 上詔召奏厥成績紆於齊之五月而捷於魯之三年總二國之成以登闕大化蓋先聖儒之所不能得也簡在 聖心焜耀士民之望有以矣哉公茲入掌中臺綰轂六卿之政以賦諸郡國緩急煩簡得以劑量調節而默示以意意者岳牧長監亦各以易簡相先飭成禮讓使遐陬裔海挹齊魯之流風變而之道庶幾於公見之公之還臺諸大夫以故事上賀使走長安徵內史辭某不佞無能鋪張公之懿鑠然竊從里父兄後沐公之澤有日敢無以獻蓋談士之議有以曹相國之治齊象公之寬簡以公儀休之治魯擬公之廉讓者以爲似之而未旣也於是徵二國之志以揆公所繇成功而受知於 上者自是以往公勲名益盛治象邳隆登周道而上之行誠東人敢復以齊魯間語進

賀大司成崇軒李公敘

予既從官諭李元甫先生典南都試竣而還報
其明年先生以久次晉太子庶子居無何大司
成缺廷推以先生往相距甫閱月耳始先生以
少儻有文聲震蜀都第爲太史宏覽博物冠冕
羣流其後再進爲殿講三進爲官諭第十有九
年不離五品衆若見以爲滯而先生由然曰奉
職文史不能爲國華敢知淹速及師太學尊
顯得行其志衆莫不愉快之而先生又瞿然曰

十一

三百七十八

蒙被厚恩不能忘懷范敢知榮寵則成版
先生有度焉而予則謂先生曰夫仕宦者碎
之游水然虛而不私涉無弗利矣君亦記疇昔
南遊邪方其汎汎而下經於汶濟之間渠涸
舟膠帆檣櫓比百夫荷鉦千夫唱于雷音兩汗
窮日而不能以寸志沮乎哉及其絕呂梁之淵
蕩濁河之險長濤拍天洪波蹴地舟如覆葉隨
風回旋莫知所底色怖乎哉及其至於長江
湖亭謳按櫂順流靡風撒如翔鴻澹如浮鴨

穀城山館文集卷之三

十二

仲三十四

寥長邁頃刻而艤於岸矣意懣乎哉夫險夷萬
端日陳乎前而無所沮怖與滿者何蹈水之道
而不爲私也蹈水而不私謂之虛舟彼舟之不
虛有故舫居左則左重舫居右則右重舫重而
卻覆應矣何也則心有所繫而與水爭也虛舟
者非必無人有而忘於水耳險亦如是夷亦如
是累日而寸尺亦如是一瀉而千里亦如是是
故視舟如車視澤如陸何卻與覆之有此虛已
涉世之道而吾與君之所共適與先生大喙曰
唯唯否否予非計若是也竊有所習往者先大
宗伯嘗爲太史於成弘之間十九年不進其後
無幾而至上海先大父爲臺吏郎吏有聲廷
中皆不大顯安望今日夫利鈍疾徐亦有數焉
已不虛何營予則慨曰嗟異哉善遊亦有習邪
卽如是先生之韞汪洋浩淼如載萬斛汎於溟
海有人亦虛無人亦虛桓鮓之淵不爲深天漢
之流不爲遠矣予何知哉予何知哉南都門人
守官闕下者十有七輩將前謁賀先生胥來受

辭繁人之蹤跡亦有絕相類者曾蜀相去且萬里逖矣然先生生而與予同年月以浹辰爲兄同以歲辛酉垂髫偕計吏上同以戊辰第爲史其後遷講讀官僚如向所稱無不同時去年又同校南試公者先生拜命予亦於其月叨轉今秩而先生之還矣同視三十年中獨先生之家世與其才名天下舉莫敢望自其餘予若不避影者亦青矣然而非所以同所以同者志行相符至於不言而喻其涉歷仕宦如前所舉庶幾

穀城館文集卷之三

十三

三

賀制府春陵王公入爲大司馬敘

主上鴻明圖理加意疆場之政慎簡樞鈐重臣叅畫帷幄意至隆也今年春主爵上大司馬缺詔集九卿臺諫博舉名德以聞時御史大夫曲梁王公都制漁陽漁陽在神都肩背間地最重於他制府廷推上五人名以公爲首再推再首

穀城館文集卷之三

十四

世言王

公三推三首公上既重公諒責重欲得之本兵顧若不能釋諸漁陽者而相君從中畫曰夫本兵制府重均也然制府不能有本兵而本兵可以有制府上悟稱善立召公爲大司馬談者曰天下有艱大之任而有所不得不用之臣懸於人之耳目如此者其人重見以爲不得不重也越獨知之契而暴之天下如此者其官重用使人重官亦重而職未有不舉者也行比年在告未得從公於朝然竊聞公魁壘雄俊大臣也嘉靖中金陵兵亂戕殺計臣公爲司馬郎投袂而起簡銳授甲梟其僥倖浹辰而定之名大起矣備兵密雲屬譚襄敏公初築臺之役首謀建築多出公所卒成永利以御史中丞填撫薊門虜虜公威名益斥遠塞不聞鳴鏑而上谷與虜市段於薊門乃移鎮上谷公外脩要束益務綏懷所予虜繒帛食物必善美中量以啗之而陰綴甲厲兵爲備間有猖獗不逞輒目材官傳弩矢外嚮虜震駭請死毋敢有它上谷亦寧而

公竟以在薊門久三輔吏士欲得公甚久之漁陽制府缺公方以兵侍居憂計日而召之公居漁陽塞上前後十餘年至是盡護四鎮會遼左與虜角數有勝負公輒以便宜馳羽書告大將軍莫府攻戰方略虜小入小挫大入大創鎮夷之役捷首虜數百千級主上爲之告廟薦勲百僚畢賀爵公御史大夫錫之金幣薊昌中山諸鎮日修城障守禦車轂交馳以其間綏輯屬夷使毋敢奸約以憂疆吏歲終上功再錫公象

魏城山館文集卷之三

十五

三十三信

龍之服至是而召入也公御將士有恩威其自奉廉儉無所奢汰宅衷慙欸一出於情實而大指不自有其功則公之重於天下所謂桃李不言其下成蹊豈與枹鼓烽燧之間積日累伐以邀尺寸者同乎主上威稜遠暨辨髮雕題請吏奉職元樞委蛇居中從容謀畫視軍興有間矣而議者猶若難之以爲有所舉措而軼於禮之外則無以厭士大夫之心而名不白卽引而

入於繩則左右益嚮之口且燒其事敗之萌

不立無已而權正相生陰陽於名實之際以幸百全又未必當人主指也而身不安矣則此豈其始願然邪亦由用之者易也卽如公者博選疇咨熟視深謀而卒不得不用士大夫於是翹首注目而視其所不爲貴近之臣於是斂手屏息而不敢撓其所守主上於是虛誠委已而惟其所出則任安得毋重而樞鈐之地豈復稱難哉孝宗朝馬端肅公爲司馬造郝陳晷比於宅揆卒之功施西陲至今爲烈以世廟之

魏城山館文集卷之三

十六

進

神武股肱累積而楊襄毅公圖事揆策如石投水兩公名實加於天下以本兵不以秉銓主上英明仁厚兼法二祖慎用本兵與銓臣等以公之望實推校前烈且岐而三之則愈益稱重矣哉公入而邯鄲張公以御史大夫往代張公者與公同里志行相孚嘗後公數年開府薊門竟代公爲制府今且以一德協衷中外相應瞽諸造父御戎王良爲右馳輕車駿馬而遊於九軌之衢也大夫軍帥謹奉鞭弭以從方在公

之宇下姑相與祝轅乎

送于憲使子冲備兵薊門敘

自子冲之郎司馬未滿歲而出備昌平兵也車駕以三歲中四幸山陵六飛雲從百官象物子冲傳鞬繫鞬躬率吏卒供張馳道未嘗不辦治也壽宮從與公卿郎吏往來行視車轍組織以子冲主北道莫不如歸居則從村官吏士畫地爲軍陣教射戲馬行其殿最夷有小侵盜若質邊生口輒從健兒抄之取營而止皆烏獸竄毋

穀城山館文集卷之三

十七

三百八

敢有它居五年所士氣大振陵邑重關若增而險矣會薊門兵使闕當事計子冲久勞苦陵下不盡所長而薊門號當路塞屯戍重兵非子冲不可請以爲山西副使移鎮而東一軍將吏扶持車轂爭奏酒炙擁不得行而戶部謝君元戎張君與子冲同事久皆若難於離者求子冲素所善謂莫子若也來受辭爲祖道嗟夫子於子冲安取辭哉且又不能予自總角受書從子冲遊三十年矣而終不致意子冲子冲大也方少

時所見子冲風神韞藉固已橫絕一時而子冲

獨不以予無當而兄事我子冲壯而登朝名譽日進一時講藝之士無不折節嚴事以爲李先生之後東方有人而予不謂盛也夫夫吾子冲也及其治民當官批卻中窾捷如迅雷燥如激電集如風雨而予不謂敏也夫夫吾子冲也時而傲弄睥睨於酒人劍客之間耳熱眼白奮興起舞舞亢音悲歌旁若無人而予不謂放也夫夫吾子冲也子冲嘗爲魚雁鶴列隸韋附注立於

穀城山館文集卷之三

十八

一百四

桴鼓之間白羽蔽空三軍股弁而予不謂壯也夫夫吾子冲也人不知子冲予不爲慍人知子冲予不爲欣遊於子冲之大而忘子冲如此安能爲辭然子冲第毋論其它政獨以文章名家令當漢建元元朔間待詔殿門稱文學侍從之臣高可長卿下乃莊助而奮迹州郡握符行問至今世以刀牘弓矢器子冲之材見謂兼資文武豈不淺哉及觀長卿以四乘傳略定西南夷印笮冉駹之君入爲巨妾東甌之難天子遣莊

助以節發會稽兵蒞誅閩越以威南海此皆號
爲文學士而用武節見功暴於天下迹亦奇
向使二子徒以詞賦應對不出承明則有鼓劍
飽於侏儒挈技術於卜祝耳何以自振耀如是
哉嗟乎此予所爲慕子冲而心壯之者往與子
冲可大遊戲筆硯類皆有以相期今吾兩人過
四十往可大亦近矣可大儒術吏治超軼時流
而子冲以功名才略顯如此予官雖少進而獨
從陛楯之間歲其不肖一不能有所建畫以當

穀城山館文集卷之三

十九

仲三百廿三

明主匡時逢世之仕何以文學侍從爲乎子冲
行矣薊門在永密之間左提右挈連數道之衆
以護京師至要地也譚司馬之城臺威將軍之
技擊隊而不舉其故安在甌脫屬夷首鼠出沒
從之如搏影其敝安出也此自子冲所素具豈
顧問哉幾輔諸兵大夫往往卽拜開府再晉都
護入樞元樞當事且以此待子冲子冲盡精
氣以報縣官使主上拱挹清穆無北顧之憂
帷幄大臣甘寢秉羽而嚮太平古所稱敵愾

德之勲在是矣彼長卿莊助仗一使之任稱一
劍之雄烏足爲子冲道子冲勉之二君無謂爲
阿其所好士固有真品亦有真賞不可以虛辭
借也

壽唐錄少溪吳君六十敘

蓋子俯仰古今而嘆游閑處士之義不並於世
也鄭莊以俠自喜其慕長者如恐不及至置驛
長安諸郊請謝賓客夜以繼日此與原嘗異趣
矣而身爲大吏務唐交游巧宦之士托焉至如

穀城山館文集卷之一

二十

三百廿四

仲長統卜居清曠良田廣宅背山臨流遊戲平
林躊躇畦苑不羨遊帝王之門矣而任情縱志
邈與世絕以稱善閑可耳乃若以仲氏之隱而
有鄭公之遊茲豈非世之所謂賢豪長者哉少
溪吳君者毘陵隱丈人也性倜儻慕義博通藝
文嘗仕爲青宮從臣出入禁近揖讓宰公之前
雍容其都而不樂久宦無幾輒自免去隱於陽
羨山中家故饒貲有千石魚陂之封而不急生
殖以爲士生代問修禮義之行而不能游大人

以成名徒窮老邑屋闔門握算適爲達者嗤耳於是傾身交士尺蹠造請連騎四出自吳越諸公慕其操行爭與之游而四方賢大夫士聞吳君賢亦無不願交驩者即使者行部有所停車市門伏軾而問者必吳君也而吳故大族自世父文肅公以下門閥日盛羣從子弟多以文史致身仕爲貴吏若今侍御君等顯於當世吳君亦不自多也爲人朴而好文被服質素不爲華侈亦無音聲弋獵之虞惟是畝鍾之田以奉公

穀城山館文集卷之三

王

三十四

家租稅卽有贏餘輒以購古書畫彝器陳之几席游衍其中不知有塵外事矣吳君年如商瞿舉二丈夫子今皆岐嶷玉立工爲藻詞必能世其家者以是吳君益務布德脩行惟恐不足名聲日進矣夫有結駟之遊而迹遁於丘壑有鶉居之佚而名重於公卿吾以爲莊與公理兼之者君也茲非世之所謂賢豪長者而士所願游邪或謂吳君年六十所矣而膚澤粹然有凌雲之氣似聞道者予曰固也君自有壽道焉夫養

生者適也有所滑則不適不適何以盡年吳君仕而知足富而好行其義身愉而心逸迹晦而名彰兼人之所共樂而不與其憂享人之所難全而不擾其累此至適矣適則形神不敝完化在我不壽何之吾慨夫世之沉酣於富貴而戕其天年於吳君何如也抑吾聞鄭莊生平好黃老言而公理著論欲以呼吸精和求玄虛之旨皆有得於深根固蒂之道其游與隱迹耳吳君賓客日廣所聞道術甚博豈亦深於二公之指

穀城山館文集卷之三

王

三十四

邪夫外適於人已而內休於天均此非徒壽於年也故著其大槩以俟傳游俠隱逸者考焉

壽葛太夫人八十敘

往太夫人稱八十壽也長孫尚書郎蓋以使事歸上觴竣而再入長安屬國有大役郎董厥成不敢更以私請又越三歲仲孫太史君奉命齎璽綬封諸侯王道出里下再上觴太夫人諸遊二君者則謀介筐篚因太史以祝使行修辭行不佞竊俛仰端肅公之烈而嘆太夫人之克贊

也夫士君子砥身効節垂聲當世豈非所自樹
則然顧使志分於內顧而化睽於壺闥則有閑
而不彰者斯以喻同德之難矣吾聞太夫人之
象公也公孝而嫺睦太夫人亦孝而嫺睦公儉
且慈太夫人亦儉且慈公和而能肅太夫人亦
和而能肅其事姑夫人也伉儷老白首矣而菴
韞上食朝夕必供泊兮其似嬰孺也其芘公之
三弟若弟之子孫也受祿於朝均產於室衣食
數十百口以終公世無有間言其居處則服無

穀城山館文集卷之三

主

三

紉縞器無彤髹室無重燎食無兼豆蕭然推布
時耳其撫贈郎中公及二君也日討古之訓典
提而誨之以使有成名毋卽悒悒其充聞以內
聲無詫諄亦無咲嘻色無慘悵亦無惰媮意益
如也凡太夫人志念靡不與公合者凡公所欲
爲太夫人靡不先也然後公出而在位得以精
白一心竭誠夙夜而無所旋顧故自樹若是偉
矣同德之助亦曷可少乎哉繫天將佑人之國
則錫之老成不貳之臣以贊其化樞其佑人之

家也亦然錫之齋淵靜惠之主以襄其內政故
葛氏之有太夫人猶國家之有端肅公公於

聖代稱貞臣而太夫人於茂族稱令母皆天啓
也太夫人之享有上壽而歆其後福亦天也樹
之桃李秋取其實旣勤菑畲必有豐歲豈其邀
而有獲自藝之而自食之司契居其間矣故曰
天也昔桓少君以儒家淑媛相鮑司隸宣能屏
去侍御服飾提甕出汲以成其美傳子及孫三
世隆貴進爲上公從容問太夫人寧復識輓鹿

穀城山館文集卷之三

主

三

車時否司隸之著顯烈爲漢名卿與其澤之長
世蓋少君與有助焉而身享其報若此天所爲
大啓鮑氏而昌厥後者固在行汲輓鹿時矣端
肅公之名德無謝司隸二君才儔博碩顯庸當
世將庶幾太尉昱等則偶太夫人於少君奚啻
兩之彼鮑氏所由盛亦天也天之所啓鮮不全
昌無論年矣卽太史君歸乎無亦羞其嘉旨以
泰歡怡而何祝之加然吾聞太史使秦秦在陝
以西公故所分而治也太夫人卽問使狀且道

持節入關驅車咸陽坂上諸侯王擁尊守吏屬
索轡以迎咸陽長老多大父時吏民縱觀使者
威儀竊相與指目之有嘆息者其前終南太一
卽詩人所謂如南山之壽者及其東二華峭崿
之間有王母祠漢武時栢數千年物也質太夫
人異時所見然否太夫人則訢然一加七箸哉
以是爲壽

壽谷太夫人八十敘

蓋嘗讀潘岳閑居賦庶幾觀其人云世道之降
殺城山館文集卷之三

二十五 二百八十二

士生而捐於進趣或競一命之寵以華其親謂
之順志而奇偉倜儻之倫又盛稱叱馭絕裾爲
顯揚之大而不顧其私則北山白華之詠胡以
稱焉安仁徒以太夫人羸老不能違膝下色養
至絕意榮寵抗志浮雲斯不亦士之所難與顧
其仕不遇合八徙至郎博士屣脫其官宜若甚
易而世猶以其故高之假令致身樞近號爲名
臣鉅卿重於當世而能塵芥軒冕以安一日之
養斯不尤士之所難與少司馬岱宗谷公固人

殺城山館文集卷之三

二十六

三百四十四

所謂名臣鉅卿也生十九爲令長以神明疆力
懼伏姦宄三十爲岳牧大夫樹績焯燿所至有
赫赫聲四十爲殿中丞蜀楚兩浙三開府焉以
能綏靖氓黎藩固江山之險進而爲左右司馬
補用益隆願其年未五十也一旦上書乞致仕
去則以母夫人在堂故而至於今十有餘稔矣
廷臣部使者爭上言司馬大器可任使不宜使
遂其私而公則謂太夫人老矣矢不以釜鍾之
養闕於昕夕比歲中申太夫人春秋八十願益
康和不少衰而司馬公亦已滿六十歲顏丹髮
鬢彩服翩翩以奉板輿之遊方甚適也冢嗣叅
軍服官闕下因求爲奉使取道里門上兩世尊
人壽至則太夫人珠襦霞綺擁坐堂上瑤漿琬
液列俎在前司馬公夫婦從諸弟若子若孫男
女以下進而觴太夫人奏王母玄雲之謠北向
拜者四諸弟若子若孫男女以下又進而觴司
馬公歌魯侯燕喜之章東向拜者四里閭親戚
咸以其日奉羊酒趨賀小大畢集擊鮮酌醴

御賓客人之望司馬公間如丹霄神嶽復絕人
哀矣不知潘氏所賦席長筵列孫子浮杯樂飲
抗音高歌其事亦頗同不邪今世皆以司馬公
三朝耆舊勳名磊磊而盛年處曠若爲惜之顧
安知司馬公之樂若此邪卽令司馬公出而在
列光輔大政太夫人安土不能就則其志何從
夫仕宦者人樂也至如司馬公者謂之邀樂於
天以較諸河陽長吏去一郎博士難易何如矣
司馬公子壻曰起部葛君以叅軍之行請於太
宰楊公合東人士之吏長安者馳幣爲太夫人
祝而藉手不腆之言蓋楊公與司馬公同邑其
少時同舉於鄉仕又同貴往者楊公爲少司馬
亦以母夫人老陳情終養而會司馬公亦歸其
時又同後萬曆戊寅以上兩宮大號存問高
年守臣奏楊太夫人壽滿百詔賜米肉勞焉
當其時東人士吏長安者亦嘗馳幣祝楊太夫
人也其後六年而有是役四方聞者相與嗟嗟
異之而葛君又稱往先太保公之以宗伯歸而

奉曾大母至家食二十年蓋其時曾大母壽幾
九十云曷公家德平遠海豐百里而近聞者愈
嗟嗟異之以爲自古公卿大夫居鼎篆之位而
得壽其親者絕爲稀少乃今三公之邑相去不
朝食而壽者鍾於一時又甚相似其說何也綜
其故則兩邑者皆在平原無棣之境河出崑崙
徑門砥柱醜而爲九以入於海則平原無棣
爲之歸墟至今其故道輻湊甲拆隱然可指融
結回伏鬱爲壽祺地文有之三公者當焉天三
公非皆世所謂名臣鉅卿者邪則從此以往宜
無弗同者太夫人壽且鞅二母上之百歲千歲
以至無垠而司馬公又將接踵兩公以垂耀當
世是海國之奇聖時之瑞也奈何稱河陽吏眇
小者爲矣

壽王太安人七十敘

王太安人者司空郎周君啓明母也考曰柘溪
處士啓明以萬曆甲戌捧檄漢中司理母壽六
十介史行言稱祝頌槩拓溪平生矣其後三年

司理滿考奏狀上嘉其績以璽書二贈考漢中
司理母封太孺人啓明奉制詞命服進太孺人
太孺人曰比先君子之麻予其敢當一命又後
三年司理召爲郎值兩宮上號覃恩又以璽書
二贈考工部主事母封太安人啓明奉制詞命
服進太安人太安人曰此先君子之麻予其敢
當再命又後三年乙酉月正孟陬太安人七十
誕矣啓明肆筵稱觴頓首上千歲壽太安人則
於邑曰嗟乎兒何以觴我爲也往而翁以一介

藝山館文集卷之三

壬九

三百五

羈旅越在漢陰翦時荆榛蓬蘽以有寧處儼然
垂臺之年以是藐諸孤遺未亡人翦焉如綫惟
隋越顛覆無以報先君子地下孺子一旦爵爲
王臣邀 上寵靈褒及泉壤未亡人亦藉餘榮
躬被爵服是天憫先君子而植其孤也孺子欲
光而世其夙夜恪具共圖報 上恩以無墜厥
考之間未亡人不亦永有辭於世何以觴爲啓
明頓首受命退則謀諸史行史行曰太安人之
志念深哉儒者言天人之際若應影響呈操右

合之吾於太安人信焉夫敬姜之訓以爲瘠
土之民勞而思善沃土之民逸而忘善此言人
事然天道禍福亦各以類臻此無異故凡物勞
者必堅堅則茂逸者必華華則零此天道也今
夫桃李植根中園流耀九春豈不菲芳然鵲鳩
一鳴而菱霜從風上逐飛蓬何哉沃也松栢在
嵒巖之上臨百丈之谿湍流之所澹激烈風之
所撞枹輪困鬱結曾不得與朝華比秀及至墮
冰飛雪百卉具腓柯葉青青長於百木則得之

藝山館文集卷之三

壬九

三百五

瘠且勞也故世稱憔悴而貞者必曰松栢稱大
年不凋者亦曰松栢稱枝葉茂衍相承母替者
亦曰松栢此天道也彼太安人亦然方夫君卽
世挈啓明伯仲而授之內無強近之親外絕紛
梓之援維是孱然一身當周氏之百六陽九而
存其宗祊獨鵠晨號離鴻夕操孤鉤寡珥歔歔
摧心亦甚悲矣乃今顯膺渥貺錫有徽稱霞蜺
垂衣珠翟結佩又甚愉矣天所以勞苦太安人
而報之福豈不彰彰著邪而太安人曰此天憫

先君子而植其孤也又何其冲挹不自有也意者以是最啓明俾無忘先志啓明其尚念之啓明才儔博雅爲世文儒而益以吏治且日進在上列翊贊熙朝流聲垂耀考公之名永著琬琰而母亦與有榮施綿於西池之算而渥於九命之褒太安人之志念深哉啓明唯唯入以告太安人太安人霍然喜曰史乃知天道邪兒趣觴我吾志畢矣

穀城山館文集卷四目錄

送大宗伯龍江沈公子告南旋叙

賀撫臺對泉李公入爲少司寇叙

送冢宰夢山楊公致仕叙

賀開府中丞理菴蹇公晉陟廷尉叙

壽御史大夫印川潘公七十叙

送撫臺月峰孫公入爲少司寇叙

送藩伯楚築傅公上南京光祿卿叙

壽別駕玄圃吳公七十叙

穀城山館文集卷之四目錄

乙

一百五十六

壽封君柱山賈翁八十叙

穀城山館文集卷四目錄終

穀城山館文集卷四

東阿于慎行著 門人郭應寵編

北海董可威 天中李時綬校

都門李本緯 男于緯重梓

送大宗伯龍江沈公予告南旋叙

今大宗伯龍江沈公當萬曆初載以從龍舊宇
日侍啓沃已乃請告家居至八閏歲不出上
思公甚下尺書召還講幄擢掌邦禮且及大政
公念受上特知入曹嘆曰臣無似以章句備

穀城山館文集卷之四

一 三百五十五

講讀未有分毫可以稱塞而拔置六官位在百
僚之上上之遇臣渥矣所不矢節首公而徇
人阿世以便已私有如日於是召諸郎吏歷問
積習宿蠹有當釐革者次第奏請報可以行至
事涉書近格於令甲輒如金石不可燒曲故公
在事五年南宮之政煥然一新其大者可二舉
焉初藩府名爵主在儀部往復核報胥吏並緣
爲奸多所枉濫公乃簡郎吏校閱於月日名爵
析及臺臣歲終籍所覆奏布在列藩後有陳請

主者按籍以復無事核報爲也諸藩故多橫乞
且有與主引繩爲難公一切按成法以請卽

上意所欲予不爲更牘如秦以支子嗣封請王
其弟唐諸姬非詔所選子請名封公至手條例
秦覽詔報曰宗伯議是第一許王請後不復然
也諸藩心憚公毋敢有橫乞者當公初拜時言
者請增從祀下九卿儒臣議議多有所主公毅
然爭之以爲俎豆賢聖之側爲世立教一不當
輿論有遺議於後人非所以爲先正光寵也乃

穀城山館文集卷之四

二 三百五十六

酌羣議以請雖不盡用而談者是公 太廟時
享諸王功臣配食殿上 至尊祿獻其前公以
爲非禮乃按舊章議奏遷諸兩序使勳爵獻焉
郡國用文學典校直指明操其權所錄上藝文
名出土子其實主司爲也公謂此近於謾夫額
傳盛典士方委質自獻奈何以謾進之請如嘉
靖初故事遣內吏出校郡國部使母有所與錄
上士文具以質奏母有飾也又以近時文體日
趨奇譎使士習不衷政化抗收慨然念之乃爲

疏請取弘正以前經義純雅者班諸學官爲幕式學使歲上所校禮官郎評駁卽有浮詭不經以差次奏行其罰而四方士瞿然回嚮諸所論著寢彬彬有古風矣間嘗質公大宗伯之職難在宗藩重在祀典要在學校三事舉而他可坐收也公曰不然有大者在今儲宮未建中外企踵吾嘗力請而未獲也又潞府告成之國有法而燕趙之郊野有與草舟車殷賑胡以供命二事第舉於職事無款吾乃敢言歸矣蓋公天

蘇城山館文集卷之四

三

三百廿四

性冲澹於世俗紛華一無所嗜強起至今官不樂久仕居常輒嘆舉世營營在得失排譽之間算計錙銖數十年後皆成塵土何爲役役不休其志念如此公在位一歲中嘗再三請告告輒滿數月至不得請乃出故論三事語云云未幾公有私戚蒞鬱鬱無聊稱病乞骸骨因白之國故事制曰如請已又以建儲言制曰須詔於是公曰吾事畢矣乃復爲奏求去至五六上不止上不得已乃予告歸賜乘傳及道里費詔守臣

蘇城山館文集卷之四

四

三百廿五

偵尚書起居少間以聞且發使往迎矣公又爲書辭上惓惓於保和慎德早定國本曰臣誠無以報塞幸上一聽臣言臣伏在田間沒齒不朽以拜奏之日行公爲人言有壇宇行有防表取予辭受嚴於一介而和粹冲夷喜愠無迹蓋純然金玉君子也廷士大夫以上興建大業有清操厲廢之臣師表一世而使之鴻飛鵠舉翔於青冥則相與咄嗟嘆惜以不能留行爲恨而不佞行解之以爲大臣之義有去就而無遠邇夫得時則駕不則違累此小臣之節也乃若股肱腹心與主爲體精神志意無之不通卽從容密勿輪運化樞其誰謂近屏迹山澤以其高風直節陰衛社稷其誰謂遠况舊學親臣捧虞淵之日者哉昔裴晉國在洛每大臣入見上必問度安否趙平叔退居睢陽以憂君愛國爲事至集古今諫疏奏之觀二公雍容田里與人主呼吸相關如此何有遠邇公家睢洛之間二公遺事有可做矣旦日上且下璽書授公大

政與築岩釣渭之老比隆埒迹不置漢唐之盛則豈以今之得請爲快邪故事太宗伯出祖僚屬致辭諸大夫以請行從公館下親炙有年邇得事公於曹習知公所建置皆關大計可爲後法故不敢以熟語進而卽所覩記以代贈言且令諸大夫有所考質以無忘公功於是乎書

賀撫臺對泉李公入爲少司寇叙

嘗讀漢史記曹相國之用齊也遭天下初定以清靜不擾安集百姓如齊故俗入爲漢相循鄒

欽山館文集卷之四

五

侯約束無所變更卒成寧壹之化愚以爲善治之臣要在培養國家元氣而不馳於名迹故平陽之烈爲漢宗臣而世之議者異是守土之長以綜核見稱執憲之吏以文深取最此溺於名法而治體昧矣天下有事萑苻之藪未靖五刑之籍無所據而受成則資綜核文深愉快一時譬之揚湯救火非其質也及臻明后御宇四極安瀾典章顓一雖有聖智無所施材負技不試以爲約結乃始紛紛布厝繁稱文詞多其條教

欽山館文集卷之四

六

志在一民民乃滋擾夷鳩之署奉司空城旦之書文致周內密於凝脂毒於秋荼而民益遁矣夫綜核文深救乃如此於曹相國之已事何如也今上德澤鴻龐湛浸萬宇歲丙戌大計對泉李公以晉左使入覲治行醇茂有長者風舉爲第一卽拜殿中丞開府東省自闕下受策以往故事方岳二千石以下奉中丞要束事從關決不得有所出入公始爲寬大提綱挈要備而受成使上下諸司皆得從容展布各以其意奏功而徐責厥効卽有不任輒以時白罷不使敗羣故吏奉公之法廩廩相戒毋軼於鈎繩而深山巖巖之氓日膏沐於公之歲澤而忘其所自其引大體若此公至之明年秦晉三河方數千里民無半菽齊之西境如之秦人飯石晉人飯埴汴人之殍以車量以谷受而齊之西境無轉徙者又明年江以南大水旣而大旱吳中太湖盜起江黃之民揭竿而嘯豫章之民譟而遏糴而齊之西境鳥不夜鳴戶不外閉徼道于輶之

卒把臂而遨然則臨淄以東穀擊有摩衣履天下固自若也茲豈非清靜不擾之福哉三載報政上賜璽書褒公爵其先世無何右司寇缺以公爲右未代左司寇缺又以公爲左代至公乃入云或謂公治齊之政豐矣入佐邦刑職在糾慝懲奸以遏寇讐意者清靜之理有所不入乎愚謂不然方今主上仁明垂神聽斷大府之憲信如四時法吏謹奉三尺足稱明允無用煩急爲也夫大國大都之中譬之溟海珍怪萬

穀城山館文集卷之四

七

三百三信

狀無所不有受而容之奸乃不作曹相國之以獄市爲寄也至見人有細過專掩匿覆蓋之得大體矣公守此意致而行之使肺石無隱棘林不寃國家元氣可以滋培豈特河濟三州饗清靜不擾之福已哉公之入也侍御傳公實按東省爲祖道濟水上徵贈言焉傳公誠長者與公同志公行而傳公留如公在也或謂撫職保釐按職糾適其體若異此又不然墳簞異音同於調律監梅異味均於和羹柰何其二之也雋北

海之語暴公子與蓋公之說曹相國其指亦豈異哉敢以贈公因爲傳公獻

送家宰夢山楊公致仕叙

聖上勵精圖理茂延耆碩乃召宮保海豐楊公立爲太宰使翊化樞羣工勸職庶政咸和太平之業爛焉公以年至請老連章累牘數歲不允今年春月掩關堅卧疏請者三詔留者三若曰朕方倚毗舊德以率羣僚君無舍我公伏枕頓首謝又上疏言臣老矣妻子憂臣病憊日趣臣

穀城山館文集卷之四

八

三百八信

歸幸上哀憐之天子見其誠懇報曰朕重以職事勞君其從君請以成厥志使中謁者臨賜寶楮爲道里費使封人給六傳以行使長吏致車徒稍廩歲以爲常使內史賜之策書爵其四世一品煌煌乎完名茂烈震耀前聞已九卿寮案進而賀公因曰昔周官太宰掌建邦之六典以治萬民故六官之職分屬四時而宰獨稱天以能備四時之氣而成歲功也公以三朝元老陟爲天卿日惟孜孜奉公簡天下之材賢而

布諸中外惟我二三卿士與自田間亦罔不和
衷一德以佐下風繫惟公之功是賴若在司徒
歲比不登民無渙志則有綰符之吏布宣德澤
綏輯黔庶亦惟公之功若在宗伯典秩三禮上
下以和則有俎豆之吏班叙文教同其風俗亦
惟公之功若在司馬邊鄙不聳戎車罔駕則有
糾圖之吏握鈐秉鉞參於卒乘之間亦惟公之
功若在司寇糾虔天刑肺石無隱則有比讞之
吏滌除煩苛崇用輕典亦惟公之功若在司空
驟興大役民罔告勞則有鳩工之吏祗慎經營
用不靡於天府亦惟公之功若在内臺總六官
之要以贊邦治則有執法之吏觀風郡國恪脩
典憲無或麗於文罔亦惟公之功不寧惟是治
之將興必有黃髮之老不二心之臣軌物樹聲
以衛社稷使黻泉之上見先朝之耆德有所欽
容而禮使班行之間觀前進之儀刑有所不言
而化蓋詩謂保茲天子式是百辟維公有焉崇
勳駿伐榮鏡寰宇旣已順四時之序以有成功

又能歛而藏之以息乎夷宴而納于冲虛是謂
亮天之工是謂執天之道公曰唯唯否否不佞
奉 上神靈受諸公之成以免于戾今老不能
事事幸 上寬假賜之骸骨使有海上之廬濯
園種樹采菰菰而食之以條然忘其出處何成
功之敢知羣卿進曰不然蓋聞伊摯爲商阿衡
克有成功而不居寵利是陳一德之謨召公以
太保請老同列之臣述天命以留之爲作君真
之篇隆古之世臣主相得元首股肱會爲一體
無有離而不合之時故其宗臣耆耆有進退之
禮無去就之名其邇不昵其逃不忘進不益邇
退不加邇何者其交固其義深也自世之降上
以名爵御臣下以寵祿事主鮮有登延之禮止
足之規乃始侈掛冠之榮紀懸輿之盛談都門
之供帳誦綠野之遊邀以爲覽千仞而凌萬頃
矣盛世君臣之義其不如是吾聞上有所倚信
之臣不得已而成其志則常有不盡之眷下有
所知遇之主不得已而虛其意則常有不盡之

忠 上既不能奪公之志而隆其寵數以示不盡之眷此三代聖王之御臣也有如商之阿衡周之師保一日去樞機之地比於解懸釋負泊然忘之大義謂何公必不然公卽涉乎不宰之域而憇於無營之宇顧瞻周道瞻懷闕庭意必有不盡之忠焉朝廷設有大議遣使臨問受所欲言公得不著書條對如膠東相國家有大利害莫所適從公得不便宜上奏如富鄭公無已上思宿德元臣迎置朝堂與共軍國之重公得

以行主石室史使書諸牘以藏

賀開府中丞理菴蹇公晉陟廷尉叙

國家建都北平漁陽盧龍在背肘之間正統以後始命御史中丞開府薊門控二邊之險隆慶間制府譚公勦建敵臺部十二路將畫地列屯威將軍練越兵戍之二千餘年寢兵休士無烽舉燧燔之憂矣而越兵剽猾工爲前卻守備或弛議者因歸過二公爭敗其事而兵又卒不可遣自制府以下日夜借箸籌者不在虜在兵亦竟未有決也夫越兵信多無藉旣已用之可無更駕而御假如罄控失策卽幽燕突騎寧足賴乎今遼左日脩闔具與東胡烏丸爭一旦之命上谷雲中以徃歲出金帛啗虜幸朝夕無敗乃東北引弓之民獨愛隻矢於薊者二十餘年斯其效可觀已法有所救而無以善其後徒舉而委諸權首焉豈勝算哉 天子憂勞邊事思得才望大臣與共匡攘之略於是中丞理菴蹇公以三吳兵使開府薊門萬曆乙酉秋也公旣宣布

詔書申明要束使軍士大夫各有程式曰敢不共則以明年春出行塞上按譚公所建臺堞東西延袤萬雉相望躍而嘆曰是金城千里之險也何謂難邪問兵食守禦狀臺設越兵千夫長一人百夫長一人旅長一人執戟二人千夫長月食錢三千減其六之一以食旅長減旅長三分之二以食百夫長減百夫長六之一以食執戟之士邊卒給薪水二人月一鍾如故公曰此乃所以不御也千百夫長技能何以遠過執戟之

蘇城山館文集卷之四

十三

三十五

士而倍食如此使三長而共二卒何但十羊九牧而以爲中都官漏卮也于是議汰之千夫長一人主敵臺百分而爲兩旅長主之析而爲十百夫長主之而以所財餉金增募越兵足五人之數使臂指相得而首尾無衝決以爲便計輒具疏上其事未及竟而會主計郎告訕以他餘金假越兵一月食頗不復其額諸越兵當汰者咸甲而譟以爲且減其餉也督帥提重兵壓之邊人震恐公夷然不問第令所司發見金錢給

諸越兵如故不得有所侵牟而檄諭諸越兵趣還乘障吾無所問不將盡醢之無難諸越兵聞命立解散乃爲密記授部將某使禽其魁四人懸首轅門下越兵聞然惴伏無敢仰視卒如公所畫矣公持法嚴無所假貸居常謹烽火遠斥堠慎於興作卽有鋒銳喜事指畫居間終不得用在鎮三年虜不近塞卽甌脫屬夷小侵盜邊無所亡失裨校以下則已反接請以諸將士第以春秋習射獵逐獸兔爲飲食相勞苦無他恐

蘇城山館文集卷之四

十四

三十六

也夫事無險夷當機則斷謀無工拙秉識則審彼智能才辯之士世非乏也惟事有大壞極收勢所必更而首鼠相仗莫能專決以至於敗至吏卒不嫻三尺小絀文罔輒又狼顧鹿駭猝興事端不可收拾旣已動搖欲歛利害如反覆手則漂然喪魂惟不得徑實而伏焉平時鳴劍抵掌口吻當世竟何如則是無他故識有所滑而事昧其機也夫識涵於堅瑕之際而機發乎動靜之間扁之於輪甘苦疾徐得心應手口不能

言垣之於牛批卻導竅奏刀驕然以中經首之
會此得之動靜而蹈于堅瑕者也其中無滑其
外不昧故識全而機不傷公深於是道故能善
二公之後而救其敝如此薊門去京師近公所
安輯杆禦聲援如馳 上益習知公才思大用
之會廷尉平缺九卿惟可者以公名上有詔召
公矣嘗以爲豪傑之士欲任天下之重施諸不
朽必有所暴於天下以試其才而後上下交信之
不置自所覩兩大司馬如銅梁張公定武林兵
民之亂兩浙按堵曲梁王公爲南都郎吏振武
之役勳在盟府以是受知 聖主舉輓樞而昇
之若出獨斷非素有所試烏能乎兩公皆試於
南而考成於薊公茲於薊試矣 上爲公久暴
露兵間故召公目登九列用三尺法持平少休
息之出而制府入而司馬有兩公故事在非公
誰屬任邪兵使郭君子君將取祖道采之言也
以獻

壽御史大夫印川潘公七十叙

穀城山館文集卷之四

十五

蓋天將篤佑人國茂迓隆平之理則必有老成
耆舊之臣以敷歷中外匡濟時艱使其望可以
壓塞羣志銷不然之萌其才可以捍禦大災垂
不世之績此其人皆氣運所鍾非偶然也然非
積以歲月閱以勤勞艱出於備嘗而業更於屢
試則其才亦未易就而望亦未易成蓋所謂將
降大任而拂亂勞苦之者誠有徵乎當成周之
隆有太公望者入爲尚父出而賜履於齊以主
五侯九伯之征有畢公高者入爲太師出而保
釐東郊以輯成周之衆此皆所謂老成耆舊之
臣也漂說七十歷年四世其所備嘗而屢試者
蓋已盡夫人之所遭以至黃髮皤皤爲國元老
豈偶然哉太子少保潘公當嘉靖之末以御史
中丞與朱大司空同治河隄開南陽之渠其後
再起行河築隄淮口淪海門之壅維是一輩之
流舳艫相繼灌輸天府盡潘公之功也而公入
爲大司寇當故相受法才豪並進頗有蜚搖之
語震於有位人用洵公手疏具奏爲 上白

穀城山館文集卷之四

十六

金三

其不然至爲他語所中策讓司寇司寇頓首受書退而待罪田間不自白也然上竟如司寇指於煩言多所報罷廷中賴焉久之河決梁豫自白馬金隄以往騷然震動茶城之渠塞舟膠不前上遣使者持節從四部吏民周爰行視皆言司寇冒河司寇誠來功乃可就也使者具以狀報上乃大悟立發使起公於家卽拜御史大夫建節河上在廷之臣無不洒然變色易容稱主上聖明若有天啓者而公頓首受書曰臣不佞不能適於時議今陛下棄過錄用起諸田間念無以稱塞惟是躬操耒耜以從波臣之後敢不惟力至則以舟爲廬以櫂爲馬往來河淮汶濟之間視所當開與所當塞條列以請朝入朝報夕入夕報間一歲所而河之上流決者以塞茶城以下塞者以通萬艘北上疾於迅矢天子嘉悅下詔勞御史大夫以金府金幣賜焉而公以歲庚寅年滿七十矣東省四道大夫治齊之南境皆有職事於河將以公之誕日

稱觴登堂爲公祈年使問言焉不佞魯豎儒也家於河濟之間習聞公之休烈其敢辭大夫之命蓋公自釋褐爲御史執簡肅皇之世敷歷中外餘四十年以至於今儼然賜杖於朝稱老成耆舊之臣固非偶也四十餘年之中其樹勳建書半在河漕緩則入列兩都委蛇樞斗之地急則奉尺一之書以與天吳水伯爭元元之命於風濤決滯之間而中間所遭際經時事之多艱如此可不謂更於屢試而出於備嘗者邪可不謂天之所錫以佑我國家而迓其隆平之治者邪而又何以祈爲請言其徵今夫泰山之阿秦帝之松在焉嵩高之趾漢武之栢在焉皆數千百歲物也彼其竦於造天之峰臨乎無地之谿雨露膏沃之猶是霜雪漂灑之猶是烈風迅霆呼號而震撼之猶是湍流迴波澹淡而推移之猶是而後能有其大年以並壽於喬嶽此何故物不艱不貞不貞不久蓋天道也今夫中園之苑李含芳咀華芬鬱猗靡睇於春陽之景濡於隆

露之英非不曄然茂也列風興而華凋龍火流而葉隕其能與干雪之姿較脩短之量乎公旣已更於屢試而出於備嘗可謂難且貞矣擬修年於壽類是且爲寔靈是且爲大椿豈特二嶽之松栢然哉往者主上以一善之流歸重於公賴天之靈四瀆之水隨公而西之海上主上憂不在河而憂在廟朝之間者揆未壹流風未醇計且進老成耆舊之臣以表正百僚鎮浮返朴則任將有大於此者焉諫公之年比於公

穀城山館文集卷之四

九

三百八

望公高其猶未也天其以公佑我國家使比隆於周道則陰持而默相之以介其壽祉無俟祈矣雖然詩有之樂只君子殿天子之邦以爲公頌以爲國家頌又有之正是國人胡不萬年以爲公祝諸大夫其謁焉

送撫臺月峰孫公入爲少司寇叙

方公爲御史中丞總領郡國而值長公晉爲太宰也其年島夷擊并三韓烽舉遼陽震動燕齊之境東省撫臣以兵事召廷議請遣素貴重臣

穀城山館文集卷之四

二十

三百五

能安輯元元者往撫其地因修負海之防上乃命公曰予有世臣克祗率廼祖考之烈其往視朕師公率爾書以行馳至濟上則屬諸大夫而謀曰螽斯島夷敢行解亂不爲三韓也齊之東部直達萊海上時繼肘腋之區其西部控扼漕渠是號吭喉之地事且急矣中丞奉璽書來無亦一二遺摺不能安輯以負任使豈惟折衝是爲大夫其圖焉諸大夫受命惟謹乃下記二千石長吏勞苦父老一意勸勉子弟從事南畝疆場之事則有司存于是周爰審畫圖上方略置裨帥一人焉與之淄川之卒使介吳越之余皇屯於東海之濱置裨帥一人焉與之河濟之卒使雜郡國之技擊屯於漕渠之會置裨帥一人焉與之六郡良家之選使奉公之桴鼓屯於歷下之營以朝夕應卒乘而練焉閭門之政軍吏無不肅有轅門之政文吏若罔聞者則公所安輯者也已而島夷潰師青海之烽告息公乃以少司寇召入公蓋公嘗佐主爵柄銓當

嚴政之後而沈滯之賢畢進又嘗佐內受計當寬政之後而浮淫之蠹畢除一時風米聲猷固已暴著朝野而懸隆替之符矣上獨以東方之急借公期年幸而海波不揚又若不釋於太宰之去而亟收於公者其將使阿衡之地顏行而賦常華豈惟是司寇之政急於東方而以我公歸乎明興二百餘年所稱公卿世族貴顯盛於一門則中丞公之閥實爲弁冕談者謂其父子質行似西京萬石君而公於行爲丞相慶

而無所不盡者難斯二君之長也方今風會所趨士之鋒銳喜事恢詭務名未必如元朔天潢而錢有其萌法官深鑠之中雖微投蜺貫虹之兆如建寧熹平所紀而不可不防其漸此其憂不在疆圉矣有如進而居二君之任意亦從容鎮重端軌示儀以默息羣器而偕之大道乎豈其以明作爲材也即有大議大政係國安危無亦發憤輸悃以圖社稷之利而進退以之豈其以敦大爲體也故兼乎二君之長則明於甘苦之機而操乎闔闢之紀惟公能之繫一上意有進于是昔者君牙之命曰惟乃祖乃父世篤忠貞今命爾予翼纘乃舊服無忝祖考烝民之雅述王命仲山甫式是百辟纘戎祖考王躬是保世臣馮翼周道所由隆也公入爲股肱喉舌將光大烈祖考之明德以對揚天子之不顯休命詩書所稱胡以加焉何漢臣之與有送藩伯楚築傅公上南京光祿卿敘國家旣罷中書之權則分其都省爲六以受方

國之政於內而改其行省之在四方者爲十三藩司以總郡邑之政於外故今之藩伯卽前代所謂平章左右丞之職而非若刑法兵戎一司之任也撫臺未建藩伯入爲部卿撫臺旣建藩伯次爲開府蓋其甚重如此而近事乃有稍不然者臺省貴要之臣進列棘寺則部卿開府如取如携十得六七間而及於藩伯十乃得其三四卽又以談兵自效者參焉以古方岳使相之重視內吏若少淹者 祖宗設官之指其不然哉其不然哉愚嘗以爲郅隆之世其論官升賢貴在紆徐容與而不迫於歲月而其仕人之俗亦若樂於遲鈍安恬積資累勞以待其至而無厭苦欲速之心此非矯也誠以爲公卿大僚任天下之重必出於閱歷而後可耳何也事經於聞見則耳目易周遇習于繁難則機宜易運故其進而任天下之重動有所考據而母能困之以所不知事有所匡持而毋敢搖之以所未試則非出於閱歷烏能乎而世之君子官遷稍帶

各往往憚於煩印而有不屑之容罷於倥傯而有不妥之志故雍容之風日鮮而老成之効固幾也此何但關於人材而已耶愚嘗執此以陰求天下高明遠見之士其必有不樂於速化而自期以天下之重者焉往者楚築傅公爲天官子部之長且內轉矣一日出歷監司往來江蜀之間可數歲月而晉爲東藩之使又歷數歲月至滿考奏績受八命之錫於朝而猶未遷也雖其登籍之日尚新而資則已久談者每致嘆焉然吾聞傅公懷朱握壘立於百執事之上秉燭治書戴星眠事而無有不屑之容以歲之不登水旱虫蝗之災周流六郡一以爲振貸以爲均輸而交嚮其利乃者與師海上閭左七科飛輓載道赤囊白羽馳軍府霧集省門又一一補苴而酬給之而無有不妥之志蓋公之以久次爲益已而不樂速化如此所謂高明遠見而自期以天下之重者於公覩焉癸巳五月南光祿卿缺主爵上當拜者名乃詔公往行有日矣三

司寮索取祖道齊城門外而疑其執爵之辭走
使而譏諸野野人何知獨嘗謂公無險夷循軌
則至形無纖巨觸目爲真世不患處難患非所
更耳昔者絳侯釋織蒲之業百戰而賜執珪平
津離豕牧之羣六十而奉大對於天下之故宜
熟也及其進爲丞相問錢穀決獄之數至於汗
流浹背不知置辭而曰君獨不素教我對朔方
之役爲言生所難十發而不得一謝曰東齊鄙
人不知其便若是此二公者於大體則云爾矣

穀城山館文集卷之四

壬午

三百世君

而不可不謂困之以不知挫之以未試也彼其
起于文學武功之間以取貴近固未嘗披簿書
之勞積歲月之資其有所不知與未試誠無足
怪而後之君子苟欲徵旦暮之聲榮而不計深
遠之便宜國家之福哉以公之閱深歷遠進
而任天下之重出制一方則坐照吏民之上而
郡國受其福入叅政本則拱挹廊廡之間而
朝廷享其益何也以其無有所不知與未試也
蓋欲致雍容之風收老成之效則莫若使部卿

開府皆更治民以考效而勢有所不可則
列內外之員而亭其淺深多寡更迭而用之
拜某官內用一人焉暮拜某官外用一人焉常
使其淺而少者與深而多者相當亦足以憂內
矣何至爲之三與七而猶不勝哉傳公故爲銓
曹又內轉無所避旦日詣闕幸與故僚友謀之
必有爲人材治道計深遠者若夫留卿之拜其
義若假道然未至白門且有再命毋庸致辭可
也

穀城山館文集卷之四

丁未

三百世君

壽別駕玄圃吳公七十叙

往余遊宜興吳詹簿君習其家世而知其伯兄
玄圃先生長者也始吳爲晉陵鼎族自文肅公
昆弟以儒術貴顯益昌其閥先生爲公猶子垂
髻受書與萬大宗伯王別駕同事荆川先生多
所聞於性命天人之韞以其餘爲經生語諸治
經生語者則遜謝先生弗敢均茵席矣而先生
從京兆舉顧數不利以明經貢入太學一試爲
令城楚之嘉魚民有寧宇楚使者譽諸朝再試

爲東萊別駕能佐其守丞治負海之民歌舞之
然先生有母夫人春秋高矣於是稱曰夫背親
遠遊豈不爲祿養哉今壽母在堂不得朝夕上
食視其寒燠卽穹顯乎何居則投劾自免去奉
母夫人以九十終焉先生業旣不究則取平生
所論著以授諸子而侍御君輒第以貽諸孫而
文學正志輒舉先生亦不爲滿志而益適其適
翛然游於塵垢之外矣去年丙戌侍御君以豐
城令召拜今官今年奉壘書出按河東塩筴而

穀城山館文集卷之四

二十七

命三石

值先生伉儷壽咸七十以十月誕辰取道里門
觴焉詹簿君使其弟祕書請曰以不佞兄弟托
在群從之末仰伯兄之友弟今伯兄幸荷天靈
享有眉壽侍御持節歸也維不佞兄弟亦與其
麻光敢請佐觴之辭余旣與詹簿遊而又辱交
侍御君父子固甚願祝先生而無從則受牘而
進祕書君語曰君亦稔先生之所以壽乎夫造
物有所不盡予於人則其祐必永人有所不盡
取於造物則其受必豐先生之爲儒可以第而

不第此不盡予其爲吏不可以止而止此不盡
取如是者天有以益焉乃今其子孫壽祉何如
哉而先生方且吸精葆和慕至人之遊號其宇
曰玄圃玄圃者閭風方丈之都列仙之所居處
先生蓋庶幾遇焉不知其寓言也請言其真今
夫陽羨之山接乎洞庭荆溪之流號爲鼇畫蘭
舟桂棹容與嘯歌何異於結瑤搗瓊之宇羨魚
飯稻取諸陂塘升越蕉葛出諸杼軸何異於明
霞沆漑之餐月佩霓裳之服越絕吳歛采菱淥

穀城山館文集卷之四

二十八

序

水音極要眇技單曼麗何異於玄雲之歌秦臺
之管一札一行綠綺方底褒進世德垂之篆素
何異於金泥石檢赤靈絳闕之文目夫列仙者
古不朽之名也子爲寶臣孫爲國士崇勳茂樹
醲郁鏗鏘何不朽如之是堂榭爲壺嶠而林藪
爲蓬瀛也亦無必挹陵陽之東拍洪崖之間啖
棗安期受方羨門乃稱憑太虛而躡四遊矣且
吾聞先生步履輕趨神采充盈飄飄然有凌雲
之骨此非夫不導引而壽不輕舉而仙者乎必

書君曰甚善祝已豈惟伯兄某兄弟亦受其寵

壽封君柱山賈翁八十叙

同館同年之相爲親壽而佐以辭戾辰例也殿
中丞嶧陽賈公自遊翰苑則奉其大人柱山翁
若太夫人以從已翁爲博士而中丞以諫大夫
使也爲六十祝翁封廷尉而中丞以大卿歸也
爲七十祝今又越十年翁晉爲七命卿矣而中
丞歌南咳白華以居焉不肖某亦以病免諸同
館兄弟在闕下者閣輔王公趙公宗伯李公韓

藝城山館文集卷之四

五九 三百六十六

公詹尹陳公司寇邵公則咸就其舍謀爲翁八
十祝而使代致之某也受其指以歸逾年而及
翁之誕爲辭往焉蓋同館三十三人之中具慶
而祝至三者惟翁然矣某里子也旣從諸兄弟
謁翁而私所遊從尤數憶翁顏色敷愉綽約有
漱玉餐雲之容其骨體輕舉飄飄御風乘雲而
履空虛其抵掌鼓頰揚扨古今評駁文史如
江河而注之壑汨汨如也以爲年及中壽而
盛若此固已心異之矣及後十年問之顏色

體談說如故也又後十年問之顏色骨體談說

如故也問其飲食遊處則方與故人長老上下
滄浪鳬繹之間爲新聲變徵擊缶鳴瑟引滿浮
白相和而歌入則偕太夫人撥麈盃之醅擲濁
沚之味中丞率其孫子祝哽噎而進之歡甚未
厭也從此而百歲千歲以至無窮奚有異者三
祝云乎哉昔者嘗觀樂啓期之歌而知翁之壽
有道也彼其行年九十鹿裘帶索所述三樂類
皆生人之常非有快意娛心之事而欣欣然彈

藝城山館文集卷之四

三十

三百六十七

琴歌之若不勝其適者此有所以樂也故水不
遁於衆觀而惟智者樂水山不逃於群眺而惟
仁者樂山非山與水之足樂而仁智者之心無
之而不樂也無之而不樂故無之而不壽然則
樂者壽之道也嗟夫世所爲攘攘而不樂者寧
獨貪極竿孤以壽爲戚乎富者戴星出入苦身
疾作倏溺於馮氣形至罷也大貴之生思慮善
否馳騫虧成之域勤心戚醺怵怵而不止神至
殤也多子孫者滑滑而營堂構布苗畬猶且惜

然焦然憂其不聞念至許也以是凝冰灼火其
其天和無壽類矣翁則不然膺素封之殖而志
不留於生產都三旌之寵而色不華於服仰享
千鍾之養而口不問其出處三仕三歸恬然安
之若將終身焉故時而躡屐荷策而眺於山其
樂猶是時而垂竿鼓楫而觀於水其樂猶是夫
是之謂邀樂於天夫邀樂於天者物莫能累焉
故氣不吐納而調體不詘信而固不采練而列
石室不服食而紀丹臺卽且爲大彭卽且爲少

穀城山館文集卷之四

三十一

三十一

廣三祝云乎哉故吾謂翁能樂故能壽也吾
又聞之藐姑射之山有神人居焉能使物不疵
癘而年穀熟庚桑楚之居畏壘也三年而畏壘
大穰感於和也今河濟諸州歲比不登而葛繹
之野獨稱穰熟四方就食者趣之母亦翁居在
焉夫山水扶輿之氣薰成太和在人爲大年在
歲爲大昇翁其益加七箸永熙純嘏以遊于不
老之庭而以吾鄉人樂以吾鄉人壽乎榮啓之
所稱不及遠矣或曰方時事多艱穆清側席中

丞瓌材亮節身係安危翁得無念乎哉日暮詔
書且至意者強中丞一出戡亂解紛以紓君
父之憂是亦擊瓌之遺志也蓋向所受諸公之
指如此而某也甫入山中漫爲里語忘所懷以
進矣

穀城山館文集卷之四

三十二

三十二

穀城山館文集卷四終

穀城山館文集卷五目錄

再壽宮保印川潘公七十叙

送大司空中陽舒公治河功成奉召還朝

叙

壽座師大宗伯璧東林公七十叙

賀大司空後山楊公加太子少保叙

賀諸封少宰趙翁九十雙壽叙

送潘參雲石岑公轉岢嵐兵憲叙

贈郡侯趙庭盧公叙

穀城山館文集卷之五目錄

壽方伯鶴臯周公七十叙

穀城山館文集卷五目錄終

穀城山館文集卷五

東阿于慎行著 門人郭應龍編

北海董可威 天中李時綬校

都門李本緯 男于緯重梓

再壽宮保印川潘公七十叙

越歲戊子河隄告警有詔召宮保印川潘公於家予御史大夫印馳之河上次第興築既奏厥成上嘉不績昭登景貺公乃上言臣無狀蒙被殊渥無以報塞賴陛下神靈守隄之吏幸

穀城山館文集卷之五

無它虞今臣年滿七十願從陛下乞其餘齡

以嚮太平之賜上溫旨褒答若曰朕方倚任舊德將有後命君其毋請公拜稽首退而就列卿大夫士咸爲公稱慶且有祈也時公駐節淮陽淮陽守倪君將率吏士上謁轅門走使長安問所宜稱不佞唯唯公自世廟末年秉玄圭蒼玉行於四瀆之濱前後幾三十禩矣以書河渠且累蘭臺之簡以圖山海亦盈冊府之函而不佞胡以益焉然公河臣也淮陽河郡也請以

河與淮喻夫河之出於崑丘縣圃歷龍門砥柱之險苞絡雍梁踈徐兗而注於海夫淮之出於桐栢繞大復之麓挾汝泗睢潁之水而入於河此其來或數千里甚者萬里遙遙哉風過之無損焉日過之無損焉惟有本也公自冠柱後惠文出入階祀以至於今歷事三朝更歲四紀可謂遠矣計四紀之中其身之所遭與其才之所用固有順風而招迎刃而解謀無不符發無不中如水之炭漫雷湧電奔電舒瞬息千

穀城山館文集卷之五

二

三

里無所礙滯者乎是謂流水之淵亦有舒徐容裔泮魚夷猶迫而後起倡而後和如水之澹淡澄渟淵濔黝深錦摛縠皺風波不興者乎是謂止水之淵亦有事機齟齬塗軌詰曲周旋以濟難遵養以俟時如水之湊趨盤渦澹潏滄溟圓旋成珠方折成玉而始沛然若決者乎是謂恒鯢之淵夫水有九淵此處三焉其幾曰虛而倚靡夫虛而倚靡者蹈水之道而不爲私也鮮在呂梁丈人之遊矣生於陵而安於陵生於水而

安於水與齊俱入與汨偕出然後行日陳於其前而中無所滑焉虛故也夫惟有本者能虛虛者能遠以是涉乎沆潏之津流乎洪洞之渚兼利萬物而上善歸焉矣公之歷遠而成功如此非有本而虛烏能然哉今夫連雲七澤旁流橫漕巨浸滔天霧雨敲蒸二儀沃盪馮夷之所宮蠃蚪之所處一朝而涸厥壤可游惟無本也亦有山谿之潦湍流疊浪飛沫激水若將挾天河而上之其爲臬陸其爲原隰曾不移若

穀城山館文集卷之五

三

三

木之陰此兩者洪纖則有間矣其於無本均焉以公視之豈直吞八九於胃中曾不芥蒂夫易之言試險曰涉川書之言懋功曰濟川詩之言視福曰如川邇公所繇於易書之指其有合也欲祈其年則天保之三章在倪君亦頌焉客有聞予言曰是游於公之津涯而未旣其廣也亦知河淮之歸於海乎夫河淮之流合而入於海渾乎湯谷包乎濛汜輸于無底之谿是謂歸墟歸墟者百川灌之不知其止而不爲溢是間渾

之不知其止而不爲竭此北海若之所以小
伯而公之量似之方且綱紀四瀆比于百谷之
長豈惟是河淮之流故曰汚彼流水朝宗於海
此之謂也不佞惓然意下歛手謝客曰是可以
壽公矣晉方從兩崖之間望洋而嘆豈涉其未
流哉姑述以報淮陽使代祈焉

送大司空中陽舒公治河功成奉召還朝

叙

國家定鼎燕京歲漕由江淮上濟城當兩都之

穀城山館文集卷之五

四

三百卷

中綰穀汶泗以通南北之流故遣河隄大使棟
鉞旄而鎮焉四道監司畫地訓兵環稟節制無
不以河政受職者故非素貴重臣不任卽任不
滿一二歲所輒召入當樞筦矣萬曆壬辰桂林
中陽舒公方以大司徒督漕天子簡其夙望
改大司空經理河渠駐節濟上維時河淮之交
水不相受震及陵邑公乃南浮於淮至於鳳泗
詳議興塞之狀以白於朝遂定兩利之畫用息
羣譴究之北土雨潦羨衍漕渠隔塞民失作業

穀城山館文集卷之五

五

三百卷

公乃北浮於汶至於東原開岡城之防疏戴村
之堰以洩其潰滕薛諸山之泉西趨呂孟魚單
諸邑之滙東趨昭陽夫渠也以距河閉牖甘爲
水壑無可誰何公乃中浮徐沛之間往來相度
而漕莊之役興韓莊渠者卽異日所議泇河也
也自隆慶迄今數議數勘見謂難成而公毅然
任之以有成績于是天子曰予有勞臣實克
捍除大菑以利國計其書於旂勅賜之官保之
爵與御府之金幣會大司空閔書召入焉四
道監司相與齋沐承僮詣庭爲賀公謝弗當也
而揖諸君進曰以大夫之勞幸不辱命今入而
在事責乃滋艱大夫何以益我濟道梅君進曰
惟汶泗諸水會於濟郭以利漕渠某也司之賴
我公之績疏源決流毋有壅潰敢忘公賜漕道
李君進曰惟河流播於大陸經交南境以出梁
楚之郊某也司之賴我公之績洪濤順軌波澤
不汜水濟之民免於蠹鼃之衣敢忘公賜漕道
吳君進曰自汶以北達於御漳某也司之賴我

公之績魯衛之郊澤無澤溢敢忘公賜沂道載
君進曰自泗以南達於河淮某也司之賴我公
之績魚沛旣播沂沐亦導民不告凶敢忘公賜
公曰此諸大夫之勞不佞曷敢專焉雖然何以
光我於是諸君合辭進曰蓋聞有淵覽之識然
後洞必然之畫有一定之見然後規非常之原
皇佐帝臣功施甬夏聲決于茲胥是道也頃二
三歲間西有朔方之師九邊將吏頓刃堅城糜
大農金錢以數十萬東有遼左之役玄菟樂浪
之甥兵車鼓擊糜大農金錢以數十萬計臣方
握算躊躇食不得下一日聞開渠之請其誰不
曰此又當數十萬也濟汶之間惴惴焉若將有
壁壘之屯與朔方遠左而三者乃公獨秉許謨
力持確斷以爲費可五萬而足役可踰時而罷
我二三守吏其誰不高目鐵心以憂其不逮卒
之費不及額公不忽期避沙如批卻渠水如建
瓴而公私兼利國與民交饗焉此非有淵覽之
照洞於幾先一定之謀建於事始亦奚以臻於

是惟是二三守吏不至以河爲兵而奉一綫之
流効諸天府是公之有大造於我也昔者堯以
玄圭賜禹命作司空內宅百揆外陂九澤以一
人之智効一官之能神功茂烈萬世永賴至公
而再覩矣往者河渠之政責在司空廷臣有所
條上艱於踰度有不下河臣核覆者乎河臣有
所建畫遜於獨斷有不請廷臣行視者乎蓋自
是談說稍衆觀聽日淆橈樞或傾築室罔就如
迦河之議是也則是無故百聞不博一見耳日
閱而同異形矣今公出入河漕閱有歲所南則
江淮北則汶濟莫不顧若指掌視如列眉入而
見上明言河之利害以定廟謨河臣有請策
之便否可毋使近臣視也廷臣有議策之便否
可毋使遠臣次也孰若批卻孰若建瓴孰若鑠
冰孰爲畫脂指顧而明矣而况公以精忠宿望
簡在上心方且參鼎鉉之司正保衡之位以
比於禹之百揆二三守吏其猶日在宇下敢不
竭其猷爲以終公績公乃抗手謝曰敬拜大夫

之賜 天子聖明比隆唐虞之際波臣幸而告成敢稱禹績抑備官邦土未弛擔于河事其猶與諸大夫爲墳簞乎魯史于生乃次第其事與語以授諸大夫取祖道焉

壽座師大宗伯璧東林公七十叙

蓋昔者三代之盛其公卿大臣年至而尊於國也不得請而在位則有安車几杖之禮以寵之於廟朝不可留而歸老則有袒割執饋之儀以饗之於膝序是故古之大臣其出亦重其處亦

穀城山館文集卷之五

八

方百千

重此不獨其年之邵也蓋必有端誠廉讓之德超然於出處之際而後天下之望繫焉世之旣降尊賢養老之典旣已化爲靡文而其號爲大臣者乃始以進爲得以退爲失操之則慄舍之則悲一日而去乎位也高者侈賜金之榮以耀其里閭卑者懸署門之語以謝其交游而天下之望之亦若因其進退而輕重焉則貴德尚齒之風微而古道幾不覩矣若我師璧東先生所謂超然於出處之際而兩關天下之重者非與

穀城山館文集卷之五

九

方百千

先生以經術名家發跡海上當世廟臨軒大對稱旨褒居首第造班詞苑橐筆史局歷南北辟雍之長所埏埴天下之士幾盈主爵之牘參陪春省七更歲事所周旋郊廟朝廷之禮宮闈藩國之儀幾溢蘭臺之簡計其地望旦暮褰大政矣然先生以虛游世以正守已其於私也穆然其無營也其於公也脩然其不滓也方江陵棟政薰燎赫赫二三纓綬相與驚奇闔捷以求一當而先生以館署舊遊地聯禁近在官言官在朝言朝終未嘗私交一揖間進一語若不可得而親踈者無已而以久次南遷列在斗樞之位則已浩然決策鼓楫度江上言求罷矣及江陵之敗平時人地疏邈無故而小前與指目居間有故而不得不遠者又皆自化於異同之形妄意於倚伏之理蓋連翩而進者永蒸濟濟疊跡乎赤墀文陛之間矣而先生方且堅北山之盟理東臯之業築居郊野掃軌長林以與田史里父遊歌步屣其間頽然若忘淵然若默以

故式間行部之使雖皆浮慕其名借光荐剡而亦無能知其故者以先生出處之際觀其所養可不謂有端誠廉讓之節者耶方諸與世浮沈悲慄於得失之境相去何如也蓋自先生之歸十有四年而仙臺之災已開八袞之第一門人于生亦已謝病自罷隱于穀城之山南望闔天且將萬里勢不得縮地而掃門焉獨幸居臨大道日聞車馬之音間從海上來者敬問先生無恙爲道先生顏日益渥神日益王上下山阪不

所爲進退交重者而先生之年德且與之爲三矣過此一紀則師尚父進丹書之歲又過一紀則衛武公陳抑戒之年敬義之訓淑慎之謨上可以傳帝王下可以惠庶士先生所韞藉則然以之肸鬻明時而兩闢天下之重寧可以數紀耶門人不佞以魯詩舉於先生請以詩進於是南嚮布席逆風而拜賦南山之首章取邦家之基也以蘄先生於國賦鳴鳩之四章取國人之正也以蘄先生於里賦有飮之首章取穀之遺

孫子也以蘄先生於世世已乃次第其語因弟子之問俗於閩者獻焉

賀大司空後山楊公加太子少保叙

天下之事莫難於兼圖其利而無所容其害兩要其益而無所受其損此非才智之所盡也事未有萬全者也利有所主而或不能無害吾從其利而規之益有所歸而或不能無損吾從其益而謀之輕重多寡惟其分量才智可爲也惟夫事機叅會職守錯陳彼亦一利害此亦一利

害彼亦一損益此亦一損益衡其輕重則鈞石不相懸量其多寡則區金不相蓋於此而建兼利之畫奏兩益之績使上下皆宜公私咸賴此古之聖臣皇佐所爲懋平成永賴之烈而不盡出於才智者與 國家定都燕冀漕轉東南蓋其襟喉之會故在河淮之交嘉隆以來二三鉅卿躬棟畚櫓以有事於其土至殷賑也戊子之役今大司空楊公實鎮淮浦固已抗疏借箸請濬河導淮使泗上陵園免於洪潦時弗能用也

穀城山館文集卷之五

十三

三

其後數年河流日填淮流日闕陵園受水左磯爲池于是泗人告急請洩其壅而淮人防患請固其陂轉漕之臣憂其病運而煮海之使慮其瀉塩甲可乙否左方右圓發言盈庭莫之能執主上側席而咨是實徵予疇其往又廷臣舉公前畫乃從南臺大夫晉大司空建節河隄公因日夜疾馳環視陵泗周涉河淮廣詢博諏條上便益以爲泗所爲溢者淮不能出也淮所爲閼者河無所殺也誠關海門之口則河有所殺疏

穀城山館文集卷之五

十三

進

黃河之流則淮無所闕而陵下無恙矣便二河漚循軌不相凌軋運艘踰淮易於逆輓便二河淮既分遊波寬緩三洲之間百城奠居民毋昏墊便三河通海口鹽舟出場道里徑易國課宜克便四疏上是者五六疑者二三而 主上獨曰司空議是也其遣給事一人往視厥役使亟成之四部吏人聽於司空惟所謂度公由是有成功矣其洩淮也建五墩之牌壩高良之澗開周橋之隄濬金灣之渠以達於湖其分河也淪

而成之而無所柄鑒於其間此非有蓋世之才
絕人之智其將能乎岱畎生曰固也公之所縣
底績其不在是夫勢之輕重才之短長數之多
寡智之小大皆有所極皆有所限惟精誠之至
神天神地無所不極解在呂梁丈夫之厲水矣
其言曰始吾之入也先以忠信及吾之出也從
以忠信忠信錯吾軀千波流而不敢用私故不
必巧而有道術也彼才智之士世豈少哉其所
謀慮經營雖出於公而不免有用私之心巧殆
於金注力燁於墨守故弗全也惟精誠之至知
國之有利害而不知利害之在已見事之有損
益而不見益損之在人故能定必然之畫礪百
折之鋒兼利兩益而計出萬全也天下尊大禹
之功目以爲神若弗可企矣及綜其實亦惟克
勤克儉勞身焦思非真有珥蛇乘龍役鬼沉符
之助也用志不分疑于神焉爾矣此公所爲績
禹之緒以有成功而豈才智之所盡哉東省藩
臬大夫分司兗土皆有事於河功快觀盛美將

旅進爲公賀聞之言也以爲有當書諸大帛庸
告典謁備外史焉

賀誥封少宰趙翁九十雙壽叙

太翁海上耆儒以經術名家官終博士二子受
其學以顯長曰見亭公爲殿中丞仲曰吉亭公
爲大司寇皆世所號忠正儒學臣矣而太翁伉
儷享有壽祉三受封爵兩公追於靡盬之義更
出更處中丞鎮遼陽司寇居侍司寇踐合斗中
丞歸侍於是天下稱 主上曲體臣子之情而

兩公兼備忠孝之道尹嘏談焉無何太翁年且
滿九十高矣有詔贈司寇司寇不啻有詔起中
丞中丞不出爲書謝曰臣兄弟誠負 上然報
國之日長也郡大夫王君舊出兩公門下將以
孟歐誕辰躬率吏民奉璧及門修憲老之典使
來問辭于子輟然而作曰於鑠庶哉大夫之展
禮於達尊也海邦之盛際昭代之榮觀乎夫古
人稱壽至於杖國之年以爲稀矣再浹旬而九
十號爲耄耄此至稀也九十而伉儷具此又稀

也具而兩子並躋卿座同時歸省此彌稀也彼太翁者惡乎托業以及此年耶嘗讀古史及列仙傳以爲海上有蓬萊方丈珠宮絳闕安期羨門之倫棲於其中是爲不死之庭至今負海二郡風氣淳朴民多老壽壽者百歲如近時鍾直指所圖繪可覽觀也何以故東者萬物之始其德善生海者百谷之藏其道多益故方外之真得之以呼吸精和而遊於靈境域內之氓得之以葆完太璞而究其大年故夫太翁之所爲壽

蘇城山館文集卷之五

十六

三百三十八

者地也且天海之所以稱大者以其虛也虛則愈出愈有故萬物生之不知何時止而不息虛則愈內愈闕故百谷輸之不知何時滿而不溢河伯之所望洋而嘆也吾聞太翁之生平矣以道義裨身以貞白基訓以嚴正率家以子諒御人三錫於朝號爲天卿都綬冕之榮御金鍾之養不自耀也非矯俗也居無夏屋出無軒駟跡不及公門刺不通長吏非避紛也施於宗也傾其囊施於里也空其困困者以解縣窶者以壘

火非市仁也出惟讓路坐有爭席翛然而諸生邈然而里父非匿情也琴尊自怡遊歌取適陶然而醉嗒然而醒而已矣非慕逸也不知其所以然而然也不知其所以然而然者虛也抱一煬和以遊于天地之樊而物弗得撓之是之謂虛而委蛇夫虛而委蛇者神集而道舍之可以曼衍可以窮年此安期羨門之所以邀於人壑而太翁有之故不啣咬而康不厭食而延何也能自爲生也此其所爲壽者人也雖然非其大

蘇城山館文集卷之五

十七

三百三十九

也自古國家鍾天地之泰和以有鴻龐淳固之社陶孕區宇導迎元禧則不惟其老成弼亮之臣多受福祉而邇其所出各徃徃都穹隆之算以培厥本根而厚食其報久遠不可忘已耳目所接嘉隆之間則有若淮南李公以元輔具慶則有若吳門嚴公以官保具慶則有若安陽郭公以太宰具慶此皆重封累秩黃眉兒齒而諸公者又皆承恩賜誥親奉修醴故海內望之真若蓬萊方丈然者而未有兄弟並貴如趙氏

之盛也豈非天地交泰之氣首鍾海上之間以
衍國家之景運哉故夫太翁之所爲壽者天也
夫若木之華秬於懸圃冥靈之榦植於介丘故
甄之在地膏之燹於缸也後於迎風露之晞於
陰也遲於向日故養之在人祥飈應律則萬品
咸熙時雨泥塗而百嘉具鬯故成之在天此至
理也豈其以非常之嘏而出於偶值必不然矣
抑予又有所記在嘉靖中安福有兩王公者兄
弟並躋卿座同時考績奉其尊君入都兼封二

穀城山館文集卷之五

太

三百五十五

秩左右扶掖拜恩於朝江右士夫至今猶能述
之有如主上以時事多艱必不釋於兩公而兩
公亦必不釋於膝下則王氏故事在焉其爲兼
忠孝之道愈大而報國之日固甚長矣大夫江
右人也其以所聞於里者頌而爲之駕

送藩參雲石岑公轉司嵐兵憲叙

薊門雲石岑公以萬曆甲午由起部大夫參藩
東省填撫魯衛之郊法行惠覃百吏祗肅兆人
和用臻于寧乂暨歲丙申司嵐兵使闕主爵

歷選列藩以公名請時 主上慎重官遷報可

猶豫及是朝入夕俞不愆於素若有當也公拜
手受命趣裝戒行充屬大夫相顧咨曰惟茲濟
河之間控帶二都幅員千里寔帝股肱之郡其
視晉關軒輶謂何而罔俾我明使君信宿於茲
毋論東方赤子若離於懷卽我二三長吏其何
所稟式以奉官常舊史氏勞曰大夫一何固也
先王設邦建都樹之岳牧豈其人是爲無亦以
地有輕重時有緩急因而宜之量乎其材無成

穀城山館文集卷之五

十九

三百五十六

心也國家定鼎燕冀九塞爲屏一經萬里左則
上谷雲中漁陽遼左東屬於海右則上郡北地
安定金城南屬於羌各遣御史中丞一人建旄
秉鉞以董熊彫之旅晉陽一鎮居其中間如樞
如轂中丞歸重會府兼理兵民塞上之政屬諸
兵使使代行焉秋高月滿授甲登陴監市和戎
延見旃裘之長身與交關故五原樓煩之虜知
有兵使不知撫中丞也暨告成績率以中丞持
節入居會府矣此其地亦重與否何奴左方主

將以貢食我亦以市啗之右方部落以兵嘗
我我亦以威懼之晉陽居其中間惟所向背以
爲張弛左提右挈制其要約呼喻異形俯仰異
狀比其時亦急與否惟公博大疆毅練達精明
直折衝萬里之具第令雍容內服委蛇吏民之
上必不其然大夫相顧而咨如史氏言使君將
建旄秉鉞終惠西土東何望矣史謂否否國之
調劑中外譬諸俞跗胗疾因其輕重緩急以爲
分劑外虛則周其衛中匱則滋其榮衛之不周

穀城山館文集卷之五

二十

佳

榮將安附中土幸而邀天間里夷宴幾有援枹
之警田畯告登亦渺縣耜之憂榮少滋矣周其
防禦以固肌膚在彼猶在此也誠使三晉無虞
燕南不震魯衛之郊罔識羽革不其尚有利賴
奈何以山之東西自爲秦越乎繫願有以獻天
下事本無險夷亦無難易患在鋒銳之士以無
事爲有異異之夫以有事爲無此釜多債轍而
謀鮮成畫也夫惟具博大之器持彊毅之材富
練達之猶懷精明之識靜如萬斛之舟容而不

激動如千鈞之弩發而不撓然後戡難定傾爲
社稷之隸則公真其人乎哉大夫曰史誠知公
獨不知充今者中涓緹騎奉尺一之書穴山錮
澤瑯琊嶧曹之間地不愛寶民敢愛命是腹心
之虞也假令俞跗胗之必不謂輕且緩矣而以
肌膚之憂安公於晉亦或不然請書諸大旆以
俟節旄之至焉

贈郡侯趙庭盧公叙

史傳所術古今循吏在二千石治行最者則無

穀城山館文集卷之五

二十一

三頁集

如西漢矣其時上所委重宣布德澤以成大化
明與二千石共之而詔旨飭厲第在政平訟理
庶民亡嘆息愁恨之聲不望以奇能異效也卽
潁川治課聲爲天下第一亦惟用寬和爲名務
在成就全安曰治道去其泰甚耳至渤海太守
之官自謂治亂民如理亂繩非使勝之固欲安
之也大較期于名實相應有德讓君子之風已
矣而後世牧守長吏企其聲迹若視爲不可幾
及此非才譖不足正在好奇慕異設爲名高務

以過之而反不逮耳上者鋒銳進取厭薄因循
廣作條教繁稱文辭強吏之所不堪而以爲興
舉奪民之所甚便而以爲化裁欲治之亟成而
其究或至于墮下者橋度崇飭以眩一時之觀
而不顧其後至或深文密罔越職踰法竊高第
之賞而民不知恩則名浮而實日虧凡此皆非
才諳不能也第令如黃次公龔少卿以誠長者
處官而政平訟理民無愁嘆可旋至而效矣安
用奇能異效爲哉傳稱次公明察內敏習于文

後漢書文選卷之五

五

三

法少卿爲昌邑郎中令以剛毅大節著聲此兩
公才諳何如流輩蓋有所不用以爲能也譬之
如水淵然黝然壇漫而平流此其餘也激於風
而爲濤軋於石而爲瀨則不足也又如寶玉溫
潤精瑩含光潛潏而川澤不枯此有餘也流離
珂珉望之炯炯就而察之贖焉則不足也是故
知廉平悃悃奉職循理之爲有餘而苛察纖
繞好奇慕異之爲不足可以論吏治而提衡之
哉我兖州使君盧公往以才能卓茂改令吾邑

慈和明允休養生息充之諸屬慕東阿之政莫
不願徙而從焉居不滿朞月而召爲內吏去不
滿五年而來爲吾守充之諸屬無不歡然而望
曰是二十七城皆將有東阿之政也而公前爲
邑時以節春秋受事大府固已習其規繩又從
諸郡邑大夫遊一彼一此無不悉也於是修隊
典舉宏綱釐弊蠹稽章程府以內胥史興臺凜
凜如也於是申要束嚴期會省文法核功課封
以內長吏佐史穆穆如也於是問疾苦裁冗還

後漢書文選卷之五

五

三

簡建繁綬催科閭閻田野戴髮含齒之氓熙熙
如也燕燕如也屬歲之有大稔秋而巨浸滔天
龍蛇起陸春而赤壤千里野有藟蓬惟其所乳
哺顧復而民不告凶屬國之有大役海上之師
加賦以數萬河上之工發帑以數萬惟其所劑
量財省而民不告勞行之三年舉二十七城之
境皆若遊華胥之庭慈建德之埜而踵公所爲
致理一惟廉平悃悃視民如傷無改于爲邑之
舊而濟之畫一以式羣吏固未嘗以文深奇異

自引於繩墨之外也而效乃若此矣假令好奇慕異之流騁其才諳幸旦暮之愉與公算記見效以誰爲賴川渤海此不待巧曆乘也抑又有難者漢法州統郡國刺史監二千石以青而有渤海以豫而有賴川州部中一郡耳至於吾宛名雖爲府實古之一州部也漢使二千石數人焉分之而以一刺史臨其上今使二千石一人焉兼之而以兩臺監司十餘人者交錯而臨其上廣狹煩簡相去何如也今次公少卿以一守

蘇城山館文集卷之五

十四

三百五十四

相之權兼數郡國而代之治能使政平訟理民無愁嘆如詔書所飭厲漢天子何以褒焉乙未正月明堂肆覲公薦皮幣以朝天官御史大夫辟吏奏上充州治行爲郡國最如漢史所稱天子嘉之璽書褒勸俾終厥績以俟後命於是秩且滿矣屬大夫上觴賀公謀諸于子于子謝不敏三因述所爲追跡古良吏者如此而屬博士諸生歌閭官泮水之詩代魯頌焉

壽方伯鶴臬周公七十敘

壽先生以萬曆己卯視學齊魯之間文化大洽士斐然嚮風其後八年以江右左使上計念親踰大壑疏請歸侍其後十年從子益我君來爲吾郡司理從直指行部車馳齊魯之郊以先生之教爲治不佞得望見干旄焉一日介書來告賤子生而顧昧惟伯父之埏埴以有成名罔敢失墜肅皇帝之七祀伯父以生四百三十有四甲子矣頽天之福服食甚健稟家訓之嚴不敢効鍾釜爲壽敢請饋爵之詞不佞唯唯

蘇城山館文集卷之五

十五

三百五十五

異日在告里居睹先生造士狀先生誠長者也今上初服柄臣筦事盛欲廣厲學官與士更始勢不能毋責成使者意本非苛也二三大夫銳於取合揣微象指各奏厥能惟是挾策之士所以汰損摧挾密於凝脂烈於秋荼猶恐不勝若然者多受上賞少有縱舍課殿隨之斯何時哉先生再爲學使南視貴陽中視河洛皆以寬和敷教不尚彫切比三受命而東深惟先聖之墟文學禮讓豈不斌斌有如操法家三尺繩吾子

弟模範謂何周士貴之而貴秦士賤之而賤齊魯之間可爲東周母爲東秦迺稍緣飾初令班爲科條純用德化爲先輔以綱紀躬校六郡品隲藝文因其高下以相裒益間核行誼純駁施其激勸故化洽而士嚮風三三大夫愧焉受賞於朝先生以大體見稱諫亦居最因知柄臣之指未必求多而奉法者過也夫當烈風蹴地長濤拍天鼉作鯨吞萬夫震駭而有鼓柁微吟躊躇四顧者此長年舟師矣曾水峩峩積雪千里

穀城山館文集卷之五

五十六

金

朝旭出海以蘇萬物冬之日也假令遭寬大之政雍容奉官其誰不能惟上下爭爲嚴急以赴權寵而紆餘鎮靜不大聲色坐收老成之名此非閎識定力超然物表其誰能之以此算計見効視三三大夫孰爲贏縮矣故曰先生誠長者也夫不怵于威則無所可舍不偃于利則無所可趣趣舍不滑其和方寸虛矣謂之至人至人之視軒冕圭紱若遺土也是故仕歷三紀位躋八命將膺大簡蓋爲上卿而一日之養不與易

焉此其於世事何如矣今使君謀先饋爵以代金鍾將奚操以進夫齊魯之間襟岱負海天下之山水宗焉而先生爲其士師士且以爲日觀士且以爲滄溟使君奉尺一之書問俗舊履請援以祝可哉夫岱之爲山穹窿崒砢上干玄霄日月蔽虧雨雪儵忽凡峰巒巖壑之奇如見如藏數之無有而後爲羣山之長海之沈涵澆澆吐納萬彙江河之澎湃入焉而藏潢潦之涓滴入焉而受故百谷之委無所遁也此無他其體

穀城山館文集卷之五

五十七

金

虛矣海嶽之體虛故與天地同壽至人之心虛故與海嶽同壽此先生之所參而立也意者使君以日觀爲杯滄溟爲壺酌而獻諸庭侑以天保之雅其庶幾焉卽不能致者圖而侑之以言可也

穀城山館文集卷五終

穀城山館文集卷六目錄

送大司空楊公入掌部政叙

賀中丞丘澤萬公征倭功成叙

賀大司空晉川劉公治河功成叙

賀姊夫都督侯公六十雙壽叙

壽封君梅岡陳翁八十叙

賀郡理益我周侯考績叙

賀邑侯小泉張君考績叙

送別駕楊侯改官東郡叙

穀城山館文集卷之六目錄

送張晉臺司訓為徐聞令叙

送郡理周侯上民部郎叙

穀城山館文集卷六目錄終

穀城山館文集卷六

東阿于慎行著 門人郭應寵編

北海董可威 天中李時馥校

都門李本緯 男于緯重梓

送大司空楊公入掌部政叙

粵歲乙未河淮汎溢蕩泗及漕 上命楊公為

大司空持節臨治明年丙申黃壩渠成二瀆順

軌明年丁酉河決黃壩公乃導睢及徐以濟漕

輓明年戊戌公入掌司空政矣方河事之殷法

穀城山館文集卷之六

宮有警將往受事而冬官之長闕廷臣請補至

再 上弗俞也命其貳攝以聽已而三殿復警

工廼益劇廷臣又請至三 上弗俞也命其貳

攝以聽衆恆且震不測厥繇及是隄徭告息運

艘載上始越五六人召公衆廼大驩謂嚮者慎

於報可蓋虛以待公功云而東省諸道大夫分

治魯衛之間以河受紀相與抃手動容慶公之

以洪勲偉烈昭格 宸衷是有特達之眷而曰

聖主善任人哉于子曰唯唯 上善任官故善

任人邦土之職在天爲北宮之宿有營室閣道以象宮室有天潢江水以象河渠蓋一官云世主殷於居重忽於圖遠故或殫極土木窮壯麗以示威而溝洫之政委諸波臣若罔嘗省非任官也 聖上緩臨御之安急懷襄之奠後揆景之役先春椿之勞以爲疏鑿不可必諸地而修管可必諸人舉其不可必者倚公而留其可必者待公不憚側席避寢以勤天下於本末之宜至審慎也洛水警予疇咨往義土階櫟椅往戒

穀城山館文集卷之六

二 三百五十五

環持如砥柱其法異也然或徃於難成之勢有所卻焉而沮惑於易讐之言有所搖焉而動此內無不貳之精而外鮮必然之畫其誰任之公自塗手胼足以與操蛇珥龍之神爭一葦之流彌歷寒暑備極焦勞而終不以天地萬物易水之尺波法在必導而以母導撓者萬端公弗爲沮法在毋塞而以必塞撓者萬端公弗爲動故其不貳之精可貫金石必然之畫如數一二上所爲陰察而獨契也舉邦土之全而內外付之是善任官因善任人矣嗟乎主之於臣無所不欲任也而有所不敢信豈其始願固然有不必信之志則上弗任有不必信之功則上弗任積於歲時發於瞬息試以苦杪成以丘山下迺日塞上迺日勞至於虛宅牧之官屯密雲之雨國事將如何矣昔者遂古之世主含淳德以御其臣臣懷忠信以事其主一堂之象辟猶一身聚精會神不言而喻信之至也孰使下之以文掩情而呈不必信之貌孰使上之以察行智而

穀城山館文集卷之六

三

三百五十六

不敢信之心兩相激而至此極乎夫張洞庭
之樂神物下降畫長平之策星昂應徵精誠之
至上通於天不可假也故陽燧非鑽木之輝而
景炎自炳方諸無旋淵之潤而明水潛滋物之
精能徹日月而人之誠不喻尊親豈有是哉唐
虞之世禹爲司空出荒九土入宅百揆五官之
業統於一人其任如此不惟其精一之衷祇承
於帝而獨以功能也公起河山之間鍾靈禹之
都邑而續其緒業將以司空進而端揆豈惟夢

穀城山館文集卷之六

四

三百七

卜是爲地文實式靈之故願公之總率羣僚咸
秉不貳之精操必然之畫以陳信於昊蒼激精
於日月而使上世一德之隆爛然復覩也於宗
社兆人不其永有利賴惟公念哉諸大夫聞之
曰昇哉由前善頌由後善祈頌不爲諛祈不爲
昵思深哉舊臣之義乎受而獻諸公以代祖道
賀中丞丘澤萬公征倭功成叙

自歲壬辰以來島夷秀吉憑怙其險慳爲封豕
雄虺荐食朝鮮之壤主臣播越請命於天

遣文武大吏盛徵師徒深入其阻倭徒再北不
支陽爲請款陰濟厥師整居海壖騷不可去必
得三韓之宇而甘心焉廷議宿師有年請且寢
罷上益赫然憑怒以是叢爾蠹賊不亟殄遏
予無以子萬國乃命御史中丞萬公佐大司馬
邢公出討賜之節斧以行公旣受詔馳渡浪水
陳師王庭倭撥四路將吏各殫乃心力鋪敦熊
彫之旅致國之大罰敢或有不共命以干常刑
亦會倭渠秀吉伏天之誅戎心方懈望風而靡

穀城山館文集卷之六

五

三百七

乃使將軍一元要其酋石曼扼諸泗川使將軍
貴蹠其酋清正棲之島山使將軍挺跨其酋行
長陪之栗林使將軍璘呼餘皇而進薄其水軍
矚之海上蠟焉樂浪玄菟之間廓然夷清復爲
完國其王若臣庶震服感悅稽首稱萬歲頌再
造恩上爲告廟荐勲御明堂受捷以策書命公
晉爵右副都御史賜之御府之幣世延其賞客
有乘輅而過以告于子于子曰偉哉中丞之伐
則信霍耀鴻龐丕勦未有之烈於鑠盛哉鄙人

伏在藪澤竊聞島夷之難星紀欲周矣變緯窮
樞之佐所爲周章衡決借前箸而躊躇擁旌
施之臣所爲執掌騷屑從白羽而四騖慷慨
天之士所爲乾毫穎而陳遊談喜事之儔所爲
敵舌吻而議皆是物也 聖上超然曠覽毅然
獨斷盡格首鼠之謀選於有衆得公而任之遂
使蜂屯蛇引之徒靡於嶠夷之阻鼉作鰐吞之
衆燼於海若之都懸梟獍於藁街築鯨鯢於狼
望此其殊尤絕迹碎矜橫朗繡青鏤玉之簡不

穀城山館文集卷之六

六

三十四

能鋪錦曳銘鐘之酬無以槩矣客曰唯唯子慕
公功未覩其大也夷之披猖而來豈爲滅貊高
句驪彈丸土哉朝鮮旣食必軼而入遼海遼海
旣踞必徇而入盧龍則憂在左輔矣爲左輔肩
背勢不得無遼海爲遼海羽翮勢不得無朝鮮
是故功懸絕域利歸都輦此其爲宗社之福與
于子俛而惟曰客言似矣雖然徒大公功豈喻
所以大哉夫鴻均之播萬品肖翹靡遺非慮而
施也大親之咻孺嬰疴癢必應非利而仁也王

者之覆華夷除其疾苦遏其寇虐非有爲而爲
也故曰大德不德是以有德而以統壹之盛借
唇齒於瑣尾之墟以太上之恩摧便否於臣僕
之國非所以爲號矣且自三代以降撻伐四夷
代不絕書如漢建元之定朝鮮則納其地爲四
郡唐顯慶之平百濟則納其地爲二府莫不因
窮黷之威遂并苞之計惡有壇已墟之社城旣
覆之隍取而不居爲而不有如今日之盛與而
猶以利害商之何其狹也且揆諸情勢抑豈其

穀城山館文集卷之六

七

三十五

然國家際天極地經緯萬里吳越閩廣之郊以
海爲池與魚服之民其之倭從俘廓登陸如出
竇穴誰則爲藩而卒就殲夷靡有遺育卽遠左
盧龍之塞一堦垣爾東胡鮮卑鳴笳盈耳旃裘
匝地又誰藩之而自受縶縲羈縻至今也奈何
山海無間之險九泥可塞而必以屬國爲藩乎
彼其疾痛呼天何音之擇我弘字小之宜亦安
得不借聲屏翰以厲士心其實未必然也 聖
上爲華夷其主寵綏四方亦越箕封之國世在

懷保比內諸侯蠢茲島夷敢爲蠱尾以螫我東
服傷鴻明之化故不憚傾庾掃境拯之鼎沸之
中豈有較計哉夫患切同舟則胡越明其一體
闔關與室則比鄰重於纓冠此人情也而於此
施不報之恩濡無心之澤起白骨而肉之此浮
鹿之征讓其曄煜而有苗之格謝其鏗訇矣故
知今日出師之名義而後 上之威德益弘明
上之威德益弘後公之勲庸益大子何算其渺小
而捐夫赫赫者哉客聞若言惘然告還會漁陽
穀城山館文集卷之六 八 三

賀大司空晉川劉公治河功成叙

粵歲戊巳河徙單碭之間運渠梗塞 聖上閔
然念之下九卿臺諫舉才望臣往又咸稱前少
宰晉川劉公時兩都卿座慎於掄簡虛或經歲
及是立賜命昔起公於里命總河漕之政兼制
東南七部古所謂半壁天者自剏設河臣權任
便宜無出厥右而公不爲華亦不爲懾亟馳至

河上大集諸大夫吏士博求故實以爲治水如
醫急而拯其敝則無若治標緩而圖其成則無
若治本且緩且急而不可偏治則無若標本兼
焉今運渠塞矣病在喉嗑不拯其標惡可而河
絕上流病在腎腸不圖其本惡可故必兼而理
之 天子以爲然使終厥緒則先鑄支渠自三
仙臺至義安山作三月竣則疏徐邳運河自鎮
口至宿遷作三月竣則開新集故河自東鎮至
兩河口作百日程竣夫取諸召募與河隄之徭計

穀城山館文集卷之六

九

十萬而贏萬矣取諸鹽筴與漕折之羨計十萬而
縮而三百里之流隨公前箸如建瓴焉乃秉玄
圭北告成 上曰予有清貞之臣克成厥績
以釋予南顧其進大司空予一子官命以玉函
之冊先之束錦及諸大夫吏士差受金爵公拜
稽首對揚 上之不休命徐揚堯豫之郊則無
不歡呼吟嘯嚮厥成功東省撫臺劉公按臺楊
公使謂舊史以是邦之隘敝迫在河隄惟不能
贊襄大役是懼賴司空之成得免於累竊不

厚幸以吾子之習於司空敢請善頌之辭行也
拜命之辱仰而三嘆二公之爲東人戴公則有
以矣竊怪今者之役以功烈鴻鉅如彼而成何
易也往讀漢宋諸史所述治河之難牘中語爾
嘉靖乙丑河決飛雲橋以北朱大司空鑿夏鎮
新渠廬居野次方岳大吏跋涉沮洳車轍如結
三省發閭左奔命褰纆荷鍤肩摩於塗如貫蠅
也再更寒暑乃有成績萬曆初載潘大司空崔
鎮高堰之築所費物力且倍前功而以河淮二

穀城山館文集卷之六

十

潰閘於海口曠日彌時僅乃克之猶不輟於盈
庭之議此皆親所親記近在封壤可指數也夫
動衆勞民爭於不測之淵其艱危乃若此矣今
公所初鑿豈減築事哉新集故河自勝國賈魯
所開堙塞有日潘公嘗欲復之以無所措四百
萬而止今雖黃堦自决遊蓬成渠而趙莊以下
可四十里計猶不下百萬奈何以數萬就也漕
渠疏濬豈不亦運之掌中而兩洪淺涸業已舉
而涉一旦飛水三千濺三百淮卷葢之所

指六丁之闢不駛於此矣然公始而規畫若取
若携無夷猶之色旣而告成若遺若忘無矜詡
之貌何其易也夫才智果敢能然乎哉夫天下
事無難易以人處之則難以事處之則易以人
處事者其筭在人以事處事者其機在事呂梁
之遊曰吾生於陵而安於陵生於水而安於水
與齊俱入與汨皆出從水之道而不爲私焉夫
從水之道而不爲私是謂以水治水順事之理
而不爲私是謂以事處事無心故也夫事有心

穀城山館文集卷之六

十一

則難無心則易能忘勞逸矣而不能忘利病則
難在利病而不在事能忘利病矣而不能忘誹
譽則難在誹譽而不在事能忘誹譽矣而不能
忘巧拙則難在巧拙而不在事彼以事處事者
終日爲而未嘗爲不以心與於爲終日用而未
嘗用不以心與於用古之至人以此執其環中
以應當世而公所以成功之易與行也束髮而
從公遊固甚習公公之才於鉅細夷險無所不
宜其學於百家六籍無所不窺而其精神志

之寄則邈然托於象帝之先含於太素之始而不涉世之滓垢豈嘗從至人遊而有所聞於道與吾聞有道之士心如淵泉形如處子不偃不愛而人爲使不施不惠而物自足故其視數百里之洪流猶堂坳覆水而芥爲舟也其視數百年之永利猶后火電光不移瞬而移也何者其心不與焉平成永賴之烈直應迹爾不知其易况知其難嗟夫有成與虧昭氏之鼓琴也其心有也無成與虧昭氏之不鼓琴也其心無也明

於鼓之不鼓而公之所爲應世豈惟是二漬之流今天下滋多故矣以難之形効而不信於上以易之形効而不重於上惟有心也上且不能忘其心以泯疑貳下且不能忘其心以釋憂危何論難易公旣以清貞之履上格宸衷進而宅揆柄樞必能有所感動以成虛已之功世豈有難事哉夫憂在內者不言外憂在通者不言遠故吾於公有望焉二公報曰所爲邀吾子之辭以公之有大役於境上而齊魯宋衛之間吏

無星駕里無夜呼事成若罔聞焉是公功在朝家而陰有造於吾土也吾子儼然棲於丘園豈不惟間里是念而洗及當世非所聞矣行也固然自失不知所對而曰信也二公之爲東人公則有以哉

賀姊夫都督侯公六十雙壽叙

原夫饋漿撰杖禮敦崇老之文酌斗稱觥詩備新年之典非以導逆景瑞保合元和遊禮讓之津涯陶仁壽之鑪冶哉近代以來斯儀彌縉譬

山指海之誦盈作者之綈綈鏤金襲錦之函滿豪家之堂牖子弟非此無以事其父兄間閥非此無以洽其姻婭斯以煩而不厭華而近情協諸義而可行有其舉而莫廢者也其在吾黨一何寥寥與享豐鍾鼎有啻於洗腆之歡年逮耆耄或闕於壽祺之介此豈獨土風樸茂文巧未開亦云生業之凋殘交情之涼菲爾矣欲以勸孝視福熙融化日不亦遠哉予嘗念此竊有慨焉歲在實況之次姊夫都督侯公旣周甲子又

越二祀日月躔於降婁伯姊夫人亦稱耆壽琴瑟在御孫子盈廷瑞旭卿雲紛綸庭戶忱人門之上福宇內之至娛也一介母弟纍然艾矣羨齊年之康吉感同氣之蕭疎歷鶴算以馳欣薦行而增慄乃率闔門子侄二十有二人款公門而壽焉苞匭既陳簫管備舉獵纓攝袂登自阼階載拜而稱曰嘻吾兄吾姊宜茲純嘏哉夫洪範之福五淑於壽康華封之祝三成於胤似此吉祥可願不必得於天乎然嘗觀之谿谷之

穀城山館文集卷之六

十四

三

岷非無給耆之筭而弗自愉也閭巷之族匪無羨錫之祉而弗自華也壽必居榮其饗乃逸子必克樹其澤乃長而不然者所謂多辱多懼方戚於厥心何福之能爲今君侯稟茅土之華貫備文武之鴻猷奮迹章逢致身金紫撫劔抵掌則銘勒燕然素鉞擁旌則兵銷越雋至乃鳴珂環衛應文昌上將之階珥貂彤墀在帝座諸侯之列斯已馳光寰宇流耀鄉邑矣暨我伯姊地居內主爵稱小君御褕荻之華修圖史之訓不

亦匹庶鼎閥鍾貴儒宗者哉至乃慶流子舍鸞龍翔鳳翥之材瑞衍孫枝森瑜珥瑤環之秀並將蜚英天苑策足高衢續蕭國之崇勲繩中丞之舊武矣而吾兄與姊方且恢燕翼之謀進鼎俎之養丹頰並渥玄首同華儀東海之木公儼西池之金母躋蕭家之兩鳳騁呼氏之雙龍猗與都哉其遊於姑射之庭而嬉於丹臺之館者邪夫榮啟氏之大年負薪在野此壽而弗榮也彭澤氏之衆子盃酒自寬此多而弗樹也信夫

穀城山館文集卷之六

十五

三

鴻鈞之播今古不能值其全大塊之吹鉅細無以均其量矣吾兄吾姊之純嘏求之當世可幾睹與自今以始其勉進七鬯夷愉樂康以逆九命之褒迓千齡之祉一介孤弟其尚有所庇依以華宴歲厥惟寵哉於是以夜光之竿汎洞庭之醪進爲大椿之歌歌曰彼廣莫兮無垠馳環材今大椿上扶疎兮蔽日下軋芴兮千雲狹鄧林之晡夢卑若木之筍蔘砥九霄之巨棟拂萬里之遊氛願大年兮無斁歲八千兮爲春以爲

兄祝則又以紫霞之觴酌瑤池之醞進爲護草
之歌歌曰彼護草兮牢儔樹北堂兮孔幽兆宜
男兮霍霍佩明德兮姱修葉淒淒兮綠曜華扈
扈兮丹柔蔭椒聊兮茂衍繁葛藟兮相膠歷千
秋兮百祀長娛樂兮忘憂以爲姊祝則又爲叢
桂之歌歌曰望小山兮嶽岑桂連蜷兮布陰橫
五枝兮葢蔽挺八樹兮成林寫衆香兮郁烈落
丹實兮芳芬折瓊葉兮天路迥采瑤華兮月宇
深爲兄姊再祝則又爲蘭茝之歌歌曰蓀曄曄

穀城山館文集卷之六

十六

三百四十四

今揚揚發朱榮兮國香滋九畹兮服媚藝百晦
今含芳轉光風兮咄咄祀流麗日兮堂皇初幃
今未沫垂奕葉兮無疆爲兄姊三祝子侄族姓
歷階並登或挹瓊田之芝或把瑤臺之草或羞
度索之桃或攬丹山之粟莫不考松厓而稱算
徵崑閬以爲期協氣雲溶歡聲雷磕者矣主人
乃率孫子降階致謝曰承君之祝祝以四瑞敢
不拜嘉繫玉樹青苗兼葭是倚常華曄曄枝葉
攸依敬舉大弟之給賜福祿壽豈偕之無斁願行

華之詩而醉焉乃命染綃之士屑丹塗粉爲四
瑞之圖幕諸其堂而退

壽封君梅岡陳翁八十叙

予子曰余紬漢晉史而得二高士於豫章也梅
福當西京末造以南昌一尉掛冠自免陶彭澤
爲貧而仕到官八十餘日不能爲五斗折腰賦
歸來之辭以去清風亮節世至今皆翬慕焉夫
岑毘詢利華首忘歸軌路馮權虞淵不返古有
之矣今無盛滿之累茂止足之規而芥脫風塵

穀城山館文集卷之六

十七

三百七十四

飄然遐舉此何人哉然子真既隱數假軺傳上
書條對急政所譏切王氏鼎鑊耳之淵明耻仕
異代而集錄古今羣輔以寓思治之心後儒謂
其欲有爲而不能此其人固皆用世才也惟其
遭逢厄會不能涉世末流又無能發其未盡吁
嗟默默有托而逃爾若乃處平明之世既無所
感於時弘垂裕之澤又有所伸於後如我陳太
公者豈非高蹈真隱名實並茂者哉陳太公晉
瑞之世家也瑞在豫章之西溪山環峙風氣淳

雁稽其地志蓋有稱陶令之里與梅尉之宅者而太公之居近之太公世受戴記爲代儒宗經術行義似子真文雅風規似淵明徵詣公車受吳州博士以其學爲師燕南之士化之而攝旁邑印綬又以其學爲治燕南之民若吏翕然向風矣乃新令者至而以供張不辦望之也太公捧腹咲曰此視而公何若以優衣老生爲他邑令長擁篲蹶躓若丞史而公緘故轡行爾即日

上書自罷終不返顧去而隱於鳳山錦水之間

十八

三十三

按所謂梅岡者嘯傲弋游徜徉乎埜堇之表里第目爲梅岡隱人不稱故博士也夫以文學之秩在令與尉之間去而隱於二君之域左顧右招若可友千古者此不稱三高士哉太公歸無何時而吾充君侯豫華公以其經奉大對郎比部有聲廷中居又三年而即用秩滿課高第太公亦爵爲郎也居又一年而充州上太守闕朝廷以比部賢能治劇剖符而遣之居又三年守將秩滿且以金章赤帶爵太公號爲守比古

諸侯秩矣學士聞太公者則慕而稱曰彼陳先生知天道哉以斗食之奉留其所有餘而以千乘之封收其所不足知太公者曰不然彼陳先生萬斛舟也去之豆與區之水而不爲輕加之鍾與石之水而不爲重其受弘也然吾觀太公遭世鴻明以耆儒大師橫經函丈稱說先生非有履霜介石之感徒以一語不中輒弛其半通之綸棄若管蒯而君侯操其世業効諸朝家舉太公所蘊崇憤邑撫擊而不得施者盡象指而

穀城山館文集卷之六

十九

三十四

出之方諸去妻子而遁若責子而歸之天何寥絕也夫始而遜於世無二君之所有繼而取於世有二君之所無而以稱三高於里域有餘不足之分宜何如論哉太公益封之歲壽且八袞君侯以其誕辰布席褰韞上千歲之觴於舍宗室吏士聞而謁賀者聲殷於庭君侯謝弗入也屬郡之長若東平劉君等屬邑之長若滋陽楊君等謀無以觴獻請以辭獻訪諸子子子謝曰懿哉諸大夫之舉夫以君侯之貴貴太公太

公弗謂餘也以君侯之賢賢太公太公弗謂餘也則請無祝太公而誦君侯以祝又請無誦君侯而徵充以誦夫充大國之餘也天下之郡固無劇於充者而充之政亦無劇於今者當君侯甫至而海上之兵未解取經賦之所未暇以填巨浪而不甚費則惟君侯繼而河溢單父歐南境之民以相宣房瓠子之歌而不甚勞則惟君侯又其間礪使者出東州之吏與爭職而不勝至以瑯琊之壤爲幣而充有礪而無陪於礪則惟君侯又其間稅使者出西州之民與爭命而不勝至以衛渰之水爲膏而充有稅而無墮於稅則惟君侯嗟夫民當其憔悴時易德爾深巖窮谷黃髮稚齒方且廢五袴之誦興麥秀之詠而以諸大夫之籍併而効之太公行也願賦七月曰爲此春酒以介眉壽言蓋老也曰稱彼兕觥萬壽無疆言親上也以代祝辭可哉夫以君侯之貴貴太公是以有涯壽也以君侯之賢賢太公是以無涯壽也且夫二君子之年固至今

在焉况其長世者哉

賀郡理益我周侯考績叙

司理周侯以萬曆乙未稱子大夫於廷持節佐兗是贊觀風之使充人驪曰是衡湘世家也伯父方岳公視我學政仲父侍御公視我馬政至使君三矣使君疏通而惠齊速而誠栗而不殘寬而有制其始至也科條旣布部之吏肅然嚴之少選也紀法旣張部之民熙然安之少進也政成譽達上下遠邇翕然孚且嚮焉三年奏績乃受繩金鉞王之函褒其治行而錫之爵及其二母謂太公吏秦中別有錫也使君拜稽首受命充部大夫以謂北鄙人鄙人故魯諸生狎使君之聲教敢徵魯故傳曰孔子爲魯司寇設刑而不用國無奸民三年而重甫歌及綜厥實行者別於塗轡者不備價器者不彫奢侈踰法者越境而徙遺者不拾至者如歸夫豈無以致然且夫兩觀之誅何嘗弛刑而曰不用與夫設而不用者非無刑也有先刑刑者也曰寬猛相濟

政是以和夫寬則民狎狎則玩玩則有刑猛則民急急則佚佚則有刑夫惟寬以濟猛則有所懷而不忍猛以濟寬則有所威而不犯民之無辟將焉用刑古者列國之卿謂之司寇化而爲郡執法之佐謂之司理充故魯也奉先聖師之官而祗若其訓使君愆哉使君在理三年矣二十七城之政無不察也而或無麗於文罔二十七城之俗無不問也而或無納於調刺夫以舊魯之遺愼潰氏之侈公愼氏之愼沈猶氏之謫

與夫少正氏之僞而擷羣豈其盡無而令行禁止憲表不作亦幾於刑設不用矣斯何修而然哉使君才有所能爲而志有所不欲爲力有所可盡而情有所不欲盡蓋純然以仁人長者之心調寬猛之宜釀太和之氣三年有成荷天之寵不亦稱哉嗟夫今之魯猶昔之魯也其勢有不同者理之長曰守其上有監司焉鎔而臨之者以十餘數又其上有部使焉錯而臨之者以三五數又其上則主爵執法之卿待其殿最以

復於朝卽欲操縱張弛自取於繩之内外其將能乎此一時也寧獨勢然政亦有不同者河渠之役不問諸水而問諸陸海外之師不徵諸裔而徵諸國山澤之藏罄於地中而裒於地上關梁之稅詆諸境上而剝諸境中夫民也睺睺然在纒繳哂哂然蹈湯火其散久矣噢而咻之猶不知命柰之何其以刑也故以司法之權寓張民之畧斯使君所爲繼二父而大造東與抑司法之難也已操其名而人居其實長民之難也

已累其實而人制其名不相入也要以平心賦政調寬猛而釀太和其軌一爾孔子試宰中都政成而四方則之陟爲司寇所施於魯不愆其素蓋是物也故魯君曰學子此法以治魯國何如曰天下可乎請以章甫之誣衍而爲頌頌曰衮衣章甫公憲於魯續我聖師綏此舊上其惡如風其膏如雨允也神君實獲我所又曰章甫衮衣惟民之儀三尺常懸百城是師政旣成止皇則命之允也仁父實獲我私成而授諸大夫

采以爲獻俾觀樂於魯者聆焉

賀邑侯小泉張君考績叙

邑侯瀛海張公理邑三年奏最於朝 天子登其治行賜策命而褒之君侯拜受於廷無小無大胥相慶也有澤官之僑若而人謁于子而請曰諸生荷父師之教日樞函席斐然向風今逢天之錫慶式歌且舞宜有揚觶之辭是在長者于子儼然動容曰尹侯之承寵邑人士之祿也微二三子命之固願有辭然古者陳詩紀政職

欽定四庫全集

卷之六

千四

在內史講德考風徵諸鄉校二三子何以稱焉諸生曰唯唯君侯之政長者飲聞矣書生亦何知竊聞巫馬期治單父以星出入而單父治蓋其勤也宓子賤彈琴不下堂而單父亦治蓋其簡也夫勤則近於刻厲而不失之煩簡則涉於因循而不失之易其必有本乎君侯之治蓋兼而有之勤於衡石而簡於牒訴故庭少爰書勤於聽覽而簡於將迎故旅無豐餼勤於公家之賦而簡於徵發故閭左不勞動於胥史之程而

欽定四庫全集

卷之六

千五

簡於條教故刀牘罕試出而簿書入而鉛素素燭而理簞燈而吟此兩單父之政並時而程也三蜡之間兩臺諸使薦書摩挲天官御史最其大凡以復於朝而寵渥降焉彼二三子之於單父有是乎哉于子曰善哉二三子之議雖然牘中之語可覆視也君侯有異政子知之乎曰者主上以內藏日詘小用日侈不忍索諸民而索諸地礦使者出不忍厲諸農而厲諸賈權使者出其在吾自東自海上放於瑯琊西至嘉繹北至安梁壞壤之阜無不穴也且及室廬且及丘墓吾邑有之乎河津關梁蜂屯蝟集名城大邑百室之聚負販樵不無不攫也吾邑有之乎夫推鑿徧山海而不及阿之林麓者非愛其土也駟騶滿關梁而不及阿之塵隧者非愛其民也曰彼實有神君焉必且爲元元請命必且不事中人故睨而去之爾此其福德吾邑何啻天覆以較諸賢聖之時雍容而理何霄壤也昔人稱人者或以蝗之不入虎之渡河紀爲異政至

今美焉今有蛺蝶攫挐軒鬚露齒懸人以嬉腹
不屬磨者此夫乘輅傳而號者也駭駭僉僉實
煩有徒蒙茸跋扈灑野蔽天此夫受稍稟而蠹
者也假令一入吾境其所吮噬其所蹂躪何可
勝道而以良吏之名折之疆上可第稱長者之
言而曰偶然耳乎嗟夫吾邑則誠庶矣今縣寓
之內方制萬里無地不虎無地不蝗民將柰何
繼此疏君侯者誠以虎與蝗爲喻而白其異政
於朝 上且亟召東阿問何以致此君侯必無

穀城山館文集卷之六

二十七 三百〇五 君

諱也請以延珙爲勝乘若蝗也者而盡蕪之以
潮汐爲津渡若虎也者而盡祛之太平幾可睹
矣一言悟主宗社之福君侯念哉諸生曰異夫
長者之言此非喻也比者歲嘗大旱稼且盡稿
君侯再雪再應遂不爲裁誠所感也誠能動天
必能悟上吾其須矣請從羽籥之末頌中和樂
職之詩爲君侯慶

送別駕楊侯改官東郡叙

黔陽維斗楊侯以文學高第筮仕吾宛別駕二

周攝提歷綰郡邑之符有惠政焉兩臺交慕其
賢使攝府篆宛人大驩河院劉公亦慕其賢表
遷東郡使主河隄宛人大戚諸屬大夫介寧陽
徐君問言北鄙之農以先五馬竊惟朝家體國
建官郡五服而疆理之立之守牧佐以丞史別
駕參焉州邑之長北面惟均體非弗崇矣仕者
輒蹙額就之何故哉二千石秩重視古君公大
吏改容下之在禮然也丞位亞守月計有餘理
官奉直指三尺周行列郡是惟紀綱之條而別

穀城山館文集卷之六

二十七 三百〇四 君

駕以元士之秩介在季孟之間俯不勝仰慶不
浮讓事上則難諸邑令長奮軒翥之翮蹀騰驥
之足眉端常若栩栩別駕以分臨之無節制也
或者進而鞠曲退而抑掄陽爲罄折陰爲強項
稍着睚眦報不移瞬御下則難同官爲僚誼若
昆弟名位鱗次瑕璽易生輕於自用見謂虛憍
工于得民見謂市寵園則波茅方則枘鑿此又
難之難者自南北諸郡府大抵然矣何論東與
充哉抑聞之秩無崇下惟才是運地無散要惟

望是成君侯通敏士也學博而瞻識高而朗談
說世故沛若縣河擘畫政機觀若指掌豈尋常
繩墨人哉君侯佐充三年爾其莅城武與曹則
西土也莅郊及沂則東土也居而莅瑕丘則四
郊也三分全兗奄有其一矣况進而守大府哉
比者年穀日儉誅求日豐僕偷載塗夷羊滿野
一二遺黎剥膏及骨舐糠及米重足象迹以望
更生岌岌始矣君侯摧礦鹽之鋒財稅征之額
簡供需之費增驛騎之直又以其間存問老疾

蒙城山館文集卷之六

二十八

進

綬戢流亡孰民有婚寒士有養所莅之地若拔
火宅而扇清飈出陵陰而就冬旭留而鼓舞去
而悲吟以時政之繹騷而免於隕越實惟君侯
之功使者行部曰良叅佐也改容而肅之如守
州邑之長曰良府君也北面而嚴之如守守丞
以下曰良僚友也傾心而洽之如鴈行焉此非
有瑰奇邁衆之才特達絕羣之望而徒操空質
以格於上下必不然矣大司空得於歷試奪而
充而與東夫豈有所軒輊於二郡亦惟是一章

之流筦億萬之命脉計非才與望不可爾君侯
行哉充則魯墟東則衛境兄弟之國也難易等
爾由充而東亦猶在堂庑之間豈但駕輕就熟
所借前者漕乎夫漕則苞絡羣流而效之都輦
如貫珠也彭城以南二瀆之喬匯而入海其勢
必多故矣北則爲兗汶泗諸水境之所出也其
制在源又北東郡御漳諸水境之所受也其制
在委一有沉璧之役充之吏士躬環畚耰與淮
分功東郡徭卒偃息津亭之上時其堙塞而導

蒙城山館文集卷之六

二十九

進

焉爾邇年御漳大涸北流如綫清河廣川界上
舟膠於塗檣倚於岸問諸水濱充無聞焉東之
吏士謝過主臣何嚮者之逸今勞慳也大司空
之亟借君侯而不暇爲充計幾以是哉異時淮
充河吏歲有土功幸而告成金紫高蓋操契而
取東郡則否惟其逸也今者東之河政不甚後
淮與充矣豈其選於有衆而進以常格亦必不
然漢之吾丘壽王都尉東郡以文學爲九卿宋
之后有道出判濮陽以經術列侍從皆以是

與是官也古今品地雖不必同職守均焉以君
侯才望爲國宣勞超乘而比於往哲如電鑠矣
君侯行哉諸大夫幸在同舟無亦公家之急是
爲豈其私於邦域

送張晉臺司訓爲徐聞令叙

往余聞閩海諸邑多卓修鴻碩之儒心竊慕之
而頃者張晉臺先生以文學高等捧博士檄爲
吾邑師其人容與都雅瑩如玉樹探其韞蓄
百氏而出之正席而詔士端模飭範肅而有思

穀城山館文集卷之六

三十

卷之六

介而不峻老僕從子弟執鞭竊心醉焉以爲先
生經行品地視集英一第直故物爾而辛丑入
對報罷如前又不能用部使者請分東膠一席
也剖符而命之使宰粵之徐聞徐聞者古合浦
之境三面距海而南與儋耳隣此其去長安萬
里矣士獻鱸而色頊然先生曰否受爵於朝如
金在冶爲鈎而鈎爲戟而戟顧所鑄爾且南海
珠崖之徼終陸二大夫不思叱馭往哉何謂萬
里余曰都哉張先生信卓修鴻碩之儒其志廣

矣今海內學士射策文石之陞紆朱荷橐列爲
近僚豈盡出先生上者然而不得與比遇爾夫
鉛刀呈寶純盧沈淵款段受纓駮黃伏櫪物固
有之人獨不然咄咄稱怪何哉老僕荷蓀林中
不狎官師而狎農圃請効所習夫吏之養民師
之養士猶農圃也勤其播穫去其蟲蠹而毋戕
其天是謂上農謹其滋培周其籬落而時登材
焉是謂良圃吏與師其道一爾先生旣宜於士
不宜於民乎哉且先生之於士先獎進而後督

穀城山館文集卷之六

三十一

卷之六

程右行義而左華藻旌淑而修其愚挫銳而植
其孱父母之道也施於有政較轉機旋亦運而
已矣夫泮水懷山嘉禾不毓疾飈振野茂卉具
腓卽田於東臯之沃場於南山之苑無歲功矣
況直區區負海邦哉彼負海之邦其先固樂土
也今珠琲硤戍之奏列肆而命鮫人流離果布
之輸交關而織錯繡斗大一邑浮游島嶼朝夕
之氓耳此惟不能撫而有之尚可以文法科條
束縛而振聾乎夫金石不焦則膏雨之施寡河

冰未沍則旭日之煥微民方罷極固易德也先生念哉又吾聞之令亦師也士於四民之中其桀桀者爾辟之樹藝其翹翹者爾非有二也今之良吏固不無悉進時髦以明興勸至儒生休戚忽若秦越間亦有之藜藿或弗充而召之往役環堵或不蔽而懸之守閭辟咄學官則仰而視蜚鴈盤折道左則謝而命車驅其視青青子衿若將免焉而曰吾以爲民也士之爲吏子弟安所異於民哉夫興化作人循良上課文翁常

穀城山館文集卷之六

三十一

六

衮永有令名願先生之以令爲師也滋生於民成材於士其爲農圃豐矣今制長吏治民有狀詔詣闕庭上者臺諫次得郎曹先生行矣旦日披金閨之籍有從海邑入者必晉臺先生也上母爲先生慨政少集英一第內吏等爾司訓李王二君率諸生爲祖道謂予言有徵述以洗爵

送郡理周侯上民部郎叙

周公以楚世家司理魯郡屬時政方艱吏如沸湯救火日不暇給公佐直指按部一用寬大行

法諸瑣細毛舉率置不問卽有巨靈宿猾繩以三尺毋假貸也淵然惠和凜然肅栗郡邑之政咸質成矣登丙迄辛六更歲旦兩臺暨諸使者牘言治狀且二十餘今歲簡法吏之最次補省郎公時民部諸屬大夫悚然而慨指有兩端習魯政者曰天子堅久任之令卽執法之佐近不下五六朞勞倍疇昔魯方二千餘里勞倍他郡矧他郡之政參焉公之績茂矣第令內召一人釋公焉往何民部也習朝政者曰不然邇所

穀城山館文集卷之六

三十一

五

徵郡邑諸吏待詔都門三離寒暑惟不得半通之綸以當縣官若便宜補省郎者滿考奏最且紆朱拖金出矣卽公徵而入都門淹速之度孰能揆之東原守君質諸北鄙之老對曰善哉諸大夫之議爲公慨者惟不得侍從爲公幸者亦謂侍從不暇得也總之少民部邪國家折衷舊典司農之職寓之地官號爲民部夫不以金穀之政民之自出也王者以民爲天民以食爲天民得有其天以奉大君而後王者得有其天

以享大物則部所由名矣今且奈何夫諸司之
難難在有可爲而莫與爲民部之難難在無可
爲而莫與不爲也礦使嗜人膏血以代山海之
藏割其十一輦而輸諸內司農不有也稅使張
四面之網禦人於塗割其十一輦而輸諸內司
農不有也區區守陳藏之餘握筭斛斛間爾官
中小用與國之大禮動以千百萬不取諸內而
曰司農九塞軍需若海裔山陬之旅飛芻輸粟
動以千百萬不取諸內而曰司農司農之長若

穀城山館文集卷之六

三十四

世

屬能鞭螭駕虹蒸爲雲霧而雨之金穀乎此其
平爾有如天不遏亂揭竿列帛雖於閭左毋論
安危所係而私家之賦日且益盛公家之費日
且益衍司農之長若屬又能脉泉闕地勺不竭
之淵以注之乎大夫曰民部民部談何易也主
爵蓋亦籌之故及徵召之間先簡循良列在地
省以護國民之脉任豈出臺諫下哉今臺諫惟
無言爾有則以水投石格而不入甚者以石投
水沒而不出卽有爲國與民之志安從効乎朝

之大政具在部司以其間補苴罅漏猶幸有萬
分一及民保所謂天之天者故民部于今滋要
矣惟是鳬繆濟河之間當時政之艱免於佔危
而保有家室一旦奪而去我使襁褓之嬰呱呱
而號無告大夫母亦戚乎守君曰然公陟而在
列膏雨之澤施及垓宇充猶首被焉竊聞故與
省郎有地望者得改臺諫今直以待詔踰時假
道先登爾九軌之塗旣闢鳴鑾超乘而前公其
首路哉北鄙人曰唯唯有之夫非公志也受命

穀城山館文集卷之六

三十五

世

飲米惟國與民是念皇及其他大夫取祖道

穀城山館文集卷之六

穀城山館文集卷七目錄

上太宗伯裕春袁宗師七十壽叙

賀憲使瀛陽李公考績叙

賀滋陽武侯三年考績叙

代兗部大夫上府主劉公生辰叙

郡丞劉侯署沂德政叙

送州牧徐侯入覲叙

送邑侯見庭張君入覲叙

賀鄒令梁侯考績叙

穀城山館文集卷之七目錄

乙

石玉泰

賀晉藩務本王孫勅獎叙

穀城山館文集卷七目錄終

穀城山館文集卷七

東阿于慎行著

門人郭應龍

北海董可威

天中李時稷校

都門李本緯

男于緯重梓

上太宗伯裕春袁宗師七十壽叙

吾師裕春先生以萬曆癸未起家南太常卿歲

中遷御史大夫再晉至太宗伯又明年乙酉年

滿七十上書請老 上降詔固留至再若曰鼎

揆虛席旦日且有新命而先生嘗校士齊魯登

穀城山館文集卷之七

一

石玉泰

魯諸生吏長安中者十有七人謀所爲先生壽
謂某當致辭行垂髫則執業先生辱國士之遇
忝錄錄無以稱卽不嫻於辭敢無以爲諸生先
嘗念自古有國光啟隆平茂熙景化必有老成
耆碩之臣列在周行暴於天下豈惟借其聲施
以稟化理亦謂其操之潔白貞一足以廉頑靜
躁而德之敦大平直足以朴彫寬鄙使人主有
所嚴憚而廷士大夫亦有所矜式也此之爲益
寧可以名數求乎 主上獨秉神聖冲齡御宇

而異日柄國者不惟深根固本至計使 先朝
豐芑舊臣越在田里不與國家之憂則識者慮
之以爲一命之族樹以宗老百年之邑芑於社
木今 主上富於春秋而無黃髮之臣面槐列
棘圖治之謂何頃之 上自親政屏除初法一
與天下更始乃用廷臣奏薦大召端清久舊之
臣延置有位於是 世廟以來數十年長養培
植之材一旦茅拔雲丞儼然百僚之上四方聽
聞則罔不震耀驪欣卜太平之治豈非千載之

幾城山館文集卷之七

二

世

一時哉先生當 世廟末年以直聲著諫垣坐
列權相私人出歷藩臬可十餘年入而回翔卿
棘往來二京久之以病請告棲遲里閭十有五
年乃後起至今官平生廉直儉朴不滓世氛以
九卿之重歸臥閭門處於紛華鉅麗之都而家
立四壁出無車徒角巾布袍蕭然寒素不名其
貴臣也其裋躬高潔超然絕俗乃如此而其與
人游處卽又和平寬濡不爲崖異能使野老爭
席海鳥忘機陶然於無町畦之宇故天下仰先

生之操而飲其和汎之如冷風而飲之如醇醪
則豈非所謂廉頑靜躁朴彫寬鄙上見憚於主
而下爲士矜式者乎行受博士詩嘗有感於周
道之隆彼其疏附後先之臣號爲腹心干城至
於空迹中林而上與唐虞埒烈乃其誦慕之辭
則以羔羊素絲數語盡其大節而不及其他蓋
當時所以品士者如此及觀劉邵人物志所列
十有二流以清節家爲第一謂其可任師保次
則三才純備德厲風俗目爲國體斯二者士之

幾城山館文集卷之七

三

世

標也俯仰成周以後求清節之流於漢得貢大
夫禹唐則楊中書綰庶幾近之貢公以儉直立
義至賣瑯琊之田以應辟命人主稱其守經據
古不阿當世孳孳於民俗之所寡公穉居無第
宅出無車馬一受相璽元勳貴臣屏騶減樂至
今以爲美談則邵所稱也而清節之士往往礪
直局拘不能弘恕以語於國體則隘矣乃先生
高風素節潔逾秋霜瑩如白水而遠心厚度直
若吞雲夢負大鰲無所芥蒂則所謂觚而不斲

淡而不醖二公遜烈焉羔羊之詩固云委蛇委蛇自公退食夫惟厲素絲之節而又弘委蛇之度所謂清節與國體兼焉者與繫成周多材貽謀燕翼歷世滋顯如公高公望夾輔王室越有年數莫之與儔故其燕饗聲詩稱以樂只君子萬壽無期蓋其氣所凝也先生三朝舊老儀刑百辟以勸相我國家億萬融爍之運且與公望公高比年較德何言楊賁不佞之誦先王有南山之什在請以爲諸生贊祝

穀城山館文集卷之七

四

三〇八五

賀憲使瀛陽李公考績叙

歲在辛丑明堂大覲禮成時洛陽李公以東郡守滿也兩臺奏言充之左部實維山海之交民勞弗康請以東郡守某佩憲大夫印綬且兵且巡制曰可公既受命乃莅瑯琊之都班序條教討究訓典以與吏民從事三年甲辰政有成績兩臺報狀制下天官御史言臣等竊見憲臣某所部吏稱民安四封大治課最東郡時天子曰俞咨爾憲臣惟充介在河濟實股肱我京邑

疇俾我痼瘵赤子有所懷保以奠攸居時維爾能予嘉迺丕績賜爾策書改其爵秩爰及所生咸有顯號以懋爾庸尚勉終前緒以休我元元將有申命於爾公拜手稽首受書曰臣不敏叨領使節無能有所興除以稱任使敢不夙夜於是充郡長吏胥相與慶而稱曰天子維元元之故褒進我公以耀鄒魯之宇恩侈大哉迺介沂牧郭君訪於舊史史乃橐筆對曰懿哉諸大夫之請吾邑充右部也而密於東郡之郊飫公

穀城山館文集卷之七

五

三〇八五

之政夙矣惟瑯琊則有大難者焉東郡者何爲齊西門爲衛東境左直孔道中貫河漕陸有結轍之輪渠有啣艦之權穰穰乎煩哉然而俗淳士沃伸縮由已惟休息拊循與民相保澤易覃也充之左部南控淮壖東臨海澨萑葦嘯聚間巷輕桼額外之征日聞奔命境上之役人跼息肩而又歲星將周灾氛逝有蜚羊滿野輿草不除此何如齊衛間乎以是邦之不易而孑然建此尺之旄懸百萬之命卒之吏稱民安四封大

治厥道何繇吾聞公之爲政宅心平易御下寬和惟是三尺之法與長吏共守而無科條之擾日夜勞苦小民求所安輯撫字而不事繹騷聽斷明允片言取裁理者听而入牒瞞而受記不寄橐於逆旅自奉廉儉一疏一孟出自稍稟不勤吏人興學右文增置名田三百以佐膏火董率兵吏干板四境大募淮陽銳士編於卒乘之間羽山之盜幾三百人不移日陰而解此其章章者矣聞之惟簡御煩惟靜理劇惟敏剔奸惟

穀城山館文集卷之七

六

三百三十一

廉裕匱文事武備胥是焉成政之善物也我公備是四德以照臨吾土行之三年釀化熙融醇風郁烈歲有苗沴而民不病國有苛政而民不傷聲流於遐邇而實孚於上下有以然哉諸大夫稟公之教列在官常無亦惟公之所繇適治以朝夕訓行而錫福於士庶奚以頌爲抑考天府之憲藩臬大使率以勞逸險夷差歲月而班爵以竟東之難而公有成績如此豈惟策書之褒天子實曰將有申命於爾其必不信宿於

東也意者方岳虛位部請多留兩臺其爲東人表公再命以受節鉞而臨之東人幸哉諸大夫進而觴公幸述斯言以獻

賀滋陽武侯三年考績叙

間從吾邑大夫聞武侯之成政而天下之治廓如也昔國氏之論推寬于德而謂政莫如猛孔子善之又思於兢絀剛柔之治以爲猛糾而寬施政是以和用克柔遠能邇百祿阜適焉異日讀執轡如組之詩則曰斯言也可以爲政下天

穀城山館文集卷之七

七

三百三十二

下以其爲之於此而廣文於彼也夫組之爲言柔也力如虎而執如組則剛而柔運之調於操縱之宜而適於勒銜之用時而猛糾時而寬施皆德之善物也故可以爲天下倚也岐而二之見謂衆人之母猶未忘於江湖爾今侯之政成在鄆城者什六七在滋陽者什三四左右宜之亦何彼此之有而薦剡歲無虛牘與人之誦錯於塗也靡不並舉而縷緝之弼中彪外侯之文也不旣大乎夫鄆居魯之西鄆故廩丘也懷

而曠多阜囿之豪陰與胥爲市而陽抗三尺藩
府之湯沐公之食邑士伍之屯倍版章而錯繡
之卽有所急輒軼而之他不可蹤迹以果布之
湊四方遊賈綰轂其間探赤白之丸者麋至而
不突守吏又見讓矣滋陽則郡治在焉魯藩樹
國其中王子侯以百千計珠衣寶玦從奴客輕
俠扶彈走馬交於都廛吏不得問又直長安大
道四方輪蹄之所寄徑而二十七州邑之氓所
還還而居也紛拏狙獷無如此兩邑矣侯自南

穀城山館文集卷之七

八

三百四十六

官捧檄握符於鄆至而晰其利弊洞若觀火六
月而出教民有隱沒名田者各以貢自占不則
有法閉諸猾胥於署使正其籍得田六十餘頃
里大夫士以等衰優復不得踰越謝罷德藩中
貴母駕而收責于邑邑則入其租也浹暮而汰
比閭之徵裁供應之役總丘馬之賦減輸粟之
從所條上七議次第盡見諸行上不得以意格
而下不得以私瞰故吏畏而民安之其令滋陽
漕夫鄆也強宗大猾有犯輒取毋敢以身試法

王宮臣僕歛手而避疆項征稅之使垂橐而過
無惡聲於館人友邦家君兄首邑之治如宗盟
焉大都侯之爲政不猥托於所聞謬以寬和自
解而務乘狎訖之後壹以惠文三尺彈治而填
壓之廼其元元本本則歸於節用愛民以惠利
小弱爲質一切治理威名流聞蓋以輔德化爾
夫庖丁之目無全牛以理解而已矣誠非寬弊
安用斧斤以侯之批大卻窺大窾曾技經肯綮
之未嘗而謂釋鉞亦以蒲志必不其然彼所以

穀城山館文集卷之七

九

三百四十六

視止行遲怵然爲戒則鄆與滋陽譬之族也依
乎天理譟然而委地則亦猶之軼爾快哉侯之
奏刀而有餘地乎蓋昔者相魯之政要在正名
定分振浮靡之俗使上下有紀而疆弱不踰誠
審于寬猛之宜以弘其德化夫是以三年而有
成今之魯猶昔之魯也豈其遊于夫子之轍率
而不服且和焉侯既合二邑之政告成於朝兩
臺交以最上制詔天官內史下尺一褒令嚮其
爵級光昭於所自生壽母燕喜實饗其貺百祿

之道夫孰非和民之徵也自此進而立于庭優
優敷政對揚王休不更端而議矣邑大夫問余
言犁然有當於心也遂載于牘往以爲侯賀

代交部大夫上府主劉公生辰叙

郡侯劉公受符之明年朝有錫命孟秋廿有一
日是逢覽揆之辰屬大夫集于府門公戒謁者
母入承筐於庭大夫及階而請公曰否否以守
之年甫及強方在子舍敢啐羞者之爵母亦共
事茲土而思交儆之則願敬聽左部大夫進曰

穀城山館文集卷之七

十

三萬千八百

維郡之東方由沂費瑯琊而北得郕宿穀盧之
境皆山國也日觀之陽龜蒙鳧繹東飲于海二
三下吏奉公寵靈以賓岱嶽維嶽視公敢以其
封爲祝公曰否否穴山之使日尋斧斤坤祗實
愛其寶以告我民守吏懼及於讓敢聞他語大
夫更辭右部大夫進曰維郡之南方滕郕曹朱
連及鄆郛是爲西門皆澤國也經以洪河南屬
於淮緯汶泗而達諸渾汎舟之役通焉二三下
吏奉公寵靈以望大河四瀆視侯敢以其委爲

祝公曰否否珥蛇之神罔翕軌道使者負璧而
臨之較擊於疆守奔命之不遑敢聞他語大夫
更辭四郊大夫進曰維瑕丘之畛被於郛奄旁
連厥鑄四達於提封聞其善敗願有謂也間者
時政之亟歲不告穰無小無大日惴惴焉虞邦
本之不寧以階亂略今公受命之年民得歲矣
歲爲木星宙在東方之位充實主之來牟不澍
登六七而耕二三亦有獲也及臻秋成萬寶告
備芄芄旆旆環二千里如一膳焉歲星在天疇
實應之而不稱胡考乎夫歲星於時爲春於德
爲仁在天爲元精在人爲元氣人欲葆合元氣
以迓天和豈惟藥食是必將整攝其神情使
無惰窳運動其筋骸使無壅闕而後一氣周流
得積精練神之道也推之土苴絀餘陶鑄堯禹
亦猶是矣充大郡也辟之于人肌豐而緩脉閑
而關公日奮迅而聯屬之風聲意氣散一而爲
百城輻輳綱維合百而爲一體二三下吏各受
一同亦猶附歲而爲光也爾雅壽星之位起於

穀城山館文集卷之七

十一

三萬千八百

凡則太平敢以其疆爲祝公曰否否益非敢
富也雖然奎婁之埜號爲天倉列宿環之以及
有歲俾此維星之羣免於流亭守實賴之大夫
其夙夜同心共福一路受祝弘矣瑕丘之長揖
我邑君子其訪諸舊史史曰唯唯識地德者察
法考天形者觀象非吾所及也向爲諸君替辭
頌及魯頌未究厥詳夫魯之國於大東周公之
胙遠矣數傳之後政化漸弛削也滋甚及僖而
後興之修其兵甲車馬以從九伯之盟魯於是

穀城山館文集卷之七

十二

三十四

乎復振國人愛而祝之曰天錫公純嘏眉壽保
魯也魯世有頌而僖不刪其繇可測矣化國而
郡則名曰兗今公之治不亦炳然合符乎哉我
公實曰年甫及強方在子舍則燕喜壽母之章
亦魯頌也盍舉以觴公邑君曰諾

郡丞劉侯署沂德政叙

國家畫野分疆裒益近代之制建諸路大郡爲
府樹之長貳以統其屬而疏其支郡爲州樹之
長貳以屬於府無不若網之在綱矣州之長闕

府貳臨而攝之如行部而稍親其於吏民未遼
然也然而威靈雖燁德澤或未洽焉豈其居固
然與吾郡丞澶淵劉公以瓌才碩學起京兆高
第抑而謁天官選品爲第一以比二千石之秩
來丞於兗兗於列郡猶國之齊魯也郡伯江夏
劉公以丞正位方大振其紀法公實協衷而左
右之盡刮磨舊時媮靡之風以合於陳殷置輔
之義若吹埴篴而奏咸章焉所部諸吏攝弊而
趨府門罔不改步則守與丞之以明年沂守吏

穀城山館文集卷之七

十三

闕以公往署四月而代明年沂守吏又闕又以
公往署兩月而代沂者古之瑯琊介在泰山東
海之間綰轂東南之要故雖一日必以屬公公
以府君莅郡前後計不及期而吏民如在卵翼
卽代而府中居猶之宇下其柰何若去阿保而
靡瞻依也沂人之議曰郡故侈賦筦庫稱艱公
之出納也平受記而輸于府官給耗費得毋益
以私財書社之地凡百四十有三魚貫而料其
民糞生未浹而竣所登下增減皆中厥實郡煩

於訟公持衡而待之率以片言取直垂藥入對
不移日景而畢諸生倚席不講文業少衰簡其
秀茂萃而肄諸館以朝夕課其文藝不見異物
而遷焉屬四封之大疫溝且有飢所置地而掩
金以七十計所施糴而收數以二百計澤及枯
骨矣州牧以廣柳南旋祠賙二百餘金皆出所
自節縮不及官民仁聲四聞於道天如有意吾
沂何不假以朞月而亟去我爲丞倅以下及府
史輿臺相咨於官二三博士及絳掖弟子相咨

穀城山館文集卷之七

十四

於校武衛之帥及其士伍相咨於軍里諸大夫
咨於閭門耆老婦稚咨於市廛咨於疇隴咸曰
公何去我亟也相輿重趺累根走五百餘里稽
於北野之農報曰毋庸然也夫府之與州則何
間矣公臨支郡則若境專其施公居大府則闔
境蒙其澤而境獨不在邪夫溝澮之水溉及一
畝一畝知之膏雨旣零無此疆爾界旣優旣渥
夫孰一畝而不霑也膏燭之炳周於一室盈月
懸輝萬宇如晝夫孰一室而不耀也公代而府

中居天且爲膏雨夫且爲盈月奈何從一畝一
室而私之君等休矣政之敝也州有所興革不
以時達于府府有所班布不以實逮于州故上
下閭而民不親公以府而臨州旣有所宣其壅
自州而居府復有所通其鬱辟網之在綱自振
而自理之無結目矣如必一畝一室之爲快則
公常攝鄆所節適調劑不下瑯琊豈鄆人而能
勿思也又安得胥而有之吾亦有意乎沂人之
請也公以瓌才碩學一命而受牧伯且告成矣

穀城山館文集卷之七

十五

口且報最於朝題名御屏進爲太府以去二十
七城之民若吏皆將如沂吾其若之何蓋頃者
劉太公以丞正位今公治行似之比太公之內
召而公資深矣部使用竟故事表其名上請以
紓主爵竟不失充沂寧失沂君等須矣

送州牧徐侯入覲啟

今三歲一開明堂方岳大府率州與縣之長獻
計書而受紀古謂述所職矣縣者畫百里而爲
社元元之所宅生其職專而任已積而爲府以

縣之政爲政無所不問而無所親也其職兼而任人惟州不然分土而理似縣聯縣而領之似府其職內任已則實外任人則虛而處於倡和事使之際此何以述哉夫獻計於朝猶之文法也如曰以實奉其官而以虛總其屬疇不能之陳疆場而設吏無寧使以名有之而曰我母與知乎東平在魯之北境國初建爲大府五邑屬之改而爲州邑之屬如故而制則更焉維是品式章程以率先五邑而不有其政五邑之長簪筆罄折奉如大府而無所請事三歲獻計卽又贅旒五邑以屬於大府而曰亦是率從也其號則然矣臨江徐公以赤縣良吏擢牧東平三年而以介圭覲五邑大夫將取祖而後從于子爲贊祝曰維公之德澤綏於四境以逮我下邑維我下邑人士其亦式歌且舞矧五大夫五大夫之於公其猶衣裳之有弁冕以肅瞻視如樂之有鼓鐘以總其音節疇不依公之光烈其率以入見也惟州之所表儀而質厥成其敢曰以

名有之而無所請事乎竊嘗聽聆公之爲政備重而威精明而練討成法而損益之問民之所便安而除其蠹故以賓旅之不時火晨覲而除道數馬於廐數役於津無弗親也而至者如歸兩稅之徵爲軌則而命吏魚鱗比而登之羨則歸之長府間而念曰功之未康表農桑種植所宜挈爲令而布之以勸本業卽日不暇給恩意浹矣禮下士大夫與修揖讓而母敢請間以私羣澤宮之子弟橫經問難官師之訓修焉其識與材之所運發輒中的而無所枉橈駕輕就熟行千里而不輟此非所以示五邑而表儀之與今入而集象魏九賓在前天子親臨問狀得鑒所欲言尚以民之利病與所繇失職而敷奏之所爲惠於四境者豈不亦推而被之以及下邑而曰皆有民社而臨長之吾能庇之以封植焉豈所望於師帥也繁州與五邑繡錯其壤而兼其政俗計書所陳祕在府史里士罔敢與聞惟是時政之棘此疆爾界無不有封豕雄虺操

國權而爲暴水陸之毛殲矣河使者佩蒼玉而出秉璧與馬以令守吏民犇命而蹶矣天猶若不悔禍而假手雨師以助水伯之虐震懸耜而集於木矣毋論其他卽民之利病與所繇失職若此計書中豈詳之哉公於入對其亦猶是不忘具以白之闕下所以鎮撫我人而大庇蔭之孰非公所述之職而曰惟四境之爲憂乎其曰雖良長吏之績表而列之屏展且有顯命則上之訓辭在維公與五大夫均受其福我人士

慈城山館文集卷之七

十八

神

亦日以冀矣

送邑侯見廷珪着入觀序

張公以歲辛丑受國而臨邑政粵二期會朝正元乃奉穀璧入見上其計於宰司用昭受皇之景貺博士先生將率諸生出祖敬請贊辭之辭老生以魯詩進里之子弟皆善稱詩請以詩繹公於博士則官長也於諸生則師保也其在邑人則父母也詩不云乎愷悌君子民之父母天愷以強教則惟威克有父道焉悌以悅安則

惟愛克有母道焉豈其慈和之以而又曰樂只君子民之父母也意者強教悅安皆發於至誠子諒順理而平施之故剛柔並用而民交樂乎公束髮舉於南宮退而修業三年而對於廷猶之儔少爾天官簡其才能以爲可任煩劇請以爲吾邑夫邑也則誠望縣乎哉子午之交衡也供億之殷在中貴車徒之絡繹而俯仰之難在使者客之過而問北道主一不讐而讓矣賦故易完自其俗馴樸亦視政爲緩急幸而無鑛市

慈城山館文集卷之七

十九 金

大使賓之館又度民田多寡募充驛騎給其直而役之廩於是乎無佚馬執輿之夫籍其金於篋庫繇至而而賦之母使其長得操子母以權河上之荷重者十有五百身乘橈而護之履水腹如挾纊故旱竣而稱堅稅金五百施以與民而以公美代之開門之暴邑人若罔聞焉善良服習而安其教惛慢淫佚之羣跳伏而不敢出迹其操縱翕張批郤中窾一何易也此非有武健精明之才惡能致在必行如臂之使指乎然

穀城山館文集卷之七

二十

賦

聞吏民小大進而見公冷乎拂於春飈遠而望公杲乎熙於冬日何其愷悌而樂若此將所謂家人嚴君非父母斯民之道與辟之治絲一經一緯皆以成文辟之匠斷甘苦疾徐得心而應手何威愛之云乎尹尹大夫子奇未冠而爲阿令儼然抗強國之師君使視之則所與共載者皆白首也夫少貴而君百里禮黃髮而下之其中虛矣虛中則能循理循理則能守官此其所以治也今公之入覲 上所使視公數輩皆前以

治狀聞有如奉詔臨問子大夫之年茂矣長於尹子幾何胡治而聲赫若是爲告太史傳之循吏而石室藏焉不腆陵谷之邑其尚有榮懷於古昔乎於是博士進爵顧諸生賦械樸曰奉璋我我髦士攸宜嘉公之陶育久也再爵命賦驪駒曰驪駒在門僕夫具存送公之于役而有懷思也三爵賦采菽之八章曰樂只君子天子葵之樂只君子福祿膺之祝公之受錫予於朝而蒙祉福也公乃謝曰敬拜明師友之貺惟是父

穀城山館文集卷之七

三十一

詩

母之義其敢不夙夜訓行以成樂只于子遂書諸牘

賀鄒令梁侯考績序

充之南郊有奧邑焉故邾婁氏之域也地在子午之交號爲周道征軺使節袂連轂擊靡有夜旦城門之軌如流水也郭有鄒國之宇客裸將而展謁主人奉之以鬯堦有秦碑之岫客躡屣而登臨主人承之以楹惟母見讓敢告勤乎壤左亢右汚雨暘失時橫潦無際山則爲石

爾民俗樸愿刻木之餘服牛負販跡不踰境富者皆僅中人貧極無聊輒賦陽桑而逸吏懸石而受賦十得七八筭爲中程矣此不亦民勞政劇之區與萬曆辛丑上大策士於廷固陵梁侯以文學入對擢居高等翩翩儁少年也廟堂異其才品欲試以政計東省當道惟鄒爲巖非侯莫可任者則剖竹而命焉侯至而考政問俗修憲布令度吏之所避趨而爲之操縱體民之所徇偕而爲之聚施無硤硤以厲亦無泄泄以弛無察察以核亦無容容以侵庭有清飈間有杲日邑有凝霜野有膏雨賓至如歸而館人不匱租輸滿品而官刑不施甲辰之歲報政成矣監司部使條其最狀以聞天官內臺綜其最狀以復九臺屬書若干褒書若干質之月旦符焉天子曰嘻時予良吏實克綏我元元以寧賢聖之宇召內史以璽書勞及其二親咸受顯號以光厥家侯乃出逆於郊北面稽首稱萬歲三奉而獻之堂上邑之旄倪衿縷欣欣相告歡聲

流浹魯有玄同王季子之友亦侯之友也以其最廣來視徵爲慶項者侯之入觀嘗過而相覲也精彩益溢如出匣之鏐不可嚮邇而性度冲和藹然德讓又如在櫝之璧可挹不可含也予倒屣而心醉之及今觀牘中語或稱煖玉生烟或譬青萍射斗或擬寒蟬鳴鳳或喻珠瑩水清又何其肖貌之符如出一口乎哉夫治有因革機有闔闢御勞民者利寬民勞而棘是操烏董而起虛靡也埋劇政者利猛政劇而紆是舍鞭笞而驟罷蹇也是故善治者調甘苦之節適緩急之宜一張一弛不兢不絀則惠澤下流而誦聲上徹斯以遊盤錯而有餘試羊腸而不軋矣侯所爲獲上得民倚天之寵其兼出而並運者與聖上軫念元元興勸吏治久虛侍從以待循良王爵上請數矣旦日徵書四召首及鄒魯之邦侯入而日操白簡侍青瑣赤墀之塗其能忘鄒人哉究之四封敝矣侯將入白天子大布闔澤以蘇我東士女豈惟邾婁之域姑

佐洗爵云

賀魯藩務本王孫勅獎敘

今諸藩稱多賢宗魯國爲最魯多賢宗鉅野爲最鉅野多賢宗務本公其最也公爲人敦朴軒舉折節爲恭博學通古今善屬文辭工漢隸書法兼精圖畫盡稱神品往諸王孫生貴甚卽執大親喪不能如禮公之葬其父則徒跣號泣行自餘里已又爲寢苦宮門三年不入鉅野家丞以其事曰王吏民諸生又皆詣守臣言狀於是

豫城山館文集卷之七

二十四

王言六

王及兩臺制使皆上疏奏公孝義世宗皇帝嘉說使使齋爾書羊酒臨門勞問告守吏表宅里焉其後公益修身潔行名益大起賓客日進又二十餘年今天子卽位詔天下守臣察宗室中年高有行者以名上於是兩臺制使又舉公賢狀天子又使使以蠶書羊酒勞公如初自所睹記諸侯王以下受褒書再三至希有矣于生曰往余爲諸生遊魯魯城中多修巷長衢朱扉銀榜樓閣金碧門前列樹施行馬則盡

豫城山館文集卷之七

二十五

君中立君者公之元子博雅與公埒著述更富然其冠服益朴儵然如玉非復塵世中人矣殿屋四壁多陳圖書器下植蘭竹他鍾鼓帷帳之具皆屏不設則又惘然竊嘆曰嗟賢哉向所見諸王孫之遊徒豪舉耳今公家奕世濟美又何其闕雅彬彬君子也上之所爲尊顯不虛矣當是時諸宗人賢最著者周有西亭中尉曾公曾行郡邑至充又皆駕而過公公爲設杯酒

皆留驪飲罷去門外使者車日相望也四方賢
大夫士常不遠千里以書通公即得公所作書
盡皆藏而寶玩之其名重如此然魯諸王子侯
以百數欲効公所為不能也昔漢世人主憤諸
侯之不法而曰生子當置之齊魯禮義之鄉則
不以賢聖遺封詩書之澤在邪今 魯君方以
賢聞而麟趾磐石之宗有公父子者出斯以徵
漢主之言非過激矣 本朝宗室封爵貴倨食
租衣稅不試為吏即有殊材異能約結安施藉
數城山館文集卷之七
二十六

穀城山館文集卷七終

穀城山館文集卷八目錄

賀太宰夢山楊老先生

賀制府大司馬理菴蹇公晉位宮保叙

壽大宗伯棠軒李公六十叙

賀撫臺鍾梅黃公考績叙

送司空大夫肅君報代還朝叙

代充部大夫上府主石侯生辰叙

賀滋陽武侯六載考績叙

賀肥城隨侯考績叙

穀城山館文集卷之八目錄

乙

賀邑侯見廷張君考績叙

送金鄉任侯內陟比部叙

穀城山館文集卷八目錄終

穀城山館文集卷八

東阿于慎行著

門人郭應龍編

北海董可威

天中李時馥校

都門李本緯

男于緯重梓

賀太宰夢山楊老先生九十存問敘

夢山先生之致太宰而歸也越一紀爲歲辛丑
上以冊儲大慶薦號慈宮而值先生年八袞之
五齡乃命兩臺部使奉玄纁羊酒稱制臨問太
宰又越五年丙午 上以皇孫生再薦聖號覃

穀城山館文集卷之八

一

大旨

恩而先生以九袞聞乃遣從臣奏璽書而東帥
長吏三老臨問太宰如初有加禮焉海岱之野
榮光浮空歡聲載路而魯老生加額稱曰此非
先生之年也蓋 國家氣運靈長鍾爲仁壽而
先生得其盛耳然吾往者侍先生於朝嘗從列
卿後修辭爲先生壽第能循其統均表率之樂
而不能名其功今從先生遊於野十有六年而
知向者先生之功之大也一日先生以書訊予
曰自吾與若之歸田朝廷有十大事皆治亂所

穀城山館文集卷之八

二

進

關君知其解未予河漢其言思之累月未有獲
也念獨有最要且鉅者一端豈卽其十之一與
夫自古立國固必有相而本朝獨無何也有而
不以名也執政操宰相之權於內而不能行之
下太宰任宰相之職於外而不能得之上二官
者合而爲一則有相之重而無相之難夫二官
者合而爲一則相比而爲重不可也疏而相輕
不可也畸有所重畸有所輕不可也故必相有
而成其重然後上可以得君下可以得衆而朝
廷之體尊先生之爲太宰八年而與二三執政
協不然乎哉先生之爲太宰八年也天官之政
有默輒於政府者乎政府之權有顯試於天官
者乎政府天官之所請有不荅於上不信於下
者乎政微有之亦其渺小者耳柰何今之鬲塞
甚也天官所進退十而寢其八九政府所陳請
十而報其二三有億其必寢者報而人疑之有
億其必報者寢而人又疑之此無他天官無政
府政府無天官也然至制閫臺察承流宣化之

臣今日請一監司制曰可明日請一守相制曰
可朝入夕報夕入朝報主爵者憚其失於此而
便其得於彼姑詘其職而就焉則吾虞其漸已
昔者東漢之季方州割據之雄互相表奏不命
而稱牧伯唐之中葉藩鎮擅兵各自辟置參僚
與其支郡之守所謂自諸侯出也今豈有是萌
與夫天官不能得密勿之要領而顧欲陳其體
不中而以職隨之政府不能伸銓衡之請而又
欲寄徑焉以紛其塗不中而借辭於上共爲浮

穀城山館文集卷之六

三

進

湛求得當以抵嚴而朝廷之體遂輕安得不歸
於下而使倒持乎故自先生之歸而後予乃知
先牛之功大也先生之在朝事非無柄鑿先生
以和調之風非無能比先生以正矯之夫所謂
和者非暖姝也以異成其同所謂正者非刻峭
也以中引其偏蓋先生所與二三執政相有而
成其重如此自 聖上登極今且三紀所存問
八座舊臣以九十間者已五六公甚者幾百歲
而及先生先生顏日益丹神日益王成然而案

遽然而覺嗒然而示濕灰杲然而象初日卽千
百歲不已非 國家靈長之運鍾爲仁壽何以
有此昔商之盛其臣有伊摯者爲阿衡而壽百
餘歲周之盛其臣有公望者爲尚父而壽百餘
歲二代之曆數因之故阿衡尚父之年商周氏
之年也然阿衡告老而歸一德有訓尚父受封
東海丹書乃陳耆舊重臣與君國通其休戚豈
必在朝今者 上使使問先生先生當上書謝
因疏前所槩十事若最要鉅者爲 上精言之
穀城山館文集卷之六

四

三百四胡

得朋因得年敢賀

賀制府大司馬理菴憲公晉位宮保敘

曩公之由撫薊而入爲大廷尉也不佞業已受
薊部諸大夫簡謬修不腆詞以贈稱銅梁曲周
兩司馬故事以公且出而制府入而筦樞如兩
公云而無何果歷司徒司馬之貳以御史大夫

出爲漁陽制府盡護薊遼臣保諸軍事居三年而以請告歸又十年所而會熙陽制府開廷者屢上復起公田間俾護四鎮如故居一年所按臣條上閱邊狀上嘉公功特晉太子少保兵部尚書賜飛魚服薊門督餉使者張君倫兵使者邊君將率四鎮將吏上謁軍府稱賀以憲使杜君不佞里人也紹而兩揚解之辭不佞自惟久伏田里無從聞軍國大計又屈指去曩贈公三時餘一紀而逾邊政當益新公所拮据

公時則撫薊蓋威厥功者而薊故有越騎萬人皆威將軍所練歲久貪緣爲奸不能無散耗公因裁其冗濫節縮他費益募材官健兒悉隸諸帥而值校有挾卒譁者立懸首轅門南軍凜凜奉約束無所苦侵牟而益感奮當實用薊至今賴之不佞往嘗舉以稱公功今諸大夫牘尤以此津津公意上特起公田間猶若念曩誰爲我決此策者中丞也公駕輕車而就熟道卽倚重較臥護之無慮不望塵奔軼矣乃公顧宣布詔書援俘鼓而督勵之左屬蒙韃右屬鞭弭罔不惴惴慄也申令入衛之卒以間大修亭障而盡使越卒乘之有不乘且修而它役者法敢占冒者法營無虛伍伍無虛餽有脔削而誅求者謫無貸奇兵統以閫帥備策應以祗候他帥者罪其帥東征師還而有監厠轅門以雜技分駢士食者汰文武兩學旣設田餘五百畝以業諸貧生而密雲新城又特置倉庾歲計幕府所入自椎牛饗士外所樽節幾何盡畀守藏以佐

軍興而時賑救甲辰之歲左輔大侵賴公全活者萬計公益曰吾操其權於守而相其機於戰城障守禦備則屬莫可折挫使閭閻長子孫士馬飽而不嬉則可以控制虜坐收捷伐之烈以此東而策遼西而策昌保卽旦夕入而完元樞所爲安壤大計具是矣寧獨蒞之始終賴哉殊榮茂祉三錫而未艾有以也嗟乎當嘉靖間西北諸邊無歲不中虜至竭天下力以奉戰士而敵所殘傷蹂躪骨白盈野抵今談之猶爲酸鼻

自王襄毅開互市於西譚襄敏與戚將軍建敵臺於東宣大與薊昌保之息肩幾四十年翳誰力也二三輕剽少年耳食邊帥之勲說謬欲哆譚以見奇日齟齬薊與宣大是惡用守戎索歲委數十萬啖虜而勞入衛諸卒修邊無已時也二祖世度幕犁庭無敢逆前行者何乃諱言戰當事者意頗緩宣大而上谷五路之變告矣夫以周宣之中興南仲之車馬旂旄豈不可以一月三捷而僅僅地險之是憑城朔方而嚴稅

卽六月之師齎鉞而授之吉甫亦惟遏其侵軼至於太原而止猶之畫地而守也則禦戎之策當無踰周者此 上所以大賚公之不續而不佞惓惓欲効於公亦惟曩所術兩司馬者以爲公獻有如一旦輕剽喜事之流復言稍緩蒞事如宣大公且入而完樞當益持之曰漢臣有言國家與公卿議大策非凡所見事必不從臣不敏之領四鎮久矣其所見事如此敢身任其計則公之所爲社稷臣也惟公以 三朝耆舊敷歷中外餘四十年而志慮精神折衝俎几之上猶若鋌之新發於錮以節鉞韜鈴之重控制萬里而輕裘緩帶不廢嘯歌孔碩肆好穆如清風蓋恢恢有餘地云偉畧崇勳永肩軍國之重幾所謂元老壯猷文武爲憲以埒迹治古中興之烈寧獨二三先司馬之間哉

書大宗伯棠軒李公六十敘

蓋余與李公同典南都試去之且二十年而以甲辰之歲同稱六十也門人在闕下者相與欣

絕其事乃徵學士唐公辭走千里爲余祝而復徵余辭走萬里爲公祝夫唐公之文而黜余固不能當也吾之於公含情萬端則何從修文語哉常記乙酉九月南都微闈出遊燕子磯上其日值公生辰余釃江水而壽公已而方駕北征行至雲龍山下值余生辰公指河水而壽我蓋浹旬中事爾今去之且二十年矣而皆稱周甲不知公之顏貌何似而齒危髮墮余則一衰翁矣俯仰舊遊百年一瞬可熟念乎且吾榜同庚

穀城山館文集卷之八

九

進

者三嘉陵陳公與吾兩人是也其始固無不大同已而吾兩人官稍先陳公稍遜其後陳公拜相而吾兩人致爲卿而歸則始終無不同者吾兩人耳今陳公已老鍾室之畫勒太常之紀稱先臣於廟矣而吾兩人方及耆而相爲祝又可不爲自幸與夫旣六十年來始終無不同則吾兩人者形影也誦公疑於自誦祝公疑於自祝故難其辭而可書諸紙者平生心事萬里如面談爾夫鄧林之茂羣材所都崑丘之隈衆寶所

聚輪困磊砢厥狀不侔其盛一也國家以禁林祗館萃天下之英而自設科以來惟吾榜爲盛蓋珥彤鳴玉而遊於蓬山藏室之間其數止十九人而此十九人中拜相者六爲正卿者五爲亞卿者五其未至卿相而天下屬之目二人耳此不謂士之鄧林崑丘哉然其登而在位天下不羨其榮而羨其同心一德輔翼太平之業居而在野天下不稱其逸而稱其謳吟著述發揮太和之風淹速動靜其時與遇不同而至

穀城山館文集卷之八

十

三百三十三

於鍾運會之隆荷陶育之恩其盛一也今欲以蒲輪加璧之典相爲煦俞此則塗人語矣且吾方有所念不知公之同與否與何者化無兼工物無並茂羲輪不能宵耀望舒不能晝滿陰厓之植及夏而零陽園之柯望秋而悴天道乘除之數不然乎哉方吾之早達而世咸榮之吾未嘗不懼也及吾之先退而世咸惜之吾未嘗不訴也爲虧盈計也今者幸及耆矣從此以往有所挹彼注此詘於遇而信於年而又逝於焦勞

之苦若其恣睢之性居有圖史之玩出有湖山之適此則跪之所躋蹕而吟支離之所攘臂而詡以是竊快之若享太牢被文錦焉公卽而遁而之鳳閣麟臺之上吾猶將呼而薦之況與吾同有此也則相與祈乎哉泰山之趾有黃石之阜焉吾之所據梧而瞑也峨眉之曲有玉華之窟焉公之所抱膝而吟也涼秋九月清風徐來長天一色素雲萬里吾杖而陟出日之巔西向嚶而壽公公杖而躋積雪之厓東向嚶而壽我與乙酉之臨江河而命若相和也不亦交遊之盛事寰宇之佳談哉雖然吾則過矣平生固多與公同而亦有異者舍其異而言同公得無聽然笑之曰吾自與嘉陵稱雙璧耳安事魯生乎夫辨如淵泉辭如綺續質如鸞龍標如瓊玉此二公之才質韞抱吾不能同也七葉仍貂一床疊芴蘭芽寶樹輝華階祀此二公之門閼慶祚吾不能同也未路之軌其日尚遙吾又安知公之與我同乎與陳公同乎今吾已謝絕世緣屏

除家累與遊方采真之徒棲於汗漫之宇而公且以其方將之力出而從二三兄弟建匡時名世之勳吾則爲雲間陸公更三十八年待公之歸而復相祈也則所爲頌公而祝而亦自祝者與

賀撫臺鍾梅黃公考績敘

聖上御極日久慎簡大僚擁旄建節之臣師錫報可十僅得其二三及歲辛丑東撫臣關維時溫陵黃公方爲左使以忠勞祗愼簡在聖衷

衆咸推公且日卽奉詔旨拜御史中丞錫之容鉞俾撫海岱河濟之郊公旣受命布綱陳紀綏輯吏民越三載甲辰遂秉桓圭奏績闕下上乃賜之策書俾率舊服曰將有大命於爾藩臬諸大夫暨二三軍帥因徵舊史之辭以贊上謁史方放於巖澤逃沐公之聲教爰從黃髮蒼髯采謳歛之萬一於都哉我公三載而告厥成何諸難之脩也受命之初礦稅二使跂立南北之境夾而虎視民幾無種矣公爲平亭奏請吏代

之受其成事卽有瓜距之雄時假內勅乘六飛而提人輒以白簡彈治請尚方劍誅也及奉德音停罷俄而復徵公先諸部上疏以爲屯膏不施其望猶淺爲恩不竟其怨更深信不可知義無所立何以保有元元上爲感動溫語報聞

穀城山館文集卷之六

十二

五十三

若曰行且爲中丞察矣河之決而浸豫豫請假道於充使廢其地高不可開也議曰古有疏河不聞徙河有塞其決無塞全河豈其能使逆流而以我爲壑與使者持弗肯下發徙十萬鎊之河成而壅潰而北出將爲漕害廷議乃始服公或言河旣病漕請開膠萊通運復使表而視之其春陵也成而無泉猶之蕩陸其首尾沙也成而無岸猶之鏤脂安取水衡錢鉅萬填渤海波乎以狀奏寢罷之此三歲中天災代有始而東充大水旣而濟青大旱旣而濟部內雨水充部內河水方數千里民懸耗而棲沮洳公前後條上蠲恤改折及以便宜振貸所全活財省可鉅億計而民更生矣中涓詭奏螭司積羨金五十

萬可佐公家急也公言此皆賈人貧極不能中納所嚙徒有其券在耳遼左上谷方以空質待餉割之柰何無已請歲借萬五千金具供將作約以三年盡罷時雖未盡如議亦稍寬減焉異時朝鮮軍興加賦四十五萬金兵解而屯如故公謂島夷所從入道故不在北海海濱蕭條入無可鹵亦必不來徒坐而敝東人無謂也則以便宜稍減屯兵而請裁其將因罷餉金留足供防汛而已彭城救使伏天之誅條上所乾沒若

穀城山館文集卷之六

十四

五十四

所漁獵可數十萬皆具其窟穴主名上雖以計寬之亦頗收其二三人心稍快云蓋虞設四岳以典諸侯三載考績周以大夫爲監監於諸侯之國三年而慶讓行焉今之法固猶是也然觀公保釐之宇廣於周之侯服而經營之勞劇於虞之岳牧以是而奏厥成其益有當於上心矣則何以錫予之乎今之開府自九邊至於內地其重均也軍府三年奏績輒進一階久或累至宮保其在內地直以尺二綈函寵及先世

品高得任子爾斯不以外勞而內佚耶綜其實不然自虜葆塞以來寢戈臥鼓相與爲日中之市軍府緩帶輕裘托於將吏之上以時核其修守耀威靈而獻功不甚爲文法制也與內地之焦勞相提而論固有未易言者請以舟與車喻今夫遊車鑾鑣獵於雲夢之藪千乘萬騎殷然在雷奔電激之間豈不稱勞徐而察之左旋右抽六轡在手固無難也若乃夫萬斛之舟汎彼中流望之則甚佚矣倏焉而膠於塗脩焉而蹴

穀城山館文集卷之八

十五

老壽士

送司空大夫蕭君報代還朝敘

廬陵蕭公以司空大夫出理北河分省安平三年而代郡邑之長班謁而取祖道胥來受辭國家準漢河隄使者分遣水部正郎出莅漕渠之政持節而臨吏民與部使等安平介兩都之要南疏汶泗以達於河北蕩御漳以屬於海延袤幾二千里徐淮諸使不得與摯長焉斯已重矣大夫以名德宿望特奉 璽書至而值陽侯之難總河大使躬率三部吏士一空郡邑之藏以與珥蛇之神閭不勝而以身殉內自大司空以下借前著而畫甲乙盈庭猶不得其要領此若帶之水所關善敗幾何徒爲漕渠重爾而渠在魯衛之間南以沛爲首無難於入者北以漳爲尾無難於出者大使歸重於河而不以蒿月之餘睇及渠之尺波以有大夫在也三部監司長吏僉攘殷賑跋涉畚脾之間頭不及沐饋不畢餒惟對簿之不遑而大夫雍容省閣日望徐淮津口惟不得其五兩而馳焉彼月而進一艘此以一夕彼日而進一艘此以一瞬豈惟是若

穀城山館文集卷之八

十六

三百廿五

帶之水避北道而遺之安則所爲疏濬其流蓄洩其瀦厚其隄防滌其濁垢日夜區畫以有此寧宇勞不在荒度下矣珥蛇之神實轟然蹠蹠蹠踞薦食徐淮之埜而不震其隣夫非大夫之爲保障與徐淮諸使歲有河役往往借緋晉秩受錫於廷北河大夫如期入報復於舊列彼以其動此以其常也曲突之酌緩於焦額自古然哉吾聞水部之職出則佩玄夷之符以臨郡邑入則掌玄鳥之署以贊邦土終不得專渠而舍河也 國家方制萬里畫兩都之地形如機如杼以渠爲經以河爲緯縱而守常橫而御動所從來矣河之狙獪變不旋踵在景泰弘治間環安平而邑者不猶今曹單哉徐劉二公前後董十萬之徒彌歷歲月僅乃再克以至於今沙灣龍潭猶隱然有蹇楚沉玉之迹比聞銅瓦上流守隄之卒捧土而窺蟻穴有如軼金龍而北曹單之病將復移於安平後使者至卽欲挈幾二千里之流而効之析木之津惡乎得神巧而營

之願大夫入署亟爲大司空圖筴以有終惠於東土也諸君唯唯河事則然所爲祖大夫者何以則謝不敏而申辭鄙人艾而耕於野大夫數使使存之不敢釋耒謝也亦時數於行言其士人講德謂大夫鴻儒也學韞淵博辭華嫻令而不耀其美修能嫖節藉甚人倫之表而不挾其長鄙人服其虛丘里之議以寬簡稱謂戴星出入問水而不言他部省之重超然宴處如舍客焉鄙人服其靜大夫入而贊於朝躋在上列以益弘厥施其亦惟是之以夫水稱上善靜且虛也惟虛則受可王百谷惟靜則瑩可燭須眉故能利萬物而不窮大夫以水德興是之取爾敢酌以爲獻

代充部大夫上府主石侯生辰敘

夫禮之生其本諸人情乎凡人之情固必有所愛慕而不能自己先王因而文之於是有稱慶之儀以飾其鼓舞有祝嘏之頌以聲其謳吟此禮之所由生也昔者周之先公以農桑之業

食其民而懷保之其民終歲勤動各食其力以奉公家之約而至樂場納稼之日乃相與爲朋酒羔羊躋公堂而稱觥以祝其壽亦猶家人之於嚴君歲晚務閑斗酒曲臚而斷其黃耆也此非出於人情之所不能已假以法制束之能使然哉三代以來封建既廢王公之號寄於茅土不得與其民相親而惟岳牧師帥代君子民有父母之責得以職之所班撫摩愛養其民使其享稼穡之成以自食其力而上下之分亦甚遼

藏城山館文集卷之六

十九

胡金

絕卽被澤而愛慕之不過謳吟鼓舞俎豆而爲之社而不能身至其庭以觥拳爲獻於是長民之吏代其赤子而効之君公故有稱慶祝嘏之禮而官常之分又有所不敢遂則惟聞其懸弧之辰相率登堂以成一饗而祈之以辭蓋其情有不能已反束於法制如此幸而一饗又未必當穡人成功之日如豳風之所歌也則時與事之相值抑又有奇邁而不可幾得者與我郡侯石公以癸卯冬剖符莅政迄今將暮月矣科條

旣班膏施丕鬯環二千里之封如登春臺如遊華胥北境恒賜暨春夏而雨若以有麥告南境恒雨暨夏秋而暘若以有禾告左則開加之役竣運艘不滯於境右則導河之工舉繇發不盡於境於是諸屬大夫各得悉其猷念以撫輯小民使其盡民於南畝歡欣交通無有越志而享厥成功竊欲効之君公而未有間也仲秋旣望之七日值其賔揆之初則相與敬詣府廷舉稱觥之禮而恐無辭於典謁乃介舊史先焉余惟

藏城山館文集卷之六

二十

三百五十五

慶祝之禮本乎人情而使君之辰適萬寶告成之日則天時人事若懸符者可謂奇矣考之仲秋之月天地成物之府於卦爲兌兌之氣陰然以爲物之悅於德爲義義之體方然以爲利之和何者爲其成也周書有言凡民生而有好小得其所好則喜大得其所好則樂享其成而得所好於是悅懌歡和而誦其長上曰樂只君子民之父母也民之於父母終身之所怙恃無不願爲之慶無不願爲之祝於是致其洗爵之辭

曰稱彼兕觥萬壽無疆禮生於願願生於樂故
曰本乎人情民有是情而不能自通於上長民
之吏代其赤子而慶且祝其大父母亦人情也
大夫其行焉抑吾聞太古之時民自爲生及其
後也上導之生及其末也上戕之生及其更也
有代其上而衛之生民自爲生則其樂忘矣上
從而導之則知有樂矣又從而戕之則知有苦
矣或戕之而又或衛之則苦而得樂矣夫從苦
而得樂則其悅而和也不滋甚乎哉嗟乎今之

穀城山館文集卷之八

王

三

時政幾於戕民矣惟是鄒魯之境苞數郡國之
墟橫目之民以億萬計孰使當流金焦石之燭
而拂以冷風孰使值巨浸滔天之流而蘇以息
壤皆使君之衛之也有戕之而苦有衛之而樂
非此之爲父母而誰慶且祝與客曰在禮月令
以秋分之夕饗壽星於南郊壽星者弧南老人
也其宿角亢應亢之分野而使君之辰交值之
亦大奇也史敬謝客惡知天道徵之人事云爾

賀滋陽武侯六載考績序

穀城山館文集卷之八

王

三

滋陽大夫武公以戊戌上第剖符廩丘察能而
進首邑越三年辛丑合而奏績是受錫命於朝
又三年甲辰滿六年再考詔率舊服以待蓋是
時諸臺部使數上滋陽最狀主爵以考選無期
亟欲優以名曹而會 王上慎重官遷疏不時
報蓋以待召選云魯老生聞而喟曰勞哉大夫
之理也凡稱邑者百里爾而居孔道是倍一也
而又居郡城是倍二也如是而再考其積勳累
伐何但六轡不太邇延乎哉客問考績之令曰
客毋告遽請爲更僕昔者虞之官牧九載陟明
周之五服六年錫慶斯所從來矣漢初久任良
吏至長子孫以官爲氏後魏孝文守宰六轡爲
斷然皆易世而更唐宋之法一年爲一考三考
爲一任任滿輒遷久者至四考爾惟我 二祖
立法致用虞周之典內外羣吏皆以九載敘遷
彼其時能精行之熙洽旣久漸有更移自予所
睹見嘉隆之際甲第令長率不滿一考輒召入
爲臺諫若遷省郎然其時得受恩錫者亦少矣

萬曆初元始議久任率四年六月以上乃得名
及遷雖若少淹而循良之政無慮皆得受錫光
及先世上下則交便之顧安知今日之淹至有
九年未召者況六替哉客曰然則久任便否曰
民則便矣於吏則否何者元元之命係於司牧
惟不得賢者而奉之有卽終身懷保豈知厭敷
吏治則不然一任之規模一人之精力大約以
三年爲準則獨行其意可毋改絃若以六年計
之則又不同必以其半爲威以其半爲惠文武

縣城山館文集卷之六

二十三

三十四

相濟乃能持久不然如縵叢鼓急則裂矣蓋觀
大夫之政前之三年爲神君後之三年爲仁父
此非前銳而後緩也張弛闔闢互出迭用正如
四時之氣一陰一陽相待而成歲爾雖然天道
無倪故周而不已人道有紀故成而不變再考
而率舊服何以益之將終爲惠乎下無乃玩將
復爲威乎下母乃怨是是適而續厥脛蛇成而
盡之足也客曰國初何以行之曰彼一時也上
之耳目頗簡文法尚寬下之勁胥黠民蠹孔弊

端亦未盡鑿其寢賢能之長各以其意爲治稍
有成效與其民坐而守之如家人父子上下相
安而無有扞格故能久也今一長吏之身上而
臨且察者以十數而不止案牘尺檄握管而應
之如飛羽焉用自銖兩以上罰自鬼薪以上皆
有部使之檢押寓於其間不得握手而胥史之
奸與閭巷輕詵之徒根銖窟穴日益月增牢不
可破治如揚湯救火精神視聽急與之接而力
不得暇如是而再考是居而倍數邑也況孔道

縣城山館文集卷之六

二十四

三十五

郡城間哉竊謂 主上神聖間有操縱下愚所
不能測第計慮遷太滯無問吏治便否於朝廷政
理損益何如蓋本朝以令長卓異召爲臺諫誠
欲責以主德治道匡救繩補故必乘其銳而用
之又使其得之不難則自爲之志輕今也因之
簿書刀筆之間役之奔走伺察之會至於五六
年而未已使其鼓舞之力倦得失之念生一旦
進而爲臺諫磨之既久則發之或紆得之既難
則持之或重故長厚之風易覩而謇諤之効尠

幾也辟之水輪乘其峽而激之雷奔轂轉可使
在山若乃浚而分之瀦而蓄之容裔洸洋不能
飄芥何以退六鷁而瀉千里客曰不然大夫強
毅而和練敏而執其所張弛其所開闢甘苦疾
徐得心應手而非有所倚辟之宿火久乃彌壯
矣柰何稱激水乎予謝唯唯會曹守吳公合友
邦之長徵辭爲賀因述所與客語以報

賀肥城隋侯考績敘

天生兆人而樹之后使父母之其能惠養而莫

續城山館文集卷之六

二十五

古詩王

厥生天錫之福福及四海后有兆人而樹之國
邑之長使父母之其能惠養而莫厥生后錫之
福福及二人皆惟子民之以曰樂只君子民之
父母曰豈弟君子民之父母樂與豈仁之象也
仁者天地之心而后王體之國邑之長承焉所
繇保赤子而有之矣世之吏者豈不亦明於所
保而徒上觀下獲取繩約期會母負大吏以藉
歲月之資卽而稱卓無不有所興建規畫以新
民之耳目至閭閻墟里扶老長幼罷隆疾苦呻

吟之狀年穀豐凶賦更增減之故原隰墳衍墾
闢樹藝之方風俗美惡之原百里之內遠於異
域矣三年而告於朝王爵按籍而請下尺一而
褒之其辭無不甚侈問諸在野而民未有聞焉
父母之於我何也死丘隨侯以晉文學史推擇
爲肥城長下車而延父老問政所宜分委博士
諸生條集境內利病及所興革里凡三十有二
其所博狹幾何壤地饒瘠制賦高下何等山谷
風土何若里爲之圖圖爲之說受而握其凡念

續城山館文集卷之八

二十六

三百廿四君

邑之有流亾荆官莊十餘區招集復業給牛種
器具墾田數千畝東作旣興課民以牛馬糞遣
吏行村落問蚕桑蠶縮以稽婦功邑之西南厥
壤沮洳築隄禦水可十餘所潦不爲蓄春和穀
價踴貴躬率里士大夫勸境內富民各以多少
出穀附諸社倉以廣振貸所不及礦稅之使所
遣儻從耽耽虎而冠也侯爲亭平其間不編其
須而撼其顛使不得噓胥史抱弄牘背或以緩
急低昂抑之使不得行奸民乘時政之苛往往

與冠攘矣關引狼入室過之使不得逞而以其
間省刑薄斂與民休息月朔三老率命聚會讀
法教之興行焉當水火之交而千室之婦子有
所清煥若在枕席此非有豈弟樂只積不忍人
之心惡能然哉庶幾賜予於茲而自道云少而
慕文史蹇不及於大對長修養生家言谷神之
簪亦茫洋乎未聞晚而進於道也學一先生之
言施於有政庶幾無得罪於赤子若茹荼而飲
水矣余領其言藏之今觀邑人所誦述其孳孳

穀城山館文集卷之八

二十七

三十一

爲民合於古之良吏君子學道則愛人其不諒
哉肥子之國躋岱宗之右壤錯乎齊魯之疆其
故可考也齊政成於因變而後至魯魯政成於
革變而可至道惡問淹速豈惟宣聖之於中都
卽高第弟子爲武城單父皆以禮樂教化行其
豈弟樂只所謂至於道矣侯之治泰以齊魯而
本在學道豈與世之吏者同乎哉既滿三歲上
功天官御史胥贊其最 皇乃錫之嘉命曰予
有良吏實代予子養元元稱民父母予錫乃父

母爵以酌厥庸僚佐以下率邑士民謂賀侯謝
不敏予因講德而請更端一邑之長能子其民
人主疇其爵而世之恐不得當焉不惟是一二
赤子之故而然與 聖皇憂勞元元以歲之多
艱避宮側席所以訓飭長吏不啻三令五申征
求之令誠不忽而亟罷之以應天之愛民豈其
鑒觀有赫而不建厥福也蓋古之勞臣受珪瓚
拒鬯之錫於主必稱其令聞萬年祈天以報而
勒鍾鼎焉侯拜稽首祝矣

穀城山館文集卷之八

二十八

進

賀邑人見廷張君考績敘

蓋天子觀政武城而得言游之所以愛人也絃
歌成化禮樂之所由興豈非文學之顯効乎哉
他日過蒲未見其政而三善是稱由也升聖人
之堂夫豈不學而能無蔽也斯文學政事出於
一原而名不同科爾今博士諸生於我侯之政
獨稱其興文右學好崇禮讓若將俎豆而歌舞
之豈謂所服膺而埏埴者與侯以辛丑奉符君
臨吾邑厥在九軌之塗乘軺之客憑軾結軻而

過者鉅饒以立持斧之使懸象布常而莅者
旂旄接於日不入其境乎草萊何以闢溝瀆何
以治南北洋濤千里汙萊蕞爾土而何以不災
也斯知其恭敬以信矣不入其邑乎墻室何以
完館舍何以繕權稅之使蜚而詆人何以民弗
震也此知其忠信以寬矣不又莅其庭乎筐牘
何以理輿畫何以載車殆馬煩役無息何賓何
以如歸也此知其明察以斷矣侯復博通經術
緣飾文雅臨政之暇躬御學舍召前諸生而第
其甲乙之品以時大修濯宮陳設俎豆講鄉射
飲酒之禮此則武城之化蒲所未備矣要以仁
心愛人施於有政前所稱豈第君子民之父母
寧從諛也諸生以興學禮讓推德於侯此樂其
所自始矣夫三善之成出於仁心愛人而本之
學道彼以絃歌飾之耳不能兼二子之長而以
稱古之良吏非其質也嗟夫大治之敝有日矣高
材捷足之士當世取舍養交市寵以揚名聲而
竊上第之賞卜者惛惛無辨求收與筭而不得

而以休養爲藉究且拮据而無功銳者厲精盛
氣以操切尅核見長欲治之急成而不顧其安
虛文相冒無所底績深者匿情擢性秉尺幅以
臨下暴卹民之志而恐其刳法示親仁之迹而
虞其責重此投綸錯餌而盈尺之魴逸也此豈
其智能之不足本之遠於學道而志不在民矣
我侯之爲人瑩然如玉淵然如水施而不有肅
而不遂興建釐革勤而不雄成俯仰酌接恭而
不踰禮蓋粹然學道之君子也謂之慈父謂之
仁君稱善豈惟三哉公長吏蒲考部使監司列
三年中治狀墾田若干頃畝積穀若干斛尉振
業流亾若干口斷獄輕重若干名捕盜賊得者
若干築亭館若干所城堞延袤若干步武及興
學校何狀造士幾名且在牘中而先是諸部使
者常以事竣報命迺上其績至是而合符焉如
侯三年中諸部使者所薦上公車章纍纍滿御
几上矣天子取而披閱之其境邑與廷具在
中與聖師所倚驂而覽稱三善而莞爾之豈

殊措哉

送金鄉任侯內陟比部叙

國家置郡國縣道長吏子育元元監大夫使者
歲列殿最以告於朝而主爵受之卽有治民異
等輒召爲臺諫若郎從官所以尊顯風示法郅
隆也間者吏治蒸蒸焜耀圖史而海隅萌庶見
謂閭閻不究有愁嘆無聊之聲此何以故意者
上之所求與下之所應不相中與上之勸吏何
嘗不求誠心惠政懋循良之理而不能不立之

穀城山館文集卷之六

三十一

三百青

程程不可虛塞則標迹以赴之迹不可立取則
設文以管之文不可獨具則厲民以成之民不
可徒使則藉法以馭之愈棘愈緩愈密愈疎故
恢奇之績奏而悃悃之風渺矣卽尊而顯之以
布諸有位何以風焉若乃以安靜和平爲理而
聲實阜茂如金鄉任大夫者豈非吏治之良而
上之所宜尊顯而風示者與邑在充之西部古
山陽高平之墟僻不當塗壤斥而民愚故易理
也大夫以進士升朝簡畀足邑至而考覽謹俗

與邑之故實知政所宜一維是簡夷子諒保又
綏懷與民休息輔以教化陰消逆折防其不然
卽有麗於三尺法亦輒行而未嘗鉅鉅深索以
急於繩之外曰夫治何常之與有故有盛氣擊
斷刻廉以爲烈而束濕御之民握手相戒何忤
睚之敢蓄而流辟爲此誠深督窮治取一目之
愉快矣然必其民羯狹疾悍若都會龐聒之地
不可純用德化以一切健武勝爾今邑皆無之
可以誠長者治也已而政流民康漸漬融浹上

穀城山館文集卷之八

三十一

二百五

下交手顧反出尅核者右豈非所謂誠心惠政
日不足而歲有餘者與嗟夫以予觀世所由理
亂及吏迹興壞之由未始不成於寧一而以操
切反繆也漢史所紀令長若魯恭之治中牟專
用德化不任刑罰而政號爲異劉矩爲雍丘亦
惟禮讓爲先使民無訟皆羨然爲良吏首位至
三公稱漢名臣何嘗有殊功異能惟是安靜和
平與民休息故政成而名不沫爾假以尅核爲
理固無不厲精奮銳火馳電駭以震流俗而莫

爲持久之計俄而精銳漸消鼓舞易倦智日以窮民自以玩故不可三年淹也惟是德化禮讓與其民相忘而不相勝其始若踈積之益無滲漏其表若緩叩之益無楷虞故久而名益烈爾嗟哉齊宋之郊聞市之譏四面設罽鳥飛不越益以爲健之役行齊居送十九爲空兩師水伯復相助而爲害民接沮洳而呼癸庚設復從而迫阨之一二子遺安歸命而稱邦本乎吾以爲王所求於吏治必如所尊顯大夫者而後太平

穀城山館文集卷之八

三十三

二十五

可幾觀也大夫且行友邦寮案將祖於魯城之闔吾張君侯爲徵贈言故得論著其畧以比於中牟雍丘而徵諸異日不直爲比部賀也

穀城山館文集卷八終

穀城山館文集卷九目錄

贈太醫朱子叙

送山東藩叅禮齋宋公叙

送雲南副使張公叙

贈王錦承叙

壽封君蔣翁八十叙

壽顧君六十冠帶叙

送賈柱山先生司訓內丘叙

送孫鴻臚出使叙

穀城山館文集卷之九目錄

乙

今五家

穀城山館文集卷九目錄終

穀城山館文集卷九

東阿于慎行著

門人郭應龍編

北海董可威

天中李時發校

都門李本緯

男于緯重梓

贈太醫朱子敘

天下治黃岐家言以太醫令徐公爲宗而徐公之徒有朱子者能得徐公之術吾鄉祕書田君嘗病痿痺不起乞命徐公徐公使朱子疹之不踰時而瘳於是朱子之名大譟長安若將繼徐

穀城山館文集卷之九

世百七十八

公而興者于子曰懿夫徐公之爲天下醫也有國工之道矣能得人能用焉夫扁鵲治虢太子也使子陽施鍼石子豹爲五分之慰而太子立起故扁鵲非親藥石也然而名聞天下者得人而用之也抑吾聞之下醫授方中醫授意上醫授道朱子親徐公甥也而徐公子育之其授宜無不盡者然徐公爲太醫令供奉餘四十年其道非直醫也朱子豈察之乎夫醫非小伎也至謂與良相等疑其太過雖然操鍼礪石聞乎一

鄉一國之中卽盡人而濟之以論於舟楫鹽梅

利盡四海何言霄壤至國家設太醫令率侍醫

之良日直內殿主上起居服食節咸得聞狀

卽大官之膳疑於先嘗必遣問醫令此可進否

令考方書以對故醫令者得人則調護人主之

身而節宣其陰陽以平其志意六氣鈞和而淫

戾不作以埒乎燮理輔導大小不倫至其筦天

下之本澄源而綿祚蓋亦有符焉矣世廟臨

天下久居法宮決事卽禁近諸大臣不得如徐

穀城山館文集卷之九

二

三百七十九

公數召見也一日顧問徐公方士不效藥竟何如假他人阿旨對不阿者立死矣而徐公直稱臣所受黃帝扁鵲之書令人不病爾他固不習上爲默然自是雜用徐公言諸金丹燥烈之藥輻湊並進不損齊天之筭則徐公調護之力居多嗟夫古有杜舉曠絃藝諫悟主茲道近之彼一時蹇諤之談比功繫德豈有是哉朱子受徐公之業得是道而存之可與論於醫之外矣

送山東藩叅禮齋宋公敘

禮齋宋公以觀察大夫治兵昌平三年擢叅東
藩所部長吏將率其屬送公介順義曹令徵言
余嘗陟燕市之臺踟躕北眺羣山矗砢如龍翔
鳳舞自天而下諸陵峙列其間鬱勃陰森蕭然
有風雨氣其下昌平在焉黃花古北之陰胡馬
之所悲鳴而旃廬之所枕藉也疾馳之騎朝食
而達郊關則慨曰嗟嶮巖乎危哉九邊之險莫
要於薊門薊門之衝莫近於是鎮矣其孰爲之
關鎗而可無何報虜至塞下烽火照長安門

蘇城山館文集卷之九

三

昌平

朝廷北顧而若立遣本兵大臣提兵出護陵寢
至則昌平之兵具矣而所謂黃花古北諸口劍
戟駁弩甲士如雲虜不敢嚮而去問之則宋公
在焉斯非所謂折衝禦侮之臣與國之衛塞非
才不任國之藩屏非績不登公之擁旄而東也
任且有於此則奈何曰是奚問哉百鍊之鋒
格盤錯如削杞則析薪何難射能仰接飛猱而
問穿札之度非知射也夫東與薊門其地可知
已藩叅與臬其職可知已治兵與守土其政可

知已公此之易而彼難乎哉雖然薊門有形之
險也東土無形之要害也公入其境覽焉廬有
不蔽風日突且不黔田有茂草而不除民有裂
布握粟而鬻諸市其聲吞其色鬱此何爲也則
曩之餽昌平者也土有插羽而謀免胄而馳老
稚裹糧而趨之其聲吞其色鬱此何爲也則曩
之戍昌平者也公睹之何如哉夫兵者火也民
者膏也火盛則膏銷兵者土也民者水也水渴
則土燥必然之理也然則公之東遷以其勞於
戎也息之乎將使之滋其膏而明濬其源而潤
乎公加之意耳矣

蘇城山館文集卷之九

四

昌平

送雲南副使張公敘

隆慶辛未春郡國長吏覲集京師天官大計如
法有詔二千石賢能著者卽闕下擢拜寵異之
於是充守禹江張公晉雲南副使充部之吏將
爲祖道吾大夫田君儼然造余曰公去魯矣公
之政魯人類能道之史氏謂何余曰唯唯君子
居是邦也其上有美而不知聞也知而不揚隱

也言之無文而扇赫焯譚汪濊僭也吾寧僭可哉夫充者斥鹵莽蒼之壤擊磨肩摩之道而創夷靡敝之民也公也爲之四年而究非故充矣何者魯宗人以千百數祿不時繼急則脫巾裂冕呼突夷於府門今也給不後時無府門謹矣府故多豪舞文吏著綺刺肥纍纍然虎而冠也今也羣而聚之舍不得顧銖兩之贏甚者以貧罷矣里甲之役十年一更百費加之今也金出諸帑役出諸官里甲勞而不費又得更直閒矣驛馬取之淄青馬或不來西人日困今議不淄青取也而令淄青代吾轉輸吾出馬而民不困矣沂費滕薛之間汗萊無際民多轉徙今化爲膏壤禾黍芄芄行者歸矣於是稱曰公居充四年而究大治非故充也豈非諒哉夫吏治非行之難守之難非才之難誠之難非敏之難精之難公之爲郡也其操持清而不刻其行之民悃悃而無文具其政綜核而不煩具此三善六課乃臻不治何爲田君曰係哉夫滇亦充治乎曰

嗟遐哉險也滇乎古所稱六詔之墟于闐大夏之隣也於充何如哉然聞之君子不易民而化仁人不擇地而施守之所貞無遠不流誠之所孚無頑不格精之所察無理不解持是道也以徃鬼窟不可夷乎雪山不可煬乎菰茭之田不可質而人鬼之獄不可鞠乎繡面之酋不可揖讓而跪于前而啖虺椎結之民不可于乎謝素所蓄積已有試矣且夫滇者樂國也壤沃而豐俗淳而簡蓋其屯之隙臥而護之者餘地耳事有不可行于齊魯而可行于蠻貊者公思之哉田君曰史氏知公亦知政矣請述以代驪駒

贈王錦衣敘

錦衣王君者長安賈人也世隸禁旅爲錦衣校尉校尉之稱曰金吾郎即古期門羽林之流主宿衛禁中刺察吏民姦利佩木符經數寸所甚自喜也王君之爲郎當嘉靖末年刺事吏任用然王君爲人敦朴謹畏不爲其曹所爲而有中貴人用事寵冠禁中王君即求居門下委婉善

俯仰中貴人大驩王君卽戲道筭器食中貴人
輒喜常握手與咲語王君因以其間有所聞說
稍稍顧銖而自益居有頃乃大饒因治產居積
與時遂卽又爲大遺僦人任公家之約亦時時
有奇美則以資雄都市矣王君爲人任俠有心
計材技傾諸少又以酒自豪一飲輒盡一石則
稱曰夫貧不能自見卽伏里巷不恨今食飲饒
足被服足以自通而不事賢大夫則無所比矣
於是因紹介造請通長安諸公諸公慕其實行

魏城山館文集卷之九

七

焦

多與之遊或過問其家則擁篲祖韓自上食禮
甚恭王君有四子並喜爲俠曳紈綺出入巷陌
鼓鳴瑟跼蹐者從之翮翮然皆和柔自愛不如
諸狹邪少年於懷忤好氣也王君年且六十顧
猶服陞楮郎衣終不欲以資醫爵會御史大夫
劉公出鎮薊門得自辟置將吏雅習王君賢又
以同里開故輒檄王君爵號爲軍尉尉不任職
然得高冠束帶揖讓長者之前雍容可觀矣往
予聞京邑富人比千戶封者甚衆迺今往來長

安中大氏蕭然靡敞與所聞大異卽王君唐列
肆廢居埒如古賣漿酒削者流已稱閭右不參
見矣況其著者哉此無異故法罔密也邑屋居
民築室一二區守閭之卒已曠而記之卽有所
居偵尚未獲其息更已摧詰其間何以使自操
從乎王君嘗語余曰夫市人仰機利而食者衆
矣然不大昌阜者持之急也吾之賈則異出所
錢常若棄不以苦維良卽入子錢又不以日計
取盈也故吾之幣行如流水而贏得過常倍于
織齊家者以吾藏之于人也嗟夫此其言有概
所謂廉賈五之者邪故善爲賈者藏之於人善
爲國者藏之于賈

魏城山館文集卷之九

八

三

壽封君蔣翁八十叙

雲崖蔣公者吳中名儒人也父曰感慈先生以
隱德聞里人尊爲祭酒蔣公第已未進士累至
司馬大夫隆慶改元 天子覃恩近臣以舊書
貴其父母品如子秩先生拜命於家吳中人率
之因號曰蔣封君云已而蔣公爲高州守剖符

南入粵而會封君且八十春秋蔣公自念大人
耄矣南粵去吳數千里晨昏奈何乃上太守印
綬請得歸而將父卽終槁田里無所不願上
憫其志許之於是蔣公歸而驩然適也內史氏
曰聲祿之於人甚矣哉夫辭親而仕規以榮親
也而至於輟白華之詠訓子而成之是愛之道
也而至於興倚門之嗟此世之所同也然有越
國而遊三年而返室其親不望之而懽者希矣
有仕宦數千里一旦解而入門其親不望之而

穀城山館文集卷之九

九

戚者亦希矣思子之情非異而懽戚若此者榮
名之所使也豈不亦過矣哉今蔣公蘭省名賢
聲實茂著仕至二千石達宦一旦解其三尺之
綬投之若敝索者徒以封君耄也假使封君非
聲利不華非榮祿不悅蔣公卽欲修晨昏左右
奈何爲一日之養而以傷親之心必不然矣子
不以祿爲養而得全其私親不以仕爲悅而得
遂其子故蔣公者服其爛彩有綿續之華薦其
茂菽有牢醴之味若此故壽乃可述也繫吾聞

之福莫大於知足道莫尊於無欲故恬懷而不
競者葆生之樞籥也澹泊而無營者引年之木
苓也封君余昧其生平跡其脩然世俗之外能
使其子高蹈若此豈亦聞老易之規者與江淮
之南吳爲都會古之隱者擬尉東方生之流往
徃混迹其中封君倘有其遺意與何其與俗殊
指也蔣公嘗校春官所錄有侍御王君者欲合
同門諸子及封君之辰爲壽俾余述其意如此
而儀部錢君從余受言爲道說封君生平果如

穀城山館文集卷之九

十

所言梅尉東方生者流也

贈顧君六十冠帶敘

岐山顧君者濟之齊東人而以尺籍居長安其
人整慎修儀慨有氣雅遊賢士大夫以行義
顯徃先君偕計公車友顧君甚習至歸老常口
道之先君沒日十年而余始通仕籍京師則求
顧君家謁之顧君躡履披衣出見余握余手坐
爲語先君遊狀屈指同時諸長老道其顏貌行
藏問其今在否子孫何似皆余所不記也爲之

慢然而悲顧君居長安東城家非有居積也客常滿座青瑣金閨之僚往往鳴珂回轡羣而過顧君家呼酒酒輒具輒對語良久去或至竟夕乃顧君不以客自豪亦未嘗異遇客坦然布衣交耳僕嘗爲金吾郎已更罷去山人服以居所善中丞李公使使輸六十金爲顧君請爵爵得爲太醫吏目吏目朝官也于是顧君製美冠服長帶遍謁所善客客咸喜贊之而顧君年六十有四矣蒼顏素髮雅稱其冠服客因以其辰

穀城山館文集卷之九

十一

文三十四

爲壽顧君日夜爲具市市牛酒張樂大饗客余從其後慨然稱曰嗟夫古所稱閭巷韋布之雄遊太人以成名者何可勝道哉然俠節好立義千里藉其名聲至將相皆爲之地而或扞公家之罔五陵闖雞走馬之徒朝貴人好奇亦樂之上下然少年無俚人耳儒者皆難交之顧君風度洒然不爲小文而又砥節好修有孝悌淳篤之行議論常依儒雅可異焉夫掉背駢肩過市之情也俯拾仰取庶人之意也而梯突滑稽馳

騁聲利都會之風也顧君不三者居乎何其行義較然有賢豪長者之槩如此豈燕市擊筑悲歌之奇流風遺迹千古不泯與抑齊魯之俗敦樸長厚卽遷徙百年未散與夫孤學僻處或抱只尺之義無聞於世而顧君以賓客顯學士大夫無不慕與之遊卽弗官與壽也吾有取爾矣吾有取爾矣諸客大噱曰知言哉史也稱人而不溢於是罷酒

送賈柱山先生司訓內丘叙

穀城山館文集卷之九

十一

文三十五

行故與嶧陽賈君德修遊及同舉進士肄業詞林則益習德修然竊異德修一何風神磊落含英咀華又何飄然凌雲氣也而德修稍露淵源則知由柱山先生而先生又遠有淵源云於是先生以需選至則從同輩往謁之風神視德修而更魁岸讀其所爲詩賦和以德修之詞慨然在陰之鳴也則曰嘻曩奚異德修哉堂上箕裘之緒所從來矣予嘗徑滕薛道中望見嶧之西境氣佳哉靈淑之會乎山則徂徠鳬繹而南蛇

蟪蛄遙遙蟠蟠乎孤桐之麓酒水逆軒轅故丘挾
汶洸南下睨滄浪之流而抱之則延佇踟躕意
必有匡衡二疏其人者復生乎其中乃在先生
父子哉無何又謁先生固已委貌褒衣捧檄爲
中丘博士則目行曰噫予且坐青氍稱人師也
對曰先生薄師耶師正自不薄得先生彌重耳
夫求輪人者觀其轍求場師者觀其植維有徵
也天下稱魯諸儒舊矣至先生明經五世魯中
亦罕其儔正獨爲文學博士士猶將求其淵源

教諭館文集卷之九

十三

朝

而師之矧有德修德修方蜚英藝苑振其瓊琚
珮玉之文以衍式穀之訓先生卽不爲人師士
猶將訪趨庭之問而徵其異聞矧儼然師也師
不重乎哉伯樂一過冀北之野而空其馬羣歷
塊逸塵之駿固待人而良也中丘非古冀北與
古稱燕趙多慷慨悲歌之士今豈有異與乃又
得先生而師之辟之蒙伯樂之技而執策平雲
錦之羣不按圖而索矣先生行也旦日教中丘
有狀人將稱曰是能以儒術顯其子又絕推經

術之訓於士羣無留良焉而天子且以制
書錫先生褒其世家爲魯國儒術勸是匡衡二
疏所未有也先生之行吾師棠川相公將率里
士祖之而曰于生爾其辭焉伏曰諾退而書諸
策

送孫鴻臚出使敘

自子游嶧陽賈君而賈君有友曰鴻臚孫君者
識予於賈君舍予觀其人樸茂而文音吐周旋
咸有律度則嘆曰長者哉孫君也而賈君爲予

錄城館文集卷之九

十四

新二百九十五

道其平生則信有足述者孫君者嶧之故家服
田居積頗以質稱閭右乃顯爲恂恂篤行無輕
華豪舉之風里中舉愛慕之大人嘗爲府幕宗
人子弟多操觚結綬之倫而孫君以襁褓居則
奮而稱曰丈夫當通籍金閨觀廟朝文物之盛
從賢士大夫遊安能落落老田舍間因輸粟助
邊入遊太學選而得鴻臚序班序班古之諸者
今秋卽不大顯然其職最親講禮乎大廷法宮
左右敝袞儼然稱近臣矣而天子式新化理

日親近士民負轂袞路門之下孫君從其僚案趨蹌擯相以習禮聞廷中廷中賢士大夫慕孫君長者則多與之游云無何孫君以久客長安鬱鬱有歸思上疏乞假得賜洗沐因使持節荆府卽命王子侯名於是賈君邀所嘗游者出祖都門道上予則致詞曰嘻侈哉孫君持天子節稱使者過里門也則居然駟車擁傳之風哉今薄海人士得覲至尊之光靈億兆無一焉而孫君親揀貂垂魚容與乎丹塗紫闥之中至榮遇矣乃又得持節歸歸且置酒揮金召親戚父老日夜高會爲稱說瓊宮絳闕之麗衣冠劍珮蹒跚濟濟之容玉帛琮璜鈞天韶濩窮奇瑰璋未嘗聽見之觀親戚父老且嘖嘖相顧而嘆夫孫君起隴畝中爾乃遭逢若此國恩豈有量哉孫君歸矣視田廬無恙有司以孫君內吏必不苦以更繇親戚父老又得高會爲驩無所厯懷抱者幸趣入京師以禮儀事天子報優渥之恩豈不偉與直曰吾業已觀廟朝文物之盛得

烈士大夫間衣錦衣畫行足矣無所謂夙夜靖共之念則長者不宜有此

穀城山館文集卷十目錄

太保殷文莊公文集叙

少保朱公工曹奏議叙

河南鄉試錄叙

山東鄉試錄叙

應天鄉試錄叙

太師李文定公文集叙

河防一覽叙

岱史叙

穀城山館文集卷之十目錄

馮光祿詩集叙

濟美堂集叙

穀城山館文集卷十目錄終

穀城山館文集卷十

東阿于慎行著 門人郭應寵編

北海董可威 天中李時馥校

都門李本緯 男于緯重梓

太保殷文莊公文集叙

往不佞行請告里居歲謁吾師崇川先生灤上
最後先生出書一編命曰此吾平生存稿也生
爲我校之將藏其副行也受而卒業讐訛芟煩
存其七八以復於先生其年冬先生微病遽爲

穀城山館文集卷之十

乙一

角

書報曰歲在敦牂吾其有龍蛇之厄以身後累
生行也瞠不敢對明年六月先生薨於里第馳
往伏哭因請諸嗣君畢發篋中遺書則行所手
校在焉携之以歸將謀諸同門友圖永其傳居
八年邵大中丞在楚走使長安問先生藏書安
在行也齋沐三宿拜而効之中丞越一歲殺青
竟矣中丞還臺請於雲中相君暨汪司馬公弁
其簡端而行也謹跋其後曰夫所謂公卿大臣
之文者以其學術韞藉所以經綸當世之具可

載而傳也幸而得盡其用則其文有不見於書而見於金匱石室之藏卽詘而有所不盡則其經綸之業有不施於當世而可考於著作之間者此公卿大臣之所謂文也今夫禹咎繇之謨伊摯之訓傳說之命周召之誥與雅頌渾噩典則爲萬世文章之祖然天下不指爲禹咎繇伊傳周召之文而編之詩書以備一代帝王之制則惟其學術韞藉與治道通而非一家之言也降至漢代齊魯名儒常長孺匡稚圭之流皆以經術發迹致位三公有所敷陳建白不出師說而史傳所紀亦不名爲一家之言則亦以其關於世務而非自爲文焉爾自六朝之敝以至於唐爲公卿大臣者乃始務爲閎侈鉅衍之辭與文人學士爭長於毫穎之端如蘇頌李嶠以下各以其文自私而不關於世之治忽則學術韞藉幾無可載而傳矣古人有云文章經國之大業不朽之盛事獨奈何隘若此哉先生以大戴世經早列翰苑傳 穆考於潛邸養成聖德遂

翊六龍以升晉登揆路僅滿一歲輒上書辭去金輿之下爲菟裘焉而其時年始服官矣則先生之於世可謂遇而不盡其用者也先生之才無所不宜其學無所不窺逸經外史汲冢禹穴之編玄宗內典金經玉笈之言陰陽醫卜百家技藝之書當世典章文物錢穀甲兵山川阨塞之要法家比讞之文一時士人流品山澤遺逸之材無不蓄諸胸中握之掌上而其藏若虛其朴若未兆所謂爲天下谿谷者焉以此盡其用於世庶幾翊贊昇平比烈三代何論漢以下哉乃其學術韞藉經綸當世之具旣有所不盡其用而發之敘述歌咏之間本原道藝體畫事情往往露其緒餘有可考而知者此所謂公卿大臣之文也先生所著其要者金華啓沃之篇有經史直解別行於世大者內制代言之文以絲綸之重弗敢洩也南宮奏牘不可盡收收其艱且鉅者故今集所刻於生平撰述十之五六耳蓋所謂不見於書而見於金匱石室之藏者其

秘如彼而其不用而可考於文者其盛如此卽古帝臣王佐與齊魯經儒所載而傳者固無以過也辭章云乎哉濟南自邊宗伯廷實以文雅初始先生與李于鱗氏生而承其後相與左提右挈力挽澆漓之習而求復諸古雖其中各有所負未必相下而有以相成李公業已用歌詩顯名當世先生進在大位無暇以藝文自標世亦以爲承明著作之臣自其職業弗爲異也今觀先生之文上緣六籍下浸兩京沈思入玄鏗

穀城山館文集卷之十

四

音中律蓋能挽末世而復之古者卽降而與文人學士定從於騷雅之壇猶將執牛耳而命之况公卿大臣經世之業章章如是也豈造物者將斬其所欲用而永其所傳耶嗟夫先生卽世十年墓之木拱矣而未有片石麗牲表其爵氏則銘鐘書旂之外所可流布人間者惟此一編在耳使復湮滅而不聞乎彼侯芭李漢何如人也故行也甚愧於先生之托而於中丞之高義深有感焉

少保朱公工曹奏議叙

往吾師鎮山先生以大司空治河入掌曹政總之十餘年所而奏牘至數十百通議河漕事者兩省皆已梓之矣獨司空曹奏藏於家久之乃稍流布行也得論述焉方河漕奏議出海內傳誦以爲先生當天下重任嘗百險以成功不知曹政之難有甚於河者河之難難在有所爲而無與爲曹政之難難在有所不爲而無與共也夫人主之左右與肺腑之親此能以間得所欲

穀城山館文集卷之十

五

於主者也所欲者常在繩之外而所執者常在法之內繩之外與法之內不相受也故大臣不得信其職矣往穆皇時朝廷清燕數爲珍臺開館以脩遊豫乘輿六官所需服玩器用珍珎瑰異動以千百如取如挈罔問贏縮一不中程暫御之臣起而格之臺諫上書論奏皆觸聞罷而先生徐以片牘捐陳數語天子輒曰尚書言是也其罷毋造今上卽位以儉約率先天下盡減大官不急之供卽有服用不煩將作而

孝養 東朝承歡惟命故嘗欲建元君祠涿鹿
以爲 聖母祝釐又詔所司爲貴戚治第長安
費皆鉅萬假令媿合內顧者當之宜何以應而
先生坐曹嘆曰吾備位大臣垂四十年終不以
一言求容上累 聖主手治疏陳其非法 天
子報曰尚書言是也其罷毋營嗟夫左右貴戚
求所欲於內而大臣撻法於外從古然矣先生
獨何道以取信於上豈非其誠心體國見知於
聖主而才望之隆爲左右近戚素所畏服者哉

穀城山館文集卷之十

六

夫養由基之射也在乎調矢正弦之間而發無
不當有先中中者也夫臣者惟望先之今有同
事而異功同行而異効者非其功拙異望不同
也嘉靖數十年中賢哲並起才雋如林而六卿
大臣歷事 三朝係海內之重者惟推先生與
蒲坂楊公楊公久柄大權所舉措天下將吏咸
當其用至於糾紛盤錯動而之險先生所處有
難於楊公而一主信之不疑至拂意忍性惟其
言之從 先皇帝及 上之德至矣先生爲人

器度汪洋才識超越其上下古今治亂興衰之
故及臧否人物歷歷如指諸掌自撫 聖主以
至荒度大工惟仁恩惻怛結於民心樂爲効力
可赴湯火其風聲所鼓天下之士仰之如泰山
喬嶽而先生吐握倒屣賓客如雲宜其服左右
之心而受知 聖主也然其見疏忌於時固亦
以此已矣先生方居豫章之野游於恬淡其用
與不用係 國家之氣運至於奏牘一傳使天
下士大夫知君臣相與之際而後之司曾政者

穀城山館文集卷之十

七

有所考稽故實以決難處之事則又豈非 國
家之益也哉

河南鄉試錄叙

萬曆壬午秋天下當比士於鄉 上以士習文
體日趣於媿復用言官議詔有司取士務在淳
雅卽有奇詭不經宗伯核奏於是監察御史某
實按河南監臨試事徵某等爲考試官某等凡
同考試官而提調官左布政使某等監試官按
察使某等而下洎諸百執事以期入闈祗宣明

詔內外約束罔弗虔肅以共成憲乃進提學副使某所掄士三試之得八十人藉其文以奏某乃醮選士而進之曰於鑠懋哉多士之邁昌期而膺茂典也固儼然離疏釋矯躡風雲之會熙日月之光矣 國家設網布紘招延儔父山陬海裔遐邇與渫罔不思呈材貢藝以附景炎而河以南密邇闕廷苞羅方部士之獵纓操觚遊澤宮而講藝者不可殫數三歲而一簡之僅得若而人以徃斯已難矣乃詔旨申勅又若是有

發城山館文集卷之十

八

如萬一不中鉤繩以干文罔何辭之與有故某等入闈咸蒿目竭思夙夜怔忡恐不得當以報及縱觀多士所爲文固已鑒琚爲璞返澆成淳根極理要而不涉虛恢晰於當世之務而不爲連優蓋斌斌渾厚爾雅有先民之程庶幾不詭於詔旨則相與竊嘆士之瞿然顧化何其速也已伏而深念 天子中和建極湛涵萬有異區殊族焜耀明德而士或檢桺濶畧談說曼衍馳而與世兢化日軼於瓌異而不揆於經則豈其

文詞固然習俗已成而聲實戾也故文體與士習亦若不相掩焉蓋孔子思從先進欲得中行而與之而劉邵品流人物以爲人之材質中和最貴是能調成五材變化應節士習所繇隆汙可考鏡矣夫豫土控帶嵩河實惟天地之中而入文之所興兆志稱豫者舒也其人士稟中和之氣安舒重厚多君子以其都五方之風會而六氣均調矣今夫北里靡靡之聲俶詭殊瑰蕩心愉耳而不比於律及至清廟之瑟朱絃疏越

發城山館文集卷之十

九

有進乎音焉八珍九醞充溢圓方而大饗則太羹不和有進乎味焉何也聲出於宮而味齊於淡也今豫土之俗固亦士之朱絃太羹矣苟出而驚於紛華奏折揚黃蓍而甘海錯陸珍是口耳坐馳而初終睽也士必不然則請畢陳其趣夫神機脩閃陰閉陽開士之殊巧而非智府哆辯雕談離堅別白士之眇論而非言樞矯情違性以游名穀若揭日月是士之伉行而非世程鑿空蹈埴建蹕絕之勲工於累瓦是士之絕材

而非物執夫何故以其諄中和之經而不可爲量也故智與其容毋寧守顓言與其華毋寧持訥行與其微毋寧引繩材與其儇毋寧守墨俾穀實相中而文行合符以之垂鴻烈樹茂績鏗鎬炳煥榮鏡圖史亦綽然矣是則 聖天子陶世作人之化自豫人士始不亦永有辭與繫某聞之薛燭庸子見若狐甲於劍而識其利鈍易牙合淄澠之水嘗一哈而知甘苦向所得於士者非特狐甲一哈水之多也然猶不能盡士人

穀城山館文集卷之十

十周

之難知亦甚矣奈何敢取必於士多士其最之毋使校文之吏程功量能出薛燭易牙下也則幸亦大矣是役也都御史某某綏寧疆宇翼宣文教御史某某振揚法紀茂樹風猷叅政某某副使某某內外襄勞咸有成績若某某以奉使至某某以入賀行樂觀盛典於法咸書

山東鄉試錄敘

萬曆壬午東省大比士於鄉某叨校文之役從諸大夫士吏日夜慈勅以克有成事既載賢

當屬一言其後某聞徵物於府徵士於儔物聚則良士博則儔其數使之然也自孔子以文行立教孟軻氏遵而脩之由是齊魯之間於文學若出天性而史稱諸儒質行謂其治官民皆有廉節稱其好學豈非先賢聖之遺跡而人士之儔與 國家以明經脩行陶殖天下而網羅其材僻陬裔土稱說孔孟之術六藝之科晻然若合符節矧齊魯經術所由興於古昔豈異焉嚮者觀多士所論著咸各綜述訓典原本性命類

穀城山館文集卷之十

十一周

道德之統而晉王伯之塗於文則斌斌矣顧士有豫辨者蓋孔子論學先志而別白君子小人之分決諸義利孟軻氏于說世主晉以仁義與利泯汰其惑而論士亦曰尚志子多士所熟數也今 主上儲精太平右文嗜士有司群吏執鉤繩而求之如恐不及得則藉之賢書函采聲詩推轂勸駕榮耀道路雪煜閑闕此先賢聖所不逢於世也士卽塵芥聲榮亦安有不洒然自適者哉顧此其時意念何居耳於乎此志隆汗

所由辨矣曰士之所不朽者名居則好脩強學蚤夜不解幸而遭際明盛載質服官効尺寸之功於世殷流鐘鼎而烈著乎春秋以是爲愉快固亦有之其伏在蓬藿居約處陋一日倏然名列天府卽且縹組影纓都華繼簪顯施先世慶流支屬爲之滿志固亦有之嗟夫此所謂義與利之間也而效可前睹矣蓋使志規於義則其出也進不敢比周以事主退不敢營私以自殖奉官守法不飾短長圖事揆策不慮夷險恥實

不懋不恥不工恥織不脩不耻不捷若此者卽未必盡非凡絕世之材然顧志一節脩實而効之上猶將有得士之益焉何者則其所志者義也假令希世階寵追趣逐嗜曲學以偶時飾褒以榮衆巧文以規便漂說以養交矯性以博名鑿空以合變睨然在縷繳之中而不知所止若此者卽有瑰奇可喜之迹而積習所生使天下陰受其蔽元氣損而不知何也則志規於利而純白渝也然則路岐於咫尺而迹懸於秦越故

志不可不蚤辨矣主上念士習日靡傷平中之化詔有司校文計吏胥用淳和爲厲返之素樸乃士所由趣舍起於一念藉使義利之辨不審卽隨時雅化猶之逝雨無之而不濡故在辨其志而已語有之素之質白染之以涅則黑縑之質黃染之以丹則赤性非好漸也其所豫者鮮也乃若玉生而堅蘭生而芳素有其質久而愈彰物惡能渝之故志誠蚤辨卽日溷於蔽利而無所紛華涉世之恣恣而不沒溺此孔孟之

應天鄉試錄敘

皇上纘服御紀十有三稷有司論士於鄉應天府臣以請上命左諭德臣慎行偕右諭德臣長春乘傳往主試事是歲也上采禮臣言官

議用 先朝舊典遣從臣出校郡國兩京兆諸
脩故事先之諸所條畫科指亦少密焉至則集
同考知縣臣登瀛臣圖臣國欽教授臣廷相學
正臣中立教諭臣榕臣胤麟臣郊臣紹英臣淳
臣璵臣志伊臣治之訓導臣南翰申諭要束矢
而卽次府尹臣三接府丞臣友蘭實司提調御
史臣維城臣傑暨臣王學曾臣田一麟監闈內
外咸祗肅矣廼進諸曹六館暨提學御史臣房
寰所選士五千一百有奇三試之得百三十五

穀城山館文集卷之十

十四

任

人籍所爲文具以質奏毋敢飾也臣慎行器能
淺薄幸以章句日侍講幄無能少效尺寸裨益
聖明今復誤承任使掄才名都誠得當世英賢
以奉奔走臣亦藉以報塞萬一甚上願也然臣
竊觀 皇上敬天愛民懋學勤政日與二三丞
弼講求理道興建太平一時莊士耆儒畢延在
列煌煌微烈登閣三五矣士操咫尺之簡見錄
有司卽進而奉對 大廷顧安能稟仰神聖耀
日月之末光臣不勝祗惕及錄旣成諦觀士在

收者莫不含景吐奇湛漸道德抒經世之謨懷
願忠之志則相顧色喜嘆吳之富於才也於鑠
哉思皇多士生於王國維 天子使固欲以政
業期之使自效於國耳豈惟是輦輓之脩而實
之不知謂取士何蓋文章政業皆本諸心術不
可岐而二也心之聲爲言精之則文成焉心之
迹爲事恢之而政立焉文蓋有矩在脩明先聖
之指而不溺於雕華政亦有矩在遵守先王之
法而不馳於利巧要使衷理粹白無有頗陂然

穀城山館文集卷之十

十五

任

後聲實相中舉一而百可知矣故以孔子之聖
智猶曰不知言無以知人也孟子遵脩其法根
極於心而推諸政事至欲距邪說詖行以正人
心則文與政信不可岐而二矣頃者士脩博士
家言無不獵豔掇奇矜爲侈麗究之支離曼衍
漂而不歸世病其侈也爲累黍而程之則盡泯
汰舊聞尋微索罔以爲神解其極又至於虛寧
獨於此甚者浸淫異端沈洋適已盛稱引六家
諸子之辭以緣飾經義錯而成章當其操觚握

管之時精神志念倏仰規隨固不耻離經阿世矣以此推諸政業於世道何如也故今者臣等所錄大槩博雅宏達和平純正原本經術鎔裁典則以爲脩詞之矩不越是矣如嚮所指陳第令華辭眇論斐然盈牘亦禁而不敢收焉故所得彬彬若此卽因以揆其心術宜無不可知者乃何疑政業哉然嘗觀唐虞官人之法以三德六德等其列爵周稱灼知完俊亦惟忱恂於九德之行古所謂才之盛者如此至乃肯軼典常

崇飭商宇以振徒榮衆匿智養私卽負跼蹐之奇亦詘於聖世矣何也則純白不備而本先撥也士宜何所從焉且一朝廷設百官庶職以待天下賢雋法制科條纖悉具備崇卑遞邇皆有司存墳簞各奏其音而庖俎不相爲代藉有奇能絕縶核以官常未必稱也何暇外繩墨而談平日者臣辭行時並方進講讀諸臣繹洪範皇極之義有意建大中之極示天下矩矱百官庶職象指承風之日也士出而策名錯質毋論所

遭第能矢節首公勤脩職業遵王之道而毋敢頗僻卽其器畧才猷豈必皆瞻要以表理旣純於九德之行多少異槩各有所程輻湊並進畢忠於國亦稱浮於言矣安在才長短乎夫貴士以奇能絕迹誠不可強至於奉職砥行中正無邪卽純然茂實豐融貴名韞燁於道甚簡而世豈難之嗟夫亦觀於觴深之淵乎清泠黝澹瀟澟泓渟藏而不盈出而愈有風動之而爲波則至文以渙坎流之而爲澤則善利無方惟有本

也及至秋水灌溉百谷潏渺兩涯之間不辨馬牛海若望之而笑矣無本故也臣誠不敏欲士之爲有本故敢以心術之說相與勗焉古人有言士何其易得而難用也臣謂士必因言考衷究其原本亦何容易如此而得之用亦不難也士茲往矣上且試而用之難易未可必臣敢謂不詭於知言無亦邀榮多士以道於不明之罰斯厚幸矣

太師李文定公文集敘

先師李文定公自 世宗朝廷對策一用宿學
醇德上結簡知晉叅大政及 穆皇眷任復陟
首揆公感兩朝知遇殫忠竭智經紀化樞蓋所
為注曆非一要歸於和平寧靜與天下休息未
嘗為殊尤瑰異有所更張也而行竊從左史後
考覽朝政嘗謂公有大功於世顧世未能深識
之焉當嘉靖末一二棟事之臣襲用嚴峻以奉
威靈天下凜凜莫知所措元氣幾於斲削矣自
徐文貞公以寬政佐我 穆皇民稍稍恬愉沐

文成公集卷之十

十八

浴德澤公繼其後益用博大優柔和輯中外天
下熙熙如履華胥而遊化日追公罷相繼者銳
於治功更操名法之指繩約天下天下又幾重
足一跡蓋先後數十年來政俗之大較如此而
方內晏然安若覆盂以迄於今之綦盛則公於
其中三四年間休養滋息之力也辟諸四時之
氣有風霆之擊搏有霜雪之肅殺而盎然有陽
和之氣遊於六合之間以嫗育萬物不使凋腓
是公能厚培 國家之元氣以成太平之業

也功不細矣即如庚午秋虜大酋長款關請吏
舉朝猶豫莫敢決策或乃逆設不然有所沮敗
公從帷幄中造郅借箸以片語定畫使椎髻之
長回面內嚮九塞吏士寢甲秉耒烽燧不傳者
今且二十年矣夫不出樽俎而折衝厭難建萬
世之長策功宜何如論也顧公燮調之以無形
之德而彈壓之以不猛之威故天下受公賜而
莫知其自乃於公之汪度粹履天下無異辭而
猶或不能究術其才亦難知矣哉當公柄政

穀城山館文集卷之十

十九

時所與同事二三鉅公皆天下英傑各有所挾
持不能相下而公雍容鎮肅其上垂魚紆組不
動聲色而二三鉅公亦且輸馬心腹韜鋒函楨
於公未去之先藉令無以詘之第如石丞相醇
謹未必能也且夫人臣之功至於享屯開泰福
被羣生以茂無疆之問亦可以知其才矣雖然
相安施才水不以味用以五味為味相不以才
用以羣才為才此書所為頌斷斷休休之烈也
而公之功所以不可及與公卒之六年門人少

司寇延津李公從公嗣尚寶君兄弟得近集若
千卷梓之東省使俱行書其牘尾慎行亦何人
也無能有所纂述以發明先師之德美而使
寇專之愧其庸劣也集中諸體具備各有其
裁總之本原理其滿載羣言金相玉質燁然光
華而不爲雕飾海蓄川流冲然視深而不爲剽
剝斯大雅之制經世之辭也夫不及乎公者讀
公之文可以想見其彷彿矣而其相天下之功
與才世固有不可察者門人小子敢蠡測其

穀城山館文集卷之十

五

萬一以白於後使知我國家有休休斷斷之
臣佐太平之業如此云

河防一覽敘

河防一覽者何宮保印川潘公志河防之績也
潘公自乙丑迄今奉三朝簡命從事河漕之
間前後二十七禩矣其功艱而鉅其畫詳而深
其耳目之所狎精神之所寄若與水相忘者
國家萬萬年大計在焉志之以示後也無漕而
專言河者何防河所以治漕也河者漕之藉也

穀城山館文集卷之十

王周

然則古之防河也避其害今之防河也資其利
乎曰唯唯否否漕之藉河禹貢以來有之匪自
今也禹畫九州冀爲都會河流碣石以入於海
充浮濟漯青浮汶濟徐浮淮泗揚浮江漢豫浮
於洛梁浮潛沔以入於渭雍浮積石至於龍門
未有不通於河者也漢唐皆都關中漢漕山東
粟百萬更砥柱之險以達於渭唐漕江淮之粟
由汴入河由河入洛以達於渭亦未嘗不藉河
也獨今日哉然則公之防河也奚若曰二十七
年之中有大役於河者三其功皆成於因始而
飛雲之決則開南陽以徃新渠二百里以避河
之險因而避之也已而清口之役則合河淮之
流以趣於海因而合之也其後銅瓦之決則隄
大名上流以防其潰因而隄之也凡公之成功
皆因也而淮河之績爲最卽萬世不能易焉嗟
夫古之聖人見轉蓬而爲車觀落葉而造舟察
列星而分四時視月行而推晦朔未有無所因
者也況夫四瀆之流呼吸吐納天地之性關焉

者乎禹能通九道陂九澤播九河疏九川東注之海而不能使水西流因其勢也故曰三代所寶莫如因因則無敵此之謂行所無事也蓋自河淮議興而謀夫盈庭或以為當淪海口不思海口之壅河淮分也則以為當開故河不知河淮之分隄防潰也是故高堰之隄成而淮不東崔鎮之隄成而河不北以河予淮以淮予河而以河淮予海又安用淪海口而又安用復故河為此所謂因也因者水之道也漕渠之要在河

穀城山館文集卷之十

二十五周

岱史敘

岱史者何志岱宗也志何以為史岱者萬物始生五嶽之長古帝王之所受命告成而東諸侯主焉志之而曰史以尊岱也岱故無志乎有而繫諸州且不備也特御南海譚公巡行考覽謀諸鹽政大夫查菴為州不得有乎岱故別而

為史也為史奈何革舊而為新因畧以致詳旁搜遐考以備人文而標名勝作者之志也夫圖經者觀察之符契也恢而弁之以為綱紀故作圖考天之精曰星地之精曰山嶽其大者也降婁玄枵之次歲星位焉其應廣矣作星野考岱者中條之所底也河濟不得無以障青兗不得無以填畿輔不得無以屏故曰齊得十二焉作形勝考記曰岱宗周迴三千里東方之山皆其裔也然而綿亘二州不可勝識惟是七十二峯

穀城山館文集卷之十

三十三

六十三

岩磴泉石神怪儵詭化工備矣作山水表在古錫魯其後隸齊更姓易制畫野分疆纏紛綺錯名實相參而岱猶故岱也作疆域表省方之後廼脩玉帛暨乎明堂王政攸布安所云七十二家之封而以奉秦皇漢武為乎其失至我明然後一洒之此亦古今得失之林也作狩典紀然自聖祖開基釐正嶽號國有大慶使使奉璧告焉亦柴望之遺矣作望典紀介丘之勝久矣城邑壇墠或為虛莽探奇懷古之士有所願望

而踟躕焉作遺蹟紀夫山之守爲神三宮空洞
之天百靈之府也神房阿閣可謂侈麗矣作靈
宇紀遊屐之所登臨星輶之所陟降有廬舍焉
作宮室志夫岱君子於是觀土德也芝草玉石
寘棲之侶耽焉作物產志夫自燕秦河洛之間
奔走奉祠絡繹殷賾其麗不億洋洋乎神之爲
德也有司稽其名數以備不常又以當他賦焉
作香稅志夫岱者一州之鎮也然而吉凶之應
於國有關焉作灾祥志操觚之倫登高望遠原

數城山館文集卷之十

三

朝

本山川馳志無垓之宇於遊得之瀾瀾乎可以
觀已作登覽志總之十有七卷博該寥廓苞舉
珍瑰繽紛浩侈洞心溢目閱哉遠矣故曰革舊
而爲新因畧以致詳旁搜遐考以備人文而標
名勝作者之志也於乎天下之以山名者衆矣
至於巉削刻畫之趣欽崙窈窕之觀或具體於
穹崇若鍾技於鈔巧亦皆標奇史謀侈美聲詩
矣况夫秋視王公功侔造化風雲之所吐納萬
邑之所有成者哉何其宜有史而久未有也岱

得侍御而後尊於史岱尊於史而侍御之名得
以不朽於岱此不亦金簡玉策之藏而縣寓之
鉅觀乎不佞家於岱畝蓋嘗有意斯舉而力不
能也嘉公與大夫之志而幸嶽之有以尊爲敘
諸簡端云

馮光祿詩集敘

蓋嘉隆間齊列大夫脩騷雅之業者於歷下有
李滄溟先生於北海有馮少洲先生李先生所
爲歌詩力追古始以調高一代而馮先生所論

數城山館文集卷之十

五

二百九十九

網羅數百千載以當雄一代海內觱翰之士無
不望李先生之鵠以爲騁虞鯉首而亦無不蒐
獵於馮先生之苑以爲陸海藍田於是齊以二
先生重於天下然馮先生所自著歌詩獨藏未
出世莫得睹也以爲先生吐納萬有放之毫端
必且鉤深索隱九節高張以凌厲當世而予從
太史用韞受其一二顧又淵然閒靚粹然莊瑩
浮聲切響按之無卻而有所不欲盡於音豐葩
雋藻紉之愈出而有所不欲竭於辭不乃與李

先生異邪蓋嘗以爲古之脩辭者積閱而用齊其神常應於有餘後之脩辭者入少而出多其力常操於不足有餘者得諸心故不厭爲醇雅和平之調而自不能已於高華不足者怵於目故愈務爲瓌奇亢厲之音而終不能脫於纖靡此不可不辨也且夫才有所出而趣有所極李

穀城山館文集卷之十

二十六

青三百廿四

頃不見其波而弗謂平時而至於巴東之峽呂梁之津硯砥洎湧傾洞天地而弗謂險何也其所以爲之者皆有餘而已矣乃且有技於此激行潦之水出諸旋渦培竇之間極其力之所操使之懸騰疊躍以騁陵滴之觀豈不亦洞心駭目而大智以爲鑒文無有矣此無它不足之効也以此衡之二先生之指趣亦必有不謀而合者顧世無能深識之耳馮先生者其兄有三先生繼其先中憲公之業並以博學工文爲齊魯

諸儒計寬而太史繩仲公之武益光大其家學以雄於著作之府故馮氏之於藝文若裘氏治氏世治其官而天下以其閱閱方漢前將軍奉世父子則甚類矣然考大鴻臚野王於兄弟中名獨著尚書品第列卿推其行能第一而時亦不究其用以先生揆之又何曉然將也信於才而詘於用自古然矣彼夫道於名實之際其酌損何如哉先生文賦稍多尚未及粹先刻詩若干卷

穀城山館文集卷之十

二十七

青一百九十五

濟美堂集敘

原夫人文旣兆作者雲興含章司契者握筆而腐毫單精研機者抱笈而華首豈不欲凌厲往哲馳騫林府使文與星漢疑暉而名與金石等敝哉然或學淹群籍而辭非高雋或華窮藻繪而理叅純駁原其命志氣倍前人及課成功半折心始其故何也文沿器象而志意管其樞機理寄縹緲而性靈爲之靈奮故必陶鎔經誥渫淪神心榮悴不衷其懷得失不纏於慮然後酌

理以富才積學以儲寶故能策不羈之輪軼埃
壻而遠御秉燭照之匠闢意象而運斤追琢其
章彬彬可述者也今之君子兢鶩朝華束髮受
經翱翔青紫之望班白紆綬總聲利之場故
有志沉圭組而汎咏林皋身錮市朝而虛托翰
墨真宰旣以不居才情亦復難運斯以撫陳編
而嘯咤感隙駒而踟躕者矣豈不悲哉至乃純
綺閎闊之英旣以瓌麗喪志山澤韋布之儒又
以枯槁傷神其有銳精道藝鏤心著述欲以百
文單思千古之業者則我魯中立王孫褒然最
著者與惟公秉淵粹之貞躬孝友之行夙承庭
訓厲志前脩世累桐封燭膏而攻鉛槧名都蘭
坂擁篲而賓蒯緱故其沉涵典藝經理玄宗按
轡大雅之場探寶群言之府凡名山大都之藏

禹穴汲冢之書莫不銘冶於胸中陶鈞於筆下
是以腴辭雲構儻采虹摘思沉九淵辨雕萬品
解頰而吐納珠玉操翰而卷舒風雲丹文綠牒
之善蟲書鳥篆之品固已盈蓬館之函溢西崑
之庫矣乃其傳布人間則濟美堂集炳炳章著
者焉邇獲快觀披以三復群裁具備衆鈔互臻
莫不含組繡之華窮鏤畫之工足使時英韜筆
群才歛袂空稷下之談而絕郢中之和者矣昔
淮南著書於漢年陳思工文於魏代尚多遺行
或謂煩言未有被服儒術典則先民以金玉之
相脩綺綺之采如公者也豈非宗姓之麟趾文
苑之鳳哉或以公才美如斯世罕儔儷而坐
食茅土不獲登庭良王有在璞之嗟伐檀有河
干之嘆斯言諒矣然使其追逐於風塵棲遑於
仕進又未必專精一志長駕高舉以此易彼知
其不償也蓋慶父之爲錄不懷爵賞果林之承
綱目無異視業顯而工神分則遜物固有之况
於文乎魯國諸生濫等內史辱公提誨積有歲

年比惠斯編使敘諸首余雖不文敢虛高誼然操數寸之瑄而睇豹變之文懷瓦缶之音而嘆朱絃之奏惡能盡其彩縹發其音聲哉

三十

穀城山館文集卷十一目錄

明儒叙

閒雲館集叙

宮保楊公總河疏議叙

宮保李公奏議叙

河漕通考叙

岱畎圖經

安平鎮志叙

鄭司理文集叙

穀城山館文集卷之十一目錄

乙

十七

馮宗伯詩叙

朱光祿集叙

穀城山館文集卷十一

東阿于慎行著

門人郭應龍編

北海董可威

天中李時馥校

都門李本緯

男于緯重梓

明儁敘

明儁者何北山先生所輯本朝諸名家之詩也先生傳物宏覽爲世儒宗留滯官遷不究其用乃遂拂衣長歸老於濮水之上閉門掃軌遊心竹素之林圖所爲不朽於世以爲明興二百餘

穀城山館文集卷之十一

三

年景化醲郁人文熙朗發爲聲詩凌躐近代追軼古初不可弗之傳也於是采國初郊廟朝會樂章應周詩雅誦析兩畿十三省歌謠比十五國風命曰明儁而以風體先焉胡爲風先曰禮觀樂由風而及雅誦孔子刪詩首風而次雅誦何者風發乎性情其感人也易雅誦協於禮樂其化人也深故里巷謳謠采諸侯國而廟朝制作肄在王官難易之劑殊淺深之體異也且夫列聖相承鋪鴻勅鉅承明著作之庭有所珥彤

而應蘭臺石室之府有所繩金而藏流聞人間亦十之一二爾矣誠懼其未備故不敢先而先以風也其先江以北何也曰序也風者上之化下下應上而作也神京定鼎祚弘萬祀彼都人士謠播康衢燕趙之間青蘋始肇左披齊魯海岱發其雄颺右拂秦晉河華流其逸響中苞嵩洛人文挾其淵源南被淮瀆豐芑揚其芳烈而後江以南暨焉遡風之自以北先也夫自二南以下十五國風皆江以北地也降而春秋吳越之歌吟乃出降而戰國荆楚之騷賦始傳故江以南之殷則歌吟騷賦之流而風之餘也非始音也原音之始以北先也故曰序也然則南北之風同乎曰惡知其同惡知其異總之北方之音以氣骨稱雄其散傷于樸露南方之音以才情致勝其散流于綺靡此其大較也雖然登歌之奏旣和且平治世之音貴安以樂故曰溫桑敦厚詩教也此風之正也及夫荆卿擊筑之吟指冠流涕師涓清徵之調飛瓦飄帷則激而爲

變聲矣非詩教也是編也直而不肆曲而不撓
大而不亢細而不窳密而不底疏而不越抑而
不沉揚而不汎颯颯乎熙熙乎足以返和平而
象安樂不詭於先王之教矣不亦詞場之陸海
藝苑之青丘也哉夫銓次品流則高張之絃駭
耳慙括體制則和鳴之管會心故作者不解于
仰追而采者無疑于俯就也執此以論取予之
樞可得而概矣惡問南與北哉先生年且八十
餘閱世之日深矣其文雅聲名海內無不知者
而其風規韞藉海內有不知者解在達生道人
之自叙也要其已傳者二三而其未傳者八九
世豈有卒其緒業者哉

閒雲館集敘

漢人曰儒者博而寡要此不知儒者也儒者通
天地人之稱夫天地與人相參而立其事不爲
不博而以吾心之理會而通之以立三極之矩
不有要而可乎夫子之文章可得而聞其言性
與天道不可得聞所謂博與要也及門之士有

所得聞而尊以爲要外望之觀無所得要而疑
以爲寡故曰累世不能殫其學當年不能究其
禮自晏子猶然况司馬氏哉彼司馬氏所指者
漢世之經儒也漢儒於聖人之道豈惟不得其
要而亦不得其所謂博宋儒得其所謂博而因
求其所謂要近世之儒慕其所謂要而欲棄其
所謂博故言益華而道益隱矣顧安得通方之
儒而聽瑩之夫所謂通方者通乎方之内外也
方之内以有含無設所以經世之具方之外以
無顯有標所以出世之宗皆所謂天地人之精
蘊無不有博無不有要無非是博無非是要也
執其要而御其博則可以揮斥八極磅礴六氣
而超然於方之内外即衆派群流併苞而兼總
之不啻易矣奈何以寡要爲博乎夫非要固無
以爲博而非博亦無所爲要則豈獨漢人之昧
於儒也若今豫章張洪陽先生之學則近於博
而有要其可謂儒之通方者與先生之學沉浸
百家吐納萬有目所披覽殆第二酉之藏心所

經營將周六合之際然且睨其竅妙極其指歸
汎易簡之航快玄同之鑰其論道之大原卽宏
覽淵識之士有所不及解而其論學之實用將
使佩鞮操几之倫皆有所循而入焉故可謂博
而有要者也魯國豎儒從先生金華石室之間
餘二十年乃徒以經術藝文資其所謂博而不
能以道德性命窺其所謂要至於今私竊恨焉
日月往矣先生以其學出佐化元應具茨空同
之訪而行也懷土梗之餘求益於炳燭之光而
穀城山館文集卷之十一

日以不逮卽先生之所謂博者已不能得其塵
粃矣况其要哉國學胡君孟弢豪雋人也遊於
先生之學而謀廣其傳所善中貞王孫服禮好
文慕先生之高義則相與校其全集梓諸魯宮
蓋以其繕性達天之談編而爲內而以其詠歌
著述之文編而爲外正所謂博與要之分也二
君之於儒亦可謂識其大矣嗟夫世皆誦先生
之言未盡知其所以言先生幾至人也其狀熙
然似春慘然似秋居如委衣行如負局藏乎窮

冥之淵而遊乎曠垠之野葆乎泰定之宇而涉
乎委蛇之塗嗒焉似南郭之隱几窅然類壺丘
之杜機故望者不得而相焉而謂其得於玄宗
內典之秘此彌不知儒亦愈不知先生夫二氏
之學雖其言幻渺汙漫自托於有形之表而其
本宗歸趣蓋亦不出於吾儒之書故博之物雖
殊而要之理不二也儒而誠得其要可以立於
方之內亦可以遊於方之外其爲通天地人之
事一爾奈何以二氏爲敵矻矻然角之哉夫以
二氏爲敵而不敢有之者古儒之所謂要而狃
也以二氏爲宗而陰欲內之者今儒之所謂要
而離也皆於儒無當也執吾之要而受彼之要
御吾之博而容彼之博是之謂通方之儒而先
生之所聞於洙泗也與

宮保楊公總河疏議敘

孟子曰禹之行水水之道也夫水安有道哉順
其性而柔之斯謂之道水之性就下因其所欲
就而導之趨斯謂順其性也故曰善爲川者

之使導禹貢導河於積石導漾於嶓冢導江於岷山導淮於桐栢至於濟沅洛渭莫不曰導不曰壅而防之也曰疏曰瀹曰排曰決皆導之別名而緩急之劑有不同焉爾矣夫因水之性而導之非以人治水也以水治水也以水治水而人無與焉謂之行所無事水之道矣善乎賈讓之言大漢方制萬里豈其與水爭咫尺之地夫不與水爭禹之所繇稱智也而天下亦不能與禹爭功能焉今大司空楊公之於河其得是道

者與蓋自河淮之交關而不相受也上嚙陵園下溢運道水維幾於潰矣而欲守隄防之舊以固肩鏑是醫中滿而實其腹也公於是醢黃壩之渠導河而注之海鑄周橋之堰導淮而注之湖而陵園無恙黃堙之決單父芒碭之間巨浸滔天而欲囊沙聚土以障其瀾是止兒啼而塞其口也公於是通睢水之派導河以入于淮復汴水之渠導河以入于徐而運道無恙此皆所謂水之道也何者河之於四瀆至暴伉也而亦

不能毋下既決而旁趨必得淮而怒始殺其勢而反溢必得海而滯始宣此其性也逆其性而使吾之從則與之爭矣自神禹所不能况後世乎夫河性如虎以虎之暴而媚養已者順也懼其殺之之怒不敢以生物與之懼其決之之怒不敢以全物與之順之而已矣虎必順其性而馴之然後不能爲暴河必順其性而柔之然後不能爲災所謂得其道也楊公持節河淮三歷寒暑再舉大役皆有成績所部諸大夫請其奏

牘彙而梓之徵言史行昔趙營平之上屯田以爲兵勢國之大事當爲後法誠使後之治河者知水之不可與爭而惟無事之行則公之功能固將續禹之緒以爲後法而是編也方且藏之石室與古委宛之書列而爲二矣以爲不信問諸水濱賤子曷敢讓焉

宮保李公奏議敘

蓋古所稱大臣者必其有博大之器可以任天下之重而不搖有卓邁之識可以洞天下之故

而不惑然後望實相副功烈茂宣而世之所謂才與智者不與焉天下之士用其偏至之才固亦可以剴煩理劇辦人之所不能而至於事變之猝臨或不免恒怯而失守此其器不足也智數之所揣摩發微中窾非不有絕人之筭而至於事機之從違則茲猶豫旁皇莫爲筴決識不足也故器運乎才而才不能蓋器識出於智而智不能該識以此程品人物多少羸詘之數有可量者行也脩官侍從越有年時事當世之名

穀城山館文集卷之十一

九

卷之十一

卿鉅公而陰察其器與識則御史大夫涇陽李公庶幾古之大臣而非近代所多見者云公自嘉靖末載簡列銓曹以衡鑑無私流聞海內萬曆初拜御史中丞監撫東省歷河漕大使晉貳天官出入兩都翺翔八座幾四十年揆路宰衡之命金甌待發而公累疏歸矣其爲開府日脩紀綱條教與吏民相守而不爲因循之政如拔佐史之賢更賦役之法寬輓輅之卒蠲罷荒之後海岱河濟之間至今嚮之然不可一二道也

往者柄臣喜事入鑿空之說試諸膠萊公抗章力爭以爲膠河在兩海之間舟不相通潮不相及中資泉水又苦淺澁卽百萬之金可填諸海而舟不可操諸陸浚民膏以事無用非便策也有詔如中丞議寶應湖隄歲漂公私舳艫以千百計支渠旣開舟師唱權而過之如枕席焉則公有大役于河矣及掌邦禁平允詳慎上下咸服常以災異清寃奏言方今傷殘民命干天地之和不在鬼薪城旦中也王公貴人若牧民長

穀城山館文集卷之十一

十

卷之十一

吏常乘一時之怒撻掠下人以箠代刃此皆不傳爰書誰爲奏當災沴之生殆由于此時主上嚴於警御而公有隱憂効晏子踊屨之諷焉滇南邊臣報首功而侈爲執法所列上欲援殿門榜禁坐罔上典公謂奏事失實律自有比象魏所懸蓋以警惕臣工刑書不鑄也而引以斷獄非高皇帝意矣疏至數上竟如公請時舉朝寃訟邊臣皆言其有功無罪不當致法以是天威益震將不可解公獨斟酌於輕重之

間以全 聖主之仁而出其人於必死于廷尉之於趙蓋有是乎哉部使行郡國率用懷驚相高調刺史民過失以見風采閭閻太猾緣爲窟穴中傷良善公建令御史按部第以六條察吏民間罪過懸三尺待之毋從奸窟探也卽又申明憲典布諸中外使兩臺大使毋得交相問遺若疏薦下吏亦毋令執贊及門違者皆論如法而負筐之使不織于塗此皆要害所關非文具也臺省諸臣爭請建儲及銓曹守官忤旨一時

穀城山館文集卷之十一

十一

十一

竄適至十有八人公言諸臣奉官爲國固不求名然上能容之則美歸于上而臣下無名惟疑其姑名而罪之則名卽以罪而彰非所以止諫也蓋自是建言諸臣間有蒙優假者夫公立朝所建畫具在奏牘炳炳若此矣公爲人豪岸端凝持論侃侃正而不激通而不隨因以窺公之器博大雄渾如萬斛之舟載而行於江海愈遠愈平而不知波濤之險其識見卓邁高出流俗如乘千仞之丘以眺桐莽決皆天倪衆目徊徨

不知其所觀也此古之大臣所爲社稷之衛而非懷才曲智之所幾與蓋公嗣民部君權關清源彙公奏議而使不佞跋之如此嗟夫公去而時事益艱人望亦切公尚無忘憂國以天之靈元元之靈且迎而授以政所建白規陳將有富於此者海岍之漁庶幾得耳剽焉

河漕通考敘

嘗觀禹貢紀水道云九州旣別九川廼通任土則壤從衡轉輸以達於冀斯河與漕所繇並論

穀城山館文集卷之十一

十一

十一

矣及睹司馬班氏書吳馬河渠以年爲敘倣自洪水迄于乾封方河條漕方漕條漑文如糾繹豈不亦倣詭瓌奇若滅若沒而使離翕之故必紬繹而得之盤地德矣班志溝洫多所增損兼采治河諸疏屬而成篇其體無能改焉世舉目爲文之玄解而不要諸法非篤論也宋元諸史河漕始析而分附疏畧艱于考覽後王之法亦未備矣 國家都燕開渠屬河以通漕輓先後欲議之臣爲河志以數家而不權漕之利病爲

漕志以數家而不脈河之源委使行水治粟之
吏視若秦越不寤其相資也卽有囑于拙鑒又
胡以稽焉夫合之則其緒棼而病于史之則
其勢渙而睽于職然必且析且併彙爲一書而
後傳信守官兩相待而爲用此可無成書哉水
部大夫黃君奉命分司駐節汝濟之上陳紀飭
務夙夜有恪守隄無虞運艘罔後時乃博求掌
故徧獵群籍左據右采門分類別以總河漕之
要踰年書成請諸大使命曰通考班之有司使

穀城山館文集卷之十一

十三 四

共守焉余觀其書則信鴻麗典則成一家言矣
錯而陳之爲目二十有二比而屬之爲卷五十
有四綜其大要乃有四端其始則言河道夫河
天地之紀而水之宗也遡厥源流以正疑信識
厥變遷以表災沴質歷代之策以揆從違術本
朝之政以示率守故自負薪沉璧以迄于茲讀
之猶喟然有慨也美哉淵而博哉其次則言運
渠今之運道羅絡四瀆迤相灌注達于都輦如
貫珠然總標沿革以會其經分敘流別以宣其

紀股引泉澤以苞其利旁存膠海以豫其防而
勞臣耆哲之所經營可考鏡矣美哉周而遠哉
其次則言諸水夫運之踰江而北也總百川而
爲渠在楊則湖在徐則河與淮在齊魯之郊則
汶與沂泗趙則漳衛燕南潯沱其北白河與潞
而支流赴焉譬之車輿衆輻湊而輪成譬之置
果萬目聯而網舉北紀之浸無遺利焉美哉核
而瞻哉其次則言漕政夫符籌唱權法至願也
章程茲數孔竇滋侈是故源以筆其端數以哀

穀城山館文集卷之十一

十四 胡晉生

其成例以奠其規變以廣其比而轉餉之法指
諸掌上焉美哉密而整哉于是申其防禁表其
職秩陳其隸役列其舟庾苞舉科條叅伍訓典
離之不溺不職合之不病于史煌煌乎泱泱乎
有圖經宛委之遺焉故曰鴻麗典則成一家言
非謾語也日者 主上念鳳泗之沴命大司空
使者興卒數萬醴河導淮底有成績大夫謀畫
與焉頃又 詔儒臣大發石室之秘纂彙正史
河渠漕政各有專書以示萬祀而是志適成其

有徵于庸公而爲信史據滋不細哉黃氏樸李
名家世傳孔壁宮尹先生至以入說金華燕典
藏室之籍大夫趨庭受學修而衍之是能引夏
同之法以折衷諸史而成其化裁也士經當世
之務不有淵源安論述作乎國家大政備在六
官陳殷置輔各有司存無非事者今之君子匪
其職思而登譽之圖高者負奇吐氣勤其責之
所不及以譁一日之聞不則伊吾方尺雕篆不
必可解之語以自附於脩辭之列有如詢其法

穀城山館文集卷之十一

十五

三

守瞿然顧後惟不得左右而代對焉建官謂何
彼容容尸素者又何有矣大夫少年雋望博學
工文其所建白論著業已俯視時流樹聲當世
而猶腐心蒿目以極論於職之內惟瘳曠爲兢
兢此其器識相越何遼絕也大夫所部者水耳
其於百谷之流卽若沃焦歸墟欲之不溢由此
而往任有大於是者其必將腐心蒿目以極論
于職之內也嗟乎今之君子舉能職思其居而
靡靡於官之際如此乃何憂方內外哉

岱畎圖經

岱宗之山周迴三千里命曰三宮空洞之天古
帝王所告成也其上有日觀之風有玉女之壇
其阪有秦人之松有漢人之栢其麓有嶽帝之
宮其陰有黃華之洞玉女是焉脩真岱宗之北
六十里爲玉符之山上多括栢多椒下爲朗公
之谷是有金仙之宇命曰靈巖又北百二十里
爲玉函之山嘗有玉函其上漢帝啓之化爲白
鳥是爲王母所使亦曰千佛之巖其下齊州在

穀城山館文集卷之十一

十六

三

焉中爲湖水多荷芙蓉西爲濼水之源湧出若
輪北流入於沂水沂水之北爲金輿之山史謂
之華不注孤峰亭立狀如青蓮厥有華陽之館
是爲北紀岱宗之南四十里爲徂徠之山汶水
經之又東百里爲龜蒙龜蒙之前不足百里爲
陪尾之山泗淵之水出焉泉如列星其石五色
漚而西流過五老之峯是爲尼山又西三十里
逕軒轅之丘會於闕里其別爲洙瀆又南六十
里爲鄒嶧之山其山積石孔洞狀如累丸上有

白雲之宮秦人於此立石謂之書門邾婁之國在其山陽是爲南紀岱宗之西爲仙閣之巖羽人居之命曰三陽觀其陰多五色芝多赤箭服之已入風疾又四十里爲傲來之山其山嵯峨萬仞有石壁焉黑質而白文如人東向立其名曰仙人景其下懸流百丈漚而爲淵命曰白龍之湫出爲漆水又西三十里爲雲臺之山其壤多黃亦曰黃山多棗栗之實有泉出其顛垂如白虹流而入于汶水又西三十里爲金牛之山

文石經曰縞氐之首北望穀城之山是也秦時老父是授畱侯素書其西爲虎窟之峯下臨汶水北爲香山其上多蕨有梵帝之閣是邑也萬山環之其中有畸人焉厥狀徐徐于巖石具棲蓬藿之田是食命曰懸解之民其處善財其出善遊遊于岱崇之野三登日觀之峯以望滄海北至於沂南至於嶧無不周也其遊與若士爲偶左手操盃右手操管其止恒飲其醉恒歌歌穀中金石之音楮氏之子默而傳之藏諸奚氏之室是曰岱畎行吟萬曆闕逢敦祥之歲十月旣望有是先生自題

安平鎮志敘

安平在勝國時爲景德鎮常置都水分監以居行河之使蓋亦大聚落也國朝開會通河特遣水部大夫一人駐節其地總漕渠之政南北幾二千里輻輳而受成焉則尤稱要重哉乃其地籍東阿而錯麗於陽穀壽張之境三邑鼎峙而有之故其文獻故實亦散見於三邑之志而

猝不能稽則訓方之籍闕也萬曆癸巳水部大夫構李黃公奉命分司既著河漕通考復以其餘咨諏網羅躬操觚翰而鎮志成焉謂于子邑人也請題其簡夫志者郡邑之史也無郡邑之名而有其史則所係有重於郡邑者焉何者漕渠周於齊魯之郊旋之若帶張秋其漕結也北二百里而爲清源而得其賈之十二南二百里而爲任城而得其賈之十五東且三百里而爲濰口而鹽筴之賈於東充者十而出其六七此

亦遷史所稱陶宛邯鄲都會之區也而又當汶濟之交受濮澶之委河伯望海假爲北道景泰弘治間朝廷再遣重臣大興人徒臨塞決口玄圭告成乃賜名安平而復號爲鎮卽宣房瓠子之築不廢于是矣奈何視非郡邑而弗之志也志成而吏有法守事有章程文物有徵食貨有紀漕渠之要亦因有考據焉此豈一郡邑之所係也哉繫猶有進于是夫上之域民猶制水也水之爲道固必濬爲溝洫遏以隄防而後翕猶

順軌以趣於下然其旁出羨溢亦必得巨數大澤而瀦之使其游波寬緩有所休息而後不至於潰夫民亦然居之郭郭畫之經界此大綱大紀萬世不能易也至于五方之遊軼百賈之轉鬻亦必就閑曠四通之地使有所倚靡曼衍而不束於有司之三尺然後其志安焉而利可久故聖王體國經野亦必解其羅之一目而有所不盡則是地也固亦民之藪澤乎哉自余少所覩記生聚繁殖屋闔充盈比年以來日益雕敝

文化爲陋豐化爲嗇若將有索然不足之心其故安在志稱時詘舉羸閭閻煩費及謂新城改建財力耗屈此不可歸之天數也畫地而守者其亦有未思乎夫鎮者重也填之而使不弛又鎮者定也奠之而使不撓域民之道也故夫無郡邑之名而有郡邑之政有郡邑之政而不純用郡邑之法則鎮之義居焉爾黃公之職治水而開府于鎮討典稽常以告有土意在斯乎

往吾師鄭先生客朱宮保邸也既操博士家言爲二三千講授又以其餘力盡發二酉之藏焚膏視景騁百氏之藪而蒐獵之蓄日益富辭日益工宮保公有所撰述舉以視草倚馬進牘無不象所欲出一時諸公名能文賦者爭相傳覽亦無不易容稱善以爲鄭生著作材也二三子儼然執經鴈行而進間奉而呻吟之則相顧悚身矜奮各有意千古之事矣不佞才最下幸而先登仕爲文吏可大子冲超乘而出之各以文

斯則命矣然余竊怪造物者旣已擺川嶽之珍毓爲才賢而效諸當世又若有所甚不能舍而陰軛其施且亟收以去者此何心哉雖然古之才人不遇于世者衆矣獨其著爲文詞多所流傳於後則或不至磨滅蓋司命者能使之不遇而不能使之不傳權有所藏而仁有所顯也夫以身後之名而代其當生之遇已足爲才者悲矣而又使之不得遺物之心哉於是思爲先生褒所論著以圖不朽奪於退食之器十年未就頃者謝政家居稍得理藝文之緒而會邱君承武手校遺編重趼萬里訪不佞而屬焉嗟嗟丁鍾唐楷之事已矣桓譚李漢於師云何而予安得墨墨乎因爲叅攷編次列成十卷以付承武使過而與可大謀之其必有以稱云先生於世之作者好關中王氏慕其氣節又好溫陵王氏法其鉤繩故其所爲文麗密遺雅珠聯玉貫外足於色而內足於神若將苞二氏之長而出者固裒然枕苑之雄也假令早脫輓轅束司

城亘之書肆其力之所能而究其才之所至卽以步當代名家追蹤二王之後奚不可哉然亦若或限之抑又何也是歲也子冲已以修文之業受職地府求其藏書家無應者矣嗟嗟以彼所邁視先生何如命滋難言哉

馮宗伯詩敘

今天下名能詩家在大江以北有學士北海馮公公之詩以神情會者也夫自三百篇以降至於漢魏及唐體裁不同要以衰然意象之表不

蘇城山館文集卷之十一

三

可楷梯正在神情爾世人不知則求多于辭辭不能超而求助於氣大歸高張急節愈費而愈不足竊嘗譬之以詞與氣求工者如畫師寫照衣冠色貌細至眉髮無一不似令人蹴然而悚迫而察之了無生意何者其君形不在焉似之而失其真矣以情神會者如摩詰平遠山水間以人物濃淡榮枯在有無明滅之際而望之躍然洞心若將身遊其中而不能已則得其真而不必似也公之爲古體淵源漢魏而軼出於唐

其爲近體沈浸盛唐而致極於杜兼備衆美而發於一竅其究華而若歛冲而若餘大而不陵細而不底神在象先而輔之以氣情懸物表而運之以辭此所以勝爾嗟夫物未有不得其真而勝者也彼以境而合人以人而傳事不怒而髮上指無悲而涕橫流於神情何所出焉而欲以高馳執苑凌駕詞壇不其左與余遊公二十餘年相與極論久之欲一涉其樊而不可得今老矣炳燭之光其與幾何望洋而嗟而已矣吾大夫瀛海張君出公門下雅有詩名偶出公草一帙視之大夫捧而醉心曰吾師乎吾師乎一代作者其往是與小子何莫學焉亟付梓刻將與同志共之而使余題其端余惟自古儒林文苑皆有世家經術之效莫盛於韋氏之祖孫著作之業莫盛於班氏之父子而公實兼之況且以典謨風雅之猷弼成景化望高夔周召流風哉故公之學不盡於文其文不盡於詩而詩亦不盡於此就大夫所次著其槩爾

蘇城山館文集卷之十一

三

朱光祿集敘

岱畎生曰嗟乎天之難圖也夫有負高世之華而望不符其實蜚譽代之響而用不副其資此品庶之恒嗟桃林之永嘯矣既已疏川嶽之靈洩星鼎之秘而又獨繁華於中齡促騷衷於長路天何心哉天何心哉吾蓋悲吾友朱可大氏云朱可大氏者宮保鎮山先生伯子也先生在嘉靖末年填撫東土可大總角受經出就外傳予與濟南于子冲氏比肩差長進同筆研相與

穀山館集卷十一

十五

四

命牘割瓊倪仰千古固各超然懷不朽之圖矣已而先後成名仕爲朝吏可大及予相從更久所與追琢文雅究極鉛素之業垂四十年如一日也夫魯門越微兩海相懸而婉變之交迄于華首自有友道以來斯希覩矣可大爲詩清英雋麗藻采爛然玉潔珠融霞輝星耀其孤規渠鑊在高岑錢劉之間而尤工近體文詞雄深奧衍切理中實商鼎周彝蒼然古色而出于獨匠一時學士名家慕說可大德豫章廬陵之野稱

高步矣可大臚傳上第荷橐清曹初以持論忤楚山官郡邑再以抗疏適吳斥居閭里庭臣部使方日列其名爲請賜環之命而可大不少待也可不惜與夫藝文之緒亦難言矣近代一二宗工倡爲復古大振先秦西京之業豈不斐然而未學小夫依傍影響醞醕鋪醕大者模擬篇章細者剽剝字句以爲作者之劑盡于此矣然而形腴神索表澤中枯遡之無源挹之立涸奚以稱於世焉吾可大則不然迹其博稽羣志貫

穀山館集卷十一

十六

四

穿百家則罔不涉津涯而獵林藪及至含毫匠意搦管命辭勺於不竭之淵量於無窮之府固不盡其十一二也而又少從遊宦習知當世之宜自世穆以來人材政體因革舉措之畧輒軒之所未訪耆宿之所未詳莫不臚列胸腹河懸齒頰視夫握數寸之管步一家之塵博欲何如乎予嘗謂可大之才與其韞負使居蘭室石室之間細繹先朝之故實若雍容侍從備清宴之詢誠必能究其始卒爲傳信之具討其訓

爲立政之資而今已矣可不惜與可大氣節
政業同遊君子多有能悉之者文則是集脩焉
世所不盡知者其博綜之學可脩國典而不獲
少試故爲表而著之要以位不勝其名名不勝
其實則天之生才幾於能作而不能成而吾無
從問矣聊以郎君大夏之請校定遺草題諸簡
端云爾

穀城山館文集卷之十

二十七

胡〇

穀城山館文集卷十一終

穀城山館文集卷十二目錄

兗州府志自叙

宗伯馮先生文集叙

顏氏家訓叙

李中丞撫淮奏草叙

雲山家譜叙

玄同館草叙

汪敬仲遠遊集叙

刻太上感應篇叙

穀城山館文集卷之十二目錄

乙

全五

龐眉生集叙

冲白齋存稿叙

穀城山館文集卷十二月終

穀城山館文集卷十二

東阿于慎行著 門人郭應龍編

北海董可威 天中李時馥校

都門李本緯 男于緯重梓

兗州府志自敘

于子隱於穀城之墟屏擺觚翰息於玄默之圃
郡侯渤海易公命駕及門訪曰維充肇域光宅
舊魯降周迄孔誕啓文明爰及 聖世襟帶二
都厥號股肱之國而方書或闕典故靡紀無以
穀城山館文集卷之十二

塞輜軒之問時維守吏之責執事以闡臺舊史
越在田間豈亦念梓里之文獻而圖之墨卿敢
奉故牘以請于子對曰幸甚君侯之訓嘉會我
魯以邀福于二聖里士將與其榮敢不受命是
年公陟晉臬以行魏郡盧公下車復駕及門申
前之請于子敬對如初公乃命縣令許昌王君
延文學四人使分討閱簡晉史四人使供繕錄
于子閉關掃軌擲管抽笈取別駕甬東包公所
褒舊志錯采百氏之籍旁參郡邑之史探願

漏提要鉤玄初爲二十八部析爲五十二卷三

越寒暑乃克成編盧公受而閱之因檄鉅野博

士鄭君與明經二人校定鋟梓推費惟裕弗惟

省鳩工惟良弗惟亟八閱月而告厥成中丞漁

陽張公按臺檄李姚公咸嘉二侯之勞各錫品

隲以光簡首使班布焉敘曰維奎婁之楚郡國

更建州部錯分時衍代庚離翕靡一委而不源

名實安究故志沿革稽古疆理天下建都樹邑

厥有城郭位著廬舍關梁公私以陳政化錄出

穀城山館文集卷之十二

二

三

故志建置龜蒙鳧繹疏自岱宗沂泗汶洸歸諸

左海鍾美洩惡庶土作又原本流別表鎮是崇

故志山水尊賢尚親惟魯報政一變至道是有

厚風物土制用食貨所因織文漆絲厥產維茂

故志風土四志既列方輿備矣乃原統紀軒昊

開天此惟與宅炎漢齊梁乘運膺圖景命攸鍾

故志帝迹五百之運考於素王集厥大成配乾

象坤經緯萬古故志聖里公旦之敷俾侯于魯

鄒滕曹薛版章錯綉咸在提封後世建侯殊軌

胙土繫號亦不可壘故志國紀 聖朝廣樹藩
屏實爲上國施及後昆支葉衍茂麟趾之慶望
著尊親別於前史以崇景胃故志天潢四志旣
列統紀彰矣乃稽政典匪地弗官匪官弗政帥
以守丞承以令長斷自本朝並列里氏以示勸
繩佐史文學畧差秩號故志職官登賢與能籍
在天府是實材薈森蜚景集其麗不億故志選
舉賦則於壤役簡於民上有贏詘下有登耗叢
爾茲土倍徙他方竭澤反裘漆室所嘆故志田
賦戶役文學天性儒術彬彬遠哉洙泗之間東
乘治戎以固疆域並用之術故志學校兵戎充
四達之遠也乘輅之迹旁午道塗汎舟之役繹
騷境土民弗堪命矣故志驛傳河渠牢筮之政
昉於鹽絺罔牧之頌賦維丘井東方之故也是
建二使監於有土畧舉大槩以摧盈虛故志鹽
法馬政十志旣列政典陳矣乃標景迹大庭有
庫小顓有丘芒芒邈哉自茲以降山經海謨弗
可勝載矣陵遷谷堙沉緼濯莽覽勝懷古胡以

考旃故志古蹟陵墓帝圖聖域秩祀有經鉅典
鴻儀榮鏡宇內二氏之宮曼衍靡麗有其舉之
名勝攸存故志祠廟寺觀四志旣列景迹聞矣
乃綜文獻夫自三代迄今更於茲土者史傳可
稽也有懋庸樹軌名著旂常有興利便俗愛遺
舊域甘棠或剪景德謂何故志吏迹魯君子之
國也周開聖作漢傳儒林六朝文物唐宋碩哲
他州莫望矣 昭代之興鉅公名流光紹後先
景行尚論廼茲矩模故志人物六籍旣登虹書
表端暨分四部縹素雲典炳道煥章飭物揆德
郁郁盛哉狹識渺窺流傳或軼作者之勞亦可
懷也故志典籍伐石有紀含毫成詠單辭斷簡
逸在山澤滄海一珠崑丘片玉亦以光華地紀
裨益博聞故志藝文四志旣列文獻徵矣乃鉤
隱願觀象望氛有國之典春秋災異漢儒所稱
幾於溺矣然而砥礪惕衷明威匪遠舉厥占應
以告咎徵故志灾祥齊諧語怪卮言解紛釋官
之識識其小者此滑稽適策列於金匱之編也

故以盛衰談終焉總之右質而左文正疑而傳信
務詳而忌畧崇雅而黜誣有臧否之文無褒貶
之例有參伍之變無隱見之詞蓋云括地之法
若此止矣若乃獵窟窮長夸浮競艷盛粉澤之
具侈麗素之觀則有博物洽聞之彥摘華採藻
之工匪余所任也矣或曰事有體裁文有意義
浮沉鉅鉅六各不侔吾子珥筆橫經從容帷幄
蓋當發石室之藏纂輯兩朝之訓錄考大府
之憲參脩一代之章程皇皇制作閎且侈矣今
茲遁於耕牧而憫然僣小史之官銳思乎土誦
之所陳極意於訓方之所載懼非近臣之事也
于子曰唯唯否否夫脩詞之軌多端而立言之
徒匪一君子進而在列則謨謀獻納展錯國華
退而在野則著述討論優游藝術皆以發揮明
盛藻飾太平所遇雖殊其志一也君實屏居洛
上史鑑乃成平叔歸老睢陽諫林是著莫不抒
平生之志勒一家之言徽黼當朝摧揚千古者
矣况乎河海名區聖賢舊里三千餘年之文物

二十七屬之封疆明使君之所勤渠里人士之
所矚望雖勉竭駑鈍固未足稱其萬一也而子
乃云云則山海之經不墓于神禹九州之志不
列于丘索矣何以徵宛委之藏發圖書之奧哉
若乃虞卿窮愁而著書韓非幽憤而漂說司馬
畱滯而成史楊雲寂寞而草玄此皆賢者不得
志於時隱約鬱結者之所爲爾僕雖不敏生逢
景運身荷渥恩幸得完名奉身舍和鼓腹考舊
邦之典故光聖世之輿圖窺寸管於璇璣增
測于渤澥固亦詞林之舊業報國之涓忱矣如
其偃仰溪山流連景物而使熙朝之埏埴鬱於
覲聞仁里之聲明沉於紀載僕雖不敏固竊耻
之比於數子志亦相懸矣爰綴末簡用表厥終
且告不恪於里士云爾

宗伯馮先生文集敘

北海馮公者今之雄雋實臣也束髮升朝早躋
八座弘暮雅度光映周行大政要機多所參預
世方需其輔理以兆昇平而青髮韶顏奄然

箕上矣此則天地精靈國家氣運當之夫何言哉方公病亟其友侍御唐君請其遺書以梓題謝再三出而付之曰必也東阿爲敘蓋行也從公於朝相與上下藝林頗稱莫逆而公之政業識畧有王沈二公誌碑取信萬世毋庸更辭則以待御之請綜術其文云爾敘曰古稱不朽者

蘇東坡集卷之十二

七

三十一

三言居其一要以圖功績德非文曷遠則尤其載而不朽者焉天壤之間有形有質之物未有能不朽者必化而後不朽金石之堅泐且蝕焉而朽土木之蠹蠹且蘊焉而朽惟母化也水之洋洋代而不息朽乎哉火之炎炎傳而不盡朽乎哉何者化也人心之精吐而爲言言之倫要敷而爲文此必有變而之化者無所變而之化而欲高馳虎跡樹千載之標豈其賡哉近世名家輩出非先秦西京口不得談筆不得下至土苴趙宋之言目爲卑淺而眉山氏家法亦若曰姑舍是云鄙人少而操縵亦謂爲然久而思之不也蓋先秦西京之文化而後爲眉山氏眉山

蘇東坡集卷之十二

八

三十一

氏之文化而後爲弇州氏眉山氏發秦漢之精蘊化其體而爲虛弇州氏攬眉山之杼軸化其材而爲古其變一也世人不知一以爲趙宋一以爲先秦西京徒皮相爾且夫先秦西京之世有以文自命者哉漆園之泔泔則論著之書也韓非之精切則長短之策也長沙之宏瞻則陳對之贖也龍門之遡蕩則紀述之史也皆眉山之所釀而爲文者也蓋嘗取而紬之廓之宏編約之單語安所尋其軌述安所索其斧痕故能不爲秦漢者而後能爲秦漢此則不可朽爾何者文以神化者也不會之以神而合之以體不合之以體而模之以辭則物之形質也方輿方毀方新方故不朽何之今觀馮公之文色澤膚肌惡乎爲秦漢乎而精神脉絡惡乎非秦漢乎其脩學博而不濫其抽思深而不誦其綜藻華而不雕其稱名奧而不晦其議論辨說邀探恍惚冥造希夷愈入愈深愈出愈啗而不可端倪有莊而無之也其指畫政體陳說機宜密策決

於一言碩畫陳於萬里名實必中權正相寶有
韓而無之也其奏對之疏獻納之章辨官敦典
考古究今理侈而核辭亮而悅可以納牖宸衷
光華玉度有賈而無之也其鋪敘事理操縱闔
闢虹流波詭而繩尺森然無少過佚有遷而無
之也軼而至於百家之說六代之體皆有而未
嘗有皆用而本實用滔涵吐納剴削滌滌衡之
不得其垠縱之不得其首故夫眉山之後化秦
漢而爲虛者吾獨以馮公之幾之也蓋項者先

蘇城山館文集卷之十二

九

九

正諸公亟稱擬議以成其變化豈非名言然擬
之議之爲欲成其變化也無所變而之化而姑
以擬議當之所成謂何夫酒醴成於麴蘖而麴
蘖非酒也湯液成於藥石而藥石非湯也有如
以酒醴爲澂澂而釀其醴醕以湯液爲清泠而
咀其渣滓文而肖是乎哉無論秦漢立言之家
視爲何若政使趙宋諸賢誰不捧腹何言蘇氏
故吾謂馮公之文可以不朽者謂其幾於化也
所未盡者蘇公之文如走盤之珠肆而不得流

而馮公之文如出匣之鋒抑而不可遏此則時
未從心年不待力者矣噫乎天之喪斯文乎慨
世道者爲一代惜九鼎之材而商稅文者爲千
古揭天球之寶均也掩袂太息不知涕之無從
矣侍御能傳其著述爲楊氏之君山而行也無
能發其流別爲左氏之玄宴則甚愧而不得辭
也至若有韻之文則古出建安而下逮於唐近
出高王而旁薄於杜又當世所不幾者嘗別爲
之敘故不重論

蘇城山館文集卷之十二

十

十

顏氏家訓敘

余觀魯顏氏諱記復聖之先世有爵邑於國素
王旣作及門之徒顏氏入人斯已盛矣晉宋隋
唐名人類士垂殷載籍不可勝數北齊黃門侍
郎之推其著者也侍郎博雅閑達爲六朝人望
著家訓二十篇博士顏君藏而付之梓曰此吾
家天球赤刀也願綴一言于子受而卒業則慨
曰嗟淵哉風風乎其有先賢之遺耶非令德之
後言固不能若是然其說著者先儒各徃徃采

據之矣夫其言閫以內原本恩義章敘內則是敦倫之矩也其上下古今綜羅文藝有倫要而不華是博物之儲也其論涉世大指曲而不訕廉而不翹有大易老子之規是保身之詮也其撮南北風土僞俗具陳是論世之具也統之有關於世教其粹者考諸聖人不謬儒先之慕用其言豈虛哉然予竊怪侍郎當其時大江以南踵晉宋遺風學士大夫操盈尺之簡日夜雕畫其中窮極綺麗卽有談說先王則裂背扼腕塞耳而不願聞江以北故胡也其民控弦椎髻王公大人擁璫裘飲酪而居士流名裔且將裂冠冕而從之此何時也侍郎故遊江左已又棲遲關洛之間廼能不沒溺于俗而秉禮樹風不墮先世之聲問豈不超然風氣之表者哉余竊又悲侍郎以彼其才毋論得遊聖人之門第令遭統一之主深謀廟朝矩範當世卽漢世諸儒何所多讓而播越戎馬羈旅秦吳朝綰一綬夕更一綬其志不已戚乎大河自龍門砥柱而下天

下之水皆河也濟獨以一蓋之流橫貫其中清濁可望而辨夫濟固不能不河也然能悠悠冷冷毋失其濟則可以稱瀆而朝宗於海故曰瀆者獨也侍郎之所遭亦如是矣昔虞卿去趙困于梁不得意乃著書以自見故虞卿非羈旅其言不傳侍郎倘亦其指與抑以察察之跡而浮游世之汶汶固將有三閭大夫之憤而莫之宣耶侍郎他所著書甚衆藝文志所紀有爾雅注一卷集靈記一卷徵應集三卷筆墨法一卷證俗音字四卷稽聖賦三卷類皆博物洽聞可資考證而逸或不傳傳而不及盡見爲可惜也侍郎之後思魯師古咸以經術流聲真卿杲卿兄弟節義並著皎如日星至今在人耳目謂非垂訓之力烏乎可哉博士名嗣慎充國六十四代裔醇雅而文動無違禮能守其訓者也

李中丞撫淮奏草敘

夫主之於臣有抱獨知之符而示不測之御者此其人有不得不重也語曰知臣莫若君此所

謂知者獨知也獨知而不以人則信之不貳不貳而後不測嘗有概于季布之言陛下以一人之譽而召臣以一人之毀而去臣心誠知之何有於譽毀此所繇窺淺深矣夫惟明聖之主得忠鯁之臣而任之羣而譽之至於國人之公而

蘇軾山館文集卷之十二

十三

進

然後不測之權寓焉夫誠有不可親疎之臣而國亦重矣吾友李中丞道父貞姿亮節束髮登朝平生慷慨扶義言論風旨凜凜以名節自持所交遊海內英流用意氣相矜許見宵人媚士白眼酸鼻若將浼焉自爲郎署以上書陳言有所觸忤斥補外吏邇延且二十年卒被特簡以御史中丞監撫淮陽四郡已而爲稅使所構屢疏乞身 上第爲一許而不聽也主爵爲請更則不報請兼漕則報臺諫部使請留則又不報

蘇軾山館文集卷之十二

十四

進

請行河則又報依然節制七部分東南之半壁而委成焉自巳亥至今且五易歲所肇畫指陳無慮百十餘疏其職事大者於撫則率作羣吏與之共憂元元而澹滌其災於漕則淪淮渠之塞轉百萬之舳艫而致之天府於河則窮源疏委別白所宜塞與通之故以授豫充而其最要而偉者則止廬江之鑛以保 二陵之地脉發徐碭賴毫之盜以翦揭竿之萌而其最艱危險阻出萬死一生之計則禁稅使之虐而與之構難彼其張彌天之旱漁獵徐淮之野鞭驅虎而驟併偷磨牙吮血甘人肉而談誦之烈已廼矢不與共生危言苦辭極陳禍福興亡之故與天聽之一回而陰以其間假便宜禽制以漸消其瓜距吳楚江淮之民仗中丞之彈壓幸有寧居而憑社負隅之徒夤緣釜鬻所以媒孽齟齬窮萬道而無餘 上獨察其繇而不爲動也於中丞之言示不欲受而卒不忘於其身示不欲用而卒不舍於所彈擊根柢示不欲盡法而卒

潛消默遁稍除其十二三天下遂以顛倒鼓舞
頌不測之恩威而不知上之於中丞乃若有
所甚倚而不肯遽親又若有所甚憚而不肯中
疎者辟得千金之藥既畏其苦口又冀其蠲病
既頤肩而卻之又裂吻而啐之爾夫人主之情
無論勤逸疇不欲國之輯寧亦疇不欲志之順
適今忍其情之所不堪制其欲之所必遂以饗
貞臣之利於國無已而姑爲不測焉明主之
爲社稷亦勞矣臣而見知若是亦何必三錫九
遷乃稱遇合乎往余從道路傳言得中丞保障
江淮之狀固已動顏而喜及今讀其奏疏句風
霜而言金石直欲爲蒼生哭者毛髮悚慄三擊
節而服焉而中丞以書來言時事棘矣一介孤
臣仰已無親俯幸有子不以身負吾師必報
國恩有歘無二嗟乎中丞之簡在聖心有以
也孰不爲臣而言何獨痛與嗟夫中丞於君臣
之際奇矣緊君之知臣欲密而臣之受知欲顯
顧誠何如信則爲不測疑則爲不斷不測出于

不貳不斷成於貳夫不測與不斷之形非相遠
也則奈何抱獨知而不貨信乎武帝知汲黯爲
社稷臣而棄居淮陽不得與朝廷議乃曰徒得
君之重卧而治之爾夫淮陽重則何如社稷重
哉上蓋曰吾且召君矣

雲山家譜敘

古者諸侯卿大夫因封命氏皆以有土之適世
其家兩而統其族出則爲之政令以奠麗其生
入則爲之訓法以聯其倫屬詩益曰君之宗之
矣封建法廢分茅胙土之君有其名而無其岳
牧郡邑之長寄所謂君之權而又無其分卿大
夫退而處千里亦不得以大宗之法聯屬其族
故所謂君與宗者岐而二三而又入焉惟有貴
且賢者爲之類其世系氏名昭穆之敘而纂爲
譜牒以比於古之小史謂之家乘故雖豪宗巨
閥爲國邑之望非有貴且賢者爲之綜衍固亦
無傳也然自漢魏以後晉有羗胡之擾唐有兩
河藩鎮與五季之亂宋有公元割裂之虞大江

以北無慮二千餘年連州跨域鞠爲荆棘戎馬之場一二遺黎出沒兵燹此離流散往往存一綫之息而保其族姓故雖大國大邑亦鮮百室之聚何言譜牒吳楚閩越之間被兵則後而緩卽不無散失易於生聚故百里之域必有望族或不下千萬餘指而有貴且賢者出焉因得摭摭網羅以爲譜牒豈非所謂足則能徵者與予得葉少宰公雲山家譜亟嘆嗟焉葉之居於福清自其代始而少宰公所譜斷自十四世謂其

欽城山館文集卷之十二

十七

近而徵也十四世者其祖稱宜興公適宜興而上有爲鹽鐵轉運於宋元之世者具其槩而不詳沿而下之當正德間有舉孝廉爲令長者別爲惠安之派而連櫬接棟居於雲山之麓者綿延至千餘衆皆以力田禮讓蔚爲茂宗累而至桂山公以經術起家稱循良吏而少宰公興焉卽不必遠引華胄而彬彬濟濟光啓衣冠之世亦已盛矣家故無譜譜昉於某公更百七十年而本支益衍桂山公雅欲修之未竟其業以授

少宰公乃於南都聽禮之暇告成書焉吾謂葉氏之在福唐固赫然百世之宗爲邑望族然有少宰公父子爲之聲名而侈大之卽聚廬而居計亦稱海濱一墟落爾惡能列衣冠之世于宇內若歐蘇氏之族哉故知豪宗閥閥非有貴而賢者固不顯也大都繁碩殷阜之族必其上世以來積德累行克享天心蒸爲博大之社而後有貴且賢者出於其間非偶而已然至膺豐媮之福則貴且賢者居其名而羣都其實肩

欽城山館文集卷之十二

十八

繼承之業則貴且賢者當其勞而羣受其逸猶且人各有心不能共衍明融之胙以光其前人則糾宗合族之舉固卿大夫所最急而甚難者也旣不得以宗法施之於族而得考其世系氏名以示一本之誼而稍聯屬之則心亦良苦矣而猶有門胄單薄無可譜而傳如江北之士族者又非難之難者與故吾於少宰公是舉有深羨焉少宰公清姿勁節表表如冲天之鶴文詞典則瑰麗爲當世杭林山斗且日進筦樞衡光

佐雍和之理則其內而施於宗者四方卿大夫之族皆取法焉且有紀名臣世家以勒於蘭臺之圖史者家譜云乎哉

玄同館草敘

鄙夫戢景雲林塊居斗室巷無朋好可與晤言常欲結同志於千秋偶比隣於萬里不謂粉榆之社近有文史之英則晁甫王孫其人也王孫秉銀潢之貫總桂苑之盟少頗豪遊長而折節腐心竹素鉢日丹鉛鳴鑾六藝之林頓網百家

穀城山館文集卷之十二

十九 五月二十四

之藪命舫成詠矢口爲章郁若椒蘭鐫如球玉清新綺麗妙絕纖塵閎衍淵博深藏萬斛固已遐探閭奧遠溯淵源爾其細律長歌踵高岑之妙躅雅篇古體映顏謝之華標且將索篇二京陶鑪騷雅詎止天家之麟鳳固亦文苑之珪璋乎然而心賞雖懸面談尚阻只尺踈於交臂燕笑睽於比肩緬惟南皮詩酒之遊蘭亭校楔之會古今之遇何其遠哉斯以邇長風而增愴握華琯而興思者矣間得玄同新草一帙省以三

覆如獲罕寶素心既愜浩嘆方興何者中壘以經學脩明紬書天祿供奉以詞華豪儔待詔金鑾斯並前籍之侈談宗英之盛遇也其在于今何獨不然而使傳物之儒比於黃髮之翼弘文之彥稱爲韞櫜之珍哉嗟夫天之生材代不數見世之喪道文豈在茲而有揚赤幟於詞壇扇清芬於帝冑豈非乾坤之珍異鄒魯之流風與夙願既諧同轍可應寫緇衣之惠好抒杜杜之綢繆聊綴斯言以備觀采云爾

穀城山館文集卷之十二

二十 五月三十一

汪敬仲遠遊集敘

休陽汪敬仲氏以稱詩雅遊出其里司馬門而爲李本寧太史客翩翩執苑流也余臥山中久覓賓徑里士亦無可與談者一日敬仲過而懷刺謁焉倒屣出逆如平生驩閱所爲歌詩數種清逸渾雅飄然欲凌雲氣心殊重之別去又五六年復過吾邑盡發奚囊近草所自名遠遊集者求爲是正因取而銓隲之則其爲古樂府自郊祀饒歌下逮吳歎西曲無不化裁擬議台變

成文爲辭則有所不蹈五言自漢魏至於六朝
又皆拍浮沉酣入其境地而體亦有所不滯此
其獨詣之趣詞壇流輩罕能儼之近體歌行情
采氣韻出入盛中之間若睥睨少陵而欲赴者
視向所見桂枝片玉不啻瓊林冊府觀矣敬仲
簪筆而請家世間右嘗號素封先君以文俠著
名遊于當世至賤子而蕭然貧也環堵石田無
以將母伊吾一編意常晏如出見豪門右族輿
徒舄奕骯髒之性不能與偕及覩漢太史氏十

穀城山館文集卷之十二

十一

歲誦古文辭壯而徧覽四方盡山川文物之勝
而後歸而紬石室之藏也私竊慕之故自束髮
受經輒厭薄博士業不爲而慨然有五嶽之志
南渡江淮北涉汶泗至於燕趙之間無不有躡
屩之迹焉此集所由名與予乃獵纓而嘆曰嗟
乎敬仲子之遊遠矣何以名爲夫遊遠之賦昉
於楚之疊臣而衍於後之樂府大抵懷瑾握瑜
之士狹時俗之迫阨而不忍離其滋垢則思駕
龍輶輕舉遐騫上極六漠旁周八埏以抽其

伊鬱牢怪之氣而猶謂不足則欲就重華而陳
辭依彭咸之遺則杳而至瑤臺佚女洛水處妃
幽而至東皇司命國殤山鬼無不願奔走而後
先焉豈其形神羽化能御六氣若此其志則遠
爾子之爲樂府古風上下漢魏則卽今之咸陽
鄴下而與蘇李曹劉遊也及其爲六朝則卽今
之江左吳會而與二陸陶謝遊也其爲近體歌
行則卽今二華三川之都而追王孟軼錢劉以
遊也彼屈氏所稱仙靈帝妃之倫徒寓言耳豈

穀城山館文集卷之十二

二十二

有實際哉夫士而蟬蛻鵠翔抱出世離羣之想
翛然軼於環中卽宴息一室孰云非遠有如解
其天弢而與世爲徒卽策逐日之杖騁御風之
輪舉足萬里孰云非近子之尚友千古而馳於
六藝之場則信軼埃氛而撇蟻蠓矣如是者其
居亦遠其出亦遠聲而金石亦遠嘿而玄白亦
遠吾不知子所適矣殆若士之偶雲將之役與
敬仲往矣他日見本寧而質之夫魯之言詩者
有以異乎楚之言騷者與則子雖卧遊可矣

刻太上感應篇敘

或問太上感應之編有所本乎曰此道家者流本老氏慈儉之訓而託焉者也然亦聖人神道設教之指也王者之法執實以御虛聖人之教徵虛以佐實王者之法曰爲善必賞賞一人而天下勸爲惡必罰罰一人而天下懲此執實以御虛也其道必之於人聖人之教曰作善降祥作惡降殃不在其身在其子孫此徵虛以佐實也其道必之於天相待而爲用者也然有愚夫

藏城山館文集卷之十二

王三

春

愚婦於此欲之以爵賞未必恭也聞異世之福且則忍性而脩惕之以刑書未必悛也聞冥司之業報則竦志而改何也昭然可見者有時而不讐默然罔稽者無之而可適也此聖人神道設教之指也是書之作所以警勵頹風維持敝俗與聖人之道亦有同符焉矣惡問其所本耶然則天人之際若是其不爽也曰唯唯否否天遠人邇吾惡知天人心是已一念向善卽種福根一念向邪卽開禍竇不罹法網則嬰鬼責天

何心哉天何心哉吾邑三尹劉君手校是編請於邑侯王公刊布四境三老孝弟以月旦讀法爲衆演說予聞而善之二氏之教謂人能捧持經典傳布流通卽爲無量功德其說未必可信而卽此一念亦可以感格玄穹享仁人之報矣劉君之政慈祥恪慎爲民所懷宜其有取於是書也予觀其刻而嘉之爲題其簡端云

龐眉生集敘

嗟乎行茲從遊吾兩兄云兩兄者仲氏無妄叔

毅城山館文集卷之十二

王四

三、百、春

氏無擇皆以博學宏文光大我先君之業然皆服短褐以終而行也竊其緒餘以邀寵於世私甚愧而傷焉無妄諱慎思漁於清濟之濱號其齋曰航隱人因稱航隱先生云先生生而磊珂負奇氣始就外傳日頌萬言年十六七從先君入關中過古秦漢陵墓宮闕之墟擊劍悲歌茫然洒涕裴回留不能去不知者目爲狂生先生自謂不狂其學於百家諸子無所不涉尤好談冥聞制府曾石塘公建議復古河南地輒爲

邊十策跳詣軍門上之張中丞南渚時客塞上
聞而諭曰部吏子上書於體非便乃止母上而
歸從東省試見陳兵夾索又以爲非待士禮憤
不欲入入爲七義故闕其草而出逃于酒間曰
吾不從科名進矣已而無擇及行相繼上公車
先君未嘗溢喜蓋深念先生云先生意亦不能
無動乃始從中丞鴈泉侯公受經生業服習甚
勤竟不偶時以老邑人士至今惜之先生漁獵
最博論議最豪然其爲文茹古涵今自立機軸

穀城山館文集卷之十二

三十五

氣骨本遷史體裁出昌黎氏雄渾淵博蒼然古
色寧遠繩削終不肯雕刻字句以競周容所乏
者栗密耳詩善古歌行好常樓居孫太白之調
駿發踔厲有足喜者近體不純於唐亦不落宋
至傍人口吻齟齬效顰亦薄不爲也少時喜讀
離騷其爲騷體甚富雅長亦復棄去嘗以數首
呈文宗吳靈蒙公吳公謂其真得楚聲可霸騷
壇非謾語也先生雖遊于藝文志在取世尚論
古豪傑人於唐慕郭元振於宋慕張忠定陳永

嘉議論押闔又慕蘇氏父子其志趣可謂高而
坎壈踴躍白首一經天意何哉無擇學遜先生
而才藻過之爲文甚敏倚馬千言多不存草又
不及壯室而沒故所藏僅得一帙而先生遺稿
自題龐眉生集者尚可二三十卷及行歸田頗
多暇日乃從于繁索之亦多散佚於殘編斷簡
中定其可讀者若干首付繁梓之家塾使世守
焉先生又工爲宋元詞曲深研其聲病謂近代
所爲卽被之管絃於古無當也而成文之音亦

穀城山館文集卷之十二

三十六

三百四十五

寡又半從狹邪得之乃其憤邑不平之志借以
抒寫有足憐者自宋諸名家皆以樂府入集亦
文之一體不可廢爾他所論著有劍術說林兵
畧八陣圖解諸家要畧論文博采羣書題跋雖
施之當世未必盡合而能掎摭千古成一家言
亦必有識之者然不能盡梓也兒謹藏之母覆
齒詭可矣昔扁鵲兄弟三人皆以醫著及其子
實謂伯兄爲上而名不出於家中兄爲次而名
不出於鄉越人最下而名聞諸侯若預爲吾兄

弟發者彼大均播物其於華實之際亦有所裒
益與然使海內賞音之士有能知其才而憐之
者卽少集英一第吾兄不殆矣悲哉

冲白齋存稿叙

于慎行曰吾兄冲白先生天資穎邵超軼恒品
文考長吉之倫也年甫垂髫卽工詩賦才思敏
贍握管如飛古有倚馬據鞍無以喻矣少從仲
兄無妄讀書東郭草堂相與覃精極思馳騁千
古文江學海苞絡人流視芥拾青紫若將浼焉

穀城山館文集卷之十二

二十七

三石天化

仲兄旣以衲鑿時調白首一經先生幸列賢書
復闕天壽寒門薄祜不能成材士之名豈非數
哉先生才高而儒學博而精發爲文辭探源國
左托體六朝埒近世黃五嶽皇甫司勳之法然
自謂應世之作非其至也歌詩春容適雅取裁
盛中以爲學杜不成且落宋人惡趣此固卓有
所見非拾人咳唾者而存稿寥寥若此其故難
言矣先生平生爲文未嘗起草或以卷衣乞言
且書且撰輒付其人不復省記間有從容削牘

留在巾箱及鵬上承塵二子孩幼無爲藏之者
茲維殘策斷簡稍餘一二爾以先生之才假令
僅得下壽有所撰述近則石渠天祿遠則名山
大都旦暮古人亦復何有而胡奪之速也嗟夫
子羽之壁驚陽侯而波沉豐城之鉞墮延津而
龍化天有神物儵出之而儵收之誠何心哉先
生長余一紀資亦懸絕然皆以黃憲傾談之歲
頌采芹於泮宮皆以李蟠請學之年歌鹿鳴於
畫省連翩接翼見謂良遊彼一時也先生青鬃
長往莫可材而行也與病爲徒以有大馬之
齒髮且颯颯垂矣形影相依俯仰增慨緬維往
事若割於心懸車多暇爰蒐遺草畧加是正以
梨棗存之披拾無幾不忍芟也夫天厨寸鱗味
含七鼎之珍丹穴一毛色證九苞之采顧安知
桃林哲匠藻鏡謂何而戚戚在原之私聊存手
澤志則悲矣紹也幸謹藏之以示子孫毋墮厥
考名哉

穀城山館文集卷之十二

二十八

三石天化

穀城山館文集卷十二終

穀城山館文集十三目錄

闕里重修聖廟碑

勅修東嶽廟碑文代

勅建慈壽寺碑文代

勅建新河洪濟廟記

甘肅開府司馬侯公紀功碑

東昌府城重修碑

新建平番堡城記

清平堡新修木口記

穀城山館文集卷之十三目錄

東阿縣學科第題名記

東阿縣學歲貢題名記

平陰姚侯役法記

城南別業圖記

穀城山館文集卷十三目錄

穀城山館文集卷十三

東阿于慎行著

門人郭應寵編

北海董可威

天中李時稷校

都門李本緯

男于緯重梓

闕里重修孔廟碑

穀城山館文集卷之十三

夫管窺乾象無以究其崇庳圭測坤維不足明其遠近何者氣冒於形則形之所不運道周於器則器之所難名也况乎德冠生民智苞羣品立三才之樞紐垂萬世之儀形者哉故子貢以爲終身戴天不知天之高也終身踐地不知地之厚也至矣哉擬議不得其形容隨迎不盡其終始上智之所難晰能言之所罕譬矣所謂聖而不可知者其在是與雖然天不可窺而日月懸其象故仰觀者有則地不可度而河山麗其體故俯察者有儀聖不可知而六經傳其蘊故彰往察來者有準也蓋求聖人之蘊則於其繁然者矣無其所謂可得而聞者歟是故二帝三王用六經之實以陶埴天下而夫子著六經之

文以垂憲方來三千餘年之間上而英君誼辟以之總理人羣下而哲佐貞臣以之彌綸丕造近而經生法士談誦於聲名文物之場遠而夷裔要荒遊衍於禮樂衣冠之化其顯而可聞者如日月山河輝朗炤耀靡不宣臻而其隱而不可知者如一元之氣布濩周浹而無有涯涘故曰夫子之道大矣然諦觀三代以降其大經大法固犁然列於六藝而華言小辯猶雜然出於百家妄意儒者之學以爲博而寡要勞而少功

穀城山館文集卷之十三

二

至與道德名法陰陽列而爲六故其耳目心志不能陶於醇壹之源而其政教風俗無以鏡於粹清之理此三王靡企而五帝罔幾也然則六經之效其有所未盡白而夫子之道其有所未盡用歟我祖宗紹天立極握符御宇天下郡邑廣建學宮頒布經籍爲士程訓要以統一聖真屏斥異說抱策而游黌序則不敢讀非聖之書操觚而謁有司則不敢奏違方之語論學則土苴九流談治則糠粃霸畧是以政教熙明風

俗嘉禮湛恩鴻龐浸潭上下吏緣儒術民樂絃誦方內壹軌殊俗同風爰逮我皇上儲精垂神執經講藝以宰制六合埒萬類於鑠哉聖治之徵蓋將與二帝三王之盛合符而較烈矣是何也以其純用六經之教而百家之說不存也夫德侔太上則謝施之義雖微而潤洽群生則返始之禮有在夫子之道其昭融流行莫有盛於今日則報本之禮宜其基隆大備而超軼往牒與是邦也左則滄溟浩瀚百谷之所朝宗

穀城山館文集卷之十三

三

後則泰岱穹崇群山之所環拱於是閎宮巍闕雄峙其中與帝者之居比隆埒麗固宇內之盛觀矣今又從而鼎新之丹雘爛晃棟宇煒煌車器畢陳金絲可聽士而揖讓其中不有低回靈跡慕懷道蘊思以接聖神之令緒宜昭代之洪輝者哉是後也經始於萬曆己卯某月某日至某月某日落成殿中丞趙公賢保釐綏靖文教覃敷侍御史錢公岱振飭激揚風聲丕樹以規畫於始則有若分守叅議查君志立分巡僉事

栗君在庭沂州兵備僉事劉君應元而充州府知府周君標實任之以督課於終則有若分守叅議南君軒分巡僉事詹君沂而充州府知府朱君文科實成之專董工程則充州府同知尹言濟寧州知州掌曲阜縣事孔弘復云夫崇文章軌部使之績也言時稱伐史氏之職也敢叙其始末以丕揚鴻烈而系之詩曰厥初生民混元載闢亦有神聖承天立極王風遐邇帝典弘敷道隨代遠化與世徂大哉素王降而應運用

豫城山館文集卷之十三

四

集厥成以彰丕訓丕訓伊何曰惟六經昭晰宇宙如彼日星功高列辟澤流終古配乾象坤實維化主丞嘗九寓誦習窮誕師之宗之於千萬年於赫我明紹圖闡繹崇禮聖師有加在昔我皇繼曆實克繩武鋪衍文明肆於下土百家屏黜聖統昭明道之未墜於是大行矧時闕里實鍾光嶽厥有寢廟神靈所托有偉中丞觀風下邑翹勤宏宇載懷興葺昭哉柱史詢謀攸同則有司存作于闕宮鳩材庀徒工成不日美與美

輪匪雕匪飾玉彤彤庭丹楹畫棟壁似藏書堂疑聞樂不改厥制而煥厥文煌煌圭組於焉駿奔東控海門北倚泰岱與此而三爲域中大道於天地與國無疆維此諸公休有烈光况我魯人有不夷憚敢勒鴻名摘之無斁

勅修東嶽廟碑文代

嶽廟在朝陽門外建自正統某年歲久且圯落矣聖母慈聖聖太后深惟護國佑民繫神是賴不俾有憑依懼其不享以墜休嘏又惟帑藏

豫城山館文集卷之十三

五

詘乏諱煩有司乃自捐湯沐田租凡若干金欲以飾舊宇而妥神棲上曰朕其共承嘉命卽詔左右近侍勅敦匠臣庀徒揆日益以官帑又若干金經始於萬曆二年八月凡一閱歲而告訖工遣中使諭臣令紀厥功以志久遠臣惟自古帝王建國恪共群神列在祀典太祝領之士民不得私奉至閭黨巫覡所爲號呼歌舞其事誕謾祠官不主也惟岱宗之神自繩契以來通於上下靡不肅祇記蓋曰天門日觀群嶽所宗厥

維天帝之孫帝出乎震在東方之卦故王者受命告成升中昊天於是焉在又周迴左右號三宮空洞之天厥維鬼神之府東方萬物所始人之受生於是焉紀洋洋乎靈祉蔑可殫矣 高皇帝受命驅馭百神既正嶽瀆之號配享地祇乃各立廟其地今所在長吏以歲時侍祠暨我英祖又建是廟於都門專奉岱宗太常典祠以歲春秋奉詔往祀精禋之禮厥亦至哉 上以冲齡膺祚爲百神主 聖母擁佑禁中甚重祠

穀城山館文集卷之十三

六

而敬祭 上益朝夕祇奉必祀于郊宗社稷登降嚴恪沍寒風雨罔敢或怠洎大小百神罔不咸秩乃以岱宗爲五嶽長祝釐之儀加于舊典至捐長樂供奉之藏以爲國與民邀福落成而有司不知太后之仁與上之所以仰成皆出尋常萬萬矣臣竊聞之主幣壇塲以况榮號蓋事神之文至於造福之本其惟修德凝和以迨三神之祉 上自嗣大歷服昧爽丕顯勤勞萬邦協氣旁薄覃彌區宇休符日聞函靈之類罔不

熙熙懷和游泳聖化維是山川鬼神亦罔不寧又其宇以效靈修貢而靡有震悚孰非 天子之洪休大烈而邇其所自則陶埴萬化之源於穆清之上又孰非 太后之功斯其所以造福禮神豈惟是祠宇之修以爲昭假盖出震之義表帝祚之隆昌生物之仁關黎元之休否其降瑞會祚用翊贊我 天子御六氣之和衍億萬年丕丕基亦右 聖母享億萬年隆禧以稱上罔極之報維神之貺下則年穀順成庶徵咸

穀城山館文集卷之十三

七

若河海清宴兆民恬愉萬國以康亦維神之貺豈不盛哉敢拜手勒辭曰茫茫二儀氤氲迥薄融爲四流峙爲五嶽倬彼岱宗坤儀是托對瞰嵩華旁臨衡霍維萬物母位在青陽肇生庶類小大咸章升中告代自彼古皇金繩玉簡邈矣難詳於赫 高皇開天立極乃刊祀典俾祠有式於昭 英祖於此邦域乃構琳宮是雕是飾我 皇承哉誕握靈契 文母佑之委裘而治景化既寧百神來暨眷言靈宇率禮祀故曰邀

神貺以康兆人寧浚其生而祈於神廼發私藏
萬億其緒 帝曰俞哉以命侍臣將作不知司
徒罔救浹歲而成匪疾匪亟丹刻蠶飛作廟翼
翼玉堦彤庭罔不具飭其飭伊何象設既閑有
堂有廡有寢有筵來格來享靈心孔安都人咸
喜奔走以觀都人相告神宇其寧保我 天子
於千萬齡亦垂景祐以福群生誰其假之我
后之誠明明 天子永世克孝洪惟慈恩云胡
以報亦藉神休以彰大造於千萬年昭茲母道

藐藐者宮 后則作之穰穰者社神則度之臣
拜稽首以志以詩昭示來遠其永有辭

勅建慈壽寺碑文代

今京師內外浮屠之官雖典制所不載而間有
先朝勅建者其要歸於延禧祈祐非無謂也
聖母慈聖宣文皇太后與我 皇上永懷 穆
考在天之靈思矧福地以薦冥祉乃命內臣卜
地於阜城門外八里得太監谷大用故地一區
宏博與敞允稱靈域遂出宮中供奉金若干潞

王公主宮眷內侍各捐湯沐若干仍擇內臣廉
幹者往董其役率職庀工罔敢後時經始於萬
曆四年二月至六年仲秋既望落成而有司不
知也其制外爲山門天王殿左右列鍾鼓樓
內爲永安萬壽塔中爲延壽寶殿後爲寧安閣
旁爲伽藍祖師觀音地藏四殿繚以畫廊百楹
禪堂方丈十有三所又爲園一區及賜莊田三
十頃以安食其衆因剃度僧了寧真相真永焚
修祝讚老僧覺淳主之內監王臣等典領焉寺
成 上賜之名曰慈壽蓋以爲 聖母祝也而
命臣某紀其事竊觀 上之以天下養其孝
可謂至矣毋論問安視膳行古帝王之所難卽
其承意順志佩服慈訓至於一言一動皆不敢
忘此詩書之所不能述也猶若以爲不足至大
建化宮標慈壽之名以報恩祈貺母以冲齡踐
阼負荷維難所以啓佑擁持一維 聖母是賴
豐功厚德雖竭人間可致之福皆不足稱塞而
托之佛乘以寓其無窮之心此亦天下臣民之

所同也嘗繹佛氏之旨大要主於慈悲普度欲令一切衆生解脫沉苦同證極樂而聖母在深宮之中日惟拯濟小民惠鮮煢獨孜孜於懷有可施惠者恒不厭瑣細爲之此佛之所謂慈悲也上誠以是推而廣之俾海內蒼生莫不洽和飲澤陶沐聖化罔或玷於流離無小無大咸稽首祝我聖母壽億萬年保我天子與天無極則是上以天下祝也其爲利益豈直一刹宇之力哉夫臣庶之果止於一身故有懺罪

欽定四庫全集

十

七

種福之說帝王以天下爲身故必普濟群生躋之仁壽而後可以歛福於已此佛之所謂無量功德而亦聖母之志也歟臣敢以是爲願而系之詩曰於昭我皇秉乾御極薄海內外罔不承式誰其佑之亦有文母既昭皇風紹休三五永惟穆考神御在天思憑法苑以薦精虔我皇承之以施靡惜永延慈祐其惟佛力乃營梵宇於兌之方左連輿苑右奠崇岡力出於傭財出於府費雖孔多民不勞苦厥制伊何

有殿有堂丹題雕礎玉甃金相珍衛靚深規模大壯香樂旛幢莊嚴寶相綵以周廊倚以飛闥畫棟垂虹綺疏樓月有湧罕波厥高入雲象彼不周柱乾維坤維大覺尊微言有托普度恒沙同遊極樂碎如我皇博施群生千萬億國大小咸寧惠露旁流慈雲廣濟如是功德不可思議亦既布德以福我民雖微此宇福其有垠聖母之仁我皇之孝聊寄佛乘匪資神教民庶咸祝天子萬年奉我聖母既壽且安儒

欽定四庫全集

十一

三百四

勅建新河洪濟廟記

嘉靖乙丑河決豐沛世宗皇帝憂之策命大司空鎮山朱公持節臨決河相治粵二年新渠告成穆宗皇帝嘉焉詔晉太子少保入掌部政都水郎季君膺請于新河之中司空舊所屯處建祠祀河神如顯惠諸廟制曰可賜名洪濟昭神貺焉記曰國家歲漕江南給中都官由淮達濟勢不得越河而上乙丑之役則麗家屯南

流塞也而河遂北徙橫貫運道而東舟膠淮不造矣公既受命馳七日至河上身率四部使者諸郡長吏以下行河所潰運道自胡陵方與溢溢數百里杳茫無際從沛城上望河高出民屋數丈所民走棲木末間有高淤皆浮沙不可著足挑之栽汲沙中不能去而議者言開新集故道放河使南下宜不病漕則又率使者長吏以下行河上流故道在平地上鑄之費四百萬河勢不必就則下令父老吏民有能條河便宜者

今渠大便利報曰司空議是於是集濟南山東兩畿丁夫若干萬畫地而作推擇賢有才吏各以所部督工作調金穀藩臬大使量道里遠近周行雜視而公身居河上以一楹爲廬夜則召集群吏商度利害日來往勞苦吏卒也居無何渠已有狀而諸魚沛民以漕去無所居貨因詭曰故渠可開也忌公者以聞上使使行視至則一巨壘耳使還白狀下九卿廷臣議又報曰司空議是遂卒就渠渠長百四十一里西首南陽東抵留城建閘八座水門十四月河六道土壩十有二堤四萬餘丈柳十二萬有奇皆平地土穿所謂新渠也而留城以下故渠五十里稍鑄廣之更爲一閘二壩東岸築大隄一道長與渠等遮河使順漕而下明年九月中漕舟從南來繫權伐鼓不十日過去於是中外咸賀公公曰未也有三河口三河口者薛沙牛溝三水入渠口也所從來湍悍善敗渠乃並蓮青山足股引薛河醴而爲兩注之呂孟湖又股引沙河別

注之獨山湖又多爲支河長壩稍近渠口注之
尹家湖三河雨水暴至不得更入渠渠涸則入
之於是又咸賀公公曰未也夫河者漕之本也
則自曹單以上遙月隄王儀莊爲長隄四十里
其他皆爲小隄諸防河工利故所未備皆以便
增置居久之計者果又請開河上源 上又使
使視之歸然隄矣于是言者大阻不敢復談河
事而異時漕從沽頭上率八月罷今從留城上
遇淮泗不沮輒四月罷乃戊辰己巳江淮同大

豫城山館文集卷之十三

十四

二十五

水水病四五郡新渠無恙也是時言司空渠便
者以千百數朝士大夫道新渠上者未嘗不倚
舟瞻睇問公治河時事嘆之矣方公治河時行
嘗從遊六月大暑望見公緋袍去蓋日中立河
隄汗涔涔雨下面目犁黑又見公夜二鼓棧車
行泥淖雨沾衣也當是之時吏士數萬人感公
之勤踴躍百倍呼聲震野願爲公效力嗟乎大
臣之爲國其勤如此矣古今言治水率稱神禹
當禹之前非聞有鑿山開道墮斷天地之險如

龍門砥柱卽出入大荒曠日勞遠又非一丁之
力也然而規畫素定縱橫九野如運之几席易
其易也及宣房瓠子之役所決裁一郡漢 天
子親臨河沈白馬玉壁將軍以下負薪僅乃塞
之又何難也或曰禹蓋受玄夷之書有神靈焉
故曰神禹綜其荒度之迹手足胼胝三過不入
其勤至矣河曲移太行魯陽迴白日精之極也
禹之所爲神倘以是耶超哉邈乎我公之功精
誠之志神式靈之矣祠以勒功大矣哉既綜其

豫城山館文集卷之十三

十五

二十六

始末乃系之頌曰 世皇之末澤水茫茫漕舟
百萬艤彼徐方嗷嗷天邑億萬震惶 皇顧而
嘆疇莫懷襄歷選群后公在朝堂誕告有位載
錫之章公拜稽首肅肅宵行遄臻於沛於徐於
揚相彼故道泮泮汪洋如奔萬馬莫之敢當廼
遷於陸在河之陽龜筮叶吉我謀允臧蒸蒸我
徒畫地於許伐材於山榷金於府倚鍾如雲揮
汗成雨人百其身聲騰雲鼓司空胼胝羸而不
宇悉心畢力靡有遺所平陸爲渠橫流入浦延

表二百如揚如取河流如注舟如迅羽乃乘玄圭三命而游 皇謂司空我實績焉何以錫之白金文黼黻以寵之元公之組公拜稽首惟臣之庸光光廟謨天子之功赫赫神貺庶我皇靈左右群吏以奉廟公乃詔守土建又河官有恤其官於沛之里表以兩觀神達如砥人吏歲時敬其明祀操蛇戴玉於焉燕喜於萬斯年爲國之紀亮我 皇祚災不復起九域之貢千艘纒纒於錄我公既多受祉民有謳吟國有圖史陋

穀城山館文集卷之十三

十六

三百八十五

彼宣房在河之汴志之玄石以觀遐邇

甘肅開府少司馬侯公紀功碑

夫人臣折衝扞難樹絕世之勛蓋有所甚難焉方四夷爲蠱賊而疆圉之吏執橐鞬以禦之長短之形易見也及其回首而內剖符通關中國不愛金縢之費以休士民而露出之數亦易摧也惟彼之情忽有不可知而我之筭猝有不及用則勞臣畢力而策士殫精矣虜自 先帝時交臂款關歸命下吏比 聖天子威靈燁赫益

親附邊保塞惟謹而吉囊故部落居漢所取河南地號爲套虜而西與蕃夷接又徑隴西塞馳之西海以與瓦剌爲難至折北不支忿悞失圖欲歸重於大酋乃初禮佛之議給之西遊會久偃兵勢不能無轉徙又慕仙佛欣然冥遇之乃因邊吏以請 朝廷策其無能爲聽以便宜往於是率二十四長悉舉引弓之民並塞而西假道酒泉張掖之間將吏惶愕莫知所出屬少司馬侯公鎮甘肅憤然任之曰人臣職在封疆天使先爲其易而誰當難者乃畫方畧奏狀策其所從入部材官騎士分屯要害以見武節而陰爲備吏具繒絮米粟食物道上之召王將以下畢勞賜而驅之虜勢蜂屯鳥舉前後絡繹公所布遣事有成筭竟出境不聞有它 天子嘉其績下書褒勞寵賚優渥將吏咸受金爵矣虜之西也其設變乃有數端初見則請開市甘肅入馬而受中國所與蕃茶公策之以爲虜與番不可使合也 朝廷以茶制番之命而以其柄予

穀城山館文集卷之十三

十七

三百八十六

虜是驅番而附之也乃使使謂虜北邊市費以十數萬甘肅餉萬金耳市亦無爲於是虜謀折矣酋先使一隊往嘗瓦刺沒不出而套虜猶日夜譬說必甘心乃已公又策之以爲虜與瓦刺不可使構也瓦刺破則驕驕則我受兵瓦刺勝則憤憤則我受兵皆非得也又使使謂虜今倍數險越數千里而攻人弦弦之士有一不備而歸得無如鯨失水語未卒酋色動謀又折矣酋旣不得逞無以自解於諸胡又借媾土魯番以

又念以爲套虜修怨之志不可使畜也畜則西方無寧日乃召其長切盡台吉以下賜以綈綿比余雜物面慰借之虜感而拜謝去不復以瓦刺爲言而謀又折矣是役也虜以四十萬衆頓之門巷之間事變倉忽情勢馳驟呼吸轉移疾若迅雷而公淵深揣情批郤導窾卒使內無隱謀外無匿形進退如運諸掌卽又不請內帑一金也以較之探甲而圖與金帛媾虜者其勞有功未可以上下然難易之勢不亦相去遼絕已哉往漢將空天下之藏置河西四郡以隔絕胡與羌通之路又西通月氏大夏以分匈奴西方之援國故至宣帝世呼韓入觐見比內侯王也然郅支以一旅西走擊城郭而臣之易於折挺况其甚盛者哉國家依漢故事以西域爲屬國關玉門而護之而烏思藏任巴蜀徼外北與羌接虜右方或干辟入其中會挾數筴而西假使詐中國之操柄以役使番夷西求瓦刺而并之屬其地於青海而南注之巴蜀徼是朔方暨石

不相有也。以之乘利敗約，卽代雲中，安得如今日何言張掖酒泉間哉？賴天子聖神持斷，受成一二鉅公，相與翼宣廟謨，而公以深識遠見，握籌制勝，一舉而絕虜之要，其爲萬世之計，寧在戰與媾之間乎？諸將軍大夫相與勒石紀功，以示來遠，乃次第其事而系之辭曰：維天降祐，皇纘鴻烈，登教覃敷，薄海有截。彼胡狙獷，上不臻仰，流歸命今爲外臣。天子聖明，罔恬於逸，大簡卿臣，分蕃受戡。維丑之秋，會迺西狙，將

獵青海，苞羗於胡厥衆，如雲疾如風，雨騎而控弦四十萬弩。天子曰：嘻，時非我利，乃命司馬女其予。又桓桓司馬才畧天成，謀如淵默，斷乃霆聲。乃簡材官朱登，載路虎螭，其戈衷而不露，乃數璫裘以恩撫，輯稽首屈膝，我飲我食，泮泮其羣。垂耳累脅，一草一木，罔我敢折。虜使通辭，其謫萬端，公炳沉機，應如湧泉。虜衆苻居厥患，將遠公蹴之東，如丸走阪，虜歸於穴，羗宴於西。信信別種，亦莫敢師。彼隴之西，寢烽卧鼓，重關

不鏞公在門戶。天子曰：嘻，曷酬爾庸？乃三錫命，秩以上公，帛分於筭，金出於府，煌煌大賚，光彼西土。公拜稽首，臣其何力？維帝聖神，群工効職，亦有帥臣文武，吏士協忠，宣力以克。有此粵昔炎漢，爰叙西戎，蓋以制虜折其右肱，今虜之支絕羗而有匪，斷其要曷善厥後？功有不而利無隄，桓桓司馬忱國之基，維邊吏士公而公舞，維諸大夫來相告語，昔在南仲，往城於朔，大難克襄，頌聲乃作。况我司馬武功赫然，旣勒諸鼎，不銘諸邊，迺篆貞珉，志之罔極。匪耀公功，維以爲式。

東昌府城重修碑

國家轉漕江南，通渠兩京之間，自淮以北，長不下三千里，夾渠而治者，星羅珠貫，不下數十城。東郡枕其中間，獨號爲府，辟河渠以率，然則其要云清源，綰轂御漳，萬貨輻輳，江北一都會也。而爲之支郡，荷其北河隄使者，以重兵開府濟上，亦一都會也。據上游而控其南左，提右挈，固

東而兼扼之此其爲形勝較熙齊魏博時奚翅
十百故其城不能十里而壯麗嚴整甲於他郡
城之中爲樓厥高十仞命曰光嶽從百里望之
縹緲雲氣以爲地標自入國朝來城凡三修久
之輒圯吏人憂焉萬曆丁丑中丞汝泉趙公出
撫東土行部至郡旣延見吏民間所疾苦乃登
樓循堞旁眺四野僧侵垣莽平阜沃土一囑千
里河流以一衣帶洊浹決瀼規旋而出則嘆曰
壯哉此非漕輓之襟喉天都之肘腋與城而不

穀城山館文集卷之十三

三十二

忠

究保障云何乃謀諸治兵大夫艾公可久對曰
設險域民重關待暴兵之職也著在憲典敢不
惟命乃謀諸分守大夫查公志立對曰畫圻慎
封守有責焉敢不惟命乃謀諸分巡大夫詹公
沂對曰禁姦遏虐巡有責焉敢不惟命侍御秀
峰錢公行部亦至所與諸大夫謀一如中丞於
是諏日鳩工分畫章程會桂林莫侯與齊拜東
郡守至而身督課之不數月城成凡修樓櫓二
十有五護城神祠五環城更廬四十有七城高

八尺厚五尺墮深一丈廣十有九丈隄高八尺
厚二丈許長橋虹跨高岸疊拱奕奕燿燿博敞
宏壯稱金湯之險焉及權其費用金千有五百
工千有二百斯已儉矣侯以告史行行不佞受
博士詩當周宣王中興修明文武之業旣命南
仲往城朔方以禦獫狁又使其宰衡保傅之臣
若仲山甫者出而城齊其功烈著之歌詩至今
有絃誦焉當是之時齊去鎬京數千里不稱要
害而重已若此矣今 天子潤色鴻業方內又

穀城山館文集卷之十三

三十三

忠

寧永惟桑土之謀日詔中外將吏慎固城守乃
瞻海岱之區從帷幄樞機借中丞公撫撫東夏
中丞秉軺行部宣政問俗山城僻障無不環而
視之以令長吏東郡爲齊名勝在襟喉肘腋之
間而城是成是中丞能布宣 天子之洪休茂
烈而與山甫比隆也彼詩所稱出而賦政於外
四方爰發入而式是百辟爲王喉舌又何古今
符契如此倘所謂天保者邪不佞幸備園臺更
敢勒之詩以比於永民之雅其辭曰 於惟天

新建平番堡城記

平番堡城者右司馬宣城徐公建也地當松潘之南故號黃沙壩雪山諸羌棣爲窟穴萬曆十有四年公大發兵平羌取其地城焉詔賜今名旌公伐也兵備副使謝君詔實視厥成以告內史請記記曰諸羌蓋吐蕃種也在巴蜀徼上來河而屯列寨四十有八憑陵絕險狎爲不諱守者取恩意羈縻歲遺金繒食物費無慮數十萬緡幸旦夕無事養成狙獮莫之剪滅從來久遠矣萬曆乙酉羌大舉國師刺麻剽猾多數與虜右方酋賓兔結稍稍引穹廬自近諸小種豪灣仲占柯輩附之相與鑄石而盟出沒黃沙隘中伺便劫略所戕殺軍尉二人及殘吏卒行旅以千百計而冉駝北道不通矣會公以御史中丞出填巴蜀有詔議撫勦方畧以便宜從事公至則申布章程預飭士馬傳告羌戎宣示威德異其解沮使者三反羌怙不悛猶以衆數千嘗我掠得我兵至剗剗胥腸纏牛角而犇之公聞大

奮則進諸大夫將吏議羌惡貫盈不一大創兵
不得決無言撫也御史南昌陳君瑀議亦如公
公乃與大將軍應祥計發虎符調諸屬國伉儷
分隸四校檄右布政使朱君孟震主餉副使王
君鳳竹監護軍謝君佐之因稽功焉文武百執
事咸簡以克明年丙戌正月諸屬國兵至合戍
兵共四萬人集於轅門迺秉鉞誓曰夫羌戎小
夷弄兵盜邊法不得赦幕府奉 上威靈敢留
天誅願諸大夫將吏矢志報國毋縱寇母賊降

隸城山館文集卷之十三

三六

九

卽有逗撓哭懷齊斧在是有功不敢蔽則議曰
黃沙壩羌要地也先據者勝遣故將軍成以馬
叙兵七千奪而營之遣遊擊將軍于德以播州
兵七千營羅鍋嶺摘其前遣遊擊將軍之垣以
西陽兵五千營橋壩腦角其後遣故叅將文達
以平茶天全兵四千五百營茨溝當其要脊大
將軍居中制焉公乃親御戎路移駐永康商軍
所向謂兩河難並取河東接諸關塞勢亟且險
先定而河西可潰也二月庚寅昧爽李將軍陳

師鎮平分道並進會國師刺麻以灣仲占柯來
寇歸化于德伏兵鐵爐溝北之獲三酋首以歸
殲其六寨而文達成之垣各縱兵勦阿孝龍溪
鹿卜諸寨連十餘戰羌棄牛馬輜重走填崖谷
不踰月河東悉平唯大小粟穀尚伏險觀望未
卽下而河西羌半已奪氣唬魄頓顙受言與半
時河爲阻猶恣睢首鼠未決四月辛卯李將軍
爲浮橋六所夜半濟師諸將畢渡河西諸寨以
次薙絕罔有遺育又以其間回戈東指界定大

隸城山館文集卷之十三

三七

小粟穀諸殘羌走附絕壁俯瞰湍流礮石雨擊
兵不得上師三面而環之土酋楊應龍先登蒞
其巢穴羌乃潰奔我師疏捕山間畢收爲酋所
跼藉蹂躪水中死者復不可計而兩河皆平矣
始西域有法王通望氣術語所善羌結賽歲在
雞犬中國大勝蠻夷大敗若等毋反至是諸殘
羌震駭始相責數因結賽以請願得葆塞奉貢
職爲編氓指故所立盟石踣而梓諸河各獻饒
逆一人阮而斃之以誓謂之埋奴而之垣大

輪當嘉靖初以指揮將兵爲羗所鹵漆其頭爲
器至是得之以葬邊人嗟嘆異焉六月乙亥下
令班師諸降羗頂香伏道左鉦鼓旌旗欲歎惘
野萬衆歡呼聲如雷霆御史數俘校獲核上功
狀取寨三十有八禽羗豪酋三十人斬首虜一
千七十有奇焚碉房千六百有奇鹵馬牛羊器
械無算所省歲時犒羗費以若干露布以聞
上曰羗夷逆天貪亂害我西鄙都御史元泰躬
率戎士克有厥績其進元泰兵部右侍郎任一

穀城山館文集卷之十三

二

子太學生賜之金綺應祥以下爵賞有差公頓
首受命不自居功則詢於衆曰以天子神靈
諸大夫將吏之功羗幸平矣不惟所以控其形
便使無生心善後謂何於是堡遂城焉城周三
百六十丈高二丈五尺爲樓者四爲櫓者四爲
敵臺者八奏設守備一人奉直書行軍戊兵三
千五百人自是虺蟠蛇引之墟廓爲夷塗屹成
巨防而松茂間無榛蕪矣主上聖文神武暨
邕殊俗薄海窮裔遡風仰流罔敢不襲巴蜀辭

在坤垠一二羗髻馮負其阻時爲蠭蟻天戈所
指罔不糜潰異時建武之役闢地四百南荒綏
靖及茲十有四稔復城是堡而蜀之西北又增
重險以威邊輯固使蚕叢魚鳧之隩咸晰于文
明化爲保寧豈不鉅鉅輝赫稱社稷功哉蓋建
武附麗則上表後六記時有經騷憂在郡邑繫
國家文元未要鉅也而雪山枕輅絕徼西直漳
臘連虜布方日者虜大酋長悉舉引弓之民西
獵海上築宮事佛王庭故在也古所稱匈奴右

穀城山館文集卷之十三

二十九

化

臂今直援攬萬里汰三十六國之腋而注之冉
駟叩笮間形勢何如羗獨足憂耶中丞公一舉
定四十八羗使獻書請吏列在版圖又築斯城
以據其吭喉斷其胸腹第令一尉保之以春秋
耀兵講武用戒不虞松山山西海之戎其敢有它
心以憂疆吏因以懾虜右方無緣得與羗合闕
我西境此名平番實以制虜也與建武之役繄
勞程功未相軼越至論折衝厭難勝於無窮此
實倍之猗與中丞公奮其忠慕英畧以奠安疆

圍而諸大夫將吏咸能翼宣不猷用集大勲亦何烈也往漢遣徐自爲出五原塞外築城障列亭以蹶匈奴謂之光祿塞而張仁原爲三受降城於河北以控回鶻終唐之世賴之皆斗入寇境制其要害以今方之何多讓焉豈惟西關洙若北銘劍門科蜀都之險哉爰擬蘭室石室之藏得公平苑殆未備著於篇使後之籌邊者知城所繇建如此以無忘備禦匪直勒公功云爾

清平堡新修水口記

緣城山館文集卷之十三

三十

三百七十九

榆林古上郡地延袤千里清平戍其西方隔絕戎虜所謂百二咽喉之要也自虜大酋請吏詔九邊將士各以閑暇修築城障而榆林大邊叛於王少司馬成於御御史大夫張大中丞隆岫隱麟西接靈武苞新秦中之壘而東飲馬於河稱阨塞矣獨清平之西有河從虜中來貫壩而入平沙曼衍岸趾屹齧雨水大至坳垣頽圯不可以塞士介而銳兵穀弩以捍不綸之關談者危之萬曆辛巳憲大夫明吾文公奉命備定邊

兵以暇躬率將吏行視城堡至其地而駭曰此隙不塞虜騎垂蹙而入如履枕席惡用長城千里爲者且虜寧能爲金石要耶顧叅將李君問策安出李君曰此其出塞數里有鮮鯢湖者水源在焉意可循而導也公立起行視出塞三里得水所從來蓋大石廣輪數丈如布壇席水則瀾漫越之公咲曰此天險也夫埽石而入水出之于竇而城其上以左右屬君其營焉李君曰諾乃度石之徑輪疏爲三竇其埽上出引水而

緣城山館文集卷之十三

三十一

三百八十四

注之埽如輪甕蓋潛而溢於竇如出車轂而壁自若也乃甃石壻其上以控河之兩岸夾河而垣之東長四百七十丈五尺以屬於邊之東口西長五百二十一丈以屬於邊之西口纒聯連靡若張兩翼而關於石垣之間爲櫓三楹旁列夾室戍者處之信可謂宏規遠規垂利無窮者矣于生曰天下之事談之則難爲之則易何也夫持籌握算枘鑿相消爭鶩恢奇罔揆事實談而若是故難也若夫才智之士蹈窾攻瑕興革

利病在所厝注耳雖然事有所必興而物力空
詘憚於煩動卽又上觀下獲牽制文義不得屈
信爲而若此亦難也挾不費之資又藉于自便
之勢而有所不能則如五丁關蜀巨靈蹠華神
工倣詭人謀不與焉自非然者玩日媮安不爲
而已矣清平之役羅絡數里不減城一大邑第
令聚衆而諏築舍道旁安所底止及公決筴一
語役止千夫不勤都官之餉畫而行之議不旋
踵又非有所牽制則若甚易然而徃時借箸者

欽定四庫全書

三十一

三百五十五

不一指畫何也豈天作之險亦有待而成耶夫
才智者之舉事非有韜匿奇譎絕人之巧皆人
力所能及惟見事輒取不後時耳嗟夫以予觀
於天下事所繇興廢未始不成于能爲而以暇
逸弛也卽清平於上郡一尉地耳進而度之上
郡延袤千里有如是險而未城者幾何又進而
度之諸邊起遼左至于隴西有如是險而未城
者幾何一時賢大夫將吏建牙擁旄各思畢力
單精期久遠之圖以稱 上指因以震懼戎旅

耀威靈而講武則豈憂尙效哉文公名作四川
涪人舉隆慶戊辰進士以司馬郎出鎮威名流
聲虜衆懷服李君名芳以綏德衛籍起家西邊
良將也役且告成柱史白公走使數千里請識
其歲月以示邊人余嘉其意許焉

東阿縣學科第題名記

自科日之法行士之以經學致身者不亦難哉
吾邑二百年之中環學宮而講藝者蓋不可以
數計然進而舉於省試者六十人而已焉六十

欽定四庫全書

三十二

三百五十六

人之中進而舉於秩宗對 天子之廷者十四
人而已焉十四人之中進而爲卿佐大臣以功
名顯天下者又不數數可謂難矣然吾邑名勝
之區也岱宗盤迴三千里其西之一大支至邑
而止而汶水東南來環之一匝出東北而去山
水奇而風氣會蓋其間多瑰瑋不羣之士深博
慕古之儒而不拘於名位其乘旄分閫典方鎮
之權者其望皆可以爲公輔其策名士籍爵一
命之微者其才皆可以寄千里而褒衣相劍

盈尺之牘以老者又往往可以博高第拾青紫是宜有不盡之遇焉科目之多少固不得而樂乎然開之位隆而道污者良士之深詆也身闇而名彰者哲人之永懷也彼其拖金擊玉乘堅刺肥赫奕煒煌焜耀耳目而里閭之子弟望見其氣槩聲華至于咨嗟嘆慕嗟乎後塵之末及其一旦與物而俱盡則向之所謂氣槩聲華焜耀耳目者固已如朝露之晞陽風之過耳而所有者方寸之名耳於是學士大夫從而追議

穀城山館文集卷之十三

三十四

三十四

其臧否哲愚之遺較乎若黑白之不爽其卓有樹立者想見其爲人恨不與之同時而生而其一言之不合於古者當是之時欲去其方寸之名而不可得士之所以自立其不繫於科名富貴不亦明著已乎科第故有題名歲久圯滅且盈矣田侯修學之暇更爲此看以增其未饒者而虛其左以俟方來侯之弘獎人流可謂遠矣豈亦覽前修之未沫而有重手後之人與觀者庶有風焉可也

東阿縣學歲貢題名記

古之所以舉士之道何其大備而今之舉士何其隘也古之舉士有賢良方正有茂才異等有孝廉有道有公府辟召而有明經進士故一才一藝之長皆可以自致于闕下及其用之也參互而並進無不可以爲公卿今之法所以官人造士不過乎科與貢耳士之欲求用于世科與貢而不得則巖穴而已矣然國初之制蓋嘗兼而用之雖取之之途隘而士猶以自効邇年以

穀城山館文集卷之十三

三十五

來大都以進士爲主舉於省者蓋已不大顯而所謂貢者養之數十年之久一旦舉以爲文學掌故而終身不遷其高者不得爲郡丞况牧守乎士之欲求用于世者舉進士與省而不得則一官而已矣夫深山之材養之數十年必以爲棟棟未有數十年之久出之風雪霜露之餘而折以爲薪者也予嘗以爲英奇豪爽之士固多出於科目之中而其束修好古遲頓不阿之流蓋亦多出於貢議者常欲復 祖宗之舊兼而

用之蓋亦有深長之慮而非止于惜才也吾邑之貢自洪武創制之初卽得兩尚書公屹然爲一代名臣其後臺諫部寺藩臬牧守相繼不絕其多與進士等可謂盛矣成化以來此法不行吾邑遂無顯者然其間率多博物洽聞之士如蘇君則曾張君華齡以下皆卓然稱大雅君子乃竟湮鬱一經以死也豈不惜哉嗟乎國家旣以資限天下之士而士大夫之論猶欲以資而高下之是使懷瑾握瑜之士不躋華顯終已無

聞于世也故因田侯之命而論著焉品流人物者得吾說而存之其亦有思乎

平陰姚侯役法記

平陰姚侯莅政三祀法行惠覃吏氓肅和頌聲大作廼睠然念不賦之邑介在岱濟之間惟供億不敷以成我赤子爲民父母其弗省圖訪於諸大夫士得條編役法亟以爲善因其舊文叅以獨見請諸部使行焉邑人歡吟鼓舞若出水火就衽席惟恐其後也博士賈君瀛劉君遜業

從黃石山館謁行記石行乃慨然興曰此吾大夫白公法也邑人嚮其利而祝之三十稔矣今廼及於隣邑長世之澤固有待而興與夫利不百不變法功不十不易器有是言也然而以書爲御不盡馬之情膠柱而絃不盡瑟之用故曰制國有常利民爲本則通變而宜之矣夫條編之良不謂其役於田也彼自有四便焉邑之徭法五歲一更比其贏縮以爲登下固欲均之也及士有請謁民有賄賂籍有飛灑報有低昂長吏懸空盾而御之若射覆焉今也料其丁而笑之以口爲率括其田而征之以畝爲準其名可移實不可遁也而民免於均攤便一故事徵入租稅委之間右受而自輸之虞受而不足勢不能無加羨輸而不足勢不能無賠償故或鬻妻賣子廢產質田猶不能給以至流徙今也以富室一人爲之司契征解之任皆出於官而民免於大戶便二比閭之役環迴轂轉十歲而周若甚逸矣然差遣勾攝供需器用其日常一其費

常十吏不嘗省也。今也置什器以供厨傳募閑民以給指使罷勾攝之擾增傳馬之額而民免於里甲便三賦焉之戶五年一僉中有消滅不得告代今也見年僉充通融幫貼鱗次通解物力均亭而民免於頭役便四然四事之便由四事而有也不謂其役於田也第不役於田則更徃不能無審故必田而可耳而役田之法有難比而一者地固有宜有不宜也兩邑之境土無上膏亦無斥壤民無居積亦無流亡計口與田

而役之故甚便也乃若海濱鹵島之區千里莽蒼懸耜在室河塹澤陸汙邪蕩析鞠爲茂草卽有畝鍾之沃天吳河伯奄有而湯沐之賦之不給役於何有此其不宜者矣以我之便而強彼之不宜以彼之不宜而奪我之便皆目論也故必通於從違之故而法之利病可衡石而程矣要以宜民在法守法在人良工陳其架鑊而拙者易之非其器不適也良農播其菑畲而惰者荒之非其土不腴也使繼君侯者能長守其

而補飾之百世無敝可矣不然九則之童載在天府二百餘年豈其初之不善而必欲更之乎侯名其寧國旌德人以明經高第捧檄是邑敏慎寬平勸卹民隱今之循吏也更役之政其最較著者云

城南別業圖記

城南別業者榆林杜小將軍日章氏築也將軍世秉鉞鈴才資奇雋年甫弱冠已受鉞建牙樹聲北邊乃獨好文善詩冲雅有致慕其先少陵

氏之風一日自解印綬奉親家居闢地城南多築亭臺池館雜植花卉日從四方文士拍浮嘯咏其中若將與世忘者東蒙李生客其幸舍因介而走使三千里以圖求記予累幅而閱之烟雲騰藹禽魚上下山若迫而青水若環而碧遠邇明滅之間可撲圖數焉曰懷古草堂者屋而蔭之茅黝深而敞游而息焉以尚友也曰縹緗閣者四壁圖書二酉之藏備焉以博觀也曰棲鶴軒者仙禽宮之風清月上交吭長鳴聲入雲

也曰飲仙亭者醉鄉之社主飛觴命酌無虛座也曰翠微山房者非烟非霧在乎螺黛之間山坳之構也曰聞鶯館者花柳之所蒼蔚春旭朝靄鳴聲啾啾如歌管也曰曇花精舍者以奉佛佗亦時與林僧偶也曰松窓者以延大夫烈風披之琴瑟成韻如澗壑也曰柳逕者雨條露枝夾道樛互可散步游也石曰橫琴有磬於岩下臨流水提槁梧而暝也洞曰三珠闢石爲窟琳華之木叅之如仙居也鑿地成池羣卉環之澄

藝城山館文集卷之十三

四十

如濯錦謂是浣芳之塘流水之上度石而倚竿焉其釣非釣也謂是垂綸之磯園之某方有山冠之命曰帶玉取諸形也有晚曰蘭有畝曰蕙大國之香備焉取諸騷也未幅則爲崇臺其高臨雲命曰倚劍取諸志也夫窮邊絕塞戎馬烽燧之間卽有名山泉石亦多湮塞埋沒不逢真賞而將軍敍物規始妙奪天巧咄嗟而成一方之勝槩如此可不爲好奇嗜古棲志於大雅之林者哉吾嘗有慨於是天下有事則詞人儒士

相與忼慨功名抵掌而思遠驚及至晏安無虞不識兵革則世家名將亦往往濡翰舐筆而豪於藝文之場固太平之象也唐至開元之盛族家戚畹爭以亭館相高卽如少陵所遊何將軍山林其渺小者耳而偃仰溪山流連光景所謂堂上書連屋階前樹拂雲雨拋金鎖甲苔卧綠沈槍勝可想矣何氏文事武節不少槩見顧獨以雅尚清規爲少陵所津津如此令得目將軍之述作與其交遊相與靜夜談詩石闌點筆所

藝城山館文集卷之十三

四十一

謂高枕吾廬真不虛乎雖然開元文物之侈曾無幾時而新蒲細柳已吞聲於曲江之曲况第五橋邊一塢乎今天下之平久矣方內騷然將有空虛之漸惟幸三睡韜戈煙塵無警故世家名將得以其隙修山林文史之娛此可爲深幸而亦可爲長思者矣將軍之齒未也伊吾之北玉門之西皆迹之所必至者一旦烽舉燧燔鑿凶門而出節豈得以山林文史之娛自適而虛報國傳家之業乎哉別業之事十八吾取臺焉

白虹耿耿望在空同之外去天不尺五六

穀城山館文集卷之十三

四二

穀城山館文集卷之十三

穀城山館文集卷之十四

闕里重修三廟記

鄒縣重修孟廟記

太常寺題名記

戎政軍門新剏標兵營記

東平坎河口新建石壩記

湖州潘公橋記

新開韓莊渠記

御史中丞鄭公荒政碑

穀城山館文集卷之十四目錄

乙

許州重修甌城記

歲寒亭記

穀城山館文集卷之十四目錄

城山館文集卷十四

東阿于慎行著

門人郭應龍編

北海董可威

天中李時稷校

都門李本緯

男于緯重梓

闕里重修三廟碑

聖上膺錄御天二十有二祀山東巡按御史顧川連公標奉命省方至於闕里祗謁孔廟孔林乃進諸大夫而諏曰惟天子祗若典訓經緯八埏用茲祀於先師孔子我二三執事胥受簡

城山館文集卷之十四

一

書以來敷化于東土茲惟聖作之邑亦越廟庭林域自弘治鼎新以迄於今歷載滋久無乃有所頽敝以襲大觀若在元聖周公弘啓國宇以開厥緒若在復聖顏子潛心道奧以衍厥傳咸有丞嘗於茲亦其何可弗飭時惟我二三執事之責乃白於巡撫都御史括蒼鄭公汝璧公曰咨時惟予責中丞奉茲明命撫有大東罔不惟肅若聖靈翊襄文化是圖曷敢曰執事之不問以勤使者乃相與下記所司使相厥工於是

分守叅政四明楊君德政後攝守叅議貴陽邵

君以仁分巡副使汝南趙君壽祖具其材役之

數以復乃相與下記所司使會厥費於是左布

政使中山王君藻右布政使晉陽田君疇計所

當用爲金三千具其出入之紀以復乃相與下

記所司使簡厥良以任於是兗州府知府東明

盧君學禮簡佐史之良具其職名以復則遂使

營焉命曰咨爾郡僚其帥丞史以往敬共乃事

母千里胥功期於宏母埏於省制期於永母涼

城山館文集卷之十四

二

於亟我其偕視厥成於是策日揆景庀徒鳩材

以其十之三營於孔廟乃新殿閣乃飾廊廡乃

立重城阜門以象朝闕以其十之五營於孔林

乃恢享祠乃劬齋室乃立石闕六楹以廣神路

繚垣十里墻垣千步有版築焉則以其一營於

周廟坊諸其閭牖曰元聖則以其一營於顏廟

坊諸其間牖曰陋巷經始於四月廿六日至十

一月三日告成乃礮石闕里使魯人于某爲記

爰拜手稽首而稱曰粵自昊穹之初肇立人紀

聖神代作咸克左右上帝綏猷兆人以逮我先
師孔子垂百王之運闢六藝之塗用能集厥大
成以陶鑄萬世厥后英君誼辟罔不尊用其道
以建化原亦罔不恪修厥祀以報本始皇綱帝
紘之不隳至於今是賴於戲盛哉洪惟 聖朝
受命尊師重道圖臻上理褒崇之典有加在昔
潤色大業亦惟先師之道是訓是行罔敢軼於
成憲矧茲聖作之邑風教所元廟貌寢園肅焉

穀城山館文集卷之十四

三周

如在而使榱桷之屬一有或闕以弗稱昭代精
禋之禮安所曰執事之不閑以須異日也二公
祇承大命照臨魯國既以綏輯萌隸防遏疆圉
庶政畢康彝文咸秩又儼然景仰聖哲以崇大
此役允可謂帝臣之上續人文之景運矣於戲
懋哉蓋孔子之道得統於周公而顏氏之子能
發其蘊以教萬世惟魯建國實終始三聖賢之
迹以有遺烈於此也自漢永平以來典制代更
時而奉周公為先聖孔子為先師時而奉孔子

為先聖顏子為先師匪不邇厥源流以昭統緒
而揆之秩叙亦少數焉我朝參稽前代更正典
禮既尊聖師之號以尊孔子首配享之位以宗
顏氏復以二帝三王並稱先聖周公孔子並稱
先師而別祀於文華之左室於是道統益明倫
叙不紊而聖師之所從授與所由傳可考而陳
矣是役 廟貌以致嚴飭寢園以受祀因而

穀城山館文集卷之十四

四

周

以恢弘聖迹對揚丕命實惟萬世無疆之祚於
戲遠哉既紀其歲月因系之詞曰 泰山巖巖
羣嶽所宗沔彼流水亦朝於東海岱之壤會為
魯國迺降玄聖此惟與宅運乘五百道衍三千
江河行地日月麗天列辟是師萬世為土有廟
有林於焉終古我明御天興化崇文昭假聖祀
踰越前聞廟有俎筵林有雉觀熙洽相承式增
輪奐胡成弗虧胡久弗渝不有鼎構曷冀神居
惟殿中丞保釐東夏侍御省方亦宣文化廼協

素志乃稽金謨經之營之昇諸大夫贊不及官
力不及役五材雲會羣工露集乃作於廟百堵
千櫨重開洞啓屹彼高墉乃作於林爲堂爲室
樹之華表石闕是闕遐哉元聖實國於東爲溫
爲楠有血閼宮阜爾大賢靈宇相望匪雕匪飾
華彼陋巷敝者以新隘者以宏或翼或拱有師
有宗金絲旣穆靈臺孔飭靈之格思終安且憚
神明之裔大小駿奔逖邇庶士罔或不欣旣闢
儒風亦揚帝烈允也二公德聲有燁泰山若礪

鄒縣重修孟廟記

鄒縣城南故有亞聖之宇蓋三遷舊里也我朝
弘治間奉詔重建制益博敞岳牧令長時相其
圯而修之歷載遠矣萬曆乙未侍御攜李姚公
以仁按部至鄒展禮告成俯仰顧瞻儼然嗟嘆
乃下郡邑長吏度其經費用圖鼎新邑令青陽
王侯以楨受而營之庀工諏吉鳩材致徒蚤夜

焦勞覃精區畫凡木之工束楠樅桑之朽者易
之凡績之工藻綠丹漆之黜者飾之凡陶之工
甌甃甃甃之缺者補之凡金石之工壁璫螺首
礪礪級之利且割者更之肇於是年七月明
牟丙申四月落成乃徵魯生爲記竊惟孟子之
道至唐韓愈氏而明孟子之祀至宋孔道輔氏
而顯著在謀記無庸術矣惟是祀之興隊關乎
道之晦明道之晦明兆乎世之隆替有不可不
詳者彼韓愈氏邇道統之傳自堯舜禹湯文武
至於周公孔子而直以孟子承之則不以周公
孔子所傳者二帝三王之道而孟子明之與夫
二帝三王之道天地之道也立天之道曰陰與
陽立地之道曰柔與剛立人之道曰仁與義故
仁義者參三才而兩之上古帝王至於周孔世
相授守若錄圖焉而楊朱墨翟者出以爲我兼
愛之說充塞仁義其敝至於無父無君則立人
之道或幾乎絕矣於是孟子辭而闢之使其燦
然復明如日中天馬遷所謂遵夫子之業而潤

色之者卽進而與平成埒烈豈讓功哉揚墨之說方熄於前而佛老之教復熾於後其號愈侈其義愈精其尊信而歸依者愈易且廣自漢及唐湛浸曼延淪肌浹髓與吾儒分道而馳韓愈氏有憂之故推尊孟子而附之周孔之後宋人賴其擁翊有所藉得以表章六藝之無窮蓋孟子之祀顯於宋之景祐而周公孔子之道亦於其時大明矣 國家恢崇儒術盡黜百家納諸聖軌自廟朝論議閭里服習非鄒魯之教六藝之指口不得談牘不得書則可謂極純至粹大一統之風矣家傳戶誦漸漬既久見謂布帛菽粟不充嗜好乃始崇慕空玄冥心象罔闊畧實踐糟粕訓言於是二氏之教若將復入肌髓而不可救藥高明特達之士探其玄機秘藏以默鑄於吾儒之閫而不尸其名操觚講業之倫捩其斧藻英華以緣飾經藝而不寤其非蓋漢唐之季流家可分而今之頹風主客罔辨則亦吾道之陽九百六也蓋必有如孟子者辭而

闢之撥而反之正斯聖教中興之會矣故卽孟子之祀大興於今而有以卜周公孔子之道將益明而不至於晦周公孔子之道明而不至於晦而仁義之効可幾覩於世也則是廟之新所關於世之隆替不渺小哉且夫孟子之祀周公之祀也周公以文考之昭肇封於魯九世及桓而孟孫氏別焉有獻伯之賢以執國政有懿子敬叔之賢以遊聖門而邾國者承其世澤錫有賢配以誕哲於鄒故孟子者私淑孔子而實周公之胤也昔者孔子以宋之公族東遷於魯世舉自爲聖人之後而兩楹夢奠亦自曰丘殷人也漢用匡衡梅福上書封孔子後爲殷紹嘉公以奉湯祀至於今世守之夫孔子之祀卽成湯之祀則謂孟子之祀爲周公之祀匪無徵矣海岱之間天下之山水所朝宗而聚會而鄒魯國於其中夫是以降神炳靈鍾於上古神明之胃以孕爲賢聖而存其道統則其祀之興隊固且與天地元化相爲始終二氏之教惡能與較一

朝之明晦而亦何憂於世道哉姚公振紀貞猷
恢崇文化王族循良茂異克贊良圖皆能以孟
子之學而治於周孔之域者故行也觀是舉而
嘉之既述其道之所繇明以尊崇聖緒因而本
原其世以稽祀之所繇與使後有考覽焉

太常寺題名記

國家法六典建官既以禮樂神人之政總之春
曹又設太常卿佐使率其屬以奉郊廟群神之
祀而掌其器幣壇場儀文樂舞之數以告時於
縣城山館文集卷之十四

九

太

上而請行之蓋宗伯所掌夫神地祇人鬼之禮
春曹舉其全太常專其職矣所爲崇明禋之典
以協承神休厥惟重哉寺之在北都者初稱行
在正統間始定今名則永樂以前故南太常也
而題名所志卿及僚佐肇自洪武於建置之實
不相中矣萬曆庚寅卿張公作霖以題石且盈
將更鐫以待來者則斷自永樂十八年卿蔣公
守約少卿傅公霞岫以下而除其官南寺者以
志實也又準雷大司空年表之法列卿少而除

縣城山館文集卷之十四

十

太

丞以志守也舊記間有遺失又取年表所載頗
增入之而降慶以後續寫以志備也謂不佞承
乏禮官請爲之記洪惟我高皇帝開天初宇
稽古禮文惟是郊廟百神之祀對越將享罔敢
逸豫洋洋乎寶謨景訓載在典策規于萬世矣
列聖相承率由舊章靡有遺闕是致吳穹錫賚
百神効職年穀順成羣生嘉喜與虞周之感有
同符焉其惟明德之歆升聞于上亦越奉齋
鬯之臣陳信祝嘏以假于上下神祇與有榮號
哉及邇穆考以前寺之卿佐間或參以宗祝
秩之上列亦惟其習于禋將示有常也不佞竊
有睹焉古者官不易方材不兼任伯夷典禮后
夔典樂各効一職不二其中以終其身故能搏
心揖志儲精會神以逆釐三靈而協調元化也
今之太常既以一官兼夷夔之任而備其所不
能周又皆出於仙曹瑣闥極富時華更之選垂
魚擁佩朝遊平圭翬暮翔於斗樞卽欲精白一
心肅祇厥職以揚洪輝而甄靈貺時不幾也無

已而委之宗祝曰以其服習有常不忒于儀云爾則無乃以人而棄官乎緊考舜之命夷曰夙夜維寅直哉維清其命夔也以直寬剛簡之德勅之則夷夔之終身於其官者固不在玉帛鍾鼓之間而在乎有禮樂之本也任是官者誠有禮樂之本以考其器數而舉其彝章則一日居職亦夷夔之一日矣由是而後乎吾者一二人焉如之是一二人者其不爲夷與夔乎又由是而後乎吾者十百人焉如之是十百人者其不

穀城山館文集卷之十四

十一

三六二十四

爲夷與夔乎有如提空名以自貴而慢厥官常以怨恫于明神卽終其身於玉帛鍾鼓之間何以自異於宗祝之流而稱顯相乎 聖上恪共祀典春秋匪懈祝號之吏或有愆于禮度輒下詔申飭應時更置而於寺之卿佐茂簡名德以冠九列爛焉爍乎於前有輝矣繼自今以往任是官者其有不忒烝翼各率乃職以求踵夷夔之躅而委諸宗祝爲也卽我二三禮官實儼然在庖俎之間亦曷敢不相與敬之以光揚

天子之不赫命於乎重哉爰弁諸碑首用昭示千萬禩維張公其有令矩于後人焉

戎政軍門新創標兵營記

自嘉靖庚戌更定營制創爲戎政軍門以勳臣一人爲帥司馬卿一人協理裨將三十人各率其師屬焉而主帥戲下舊無親兵則闕典也鎮遠顧公始選馬軍一千列于和壘檄材官四人將之號曰隨征千總然士不操練軍無部位徒取空名應故事耳臨淮侯李公以萬曆丙戌受

穀城山館文集卷之十四

十二

四一四

命總督簡卒蒐乘百廢具興則召募下將吏有能畫軍便宜者各以意對千總何子良臣請益標兵五千共爲二營以二將練之李公善其策質于左司馬蒲坂楊公楊公亟以爲然遂具其事上之選備兵步軍二千合前馬軍千人立爲標兵營以何子輩二人爲左右中軍使統而練之謂之標將其法以三千人分爲兩班馬軍四十隊步軍八十隊隊二十五人長槍五人藤牌四人虎戟四人鈎鐮二人執鳥銃八人知書二

人司其姓名而長焉輕車二乘車載弩矢火器四重左右馳逐往來策應不異而飛教之二年選卒成矣二公曰以此爲諸營先鼓行而出可也乃于府之西廡立標將廳勒石紀焉予惟戎政之設乃漢南北軍宋馬步軍之遺制元勳上卿統時熊羆之士爲國爪牙應文昌斗魁之象視推轂分符寄任一方輕重何如也乃今九邊諸鎮皆有親兵以備緩急至以逐虜奏功勳績赫奕而戎政大將抗旌秉鉞以統十萬之師獨無一騎自衛此何法也國家無事羽林禁旅拱衛帝座雍容自如可耳設有疾雷卒電齋斧而出諸營士馬各從其長主將援枹提鼓以令不御之卒不幾于張空拳乎辟之于人標兵身也營兵臂與指也身不能使臂臂不能使指則病靡也辟之于木標兵本也營兵枝與榦也本不能發榦榦不能發枝則朽株也且夫京營之兵九邊諸鎮皆其臂指枝榦焉奈何其不能自運乎李公敦詩悅禮世先岐陽王之烈楊公訐謨

顧畫繼先太傅公之勳虛心一尉之言建千百年大計史所稱安平馬服之智不過是矣亦偉矣哉何子者越士能爲詞賦其談兵尤精文武材也以二公之意來請爲記其大畧如此其同事爲茅子國器藉書左方以俟後來附焉

東平坎河口新建石壩記

水經汶水出泰山萊蕪歷奉高贏博之境而西過剛縣南剛縣者今之埭城又西南過章章者今之章城坎河之泉注之又西南過無鹽無鹽

謂之須昌今爲東平又西南徑壽張故城之北至安民亭入于濟則今運河西濟故瀆也蓋濟之見與伏不常而汶之西流而合於濟則所從來久矣 國朝永樂中尚書宋公開會通河始築土於坎河之西謂之戴壩以遏其西流之道而南出之汶上以入於運其稍逸而西出者環東平而北承濟故瀆之支號爲大小清河以入於海則所謂鹽渠云會通河成七十二泉皆匯於汶泗轉注漕渠一孟一勺民間不得有焉卽

稍逸而西出海王之國竊以行其鹽筴皆漕之餘瀝也而濟之名賴以存焉爾豈能與漕爭哉歷歲滋久壩或圯墜時以全流漫衍而西夏秋伏發南旺以北舟膠不行則漕渠病東原之田或苦羨溢化爲沮洳則民亦病是左涸漕渠右蕩平陸而以利鹽筴也海王之國歲所佐水衡少府幾何而苦東原之民以與漕爭若此乎又有異焉障而不洩漕亦苦溢故斟酌挹損制河渠之盈虛在汶之上流耳隆慶中少司馬萬公

于壩漫而西出漕無溢也水卑于壩順流而南漕無涸也且居民亦不害焉臣等謹與郎中臣之龍主事臣雍臣元命按察使臣子朝叅政臣維喬僉事臣震等議皆稱便大司空覆奏制曰可會御史大夫潘公至復率司道往閱乃檄郡邑吏營焉計築石壩長四十丈高三尺上博丈五尺下益尺六之一兩翼之長視壩減五之二厥高倍之左右爲土隄丈之二百三十東岸爲石堤厚一丈經始於萬曆戊子閏六月明年三月告成費凡八千金有奇諸公不自有也曰茲匪神休其克有濟乃爲龍宮於上伐石紀績用示永久東平守謂行郡人請勒辭焉不佞在里中時嘗遊章城父老指示坎河及宋公廟貌覽眺嘆息謂先臣之於國家功若此其艱也自嘉靖乙丑以來數治河隄潘公一與大司空朱公同開初渠而沂泗之間通再濬黃河築高堰以達海而河淮之間通漕渠所患獨南旺以上時或少涸則其故在坎河世爭言漕輓利病置此

母談何也一旦上用都諫言下詔興築潘公受而成之費不盈萬役不踰時而漕與民兼利焉是宋公所創造疏引以制河渠之盈虛者至是有永賴也國家歲運東西粟給中都官從泰山下趾借一綫泉水爲轉輸計不得以入濟爲解卽令岱畝之民翦時蓬藿之田以爲水伯假道何辭之與有況兼利哉夫天下事無大小操其本則易修其末則難今世言漕渠便宜大者引河中者豬水小者疏淺不知其本在上源源之不濬則制其末沅非善弄也辟濁水之在壺一以爲盈而挹之一以爲涸而注之晝夜不舍無當於漏調渴烏之吻正玉趾之咽則衡渠之水可錙銖稱矣何者得其本也故吾於坎河之築嘉諸公之功而幸宋公之渠有永賴焉是歲也行鹽使者亦於大小清河之間建五厓蓄水其議曰汝逸而西受之可也汝遮而南讓之可也能不與漕爭汝故漕與民旣利而海王之筴亦得以其全力佐少府水衡如故矣碩功良畫

並出一時豈不盛哉是役也董正考成則兗州府同知陳君昌言建畫經費則東平知州徐君銘庀材鳩工則東平判官蔡忠沂州吏目何一鵬曲阜丞邵賓滕縣丞包揚泗水典史蔡茂魚臺典史王琮壩成使判官汪鳳翔主之法皆得書

湖州潘公橋記

潘公橋者今少保印川先生奉其先贈尚書僉菴公之命而建也湖之爲郡城於震澤之陰若雪之水夾焉其一穿城之南門而入而支其流於東門之外其一穿城之西門而入而支其流於青門之外乃北合而入於湖也形家謂之去水去水者風氣不完考卜者忌之而兩崖之間雨水時至不辨馬牛一葦之航歲有覆溺僦菴公戚焉嘗欲橋于二水之會以安里人而齋志以沒少保公每念之甲申之歸謀諸烏程令楊君應聘楊君曰輿梁之政職在有司請具畚耜以從公曰不然以里門之有跋涉感我先公豈

其政勤隸人以及父老祿賜之餘可以弛者毋
敢愛也夫人之盤篋捐之即君之玳瑁捐之舍
人之長租入捐之凡費二千五百金始於萬曆
乙酉三月及庚寅十月而成橋長百有四十尺
博二十尺下爲五空蜿蜒穹窿扼雙流而束之
往來于上者交臂接踵如過枕席蹻然一形勝
也而先是楊君被徵且行曰他日橋成名之曰
潘公郡人從之于子曰偉哉少保公衍澤濟美
以光前烈可謂永孝矣予觀世之君子出而應

穀城山館文集卷之十四

十九

三

用或能激昂馳騁以成濟世之勲而及其退而
里居或不能修咫尺之仁以惠其鄉之子弟此
非遠者易而近者難也有所勉而爲則不憚銳
精畢力以博一日之名而至于誹譽之所不及
則比隣之戚視若胡越甚有以簞食豆羹見於
色者故名實之際難言也少保公當其謝事閒
居之日條然遊於不宰乃不吝數千金之藏以
爲閭閻無窮之利此豈有所勉而爲徒以先君
子一言視里人之沾溺不啻由已博施善利之

仁此足以推矣昔有渠於鄴者名之曰史公有
堤於杭者名之曰蘇公惠澤所存熙爲嘉號有
以然也公持節治河前後幾三十年上下數千
里間其所荷重而渠如史公之所濬幾何延袤
矣其所擁土而堤如蘇公之所築幾何廣輪矣
而里人弗之紀也目百尺之橋而號之曰潘公
潘公是何饗其細而忘其大乎未憚修隱賜潤
及粉榆謹俗之所能傳也訐謏鴻績著在圖史
耳目之所不能盡也以其進而効于國者如彼

穀城山館文集卷之十四

二十

三

而退而修于鄉者如此蓋公所爲光其前烈而
施于名實之際者可以爲世法矣故吾樂紀其
事而繫之詞曰泰山之雲合于膚寸曾不崇朝
四極咸潤蘭臺之風起于青蘋披拂萬竅砰磕
厥音惟司空公其功在水孰權輿是施由其里
厥施伊何有穹者梁雙流如玦會坎之方形旣
不周民亦胥溺匪有與梁壤其可息肇允者誰
烈考之休疇襄厥成內外協謀公處而營公出
而就今公之歸觀此崇構崇構伊何見龍在宮

其偃如月而曲如虹三水之交闌而不洩如門
有牡如帶有結我車我徒罔惕于航罔濡其軌
罔或褰裳無小無大咸忭以喜嚮還我安惟公
橋梓利饗於衆名歸於公號以况榮謂是公功
蓋觀於淮盍觀於濟欲以爲名其不可紀或施
諸遠而近遺旃仁人之利則不其然里有謳謠
國有圖史如沛風雲茲焉兆始言時書伐曰勒
貞珉誦公雖淺知公則深豈伊一梁維以爲式
百爾君子胡不是覲

穀城山館文集卷之十四

三十一

太三十二

新開韓莊渠記

萬曆癸巳徐沛魚滕諸郡邑雨潦大作漕隄潰
決幾二百里維時總理河道工部尚書桂林舒
公日夜憂惟乃與二三大夫相度籌畫議開韓
莊支渠以洩潛水使不病漕詔下兩省撫按議
報於是管理河道叅政梅君淳會夏鎮管閘主
事尹君從教分守東交叅政楊君德政徐州兵
備叅政曹君時聘分巡東交副使趙君壽祖沂
川兵備僉事邵君以仁偕往相閱對如初議兩

省撫按以閘制曰可乃率郡邑佐史以明年正
月十日興工開渠自韓莊至彭河長六千六百
餘丈凡四十里以地形爲差闊者十丈狹亦四
丈深不減二丈五尺築隄自李家石橋至萬家
莊兩岸共八千四百六十丈高以三尺爲率基
闊一丈頂半之湖口橫築土壩以爲關鍵渠口
叔建石牌以備蓄泄凡役徭夫六百人募夫九
千六百人作百二十餘日開渠築隄費凡三萬
三千餘金建閘造橋費凡千餘金比原估省萬
八千金內帑工直居十之四河隄稅租居十之
六民無與也以其年五月十六日告成適值雨
潦水不鴻洞湖面減於去歲可三四尺漕舟無
阻民得田作具以狀報 上曰河工告成諸臣
勞績可嘉尚書應龍建議始事有功爵太子少
保賜白金文綺叅政淳主事從教叅議以仁若
監司長吏及佐史有勞者晉秩賜金各有差梅
君立石於隄使行爲記竊惟國家建都燕薊因
元人故道漕於魯衛之郊導汶泗諸泉分流濟

穀城山館文集卷之十四

三十二

任

邇北通御漳兩岸夷衍無所敗壞而南流通淮者與河相值自張秋決塞河益遷徙數迫病渠卽幸無河菑而鄒滕諸山之泉流爲通川互相灌輸湛於呂孟周回可數十里曹單金城諸邑河濟故道滙爲潯澤白水猥盛相挾而東湛於昭陽周回可數十里皆以一渠受之隄隄汜溢其勢然矣嘉靖乙丑飛雲之決朱大司空始於昭陽湖東開夏鎮新渠以漕而隄於湖之西岸以御河水出之秦溝至茶城乃與漕會漕渠自

穀城山館文集卷之十四

十三

留城以下歸梁疏闊遊波稍緩有所休息三十年來漕無恙也萬曆己丑河溢茶城反灌漕渠舟膠不進乃徙運道於南改建內洪三牐伏秋雨發河水時至閉而不內保渠如城利在自守非弗稱便矣然泉湖積水南北灌注而以一蓄之渠左提右挈峽其湍悍之流至於三牐爲河所距又不得出欲隄防母壞而地母爲壑胡可得也潘大司空嘗欲爲石隄障之度不能成乃穿呂公堂至鎮口爲渠以避湖水及其潰溢合

而爲一旣無所洩亦不能避則公所由策韓莊矣韓莊渠者卽通泇河道也泇河出沂費諸山左合沂武南入於淮自故宋時嘗於利國置監鑿運鐵之渠近時穀亭河徙議者懼漕渠受水數請開泇口通運以避二洪之險朝廷使使視之者三皆以葛嶺爲梗謂嶺高於河渠六丈鑿之二丈所往往砂石堯塢檻泉湧沸不可以鑄梁城以往頗有渠形水底多石鑄之輒沒且其時計從赤呂諸湖爲隄於水以漕長幾五百里

穀城山館文集卷之十四

十四

度可用四百萬朝廷謂其費鉅不急遂止母鑿誠難之矣公謂不然地有險夷可避而規壤有堅瑕可脉而試何必葛嶺也邵君在事意與公合遂自滕嶧至邳宿往返行視以復於公公復躬率河吏登降原隰準其高下鑿葛嶺稍西得性義領地形平行而當中心溝之南頗有青石又避而南始得所謂韓莊者勢益洿下可疏導也乃爲六井而脉之鑿下數尺小石磧礫類如蘇壤鑿之卽靡視葛墟梁城堅瑕夷險功相萬

矣公曰此可渠也向之艱在陵今之易在陸向欲以漕故避湖而就嶺今欲以洩故避嶺而受湖何爲不可哉乃具其事以上天子聖明洞悉利病之原舉以委公諸大夫吏士各奏厥能役不踰程費不及額而固漕渠之防蠲數邑之留因以廩騰嶧饑民全活數萬信貞臣之碩畫有國之鴻圖也夫治河如醫有人於此病在中滿於法當消而以參朮之劑調其腹腸必無幸矣此洩水之喻也庖丁解牛批郤導窾奏刀騞

穀城山館文集卷之十四

二十五

上

然得其間也至於寬輶大輶頓芒刃而攻之亦不幾矣此闕地之喻也濟兗二郡舉泰山下趾百八十泉以奉漕渠無敢私其涓滴而二泐沂沐之水出於瑯琊東海之墟溲然長邁獨不以餘瀝及漕此則汶泗得河他流可謝也夫汶泗之於河豈誠愛而利之欲避而無所耳誠令赤呂諸湖出汶泗而通加周柳諸湖納加而合沂冰中間從河伯假道不過數舍卽得淮泗故漕川徐呂之險可避而二郡之川澤舉爲漕渠

矣豈復乞靈河哉然而數議輒罷者何也事固有可爲而不責名可因而不可驟者故謀始之難也向欲以四百萬金開渠五百里鑿堅於陵覆簣於水計非涸天府之藏殫神丁之力必不可就就又未必漕也母論發言盈廷莫執其咎卽公與二三大夫謂何如矣今直避高就下乘間蹈瑕費不及四萬作不踰二時計如解紛救敗以紓旦暮之急非敢言漕事也而渠水受湖有所推移湖又受渠有所潴蕩陸可省鑿之半

穀城山館文集卷之十四

二十六

上

澤可省隄之半萬一河流滔漫徐方告壅此時挈一簣之渠去而之沂沐匪鑿空矣嚮日行河諸使者假得是而策之亦謂何如哉嗟夫非當之原或關有國無窮之利可爲之兆而不可爲名可因而入而不可驟而語可使人饗其成而不可使身居其功類如此勞臣之於謀國亦苦心哉其也家於河壩頗從里父老習識水道故不敢爲文麗之詞以詡盛美而惟著河渠利害所繇使後人知公與諸大夫謀國之畫有引而

不發者異日其有徵焉是役也奉命會議則漕
運督撫戶部尚書李公戴巡撫山東僉都御史
鄭公汝璧巡按御史山東連君標直隸牛君應
元功成覆閱則僉運御史李君時華而先後巡
鹽御史直隸姚君思仁徐君元正兩淮蔡君才
吳君崇禮先後屯田馬政御史劉君曰梧曹君
學程山東左右布政使王君藻田君疇按察使
陳君文衡新任徐州兵備叅政徐君成位分巡
東充僉事李君天植皆與其事而觀厥成者謂

藏板館集卷之十四

二十七

三十三

度工費則兗州府知府盧庚學禮專董工程則
兗州府管河運司同知羅侯大奎陳侯昌言同
知唐侯楨而諸邑之長與有徵發及董工之佐
史皆以差受賞列名碑陰茲不具紀

御史中丞鄭公荒政碑

粵癸甲之歲海岱濟河方二千里淫雨傷稼民
迺阻饑室如縣罄殍以澤量御史中丞括蒼鄭
公至部親覩厥狀惕然於衷曰天子全畀我
東土使保釐之有如觀其阡陌而莫之省憂謂

藏板館集卷之十四

二十七

三十三

簡書何會前中丞孫公暨得御連公所疏救荒
事宜既奉德音公乃覃精極思參以良法爲條
科班布焉其首則議蠲租以其災數並左其租數
十蠲其七九蠲其六至於五六蠲其二三無不
稱焉及民之貸於庾者予之及征之於於額者
除之有司已於事而竣於是議改折其於輸大農
也以其災數差其折數輕者石五銖其輪臨德
也以其折數差其減數輕者石五銖有司已於
事而竣於是議振給下饑欲金也以銖兩賦中
饑欲粟也以豆區賦上饑不能自食欲就舖也
爲饘以哺之丁男丁女至於旄倪無不逮焉有
司已於事而竣於是議招撫吏爲布令以號於
鄉鄉退而歸里里退而號族已其逋責禁其私
券賞其以寧其歸歸而有田貸之種若牛
其無田貸之庾穀有田而不歸比閭得受佃焉
以爲之招有司已於事而竣凡充之境內蠲租
若干石改折若干石賑金若干兩穀若干石魯
之宗人受金於府者七百餘人受穀於庾者二

百餘人民受金若穀者二十八萬餘口其食於
官者四十二萬餘口其在他郡有多寡焉東人
以是母轉於血而得及有年公之德也充守盧
侯謀勒諸石以徵撫吏蓋周禮以荒政十有二
聚萬民而散利薄征緩刑舍禁爲之要領後世
衍其遺法蠲賑招徠纖悉具倫謂盡心焉爾矣
夫弛國租以予民恩至侈也卽上以名予而下
以實取若甲以名山出而乙以實入欲民之嚮其
利不可也母寧更甘轉輸少有瘳焉卽出公帑

穀城山館文集卷之十四

二十九 周

以業之重趼而往云得不償其費建鼓而集而
人不符其食欲民之嚮其利不可也其已事而
還定安集以文相應亦異乎鴻鴈之雅矣鄭公
獨操何術以蘇吾土無亦挈其要領有所孚於
上下而法不與焉 朝廷張官置吏以是二三
元元付諸百里之長其義猶父母然父母於子
時其疾痛癢癢而爲之抑搔察其饑寒勤動而
爲之噢咻相其喜怒哀笑啼而爲之從違心誠求
之不言而諭匪待教也長吏之職固不異是然

使日役其神於催科比讞之勞而不得少休若
奔走趨承戴星往返而無須臾暇豫辟奪之乳
子而使焉卽有誠心力不贍矣公所下記郡邑
惟是父母懷保之情反覆開譬俾其省簿書他
征求停援比節交際罅心一志惟二三赤子若
置於懷其感之以誠如此一時郡邑長吏慮無
不祇若休德設誠而致行之百萬之命蘇於反
掌夫非激勸之効與鄭公才臣也往爲部郎登
華規畫事有成法銓省闡賈至今皆遵用之其

穀城山館文集卷之十四

三十 周

在東土又以惠政得民如此可謂誠於其官者
矣旦日 上思公賢名在有位與圖化理其必
以誠終始而不有其才也國將有大賴焉

許州重修甌城記

許爲中州名郡有城而庠嘉靖壬寅先宗伯公
作牧實有版築之役厥高倍舊號爲壯險許人
載之今且六十年矣雨潦亟潰間有地類萬曆
乙未今守范侯奉檄下車旣已綏柔莫麗以寧
厥民蒐剔釐葦以新厥政廼屬吏士父老謀曰

夫設險域民匪城胡衛以前賢之締造胡不百年惟覆土也吾欲麗而墉之奚若對曰君侯嘉惠我民益鞏厥宇以豫不若敢弗敬從請於部使監司咸報曰可廼召陶人爲甃甃凡若干召唇人爲堊堊凡若干召廩人峙廩糗粟若麦若干召工師鳩厥材金若木若干侯曰幸哉物力具矣廼踰於四境今日之政疇任厥勞吏視其成不厲以法間右之氓願受事者八十人侯曰幸哉民力協矣維時旱暵之餘潢潦皆涸衆以

蘇城山館文集卷之十四

三十一

三十一

爲憂闕地而得胥井因而淪之有檻泉焉侯曰幸哉神貺臻矣廼以丁酉三月二十七日經始至四月廿九日凡三浹旬而成城周若干里高若干丈八門有樓四角有櫓費鉅而省工堅而速金湯之險列郡無所許人大歡吾王令君來告以郡之丞嘗先使君猶子里也今我侯重建名城以保我疆土用恢先使君之烈子不亦有永懷焉二三大夫敢以記請行也聞之而感敬拜令君之辱考之春秋許以大岳之胤胙土

國兵車之會列於諸侯有漢未造九鼎是遷因而改物亦以宅中之勝控制四方至唐中葉汴蔡之郊強藩竊命據爲窟穴諸道之師雲翔其野有戰壘焉豈非中原之要害天下之樞哉國家混一函夏臨制九有郡居梁楚之間左顧陳徐右連嵩洛使輅之所來往賈鬻之所走集土衍而腴民殷而廡斯亦國之奧區神皋腹心之地矣熙平旣久間拓外戶藩垣之備視爲勿急匪許獨然朝廷北禦疆胡綠邊亭障惟不

蘇城山館文集卷之十四

三十二

三十二

能隆之於天東有島夷之警並海城邑罔不縮版歲費大農金錢何啻鉅萬奈何腹心之地而莫之圖也頃者歲在癸甲赤地千里民至易子而食宛葉不逞之徒揭竿嘯聚旬服騷然有如桴鼓之聲倖至宇下卽發奔命七科芻餉供需百倍版築之費未必戡也於此有崇墉焉授甲登陴以待其軼孰能取熬弧以登今之良吏率以自好爲賢母受勞民之名下者傳舍其官慮不信宿雖有後事我母與知可也一旦緩急將

受其弊如國事何先宗伯成城之日固亦無虞厥後數年睢陽之寇屬甲士三千於許睨而不攻效可觀矣乃今甕而墉之弘敞壯麗且倍前規以之慎固封圻銷未萌之患梁楚之間倚爲保障嚮其福者豈惟許人且令緣邊並海諸城皆如侯所規畫省而且速如此歲節大農金錢何止鉅萬亦豈憂胡越哉既紀其日月爰繫之辭曰於皇舊許國由四岳襟帶河淮跨連陝洛漢建之都唐師於原 聖朝統一翼名藩恬

穀城山館文集卷之十四

三十三

三百五十五

嬉有年罔或日戒城復於隍遐不有害先君作牧亦旣成城五周星紀覆簣其傾偉哉范侯興自燕土庀政寧民廢墜咸舉廼圖大役百雉維新志協於衆謀基於神附壤以陶代戕以甃寔葵甫周如從地出列陣修塹築觀飛樓朱荷被沼修楊蔭溝許人豫喜載笑載語式遏寇虐以衛我宇民勞而說費約而康金湯之險於前有光書戒勤墉禮稱築郭言言許城范侯所作侯澤在許侯功在朝國之屏翰是有崇褒維予小

子永懷先績載欽良圖於心有戚言時書伐勒是貞我無俾城壞敢告後人

歲寒亭記

吾邑蕭國侯公當金源末造身都將相不著勳烈城東二里冠山之麓其墓田也越三百餘祀裔孫鴈泉先生爲御史中丞開府雲中以軍功著而中丞冢嗣少泉君爲樞府都督出鎮夜郎稱一時名將閱閱可謂盛矣都督君以萬曆癸巳解印北旋治第東門之里內列松栢兩行構

穀城山館文集卷之十四

三十四

三百五十六

亭其中顏曰歲寒以明志也一日從弟撫軍遊於任氏得中州集一卷多金時名人爲蕭國題詠隱居有稱歲寒堂詩者携之以歸都督君欣然語予曰吾不謀而與吾祖合也殆有神啓乎予爲記諸予考金史方其去燕遷汴國勢已削公以樞鼎大臣董熊羆之旅鎮江淮河朔之間元師不得橫決而南厥功大矣中間謝事家居乃於範池翠巖之交多構亭臺爲蒐裘之所而猶以歲寒名堂固非流連光景翫美聲華者比

也已而欲在國門徵公入相間關師旅得抵
城之中適與亂逢以身殉義精忠大節光耀天
日至今凜凜有生氣焉可謂松栢之貞者否與
天佑仁賢久而彌耀中丞父子世濟令名子姓
彬彬美秀儲甲第之選者且滿階庭可不謂松
栢之茂承繼無窮者邪夫松栢之貞而茂惟有
本也故曰如松栢之有心蓋松栢不凋於歲而
衍其枝葉亦惟其心人之不怵於俗而培其作
胤亦惟其心所謂本也自予所見侯氏長老以
逮子姓三四世矣大抵忠誠樸茂不染芬華又
而益篤其植本固矣以此承祖考之烈而益昌
其世吾惡知其所底焉都督君二子吾宅相也
故以此期之

穀城山館文集卷之十四

三十五

六十一

穀城山館文集卷十四

終

穀城山館文集卷十五目錄

重修顏廟碑

曾廟祭田記

宣府巡撫中丞新城王公生祠記

臨清儒學重修記

司空大夫劉君陶政記

平地樂重建龍王廟記

故汶上令趙公去思碑

兗州新建嘉禾館記

穀城山館文集卷之十五目錄

乙

九

永平新建察院記

節善碑記

穀城山館文集卷十五目錄

終

穀城山館文集卷十五

東阿于慎行著

門人郭應寵編

北海董可威

天中李時馥校

都門李本緯

男于緯重梓

重修顏廟碑

夫圓靈上運則七政緯其高明方祗下凝則嶽
瀆經其博厚斯兩儀繇之奠位四序所以成功
也粵自鴻濛既派元氣攸分帝籍稍淪皇風益
邈則始儲精啓運寄命聖哲而孔氏之統興焉

穀城山館文集卷之十五

一

九

固以模範百王典謨萬代配乾元之資始儷坤
德之廣生矣三千及門七十通藝四科之首位
冠羣賢大哉顏氏之承其緒乎爾其陶鑄聖門
步趨師矩秉上智之質而發以如愚懸坐忘之
符而助以不惰口絕談議而聖蘊畢彰訓閎篇
籍而師宗獨著蓋爲道生孔爲孔生顏所以翊
贊化原羽儀景運辟在天之懸象則義明爲衆
陽之宗方在地之成形則岱宗爲生物之府斯
以參玄造而不毀歷振古而如新者與列辟同

穀城山館文集卷之十五

二

九

承代修秩祀制多沿革禮蔑污隆稽統業於皇
王則孔師而周聖遡淵源於授受則孔聖而顏
師固已登布素於握圖續宗祧於主器而表章
雖僭擬議非倫至首加五等之階特賜元公之
號斯則假器名於人爵援寵數於朝章非所以
全太上之尊表無文之敬也 聖朝不膺景曆
益闡文明嚴事聖師特崇首配較諸前代典秩
有加焉逮我 世祖議禮更化改朔隆儀乃釐
充國之封薦復聖之號徽稱旣備明祀益虔祝
嘏被於普天裸獻覃於出日况星躔降毓之區
雲裔烝嘗之地哉曲阜顏廟卽陋巷故居子孫
所世守也宋熙寧間始構亭於其井而勒以銘
元元貞間始移祀於其亭而更爲廟我 朝因
其舊址益衍洪基堂寢階墉一如孔宮之制而
稍殺以楹及武焉歷紀以來部使牧守時有修
營載離寒暑圯敝或多越萬曆三十祀巡撫都
御史溫陵黃公某保釐東夏禮教聿興巡按御
史河東趙公某吳門嚴公某肅靖海邦文風丕

廟先後行部至邑展禮廟庭相與矢畫協謀下
記所司大加興葺制雖仍舊工則甬新經始於
壬寅某月某日至癸卯某月某日落成於是廟
貌彌嚴俎筵有秩丹青上約黝堊四周簪井覆
以雕甍舊巷微如絳闕是使觀風問禮之使肅
棖楠而興懷奉璋對壺之倫駿豆籩而如在面
視闕宮有恤鞠爲榛莽之郊靈殿歸存淪作樵
牧之藪斯以考芳躅之無盡徵聖緒之遐昌者
與世尹孔君既告竣事乃奉中丞之命求勸員

穀城山館文集卷之十五

三

五十五

碑夫德隣上聖稱謂之所不形道謝羣流名言
之所罕喻要以昭德記功言時稱伐假微辭於
篆素考鴻構於鼎鐘云爾是役也左布政使沈
公某暨某某受記經營兗州府知府某公某暨
某某鳩工勸閱曲阜縣世職知縣孔君某躬親
督課世嫡翰林院博士顏君某祇奉明禋而董
工則縣丞張某也乃作銘曰 皇風既謝聖統
斯甄乃命尼父降靈自天大猷丕顯與旨惟淵
不有上哲孰發而傳緬維華胄國分遂古繼別

於邾改服於魯奕世承家袞衣章甫如何我師
韜貞環堵才則王佐位與聖隣博約修道克復
歸仁爲邦請益四代畢陳邈哉峻軌允冠人倫
理會冥詮神符玄契匪書匪言訓以萬世配孔
稱師崇徽罔既象日麗天埒嶽奠地 皇明撫
運允迪舊章乃瞻仁里式廓宮牆鴻名改薦制
由 世皇神詠炤煥靈宇焜煌於鐸中丞觀風
聖域乃及待御協謀興葺方岳賦工郡邑効職
費不及民成并待日昔稱陋巷今也璇宮重崇

穀城山館文集卷之十五

四

五十六

宿霧盡棟苑虹華堂博敞飛閣穹崇孔維象帝
此則王公黻帳孔開雕楹有楚肅穆几籊雍容
萬舞誰其尸之雲初接武誰其相之工祝在俎
於昭聖造文化丕彰允茲監使仁風載揚五方
翹誦庶士趨蹌偉哉崇構永耀無疆世道交喪
委倫攸敦匪樹風聲曷陳藝極高山是仰璿源
可挹嗟我後人永維是式

曾廟祭田記

今上己丑曾子六十二代孫翰林博士承業疏

言臣祖質粹奉 肅皇帝詔自江西永豐歸籍山東守宗聖廟林尋授今官世襲賜祭田廟戶與顏孟二氏比臣祖無祿中遭家難不及受諸有司迄臣始克承襲忝嘗之將闕然靡具常懼隕越爲先靈羞敢昧死請有 詔下禮官議行適承乏禮曹謹覆宜如承業請覈復所賜以示褒崇制曰可乃下守臣覈議越歲山東兩臺上狀曾廟嘉靖間賜田四十頃在鄆城界內爲軍民所侵沒廟戶二十家出清寧者四汶上六鄆城五鄒縣五版籍具在請先賜承業令供祠事仍爲續增畝戶滿二廟額已復覈出嘉祥賜田十頃官爲履畝歸之具如 詔旨于是曾廟田戶視顏孟埒隆矣博士抱筴而請曰者承業虞墜先緒不揣輒有陳乞幸煩秩宗以微寵靈俾獲奉盛以告蓋徵宗伯之賜不及此願記而勒之石惟宗伯言信而徵且恢弘聖代隆重之典以示來茲太史職也不佞逡巡不獲辭乃受簡竊惟 肅皇御寓惇庸大備一洗前代陋儀直

以師道尊奉先聖四配俱如今制黷號斯泚道化重光此千載一時也而宗聖世裔先丁新莽之亂播越江南歷朝以來未聞甄錄乃于此時特膺明 詔世其爵列廟林掃除錫壤惟豐興滅繼絕遠邁成周 今上復俞博士請勅有司奉行用續宗祧儼于二氏此寧區區掌故之爲禮臣用是藉手以俾公等作考尊對揚休命庶無遏佚明德之緒蓋 上方法祖崇儒游神聖真又以孝治天下細旃之上時御禮經宗聖言行于斯爲多淵乎穆乎 宸衷符契錫類宏矣博士之遭逢盛典非又千載一時哉不佞曩忝邦禮四方觚墨之士以經術進者咸得與聞其言每嘆孔門如宗聖親承一貫之傳終身誦說斤斤忠恕今之言者抑何汎洋玄渺猶河漢而無極也甚或剽空玄之緒以附儒宗謂秘密始開不可思議學者疑信相參莫之敢指而曾氏之學獨當 聖明備極褒闡所重在此不在彼矣豈非魯得之宗竟不可易天猶未喪斯文亦

若默有所寓以微挽世趨者與不佞敬爲之記
且告吾黨共繹思焉

宣府巡撫大中丞新城王公生祠記

莊皇帝朝虜酋款塞迄今雲中上谷寢燧驛兵
幾四十年世皆知襄毅王公之略而不知襄毅
之後又有二王公其一廣平王公其一則今所
生祠新城王公也新城王公者瑯琊之裔閭閻
甲於齊魯大父濬川公在嘉靖間以山西叅議
分守口北其後且四十年爲萬曆己丑而公以

縣城山館文集卷之五

七

坤

山西叅政分守口北宜人歡乃其時鎮之將
吏久狃款而嬉游戎且生心公至慨然曰夫款
者緩也本以緩虜乘間而飭武備乃遂狃而忘
戒心乎則下令增亭障簡營伍將之智勇者異
其秩卒之驍健者異其稟私馳騎而役卒者法
請託竿牘一切謝絕行之無幾一軍校吏凜然
改觀而會廣平公以中丞開府至而與公相得
驩也凡所壁畫悉從決策公益發舒自任遴驍
突爲親兵躬御臂韡懸金敎射差其良苦以行

縣城山館文集卷之十五

八

賞罰得蹶張之士二百與都護校射於郊騶發
輒中者盡公部也又念上谷故砂磧地民鮮蓋
藏卒有緩急粟價騰踴士且脫巾而呼當秋時
先借帑金二萬糴而息之凡再三待得息金三
萬兩羨粟萬六千石用以繕治兵甲召補郵騎
墮西路而守之延袤百里以遏虜入而先是襄
毅王公之與虜款獨俺酋以孽孫故回面內嚮
而老把都未邵卜諸大部直宣府邊故利鹵不
欲款則屬俺酋要之且啗以厚利乃稍肯來而
歲恫喝要挾無已時典市者懼禍起肘腋率濡
忍聽之以爲常萬曆辛卯閱視科臣始議裁市
撫歲無過二十三餘萬計畫已定乃無敢與虜
言公毅然以身往適屆市期大虜集恫喝如
故公露冕肘刀坐市臺上呼前諸酋面諭今有
旨切責疆吏毋滋爾橫索我來更定約束酋如
奉命而盟我則爲政酋憤起咄咄詎那顏安得
是語穹廬千帳投韃與漢堞平可使退乎公厲
聲曰酋衆何可訖也虜中事我盡知之今市隧

之傍有蝨如雪有幣如雲聽我則皆爾故物不
則我且閉關謝爾而以此募諸甌脫雜夷與爾
爲難爾亦安得宴然何可詫衆也酋聞色動則
呼衆環公而請公故示不測喜則分食啖之怒
則叱咤坐而控弦懸鵠二百武外應聲命中酋
驚服以爲神市去鎮二舍而遙公晨坐堂皇幕
挾二健兒疾馳平明又在市臺虜嘖語曰中
國殆欲絕我不則何用如此人典關而日摩厲
以須爲不亟唯唯漢物非我有矣遂從公盟計

藏城山館文集卷之十五

九

三十四

公在事十年所省司農水衡金已四十餘萬而
往者虜馬入市數蹄而與之直公命驚直母與
駿均小酋那戶兒堅不聽命露刃以爭公斥之
關外三日不內卒蒲伏受令遂爲成規省亦不
貲公又決策收史車二夷二夷者虜之別種故
灤川公時所議撫也世祿龍門塞下力能角虜
爲我間虜畏惡之欵成徙入內地稍爲邊吏所
侵而史氏故與虜小酋安兔爲婚兔乘其志誘
之遂挾車夷歸虜相引而鈔寇邊公與廣平公

諫史酋老於兵諸子皆驍勇敢聞今爲安兔用
邊無寧日矣不制安兔無以示威虜不收史酋
其能制安兔乃因順義王之西獵議革其賞而
令縛獻史酋以謝過俘至廷議欲懸橐街公計
酋老矣殺之無益其壯子勁兵悉在塞北今日
殺酋明日虜騎必厚集塞下且以史夷爲解折
而入於虜此失策爲虜咲乃急白廣平公馳書
政府請 中旨從未減酋諸壯子乃大感爭拔
帳來歸虜始悅悔而安兔數寇邊亦數敗諸降

藏城山館文集卷之十五

十

三十五

夷又時時鈔掠之窘甚無所出乃因虜王爲請
願欵塞如故時公已代廣平巡撫乃詰諭虜使
令安兔悉歸所留史夷部落並送車夷乃許奏
復市撫至今屬夷馴服邊藉爲用制欵機權實
在於此公旣開府益務風厲撫循壁壘一新耕
耘蔽野所獎拔戲下往往自偏校累伐至上將
軍其有異懦貪墨輒以惠文從事無所假貸而
日以恩信畜虜虜時從城下問太太師何在能
御通酪黃羊乎相傳報以爲懼而鎮人又津津

頌公拒礦權事以爲布德宣鎮不在控虜下云
宣故有牧馬場款後無警管卒稍墾其旁課入
當芻秣諸將校亦各闢並塞閑田以給私費謂
之養廉權璫惑奸人言皆欲藉入少府而畿甸
稅額共八萬金宣大居二焉璫先趨大同大同
人曰吾視宣府乃趨宣府盛氣謂公云何公正
色曰宣府鎮也而鎮城爲諸路職聞貴人將重
征於化居市肆且罷罷而四方粟芻皆不至環
甲鳴鏑之徒無所得食將蜂起與貴人爲難且
奈何它若張家口全道諸處稍有貿易征亦不
堪重也貴人如調劑焉毋魚肉吾軍民吾則戒
軍民毋敢撓貴人令若牧馬場則有 高皇帝
制書在非守吏所敢循也軍中自大將以下皆
食其故俸諸椎牛犒士一切供億盡出養廉地
中而權以爲稅令此曹枵腹而持兵乎且 上
睿聖不測貴人卽工爲逢有加以飽棄受疑又
且奈何璫無以難竟聽公指揮歲以四千餘額
解矣璫之采礦則先鎔精銀雜砂中謬言某穴

砂一升可得銀如干以令有司必中程乃已少
忤輒羅織被逮公約部司及大將皆遣一使偕
往各以砂至面鎔而驗之亦不得逞而去以故
礦權之使驅攫虎搏幾徧天下而宣鎮獨不甚
苦以有公也公由分守建節居鎮平有三年會
播州初平以威望廷推擢川貴督府去蓋自款
後任上谷事無如公最久先後所當亦無如公
最難難者則將吏之以款徂也大虜之以款
也持文墨議論者之欲以節縮見功也重以
夷外叛勅師內紛殆哉乎衡石秤鰲之間智不
及謀勇不及斷倏忽失着 局遂更而公嶽立
淵流因機坐折銷萌厭 外威內和卒使數十
年來厚啖之虜一旦取諸其懷而定以畫一使
之頽首郊關如稟功令又收史車之族以制虜
死命款始不渝夫非所謂安國全軍算多而善
善者乎至如以備邊之暇翔洋河石橋長千尺
而麗廣並五軌利涉捍患以鎖鑰北門爲邊防
要險具郭少宗伯記中大營萬全學宮建

閣藏書萬餘卷以興文教具葉宮庶記與公所
自爲記中文事武備於是觀焉迹公英毅慷慨
智略輻輳而沉幾雅度不輒輕發必中窾用
能光昭澤川公之緒以勞定國而貽邊疆數十
世之安有以也公去而五路之變告矣宜鎮人
之益謳吟思慕願尸祝而無疆與祠在城南五
里卽公所建廣濟橋址是舉也自大帥以至文
武將吏諸生軍校不約而集旣落而驩然呼已
又愀然思也卽虜亦時時問大太師何時來開

徽城山館文集卷之十五

十三

制府如廣平故事乎守道張君副戎王君欲勒
公蹟於石以壓塞中外爲後事師屬行作記行
不佞嘗扼腕世儒拘於見聞至不能彰明國
家盛美而猥引漢宋陋規以擬今日疆事又輟
材諷說之徒不覩今昔情形第見史車之屬散
處龍門意不無勦江統緒論謬欲爲徒薪嗟乎
邊事蓋難言哉自襄毅和戎後上公得廣平及
公益建無窮之利而公當事更久且處其難功
在社稷寧獨邊氓之衛故不辭而論其大俾壽

邊者攷鏡焉公名象乾隆慶辛未進士山東新
城人今爲都察院右都御史兼兵部右侍郎張
君名我績萬曆庚辰進士直隸邯鄲人以山西
副使分守口北王君名某宣城前衛人以某官
爲副總兵

臨清儒學重修記

臨清之號爲邑而遷於新城也固已有廟與學
而及其進而爲州廟學之制乃益廓而大焉則
兩陳公之相繼以有成績百餘祀矣萬曆庚戌

徽城山館文集卷之十五

十四

藩叅馬公分憲臨清總其兵巡之政條教布宣
聲威罔旣逃邇人吏歡訢祇慄烝烝嚮服一日
與部司三公肅謁廟庭蹇然謂曰某也幸奉簡
書鎮綏茲土豈惟戎與法是職無亦弘敷文教
以興化一方今廟學且圯矣亦何敢委諸長吏
以勤我穡民請以稍入百金爲勸惟大夫命之
三公曰某等幸以使事從大夫於此固甚願邀
靈先師以嘉惠庶士使有所駿奔以饗今承大
夫之命豈敢以客爲解亦各捐俸百金爲吏民

倡郡之丞史若軍尉若博士醵金有差里之賢大夫及庠諸生醵金有差市之義民及四方之賈醵金有差乃使經歷某董工校師叅焉經始於己亥四月七日三旬而成博士王君世昌等遣都講二生奉書請記行叨里士之後樂聞盛舉義不敢辭記曰先王御世化民埏埴萬宇固罔不興建學宮以育成材儁亦罔不崇飾先師之祀爲士宗祊逖哉邈乎 國家紹百王之統丕昭文明天下郡邑皆有廟學以修秩祀其茂

懿城山館文集卷之十五

十五

九

典也長民之吏以節春秋陳其俎豆豈不惟令甲是從而值執事之不閒興廢之故毋敢與知者有之馬公以藩臬大使作鎮雄都惟是法紀兵戎之政以奠我東服且不遑於日昃廟之圯墜則有司存師生豈敢望焉而曰是誠在我不憚多方區畫以恢往圖二三大夫又相與協而贊之以襄大役鴻規偉構焜耀澤宮豈非文化光昭之會與清源風氣所鍾號爲才藪雲永景合鴻漸上都他郡莫與伍焉而又崇其宗坊以

示觀法誠令鼓舞德教而益弘其材以奮庸於盛世斯非士之一時與抑今日之舉有進於是古者教民取士之法修六禮以節其性明七教以興其德齊八政以防其淫而歸諸一道德以同俗蓋禮樂教化聖數不一皆所爲一道德之具而法紀兵戎則政所由施爲魯頌淮夷攸服本諸泮宮之作而卑陶之淑問亦於是乎質成蓋陽寄其用於兵戎法紀之司而陰握其權於禮樂教化之地斯道德所由一風俗所由同與

懿城山館文集卷之十五

十六

仲

蓋嘗考覽方域而有槩焉畫百里而國之其俗無大不同者嘗十里而城之其俗無小不同者惟茲土也不然會二水之緣督控兩京之子午百賈之所轉徙萬貨之所廢居吳之錦綺越之綃縠秦晉之蜀毳閩廣之瓊玖陸毛海錯瑰琦鬼瑣列肆而陳侈於五都之市玉帛冠裳之會錦帆絳空織文苞品之輸牙櫓刺日絡繹隱賑靡有旦夜殷於九軌之衢遊閑輕紗履蒨緌之客擔簦而聚闕門聲歌伎藝百工巧匠之屬

疊跡而趨里第夥於原嘗之館趙李之場此亦天下盛麗豪華都會之區也而士也操其觚翰以遊且息於其中神情之所游沫耳目之所漸濡莫不備八方之珍奇極四民之姝尚豈所謂不見異物而遷焉故夫風俗之不同未有甚於此地者也且自堯舜相傳至於孔子道德嘗出於一矣孔子既集大成而或以二之者魯之世儒既誦孔子而又以一之者二之故有端冕而稱柱下纓綬而諷祗陀居則詮非聖之書以文曲藝出則奏違方之語以市榮名所謂生於其心而害於政事誠不知所底止焉道德之不一亦未有甚於此時者也陳風問俗之使誠欲開至一之源定不同之軌非明其所尊何以哉故既修法紀兵戎之政以整齊其細民而又揭禮樂教化之宗以陶鑄其君子此廟學所爲新興而公與二三大夫均可謂有衛道之心矣繼自今吾黨之士其益思紹明正學統一聖真居以事先師出以應當世而無負賢君公甄獎至意

卽世教民風不其求有利賴豈惟是人才之盛關焉馬公名怡陝西同州人太保文莊公冢嗣也豐材碩望著聞廷中由駕部郎中擢山東叅議三大夫者工部郎康公名某江西泰和人戶部郎宋公名某直隸末年人戶部郎崔公名某河南安陽人皆用芳猷惠問綏靖吏民故樂有造於茲土云

司空大夫劉君陶政記

臨清故有司空分署歲遣屬大夫一人掌甓甃之政登下其材以輕重算賈人船轉輸都官法甚備也其後胥徒狎習抗敝巧法器多苦惡僦人告匱將作始借前署籌矣萬曆辛巳念庭劉君以起部大夫分署于此至則召諸陶人問弊所繇安施而可乃稍得狀蓋前大夫恐埴之無良也成而試其堅瑕委諸從史陶則有賂又使軍尉別其良楮印而志之則又有賂水陸轉送傭夫舟人僦賃出其中則又皆有賂四賂誠具甓卽皆竅登也卽有所闕甓雖堅白格也計所

予直不更其本而費若此矣君大概曰有是哉夫估溢而器不精是縣官病也作業劇而費不償是陶人病也財訕于縣官而賂出于陶人是公私交病也一事而使公私交病祗役謂何乃下令自今已往試不以從史印不以軍尉陸不以傭水不以舟使陶人自相占也橐不如法以告匿則有坐陶人自相占以橐無所用賄坐又不敢匿也得以其直盡之於埴而享其贏餘甓皆益精將作受之無後令矣大夫既遷去陶人思其利相與礪石志之因省進士張君鯉以告史氏嘗觀縣官舉事費往往倍蓰民間而功不能半自古以然第所覩於國家自城郭宮廷下及器用服章無論纖鉅惟祖宗時所勑咸極精良久而毋壞其後所費不啻浮于舊額而礪猶踰薄曾不能當其十一何工拙相懸甚也此無異故祖宗時法修令具上下無敢越卽有所興作財力相覆推視惟謹不使奸利賕請得清其間不精何爲近世士大夫務爲弘度遠心

簡薄吏職卽有所興作儼然受成不其嘗省于是蠹弊日滋縣官饗其虛質而民騷然靡費矣旣已洞其弊竇卽又重拂人情取小補葺調劑幸旦夕毋敗以遺後人誰復執其咎哉予觀大夫以文儒名賢優游華省不憚精心虛受釐革宿蠹如此可不謂勤其官者耶夫埴埴之工于國計渺小矣第如君畫使國家有實用所省公私之費歲又不下千萬假役有鉅于此者盡如君畫所省費與其利賴又何如也在昔有虞之裔爲周陶正維是甌甌之利大啓陳封傳胙奕世古之重報功如此以大夫之利器用於國公私賴之勞不細矣今者位益尊顯聲實烝烝垂光竹帛不可涯涘尚何有于陶政然吾執此以俟大夫之鴻樹與其懋賞而又以風世之勤其官者庶有益于國也惡可以無紀耶大夫名伯淵浙之慈谿人第隆慶辛未進士今官江右按察副使云

平地滌重建龍王廟記

平陰東北十里有山曰龍骨羣峰環而拱之如合抱焉山之東南有白石之窟含氣出雲雨則爲兆若龍洞然山之西趾有湍水之陂雨則成澤若龍湫然其傍隈曲盤回有百室之聚命曰平地樂樂者泊也山坳有祠謂之龍骨以祠龍而雩焉祠不知所始惟其前樹幢之石狀如追蠡則已千百年物而岡阜之間必嘗有龍蛻之迹故以名也父老傳說當其香火盛時雨暘時若禾稼如雲牛羊被野周山而田熙然康樂

有穆周垣樓觀亦肅以整巍然水府之宮矣侍御以書抵予使爲之記夫龍何神哉志曰合而成體散而成章乘乎雲氣而養乎陰陽故曰神靈之精也然考之典記山林川澤有羆沈之祀風雨雲雷有禱燎之祀而未嘗及龍何與蓋嘗思之上古聖神在位天地之氣網緼訢合以澤百物而龍者乘陰陽之和上躋下降以神於其間是致風雨順寧疵癘不作帝舜之世其臣有董父者能擾龍而馴之命之曰豢龍氏夏后之世其臣有劉累者能擾龍而馴之命之曰御龍氏蓋所謂御且豢者固非能真得其物飲食而調服之也惟是潔其烝嘗掌其祝號以精禋而饗之若今巫覡嘏史之流以事神爲職者爾此非龍之所由祀與三代以下地天不通和氣乖隔世之視龍至求之委蛇罔象不得其形而二氏之官亦廢然郡邑之吏猶以春秋秩祀修山川雲雨之祠而田更里父亦時就雲雨之所興山川之所聚立爲廟貌以備不歲之雩而禱之

曰龍君則龍之祀固未嘗廢也夫雲行雨施品物流行則雲雨者龍之所馮深山大澤實生龍蛇則山川者龍之所自卽山川雲雨之交而求龍以事之以歲時雩禱而迎其福祥非卽二官之遺意耶抑古有之泥蟠而天飛者應龍之神也時暗而久章者君子之德也故乾之爲卦取象於天而其六爻之動皆取象於龍故曰時乘六龍以御天也侍御附風雲之會以瑞聖世其前矣豈其且潛且躍徒使天下想望其澤雲

終城山館文集卷之十五

二十五

宋

而願利見之猶卒未耶必不然矣書而識之石以爲契焉

故汶上令趙公去思碑

昔者當嘉隆之際而郡邑之治亟也上重於御吏吏輕於使民民無所蘇於政而吏有所軼於法故便於自行其意而難於捐其所便以更民之苦連城列邑去而見思者幾何有時而日更制御史之法密於舊十三使民之云疏於舊十七以而稱惠養休息則其勢然矣於今之所

易而忘於昔之所難可與樂成乎哉汶陽之爲邑古魯之中都聖迹在焉今則兩都大道舟車之所縈結敝有日矣趙公當嘉靖末而爲宰明哲而敏宜慈而肅在政四年邑之廢墜與民之疾苦罔不興除河濟之間號爲神君號爲仁父四隣莫望焉蓋余舉文學生所目擊而耳飮今且四十年矣垂白穉齒思慕而謳吟之如其始去夫何繫民之不可解若此哉或曰公之屬精修政聽斷神明不可幾矣乃若法所通變今之

終城山館文集卷之十五

二十四

七

良吏率多循行豈惟趙公曰唯唯否否今之循行者易昔之通變者難法由初始則及民深事出習聞則成功逸若順風上阪之相懸矣蓋將數之則壤不均民多散徙公履畝而正之畫野爲區表區爲畛縱而爲疆橫而爲理豪無所并猶無所隱而賦繇以平矣此故所未有也更繇之規歲爲象魏懸母之數而匿其千舞文之奸以陰陽而上下公旣均田畝始立明編之法以丁權地鱗櫛而爲之差登其子數爲其母數如

揭日月而役始均此故所未有也方驛禁之未
申乘輅之使奔命汗趨不及更羗乃閑馬於應
門合符而給之卽有竊借輒裂其繻而厠吏時
乎息有此故所未有也比閭之政布在版章必
則渝矣供億將迎一出里胥九歲之息不更一
歲有整索而彌無告公謂不調已甚必改而張
乃計歲命之需賦入地畝徵其直於官而代之
以吏厨傳旁午民無聞焉此故所未有也凡斯
極敝由公勸章遠近慕而行之或請諸部使挈

藏板山館文集卷之十五

十五

而爲令交部州邑且幾乎矣吏習而民安之至
今公之遺愛顧弗迭與且神於聽斷又所獨懸
亦舉其凡以告釋史民有抱布而鬻瞑於塗而
失問地則有澤蘭命薊蘭而訊之邑人羣聽於
廷闔扉而譏闌入各以布贖所失物在其中解
戶受金於府歸而匿之床下厥明亡金命昇床
而訊之因詭其婦有私而伏者焉公不出其主
名俾復其所則已厥明得金或有失貨於市獲
盜而反誣之不能自明也詳責失者以貨予盜

藏板山館文集卷之十五

二十六

盜出則飲其徒曰孰謂君智尾者獲之富室之
婢逸父以殺告責主人以婢屍而繫其父以待
獄持冑絮爲信往給婢母母以女來則坐其父
諸如此類長老傳誦至今凜之夫西門政成河
內聊借神於投巫廣漢化行潁川亦擿伏於閭
馬疏寃雪疑洞如燭鏡不尤異政乎哉要以更
制朔法爲百世之利使人不能言則其太上者
爾公旣召爲御史汶人思之祠諸學宮之右萬
曆初載禁民之生祝吏者汶人不忍墮也顏其
閼曰讀法而陰俎豆之初不碑以石而代之
口暨歲癸卯郡侯劉公問俗於汶謂邑令李君
曰濟陰紀裴穀城頌張有金石於吾境今其如
汶而獨闕也以公之政冠百城而不記於遠何
以爲後事師大夫其圖焉令君曰諾爰始以石
爲碑樹之祠下而徵諸行行俯而再思乃敬受
命夫澤無遠近久則彌傳地無隱顯晦乃益信
公方以名卿耆輔都將相而秉旄功烈震耀乎
殊俗石室之史將不勝書何有於汶且官守不

管窺廬且而升朝暮而立社雖信何徵卽數十年之廢今而舉之又將以顯而疑也抑豈其然邑之慕於祠不以司農而廢茂之思於密不以太傅而輟何者九成之臺基維覆簣萬里之塗發於尺輶言有所累也卽公之勲名曷亦直人也人亦汶之所累爾民知有令不知有卿若之何疑於顯乎且以今之所易而知向之所難使中都之政永爲則於四方是碑也無亦袞衣章甫之餘譔而稱聖師之教與李君以之言復劉

穀城山館文集卷之五

三

公曰甚善哉哉之室史可也勒之石碑可也趙公名可懷四川巴縣人嘉靖乙丑進士以司馬中丞出鎮於楚劉公名廷柱湖廣江夏人萬曆壬辰進士李君名某直隸肥鄉人萬曆辛丑進士

兗州新建嘉禾館記

蓋古者諸侯牧伯分域臨民固必有崇宮開館以饗禮賓容示大觀於境內非好爲侈泰亦政體也後之守吏信宿其官媿幸不煩之名以塞

殿最未必有所節約徒示陋爾夫政在識體不惟其體之博狹而以小文自便亦胡以稱奉公之節焉兗郡介兩都之中使車之轍結於西郊館人不及汎濫而他無好會之所以脩賓主之歡前政蓋咄嗟之諱以動衆爲名莫之經畫爲日久矣吾郡倖劉公守兗之二年政通教洽旣備且閑適顧城廡之間有地博敞可規而營也乃出秩金爲倡滋陽武君受以從事庀工飭徒不教而具魯主聞而嘉之亟撤內殿之材以

穀城山館文集卷之五

三八

代其匱而館遂落成崇墉千雉障於其左泗水貫而出焉帶於其前闕黨諸泉之水環城而南紳於其右西則驛舍步武數十賓可以報謁主可以肆筵僚友可以宴息吏民可以瞻仰大國元侯之體庶幾稱哉館成莫滴爲名武君曰我侯蒞政而嘉禾呈適與事會以紀厥績焉于子曰此魯故也昔者周公輔理得異莖同穎之禾以歸於王而奄有東土春秋之法不書祥瑞有年則書二聖人之教不可以觀與交實以譽爲

宅而陸有列國之宇固海內雄都也以歲之不
良汚萊千里民幾無幸矣我侯佐郡六年受符
正位乃大振其統紀以與州邑良吏厲精奉職
日夜拊循其民若翦時稂莠而殖之苗茂滋陽
則隴首焉太和溫盜釀爲豐盈嘉穀之獻至數
十本又及年之順成而考卜繕修以崇大肅賓
之館所以弘師帥之模而昭其聲烈不亦邳隆
與侯復不自有也而曰自 魯賢王之踐祚布
德崇仁召和凝瑞豈伊我郡邑長吏之能賢王

穀城山館文集卷之十五

二十九

止面而讓茲惟 聖天子之醴澤膺承昊旻不
穀叨食茲土與二三大夫實饗其庠敢不祗戴
行也故史臣也竊聞民爲化原食爲民命古之
聖王抵璧捐珠五穀爲寶重所天也主之所賤
天無亦闕之以示弗用主之所寶天無亦章之
以示有徵此以答輔相之宜矣充之東部厥有
山澤之藏埴之穴之金氣不守若遁而流無寧
是黑墳之壤賦稱下下一二子遺之氓負剡木
而文之居然有一莖五穗之碩以薦嘉祉顧非

昊旻而何抑將以貴賤所繇不言而示以象也
其采而聞于朝 上且南面而讓惟皇降康用
丕釐此殊瑞是代寶玉之珍實惟良長吏之績
乃大致胙於侯者之石室後之繼而理者睹館
名而繹思以斯民之美利而有此燕樂之宇所
以勤恤惠養導而布之以永享其成周孔之遺
教爲烈焉豈惟是御賓合衆稱諸侯牧伯之體
然哉館之制正堂六楹榜曰嘉禾所取名也堂
前有池植荷芙蕖洲其中而亭之榜曰君子池

穀城山館文集卷之十五

三

前有塾屏其左右又前有坊堂後小山高若干
尺亭其下曰怡曠旁植竹樹森然成列經始於
壬寅十月明年四月竣工凡費若干帑與民皆
無與焉劉公名廷柱湖廣江夏人萬曆壬辰進
士武君名文達陝西涇陽人萬曆戊戌進士皆
一時郡邑之良會而成是舉可以耀於後矣謹
記

永平新建察院記

今制歲遣直指使者出按列郡郡皆有御史府

使者至監司除道牧守以下郊迎謁伏道左
吏執事以從所過邑不越信宿至駐節大府則
調集諸邑吏民考核功課已事乃去三輔重地
歲凡遣八使者各以事行郡送迎無虛日故館
必飭具云永平號爲左輔前所謂八使者蓋朝
夕臨焉故但有行臺一所使車具至往往假借
以居卽不遂譴讓長吏已惶怖深念如有所負
矣今太守辛君故嘗督餉是郡視厥故嘆嗟焉
已拜爲永平守乃召語盧龍令曰夫共承大吏

蘇城山館文集卷之十五

三十一

以尊朝常守土之責也賓至之誦何而館舍不
具以爲使者憂我其圖諸令曰諾迺於東址
隅望高樓下得地一區白于兵憲孫公及戶部
宋公請建以爲察院皆報曰可遂以屬令經始
於隆慶五年八月迄萬曆元年二月工遂告成
其制門二重門之內爲堂五楹堂之後穿廊長
若干武廊之後寢室五楹府史有居臺圍有舍
庖廚有所更衣有室有廡有除有階有墀前臨
大壑壑深無地甃石爲岸其上有垣垣以內樹

屏左右有館監司郡太守謁使者止焉崇規偉
構輝奕尊嚴儼然稱碣石之宮矣夫 朝廷所

爲遣使者行郡國豈直宣布璽書奔走二千石
刺察吏民明法令赫赫者哉卽如是三輔與外
郡等何以使車結軫相望于道是必有以焉矣
夫永平者薊遼要害地西則漁陽古北甲士十
萬擁護長安北當匈奴左賢部落諸入屯青山
塞者南向而牧其東控山海關烏桓鮮卑諸大
人推結入貢剽猾如羊馬而滅貊朝鮮冠帶國

蘇城山館文集卷之十五

三十二

一歲三遣使薦璧朝闕下皆道永平是其地在
吭背之間矣使者按行是郡臨見吏士帶甲控
弦之卒列屯而居大司農日夜輦輸士不宿飽
退而息於館聞邊聲中夜四起長風嘹唳寒入
肌骨不可以寐登高而望群山自西來隔越大
漠勢如風雨以屬于海其下皆兵氣也不凜凜
有請纓倚劍之心哉天子以邊圉之故日遣三
大臣分行九塞于此有車轍焉大臣法不數遣
籌度兵食以便宜白奏毋拘以故實與使者

蓋聞鼓鼙之聲則思封疆觀干戚之舞而志昭厲况履其地者哉第曰使者奉三尺刺姦利毋與行間非朝廷多遣法臣指也

節善碑記

節善碑者何師相沈龍江先生紀其里之卓行以爲訓也先生以帝傳元老退居河上維是彰善化俗汲汲於懷日討古之嘉言淑行以爲里子弟規猶懼其遠也因采父老傳說及目所覩記里之孝廉德義一節之合于古者彙而集之

錄城山節善集卷之十五

三十三

胡

鐫而樹之城閭使闐闐田野愚夫愚婦皆得聽聞而誦法焉夫巨壑帶地不謝涓流崇嶽造天不辭遊壤先生道冠民宗業隆當代一節之善畢入蒐羅何其弘哉夫善本降衷烏有小大聖神功化小善之積也故取節焉辟之曆筭節節而積之以成一歲辟之肢體節節而積之以成一身故曰是集義所生非襲取也夫襲之與集其善均爾然襲出于有爲集出于無心襲者必不能集亦不成其一節故君子不載也乃若愚

夫愚婦目不披書記身不開拱揖師友無規鉤繩無考入而孝友出而廉讓不知其美安知名實此真繼善所發矣世之君子高談性命究極天人至于愔愔玄虛意相俱泯推極其用無不苞絡三極一體萬物皇王之軌皆爲粃糠不旣太且深哉考其表素庸言庸行子臣弟友之間無所爲而爲者能幾何人夫其精蘊所含聖神功化皆在筌蹄之表而言行動天地孝弟通神明或不若愚夫愚婦之爲真也吾竊怪焉故道

錄城山節善集卷之十五

三十四

胡

之極致至于上天之載無聲無臭而其端始于爲已不言不動之地義之所由集也集而不已塞乎天地之間奈之何其馳遠而近遺乎先生以真修之學爲世表正將與天下共之豈惟是一鄉一邑之善夫由一節之善積之可以成一

人由一人之善積之可以成天下故曰善以天下仁里之士若珉尚垂求觀法以無忘百世之師四方將取則焉

人集十五卷終

穀城山館文集卷十六目錄

遊魯城記

遊泗上公記

遊嶧山記

遊雲翠山泉記

登泰山記

遊靈巖記

重修泰山三陽觀記

重修香山寺記

穀城山館文集卷十六目錄

乙

重修石佛寺記

雲翠山天柱觀記

銅城新建福果禪林記

穀城山館文集卷十六目錄終

穀城山館文集卷十六

東阿于嶼行著

門人郭應寵編

北海華可威

天中李時馥校

都門李本緯

男于緯重梓

遊魯城記

余少爲諸生嘗東遊闕里遡洙泗之流而未窮其勝歷歲滋久記亦不甚詳也萬曆己卯從講禱請告歸臥穀城再涉濟水信宿方山陟華不注絕頂開則棲雲翠山房從羽人偃息濟北山

穀城山館文集卷之十六

川大略不出芒屨而闕里在吾郡封內及其東南鄒嶧沂泗山水奇絕顧憚數舍不一至心數數念之如負會侍御孟君嗣孔亦居里中相與決策偕往因呼二客爲侶召廬山公之胤使駕車焉以辛巳四月五日出邑東門孟君冠雲山中衣都布單衣予角巾白纓以從二客服如余兩童子負劍其負琴皆乘一蒼頭負琴走二人執鞭以驅驢背風冷冷如憑空虛山間小徑不逢人跡鳥聲間關遞相迎送回視六

諸峰合沓蔽虧左右揖讓步異武殊東數十里至蘆山之陽帝陶唐之陵在焉因山爲墳不甚高大殿屋摧頽甃甃剝落古松數枝夾階而立相與顧嘆去之山下求蘆泉觀之泉清冷黝碧多生薦草高柳數行有牛蹄竅百臥高柳下溪上二白鳥方東向立孟君取柳盃挹泉水飲余亦自飲也又東數里過白佛山山卽古無鹽之墟其下石嶼長畝如羊數百鞭而過河日暮宿田家舍出坐石上田大數人荷鋤來歸箕踞相

北肅拜祠下階前翁仲華表苔鮮斑剝而規制甚古蓋數百年石也過祠又折而西乃至陵下再拜休於端木之廬孟君取琴鼓龜山之操客調猗蘭之曲和之余學操縵一鳴絃焉去而過楷木下其大數圍枯而不腐瓜之縵然若塗若拊皇覽記孔子冢塋中樹皆弟子各持其方樹來種魯人無能名者惟楷相傳爲子貢植也出登觀闕任氏以酒勞余爲之一酌蓋林之南端卽故魯北門城方數十里雉堞之墟隱隱可數東南鳧繹諸峰出沒皆際沂泗二水南北交流如拖雙練古之建國大啟爾宇於乎遠哉禽父或曰共王城也日晡入謁聖廟由左門入展禮階下仰視玉璫形擗金堂寶閣埒帝者之居階左有檜高二丈而無枝其理螺旋記蓋曰夫子植也殿之上下至於門闕碑石自漢魏至今無慮數百不可勝覽攝齊陞堂周遊廊序乃出登奎文閣奎文閣者卽所謂藏書樓也制甚環麗闔檻軒敞松杉千章蔽其前後不能一矚下

過東堂卽魯共王所欲壞宅矣令尹孔君設其堂下數爵而出行數百武至復聖公廟廟如孔庭之制其殺以楹而松木蔥蒨若或過之博士顏君設具於家大酌逮夜燭三見跋醉出城門曉雞喔喔矣目睫未交東方已作孔顏二君皆來就勞導遊文憲王廟廟據大陵居魯城中央蓋太廟之墟也主人請登伯禽之臺陞大庭之庫息於尼山以且遊泗上覆盃長揖敬謝主人而去又東數里至曲阜故城帝少皞之陵在焉

續修文獻通考卷之十六

四

陵如覆釜甃以磚石有壇一成其上不屋古樹數行枝幹半枯陵前百武有石龜二相向高可三丈碑臥地下厚亦數尺而長二丈蓋宋祥符中所修景靈宮遺址非爲陵設也制亦侈矣于子曰太史公適魯觀仲尼廟堂車服禮器低回留之不能去蓋所謂木水本原之思高山仰止奚足以云堯葬城陽不在東平界內意武王克商封堯之後於鑄鑄卽濟北蛇丘其去今陵不遠矣陶唐氏之裔葬焉郊子朝魯述建官說甚

其魯去郊僅三百里則少昊之裔近其故都與今制每三歲遣祠官奉璧祀少昊陶唐氏也

遊泗上泉林記

萬曆辛巳四月予從孟嗣孔柱史東謁闕里展禮既竣乃遊泗上出曲阜故城百武杜憲伯從殷從東方來車徒甚都適與客遇客從驢背上厲聲呼下車問主人避客狀從殷大笑君卽幸而過泗上不呼主人安能飛度客第行矣余等東行憇於少昊之陵杜君從西返過謂余等吾

續修文獻通考卷之十六

五

且先驅爲客治十日具客母庸辭薄暮至泗水投袂而入杜君舍也蓋是日杜君爲客馳百二十里未敢嘗食而予與杜君別且十年相見道故舊爲歡若夢寐孟君憊甚猶能鼓一再行而寢厥明同如泉林杜氏二從長君太學季君茂亦同行杜君亦舍車跨驢踉蹌欠伸狀如飛鳥且相顧笑出城十里觴於鮑莊之泉泉出石間數泓滙山麓下曲折北流得磐石數十武平如馳道水漫其上可羅胡牀八九置几而飲水聲

聒聒出於牀下固一奇也又東數里觴於石竇之泉其狀上下一坎坎石墻立橫啣一竇水噴其中雪濤如激如出車轂下與石鬬旁有折峽孟君懸綆而下取蠡承竇中水一漱而出又東數里觴於趙莊之泉其伏平地爲一石池深廣丈許泉出其中泓渟無聲厥色紺碧流爲石渠曲折宛轉可數十武濫觴而飲援琴鼓之鱸魚長尺有只凝然出聽土人曰泉故無魚異之此其去泗水二十里日已下春三酌而抵長君別

東城山館文集卷之十六

六

業宿焉蓋泗水之東至於陪尾泉之籍都水者以數十計其上皆有高柳數行參差縈繞不可徧觀亦不能記也厥明東行期至陪尾道旁諸泉不及矚目日中息嘉樹之陰又東數十里過下子之城乃卞明氏之故國莊子邑焉城東有橋過橋而東泝水三里則泉林也泉出陪尾山下其中爲寺山之左右衆泉夾寺環之一匝泉名二十有五厥數倍之寺右爲山之西面泗淵之泉出焉泉出石洞門高二尺許瀆瀑沸騰如

決渠堰匯而爲池傾溶澁濊折而西流趵突之泉出焉負巖直瀉埒石竇而大又流而西玉波之泉出焉突起平地如灤水之源而小會而爲渠悠然長邁其清見底水中小石平布潁丹縹碧五色絕熾與水鬬奇日光射之如繪如織泉多冽石予度其一梁之解衣寢其上水聲淙淙歛如轉輪冷如鳴球懸如匹練人影下窺如玉壺若有若無木葉蕭森天光沉浮急呼大白嘯歌沉冥不知有人問世矣起而過寺之左泉

東城山館文集卷之十六

七

出平地或三或兩布如列星各爲一溪更相灌注縱橫交互綺錯脉分林麓黝黢大木千章非楸非梧輪囷離奇擁腫拔舄如芝如菌如鳥雀巢效奇呈巧務爲相勝而其支幹下垂往往如虬龍盤踞其根上搏又若相噬或橫架溪上以通往來曰浮槎渡或出而臨水房蹲鼎峙上坐數人水流其下曰蟠木磯予與杜君坐蟠木上二仲與客坐浮槎或臥命僕從上流放杯折枝鉤之夕陽滿川藉以砂石映爲紅流與霞相混

而杜君方從一客校射林中呼之不至已而罷
酒佛子導余覽躋行蔓草中徧走諸泉如紫英
白石蓮花鳴玉琵琶五星之類皆爲譬其名義
至不可記而寺則頽矣主人肅入使館飯而命
榻予不能舍泉出臥度石之上水聲淙淙月光
在波如流華燈煜燁不定返而就寢明旦再酌
泉上命僕取文石懷之泝遊而出洲渚合沓出
於林中矩旋規曲將窮復有林盡天開回首茫
然如出桃花源也過下橋西三十里觴於杜時

穀城山館文集卷之十六

八

四

之泉泉卽長君別業大水四本可蔽牛馬杜君
酌而屬客此吾家泉請供卮酒又西二十里觴
於珍珠之泉泉大盈畝其深沒槍汎漚自中出
於水上狀如吐珠至是醉矣日暮過泗城南宿
于季君別業于子曰予讀水經脉水所從來蓋
出雷澤云澤方數十里春夏水拍空秋冬則涸
其涸也如雷鳴一夕而竭水溢陪尾山下爲泗
諸泉常有潭中器物浮出斯已神矣國家都冀
泗上諸泉北接汶洸南接河淮通漕數百里厥

功茂焉故設都水使者主之然其祇不列於瀆
故無秩祀環堵之宇夷於丘貉斯河臣所宜誦
也

遊嶧山記

予旣與杜氏諸仲遊泗上其明日敬謝主人往
登鄒嶧主人請從以四月十一日出泗南十里
過廬城之山山有異石大如榆莢其角六出中
爲旋窩如出一模蓋殊巧也又南數十里入鄒
縣界西望嶧山青蓮秀出主插天倪其後六峰

穀城山館文集卷之十六

九

湖二百八十三

魚貫從之如追如走如恐或後蓋泰山之南支
至是而盡以嶧爲華表也暮不能上宿於下趾
厥明僕人請登從山東面折而西南螺旋而上
山皆疊石相壓餘銜闔闢錯舉抵梧如閨闔相
穿轉側出入或有竅通天微射日影如在中雷
人行石中窈窕軀嶮十步九折忽滅忽明或失
足不能出大叫驚絕上數里至東華宮出糗糲
啖之抱膝而瞑稍折而西又上三里至仙人洞
洞以一石爲宮廣二十丈狀如覆釜可坐千人

有堂有室其室左右有鉾拆爲漏天穿出洞上洞之後一峰臨之狀如丹鼎丹鼎之上有九峰焉峰頂一石狀如彈子八分垂在外觀之神慄憂其且墜九峰之左有冠峰焉峰頂一石正方五分垂在外諸峰奇絕萬狀大都若此矣由仙人而上道益峻陁石如簷牙或爲圭竇往往三四大石爲壁與屋可蔽風雨其相連綴處不能以尺又上三里至白雲宮官前爲石壇壇上之石有爐有屏拱而向宮官負一洞洞中雕玉爲帝及群神之像其旁有泉仰出不竭可飲千人謂之聖水立壇上望九峰乃在足下使往視九大可二丈懸而瞰於巖如見之初愈益憂其墜也羽人具胡麻煑石華以進爲之果然客皆倦極布席帝前相枕而臥獨予不能下睫出步壇上觀群石之勝立者坐者倚者仆者揖者伏且拜者撐者拒者龍者馬者群鳥飛者獅象踞者虎豹怒相噬者杯者盂者鼓者彈者碁者刀者鍵者琴者衆竅相通各有形似如角觝曼延魚龍

百戲又如瓊林武庫萬寶俱陳急與之接而恐其失也石色黝黑苔蘚附之咸如粉繪而號中又多緋桃蘭草雜花成繡斐亙可愛因嘆造物者之奇胡爲乎雕刻若是羽士爲言往遊者至東華而止稍上至於仙人其達此者不一二耳又上則五花峰嶧之絕頂人迹不及孟君雅聞五花之奇絕欲登之振衣上不返顧杜君素疲亦贊其決予則攝袂以從道險絕不容足蹠蹠石鐸一人援其臂下引一人肩客足而陟之足去肩寸許而得蟻臂如是者數所至一石竅僅高尺許羽士曰此上五花道也余等相視而笑一從者岸幘擗鼻以腹履地手如泗水委蛇而過二客慕而從之孟君素臞見其狀奇益欲得五花而甘心焉一躍從客而入余與杜君坐石上待之遙聞其聲如出星漢下而以五花之勝傲予矣五花者以五大石爲峰其狀玲瓏嵌空如盆中所貯羊肚予聞而疲癢羽士爲言右折而至西峰與五花等余輒從客往登西峰至則

平立而揖五花蓋皆嶧之絕頂也五花之下有懸厓如砥石覆其上不盡數尺以一丸石承之如鈴中舌岌岌欲轉又一奇矣俯瞰山後壁立萬仞下臨無地六峰從之者乃如崕嶠難觀而山之前後泉流數十道微茫衣帶入於天杪東望連青諸山放於瑯琊黛色萬重閃爍出沒時日且西冉冉欲墮暮色蒼然長風襲袂爲之四顧敞悅曼聲而歌忽如羽化已乃由西天門下西天門者巖石爲永巷如出左掖卽秦皇帝刻石處也亦曰書門書門之下一石中闢謂之劍峰孟君取劍倚之又下數里從者忽喧而入鍾室予懸綆從之上不見明下聞水聲右折數十步忽然中開有石懸焉石之狀豐下銳上如鍾而無螭下垂至地所不接者尺三石夾而懸之所不接者寸鍾有篆文不敢讀也而視所入窅熒熒天光或見或滅出而東可里許至彌陀庵向月臥磐石上僧進豆飯露坐啜之堂無牀第枕羅漢足而寐厥明下山至鄒肅謁孟廟孟廟

之制埒如顏廟而博敞過之亦勝觀也杜君昆季由鄒東返孟君聞任城有奇石欲往購之亦舍予而西余從一客道郡城北行二日抵舍又二日孟君取奇石以歸于予曰予登嶧山其下盖有故城墟云土人謂之紀城非也春秋邾保於繹水經謂在鄒山之陽卽叔梁大夫之邑孔子生焉此其地矣而史傳孟母夢神人乘雲自泰山來將止於嶧墜而覆於孟氏子輿以生又何異也山川炳靈聖哲攸降豈不赫赫烈哉謂

遊雲翠山泉記

吾邑東南三十里有山曰雲翠雲翠之東爲大嶺山其北爲東流泉泉之西爲洪範池池之南爲扈泉其北爲石淙皆一方名勝山水也自予再請告臥邑里日置屐迹其間至不可紀亦嘗欲術其梗槩以其近左戶牖狎未及爲粵歲辛

已朱廷尉可大過而訪予相與爲十日之飲以
東南山水爲供六月十有七日出邑城行山谷
間過楮村別業飯於吾兄仲氏無妄出而倚馬
石淙石淙在楮村東磐石數畝中爲畫文水流
其中縱橫相貫朱令君有石淙大書磨崖鐫之
一奇勝也時大雨初過流水瀾漫無可著足相
與立溪邊柳陰數觥而去攜予季無欺侯甥允
吉與偕日午至洪範池大木可十圍蔽虧雲日
不風而鳴鳴聲如雨池水紺碧玻黎一色魚數
十頭往來聚散如浮空虛日光下澈鱗甲可數
又數觥而去揭溪水二重步至東流泉西坐冷
香亭上四顧群山如畫水木弄色鳥聲笙竽冷
風小和凜如深秋又數觥而去弟甥辭歸予與
可大至扈泉扈泉者山坳一坎坎深丈許如剖
大甕石塞其允水出坎中激流石上懸瀑而下
注亂石中勢如遊龍飛虹駕空擊霆與石爭鳴
只尺相對不聞人聲珠沫四垂飛霜歎雪洒人
衣裾心骨寒悚且一里而瀑乃止兩岸爲壑

坐食飲可大顧而嘆曰嘻予遊江南名山水衆
矣奇無踰此者使移而置之名城大都車馬走
集必且以爲蓬壺瑤水而猥在荒山絕境中樵
牧遊而魚鳥處則此泉之遭與予曰嗟乎吾所
取於泉者正以此矣可大一笑又數觥而去簞
燈出山折而西南從丘千坪之陽以登雲翠再
折至南天觀羽人許公揖客而入洞口流泉滴
瀝如漏巖月吐光長天一色風吹花竹芳香
烈夜分乃寐有吹洞簫者響裂山谷倚枕而聽
之厥明乃陟絕頂絕頂之峰有二其一正方高
數十仞謂之印峰其北三石壁立中高旁墮謂
之筆峰印峰西壁有巖有厦布席而飲西望川
原繚繞汶水微茫裁如衣帶巖上一鐫通天登
者手如決吻其行蜥蜴一歌兒從鐫中上歌於
印紐一人在下和之聲如出空中矣上筆牀不
能至至其坳坳有兩石相對各坐其一從者自
下舉觴手如楸株猿獠接而飲之東望巖山含
丹吐翠如圖錦屏客歌驪駒返過東流大雨卒

至雷電交作避雨亭上行厨告匱無以佐酒有
鯉浮水而其長徑尺又有鳬鵲浴水過客而鳴
從者皆致之鼎啖之甚甘兩竟不止宿中丞別
館泉聲滿耳如萬馬馳松風颯颯從而和之月
光入牖涼浸枕席又一時也明旦起漱泉水而
出緣山崖北行涉水草之間又至石淙仲氏持
觴而待酒三行謝去夫山水之間不在遊而在
適適者有與適也往予日遊諸山水無與偕者
卽有一二大夫詠歌相從在樽俎吏人之間方
蘇城館文集卷之十六
十六
且儼然講賓主之儀卽欲裸衣四馳叫呼水石
之上以發予之狂其勢無與也非吾可大安從
得之然可大非予亦不能發其狂嗟乎是惡知
其解

登泰山記

蓋予家岱山之下嘗再從子充遊其時率在暮
秋若三四月五方士女登祠元君以數十萬夜
望山上篝燈如聚螢萬斛叫鐙殷賑鼎沸雷鳴
彌山振谷僅得容足之地以上而其時水泉多

枯木葉或脫故山之奇麗珍瑰未露其十一二
露又爲人衆所掩意五六月之間水木方盛必
有瓌異之觀而居常以燠暑不能出卽出又無
與偕徒側身東望思焉寧歲辛巳六月予臥病
穀城山中朱廷尉可大倚舟廣川過而訪予相
與盤桓雲翠東流之間望泰山雲氣如在衣袖
於是決策同往以其月十有九日發東瀟泉上
行山水之間二日而至泰山下主人肅入館舍
明旦昧爽衣冠謁嶽祠祠在郡城坎方負嶽而
蘇城山館文集卷之十六
十七
官埒鈞天之居出登封門三里許至於嶽麓有
雙觀焉謂之一天門下車乘藍輿以上磴道鱗
鱗銍舒逶迤仰見峰勢崑崙崑崙崑崙崑崙崑崙
峻不容屐以爲決不可至行數里至回馬嶺玉
帝之觀在焉其峰曰瑞仙巖觀之前爲昇仙閣
憑閣望群峰友在足下而其上則又有峻者登
道益斗絕詰曲偃側而上樹四人以爲竿而中
貫一輿前人之趾履後人之顛後人之趾在予
皆上其後二人知之應邵所謂如畫重累人矣

兩旁丹壁翠崖巒峭崿雲霞萬色陰晴異態
飛瀑爭下濤翻雪噴流聲淙淙乍大乍細若懸
縷鳴環下而迎客而水簾洞之泉從山上瀾漫
下流注於絕壁以入破壑忽然而沒有時復出
石梁水積互相撐柱間以其耳目與之接惟恐
失之而不敢縱觀然後知此山之奇向者真未
得其一二也又數里過黃峴嶺西行折東北則
下而復上又前數里御帳坪在焉御帳坪者秦
人所從蔽風雨也當嶽半道負中峰而處左右

終南山集卷之十六

十八

諸峰兩面環拱石泓數畝泉流其上匯而下注
厥聲砰礚宋真宗駐蹕遺趾有亭亭前松樹二
秦所封五大夫也生石隙中不甚高大而榦皮
龍鱗類數百年物其決不爲秦時松可曉而地
則中阪無疑意好事者卽其地樹之從者曰松
有五雷兩壞其三非也五大夫者秦之爵級松
何必五假而封七大夫松又將七耶從者不對
又上則峰厓益險壁立插天其石皆磊珂相承
或圓或方或墮或長巉巖翠嶺不可名狀而其

垠堦之間色相種種望之迷瞢其丹而紺者爲
殿爲屋兩巖之間一隙碧而如帶者爲天光翠
而如髮者爲松蒼白而如繪者爲苔萬仞懸而
如鳥巢者爲羽人之居而俯視則谿谷碌碌不
可見又入又數里爲大小龍口龍口者石峽飛
泉如龍吐也小龍口之旁爲斗母觀自此以上
凡嵌崟之間爲仙靈神鬼之居者羅而列於左
右蓋所謂神房洞天百靈之府也又數里爲十
八盤古謂之環道望天門如一隻矢括在其端

終南山集卷之十六

十九

上盤如緣壁矣因謝輿拾級而上踰躍三百
汗如雨出天門之上左折而至碧霞宮碧霞宮
者所爲祀泰山元君也負玉皇頂而立抱五花
峰於前日觀在其左丈人在其右規制狹於崇
宮而金碧煥爛觀闕睥睨顧及過之其西爲使
館玉女之池在焉膏渟黛蓄肅有靈氣其旁巖
上卽李斯篆也予與可大就館更衣謁元君於
壇羽人贊祝出而臨五花岡巒糾紛含谿懷谷
雲樹宮宇俯在眼底下視郿城蓋藍卷靄汶洸

如線環之數周川原迴合縈青繚白提封百萬
不盈一囑由官左折而上爲青帝宮其後峭壁
數十仞鑄開元泰山銘又北上數百武爲玉皇
宮宮在絕頂古之封壇秦皇帝碑焉碑石青白
高二丈而無文蓋歲久夷滅或曰秦所以表泰
山其下有石函玉書於理不誣繞玉皇宮之後
倚闌而顧俯見四面群山蛟蛇蜿蜒如盤龍走
蛇遶七十二峰之下其支脉首尾歷可指數以
至於海而桃花明月石屋諸洞在嶽之背列仙

穀城山館文集卷之十六

二十

所紀金牀玉几之勝若將覩焉記曰天孫岱嶽
周回三千里以今觀之嶽隘乎三州之半矣又
折而東可一里許漢之封壇在焉石方丈許碧
而瑩膩屋覆其上又東爲日觀以且觀日不往
而南登舍身臺舍身臺者一峰斗出其平處可
數尺而下臨千丈以三石撐抵博尺有咫謂之
仙橋過橋而席於臺日光西沉霞色在壁風吹
冠裳聲如裂石於是相對大觴望見西南有千
家之聚橫以大堤黦黑無際諦視之雲也蓋雲

如烟火下博上銳平地視雲見其端此見其杪
頃之月出羽人吹笙和以歌音極醉而返山氣
懔懔枕席皆濕不可以寐出立壇上月光熒熒
星斗可拂俯視萬壑烟雲一氣茫茫正白銀海
玉波不可辨識道家所謂三宮空洞之天也往
聞人言山以夜半觀日出訪之羽人五六月間
平明乃出五更可往也於是坐而至五更秉燭
披裘以登顧見山中雲氣從澗壑吐出如一縷
烟稍上而大東西聚散車馳馬奔倏然往來

穀城山館文集卷之十六

二十一

三百五十三

刻滅沒於是可大大呼以爲平生未有從者盡
擁東方作矣回而東望有山數峰如臥牛車蓋
之狀而又漸沒赤霞半天光色媚麗間以碧綠
熠燿五色直射衣袂頃之平地湧出赤盤狀如
蓮花蕩漾波面而燁燁不可名狀以爲日耶已
又一赤盤大倍於先所見側立其上著兩長繩
左右汲挽食頃乃定羽人告日昇矣蓋先所見
如蓮花者乃海中日影非日也日且高蒸赤霞
與影皆沒而下微見一綫白混濛明滅羽人曰

海也又頃之日左黑氣隱隱一抹狀如連山長城可大示予此真六齋所戴矣羽人曰雲也可大一噉走望海石上取酒浮白醉而熟寐從者咸慄且呼予睨而心壯之回立登仙臺西望丈人越觀二峰近在目睫因顧可大往予與子充登嶽倚越觀望君今吾陟丈人峰可瞰太行呼子充也會疲不能往策杖而下氣益舒展每行數里則求嘉樹流泉或峰切片石拊膺而坐舉觴屬可大曰此非伯牙避雨巖乎夫高山流水

藏城山館文集卷之十六

三十三

三百七十四

車中聞水聲在足下者數里而至逆旅明日大雨主人請遊三陽觀告遽而行至百丈峰下望山上瀑布數道如從天下蓋在山之西南非舊所見矣岱畎生曰予覽古圖經脉地勢所由高下蓋北紀諸山負地絡之陰並太行王屋東踰常山至醫巫閭而止南紀諸山負地絡之陽連桐栢熊耳入於甌越江淮河濟所繇東下如建瓴矣岱宗獨立海上西向而揖群山汶沆沂泗出其支麓旋之如帶以入於海其狀若負展云

藏城山館文集卷之十六

三十三

七

遊靈巖記

予既與可大登岱以六月二十二日由岱之西陟折而北出群山夾道擁翼連綿桃花諸水由岱之陰南會於汶泉聲瀾瀾縱橫馬足鏘如鳴珂終日不絕林木蔽虧谿澗繚繞蓋行盡圖九十里而至方山也方山者岱之北支峰巒圍繞

四面峭絕斗如城郭與世絕境而以西面爲門
門之兩旁雙峰突立狀如華表志謂之朗公谷
入谷緣北麓行十八里而至寺下仰視山頂正
方如狻猊蹲踞南向而晚故曰方山紺殿崛起竇
樓千雲山之上下多松多柏多木蘭之樹多栢
與梓一望數里如繪如苔蓋所謂靈巖也予與
可大人寺小憩僧室覈茗更衣僧請登山以梵
樂導穿松栢之間而上其旁殿閣壇宇多鏤古
今歌詞碑石林立其始猶摩娑一二讀之後愈
益多不能偏覽也里許至一佛閣有鐵袈裟立
於地上相傳從地中湧出卽不可究詰而其迹
亦大奇勝頃之至甘露泉泉出佛坐漚而爲池
淵潭碧黛嘗之泔澹其稍流出微鳴松間聲不
甚大由甘露而上至五峰亭亭在山坳南面而
立群山環之如拱如挹在南者爲明孔山山之
絕頂石竇正開可容大車而人不能上視之窈
窕才如甕口左爲朗公峰一壁南向如世尊跌
坐前有片石人立而偃狀如作禮其旁諸峰玲

瓏峭崿如瓶如孟如香花供蓋天所以開佛土
也僧曰觀止矣出亭北望見方山之巔削成萬
仞絕壁熒熒丹紫閃爍曰此功德洞也有僧處
之遊者不至予笑曰嘻吾嘗醉歌題書其壁可
大躍然攝袂而上予拾級從之不至數十步厓
乃西折並厓而行鳥道斜懸僅容一趾耳如屬
垣石壁斗出往往如覆孟僂而穿之行三里而
至洞蓋爲大士像高可丈許洞門有石不盡厓
尺可受兩三人其下則絕壁也坐而觴且歌久
不能去東南望岱宗見玉皇峰宮如撮笠僧云
此其去桃花峪六十里而抵玉皇峰下因相顧
嘆疇昔之遊一何壯矣歌三闋而醉折而西下
有硤北出望濟南諸山烟雲溶澗咸在皆際峽
西大巖高數十仞與方山並狀如羽士肯坐曰
仙人巖可大挈一奚童年十一二聳舉而上躡
仙人之冠如掀蟻矇蓋方山之盛至功德洞而
絕而遊者少置屨迹卽有達官貴人探奇好勝
輒爲吏人所阻不得至而仙人巖之勝蓋予往

所獨探卽居者不知也時日已暝秉燭而下火光水影間以笙竽意僊僊乎遊方之外矣晚憇僧室室有別塢竹竿萬箇青翠異色厥明蚤興鳥聲嘈嘈鍾磬並作山翠撲人不可仰視僧導行殿之左角爲白鶴泉旁爲石鏡可鑒眉目石鏡西爲錫杖泉方廣丈許亭居不流僧汲以炊他樓閣塔院爲遊人所稱說者不能盡至亦不記大都宏麗莊嚴爲梵宇冠而歲久圯曼不治僧可數百墾巖崦之田數區斬茅管而食之

穀城山館文集卷之十六

二十六

又數爲有司所括以是僧窘寺且廢予爲三嘆考之水經符秦時沙門竺僧朗居琨瑞山從隱士張巨和遊大起殿舍連樓疊閣故以朗公名谷其泉亦名琨瑞西北逕玉符山又曰玉水而志稱後魏正光中法定禪師於此卓錫有青蛇白兔之異其言亦未必有據總之山形秀絕不類人境蓋所謂洞天靈府之別也金時丞相侯摯出鎮長清嘗宿重兵其地東秦十二之險又居其一矣幸而海國夷晏無有嘯聚之奸以

流實其地可當一校窟之非策也下山行百里至長清東郭揖可大而別

重修泰山三陽觀記

岱宗之陽爲淩漢之峰其下曰香水峪山坳平壤壇衍如砥俯臨谿谷雜樹蔚蔚泉石鏗鏘蓋嶽之輿區也而僻在嶽岑崖壑之間遊客居人無能至者嘉靖辛亥東平道士三陽王公窮遊四域徧歷名山將歸而隱於嶽麓乃攜其徒華陰雲山智公輩周爰相度得是地而樂之伐木

穀城山館文集卷之十六

二十七

薙草鑿石爲窟以居德藩常侍某嘉其苦行捐貲相助稍稍營葺廬居莊嚴神宇未竣而沒雲山承之廣結衆緣大興締造彌歷三紀結瑤構瓊輝映巖壑四方道俗香火醺祝歲無虛月而是觀之勝幾與嶽帝之宮比雒而埒勝焉可謂非常之勛述矣萬曆壬辰予嘗從二三客子躡屐東遊降自嶽頂由孫石書臺之後陟峻嶺三里轉而北行遂至觀下入門三重得磴道而上有殿有閣以奉玉帝命曰混元左爲客寮四楹

以待遊鑣階下有泉匯而爲池羽人飲焉閣後有洞方廣丈許命曰朝元曾公居之由閣左上磴道數曲茅亭三五基置松間鳥鳴雲飛凜如異境峰之半壁孤亭出焉顏曰木末登是而望忽若飄撇上騰以臨雲霓神霄芙蓉諸峰環之如展青入天倪南俯川陸勢盡數百里徂徠梁父拱挹左右以朝於嶽汶水出其下茫茫如練蒸爲浮烟長天平野混以返照丹翠異色裹徊嘯歌暮不得下頃之月出東峰風林颯颯憑闌

穀城山館文集卷之十六

二十八

上下顚氣迴合如汎銀海肌骨凜凜不可以留信乎仙聖之秘境寰寓之大觀也嗟夫以是地之名勝列在三宮空洞之天歷數千百年莫有知者而雲山之流能得其奇而出之使荒榛灌莽之墟化爲丹臺紫府矜壘四方豈山川之蹟亦待人而興與吾曹逐逐利名汨沒白首進而羈於風塵退而牽於家累曾不能探奇選異自卜菟裘於烟霞窈窕之境徒遊而心慕之視雲山之流其亦可愧也夫泰山山下趾甚多列真之

迹如傳所稱稷丘君安期生尤其著者雲山之流豈嘗受其寶訣而有所歸與三陽名陽輝雲山名復明觀舊以菴名予爲更之俾其重修山門以恢厥制復度其徒某人爲東道主若將從而棲焉姑因其請而記之云

重修香山寺記

環吾邑之三面列嶂如屏而香山一峰突出平地峙其坎方大清之流挾東南泉水縈之如帶出於其左蓋其山最小而形勢獨尊於邑若負

穀城山館文集卷之十六

二十九

三百五十九

辰焉山故有寺不知其所由始父老傳說弘正之間比丘洪成嘗拓而大之遂成勝境其後稍陵廢僧徒散亡過者踟躕三嘆而無有能新之者嘉靖丙午寶燈上人性然住邑之南曹寺業行淳修聲聞遠播新橋處士吳君仁與一二里人聞其名德相與禮請至山爲葺茅屋三楹於殿之右又築石閣一字於室之南司馬殷公中丞李公聞而慕之各施束棹一具立堂三楹以爲禪誦之所迨歲庚申光祿殷君三禮又捐

金百餘重建正殿鄉進士吳君汝孝克成先志
增修堂宇益煥以麗上人之徒宗璽實綜其任
寺之名勝較洪成時不啻過矣上人者邑楊氏
子少以多病捨身空門具大智慧薰修淨業繙
閱經語了諸妙義今八十餘歲矣而願力益勤
不少退轉蓋利根也予嘗周覽寺宇登陟山巔
近則二水交流雲霞沃盪遠則群山拱護丹翠
繚繞前俯城邑百雉連綿右眺平原千里遼闊
至乃寶樹青蔥金姿炤耀法雲廣蔭慧日流光

蘇城山館文集卷之十六

三十

三首詩九

信鷲嶺之壯觀鹿苑之樂土也夫廬阜跨九江
之流而以惠遠稱勝會稽擅東南之美而以支
遁增高此二公者固皆思入雲霞行潔瑤瑤而
一時賢士大夫又相與結社棲息共遊乎塵壒
之表故使玄津不竭勝境常存斯蓋人假地靈
地緣人勝者乎上人理懷淵虛故自仰模林遠
又得名卿華胄相與尊禮卽此峰之勝叅之楚
越名山或亦得其彷彿歟寺之新也上人欲鐫
石紀成以志久遠來徵予言觀惟業緣積習障

生能所詎云不捨之檀能聞無緣之義雖然宅
生者緣業空則緣廢傳心者法言顯則法存故
執乎有爲之迹而寄於多聞之指矣乃作誦曰
我於佛宮中白大比丘言今此清淨土云何稱
勝境爲峰因寺顯爲寺因峰見爲復寺與峰相
因成妙域若峰因寺顯而彼諸名嶽高廣萬由
旬具諸丹翠相日月所回薄豈以佛宮故若寺
以峰見而彼王都城以無量珠寶莊嚴如來相
布金成殿閣豈以山水故爲復寺與峰相因成

蘇城山館文集卷之十六

三十

妙域而我坐佛前峰復在何處身望峰頂寺
亦復不見是故我當知此峰與寺者皆以智慧
種能修不二法而後成勝境譬人於暗室持燈
索鏡照及至照鏡中具燈光明明影爲是鏡照燈
無燈卽無鏡爲是燈照鏡云何在鏡中爲復燈
與鏡相因生光明移燈向暗壁見鏡不見燈及
至對燈光鏡亦復不見是故我當知此燈與鏡
者緣人眼根入若使盲者觀故如暗室坐今我
持是語亦非不二法本來虛空中無峰亦無寺

亦無善知識以及諸檀越本以無相空現此有爲相心既無所住相亦何所有我今了是義亦復無言說是故善知識當作如是觀

重修石佛寺記

濟北界中有大佛宮在邑西方二十五里不知何代莊嚴寶相非土非金非大旃檀以青玉石造成如來大光明相列諸大土及阿羅漢天龍人鬼種種法相無不具有覆以殿閣金碧璀璨門廊精舍咸有規制一方士庶共所瞻仰隆慶

穀城山館文集卷之六

三十二

六載歲在壬申毗邪居士住穀城山偶以行役過此佛宮忽有病厄痛苦呻吟五體臥地不能自起其從行人致諸藥品種說醫療了不能愈時此居士不勝痛苦因自念言當吾此身未出生時本無四大與六根塵指爪髮膚咸所未有則此痛苦又安從生當其未有本非真無則既有生亦非真有既非真有何名爲痛辟如夢中歡喜悲愁疾痛煩惱無所不有若使有人於其夢中推之使悟則此悲歡種種情識忽然無有

夢既無有覺從何立畢竟夢覺皆非真際作是思惟卽見如來於白毫端放大光明微塵刹土無不照見而此居士忽然安樂凡所病苦一時解脫乃至平生所有障礙俱得開解如居火宅衆苦所燒而遇法雨忽然投出得清涼境爾時佛宮有大比丘修行如幻三摩鉢提以善因緣度無量衆皆舍所受及諸結習獻財効技以作佛宮萬曆庚辰厥功告竟時此比丘白居易言爾蒙如來大慈悲念卽得解脫病厄疾苦當以

穀城山館文集卷之六

三十三

平生所最愛惜一切施舍而成佛事居士自念我於世間一切色相初無所愛何所可舍欲以無量珠寶黃金丹砂硫磺旃檀紫英穀玉莊嚴佛宮而此珠寶外塵爲體初不自內無益於法法無相故欲以汞丹松煤金泥銀粉書寫佛語雕鏤玉版如貝多葉函以衆香餹以錦綺而此汞丹以及諸品假物所就無益於法法無文故我今惟有無始以來結習口業纂組文字能記世間一切法相乃至毫髮細微無不能具我今

發願於世尊前舍所自有作石佛偈願我自今
盡未來世永斷諸業客塵淨想及百千億恒河
沙界一切衆生悉皆解脫病厄疾苦時此居士
割大比丘而作偈曰 我觀世間法不生亦不
滅非有非非有真妄本無際譬如如來身莊以
青玉石當其爲石時四大俱無有何從具佛性
而名爲世尊及其成實相跏趺坐蓮花臺微妙黃
金色普照恒沙界無量亦無邊豈復名爲石成
壞兩無窮究竟亦非佛本來泥闢時石亦非實
相非實亦非空不生不滅故我觀世間人不復
悟是理嘗以顛倒想出生死中當其夢中時
常以夢爲覺及知是夢已又以覺爲夢若言覺
是虛夢竟在何處若言夢是虛覺亦復無有非
夢亦非覺不生不滅故我當疾苦時悟此無生
法觀我六根相已如石中火而况身外物石火
亦無有如人遊苦海出沒波濤中而後得明珠
爲無上至寶稽首大覺尊願度一切衆皆證無
生法脫離諸病苦壽考且安寧同臻極樂土

翠山天柱觀記

吾邑之東南千巖萬壑環列如壁而其突兀從
拔者爲翠山之巔其狀削成四方壁立萬仞諸
峰莫敢望焉所謂天柱峰也以其形似亦謂之
印峰峰之北坳故元時有祖師殿四楹稻池一
區學士李公謙嘗爲之記謂之南天觀南天觀
者以白鴈池上有天平觀此在其南也觀之北
坳有平峰如几謂之丘子坪丘子者鍊師丘長
春也峰之東南有巖如壇謂之子陵臺蓋曰嚴
光隱此云長春仙于東海之上其徒擇勝而居
稱丘子之派固無定所而漢史著子陵隱於丹
國邑在齊之南境足跡及此理亦有之然皆無
所考據而其峰巒秀異甲於齊魯之交卽不必
有仙人隱士之跡而已爲一方之名勝矣元末
旣經兵燹臺觀頽圯化爲仙禽野鹿之宮卽有
探奇縱觀之士多以無所棲止望而不能至而
峰之秀異若有所鬱而不彰者蓋予少時所常
慨嘆而力不能爲也嘉靖丙寅悟菴許公道

始從濮陽來遊盤桓顧望若有神啟遂誅茅結
廬隱於其上許公者磊落有氣黃冠之俠也大
司馬舜澤蘇公符卿北山李公重其道術相與
捐貲助之許公亦以施藥拯濟能得人和四方
士女東祠泰岳者道出山下往來謁禮蟻附蟻
緣米穀而歸之屬輦負雲集禁不可止許公一
無所私皆以庀徒鳩工規恢觀宇其所營造日
以宏侈遊者益多 魯王聞其賢亦賜金若干
建玉皇閣於上既落成許公因觀故名微重於

穀城山館文集卷之十六

三十六

峰榜曰天柱遺其徒通安謁予爲記予自登仕
以來前後請告家居幾六七載以此山爲外舍
卽徵許公之請固樂爲山靈載筆不敢辭也蓋
今所修觀在故祖師殿之東有門北向城數十
級略如盤道謂之天門門之內有閣南向謂之
憑虛閣其高三成許公坐臥處也又內有閣北
向謂之長春閣其高三成貌丘公而事之四方
客至者下几榻焉閣之後築巖而竅之如二楹
屋謂之回陽洞洞之中坎地而泉曰天一泉泉

出洞而瀉爲池池上爲小橋別種花卉由洞而
右緣城數十級上垣而宮之謂之道院院之中
鑿山而竅之謂之許公洞洞之上卽所謂玉皇
閣也閣負離向坎其高三成而峻壯麗鬼煖煖
若鈎天之居矣閣之左有殿以奉玄帝其右有
殿以奉三元而巖之上下左右種杏千餘雜以
楊柳春二三月花樹紛郁山鳥多音儼然玄圃
石室中遊也由觀而上行可二三里乃得天柱
峰云而自有觀以來探奇縱觀之士始有所棲

穀城山館文集卷之十六

三十七

止以至於峰之下此峰之勝若因觀而有者許
公之功德於山靈顧不大哉蓋天孫日觀之嶽
賀海西向以受北紀群山之朝盤薄河濟之間
周回號三千里其北一支盡於歷下而結爲華
不注其南一支盡於鄒滕之間而結爲龜繹其
西一支盡於吾邑而結爲雲臺大壘二山其巖
益造天蒼翠萬狀皆若岱宗之華表然可謂奇
觀矣然嶧以秦皇片石遺跡千古且在南北孔
道車馬往來遊軒相屬筆不注以晉晉之戰戰

在左史又當東省會城冠蓋人文之都故其名
跡易著紀述亦廣而此山亭亭孤立峙於叢
之邑車轍馬迹之所不及冠蓋人文之所不至
故自元以來歷二百餘年以亘於今而始知有
遊之者則許公之功德於此山蓋若挾而置之
大道會府然而山之顯晦與遊者之遇與否亦
皆有時不可強也夫山嶽之體萬古不虧而宮
室樓觀與夫金石紀載之文其不能與山共
可知也無論學士一碑在藤蘿烟雨之間漫漶

穀城山館文集卷之十六

三十八

磨滅已不可讀卽所謂嚴陵丘子者固仙人
士之雄乃其遺踪忽恍若存若亡此足以觀
而許公猶欲假予區區之言以永其勝不亦左
哉雖然遠而要其有盡則山亦旦暮也近而觀
其無盡則宮室樓觀與夫金石紀載之文其成
與毀亦已懸於耳目之所不及而孰知其尾
是言也吾聞之鴻濛鴻濛聞之太始太始聞之
無爲謂因而爲之記

銅城新建福果禪林記

東阿城北四十里銅城鎮有居士沈源者高年
有行人也力田居積奉佛而善施日求利濟之
方而行之塗之饑渴無不鋪也道殣旅骸無不
掩也四方之琳宮梵宇津梁塗軌無不修也一
歲之入食其二三施其八九期不餘財於室行
年八十益敦弗怠聲聞膺衛間矣萬曆丙申乃
於城之北郭市地一區勸建法林爲堂四楹石
鐫三大士像侍者六尊後爲禪堂四楹屑香爲
佛前翼二室各四楹左奉伽藍右奉地藏又前

穀城山館文集卷之十六

三十九

鐘樓又前爲門旁爲雲水之寮列以廊廡環以
周廬其外規爲林苑畝之三十植栢與棗株之
四百又旁爲屍陀之林以葬死而無兆者焉費
可千金皆出已貲不假覓化而碧甃雕楹丹青
煥爛居然化城祇苑之勝矣居人遊客瞻拜咨
嗟咸曰勤哉居士夙植德本廣種福田人天之
報無量無邊居士遠巡對曰非敢然也自念生
於末法不逢佛日長於田野不悟佛語今也以
涓滴之添挹法海之波而欲寄望無生索償後

有其不然乎繫予身丁 聖世安享太平年
 百天上之不能修予授綬以敵王愾下之不能
 傾貲輸輓以佐大農維是蓬蒿之隴日食其租
 稅之餘以承蜩擊壤而嬉何福消之常恐重其
 罪業獲戾於天故今爲是宇也以朝夕頂禮焚
 修邀覺皇之法力望闕廷而祝若麥丘華封之
 老然何後福之敢冀予聞而嘉之夫佛氏之教
 雖在棄俗斷緣以功真修而於國王父母之恩
 不忘報祝蓋亦吾儒忠孝之旨而名義殊爾居
 穀城山館文集卷之十六
 四十一
 士高年布衣非嘗食升斗之祿而興建佛宇旦
 夕焚祝以祈 聖壽而報國恩可以愧世之昏
 綏鼎食而忘其國憂者與菩提達磨以人天小
 果爲有濟之因蓋師亦謂檀施修建止名功德
 不名功德正謂里氓捨目前之貲冀他生之報
 以有爲爲之爾居士以田間之老能舍其身財
 建立以弘大願而維以祝誦爲緣何功與德如
 之而云有漏乎哉故詳紀其規制使僧徒守之
 毋俾其宗人子弟圯焉卽居士之壽與名日

佛法並遠寧不爲薄俗一勸與

穀城山館文集卷之十六

四十一

二十一

穀城山館文集卷十六終

穀城山館文集卷十七目錄

明故資政大夫南京戶部尚書贈太子少

保東村曹公墓誌銘

明故總督西三邊兵部尚書兼都察院

右副都御史贈太子少保謚恭肅毅公

石公墓誌銘

明故奉直大夫四川蓬州知州竹山劉公

墓誌銘

明故廵功郎建平縣丞潛石謝公墓誌銘

穀城山館文集卷之十七目錄

乙 周

明故大中大夫山西布政使司右叅政東

巖栗公墓誌銘

明故平政大夫直隸安慶府同知秀津周

公墓誌銘

明故卿貢進士少虛先生趙公墓誌銘

明故翰林院檢討玉菴梁公墓誌銘

穀城山館文集卷十七目錄終

穀城山館文集卷十七

東阿于慎行著 門人郭應龍編

北海董可威 天中李時復校

都門李本緯 男于緯重梓

明故資政大夫南京戶部尚書贈太子少

保東村曹公墓誌銘

萬曆乙亥九月三日南京戶部尚書東村曹公

卒於里第守臣以聞詔贈太子少保賜祭二壇

使使葬於故兆越十年甲申厥嗣光祿君鑰具

穀城山館文集卷之十七

十 周三百八十二

狀徵銘誌曰公諱邦輔字子忠兗州定陶人也

高祖世才以上居晉之潞城曾祖昇始遷於陶

家焉大父贈尚書公剛娶某夫人生七子而贈

尚書公良廣最少贈尚書良廣娶徐夫人生三

子而公最少公生負異質文詞儁雅總角遊鄉

校有名嘉靖辛卯舉山東省試明年壬辰第進

士授元城知縣丁外艱服闋再除南和其治兩

邑大概廉平不阿務裁省浮費與民休息元城

歲侵振貸有方多所全活南和有六豪吏避不

問公按其罪服之境內凜凜毋敢越繩察能擢
監察御史巡視河東鹽政釐革為多課溢常額
後御史多循其法乙巳出按陝西會虜太入上
郡殺酋男女數千掠馬牛羊十四萬將尉守臣
匿不敢報更以提聞公行部得狀上疏劾奏

世廟怒逮大將以下七人咸論如法秦宗人
惟扇殺人而焚之治十餘年不決公至一訊而
服奏寘憲典宗人嚴之他所清雪冤獄不下十
餘條刺舉屬吏無不當其賢否其後由南都副

卷之十七

二

三

卷擢湖廣按察副使未上丁內艱服闋詣闕添
註河南副使閱視邊功事竣還報以所居官管
理河道至則大盜師尚詔流剽賊陳以往兩河
震動下所在將吏捕治公監其軍一日猝報寇
至監司諸公咸錯愕莫知所措或走伏匿公率
吏士往禦吏蹙蹙莫敢受甲公提刀躍馬馳入
賊壁眾不得退則賈勇嚮賊一以當百賊懾而
潰遂破走之再戰而平河淮南北賴公保全小
民尸祝於室霍御史冀上狀

山西叅政防秋鴈門虜嘗一入失利而去論功

賜金再擢浙江按察使行而值倭夷寇吳越廷

臣推任開府者以公名奏道中拜都察院右僉

都御史巡撫應天等府地方總督糧儲倭寇薄

南都城下公大衆破之追北至蘇州敗之泚

豎又追至楊家橋再戰走之公以文臣將兵韜

畧附注旬月不解嘗一日七戰皆捷前後所將

卒斬首虜六百餘級副將何卿軻於東溝公往

之以神鎗火器擊破賊舟賊遂敗去周御史

卷之十七

三

三

如斗具以質素而會督察趙文華求賄不得反
用他敗績坐公文華既有內主廷臣莫敢為辯
有詔奪公爵為士伍徙居朔方後使者至吳聞
狀大慨率將吏生祠公失宗伯陸公樹聲大司
寇潘公恩皆為勒石紀其績而公終不自明也
至朔方日從諸生講說經史或有以司馬法質
正者亦為指授邊人士彬彬慕義焉居十餘年
廷臣交章論薦不召 穆廟改元乃起為左副
都御史協理院事又擢為兵部右侍郎協理戎

政其秋虜寇石州又擢爲兵部左侍郎兼右金都御史總督薊遼保定軍務至則馳上方畧以爲修邊自守非禦虜上策願罷省浮文一以練士爲務士練而邊事乃可論也識者咸是公笑而或以公數與虜确恐萬一疎失損國威重則上書請召還公貳其樞如故非其志矣居久之拜南京都察院右都御史掌院事其明年庚午輔臣趙文肅公議更營制荐大臣知兵者三人以公爲首乃召爲左都御史提督京營戎政未幾城山館文集卷之十七

其行誼使者下記所司祀於學宮公爲人豐稟瑰岸氣充神王面如渥丹天性忠孝志在徇國不避夷險談天下利害抵掌掀髯情神恍惚通居塞上熟見邊事夷情常欲以身死疆場爲朝廷掃清朔漠而世無能任也登仕四十年苦節清操始終如一從吳中逮入有司上其月廩公曰吾不能爲國平寇以是得罪何言廩也揮之而去其去薊鎮亦然官至上卿名田不過數頃一老蒼頭應門寂如寒士性不喜酒亦不嗜音樂居常靜處一室披閱文史沉思竟日有得輒楮記之嘗以爲越中之學乃禪家頓教與洙泗間殊指又其立勲涉世多以機智取捷而不要於誠心弗是也著書闢之書成使上諸朝諸公勸止焉公曰後世當有是吾言者乎公自少至老所志所行無一事不可質諸天日蓋古謂不愧屋漏公其有之而旣益以才至於効死報國有馬伏波之志而不究其用世以爲恨焉元配某氏累封夫人子一鑰以邑諸生任入太

學授光祿署丞士行端謹能世其家娶張氏儀
真承貢之女封孺人孫男一如琦孫女一銘曰
維曹建國以肇氏或別而遷居潞水食於舊域
自晉徙四世而昌公則起執法殿中爲綱紀出
總戎昭亂畧爾左屬橐鞬右鞭弭丹誠報國天
日矢鴻勛茂烈著圖史神光炯炯其未死于胡
藏旃河之涘河水悠悠旋且止螭碑玉篆藝桐
梓於千萬禩延後祉鐫之樂石詔來祀

明故總督陝西三邊兵部尚書兼都察院

蔡濟山館文集卷之七

六

三百三

右副都御史贈太子少保謚恭襄毅菴石

公墓誌銘

石恭襄公者青州益都人也諱茂華字君采號
毅菴先生其家世著者自澤州公瑛始澤州公
生銘以詩魁東省仕河間府通判河間公生存
禮第其科進士仕紹興府知府是爲公大父紹
興公生麟號富亭公舉明經不仕是爲公父富
亭公元配曰公夫人公夫人無出佐室曰張夫
人公之母也公少而岐嶷警敏舉止端毅偉然

成人讀書過目不忘爲文辭滯毫立就紹興公
心奇之垂髫補博士弟子學使鎮江呂公目爲
國士徵肄湖南書院名伏一時嘉靖癸卯舉山
東省試明年甲辰第進士授濬縣知縣年方弱
冠率三輔大邑節浮攜好興學育才不事鉤摘
而能得情實他邑有訟不決請下濬治莫不稱
平召入爲戶部主事監督草場時大將軍仇鸞
幸用事奴客請芻蕘不奉約公輒以法繩之鸞
頗恨公其後奉命擊胡公爲治果鸞實無意出

蔡濟山館文集卷之七

七

三百四

師謂公書生畏事欲惜以軍興因自解也則使
請公大軍且出幸以輜重先行必無後費公咲
曰老兵虛喝耳趣召軍吏嚴裝敬謝將軍郎出
塞矣鸞氣大沮終不敢出亦卒無奈公何兵罷
還部主視奏草方大司徒器而亟稱之歷負外
郎中六年擢爲揚州府知府會倭寇踰淮江北
騷動公至拊循吏士練簡土兵爲城守具甚設
幸臣趙文華奉命視師部使將吏爭饋遺之惟
恐後謂揚天下膏腴地以便宜發兵命守親出

欲以取賄公曰守臣職在城郭法不出境萬一事殷惟公馬首是瞻何所逃死文華亦沮其後倭寇再至公皆敗走之上首虜數百級加秩一階已未遷山西按察副使未行丁外艱歸廣陵父老遮道哭泣去而尸祝之壬戌復除河南副使甲子擢陝西叅政丙寅進按察使再閱月拜都察院右僉都御史巡撫甘肅公居藩臬用簡易肅整爲僚屬倡所在翕然稱之其未至甘肅也轅門之卒嘗以餉不時給甲而羣譟公旣下

穀城山館文集卷之十七

三十四

車立殲其魁數人一軍懾伏莫敢忤視其後虜嘗一入發兵敗之上首虜數百級丁大母劉夫人憂去位會虜陷汾石三晉大敝朝廷求才臣往撫又以屬公虜大酋入塞謀襲老營堡堡之黠卒門焉公命副將郭琥以兵先入縛卒於獄明日虜來城有幟矣卒未入爲兵部左右侍郎所圖畫事宜悉中窾綮楊襄毅公倚之癸酉進都察院右都御史兼兵部左侍郎總督陝西三邊軍務全秦塞障延袤五千里北與胡構西接

諸羌其難甚於北邊公之往也雲中和市初成套酋以甘寧二鎮市所要求賜物欲視其左方邊無以難也公諭以西北邊羸縮不同與爲期約不使越額而微結以恩酋稽顙受要束無敢驚語久之羌夷作梗次更民馬牛道塞不通公焚其部殲焉其旁七十一族皆來請命遂爲外臣丁丑三年報政西虜貢市奏功有詔賜白金文綺習兵部尚書開府如故屬有國慶得賜策書大父父咸贈兵部尚書都察院右副都御史穀城山館文集卷之十七

九

三十三

請命天果大雨及條上救荒事宜請蠲賦省徭
廣發倉庾以賑活者萬計至泰六月內存撫百
姓外治兵食以積勞嘔血卒於軍中諸邊將吏
莫不流涕守臣聞狀從弟司徒郎繼芳爲夫人
上書下禮官議以公砥節礪行竭誠死官詔賜
祭二壇贈太子少保謚曰恭襄遣使營其葬事
嗚呼可謂備矣公爲人修飭儼恪容貌甚莊不
輕語笑有所裁斷片言微中大事立決其區處
政務一以周慎度不百全不肯妄發發輒至當

穀城山館文集卷之十七

十

三

平生清慎自持不越檢押在位四十餘年始終
一節家貲不稱其官里人信焉沒而歎歎悲之
生嘉靖壬午七月九日卒萬曆癸未十月二十
六日得年六十二歲配茂氏長洲丞某女累封
夫人子二長恂官生娶大同府知府高公繼薦
女次惜聘山西叅政邢公珩女始河間公二子
長者存仁仕青縣知縣次乃紹興公紹興公之
世旣已貴盛至公大顯而青縣公後三世舉科
名仕大夫郎吏諸石氏皆用清謹立節有古萬

石君家風於是海岱河濟之間稱名族鼎甲必
曰石氏石氏云司徒旣爲公請得恩卹乃以張
中丞狀謁行求銘行里中未學嘗從公於朝及
聞諸大夫談說以載筆之役敢不聞命竊見當
世功名之士率以恢弘霍落樹績疆圉獨公用
廉慎一德兢兢不失尺寸勲伐爛焉迹其恂恂
謹重言不出口及亢豪將寵臣嶽峙電激又何
其雄心奇氣千萬人不縮也夫世豈不多才要
以善始令終士無後言如公亦罕矣嗚呼懿哉

穀城山館文集卷之十七

十一

三

銘曰 維負海之國大宗有赫世胤其德天篤
佑明昭登鉅卿丕顯有聲聲尹濟郊民歌且謠
晉於天朝出營四方有紀有綱厥績用彰惟監
開府再鉞西土膏流如雨如雨如霆氏羌震驚
大方以寧勤哉公乎王事拮据盡瘁以殂 帝
圖乃庸錫恩則豐嘉號顯融撫膺丘原壤墳且
堅玄官考焉石尺有尺藏諸萬祀其文則史

明故奉直大夫四川蓬州知州竹山劉公

墓誌銘

公諱受字子中竹山其自號也上世出清澗有
憲副公景賢者元末避兵洛川遂止家焉五世
而至光祿公琦嘉靖中舉進士爲兵科給事中
以大獄直諫謫戍遼左隆慶改元錄贈爲光祿
少卿故今稱光祿公云光祿公配景夫人生二
子長即公次者菊塢君愛公生而有異質年數
歲讀書通大義光祿公嘗夜觀天象挈公指示
之及後復問盡識其處光祿公大喜即以步天
歌授之浹旬而畢常於廷中仰天指畫有客過

穀城山館文集卷之十七

十二 周三百廿四

召問即爲客畫几案喻狀識者異之光祿公戌
邊公方十歲當從母氏西還動容請曰奈何父
東兒西因泣然啼光祿公不忍釋遂携以東時
中丞周公撫遼嘗爲光祿公置酒公從立其旁
周公令屬一對曰龍吟虎嘯風雲會即以兔走
鳥飛日月明應之一座驚賞方是時戍邊者方
山盧公東岩徐公初亭程公愛重公殊甚自經
史六藝無不口授以是公在遼數年學益進乃
歸秦從都授試列學官自後每試輒在一二而

仲君繼起亦有文聲兄弟以經藝豪關中即關
中諸長老皆以爲劉氏兩生取高第如俯地拾
也然公凡七試不第貢入補太學生嘉靖壬戌
謁選爲東阿丞東阿齊魯間山邑當長安大道
丞職又早取斬斬奉鉤繩幸無大過公至則毅
然振作日夜淬厲冀有所樹立大吏亦廉其才
諸佐史不能決者率以屬公久之名大起有求
盜吏士與良民有郤風盜株引之其人不能自
解使者檄公訊公立發其情求盜服罪邑民王

穀城山館文集卷之十七

十三 周三百廿四

虎當應重役賂吏改其名曰田彪兩人爭不決
公曰此必王虎也筆畫可增請府籍質之果王
虎也一點民居遠鄉不應徭賦遣使召之卽登
樓不下公書教示曰來則幸免不來焚其樓其
人遂自縛出丞之職治粟民往往歲賦羨金奉
丞可二千兩皆拒不受又檄監泰山香稅乃賦
詩邀遊其中未嘗操牙籌問奇贏數以是有廉
名上官下檄褒獎者以十數會漕臺課郡邑賦
上下狀公以不中格送部左遷出周主簿曲

有巨盜四人往來剽掠道上吏不能得公至即捕獲之部使以爲才令修臨洛城不數月而竣無何擢山西靜樂丞靜樂者太原邊縣直虜出入道至則攝令值秋防甚亟公繕治城障多爲樓櫓練習兵騎與村落爲要束令各自爲守虜陷石州之歲謀至靜樂見其有備即引而西靜樂以完楊中丞上疏薦公即以爲靜樂令已而中丞行縣見其城壯試其兵兵練喜曰非但賢令乃北邊一良將也先是靜樂數被虜民多流

靜樂縣志卷之十七

十四 三十一 十四

亡至是公招撫之約復其家三年於是得數百戶官爲具牛種墾田若干頃又訪復社倉舊址一歲中積穀萬石至其施賑徵處里甲覈解戶部商稅事事以已意爲法民甚便焉斬中丞廉其治行令邑人生祠之學宮以爲吏勸而王大司馬特薦於朝請毋以資格律滿考奏最璽書褒其治狀擢四川蓬州守方公受命令靜樂時太原部中諸邑或詣兩臺請改劉公爲令及擢蓬守太原部中諸郡又詣兩臺請留劉公爲

皆以成命下不能爲而公之名益赫赫著矣公之去晉即病以歲暮入蜀方廣詢利病下條教興革居十餘日疾作遂不能起公爲人孝友內行修忼慨慕義有俠風專急人之難平生好文多藏古書帖起萬卷樓貯之環以臺池雜植花木與仲君相對賦詩命酌意宴如也兄弟既有時名遊道日廣所至即與其豪長者交不握齷吏事公宦旣達而仲君亦貢入太學仕爲順義令稱畿輔良吏兄弟雖無科名然其文雅操行

靜樂縣志卷之十七

十五 三十一 十五

流聞海內士大夫爭慕說之不隕其世矣公生某年月日卒某年月日得年五十六歲配屈氏贈孺人子一諫有偶才以選貢入太學娶李氏知縣汝栢女繼聘任氏鄉進士秉乾女女一許聘楊大叅子汝登未室而沒孫男一小字蓬州孫女三俱幼方公丞阿時予尚未第辱公遊相歡也公卒而諫入太學謁予京邸憶公平生爲惻然久之而諫出侍狀請銘公之行予知之是曷忍辭銘曰 居而有令名今以長而世出

而有吏績今以彰而志沒而有遺澤今以寵而
裔三秦之僑儒豪士也夫

明故迪功郎建平縣丞潛石謝公墓誌銘

于生曰東郡蓋多名能詩家云以所觀記於濮
陽有李北山符卿蘇大司馬父子於臨清有謝
茂秦山人於朝城有謝潛石先生符卿以下所
著書布海內惟潛石先生不傳於世者惜焉先
生名註字汝集其先長子人國初徙家朝城高
祖景考以廢者致饒爲邑巨室曾祖郁舉明經

朝城山館文集卷之十七

十六

三十四本

官阜城丞大父珊以子貴贈都察院右僉都御
史父綬舉成化甲辰進士仕至都察院右僉都
御史巡撫大同卒於位中丞公娶張恭人有三
子先生其仲也生有異質五歲能屬對從經師
受書朗悟過人中丞公即其幕府僚佐醖千金
祠先生方垂髫即謝不受曰此非先人意也聞
者奇之初先生有姊嫁東阿劉仲公而仲公第
曰中丞範東公舉文學家居先生往來姊所因
從範東公遊文詞益進每督學使者按部常爲

朝城山館文集卷之十七

十七

三十四本

爲諸生冠即諸生亦皆謂謝先生過我也然先
生好爲古文歌詩而厭薄舉子尺幅唾謂壯夫
不爲從都省試竟不第貢入爲太學生以母恭
人老不仕其後補建平丞至而長吏不相中佐
史馭先生先生已不自得嘆曰人生適志耳
安能以升斗故罄折俗吏前居三月輒拂衣去
與濮陽蘇李諸君結社和歌往來無虛日晚乃
得導引却老方神骨矯健飲啖不衰即少壯人
遜之先生爲人修長爽勁儀觀甚美操履端潔
居家以孝友著中丞公雖貴家不甚饒其後三
子中分恭人從先生養兄伯以錦衣家居先生
每上恭人食未嘗不延兄與共也弟評有美才
先生爲擇師教之後亦以明經起家仕至郡佐
族嫂韓氏少寡無依先生逆而贍之俾視恭人
之膳韓由是守志數十年璽書表其里以先生
成之也先生旣老子孫四十餘人以禮讓訓飭
咸彬彬有文雅歲時繞膝爲壽至設數案不能
容一日晨起授諸小孫經季君匏方召客先生

從中爲趣治具已取古詩一帙覽置几上啜茗
一甌登床危坐而逝所著有邑乘八卷有獲集
四卷田上集十二卷江大司馬嘗爲梓之未竟
而罷故其書未全出也生成化丁巳十二月二
十八日卒萬曆戊寅三月十四日年八十二歲
配孺人劉氏先卒子男四長晉邑諸生次笈詹
事府儒士次弁詹事府儒士次匏丁卯舉人孫
男十四泠泮邑諸生浣選貢生洎汴汝汭邑諸
生湟汀池沅沘淄泳孫女十一皆字名族曾孫

穀城山館文集卷之七

十八

男八相桐枏枏梧楫楫價曾孫女三先生之葬
也季君走使請銘予爲感愴久之劉仲公子之
外叔祖先淑人早孤謝太君實子之太君亦年
八十餘而卒先生來送姊喪子從諸舅後謁見
退而竊嘆以先生之才藉令跨騰風雲列赤墀
文石之地詎不稱枚馬儔哉而抑遏一命以老
世又無知之者可不悲耶年躋上壽子孫振振
蜚聲天府稱其家聲古之文人才士未必有也
斯天道所褒益矣銘曰 太丘長之樹德厥后

延今漆園吏之養生以寢至今彭澤令之拂衣
匪倦還今執戟郎之寂寞守玄兮嗟乎此東
郡高士謝先生之阡也

明故大中大夫山西布政使司右叅政東

巖栗公墓誌銘

東巖栗公者諱祁字子登世爲山東夏澤人大
父以上隱德不顯父節爲邑諸生以公貴贈戶
部郎中母蕭封太宜人太宜人之賦栢舟年甫
二十有二公蓋生三歲而孤也稍長就外傳文

穀城山館文集卷之七

十九

日有聲煒然爲名士嘉靖辛酉舉於鄉明年壬
戌第進士授徽州府推官徵俗故黠好氣閭里
小不相下輒聚徒格鬪或有所殺傷人投諸水
火則詣吏訟常十餘年不決吏甚苦之公察其
情謂此難以法彈治便當爲好語三覆勸譬之
民反輸寫心腹有所感動老吏嚙指悚服乙丑
擢南京戶部主事權稅杭州杭州物力華侈號
爲金穴公益以清操自矢月俸之外魚鹽蔬米
無私毫毛越中士大夫皆慕而歌誦之已擢本

部郎中滿考詣闕隆慶辛未以望拜湖州府知府下車即移記與吏民約太守爲天子牧養百姓輕徭平賦相與休息不多爲條教以清其耳目令長以下皆體此意守湖二年政和役簡民無擾焉決獄惟務平反不喜以微巧文中人曰吾爲民父母奈何撓三尺法以罔赤子然至豪舞文吏銖兩之姦又無不立發矣郡海水災民大饑亟謁部使上書蠲其十之二三又漕卒故代他衛輸十餘艘請還其籍軍因以紓往郡

穀城山館文集卷之十七

二十

三百十四詩

多錢穀若賈人榷會歲致美金若干爲筦庫費公悉謝罷之湖人頌公至不容口尚書潘公每爲人言吾自兒時至今所見賢太守無如栗公矣乙亥權山西按察副使備兵懷隆去郡父老夾車轂泣送不下千人懷隆者在上谷漁陽間號當路塞東南護陵寢自虜款關少烽燧然治兵者常重其選非才識練習不使往故以屬公至則大修築邊公行視故亭障徒取文具雨至輒壞乃躬立畚鍤間勞苦吏士所築殊險固稱

雄又以其暇秣馬訓兵修屯庀具士每敢解甲以嬉軍中有訟不甚裁以文法惟管而遣之曰塞卒困極矣日負土石操戈寢所入不盈庾斛慊慊苦饑一傳爰書即三月廩立盡使當虞奈何以故所居塞整辦過於他道更士戴之居三年貢市告成有詔賜白金文幣即拜山西叅政兩臺交章薦公大臣閱邊還報稱公可大用而廷中議遂以公開府北邊矣一旦構小疾即不起惜哉公爲人豐順重厚舉止雍容美文詞平

穀城山館文集卷之十七

二十一

三百十四詩

恕不苛馭下取寬簡而持已獨嚴所至有廉名自筮仕往來蹤跡多在江左每歸北惟圖書數卷嘗自稱曰今爲吏試右職率務積橐裝爲子孫計多藏厚亡反受其殃或喜蓄玩好不惜千金購之至以賈怨不肖子持之曾不博一飽徒爲人指笑何益嗟乎有味哉是言足知公平生矣公生嘉靖丁酉五月十三日卒萬曆戊寅十二月廿三日得年四十二歲以萬曆庚辰二月廿六日塋於城東之原配高氏封宜人子男二

時中娶蔣氏舉人似曾女用中娶姜氏戶部郎中密女女二一未聘一字清平姚氏子宗虞銘曰謂仁周祐以彼貞母克昌厥后謂天可憑以此吉人而嗇其齡辟如導江坎而蓄之其流乃長騰騰原隰銘而藏旃維公之室

明故奉政大夫直隸安慶府同知秀津周公墓誌銘

隆慶戊辰天子親御大廷簪士臨清周公入對列在高等不佞行釋褐以從已公兩佐大府

穀城山館文集卷之十七

二十七

三百四十五

政聲流聞私竊慕之越六年萬曆癸酉予起告中詣闕道清源而北則公已拂衣歸倚舟相勞苦去又越七年已卯予再以病請告道清源而南則公已即世矣孤麟謁予舟中嗟唏與別已而奉狀謁請先君無似辱從諸大夫後無祿齋志以沒孤用痛心疾首號天無所葬有日矣惟是方尺之石敢徵惠記室其賜之一言以爲九原光寵豈孤是爲將先君實藉以不朽余悲其意不忍辭爲撰狀識之云公諱易字尚占其

湖廣崇陽人遠祖原公爲元翰林學士學士生庭慶庭慶生文彬舉永樂癸卯省試仕爲鎮平教諭以戊戌鹿過臨清卜居焉文彬生觀工詞翰有名公之高祖也曾祖子文舉明經仕印江令有惠政印江民尸祝之大父東郡爲諸生以高年賜爵父治爲選貢生有三丈夫子公其長也公生而岐嶷舉止凝重不類凡兒歲餘不言一日大人抱讀壁上書即指而啞然笑以是奇之七歲從里師學日受百餘言十五補郡弟子穀城山館文集卷之十七

二十八

三百四十六

員名稱藉盛郡守劉公器重之以公未室也問諸生中有女可字周生者張翁東陵請女焉卽今張宜人學使選諸生高等肄湖南書院公以垂髫與其籍歸而兵憲張公又延置清源書院受策三年至嘉靖庚子舉山東省試甫勝冠矣當是時大父父皆在堂家貧供養不備諸生從遊日衆時進修脯以佐甘旨又以其間廢居益田產久之反大饒足大父父驩之公有儒才既工舉子業又間爲古文歌詩皆入高品於書無

不涉獵釋典道藏舉能窺其秘奧有博物稱以故雅自負欲一當世用遊南宮三十年終不試吏其後果成進士選河南府推官故事御史出行部以府推從事諸推府者率用精核彊力能擿伏致行法以爲稱職公獨以仁厚處官有所決讞不事文深刺事郡邑務在弘大體吏有細過專掩匿覆蓋之素精法律獄有數十年不決率片言取服而大指在寬賈所平反重辟不下數十郡多礦徒吏捕得百餘人皆論死公曰律

穀城山館文集卷之十七

主四 周三百廿四

禁盜礦嚴爲之防耳愚民安知竊山海之藏而吏繩以爲盜論死乎業不能早禁又以微文殺無知者百餘人是罔之也乃坐其首餘皆釋之河壩有空地棄或議其租公以爲河者遷徙無常即今幸爲沃衍安知不復爲河白寢其事士民感之爲樹石頌德焉或以疑似論殺一家六人於法無當也公爲雪其冤狀六人得無死治者嫌之因短公使者所不得上第久之乃擢爲安慶府同知河南民泣而送之其後以入

上取道覲母夫人返而安慶有兵變大守別駕皆下吏治或勸公止道中待公不從兼程而入以身安集反側時議者欲盡寘之法公曰如此亂成矣自詣中丞臺白狀誅其魁而已初公在河南嘗以不時謁得過一使者至擢安慶而前使者方報命乃以故任論罷公士論愈益惜之公爲人修長岳立廣額豐頤莊重美儀觀天性孝友有人不可及者甲辰上春官聞大父訃即號泣奔歸不俟試竣選貢公沒而公遊太學夜

穀城山館文集卷之十七

主五 周三百廿四

常夢見之忽二日不夢則呼僕語曰吾忘親耶至忌日若歲時薦享未嘗不於邑悲哀也諸父同居四十年事之如父內外無間言二弟書禮爲諸生從公受業友愛絕甚一味之珍必與共啖以是終身爲人輕財好施年饑竭粟貸貧人而焚其券御內外姻族無論疎戚皆有恩意即有婚喪各以多少助之逮里人亦然而自奉甚儉尤忌殺生性又好客喜談文藝即仕法官不廢觴咏所過山水名勝皆有屐迹焉及掛冠歸

而四方知名士遊清源者又皆慕公來謁以詩相唱和著述日富然不肯自矜耀所梓第有洛下皖陽二集可少概見也公生正德丁丑九月二十九日卒萬曆戊寅七月二十二日享年六十二歲配張氏應封宜人子二長即應麟莊雅有文克家子也娶王氏次應龍先逝娶董氏女二一適太學生楊應運一適府諸生曹允閭孫女一字鄭協表於萬曆己卯十月十二日葬於西郊祖兆銘曰夫吏也刻削以爲能赫赫厥聲

明故鄉貢進士少虛先生趙公墓誌銘

吾邑在齊魯之交山川回伏豪雋雲蒸無論以名德著即博碩上文之士亦不爲少矣而其俗朴陋又善自閉故多湮滅無稱爲可惜也往時有司訓省菴蘇公太學定齋張公此兩人皆

聞強識善說古今然皆無所著述逸或不傳吾舅劉終韶氏吾兄無擇氏皆垂髫作賦倚馬千言然皆天閼以死其不聞於世固無足怪今海內所稱說惟外祖中丞劉公繼公之後則少虛先生最著而以孝廉老世尠知之主之成名難矣哉先生姓趙氏諱邦彥字元哲其先順天文安人也徙家東阿五世而及先生先生狀貌不大修長而甚髯豐頤望之矜莊及接士對客東爲燕笑多所傾倒其氣槩豁如也少而受博士經工爲制義然獨好古文辭及詩上下千古欲力追其軌度即又豪宕自負不能修小文卑格與俗士偶嘉靖癸卯舉東省高第偕計詣公車報罷輒以其餘金盡購長安市肆書僦一小車身臥其中載之以歸於虎窟山下鬚茅爲廬雜藝花樹閉戶下帷盡取經史百家之言日夜伏讀覃思著述求當於古而家故蕭然貧也平生勸駕金幣十九索之於書子女日衆衣食不給甚至啼饑號寒而先生終不顧其居去城三里

許經歲不入即入見邑大夫終未嘗請問有言也交遊親戚或生平慕之後見其業不就又落落難合多棄志不顧而先生亦不肯嫗嫗其間以故老而益困平生好食酒無所得錢時遣蒼頭負斗粟酤酒召山僧田父相對大飲耳熱眼白仰天鳴鳴歌而相樂也里中小兒皆相與竊笑之而莫能知其所以至萬曆甲戌凡十上春官竟不得錄於是先生年六十餘矣所善或說之曰嗟先生強學有年矣然而半畝之宮不蔽風雨一丘之田不供朝夕亦太甚矣先生之固窮也藉令一謁主爵高可得二千石下亦不失百里孰與抱只尺之簡而自令窮餓爲先生笑而不答蚤歲與先君請藝相得甚驩然其爲歌詩各有流別不能相下其後吾二仲長又以文字唱和爲忘年交晚乃得余余雖不測先生之涯涘然能力尊嚮之蓋先生於吾家父子每自謂平生知己云乙亥九月先生病卧不起呼札作書寄予曰僕今者長已矣所望於故人者方

尺之石可記姓名平生有文數十卷誠令世人見之死無所恨太史豈有意乎輟筆而囑諸子奉其遺書及博士東石張公狀表使京師求銘余居嘗慕先生爲當世才人恨其次塲今亡矣而又以遺札托我忍弗銘先生哉先生所爲文賦二百餘篇貫穿數百載自爲機軸不名一家詩凡三千餘首雄渾壯麗出沈宋蘇陳之體識者服之臨清謝茂秦與先生爲友詩法盛唐然先生風骨迥壯高者謝不及也而濟南李于鱗公視先生又壯故能爲世宗盟然先生第不著耳先生初娶張氏即博士姊先四十年卒繼室師氏先生多內凡有八男七女去非去顯師夫人出去蒙去疾劉氏姬出去矜去泰尹氏姬出去愆去尤董氏姬出先生旣沒諸子貧無立錫至以傭賃自給而邑人無周之者即先生遺草亦無能問而索焉黎陽朱君爲令雅慕文聲子乃出以請之刻其詩四帙文賦尚未及也于生曰甚哉才之難也千里而一士古人謂爲比肩

百世而語豪傑若旦暮遇耳然其人率多悒鬱
阨窮不得自遂趙先生以彼其才袒褐而終其
身天道何如哉司馬氏有言古者富貴而名磨
滅不可勝數惟倜儻非常之人稱焉嗟乎此可
爲知者道耳假令其人與富貴者並世而立市
人所俯仰又可知也文籍滿腹不如一錢豈不
悲哉銘曰 嗟乎士也寧有聞而窮乎將無聞
而豐乎彼隆隆者侯與卿千秋萬歲高臺平牧
豎行歌狐兔營先生之文日與星川澤鍾美焉
生也

明故翰林院檢討王菴梁公墓誌銘

梁氏其先關中人也唐末諱惟忠者爲天平節
度判官因止東平家焉至宋仕宦愈盛顯圖文
子相繼狀元及第適爲宰相著功德其他咸至
大官矣國朝有諱安者爲廣平知府知府生說
以監察御史出爲陝西按察副使副使生殺以
正德辛未進士爲吏部考功主事仕至德王

史元配孔氏衍聖公弘緒女也長史有九丈夫
子孔出者六焉而公爲仲公自兒時天資穎慧
銳志文史其爲舉子業皆取裁古文選詞華高
儔諸爲舉子業者咸遜弗若也舉嘉靖丁酉省
試第辛丑進士選爲庶吉士名益大起尋授翰
林院檢討公貌故偉麗白晳重頤眉目如刻畫
嘗奉使魯藩宗室吏民聚觀如堵相顧嘖嘖
九廟告成覃恩近臣長史公進階奉政大夫母
孔封太宜人明年同修大明會典又召入禁中
教習小內使書庚戌會試爲同考官所取士唐
公汝楫 上擢爲第一其時公爲檢討且九年
九年者法擢二等寔貴顯矣而言者以他事中
公有詔補外公廼仰天嘆曰已乎十年名第不
遂當漁獵澤中長與世絕安能折腰束帶俯仰
長吏前使制其文墨乎則爲書謝 上曰臣有
母老矣今臣不幸誼口語不願補吏願以故官
休矣 上憐而許之公天性最孝自其爲諸生
時居長史之喪哀毀踰禮至是奉太宜人家居

供養甚設侍疾衣不解帶爲里人所稱梁氏故
以閨第豪郡中群從子翁皆任俠文雅車服雍
容甚都公建家廟一字四時蒸嘗申以約束子
弟皆遵其教又買田一區爲宗戚塋地人又以
此多公公旣阨于仕進邑無聊迺遂杜門不
出多買千金佳麗鳴琴鼓竿飲醇歌樂爲驩酒
後耳熱嘯曰嗟乎人生如隙駒貴行樂耳彼驅
馳長安陌上即丹朱其轂何爲嗟嗟其志悲矣
公旣洽覽群籍雅思自見於世上下今古多所

穀城山館文集卷十七

三十二

三十四

考著故善岐黃言註上古醫經風角等書又嘗
爲東平郡志及諸詩文甚富皆藏於家爲人廓
達不拘豪宕有氣與人一見出肺腑不爲藩岸
其天性局度如是以善攝生故年五六十顏如
童子見者謂即百歲不啻也乃一夕奄忽而逝
惜哉配鄭氏河東運使公信女勅封孺人孺人
無出然賢而有度姬侍克憚無少幾微公亦甚
敬禮之諸姬子四長起家張出騰驤衛指揮娶
劉氏大司馬源清女次起宗劉出太學生娶

氏知州方女次起復范出娶侯氏叅議寧女次
起輅王出未聘公生正德己巳六月四日卒萬
曆癸酉十二月十二日得年六十有五歲起家
等將以是年十一月二十日塋公北山之原與
孺人合奉郡丞唐公狀走都下謁行爲誌公故
同時吉士多致穹顯凡至四相六卿他無不金
紫者以公之才藉令終其所就承會歛起其名
位何所不致而竟以一官老也茲其故子莫之
究詰矣吁哉銘曰 吁嗟梁公世華簪兮噫嚶
回鳳翥蔚詞林兮噫達而不究何陸沉兮噫東
川無返西日淪兮噫豪華終謝成莽榛兮噫

穀城山館文集卷十七

三十三

三十五

穀城山館文集卷十七

穀城山館文集卷十八目錄

明故資政大夫工部尚書黃淮公墓誌銘

明故南京戶部主事前翰林院編修東塘公先生墓誌銘

明故奉政大夫兵部武選司郎中前峰李公墓誌銘

明故鎮朔將軍鎮守官府總兵官中軍都督府都督僉事謙齋趙公墓誌銘

穀城山館文集卷之十八目錄

乙

明故文林郎惠州府推官舒軒先生鄭公墓誌銘

明故大中大夫陝西布政使司右叅政槐軒王公合葬墓誌銘

明故文林郎光山縣知縣巽菴韓公墓誌銘

明故勅封廣西道監察御史王公墓誌銘

明贈監察御史近野宋公暨配楊孺人合葬墓誌銘

汝府承奉春泉李公墓誌銘

穀城山館文集卷之目錄

二

城山館文集卷十八目錄終

穀城山館文集卷十八

東阿于慎行著

門人郭應龍編

北海董可威

天中李時馥校

都門李本緯

男于緯重梓

明故資政大夫工部尚書黃涯郭公墓誌

銘

郭公諱朝賓字尚甫別號黃涯故汶之大族也
曾祖玉隱德不仕祖順父緒皆以公貴贈資政
大夫工部尚書妣皆夫人公同產五人於行爲

穀城山館文集卷之十八

一

四弱冠舉嘉靖辛卯省試乙未成進士越四年
己亥授戶部廣西司主事辛丑遷山西司郎中
六年擢陝西按察副使備兵西寧居三年以外
艱歸十年乃出補河南管河副使又三年遷陝
西叅政分守關西居二年以內艱歸隆慶改元
補故官浙江轉按察使左右布政使辛未入朝
留擢順天府尹其年拜都察院右副都御史巡
撫浙江明年今上即位召入爲戶部左侍郎
總督倉場又二年擢工部尚書三年滿考

求罷詔予致仕歸歸九年卒蓋自郎署至爲大

司空更事三朝凡四十有餘稷云公狀貌魁梧

修髯目而博大渾樸口踐踐不利辭然深沉

有器局能任大事精於吏職斷決神敏御下寬

簡不爲妍媚小文人亦母敢干以私者往時大

同邊餉召商報中緣請托占鬻至乏軍與當事

銳意清之乃擇公往公念璽書禁遊民占窩而

郎中以貴近關請奪賈人利予之是弊自郎中

始也乃令邊商能轉粟者以力多少自占倉庾

穀城山館文集卷之十八

二

即有收券輒給銀鹽不必留蹕商爭趣之遊民
無所牟利不甚從貴人請比代羨二萬余西寧
羗民雜居吏多虐羗公獨以恩意勞苦與爲約
束撫臺用部尉言發兵勦羗公下令吏士分別
順逆敢殺無辜罪死所全活羗甚衆羗即有它
心公以尺檄諭之伏不敢動其後公去羗廼時
時反矣韓府奪民田民詣吏訟佃戶故匿不出
使訟者久繫公立捕其人鞠之契劑明白田歸
諸民宗室奴入市鬪變爲軍尉所攝因夜入官

舍擊傷軍尉懼而殺一小兒以誣軍尉軍尉坐死公讞其獄曰軍尉所攝有名無與兒事安從殺兒奴不敢隱遂貰軍尉其在浙尤久頌聲太作故事應解物料召商收買貴家與商爲市交關賕請乾沒鉅萬公思矯其敝博擇材吏良賈方給以直即民有備資自納收批至輒予價著爲式浙俗健訟即以殺人告言亦多淆亂不可究詰公令凡告殺傷人吏即以其日檢驗保平設無辜限後不得檢其俗乃衰兩浙水田故多陂塘備蓄洩歲久填淤豪家侵其疆塍不得灌漑公令吏一切濬治悉復其舊或告一武官與二十人爲盜獄已具公鞫其黨乃或居甌遠者在閩公曰豈有越千里同盜者且官與部士同宿止安從跳身作賊已核其實果寃乃俱釋之故事漕粟虧折皆責運卒補償死且不給公在太倉令於本幫本總均攤賠補一如議卑歲漕無欠工部時直上登極舉郊祀幸學耕籍大婚諸大典禮壇墀廟庭椒寢甲觀以次修營

工鳩材務從約慎工不告訕故時僦人領藏金錢不以時給僦人告困公謂朝廷資費以利用安取坐而困之以時按籍給予無後期者泐河役興上遣科臣行視所欲通渠長三百餘里多砂石不可鑿公奏運道方便請專用治正河爲急此可少緩也詔罷毋開膠河議與公預言難成狀上又遣大臣行視工費十倍初畫者在事亦猶豫莫能決公集廷議以請詔罷毋開時故相方銳於興作諸附麗鑿空者輻湊而進微公主持二役必興興且費鉅萬三齊騷敝工又不成故談士謂公有功於國以此其後河決崔鎮總臣欲塞決口漕臣欲毋塞公奏總臣言是卒遣使塞決如公議至今賴之公歷仕久諳於世事其揣摩利害言後當成敗咸如燭計臨事持重有大體不淆於衆所居官十餘任以廉儉稱河南雜治伊藩閉舍固局不通請問後諸治獄使者皆被污讟語無及公者所自操持如此公之去位蓋以星變自陳本詔勉留而言者微

水當路指謂大司空徒清謹耳無能爲也公遂
仕公平生好養生言老而益健飲啖不衰一
日忽病不肯飲藥以爲人生有命藥石何爲萬
曆乙酉六月十有一日考終正寢距生正德癸
酉十二月二十四日得年七十有二歲計聞
上遣近臣治墓守吏臨祭如法元配劉氏先卒
累贈夫人子男一即澹以任爲南京戶部員外
郎娶吳氏彰德府同知嵐女封宜人女二孫男
一某余讀漢史稱石丞相慶不言躬行醇謹無
與比而絳東陽二侯重厚少支言事不出口以
爲大臣長者任社稷重大司空質行類之然至
治民任劇盤錯糾紛若然理解意漢臣當之鴈
行避舍矣豈非所謂才誠具備者哉汶上自嘉
隆以來四尚書並出郭公最後予親覲記其事
如此然以所聞彼三公者大槩槩直敦朴不甚
相遠河濟之間先賢聖之墟風氣固然矣乃者
世俗靡靡日趣於媮諸前進之風烈奈何可復
觀乎吾次第公事慨焉銘曰 維岱獻之陽汶

清湯湯疇集厥祥有斐其章鴻漸虬翔在世
皇中葉誕升有列出而建節于秦于越茂三朝
之烈 帝曰維時股肱俾作司空覃猷矢忠四
序成功有倅令終公敏而朴如鑛如璞如河喬
嶽今也不作流風則邈洵美維原厥壤燦丹寢
成孔安史銘用鐫後人於考旃

明故南京戶部主事前翰林院編修東塘
公先生墓誌銘

太史公東塘先生以萬曆癸未南遷卒於滁陽
館舍明年卜塋祖兆子壽請銘于生曰嗟乎予
則忍銘太史異日東方人士闕於詞林之籍二
十年矣乙丑而得沈司成先生戊辰而予濫竽
辛未而得太史蓋三生偕計吏同也里人詡以
爲盛乃其遊亦甚歡焉今司成太史皆已乎予
何忍銘則取馮太史用韞狀杖淚而書曰東塘
先生諱家臣字共甫其先蓋魯公爲公衍之後
世居瑯琊至宋宣和中徙青之蒙陰家焉七世
祖旣宣德中爲廣宗丞旣生評評有二子其一

曰固始承恕恕生勉仁仕至都御史其一曰忠
忠生景仁封工部員外郎景仁生中憲公諱躋
奎仕至廣西按察司副使中憲公生文林公諱
一載仕至興濟知縣封翰林院編修先生其元
子也母曰某孺人先生生有奇質聰悟絕人垂
髫受書中憲公親督課之日誦數千萬言長而
從中憲公仕涉吳楚絕江漢而南至於百粵周
覽山川聞見日廣歸則補博士弟子諸齊魯間
儒宿咸謝不及也嘉靖辛酉舉山東省試第二

穀城山館文集卷之八

七

隆慶辛未第進士高等以才選庶吉士讀書中
秘每試輒右諸相公熟其志業咸器重之萬曆
癸酉授翰林院編修值上登極覃恩以制命
封文林公如先生官母封孺人無何以母孺人
憂歸丙子服闋簡充會典纂修官其明年丁丑
分試南宮得偶爲多奏進世皇實錄以校閱勞
賜白金文綺無何以文林公憂歸時中憲公在
堂年九十高矣曾玄五世聚食以數百指先生
爲家孫仰奉大父俯聯群從一如文林公時無

何承中憲公服三年闋而詣闕以辛巳大察
調授山西澤州判官以去先生故好遊也然其
在禁近不事與貴顯於將迎及江陵公奪情吳
中二太史上書先生善二太史江陵公曰公生
得無有疏二太史與出路河先生子鶴送焉偵
者報狀以是著蹕毗不能解又莫爲請遂及於
適然先生不自失也既至上黨日坐曹決事無
少軟軟束帶謁大吏視諸佐史大吏咸不自安
使門下謝罷太史居半歲乃遷爲廣平府推官

穀城山館文集卷之八

八

獄獄務持大體不爲小苛癸未大計部使上群
吏治行豫以所刺察請先生狀先生曰某尚
不知其人何知長短竟不實狀御史按吏民以
調刺麗文法多所寬濫先生白御史罷之御史
莫喻也已而詔書禁如先生指乃服其識故相
既敗人情洶洶不自安先生奏記河中公曰今
日之事去其太甚而已河中公深許其言以爲
明達國體頃之擢南京戶部主事先生故少病
然體頗豐盛不耐勞暑以六月南行至滁陽道

渴疽發背數日遂不起聞者悲之先生自上世以來代有簪紱及大父益顯文林公仕爲吏而先生與仲父一揚相繼舉進士諸弟子斌斌多文雅涵青之間慕公氏家世福澤以爲冠冕乃不謂先生留滯也先生爲人坦夷闊落不爲城府與人多情誼尤好延接寒士能周其緩急四方遊客爭誦慕之天性孝友篤於內行公晚歲病風痺在牀先生從一僕日侍左右寒暑不離仲弟家翰病先生與同臥起調湯藥數年沒則以一子爲後子亡又一子繼之子又亡乃已每臨弟墓涕泗交頤哀動左右才識敏練諳於世故談事娓娓口如懸河即老吏長年無以難也博及群書於諸子百家無不涉獵至六書樂律天文醫卜之術皆鈎其要指而不以自名其爲文辭歌詩風骨雋逸吐納群言而不事模擬見世之工文者雕鏤寸瑄妄意國能常薄而笑之蓋閎文博物儁儒也生嘉靖癸巳某月日卒萬曆癸未某月日得年五十一歲卒之幾年

邑諸生請於部使俎豆學官矣配李氏勅封孺人子二長即魯邑諸生娶彭氏大興丞夢祥女次齊娶伍氏教諭選女女一適呂茂才裴孫男二長桓聘舉人劉餘澤女次端孫女三長聘貢士王之臣子俱鴈出當公卒時二子皆有文聲而學使饒公品三齊名士數人以魯爲最云子生曰語有之力田不如逢年善仕不如遇合子鄙樸模其言以爲士貴自致耳何言遇乎以令觀公太史信焉子悲太史以彼其材令少俛仰時俗以中貴人長者遊其名行何不可至而太史直薄不爲倘所謂遇合天平人邪志稱齊俗舒緩闊達而好經術故仕者工自操持不工選世太史之不究有以也夫矢不激不遠水不伏不躍以太史之賢有材而終於阨塞豈天道邪故魯曹爲國上丞蒸起矣銘曰天之茫茫也孰是人斯而施未光也爲宋爲楠何短長也爲鉤爲戟試則良也天道無垠惡可常也千齡共盡齊彭殤也公其安居於此藏也吁嗟嗟傷哉

明故奉政大夫兵部武選司郎中前峰李

公墓誌銘

郎中李公者死之東阿人也諱學詩字叔言世居邑之苦山大父以上皆隱不仕父穎贈兵部郎中始娶趙氏生一子而沒再娶王氏生五子其次爲公王贈宜人贈公故俠士好客喜遊家殖中落病且死執公而屬曰吾觀諸子惟汝能大吾門嗚呼勉之是時公年十九諸弟皆少不能自給公於是甘貧茹苦日夜淬厲授弟子室

李公墓誌銘

十一

里中以奉母氏居十餘年學成舉嘉靖辛酉山東省試歌鹿鳴於濟諸同遊新第皆美冠服自喜公獨衣布單衣叅其間不肯更服客皆共視偉公以爲非常流也乙丑舉進士第授山西陽曲知縣陽曲治在會府百司所取給又近北邊轉輸饋運長吏叅焉公天性精彊有治辦才而趨府畫而考憲文而修令以星出入夜分乃寢爲治取明罰飭法令在必行不避豪右即六吏下記有不便於民必再三執請如法乃止

吏亦雅信公惟其所執而胥徒帖帖不敢有所侵枉山西故多逋賦即善催科十得四五公設法勸諭釐革出納之弊民爭入租常不施鞭朴而最有富人犯法請以財贖公曰財者彼之所輕法者吏之所重奈何以吾所重易其所輕竟置之法於是大豪相戒毋敢扞罔晉中部使數上書薦公已擢開封府同知開封者河南會府也即又時攝邑篆其勞甚於陽曲曹魏間河決晉公往來行視所區畫河隄輒當使者指汴中

李公墓誌銘

十二

多盜公所劄制率一語輒伏不事榜掠即有枉濫輒得昭雪精於決獄如此隆慶辛未召爲刑部員外郎歲中三遷至武選協司郎中丁王宜人憂歸里萬曆甲戌服闋復除故職其明年乙亥真拜郎中掌篆武選主天下軍職圖籍充棟郎不能一一閱曹掾以其間受賕上下窘諸武吏郎傳舍其官以爲去其太甚不一一程督掾往往鴈鷺行睨郎公每逢選月即謝絕人事竟日坐署中校其功閔即有秋毫之奸無不燭照

又屬武吏告曰若等號紙明白即不賄掾不
敢蔽即無號紙以千金賄掾亦無爲也掾有奸
欺公輒笞罵之曰若以我爲何等耶掾吾法者
立死矣故公掌選數年曹掾嚴之凜凜而武吏
以時襲官無所留滯然公勤於吏職兩任煩地
又處劇曹以至於病猶力疾治書不少暇逸主
爵以公爲郎父且推以爲副使未及上而病日
亟謁告還里登舟潞河行二日而卒廷中諸公
咸痛惜焉公爲人長身玉立狀貌甚偉莊恪有
儀不妄笑語其議事平法率一言取中而是非
可否確有定守不少回撓侃直陰重於世俗姍
阿之態若未嘗覩自奉簡薄不爲華侈其吏長
安閭戶下鍵疑塵滿席投刺如雲少所延接其
天性廉峭寡交乃爾然其中洞達平易不爲睚
眦諸生時貧故人親戚遇之或不以禮及後貴
顯其人往往愧畏而公相待如初畧無芥蒂識
者以是服之生嘉靖庚寅九月二十八日卒萬
曆庚辰某月某日年五十一歲配張氏誥封宜

人子男三剛克邑庠生娶侯氏典儀之翰女柔
克娶張氏散官志昂女念克聘樊氏上林丞士
雲女大司馬繼祖孫也女二孫男三女三剛克
以其年月日遷公於苦山祖兆泣來請銘嗟夫
予則何忍銘公往予與公同舉省試又同筆硯
吏長安又同時今公已乎回視舊遊宛如夢寐
人生世間真駒隙耳然公宦迹甚著四方知之
至其操心制行有不愧古人者他人不知也予
不銘誰銘者銘曰 胡榮於後而瘁於前而名
則傳胡豐於才而膏於年而世則延生也華屋
死則丘墟孰爲真宅孰爲遽廬嗟李公之居
明故鎮朔將軍鎮守宣府總兵官中軍都
督府都督僉事謙齋趙公墓誌銘
今世家名將蓋多出西北邊云鄒魯間故少談
兵即起自尺籍終不大顯惟趙將軍父子功名
甚著焉趙將軍者諱崇璧字國璋充之濟寧人
也父曰白樓公以指揮起行間當 肅皇帝時
佩鎮朔將軍印總兵宣府而將軍襲父官起事

今上亦佩鎮朔將軍印總兵宣府父子皆名將也白樓公爲人狀貌魁梧髯垂及腹而將軍頰面隆準音吐如鐘頎然修幹其在班列無與齊眉白樓公御士嚴有紀律而將軍沈鷺寬博得士心白樓公有才數而將軍用誠長者名然其廉而好施則父子一也其先世居魚臺六世祖榮洪武中從軍爲士伍籍彭城衛榮生忠永樂中從靖難爲副千戶籍濟寧衛忠生勝正統己巳入衛擢指揮僉事勝生雄雄生祿俱世其官

穀城縣志卷之十八

十五

祿生卿即白樓公白樓公配張夫人舉三子矣一日夢虎啗已寤而生將軍將軍甫六七歲器度老成嘻笑多驚人語嘗羅覓爲城斬竹爲戟分立群兒揮之左右如肄鶴列白樓公奇之及長好讀故記多所通曉亦善道說即經生談士莫窮其辯白樓公既老家居三子皆蚤卒而將軍齒亦長當承父爵以獨子奉晨昏不忍去白樓公力趣之乃行里丈人或善當路欲介書遊其名將軍謝曰辱丈人念甚厚第士方裹足出

門未有尺寸之効輒從長者求知即幸而試右非所願也里丈人益重之既襲爲指揮僉事屬有河工以將軍爲植所築堤堰視他校獨完由是知名檄掌衛篆益能其官擢爲都指揮僉事部六郡士戍薊門以勞受賞再擢中都留守正調萬全都司居一年陞大同平虜右叅將又六年陞協守山西副總兵官駐老營堡又四年召入爲中軍都督府署都督僉事提督京城內外巡捕會大慶覃恩特予實授封驃騎將軍大父

穀城縣志卷之十八

十六

父咸贈如將軍官人母母咸贈夫人蓋向者白樓公雖號都督未真拜也又三年宣府大將缺擇禁師廉有才者廷推將軍賜璽書遣焉至則徧閱諸屯堡部裨將修舉日夜行視不避風雨以是勞瘁踰一年所即病而會上謁山陵興疾提兵入衛至懷來益困疏乞骸骨溫旨慰留不許後三月又上疏請上憫其情賜乘傳歸而將軍已不起矣將軍兩世在北邊垂數十年邊人德之及卒一軍將吏皆爲流涕濟上父

老以爲白樓公父子賢有士風然皆無後相與累欷悲之將軍爲將善撫士卒與同甘苦而行法無所曲貸故所初建修舉皆精堅有法可垂永久其守衛篆也嘗核逸卒主名以所屯田出租取代更焉所部舟無後至而逸者亦復其戍蒔門建敵臺三第爲上上其叅將大同修石城五墾荒田二千餘頃造甲三千其協守山西修石城一造甲二千至鎮上谷所修營愈衆而未及奏功以沒會貢市告成有詔故將軍崇璧久

門

又馳書里人于生曰荷恩爲上將無以稱塞以天之靈幸奉首領以沒誠得足下一言傳其志行死且不朽敢因中丞以請後數日將軍果卒中丞爲調其棺歛厚賻遺歸而馳進士于君狀請銘予讀之三嘆旣嘉將軍達生死之故耻名不稱又感中丞交義古人所難也忍弗銘將軍邪或傳語予將軍以無子故多內遺命夫人遣之有二姬不去夫人厚予簪珥謝曰未亡人旦暮從將軍地下若屬年盛安歸乎行矣母自苦

門

鄒魯遺俗使然邪夫將患不廉耳誠廉何所不
濟烏問其他矣銘曰 栢翳之世代有英晉維
馬服漢管平不有虎臣疇嗣聲父子秉鉞代用
成將而三世福所盈謂善必佑吾無徵於樂吉
壤沈濟縈於此終古藏神精古皆有死不死名
何以永旃珉則貞

明故文林郎惠州府推官舒軒先生鄭公
墓誌銘

于生曰嗟乎人生相值有甚奇者行蓋師鄭先

蘇城山館文集卷之六

十九

下卷

生云先生閩人朱工部可大豫章人于大夫子
冲與行也皆齊人也三生者聚於數千里外垂
髫而偕事先生後皆第爲內吏斯已奇矣而先
生顧不第老於郡邑不亦惜耶誌曰先生諱日
休字德卿其先河南固始人也故元時有爲福
州總管者止家不去故世爲閩縣人曾大父奎
大父萬鍾皆有隱德父演以高年賜爵配張碩
人舉四丈夫子先生其季也先生少挺異質過
角籍博士即負雋聲稚自樹操行不逐流俗聞

蘇城山館文集卷之六

二十

三百四十九

故多材然學使第諸生率罕出先生右者大司
空朱公校閩士識先生也去叅河藩走使八千
里迎先生入洛授可大經已而從東涉海岱兩
于生事焉大司空邸故多藏書先生盡取讀之
至盛暑揮汗下帷篝火夜分不寐上下數千載
無所不窺即又工古文辭才思警敏咄嗟千言
運筆成風而好爲綺麗其寃雲謫波詭有快人
者大司空旣器先生又時時見其文諸公諸公
吳峻伯蔡子木皆交口譽先生以爲國士名彬
彬大起矣方是時閩有島寇家室播遷先生每
得報書輒於邑泣下已乃自奮曰丈夫生不成
名薄遊萬里何爲效兒女子依依內顧爲輒復
修業不輟三年乃歸至歲甲子舉閩省試第三
然數上春官數北先生家故貧道遠遊益厭於
是謁選得海寧教諭三門人在朝皆前勞苦先
生先生倪仰嘆曰生何以勞我爲邪往吾蓋有
鵬鵬之志視南溟何有今日者吾困矣夫抗之
青雲沈之九淵得時則駕不則蓬累遇耳何足

勞者飲極醉登車而去海寧者杭之旁邑士習
侈汰先生正師席羣諸生講藝臨之甚莊諸生
以先生名儒也請業惟謹母敢傲譁部使者又
雅聞先生名有所撰述紀載舉以屬之已卯聘
典廣東秋試往校官率以名從御史不得自取
士即所題賢書率御史及吏爲也至是御史龔
君獨釐故弊以令甲取士略如京兆耶繇文若
題辭亦多出先生手其後三年大宗伯以故事
請乃盡準龔御史法矣先生旣校南越又上公

蘇城山館文集卷之十八

三十一

車竟已不第則擢爲惠州府推官郡在海嶠數
被兵其俗不淳先生精傳爰書多所亭雪部士
有葉生者爲怨家所中以法論死先生細閱其
詳具得枉狀立白出之郡人感服攝博羅印綬
一切治辦所徵租稅贏倍舊程而民不告困會
有括田之役舉屬先生往來諸邑以勞成病越
民爭走神祠爲禱竟不起先生爲吏廉於贖鍰
無所取及卒不能歸塋部使者悲而厚賻遣焉
先生爲人長身玉立神采溢目如嚴電氣磊

蘇城山館文集卷之十八

三十二

才豪闊略崖岸不修小文抵掌言當世發憤忼
慨志識高邁耻爲纖趨見人語一義事眉端栩栩
羽色喜即聞訕訕儼儼王髮上指矣仁而愛人傾
蓋吐肺腑欲匿不能聞人緩急輒酸鼻踴足若
將投袂往焉高年公嘗中貧諸子治生時有贏
詘家又數毀於兵先生以經出遊所得廩餼幣
修皆獻諸二大人唯所與之有友林生偕計卒
長安即以季女女其子在海寧時博士譚君客
死親爲調棺歛具歸其喪即諸生貧窶者輒爲
白吏請振不足則出俸佐之一日登城俯眺隍
有骺骹莫之掩也恡以私財海寧人誦其義鐫
石紀焉斯不謂修身砥行有道仁人邪而不豐
其祿命天道何也先生生嘉靖壬辰六月二十
三日卒萬曆壬午七月二十七日得年五十有
一歲配張氏處士德熹女子男二長元烈卿諸
生文詞甚辯有父風娶陳氏太學生鳳鳴女次
元熙亦有美才聘陳氏諸生洪女女三長字鄧
慶禧諸生原德子次字陳一俊合浦令夢龍子

次字林績嗣舉人世和子即所謂林生也孫男一鳴惠女一幼以某月日葬於邑之馬鞍山先生卒時子冲可大皆仕四方行告居里其後一年復官長安元烈介族父太守公狀求銘行亟發讀之未竟滄沾衣也念魯國賢儒無所知識以先師大司空之故獲事先生今者微有尺寸以自効於時盡先生所陶埴也日月悠悠圖報謂何而先生已邪以先生之辭與其材識今得遇合逢世母論天祿石渠與世之淵雲馳逐即

穀城山館文集卷之八

三十三 胡三言七

出而當一部渠不能吐竒建築樹四方之績而佐史終乎夫豪雋異材之生亦大均吹萬而使其自己耳悲夫雪涕而爲之銘銘曰 是何旁魄有拱者璞韞而藏諸壑惜先生乎有鐸倚天其精乃在牛斗之間而沈于淵惜先生乎天道靡不有數有疏有滿有虛驥服棧車松栢守閭逝者滔滔將焉究諸惜先生乎

明故太中大夫陝西布政使司右叅政槐

軒王公合葬墓誌銘

誌曰公諱光祖字子孝大名魏縣人也其上世出晉黎城五世祖鳳穩遷於魏之方里鎮鳳穩娶張氏生資資娶陳氏生玘玘娶賀氏生文皆隱不仕文娶翟氏生贈御史公璠璠娶於申生二丈夫子公其長也申封太孺人公生而有殊質遊諸生間經行甚著嘉靖癸卯舉京兆省試其明年甲辰第進士授夏津知縣以外艱去服除補陽信其治兩邑皆以行能殊絕課最東省遂召爲監察御史兩邑之民思之皆尸祝焉公

穀城山館文集卷之八

三十四

胡三言

既爲御史巡視都城以法繩貴彊不少假貸大將軍驚憚之謹飭門下毋犯御史出按遼左虜嘗一入塞將吏受公指畫多所斬獲而以遼帥某不奉法上書劾其罪狀帥遂誅死故相嵩庇帥而心嫌公則遷公汝寧知府會吳中有島寇簡二千石才者往則調公守蕪州未至而寇去吳轉掠江淮以北則調公守登州公歷兩郡所在惠政流聞士民德之如其邑吏久之乃擢爲湖廣按察副使備兵辰沅再擢陝西右叅政分

守京州兩居塞徼威聲遠鬯蠻夷懷服是時公
資望益重稍遷即至開府顧以母太孺人老家
居不能從日夜念之數有歸志亦會為忌者所
中遂自免也公天性孝友內行淳和居官所餘
俸入多推以與弟光考不問其出入曰以歡太
孺人其贈施宗黨族有義田里有義塾有倉以
賑有域以藏魏人頌之配曰封孺人馬氏馬孺
人者其先亦黎城人上世與公家同徙魏又同
里居公以正德戊寅二月七日生有異徵其
年六月三日孺人生亦有異徵里人以其同年
舉皆賀兩家羊酒因締姻焉其後公以萬曆辛
巳九月二十九日卒其年十二月十日孺人亦
卒年各六十四歲綜公之生先孺人三月而孺
人沒亦後公三月若符契云初孺人之歸也公
方嗜學而貧膏火之費取諸紡績讀書邑城僦
室以居一日大雨室漏避雨牖上孺人舉案覆
之及後貴常談說焉公爲御史再奉使按部往
返數年孺人身護姑氏家居所以娛悅百方使

忘公之出也公擢爲郡孺人進曰牧守職在拊
循百姓以佐國家與御史異公聽其言乃益爲
長厚寬簡不事苛小故民懷之孺人理家勤儉
又解事理能剖決於公有助云子二承勲承烈
孫男一女二初公姊子鄭柱史與行同吉士口
公平生甚悉至是以承烈求銘述公素所蘊積
有長者風乃其所居官彈劾不避城社身可摧
抑而志不可撓烈丈夫也異日者邊事敝甚其
故在刺察之臣與守吏比而謾上飭勦爲功迺
誅得賞令上不聞善敗如公之刺選帥安得有
謾上者即邊事安從敝也世徒高梁鴻會稽之
隱以爲齊德而不核其年與其生死若公與孺
人何其年與德相終始耶則詩所謂君子偕老
矣予讀舉案覆屋漏事爲嗟嗟嘆不已彼牛衣
涕泣者又何稱歟銘曰 邈哉璇源自晉俶卜
遷於魏世乃六合和力穡德以畜公也歛起昌
其族鐵柱作冠都輦肅出臨大方侯若牧民歌
且舞夷貊伏厥逵孔修歸何速伉儷齊年世所

祝於樂阪田衍以沃宮其中吉日維穀營魄哉
焉綏後福展世繹思銘則告

明故文林郎光山縣知縣吳菴韓君墓誌銘

光山令韓君若名志道字汝立其先冀人也國
初徙濟南之音丘世居城邑而譜牒無可考至
君之曾大父濟民始茂其族傳大父孟益至父
國治以君貴有錫典邑人號曰贈公贈公娶於
齊氏生二子而君爲長君生而淵穎端確迥異
衆城山館文集卷之十八

二十七

進

羣兒贈公謂夫人是兒必大吾聞九歲能屬
文日記數百言十四補博士弟子贈公受計然
之策賈於燕薊客死河上君方十五所即徒跣
哀號走迎父喪盡內子錢於所從受賈賈人謂
君子方少孤大父母在堂幸留百金以供篝火
君曰父貸人錢以贍數口不幸見背安有取子
錢自利以傷父志士貧有命耳諸賈人嘆而稱
之蓋識者知其爲廉節士矣君以髫年當室上
奉大父母母家適中落間吏睨其孤也數予踐

更家益不振而公攻苦茹淡處之坦如事大父
母母數致甘脆不以無爲解一日其友張君過
見其食粗糲蹶然曰韓公一貧如此君曰貧自
士之常吾二人相許何言貧也旣冠廩於學官
又數以經授里子弟乃稍自給而名亦日著文
宗歲試數居第一時中丞楊公以服家居門下
從遊者數十人君爲上第已而喪大父母力貧
襄事哀而有禮以孝聲聞隆慶丁卯舉山東省
試第六而前所慰君貧者張君如式亦以是年

二十八

進

同舉如君所期萬曆甲戌成進士第給事御史
臺以才授河南光山知縣光山在梁楚申蔡之
間土廣而巖窪蒲之盜出沒曠莽莫可詰問俗
又武悍善持吏短長往吏其土者難之君故健
力明察有才而斷乃益用廉節自厲奉三尺從
事不阿貴強聽決神敏奸弊掃絕受牒之日訟
者入門閉而列之堂下以次問狀願令親治者
俟於門內即欲下承尉部送承尉皆以日中覆
報輒開門罷訟者矣境去楚之北界可二百里

盜賊不留或反爲耳目以蹙他邑邑或殺人不得市有懸書示殺者姓名蓋其讐某子甲也君謂不然此必他人殺之名之其讐以解趣卒史廉狀有推其金而殲焉者讐無與也以是蜚神明稱爲邑三年部使數荐於朝丁丑入覲天官課以爲最已而考績贈厥考文林郎光山知縣母封孺人錫以璽書蓋是時河南所稱良吏君名在一二計且有徵書矣而君爲人剛方狷介無所依阿期不事大吏大吏有所按核即不中

藏城山館文集卷之八

三十九

仲

法常上記請之如法乃已以是多不能下旣已考績荐書少於往時而會其郡守爲部使所列罷官疑其事出君所庚辰入覲則投書當路訟君君莫能自明也天官御史旣大計吏如故而臺諫拾遺以光山名上調爲潞安府經歷方是時母夫人年八十老矣君乃留其孥侍母而挈蒼頭二人以往當路亦已知君枉而西省部使長吏多里中故舊皆習君賢相與左右之平遙無令以君守印綬治如其令光山會府守丞以

下皆遷命君守府印綬君旣自傷以良吏見適又念母老不從常內邑邑一日召客飲聞樂而悲握杯瞻視不語客驚前抱持之仆矣昇入內堂而隕蓋中風云方是時妻子親戚無一人在者屬同鄉韓公應元以監司莅郡立爲調棺斂具趣召其子以至備卒乘而遣之君生嘉靖甲午閏二月二十四日卒萬曆壬午四月十日得年四十九配張氏勅封孺人平生相敬如賓比君之沒痛絕欲死衆以姑夫人老慰之乃稍起

藏城山館文集卷之八

三十

仲

食子男一德元娶李氏邑諸生致中女女二長適劉慎德諸生經濟子次適李夢龍省進士可畏子孫男二維城維翰君之沒也德元蒲伏走逆如君之喪厥考旣殯於里卜以其年十二月八日葬於祖兆俾其外舅李君奉張君如式狀請銘於余蓋余以甲戌分校南宮得君爲僑聞其計悲之有孤爲請忍弗操觚總君平生大槩彊直志士也以孤貧自力幸而致身仕籍爲吏日有能名乃被中以徙而又客死不永其年莫

非命也夫天之夢夢其正理耶古之貴有勢者
烜赫一時至不爲少其卒著名簡策流耀末年
蓋多以百里顯桐鄉朝歌是已故仕無顯晦在
所自樹耳光山之政方且俎豆吏民何謝千古
天道誠不夢夢者德元在是君亦不亡夫銘曰
胡爲乎啓其志而業不終胡爲乎豐其才而殲
厥齡夫天道其猶川澤逝則悠悠沉者自沉浮
者自浮蟪蛄何促彭聃何修嗟乎韓君其長有
此一丘

穀城山館文集卷之十八

三十一

明故勅封文林郎廣西道監察御史王公

墓誌銘

封御史王公者東郡莘人也諱國定字某別號
雲廬其先籍晉之洪洞永樂中高祖諱德者始
徙於莘德生仲祥仲祥生伍伍生勤勤生公之
父處士公實自處士以上力田服善世稱爲隱
德長者至處士益著處士配曰楊夫人夢人遺
已桂樹寤而生公曰桂者國香必大吾門公生
而岐嶷有殊質十歲受禮左生爲舉子義日者

爲公卜曰有官不試廼大其閭里人皆笑有官
即試即不試何言閭大日者妄也年十四歲學
使王公慎中試士見其文奇之補邑弟子踰年
受廩乃從村里徙入城市遊雙梧田公之門禮
經浩瀚世師不授其全公誦習獨精即徵文奧
義皆爲究析魯衛間治禮者稱焉丙午秋闈臺
使類試諸生試者二千餘人公爲舉首而入闈
乃不第時議屈之已相繼居大父父母之喪杜
門不出者十年學殖日豐諸生從遊者衆而年

穀城山館文集卷之十八

三十二

仲

亦長矣公有二子皆傳其家學不就外傳長者
御史琢玉以嘉靖甲子舉山東省試弗隆慶戊
辰進士仕成安令辭行公勅之曰古云一介之
士苟存心於利物於人必有所濟况長吏出宰
百里爲天子拊循元元惟潔已愛民造福弘
多溫飽非所望也御史頓首受命去暮年迎公
公見政成而悅居一月返部民或候諸塗獻金
爲壽公笑而麾之報御史曰吾非慕世人卻數
金爲名凡不欲隳爾名耳壬申滿考當封而公

以是年舉明經且入對御史以請公曰造物業
靳吾所欲爲矣而吾所欲爲者而又已爲之尚
安事垂老折腰以孤 天子寵命吾其封也乃
上其名天府詔封爲成安令明年御史選入臺
會 上登極覃恩又詔封爲監察御史於是公
曰嗟乎日者之言殆謂是矣公平生健而善酒
以是病手足痺御史爲河東轉運欲上書請告
公聞而爲記止之無何以思恩知府入覲取道
過里公疾未愈也御史又欲上書自罷公又泣
謂御史吾飲啖方健正賴手足病耳何遽置念
爲御史不得已辭去一日命駕遊別業過諸子
壻飲甚歡數日而返謂夫人趣爲我治具吾將
歸矣夫人曰公適歸自田間尚復安往公笑曰
此逆旅也吾有所歸母久溷我再問不答蓋布
席未安而沒公爲人仁而好施振人之阨不計
有亡喜讀爲善陰隲數爲子弟誦說其友愛諸
弟至盡推所分產予之即有負貸常爲代償里
人陳武以吏事繫鬻其子婦爲費公聞而憫之

即貲金贖其罪婦得毋鬻又有王遠者客遊他
方十年不歸妻子裸而行乞召而衣食之女長
具裝嫁焉人以此無遠近爭誦公德公又輒跋
跋退讓不敢爲人先常書容忍二字於室其謹
厚如此公卒而御史自黔中奔且號曰傷哉子
也惟不能違親之命以隨尺牒而至不躬飯舍
乎已乃具公平生走使徵銘公生正德庚辰九
月八日卒萬曆辛巳二月十七日得年六十有
二歲配李氏勅封孺人邑人宗堯女男二長即
御史琢玉娶李氏封孺人次璇玉生員娶李氏
女四長適虞愷次適生員沈存仁次適生員陳
大夏次適郭燁孫二高齡真巖予蓋遊御史君
直諒雋瑋談事侃侃風節甚著知其本原有自
矣老氏有言天道其猶張弓損有餘而補不足
以公之通經博古蔚爲經儒阨於一第而御史
實成其志蓋所謂補其不足歟予觀公之處死
生又何其徹於夜旦之常其出不訢其入不距
古之所謂惡辭者與是爲銘銘曰 孰能學而

不試孰能不試而貴孰能避世而樂孰能取於世廉而施於人博孰能以生爲寐以死爲覺嗟乎王公其托仁義之蘧廬而挾天地之橐籥者與

明贈監察御史近野宋公暨配楊孺人合

墓誌銘

公諱以方字子矩近野其自號也先世邯鄲人元末避地東徙遂籍平原世以德嗣人父錫爲工部營繕丞父台號北顛公仕懷慶府幕北顛

蘇城山館文集卷之十八

卷九十一

公配白夫人人生公公少而聰穎著聲文書能記誦屬文而試有司輒不利去而力田自給備保攻作以奉父母北顛公遊河內公往省之會趙王選諸郡名家子爲肄禮生公以父命應辟衣冠進退雍容有儀王目之喜曰齊魯固多揖讓士齊予甚渥諸生莫敢望也北顛公行醇謹罷吏無羨資以公當戶里少年或斷斲之數以重役中公公務折節爲恭謹退然不與較而能精計忍詢絕嬪衣鮮食之好居積致饒於是侍御長

矣公自念惟不得選諸生持門戶計諒之子則遣受博士經一意督課之不少解故侍御學成爲儒士令兩邑治行最進而綰華要有聲里人不以稱侍御而稱公能以子顯也公有二異母弟皆絕少公愛而教之不啻侍御此二弟皆遊黌序有名入又以此多公云孺人楊氏者郡博楊公繼賢女也生而婉靜能讀內則女戒諸書通大旨及笄歸公逮事舅姑醴醕柔毳之奉旦暮自調而上之以其次佐公理家政操縱有法

蘇城山館文集卷之十八

三十六

仲

公嘗有危疾孺人每夜叩星斗祝凡百餘夕而愈用巫祝言冬月單衣三年以報神貺公多內寵孺人馭之有恩意至侍御所以成者大要由公之教而修幣供饋之煩又皆孺人任之云孺人以嘉靖戊午月日卒其後三年爲嘉靖辛酉而侍御舉於省又其後十年爲隆慶辛未而侍御成進士試令又其後五年爲萬曆丙子而侍御以令滿有詔封公爲遵化知縣孺人如今壽又一丁丑而侍御被召拜今官又一年而

卒卒一月所而主爵上當封者名又詔贈公爲監察御史孺人如舊稱又數月而薨也竊觀近野公以名家諸生遊諸侯王見稱退而躬耕以養居邑屋能有以自下可謂恂恂篤行君子矣卒之侍御奕燦顯名爲天子貴臣公生食其祉又荷榮名以終垂之永久此無異故積行善之報也銘曰 於維宋公世有明德隱不遁世力穡以食遊不違親長裾有飭教不規榮寵命再錫冠而衣袞以遨里城平陸之原永奠厥宅

穀城山館文集卷之十八

三十七

三十七

佑而孫子俾大蕃息俾熾而昌以靡有極

汝府承奉春泉李公墓誌銘

李公諱鏐字爾健春泉其別號也自上世居長安城南隸大興籍公生負異質眉目疎秀容止甚都五歲從群兒戲水上溺而流十餘里不死漁者張翁收之曰見若浮金鯉網之得兒云父母內喜因欲竒貴公嘉靖丁未詔選名家子入內所司以公名上掄置內館受書故事受書禁中號掖庭上選得爲顯官公以是稍遷奉御侍

中親近屬汝安王薨於衛歸葬西山繼妃迎還京邸世廟念之甚乃擇近侍忠勤有心計者得公以爲承奉正出護王宮自內外臣僕干陬筦鑰皆以屬公公則委心區畫祇慎精敏邸中肅然治辦無敢玩弛如是者餘二十年公爲人和柔修禮好文工書被服儒雅諸左貂所玩弄一切屏絕又出自內館諸用事貴人皆其故等夷習公操行無不折節下之有所請輒聽公又好遊賢豪長者結歡造請唯恐不及長安諸大

穀城山館文集卷之十八

三十八

三十八

夫亦無不譽公者以是名聲益進諸藩府侍臣莫能望也而會故權璫任事群小亦頗有間之者公多以才數御之使不得騁人又以是智公王之旋葬園制狹隘不稱大藩公筦府日久則念幸以掃除奉先主國邑惟是園陵尊寵而日就圯頽無以稱聖朝親親之誼即安所藉手以報乃爲妃奏以請下大司空改營以公董工即有未備輒以王家財佐之不數數煩帑吏也園成上使大臣往祭諸藩慕之汝國故饒於

貨中更詘乏公操計然之策綜其出內歲有羨
衍供應不匱以是能舉大役云公爲人好施遇
人緩急輒投袂應之即有紛爭居間輒解同官
之兄有無子而婦甚妬者公爲置酒其家百方
開譬婦大愧謝請得改行自新公即假金幣爲
納妾聞者義之公兄六人子孫甚衆公擇其秀
茂者使從博士治經即不能授之貴使買田治
能授之田使耕俾各有成立以養其父母而治
經者皆列爲諸生悉蒸嚮進矣公既通顯德順

穀城山館文集卷之十八

三十九

者求之數年得之贍其終身沒而撫其子里人
多傳說焉公素健少疾其卒也以彈疽萬曆乙
酉四月二十四日也距其生嘉靖甲午八月二
十五日得年五十二歲從子執喪者四人曰本
紳延慶廩生本縛本緯京兆諸生本綸武學生
皆備才也予觀公履繩蹈矩恂恂退讓有士人
之雍容而濟以俠節可謂脫然於流俗者使得
入筦樞近列在鈎盾必能有所弘益以宣其令
名而終於藩府識者惜焉然其遊於士大夫間

沒有餘思亦足不朽矣屬本紳輩以張文學元
吉狀請銘則志其大都而勒之銘曰 夫有俠
而長裾有左貂而慕儒有罔試吏而大厥閭衆
咸盱盱爾矩以趨衆咸秩拘爾如轉樞公歸安
居夏屋渠渠于國之隅於千斯年其樂只且

山館文集卷之十八

四十

穀城山館文集卷之十八

穀城山館文集卷十九目錄

明故資政大夫南京兵部尚書贈太子少

保郭康介公墓誌銘

明故通奉大夫山西左布政使仙舟公

暨配安人張氏合葬墓誌銘

明故中憲大夫陝西按察司副使心齋梁

公墓誌銘

明故中憲大夫開封府知府鑑弦宋公墓

誌銘

穀城山館文集卷十九目錄

明故奉直大夫戶部四川司員外郎錦峰

王公墓誌銘

明故文林郎南京湖廣道監察御史前渚

于公墓誌銘

明故中憲大夫兗州府知府金齋宋公墓

誌銘

明故山東東平府判官北溪于公墓誌銘

明故廣西洛容縣訓導月洲先生張公合

葬墓誌銘

明勅贈給事中常公墓誌銘

穀城山館文集卷十九目錄

二

山館文集卷之十九目錄

穀城山館文集卷十九

東阿于慎行著

門人郭應寵編

北海董可威

天中李時發校

都門李本緯

男于緯重梓

明故資政大夫南京兵部尚書贈太子少

保郭康介公墓誌銘

故大司馬似菴先生郭公以萬曆戊子十一月二日卒於福山之里第兩臺以聞詔贈太子少保遣守臣諭祭者再遣行人鄒德泳往營其葬

穀城山館文集卷之十九

言六

公子如藥如核等將以某年月日奉公窆窆手葛太史狀來請誌銘行與太史皆公年家子誼不敢辭誌曰公諱宗臯字君弼其先江西萬安人國初編田賦兵備倭海上高祖福輝公籍登州之福山所因止家焉福輝公生榮公榮公生贈侍郎亨公以明經爲邯鄲丞亨公生贈侍郎天錫公以禮領鄉荐仕至刑部郎中娶于淑人生公公十歲能文長以經術成名舉嘉靖戊子省試高第明年己丑成進士改庶吉士尋詔諸

穀城山館文集卷之十九

二

政吉士者皆罷爲進士受官如故公以甲第得刑部主事雅精法家指傳爰書輒中錄囚畿內多所平反辛卯奉命典浙江試所取多名士察能改兵部兼理清黃稽核精密宿弊以除改湖廣道監察御史提督京通等倉癸巳十月夜星隕如雨舉朝莫敢言公獨上奏請崇易簡寬平之政以敦厚治體培養元氣累疏千餘言時世廟新失哀冲太子及雲中兵變欲以塞星異公疏中有云毋以目前拂意之事爲慮而圖之於遠有詔下御史吏問目前拂意事安所指也公具以質對上謂非所宜言廷杖四十復官及獄吏所榜掠過百死而復甦乙未出按蘇松四府奉憲綱從事行部乘馬不御肩輿曰分當如是民有質訟皆召入面鞫不委從事吏刺得吏民過失但爲籍記必有據乃行不輕摘發太倉鹽徒爲盜郡不能制公與蘇州守王公定畫藏其渠魁諭散餘黨盜遂衰止其時顧文康公柄政公行部至縣以廩米一斗爲餽費文憲公

奉召北上道出吳門登舟一揖而退無所獻遺
他皆類此吳中長老至今稱御史廉平以公爲
最丁酉按順天四府會廷推保定中丞某入佐
臺政公抗疏論某居無行義不稱綱紀大臣且
知輔臣時子坦病危疏請召用以爲佞調上
札諭李文康公曰御史劾夔良是但不當及卿
耳奪御史俸罷夔戊戌擢山西按察司副使備
兵鴈門以外艱歸復除易州徧歷阨塞修築亭
障所部無警轉陝西右叅政分守關西甲辰徵

穀城山館文集卷之十九

三

人爲大理少卿尋拜都察院右僉都御史巡撫
順天整飭薊州邊備薊鎮故少邊寇守備頗弛
公計以爲虜勢日張迹且及漁陽乃條上守邊
便宜五事欲遠設探報選調兵馬增益戍卒預
蓄芻糧請給火器上以其策爲是時莫能信
也庚戌之變識者思之初公第後與江右士夫
修里閑交後見夏嚴二公得政乃自引避不從
里子旅謁及撫薊鎮密邇京師不通請問琉璃
河工成二公出視又不迎勞二公嘆之會公請

穀城山館文集卷之十九

四

修居庸關欲支修邊餘銀爲工料費上怒
它弊罷公歸里下司農鈎校居一年夏敗守臣
乃覆奏所放散具有質佐召公以故官巡撫大
同會上谷有警改撫宣府無何晉兵部右侍郎
總督宣大山西軍務大同當兵變後上下務爲
姑息衆反不安公第以法御之即有亂行不少
假貸軍中肅然亦無怨聲某年虜二十萬騎寇
上谷邊公所遣將斬首虜四十級某年六月虜
十萬騎寇雲中邊公所遣將斬首虜二十級以
亡失過當不敢居功上疏自劾并列諸將罪狀
時論多之其年九月虜十萬騎寇上谷邊公遣
大將陳鳳等以奇兵遮虜而身擐甲冒提輕騎
逐之斬首虜二十六級獲酋長一人其明年五
月虜並力再入雲中公所遣將再與戰逐北斬
首虜合九十級上功於朝而會大將張達敗死
先是虜中數騎潛入盜邊邊尉報狀御史胡公
宗憲喜事人也會夜飲醉屬達曰將軍可趣擊
賊達謂虜有伏兵夜出不利請待旦乃發御史

大呼若欲墨吾白簡耶達不得已以二百騎夜
出至紅寺堡虜衆大入圍之數重及副將林春
皆死焉二將敗所去制府二百里公聞其被圍
趣發兵往救至則無及御史上書但爲二將請
卹而匿其發蹤狀給事中禹不知也以失援劾
公及撫臺陳公耀等俱逮下吏各榜一百陳公
杖下而公謫戍陝西靖虜衛掠治困篤復興
行二百里方蘇至邊僦民屋以居耕牧自給僅
免凍餒部使欲爲公葺宇使廩人授餐公爲書
穀城館文集卷之十九

五

謝止焉暇則手錄方書廣施藥餌及進諸生徒
質問經義彬彬嚮風居塞上十七年 世廟一
日札問司馬故督臣宗臯安在以謫戍對後廷
臣部使荐至十餘疏竟不復召蓋其時分宜在
位猶尚以前嫌也隆慶改元廷臣奉遺詔訟公
從戍中起刑部右侍郎改兵部協理戎政至則
擢南京都察院右都御史道中陞南京兵部尚
書叅贊機務會給事中某論公前在邊失事不
當錄用下吏部楊襄毅公具知張達等死狀爲

上別白之有詔趣公視事而公以年迫七十上
疏求罷 上亦念其老許焉家居二十餘年部
使及臺諫荐十餘疏奉 旨推用者再而公不
出矣萬曆戊寅大婚禮成以公年滿八十詔守
臣及門存問壬午元子生詔存問如初丁亥以
御史大夫吳公時來請詔給廩米與隸歲以爲
常戊子撫臺李公戴等以公年滿九十聞詔遣
行人張廷棟奉采幣羊酒稱制存問公上書遣
子謝未幾遂卒大臣三遇殊恩故所未有也公
穀城山館文集卷之十九

六

進

爲人剛方嚴重言笑不苟清節絕俗非其道義
一介不以取予行軍治官號令精嚴致在必行
不爲文具故事宣大三鎮供制府私藏歲若干
金公皆斥爲官費令解官收掌司其出入一無
所私南京罷歸以秩金買棺二具至淮安登陸
顧值不足貸楊總兵二十金歸十餘年無以償
楊又不欲負其責復鬻其一具遣人償之家居
環堵蕭然不異寒士終無所干於有司即有過
而式閭者亦不幾見也天性孝友自爲兒時侍

父母病寢不辭帶若成人然及仕宦所得祿賜
歲用之餘皆進之父母爲家公財與諸弟分產
惟弟所需取其痛者弟某嘗有疾灼艾意頗難
之公爲解衣先灼以分其痛在關中時族人有
貧者父母死二十年不能葬及公歸先爲塋其
父母後置田宅妻室使有家焉友人唐君爲廣
東教職卒於官不能歸塋公馳書所部求其視
及子孫以歸春秋雖高服禮不懈歲時大節必
焚香望拜 世穆二廟哀書到出宿郊外朝夕
哭臨如禮燕居整飭儀觀不見惰容飲食服御
皆有常節出入里門不設車蓋時行田間常有
小兒數十輩隨之氣骨強健善自保攝性甘澹
泊於聲色玩好一無所嗜故臨難不懼享有老
壽云內政整肅子孫皆布衣芒屨無所紛華家
雖不饒而供養甚備朝夕上食祝哽祝噎環列
左右夜則更臥榻前候其欠伸終不敢離人以
徵公訓焉公生弘治己未正月十三日比卒得
年九十歲配孫氏國子生杲之女累封淑人先

公十八年卒柔順慈和懿行甚著語具公所爲
誌中佐室于氏名家女也久攝內政以淑慎聞
亦自有誌子男五如穀千戶娶呂氏如葉貢生
娶王氏如薰娶樂氏繼孔氏如葵庠生娶張氏
如核貢生娶李氏穀葉葵淑人出薰核子出女
三一適福山所千戶寧字嘉一適黃縣廩生張
少簡淑人出一適登州引禮生吳國埠子出孫
男八爾南庠生爾池庠生爾衢爾遂爾磐爾輩
餘幼孫女四俱未字曾孫男一通幼當嘉靖戊
子東省舉士得公及葛端肅吳介肅三公皆世
所稱鉅卿偉人也端肅在位久所建樹爲多介
肅起家及罷差久於公而嘗在要地惟公處阨
居約幾二十年起不滿歲而去塞上軍功久遠
無能明者至乃鞠躬履方始終一節折而不撓
三公者皆古貢大夫鮑司隸之流也世之稱齊
魯諸儒實行固不虛矣銘曰 負海之邦鍾靈
毓傑 世皇初載並興耆哲德平棟憲汶陽司
銓清風直節與公而三公之登庸珥彤持績無

伎不指靡邪不觸爰授節鉞于代雲中彼德有胡莫我敢闕誰其卻敵而功靡紀誰其覆師而質於理播在窮邊越十七年 皇豈不瞻止或尼旃 穆考續極還公於闕一歲三遷元樞在列拜命若驚拂衣若遲蕭然環堵以遯則肥憲老崇賢國有彝典 皇三錫命如公蓋鮮維師尚父維衛武公曰年曰德疇與之同有老成人士之儀式今也則亡小子何述有丘罍如於隴之腴司空所作史氏則書

蘇城山館文集卷之九

九

三百五十一

明故通奉大夫山西左布政使仙臺李公暨配安人張氏合葬墓誌銘

山西左布政使長清李公卒於萬曆乙亥五月七日葬邑之厥口峪銘其墓者門人山陰張官諭也後十有二年爲萬曆丙戌十二月四日厥配張安人卒子太學生克中奉以祔公請銘於德平葛太史葬有日矣太學復介平陰劉子走使長安請合葬之銘于子曰善哉時異而兩之以盡事也室同而合之以盡思也李子達於禮

矣誌曰公諱僑字子高其先高密人上世有諱登者始徙長清五傳及鉅鹿尉瑄公之大人也後以公貴贈兵部主事稱曰兵部公兵部公娶陳安人生兄伯及公公垂髫而孤育於兄伯年十六從諸生試故太史余公爲學使見其文奇之拔寘首列遂稱名士嘉靖癸卯舉山東省試明年甲辰第進士授浙江平湖知縣領邑四年荐書十餘上有詔召諸令長諸令長先至率得爲臺諫公至獨後法不獨選以爲戶部主事時

蘇城山館文集卷之十九

十

比

有虜寇轉昌平察能改兵部旋進員外郎郎中島夷寇越越諸大夫請公於朝以爲紹興知府居六年考績詣闕道中擢浙江按察司副使備兵寧紹又三年遷山西左叅政又二年擢四川按察使又二年轉浙江右布政使山西左布政使又三年爲隆慶戊辰上計闕下以聽調歸遂不復出公爲人端方精慎事有執持才識深敏能燭隱奸所至以名迹顯平生宦輒多在兵間勘定之功茂焉平湖賦廣獄煩公催科有法

常以緩急與民相假借民不告病賦無積逋有
冤不決獄能得其情民稱神君郎司馬時會築
長安外城以公爲植虜入紫荆命公督戰有論
報功皆賜金幣島夷之誡越也制府以軍與法
徵發郡邑守吏日夜督民乘城未見寇而憊小
民驚恐亡入寇中及公至郡務爲持重省刑節
用與之休息制府欲鑿磽穴以佐轉輸公力陳
其不便事乃得寢諸邑長吏請築亭障以固以
杜寇道公下檄亟止之盡罷丁壯歸農以便宜

穀城山館文集卷之十九

十一

廷

團練寇至乃發越人安席寇亦辭去及備兵海
上領軍符如開府乘間數出擊賊獲首虜數十
百詔賜金幣勞焉四川土酋薛兆乾以龍州叛
諸城騷動公佐撫臺謀畫遂俘兆乾郡縣其地
今之龍安府是也妖民蔡百貫聚衆萬餘殘破
銅梁大足諸縣公設法招撫散其脅從因擊百
貫殲焉旣至晉陽屬歲大侵又新中虜宗祿邊
儲動以鉅億公多方酬應以間安集流亡撫循
疾苦晉人以寧左使資拜開府公年五十餘固

已倦遊數欲上書請及聞聽調之命遂欣然東
歸少時嘗讀書城南仙人臺下因以自號至是
卽其地隱焉萬曆癸酉上登極覃恩進階如
今稱又二年乃卒安人張氏者處士澄之女也
婉淑溫恭克執婦道綜理家政有丈夫才公之
未第也辭家出肄薪水付之宦遊四方以星出
入肩輿付之安人嚴飭婢僕閭無嘻諍服龔茹
淡不事紛華至其蠲潔齋嘗備極誠敬撫愛從
子無異已出尤人所難云方兵事之殷鉦鼓相

穀城山館文集卷之十九

十二

門

聞軍府助勦公環甲援桴而出安人進曰國家
事重公勉之矣母以兒女子內顧闔扉而入神
色不悚聞者偉之公滿司馬郎安人受璽書封
後所居官率不滿羣及爲方伯二品當封夫人
而公輒懸車或說安人笑曰士人妻一命
足耳彼操作傭賃從夫而隱者獨何人與公病
痺不能起安人脫簪珥迎醫所以祈籲百方少
間則爲具召公故人所善觴詠左右以娛其意
故公雖沉痾而優游窮年以安人護之謹也旣

稱未亡人日夜督克中治經修行遣游太學多
從四方名士用廣其志故太學奉公之訓克世
厥家嗚呼母儀婦順可謂章矣公生正德壬申
八月七日得年六十有四安人生正德乙亥七
月十九日得年七十有二子一即克中娶於按
察副使齊河尹公生男一時泰女二皆適名家
銘曰 盧之左隩岱宗之麓川原回復歸然神
房松梓千章李公之歲吁嗟李公乘時奮庸克
茂厥功于蜀于越聲施有烈期將授鉞以彼華

穀城山館文集卷之十九

十三

墓誌銘

年歸而考槃古今所難有淑維匹歲星云畢歸
于其室坎而共埏志則各鐫與此而三編不溢
美加不踰禮是有孝子孝子永錫以福無斁視
此貞石

明故中憲大夫陝西按察司副使心齋梁

公墓誌銘

梁公諱承學字師顏東郡名家也其上世居冀
洪武中有士成者占籍爲聊城人士成生無爲
知州棟棟二子智能智生舉人璉能生南京戶

部主事璉生新城知縣相是爲公父其後以
公貴再贈奉直大夫戶部員外郎初配李氏生
承祖繼配王氏生公其後皆贈宜人公生有殊
質六歲而孤家又中貧獨從母宜人居攻苦誦
習髫年學遂成揚襄毅公校士東郡才之嘉靖
己酉方十有八歲以易舉山東省試聲動齊魯
問其後數上春官數罷益發憤不少沮竟以隆
慶戊辰成進士有同姓中官方貴用事請與序
族公正色曰吾誠不知系所從出顧安得妄

穀城山館文集卷之十九

十四

中人以激龍澤謝弗與通座主少保殷公聞而
重之除陝西延安府推官公雅精法家指然其
獄獄以平恕得情不欲核刻搏擊取小治辦爲
名一日閱獄中囚有八歲小兒投石戲誤中七
歲兒斃吏增兒年論死公廉其狀立貰之府中
卒出顧金錢照磨皆卒卒後病死吏當故勘平
人律公曰卒爲奸利非平人照磨皆之固當奈
何中法亦減死論他所平反如此類尤衆至品
第郡邑吏賢不肖狀無不精當而大指取寬厚

不求人細過居秦中滿考奏荐十有三疏計且召入而柄鈐大臣故嘗撫陝有所嫌於公乃擢爲南京工部主事時論屈之在南曹時嘗疏爪儀河道理沿江蘆課咸有能名後以修孝陵工加俸一級滿考奏績改戶部廣西司九江權稅序當遣公郎中有所善欲徃以公改北爲新任不當遣同曹咸爲不平公曰使職等耳何必九江竟無一語已而所遣者以墨敗人益服公嘗司庾天津出納平慎進山西司員外郎再進

穀城山館文集卷之十九

十五

化

浙江司郎中改雲南司雲南司者專主漕政於子部爲劇司徒擇而得公公握籌推會區畫劑量悉中肯綮督倉尚書欲扣漕舟盤剝之費奏爲羨餘運卒聞而大譟尚書恐夜召公公具陳不可狀爲草疏平亭之奏下運卒乃安言者疏倉曹郎使竣令御史核殿最下戶部議諸郎愕莫能對公奮言曰郎御史各以職奉使相頡頏郎郎不稱使大司徒在是何與御史竟寢其議先是議者以江北田荒奏遣憲臣一人督吏民

開墾三年命公往視狀公馳至其地徧覈穀土荒墾民人流亡具得其實以報甚稱上旨然亦陰取忌矣故事郎秩八年以往當陞叅政公平生澹於進趨無所內交主爵以爲才任治邊擢陝西按察司副使備兵鄜延公夷然不爲意再至塞上日夜按行所部繕治城堡修飭武備西邊大治嘗以文田奏荐詔主冊志其名又嘗以閱邊勞受金幣賜聲稱大振宣君徇賊賊聚撫臣欲發兵捕公謂此皆凶歲饑寒救且乞元

穀城山館文集卷之十九

十六

化

不足以辱軍吏不見嶺南瘴夷事即遣郡邑丞尉持檄徃諭之賊感泣立解散撫臣意沮會其年關中大侵至人相食公議法振貸多所全活而爲忌者所構反以爲救荒無狀有詔改用公因拂衣東歸遲回不欲出久之故人多趣公北上乃裝詣闕行至武城而病亟返舟抵舍數日卒萬曆丙戌二月二十九日也距生嘉靖壬辰三月十三日得年五十五歲配方氏累封宜人淑德著聞子男五衍祚已卯舉人娶許氏經歷

東迎女衍胤邑諸生娶許氏縣丞東聚女衍光
邑諸生娶許氏典寶鵬女衍烈聘田氏同邑景
茂女俱宜人出衍禎聘張氏南京戶部郎中弟
女側室耿氏出女三一適郡諸生馬爾騏知州
斯作子一適朱希夔知府應聘子一幼許聘監
生許鵬子孫男五庭楫庭雷庭傑衍祚出庭桂
衍胤出蕃孫衍光出祚等將以是年十月二十
四日塋公於河東祖兆奉光祿丞王公狀來請
銘公爲人濶達有度重厚簡朴不爲小文天性
孝友內行甚修事兄及寡姊恩禮備至於族人
親戚多所贍給交遊無間窮達緩急賴之有長
者稱于生曰江北故鮮大族如梁公五世科第
爲吏可指數耳然吾聞其家蕭然如諸生大父
以來田廬無所益稱清白吏子孫矣治獄多平
反以尺檄解散劇盜仁人之利博焉綏輯譁卒
出於頃刻若正言御史郎吏之職忼慨引義懦
夫動色斯已壯矣予觀公諸子皆賢雋有文昌
大其家不可涯涘用其所不足於後儻天道耶

銘曰 國氏惟梁遠哉泱泱徙自冀方世冕而
裳五傳益昌膏跡爲郎燁然珪璋令聞孔揚不
究厥長不韞厥光以誕發祥鸞鸞虬翔俾熾無
疆維渠之陽考君子截卜云其減我銘用章
明故中憲大夫開封府知府鑑茲宋公墓
誌銘
宋公名伯華字汝含青州益都人也其先居昌
樂故元時世爲千戶國初始祖君用徙益都君
用生剛剛生瑜瑜生臣仕棗強主簿主簿生公
父延年以治春秋舉諸齊言春秋推爲第一其
後仕南京禮部司務以公貴贈兵部主事娶陳
封太安人公少敏惠有才質從父受春秋旁及
諸經史能日誦數千言爲文詞儻朗多奇氣年
二十未隸學宮學使孝豐吳公覽其文異之輒
選入闈遂舉高第實嘉靖戊午歲也其後十年
爲隆慶戊辰乃第進士授宿遷令河隄大決漂
殺人民生者走棲木上無所得食公慨然太息
流涕曰天平民何罪令請以一身當之乃盡括

賔餞出秩金躬駕小舟就民所止計口哺之曰
第忍須臾母死吾爲請於上矣已乃大發倉粟
按籍振貸寬賦弛刑民忘其災居三年課上考
荐書十餘召爲兵部車駕司主事萬曆改元命
大臣行邊用推擇從閱晉代時使者初出邊臣
震悚大將以下囊鞬迎謁不憚拙體而陰有內
主所殿最不至境而決公獨假以禮節自稍餽
問遣一無所受而盡核其功罪白大臣舉刺不
少掩蔽邊人曰獨宋司馬不可干以私也歷職
方員外郎郎中所任職辦不肯撓法尚書雅器
重之萬曆某年擢淮安府知府郡方治河大興
人徒塞茭伐薪輻輳旁午又直孔道送往迎來
延見吏民或達旦不寢然其治法務持大體不
爲細苛拊循凋瘵與之休息御史以爲不任奏
欲它調主爵廉其資詎御史會河工竣論功以
三品服秩居郡如故歲庚辰郡國上計中丞臺
以故事封傳符護行其時方嚴驛禁喜事者爭
有所舉發以應政府東省中丞劾乘傳者數人

公坐鑄六秩而淮安慮囚不中程公以去獨坐
復鑄二秩議者皆不能平公夷然不爲愠也歸
息里門與朱侍御文甫馮文學貞甫唐茂才張
明經爲布衣遊弦誦嘯吟一豆菜羹相對或至
日晏郡人目爲素交居久之時政更始言者訟
諸臣用乘傳謫所坐過薄乃起公束鹿丞歲中
三遷永平府推官河南府同知即拜開封府知
府開封爲諸郡奏多強宗難治吏取行法公益
務爲簡靜如其吏淮陽時或謂公治大郡宜有
科指立聲迹公笑謝曰以繁治繁適多事無益
靖民之路不擾而已公再出已病至汴力疾視
事已而遂亟以萬曆乙酉九月十三日卒於官
舍郡吏民行哭悲吟如失慈母汴諸大夫謂公
吏迹卓越數十年所未有也公爲人豐肌偉幹
容止甚都詳慎精核能任大事器度恢弘喜愠
無迹材長者也然亦自以性緩慕佩弦之義故
稱鑑弦天性孝友居贈公之喪梓踴號泣水漿
不入口三日奉太安人未嘗越宿於外朝出暮

歸必問寢食節乃退平生廉謹兩守大郡貲不滿千金居鄉無尺說千長吏其與人接色溫情溢盎然可親道逢醉人語從者誰何之笑令車驅奈何與醉人較從弟有怨家詣公門下有妄惡言亦爲弗聞也他皆類此公生嘉靖己亥三月十日卒萬曆乙酉九月十三日得年四十八娶鍾氏封安人廣宗令秀女子一繩武已諸生娶馮氏諸生子臨女孫男二鎮銓女二始贈公名能詩文與諸馮公相友善及公傳家學

穀城山館文集卷之十九

二十一

忠

材也宜大受而施罔究仁者宜壽而殲於茂其以艾爾後原隰膺膺雲門之下封則負斧圭之百武於此終古故歡如夢涕而銘汝

明故奉直大夫戶部四川司員外郎錦峯王公墓誌銘

錦峯王公者諱之輔字爾任濟南新城世家也其先瑯琊人高祖貴徙新城曾祖處士伍有善行大父穎川王教授麟父貴州叅議重光以採木卒官贈太僕少卿後用子貴與教授公俱贈

穀城山館文集卷之十九

二十二

忠

地瘠而隘民俗樸窳里胥吏卒繹騷其間戶多
亡置賦不時登公乃嚴核里胥不得有所侵牟
又置木牌尺許繪吏卒其上令村里相傳催督
民以是樂輸少所逋負課常爲最郡壤接關中
徇寇數百不時入掠吏往往發兵捕公第分布
壯士千振境上寇至輒逐出居民呼譟爲應寇
遂不入界中溫陽鎮民去城遼遠官有徵發保
聚山谷期不受令公曰古人不易民而化溫陽
之民豈獨不可馴如此乃遣吏持記往聚其父

蘇城山館文集卷之十九

二十一

七

老譬以禍福父老大悟誓奉府君教不敢後約
已而部使爭上書言隰大治而會公弟爲平陽
司理法不相臨奏敗霍州霍有晉藩支府宗人
彊橫多所翫法公一切裁以三尺即有杆罔輒
論其戚黨不少假貸宗人歛手避之三載考績
擢大名府同知屬漳河美溢壞民田廬兵憲穆
公議別開支渠以殺水勢屬公爲祖導渠由栢
府抵大名二十里入衛河河即汎溫直灌支渠
不爲民病魏人德之壽宮工興取文石黎陽或

鑿地丈許無所得石公甚憂之一日有父
吏夜見火光燭地狀如星隕旦往視之文石在
焉鑿之得萬餘方郡人以爲誠感丞大名再滿
以久次召入爲戶部員外郎丙戌歲大侵奉詔
分振山西每至郡邑輒單騎出郊徧歷山谷延
見貧民計其口率而令市里設廩度民居遠近
糒粥食之及發吏掩骼埋胔道殣有蔽山西諸
郡賴公全活者不可數計而公亦以行風雪中
病矣明年事竣報命奉勅監漕江西日夜督趣

蘇城山館文集卷之十九

二十四

四

凡兩閱月舟畢入淮乃以便道省太淑人而病
已困不可支司徒公彊留之公曰王事靡盬即
病可奈何復歸江西代事行至淮南遂不起時
公長子爲御史出按應天蒲伏渡江奉公喪以
歸而叔季二子已以是月同舉省試公不及聞
矣公爲人儁爽端確不設城府內敦孝友外行
義讓教子孫以廉儉無所紛華稱其家行焉生
嘉靖庚寅十二月十八日卒萬曆戊子七月三
十日得年五十九歲配于氏誥曰宜人子男

象蒙萬曆庚辰進士江西道監察御史娶諸生
邢通女封孺人象震邑廩生娶太學生畢向女
繼諸生楊全甫女象斗戊子舉人娶御史韓介
女象節戊子舉人娶廩生畢昌女女四長適封
某官耿鐔子諸生鳴岡次適主簿石稔子諸生
一楨次適司業沈淵子監生庭枏次適同知顧
連璧子某孫男四與善聘舉人張羽鳳女與廉
聘諸生耿鳴陽女與諒聘諸生劉洪範女與誨
聘副使張修吉女孫女五長適長山舉人宋汝

錄藏山館文集卷之十九

二十五

九

牧子次適右給事中曲遷喬子次字舉人耿鳴
雷子次字諸生韓養志子次未字御史卜以萬
曆庚寅十月二日葬公於城東鄭黃河之濱使
來請銘銘曰 維南有淮東有濟瑯琊之宗中
而徙世載其德濟厥美四葉而昌福所綬朱輪
轂擊集于達綬何若若印纍纍地官起家稱宿
儒宦二千石專城居晉魏之郊澤旣濡嗟乎勤
事懷靡及中壽而殲疇不惜爾後繩繩無與匹
神臯撫撫新厥阡卜云其吉窺孔安公之真宅

此永年

明故文林郎南京湖廣道監察御史前渚

于公墓誌銘

始予與臨清于公同舉進士衆中目于公修幹
玉姿風神濯濯知其偉人也後且二十年諸同
舉者各以次積至大僚下乃牧伯而于公歷三
郡司理爲御史御史即要秩於于公爲淹然更
一再遷輒顯不後時也而于公以病謁告臥漳
水之上遂廵不出卒矣嗟嗟修短不可知何論

錄藏山館文集卷之十九

二十六

淹速傷哉公子高閭介侍御公狀請銘以葬
方悼公之不究忍鼎爲誌曰于公諱有年字
時泰前渚其別號也上世萊掖邑人國初以趙
衛間被兵空虛徙海上大姓實之曾祖常遷臨
清之梨園屯家焉是生祖通通生父魯先娶潘
繼杜生公公少有穎資而器度凝重不妄笑語
識者嚴之嘉靖甲子舉山東省試隆慶戊辰成
進士授揚州府推官以內艱去起補常州又以
外艱去起補懷慶凡滿六年考使者奏公治行

疏二十餘上矣萬曆庚辰召拜南臺御史公爲人風格偉爽才識絕群而心地坦夷不爲城府其任理官決疑亭法務在審慎所讞稱平其時政令嚴切郡國奉行率務橋度取名相高以尅核而公爲法吏從直指按部獨用平恕寬和無所侵冤權相制政宵人附離者爭招延海內士以植私黨士亦多趨走之公獨不爲私謁以是僅得南臺時論重焉巡視京營及鳳陽等倉簡練將卒嚴覈出納具有成效前後所條疏十餘

皆關大計其要在馬政初江北諸省民間畜馬歲課其息息不中程更買以賦後稍取直輸太僕而令養母馬自若民間苦之公請令諸省各計一歲中賦馬之數定其直與道里費算入租稅徵而使太僕歲數見馬以多少裁其本折須馬則吏代買即取其直輒以所徵輸入民間養母馬盡斥賣罷除之無有所與上嘉其策行焉江陵旣敗有執法大臣某故常私比爲奸利而與後政有連衆雖指目之未敢發也公毅

然具疏劾大臣其當罷狀有旨譙公以非所宜言大臣某亦遂去矣武林兵變公疏畫緩斬事宜大指在解網肆赦無治脅從部如其言以覆屬有星變陳天人感應之際災異所繫其說甚具爲御史五年聲猷日著諸公安譽之屬有胼疾不能自力告歸以萬曆丁亥二月二十日卒距生嘉靖乙未十月二十日得年五十二歲公居家廉儉服食器用無所修飾其在里閭屏去御從與諸生父老遊如平生歡值歲不登糴穀

百石以贍里人內外宗黨貧者爲買田分給多或數十畝少亦十餘畝閭左或欲流亡輒慰止振貸之里人德焉始公爲推官清考贈父母如其秩後爲御史遇大慶覃恩改封父爲御史乃立表冢上署曰御史阡云配王氏處士志學女累贈孺人繼李氏處士應明女與秦侍御夫人兄弟也累封孺人子男一即高岡娶顧氏順德府知府綬女女一適畫溪六學生嘉詔子俱奉出總公平生修潔冲和恬於榮利處已當官

踐有繩矩而外不爲邊幅可謂有道仁人矣位
不盡材年不酬德天寧可問乎哉予讀史東海
于公治獄多陰德子孫貴顯封侯傳世于宗率
出東海公豈繼廷平而興者邪毋論三爲司理
所平反不可計即馬政一疏江北河山之間所
保全細民家室以千萬數豈特一獄吏之仁哉
吾識於此侯公之昌後考焉銘曰 維東萊之
族遷於衛濱四世而昌爲綱紀臣侃侃索筆獄
獄垂紳胡天不憖以救寧我民人之云亡贖百
其身於乎傷哉于公其長有此吉壤以福爾後
昆

穀城山館文集卷之十九

三十九

三百六十五

明故中憲大夫兗州府知府金齋宋公墓
誌銘

萬曆乙酉冬天下郡邑吏會朝明年正月吾郡
侯金齋宋公奉璧待命一夕忽生項瘍以元旦
前二日卒於燕邸充屬計吏相與歸公之喪公
子吉祝奉公遺命來請誌銘按狀公諱諾字子
重河間故城人生有奇質九歲能屬文父封郎

中公故諸生也而公甫垂髫亦爲諸生郎中公
從邑先達受經所聞師說歸以語公無不解悟
郎中公竊自喜焉嘉靖乙卯舉京兆其後十年
乙丑第進士高等授戶部主事歷貢外郎郎中
咸有能名同舍郎主藏有所亡失詿誤及公謫
四川忠州知州忠去長安幾萬里險遠矣公怊
慨叱馭往抵任五日召爲南京戶部貢外郎未
至擢爲郎中居無何以久次拜知東昌府視事
五月以內艱去服闋除知鄖陽郎中丞荐公才

穀城山館文集卷之十九

三十

四

任治劇徙知河南視事四月聞郎中公病甚即
解印綬自免去而丁郎中公艱外吏法無予告
又非獨子不得歸養免輒致仕久之部使廷臣
爭上書言故河南守良吏也以將父棄官其人
才賢可用有詔起知兗州公往居三府不甚久
然所至廉平執法名聲流聞及守兗幾三年得
盡其才治行愈著充屬二十七城直兩京道吏
利民敝徵發繹騷公旣熟其利病務爲拊循安
息煦以豈弟至所興除鉤校無不精核即有

敝奸法輒繩以重典不少假貸吏兢兢奉
毋敢飾情以免部使上疏言亮治狀者牘
矣至是肆觀闕下主爵計畢述職且以高第擢
公而公溢及大故廷中諸卿大夫相與嘆惋惜
之公爲人偶偉玉立容貌甚修坦夷誠慤不爲
矯飾然亦彊直自遂即於意不當未嘗少有所
詘其才博大通敏遊刃有餘論事衍衍洞於指
掌然常本人情無迂恢語未第時甚貧竭力奉
親甘旨無缺及後貴迎養宦邸朝夕侍食職事
鞅掌終不少廢有同胞三弟悉推父貲讓之子
女婚嫁又佐以私財故人子楊生孤貧召置家
塾與子同業親督課之生後學成爲名士他所
彫卹孤發尤衆不可殫述也公之先山西屯留
人洪武中五世祖德成奉詔徙故城德成子一
公一公生雲雲生鸞皆服田有隱德或推擇爲
吏亦不遂而至封郎中公封郎中公諱良壽娶
封宜人王氏以嘉靖庚寅正月二十二日生公
距卒得年五十有六配李氏累封宜人語具誌

中子一即吉祝廩生有才儁稱娶太學生郭鄰
女女二一適樂陵知縣劉志道孫源潔一適饒
州知府陳桂子宋孫二聲著庠生娶通判鄭祚
孫女聲聞聘太學生陳豪女孫女五一適封周
一字南京鴻臚寺卿周世選孫承祖一字太學
生萬鍾一字張九德一未字曾孫女一幼銘曰
維宋之初肇太行食茲趙土六世昌有邨君子
儒其服揆藻帝庭玉出櫝再郎司農北且南以
匡且勅能厥官厥典大邦維衛楚解紱于周興
則魯奄有鳬繹荒大東民旣勞止利輟空公拊
其羸輿厥疾重陰閭澤流下邑三年報政維舊
武章甫袞衣獲我所荐璧左个且有錫胡天不
愬大命畢衛原膺膺卜云臧曾不踰時伉儷藏
處稱敦德出良吏有秩斯祉貽哲裔才於何究
數何覃無方者化其違旃我銘茲丘示來許展
世繹思以終古

明故山東東平州判官北溪于公墓誌銘
嘉靖壬戌予偕計吏上也東平別駕于公守邑

印綬躬爲之駕而公之從孫孔兼亦舉京兆北
上同醮遣焉其後二十四年爲萬曆乙酉予典
南都試得公之孫仕廉公老無恙也明年仕廉
成進士而孔兼入爲儀郎以狀請公銘則公以
仕廉舉之次月逝矣一日邂逅隔二紀而相遇
且相與得公事若前定者亦非偶也誌曰于氏
江左大蔭也先世蓋居江北宋之南渡兄弟三
人從行至江而別伯昇止滁仲暹扈從家臨安
李顯東遊金壇樂其山水因止家焉即公始祖
號曰安三公安三公生洮溪公茂茂生芳洲公
純純生碧潭公本爲嘉興府通判以死事贈同
知本生月潭公潤潤生贈中丞漁隱公盛盛生
贈中丞契玄公鎰鎰舉成化甲午省試仕爲萬
載令契玄公七子長曰中丞公湛而公行第六
與一少弟生最晚契玄公憐之臨終構堂曰藁
親記而納諸楹使及其長發爲契玄公配曰芮
太淑人而公母儲孺人先卒及孤而太淑人有
之中丞公既仕諸昆皆爲文武吏出遊惟公居

侍綜理田廬自甘蔬糲太淑人歡之曰兄以禮
養若以力養固善公嘗治經不就耻以布素
嘗乃謀諸兄子某以租羨爲助入長安選爲
部儒士授東平別駕東平魯大郡也當南北孔
道至煩且敝已又檄守東阿阿之煩敝不減於
郡而公皆以能稱其爲吏廉靜簡約緩帶褒衣
不效諸佐史蹶蹶趨走而事至常立剖所職輒
辦先於諸佐史東平城曠濶多荏苒奸無敢禽
制公設方畧購捕諸偷立散有內使過河上徵
發甚亟牒一士人於舟公往譬說之辭色俱厲
內使意動遂釋士人郡中以此才公在事五年
部使爭下記勞聲實日進主爵乃循常格使爲
王吏公嘆曰薄遊不遂安能白首曳裾作諸侯
客因自免去公爲人白晳修長溫克閑雅容止
甚設而不爲夸詡退然有以自下尤敦古誼嘗
字友人之孤終身無怠罷吏家居以經訓子孫
而飭以恭儉即有惰嫻輒屏諸外舍改而後已
是時公屬最尊諸從子若孫多登第爲貴吏咸

嚴事公稟其教公亦不以諸從子若孫貴下也邑大夫高其行延主憲老之席亦不數往而自行營冢地樹之松楸時從客飲其間其達如此公諱潛字炳忠家於龍山北渚之間自號北溪主人生正德壬申四月二十日卒萬曆乙酉九月五日得壽七十四歲配胡氏南京營繕所副居安女繼崔氏揚州處士養正女子男一東邑諸生娶馮氏繼丹陽張氏女六長適同邑虞重華次適同邑孫宗元次適丹陽賀昌胤次

字王其餘幼未聘孫男五長仕廉丙戌進士娶王氏次合雋聘蔡氏次天熙祖焄中杰幼未聘孫女一字宜興曹某束等十以本年十月八日葬公於花橋新阡公所卜也予觀世華貫貴遊類虛僑恃氣不能自裁以禮即出爲吏或軼矩程公以世家大族用儉節自守一試郡邑斤斤禮法不敢過佚可謂長者矣式穀孫子保艾爾後蓋天道哉銘曰 維東海之裔渡江而興熾於中丞印何累累鼓丹滿庭維東平克承無念

爾祖則友其兄厥施不究而永有令名宜爾子孫繩繩氣佳哉茲阡是營且有後命以賁玄局尚有考於斯銘

明故廣西洛容縣訓導月洲先生張公合葬墓誌銘

張月洲先生者諱天衢字達甫閩之篤行儒也世晉江人生而有奇氣志識高遠不慕世紛既從博士受經潛心理學遊諸大師間聞見日進益務修身潔行尚法古人即談說世事忼慨激

烈雅若有以自負父南溪公仕邑令而貧先生資遊學以養歲暮歸省盡出橐中跪進不私一錢弟仲亦仕爲令以祿養獨季未有立也而母黃夫人沒有篋在室先生封識唯謹待季長而昇之其居親喪致毀盡誠稱於宗黨久之德誼著聞文宗都試輒舉孝廉獨行厚寵荐之萬安朱公嘗以行義拔真第一爲多士勸於是張先生之賢聞於八閩閩人咸尊慕焉司馬張公岳鎮兩粵以先生自從幕中之畫多所參決司馬

誅田氏大酋其徒恒懼求爲居間介以裏蹠先生卻不視也而從司馬借箸以爲贊之便卒如所策先生年六十餘舉明經入對授洛容司訓洛容嶺西絕徼學宮不備祭則爲壇先生弗愠也嘗從邑令飲令使歌者奏伎雜以鄭聲先生正色請曰意非官師所以訓乎令不懌數目先生先生起趨出旋投牒自免去去而過南海謁憲長林公林公者故先生同舍生見其遊困念之會法一吏未決曰誠得張先生一言吾緩吏

蘇城山館文集卷之十九

三十七

焦

矣吏子操百金往請先生笑曰而以爲吾請事來與豈其棄官而賄是圖去無污我歸則閉門掃迹嗜學不倦學使蔡公請爲會宗使諸生談道者從之郡守朱公丘公請爲黨正使訓鄉之子弟里中有訟往質成焉先生爲人恬愉子易嗒然煬和平生不知嗔怒簡於嗜好兼修名理年至大耋顏色悅澤常如嬰兒僊僊行市中疑御風遊精力過絕人能立語終夜滑滑不止及後筆作書頃刻數百言盈牘乃已識者知其壽

微也配楊孺人德府長史楓山公文少讀書通文義幽靖惠和能事舅姑馭姊姒子姪皆有恩意其性行類先生始黃夫人壽九十餘歲先生與孺人生同年亦皆至九十同年而沒蓋生平室中未嘗有勃謖語其感和墮祉有在非偶值也往嘉靖末行遊司空朱公開府與郎君可大同事先生後十年行第爲史官先生年七十所裹糧萬里走長安居司空郎猶得奉其杖屨及別去歲歲有書抵長安率以道義相勗如是二

蘇城山館文集卷之十九

三十八

九

十年乃卒嗚呼今世學經談道藝者至不爲少乃其中情或不免沒於利祿視古人若不相及亦安得篤修茂行如先生者哉先生少時及見蔡虛齋先生蔡先生器重之後過南粵執質謁湛甘泉公甘泉公避席引與語大司空著道南錄屬先生考索成一家言其師友淵源有自居則化其里俗出則友教士大夫亦可謂儒者效矣銘曰 林類行歌何自適唐雎漂說秦烽息轅公王學曲士戢伏生授書蘭王迹先生之年

與之匹有儷偕之歸於室廡膳者原宿草積第
子著銘揭諸石此閩耆儒過者式

明勅贈給事中常公墓誌銘

常公諱自省字希曾其先鳳陽人也五世祖得
春始遷武昌四傳及慶選貢爲沔縣令著循良
聲舉二子次繼娶洪雅令賈公銓女生子二長
即公公生而及王父令沔也抱弄膝上輒能誦
聲詩屬對吐奇語王父大說已而悵然曰兒足
大吾門拂衣可矣稍長補博士弟子以文詞藻

蘇松館文集卷之十九

三十九

卷之十九

贈傾其流輩督學馮翊喬公山陰張公內江劉
公號爲有人倫鑒皆大奇之以爲常生國士也
公旣閱覽博物喜踔絕瑋異之觀以其餘精聲
韻及古奇字病方音舛錯乃以字姥爲歌以聲
逆詩以詩諧韻以韻索字而六書八體四聲七
音無不具也亦喜賦詩詩慕陶韋所賦輒似之
爲人愿樸居恒踈踈卻曲而臨事有氣不可奪
勲帥某鎮楚驕倨生貴諸生或過其門不去蓋
門者遮而何之諸生大譁帥恚疏其名中丞以

蘇松館文集卷之十九

四十

七月三日

公爲首公實不與也乃奮曰勲臣即貴重安得
凌轢士人吾雖不在義固當出輒入見學使對
狀辭甚辯試之文文工學使因大奇之以白中
丞盡置諸生不問矣郡倅李慕公名使子受經
里人有吏事繫以百金爲壽求爲居間公正色
曰固以諒節見禮使君奈何以是相溷亟揮之
出已而母老方伯湯公爲子除舍請謝不往也
公旣以文負僞聲即里人指目亦謂取一第如
芥乃其後大試秋闈危入殼輒北因邑邑不自
得已而遂病始公少孤奉母夫人撫弟仲居所
以承顏順志惟恐失驩至病且不起與母夫人
訣兒不能顯母已矣孫長而材可以事母謂問
卿也於是問卿亦少孤而奉大母賈母王以居
其事大母賈賈忘其失公其事母王如公事賈
里人憐之後十三年問卿舉進士爲給事賈顯
會以 皇子生覃恩 上曰給事中居敬忠正
亮直匡益弘多其以尺一贈居敬父諸生自省
爲給事中母王封太孺人問卿拜受制於朝退

—

穀城山館文集卷二十目錄

尚書兼都察院右副都御史贈太子太

保春容賈公墓誌銘

明故嘉議大夫兵部右侍郎石葵賈公墓

誌銘

明故南京太僕寺卿進階通議大夫木涇

周公墓誌銘

明故亞中大夫陝西布政使司右叅政完

穀城山館文集卷之二十目錄

$$t$$

二百十六

璞于公墓誌銘

明故奉政大夫湖廣衡州府同知羅江先

生高公墓誌銘

明故學正胡南湖先生墓誌銘

明故朝議大夫陝西布政使司叅議二泉

段公墓誌銘

明故中順大夫直隸河間府知府少菴王

公暨配恭人韓氏合葬墓誌銘

明故承德郎戶部雲南清吏司主事劉

墓誌銘

明誥贈奉政大夫戶部郎中栗公暨配封
太宜人蕭氏合葬墓誌銘

穀城山館文集卷之二十目錄

二

四十四太

穀城山館文集卷二十

東阿于慎行著

門人郭應龍編

北海董可威

天中李時綬校

都門李本緯

男于緯重梓

明故資德大夫正治上卿太子少保兵部
尚書兼都察院右副都御史贈太子太保
參政賈公墓誌銘

洛州古之趙國河山盤鬱故多鉅公名臣母論

古往當今皇帝時即有五六司馬皆值塞上

穀城山館文集卷之二十

一

多事任軍國之重有防禦功五大司馬者肥鄉
邯鄲兩張公曲周廣平兩王公威縣則賈公也
四公立朝差有久近其功多在東北賈公則以
西邊開府累功積至官保竟卒軍府天下奇其
遇而悲之及慕其德望有餘思焉方公之卒制
府具疏馳奏因爲請卹主上聞訃嗟悼詔贈
太子太保諭祭四壇賜將作金錢使使往莅其
塋葬有日矣二子同芳廕芳奉大叅袁公狀請
誌與銘以行與公同升故也誌曰賈公諱待問

字學叔別號容其先東萊人高祖諱忠當國
初西徙籍威之新臺里再傳諱昇三傳贈尚書
公瑄始學儒術以明經貢四傳贈尚書公民少
籍博士丁母李夫人憂廬墓三年歸而始室邑
乘稱孝子云初娶張生子待聘繼張及趙皆爵
夫人趙生公及待舉舉爲邑丞趙夫人之有娠
夢神白衣執導一童子入門寤而公降七歲
就傳讀書穎解稍長益嗜文史及補諸生試多
褒首嘉靖戊午舉京兆高第隆慶戊辰成進士

錄成山館文集卷二十

二

五

令陝之咸寧咸寧治會城煩劇公才敏器博推
以至誠案牘如積迎刃而解嘗清兼弁之發五
千餘頃治聲流聞壬申召爲禮科給事中稍遷
吏工左右公之居瑣垣風儀詳整進退雍容而
擊斷糾虔不諱疆禦再疏論劾馮瑞聲震中外
上固不之罪也而當塗喙之出爲懷慶知府懷
慶古之河內沁水出城西北秋雨汎溢民居漂
流公疏而濬之築長隄其上水不爲災察能收
守松江松江中倭日深困於兵食公爲節縮歲

錄成山館文集卷之二十

三

三百四十六

省除冗役冗食若干請發帑金五萬代三服官
墾境內閑田下其直而售之得金三千以佐都
水戊寅陞山西叅政駐節汾州汾城殷賑民居
東南二郭狹而中虜乃增西北二郭爲之子城
恣民徙占辛巳轉本省按察使甫三月陞湖廣
右布政使無何轉左居楚三年出內平允臧吏
無所低昂潦旱仍災請免秋稅七千餘石紮以
爲額楚民德之甲申轉南京光祿寺卿旋拜都
察院右僉都御史巡撫南贛鎮遏有方盜不入
境疏通鹽法使吉人受策於廣公私交便丙戌
召入協理院事道中晉右副都御史巡撫福建
條上清查寺田兼用客兵嚴禁勾引簡練水陸
諸事精意行之皆有成効旋以內艱去位庚寅
火真與套虜合入寇莽捏二川河湟大震詔遣
經略制府會兵出討值公服除起撫甘肅至則
日夜籌畫設伏制虜斬甲首及鹵馬羊牛無筭
招其旁番族八萬有奇虜斷右臂不敢飲馬於
河明年改撫陝西會有他語詔需後命家居三

年薦者日衆乃以操江起家旋陞兵部侍郎兼右僉都御史巡撫陝西時嘗寧夏兵變歲復不稔民多饑草公多方拊噢稍得蘇息秋月防虜移駐河湟適中調度再出遮擊斬首積二百三十餘級所俘鹵降服可六千餘虜創而逸西塞以寧詔晉右都御史仍兼侍郎巡撫如故已而關中又饑下在所長吏煮粥施賑全活可數萬人松山在河西塞外羗虜之要也小酋賓兔竊稼三十餘年其能驅逐公會制府甘肅大集七

已顧二僕曰我頭涿涿也寒甚奈何軍帥守吏以醫入侍卻藥不進因治書呼二子汗出而瞑越二日冢嗣奔自會城逆以東歸公撫陝八年德教浹洽元元樂業稅使梁永恣其僭從剝民財物多殺無辜公上疏劾狀逮其人付之重典梁請於四鎮稅馬及得鎮守三邊如正德故事公曰此亂萌也亟會制府上疏力陳不可其謀遂寢陝人歡若更生及公之沒軍民悲惋如失所天云卒之前夕有星隕於西方按史楊公行部華昌一夕夢別駕司理入告請爲開府前驅寤而異之門啓報二人卒午而公計至也臨泚一儒生驟白其母賈公召我母曰夢也頃之又白如初是夕遂卒夫其生有所自去有所適斯已異矣公爲人豐下甚髯貌整而恪寬綽坦洞色笑溫然不爲畔岸才器博大無論夷險處之裕如少奉二親備極孝養居喪哀毀如禮其事兄伯尤莊伯卒無後與弟季居所得祿賜盡以付季使視生產季文早卒子育其孤以一官任

之里居和厚遇布衣故人歡若平生大都以豈
翁長者虛中體物而內安外攘功名烜赫若此
豈不彬彬質有其文武哉公生嘉靖癸巳二月
二十九日卒萬曆壬寅十月八日得年七十歲
元配周氏某人女累封夫人丈夫子二長同芳
官生娶秦氏左布政使吉士女周出次蔭芳恩
生娶牟氏臨清衛官訥女貳室陳出女三長適
孫荷荷卒矢節三十餘年詳具邑志次適蔣可
慕俱周出次適霍次知副使維蓋子陳出孫女

卷之三

六

三

二俱同芳出所著文集藏家奏疏四十卷梓行
於世銘曰 古者使相文武通 明興列秩官
保崇自開府命惟賈公賈公名世才且雄博碩
其器仁其衷三十六襖從飛龍朝夕獻納侍紫
宮左闔右越節制同山無伏莽海不風玉關西
鎮寢夕烽河山有二孫錦豐戎車歲駕敷奏功
旆廬北徙宛馬東蕭條萬里狼望空 皇旌西
顧圖爾庸黃金白壁出內中三遷八座作股肱
肖形畫室鑄景鍾前軍星落氣若虹誰者騎箕

造穎穹天書明秘恩卹隆東園題奏夏屋封桓
之左右栢與楓是何翁蔚佳氣重加書其坎譽
永終

明故嘉議大夫兵部右侍郎石菴賈公墓

誌銘

萬曆丁亥嶧陽賈公由中山開府入爲大理卿
以親病謁告歸里其後五年壬辰朝廷用兵朔
方事在司馬廷臣爭言賈公可任卽家拜兵部
右侍郎趣召詣闕公復以父母年高疏請留侍

卷之三

七

詔旨敦趣益力而公以背疽卧數日卒矣兩臺
馳奏 上遣守臣臨祭賜金營葬如已任法蓋
異數也太公杜山先生年八十餘日夜悲思則
述公生平手自爲狀遣孫樾來請誌予讀其書
未竟於邑太息曰嗟乎吾乃遂銘吾賈公耶世
所稱心知莫逆驪如兄弟若吾與賈公豈有兩
耶生同州域第而同進同肄詞館趣操志行無
弗同者歸而同隱公處南境我處北境號爲兩
魯生也而吾忍銘公耶然公不得吾銘亦不悞

目吾不爲銘而誰爲銘公諱三近字德修其先
濟北人遠祖諱德真者避亂南徙因止於嶧再
傳至銘以貢爲葉縣丞葉縣公三子少者訪舉
成化丁酉省試爲建昌府推官建昌公亦三子
長者宗魯以貢爲南陽府教授教授公二子長
者卽太公夢龍以貢爲內丘訓導配陳淑人亦
生二子長者卽公蓋降於南陽學舍云公家自
上世以來用經術修明爲魯大師至太公益修
文雅卽家教授不由師傳而季父筆山先生亦

穀城館文集卷之十

八 周三百廿四

以治經有名與公在師友之間蓋公未冠卽廩
學宮文聲大起數從二父試更爲舉首嘉靖戊
午舉山東高第隆慶戊辰成進士名次爲東省
第一以博學宏詞選爲翰林吉士館師殷趙二
公亟稱公韞藉器識目爲豪雋又二年庚午授
吏科給事中歲中歷轉左右明年己巳西南夷
安氏舉兵讐殺詔遣公往問狀時太公司訓內
丘年滿六十公以誕日過其邑稱觴學舍太公
大喜卽日解官以公爲御而歸會安夷事定召

還使者公業已奉太公過里固不忍離去又其
時新鄭在位言官多所附離公不能從因請告
里居 今上嗣位卽家拜戶科都給事中至則
以登極覃恩太公封如其官母爲孺人是年新
鄭去位江陵當國權寵甚於新鄭惛伏一時臺
諫有所論奏母敢不關決者公時長諫院嘆曰
安有 天子耳目臣而趨走相門如白事吏吾
不忍爲也數有建白先上公車後送副封固陳
可否侃侃指畫相君無以難之公在諫垣所議

穀城館文集卷之十

九 三月十四

吏治民生皆匡濟大略不爲文具最著者平江
以長樂戚畹出鎮楚服有所邀求公抗疏劾之
立解其將肅藩旁支繼統行金錢貴近求先王
湯沐邑租以公再疏劾奏其請不行內監請以
關市推租領入少府公謂此邊儲所仰不當歸
之私藏示天下私事亦獲寢及它所論救言官
彈劾彊貴皆人所不敢言多與政府相左詳具
奏草又二年甲戌以久次擢太常少卿其年車
駕初祀南郊以禮官侍祠賜白金緋幣三年考

續太公進封少卿母進恭人改督四夷館稍遷大理左右少卿會江西撫臣缺議上公名有詔更推或請其故相君曰上遣中使入閤問十年進士遽拜中丞豈有故事乎公微知相君指因以疾請奏格不覆其明年庚辰乃遷爲南京光祿寺卿道中改北召還而公方省覲里門因上疏再告許焉居久之江陵即世吳門柄政頗收海內士望部使臺諫交疏薦公越二年甲申乃起爲光祿寺卿至則用前皇子生覃恩大父及太公贈封皆光祿卿大母謝孫及母陳恭人贈封皆淑人蓋盛遇也其年八月拜都察院右僉都御史巡撫保定等府會車駕秋祀山陵亟馳入境受代提兵防護事竣乃至行臺延見吏民宣布科條使列上便宜以次興革二千石長吏咸受約束母敢惰弛其明年乙酉使者行邊還言公所部備禦有狀賜白金文幣勞焉其明年丙戌西輔大饑民多死徙公日夜憂勞累疏請賑詞旨痛切上心爲動亟命司農條

覆蠲賑如中丞請公因以詔書德意下記在所曉譬貧民各安田里以待豐年毋得漂流客土爲人蹂踐一切停罷徭租大發倉庾量口賑貸設廠千餘區賦吏煮粥日食男女二十二萬餘口可數月罷它省流民多出其境別具食道上哺之是歲也晉代關河方數千里同時大侵惟西輔之民賴公全活皆於室屋爲位每食必祝臺諫言公救荒有効宜令久填畿南而公且滿三年考矣及有大理之命得代北上而聞太公夫婦小病亟圖歸省輒具疏請告有詔報可兩尊人既見公歸病皆立愈公日進醴醢珍異多置園亭花竹徵樂佐酒以娛侍其意或御太公安車遊名山水間爲歌詩相和而筆山先生亦罷博士歸兄弟老白首相扶也公當時自顧天倫之樂不知有人間事矣公去西輔閱邊使者又至復上公修守狀及壽宮行賞以徵發車徒勞再賚白金文幣即賜於家東省兩臺又交薦公才行至是歲軍興乃以本兵召入而公遂

不起矣嗟嗟悲哉公爲人白皙修長鶴姿鶚立
器宇軒豁風神雋朗魁然偉丈夫也持已當官
端方霍落無所阿曲而溫厚坦夷不爲峭岸深
機以自崖異其談說世故上下古今口如懸河
風生四座即一咲一謔皆有旨趣令人慕思自
爲諸生淹貫群籍無所不窺作爲歌詩清爽疎
宕咳唾立成同遊諸君皆服其敏捷自謂不如也
所刻有先庚生傳寧鳩子東掖奏草嶧志諸書
公數爲予言嘗紀左掖漫錄多傳聞時事蓋裨

穀城山館文集卷之二十

十三

三百五十四

官之流未及見也居家孝友恩義周浹嘗約宗
人爲社月朔讀法董以典訓別爲義倉積貯以
贍貧族又置學田若干爲諸生費及所濟里人
婚喪尤不可勝紀邑有疾苦或踐更爲累輒爲
請於部使多得弛免族鄰爭訟和以禮法曉勸
使之講解不爲言吏也嶧陽里俗故淳而公家
世施德義爲人所懷及聞公卒撫棺行哭者至
數百輩斯亦難矣公生嘉靖甲午正月十三日
卒萬曆壬辰七月二十九日得年且六十歲配

井氏諸生田女累封淑人子男三長梧娶歸德
府通判李澤女早卒次挺恩生娶沛縣太學生
張翼女次樾娶湖廣副使蔣希孔女皆雋才也
女二一適儒官岳維垣男生員薦一適太僕少
卿劉不息男生員潤孫女二一適趙氏子應宿
一字曹氏子一蘭皆梧出于生曰往江陵用事
貴侶視列卿以下無如也獨心憚賈公改容禮
之其門下用事客稱公爲泰山喬嶽斯雖尊慕
亦意忌矣吳門嘗語所親今方鎮諸公好修請
穀城山館文集卷之二十

十三

三百五十五

問殊不爲人地安得如賈中丞歲時以尺牘相
加遺不戒筐篚爲使人累也亦若甚重公者斯
二言其指固不必同皆足以知公矣銘曰 是
夫頎然而長渥然而發玉光果然如初日之照
屋梁孰降之神而生孰騎之箕而翔飄然乘雲
遊彼帝鄉是何一丘鬱鬱茫茫也爾形則戢而
聲無射以爲不信眎此貞石

明故南京太僕寺卿進階通議大夫木渚
周公墓誌銘

于子曰今世論士人操行率取崎嶇爲名高舉
群趣之至履方尚實之士詘而不稱其談執文
以激越幼眇盛相夸詡而沈深容裔本原六籍
者亦弗貴也舍軌跡而馮虛徇規矩而錯巧謂
世道何顧安得先民之典刑而風之頃讀張文
學所狀周太僕公則俛仰而嘆曰嗟夫士之操
行與執文渠襲不在是耶世胡莫之述也蓋公
沒而家中落至孫玄暉旣貴乃克營其墓石故
予得悉公之文行而爲之誌曰公諱復俊字子

穀城山館文集卷之二十

十四

任

顓有節於水人涇之旁嘗自號水涇子人因稱
焉自宋南渡以來世居崑山之塗塗里里有鼎
姓三亦謂之三家市周其一也國初有諱勝十
者於公爲六代祖傳高祖道祥曾祖毅並隱不
仕祖元學以德誼稱考諱在舉鄉進士授養利
州知州辭疾不就皆以公貴贈通奉大夫雲南
左布政使妣皆夫人初養利公兄弟六人而已
最少出而室於吳諸兄析產斤不與分曰當受
諸吳吳亦不與分也曰當受諸同養利公皆讓

不言而食貧治經奮曰丈夫墮地顧自樹何如
耳安問周與吳爲已而名果成借計長安從日
者卜卜曰君法故不當貴有子乃貴耳而吳太
夫人夢龍墮於庭是夕公生相與異而志焉公
生而器度純雅風儀韶令弱冠從諸生遊試輒
爲首與方伯顧公夢圭太史王公同祖齊名號
爲崑山三傑嘉靖乙酉南直省試中式舉壬辰
會試第七廷對爲忌者所裁策不奏御明年授
工部主事再奉命采青滇南尋進員外郎庀材

穀城山館文集卷之二十

十五

任

潞渚關四門於苑賈人輸水各從其方魚貫而
入無所留難歡聲大譟再進郎中綜事鳩工具
有規程司空倚重焉東宮出閣詔選郎官侍從
公名在牘或賂而更公不愠也以望擢四川按
察副使提督學校申布功令獨持風紀貴要私
請亦皆不行以刻核見中太夫人春秋高矣謝
病歸侍五年不出內艱服除以故官改補雲南
備兵鹿滄獠夷叛西洱海中遮略三郡吏不能
制公與隣道謀畫誘致別種取獠自効西洱遂

平撫臺上公功最相臣子用事嚙其無賄也賞格不行稍遷本省左叅政四川按察使右布政使仍轉爲雲南左布政使考核吏治無所阿邑有岳牧體故事方伯久次不滿而遷遷卽開府公三年奏績受策書矣而以入覲聞命遷南太僕卿例改別使入覲兩臺弗許公不得已北上一日道中雨雪先止候館有御史某繼至別宿民舍心固不快故以好謁公語次爲言孤遠之臣中朝無援浮沉滇蜀數年僅從量擢又因是

穀城山館文集卷之十

十六

役御史宵人也幸其無當遂劾公入覲非法公然不置辯亟上疏乞休詔與致仕穆廟登極迺進今階士論惜焉狀稱公爲人儀觀簡重言笑有常在官三十年貞介嚴明終始一節監司所積贖緩舉付諸守藏未嘗私取滇南寶貨出納一無所染有土酋嗣官者旁去殷富以賄奪適公獨以法正之適感公恩因里人博士某以金瓶異寶爲壽直可萬緡公正色卻之終不肯內亦不語人博士歸里爲人誦說乃知其事今

舉世浮慕清修至談楊太尉卻金皆謂固然無足異者綜其實不爾如公趣操亦大難矣天性孝友內行純備太夫人性嚴時有不悅卽長跪請謝色鮮乃起迎養入蜀每至險道輒步行夾轂扶掖而進即得平地乃敢登車少時嗜酒嘗有酒過太夫人力誡之自此終身止飲曰吾法陶士行兄伯伉直使酒公能曲順之及與分產以門田讓兄自取其瘠瘠田大獲復分其入至其敦睦群從奉事寡姊恩禮篤至爲人所稱尤

穀城山館文集卷之十

十七

不可勝紀云里居杜門掃軌不修請謁凝塵晏然一如寒素故蜀中諸生有宦於吳者屢履及門方出一見亦不使里人知也其學淵源經藝而稱說程朱之言於子史群籍多所涉獵尤嗜左馬屈宋諸家獨不喜佛書嘗著論闢之辭旨甚辯正學之士宗焉少時與從兄子言以聲詩相和及至滇中交楊用修太史雅相矜許太史校公集序之公始以使至滇愛其山水圖之以歸後爲監司出入滇蜀間幾若干歲故所遊履

歌吟於西南爲多遇亦奇矣所著有元史弼遠
王峰詩纂東吳名賢記及涇林詩集若干卷行
於世別有詩十卷及涇林雜記涇林類記四書
解各若干卷藏於家而里人言公易簣之夕遺
金不盈一鎰二子蕭然貧也蓋其遺滿籩乃今
發矣嗟嗟以公所操持韞籍而槩其文與行可
謂先民之典刑非耶吳即多莊士材人如公品
第宜亦無幾而後進慕名之士少所稱說豈其
耳目所涉遠而不及聞耶抑風會之流各有所

穀城山館文集卷之十

十八 同三百廿三

趣入而不返也故亟表而傳之以爲世模楷淳
風幾可復焉旣紀其實復掇其歲時宗系而銘
之曰 粵公覽揆弘治丙辰季春望日萬曆二
載鵬集十月哉生明夕其壽伊何八袞將周而
縮其一內君氏黃命爲夫人是生二息長泉醫
正而爵邑君以子貴錫亦錫厥配曰張孺人皆
不生食次穀娶王列在諸生嘗離于恤冢孫玄
華業於成均亦王其室其次玄曜爲邑弟子而
顧維匹玄暉鸞翔發魏之豐科則丙戌嘉止

朱受號貺榮與姑同秩玄暉玄昭室吳室黃咸
學於邑少者玄唱其偶爲宋學而未殖女孫有
三長適經生厥名張迪次則秦稼次金允成服
皆逢掖曾孫振振其名公亮公績公績公績公
寧是皆有名餘少未立佳城鬱鬱黃垓之原卜
云其吉歲星旣周孫揚于庭公行乃述是吳先
賢德爲里師文可以式閭修匪耀匪耀伊遠紀
在樂石旣受帝祉以綏爾後其罔有斁

明故亞中大夫陝西布政使司右叅政完

穀城山館文集卷之十

十九 同三百廿七

璞于公墓誌銘

方子冲以叅政請告予亦自罷歸也歸數月子
冲攜王生興甫視予穀城邑里因相與遊玉符
山中極飲三日夜子冲醉而歌且泣達曙別去
其後四月子冲起爲陝西叅政駕而西入關其
後兩月有客過予語次言子冲客死咸陽道也
予爲之罷酒謝客哭於寢門之外亟馳之濟上
弔焉而子冲所爲後藻以宗人子長狀請銘念
子冲里居遊從於茲三紀情均同氣義則友生

濡墨舒翰淚落如雨步能爲一辭者旣不可已
勉撫其大略焉誌曰子冲姓于氏名瑱字子充
後更名達真因字子冲其先文登人也徙家歷
城世居槐里爲邑右族幾傳至太公溥太公居
故溫厚而以佃儻好遊稍減其產娶秦夫人舉
壯子前死以史夫人造室最晚乃得子冲子冲
年十二三時魁梧豐下矩步方裾狀如耆宿資
質殊絕目所暫覽無不覆記爲博士文業名伏
一時嘉靖己未故大司空朱公開府東省爲郎

蘇城館文集卷之二十

二十

三百二十四詩

君除舍求諸生年相若者與同研席學使孝豐
吳公曰吾有兩子生皆國士也請置館下而子
冲及子從府中執業矣其時可大年十一歲子
冲長二歲子又長子冲二歲皆以總角操函伊
吾應和輒能上下千古旁及百家交相得也居
三年而別予舉南宮子冲可大復遊任城邸第
文聲交進相擊揖大河登雲龍山上忼慨悲歌
而予方卒業詞館得子冲所爲歌詩恍然自失
謝不及遠矣蓋是時子冲已從其邑李滄溟先

生遊李先生於當世士少所許可獨進子冲與
語若將以不朽托之而一時名家如王長公輩
亦從李先生所識子冲而奇焉子冲雖爲諸生
名已大譟海內而予乃始操觚學爲聲病宜其
遠也子冲旣以萬曆癸酉舉東省都試明年竣
試禮部以太公病馳歸捷至而太公瞑後三年
丁丑乃與可大同對廷試彼時可大聲名亦燁
然公卿間矣會有詔選吉士衆謂二君者即不
事射覆可預知名也然皆不被選而子冲與同

蘇城館文集卷之二十

二十

三百二十四詩

時名士沈箕仲屠長卿輩相倡和爲歌詩名滿
闕下即沈屠諸君子亦無不避席揖子冲者子
冲以射策高等選爲澤州知州澤州河東支郡
不隸大府而得自治其屬如大府真二千石職
也子冲自諸生時浮湛間里習知民事一旦試
爲郡精核文法洞察情僞所興建便宜釐革弊
蠹皆老吏所不能爲威惠流通上下懷服治行
聲爲第一居五年召入爲兵部員外郎會 上
相閱山陵行出倉猝主者慮不能辦以子冲忖

任煩劇拜爲山西僉事備兵昌平入曹未滿歲
出爲方面故事未有也昌平陵下小鎮戍士不
滿數千二三奉邑故皆赤壤無可供億車駕三
歲中四出千乘萬騎紛屯原野而子冲無困苦
色子時從在豹尾中每過子冲邸卮酒從容達
夜終不聞吏士前白事也而馳道鉤陳掃除供
張從官群臣卽次如歸無不出子冲所者其能
以整暇任重如此時羽林七校及漁陽上谷中
山將士夾道爲營惟子冲所練騎錦韉棋劍

義城山館文集卷之二十

二十三

旌旆悠悠甲於諸營從官咸指目問之交稱兵
使者材也子冲善董將軍董將軍者名一元兄
弟更爲大將精騎射有才略而子冲亦能馳騁
馬挽強命中居間輒相與畫策爲營壘群材官
健兒角射殿最賞罰以爲常或共獵平原血懸
麋兔熾火草間酌大白而啖之歌而相樂也諸
材官健兒亦皆相習以射爲戲不數年昌平得
教士數千有古幽并年少風矣大司馬知子冲
材可任衝邊請以爲山西按察副使備兵薊州

薊州者古漁陽塞也地居左輔當虜所入道備
兵使者往往卽拜開府故以屬子冲云子冲至
而董將軍亦從上谷移屯右北平塞下與子冲
同事相得甚歡稍稍取戚將軍所建後所廢隆
者一切補苴規以軍聲大振而會董將軍爲忌
者所中解卽罷去以張將軍來代張將軍者上
谷人亦嘗與子冲同守昌平一日馳而失韉墮
子冲笑顧從騎前掖將軍也射又負子冲所因
內愧恨之至而與子冲相左中丞臺有所欲護

義城山館文集卷之二十

二十三

子冲竟置之法中丞亦恨子冲張將軍出故政
府門下心知中丞指而力能中之政府主爵弗
能難也遷以爲河南叅政曰極知其才望特少逸
之耳子冲在北邊久雅欲有所建樹及徙入內
地官雖少進實無所施固不能無鬱邑去之明
年值萬壽聖節奉皮璧入賀因以母病請急
罷歸歸之明年朔方軍變東西用兵臺諫爭爲
子冲從告中召起補今官然不遂用之行間而
以爲旁道亦非其好也念欲上疏謝不出子冲

書勸之曰國方有難不得以親爲解遂趣裝而西行至河內輒病瘞留數日渡河又沒其所乘善馬心甚惡之西至興平疽遂大發卧故人李公舍使使上書未報而子冲卒嗟夫以子冲之才無論位遇乃所就若此惜哉子冲爲人沉雄跌宕器識絕人規畫事機皆有大略不爲齷齪之筭其才縱橫險易無所不宜而不能爲浮文小禮以適人耳目平生尤慕俠節卽邑里少年鬪雞蹋鞠鳴瑟跼之娛亦無不與其間而穀城山館文集卷之十

皆子冲所厚善而子長與予同年遊亦甚歡故相與撫其行事紀之云子冲卒數月可大以大官丞上書適居田里過而哭子冲與予別去子冲生嘉靖丁未閏九月十二日卒萬曆壬辰八月初十日得年四十六歲以明年癸巳十一月二十二日塋於先營南配王氏贈宜人繼室耿氏蠡縣知縣尚文女封宜人嗣男一藻兄璉次子女一側室徐氏出字河南副使王公見賓男王公卽子利也而太公及二母贈封皆如子冲爵有策書魯于生曰以予觀子冲材唐郭代公宋張忠定之流也世人皆慕子冲莫能名子冲至曰于大夫善騎射有邊吏材若目爲一劍之雄者適足捧腹耳子冲與予飲玉符山中時以所著詩一帙遺予而去及沒索其他藏書未有以應也子張子利必能承其傳將與謀共成之銘曰嗟來子冲乎嗟來子冲乎爾載爾名乎且以死爲生乎爾逃爾形乎且以殤爲成乎已乎已乎不知其紀乎傷乎傷乎是區區者藏乎

明故奉政大夫湖廣衡州府同知羅江先生高公墓誌銘

吾師羅江先生卒於萬曆丁亥其後四年厥嗣憲副若服除請闕請於慎行以先君之得交於執事雖是冠履之役未有貞珉以詔來裔執事其圖之行也無似幸備弟子之列將築塲負土以表吾師之墓惟是方尺之石卽微大夫命之固願有誌也茲次第其事於篇誌曰先生諱啓新字德父上世即南昌人至宋建炎中有號端六

穀山先生集卷之三十

二十六

三百七

公者定居高城又數世有號叔昭公者再徙羅舍七世而至大父處士公文簡以有行聞傳父繼耀公舉正德癸酉省試仕建寧府推官毋羅孺人生四子先生其仲也與兩弟同遊諸生以治詩有名太師徐文貞公大卿李愚谷公大司馬蘇舜澤公先後爲學使皆以國士遇之嘉靖癸卯與弟啓弼同舉於鄉數上南宮數罷弟亦旋沒已未謁選得鄆城知縣三年考績推恩及父母擢爲通州知州居二年徙四川邛州居六

穀山先生集卷之三十

二十七

三百八

年遷湖廣衡州府同知居一年餘遂致其仕去又十四年乃卒年七十七歲矣先生爲人坦直凝重言笑不苟篤修內行宗黨姻戚人無間言精於吏職所至必有興革可垂永利鄆城者魯西南邑也有王國之牧有公邑之封有衛士之屯與民田相入如錯繡然胥徒割竄其間吏莫能詰先生曰國家優恤元元祇慎財賦唯均田是急是其責豈不在令乃擇日詣神祠屬吏民而誓之刷四境之田盡爲封樹藩牧公屯軍佃各正其籍然後分丘丈量得成田若干頃鱗次而版之不閱月而竣及料其戶口有產盡而役存者與有沃土而不登者無不核也賦役大均流移盡復隣邑之民咸詣當道請得均其邑田如鄆之法其後二十餘年有丈田之擾惟鄆免焉通州俗故侈靡島夷之亂民多流徙復以海溢歲荒居無恒產豪強兼并者又隱占其間先生平其徭賦定爲三等惟產是視毋諱貴強又以暇修築城堡簡練鄉兵海上晏然桴鼓不鳴

矣邛州有七里壩地衍而燥不雨則乾先生曰
以是蕞爾土城之所歷而鞠爲汙邪何以稱循
行阡陌乎遂自沃野土疏導爲溝澮覓轉徙之
民給以牛種得墾田千五百坵歲竟有秋歡聲
遍野郡境接壤羗夷時時小反先生從憲使溫
公如春畫策募民爲兵付之別將使入其阻羣
夷遂殲先生旣去邛民奉祀溫公以先生配曰
比張益州也爲守令郡丞孳孳興利大要類此
而不能隨俗順邛卽事貴勢以法自守不爲少

穀城山館文集卷之二十

二十八

三百五十四

屈亦坐是中傷焉通州有鉅公家居長吏常以
月朔率師生起居及第中掃除種植皆出踐更
先生悉罷去之鉅公子武斷里中多行不義至
以私甲禦寇與官兵爭功因廉其狀法之其丞
衡州守印綬會萬曆改元遣給事某往祀南嶽
給事某者江陵邑子也怙勢生責欲令郡丞尉
以下伏謁如部吏先生曰給事貴人守丞幸備
隣郡何屈禮也卽還郡閤閉弗與通給事某銜
之而先生馳書諭諸子曰爲營里橋吾將老焉

無何遂自兗歸先生年踰七十齒髮不渝陳太
安人偕老諸子用科第成名著聲仕版孫曾繼
起振振滿前出而與親戚故人結社爲歡陰以
禮教科條部署子弟里人化之論者以爲備福
完名所希有也平生嗜書垂老靜居手不釋卷
所著有忠孝堂集數卷藏于家初先生以詩爲
豫章大師後徒甚衆在魯與蜀分校鄉闈得士
爲多行也以垂髫入試亦濫竽焉封太安人者
義門陳氏女也始以先生考績封孺人後憲副

穀城山館文集卷之二十

二十九

三百五十五

君爲郎先生以仕吏不封封母太安人先生罷
吏而以郎封晉四品服云先生生正德辛未八
月初六日卒萬曆丁亥七月十一日以某年月
日塋于某地子男五女一長則允由選貢令雲
南嶧峨縣先卒次則巽戊午舉人今爲常州府
通判次則益壬戌進士今爲雲南按察司副使
次則頤郡庠生女適梓溪鄉進士劉君廷詔子
仕迎俱陳太安人出又次則觀縣庠生庶氏劉
出兌娶秦文學廷翰女生孫男四承襲承契承

萊承貢異娶陶文學以奇女生孫男三承龍承
尹承望龍尹爲邑諸生益娶張知府尚女繼娶
伍國賓女生孫男二承周承畢周郡庠生孫女
一順娶閔吏目梧女生孫男一承伊縣庠生孫
女一觀娶張州同塾女生孫男一承橋幼未聘
曾孫男八曾孫女四銘曰豫章之宗肇華胃只
相居于羅厥維舊只七葉而昌澤彌厚只德聲
洋洋有俎豆只匪伊金籩一經授只政在魯蜀
楚是究只德聲洋洋有俎豆只杖而懸輿康且
壽只施于孫子恢堂構只煌煌者芾若若綬只
天道無親仁則佑只有封罕如桐梓茂只戢魄
掩暉艾爾後只門人勒詞石工鏤只漢紀龔黃
於公又只

明故學正胡南湖先生墓誌銘

豫章有胡南湖先生者好學修行君子也諱儒
字國珍其族曰東胡氏上世出前宋陽山縣男
壯侯藩藩有子六十人後裔散居四方著者在
唐爲侍御職始居奉新誠之後在宋居崇安爲

文定公安國居晉陵爲文恭公宿其居奉新者
爲秘書省仲容秘書四子舉進士其仲國禮爲
刺史刺史之孫爲侍禁雲從以元符黨人編管
南昌家焉子孫世世爲達官至元爲彥良彥英
兄弟彥良徙鳳凰城本朝大司馬訓之先彥英
徙灌城鄉所謂東胡氏也五世爲先生父孔範
號堅白公母章太孺人以長子病廢禱於嶽神
七月而舉先生豐順垂耳舉止老成識者奇之
堅白公倡明理學爲豫章儒宗閭寧庶人濠厚
招遊士避入匡廬山中已而庶人反客有過堅
白公盛述其兵威及所署賓客官職口津津慕
之公方飯怒以筯擊客折齒章太孺人提携先
生在旁亟呼救客先生仰曰客乃欲作賊胡不
死公摩先生頂大叫曰可見可見七歲就傳命
曰延齡中丞艾公聞堅白公名及門求見先生
爲兒見客至不避神色自若艾公撫之曰小子
何學先生曰學爲儒耳復命之曰儒十六讀書
外舍隣人之女窺之先生曰寧爲魯男子不爲

柳下惠書諸壁而徙其後成爲名士汎瀾百家
尤好左氏兩司馬言自徐文貞公以下皆識拔
之嘗列都試高等以卷脫不得錄下記褒焉先
生承堅白公家學雅以聖賢自期及聞越中先
生語益欣然慕之然弗謂至也以爲學在力行
行始孝悌乃益敦修實踐不爲虛談其奉父母
備極孝養居喪廬墓三年未嘗見齒兄病狂易
先生護其起居每進飲食必從容拊問求其肩
膊所在庶幾無恙不輒碎釜裂甑怒不可支而

數城山館文集卷之二十

三十三

三十三

先生愈謹故人康三以吏事誥誤抵死先生捐
數十金脫康於阨康願鬻女爲報先生拒之督
學臨海王公旌一郡學行品爲第一門人陳宮
替棟及第先生遺之書曰夫人辟如水矣有海
水有江水有溪澗水溪澗之水易涸易盈江則
汪洋大矣然觀者猶能言其水端惟海稱百谷
王投之一溪澗水如是投之一江水如是投之
五嶽四瀆之水如是吾不知水之無盡藏也子
其擇焉見者目爲名言萬曆己卯用明經貢堅

不欲行上其名禮部奏授某州學正致仕部使
大其間門署曰經師人表子汝煥舉於鄉從子
汝寧爲諫議及門之士多以師說出爲顯官先
生春秋高矣屏居山中足迹不入城市監司守
令嚴之多造其廬禮焉太守范公延爲鄉飲祭
酒憲而乞言先生曰政無速効教化爲先小人
知耻君子知禮治道不遠矣范公改容謝之生
正德乙亥八月十二日至萬曆丁亥十月十一
日告終得年七十三歲配浩諸生貞用女有內

數城山館文集卷之二十

三十三

太

則先十二年卒子二汝煥庚午舉人娶王氏貢
士緝女汝毅娶陳氏紀善貞女續娶周氏儀賓
元實女孫男五憲深府庠生娶張氏知縣陞女
欽華邑庠生娶鍾氏理問曰孟女欽典欽恭欽
敬俱幼孫女五一適光祿署丞張佩子大經一
適督學副使李遜子咸一字南京太常寺卿萬
公思謙孫人文一字進士王尚賓子登一字提
學僉事蔡文範子維垣王孺人之病也子煥封
股食母施金剛經五十卷有白光現室之異後

先生病疽而煥及弟相代吮之三晝夜乃止觀者感涕可謂有子矣煥以其年月日奉先生葬於匡山之南身走長安乞銘濟北生曰予不識先生習先生事以孟弢云孟弢者汝煥字也其爲人軒舉雋邁博通古今談說當世有古儒俠風而工爲文賦先生用儒術顯不究其用而用之孟弢必且有崇議豐勲光耀圖史何必其身哉銘曰 其迹隱也而號彌彰其身詘也而後克昌其神漠然往也而魄窅然藏厥在廬阜之

穀城山館文集卷之三十

三十四 三百本

陽江水湯湯彭蠡洋洋不及十年其上當有螭首而鑄龍鸞其章者夫非先生之流芳與

明故朝議大夫陝西布政使司叅議二泉段公墓誌銘

二泉段公者恩縣世族也居邑之段橋高祖志剛志剛生榮榮生興興生贈文林公文高娶栗孺人生一子是爲二泉公公少從博士受經爲邑名士嘉靖丙午以書舉於鄉明年成進士授壺關令治行高第召入爲御史巡視京通等倉

出按四川左遷深州判官稍轉大名令久之陞保定府同知連丁內外艱居四年復除蘇州尋擢河南僉事備兵潁上隆慶改元遷陝西叅議偶遘危疾上書乞罷詔以叅議致仕病痊召用久之病良已兩臺以聞而公以無子故終不求出家居幾二十年卒於里第焉公諱錦字美中二泉其初號也及後請謚謚曰娛怡以見志云爲人星眸疏髯姿幹豐碩居官才敏所至有聲其令壺關也虜歲大入築城浚隄日修守禦民

穀城山館文集卷之二十

三十五 周

以無恐大府課諸縣田租壺關居最以公催科有法故按蜀以惠文三尺彈治墨吏重慶守以賊敗上疏劾罷之守乃當路甥也以此中傷得謫面公嘗監蜀試所舉首內江陰公至大司馬及榜中顯者夥夥衆矣備兵潁川於諸邑贖鍰一無所取願嘗捐廩金四百以養諸生貧者穎人稱焉鄭王當 世廟時上書直諫廢處鳳陽穆廟即位公白兩臺訟王寃狀有詔迎王復國王欲有以報公公謝不受王拜其門而去退居

里中益務施德行仁振救貧乏惟恐不足歲嘗
大饑出粟三千以賑又嘗大疫施藥療之歲以
爲常又嘗出金二百佐修學宮邑南二十里漯
水經焉雨潦病涉嘗出百金爲橋又嘗鑿井於
巷以濟汲者盈尺而得舊甃里人號其泉曰善
感諸所行皆類此也女弟早逝有二子焉其一
治經延師誨之其一力農買田給之二子親倚
舅氏忘其失母矣武邑書生任其携其二子客
遊行至邑境而卒公召二子養之比其長也使

隸城山館文集卷之二十

三十六

以喪歸故人崔某沒而遺四子貧不能存公朝
夕贍給之使有成立及他所具棺槨而葬者不
下數百人里人交口誦之然公天性朴介居常
閉門不修請謁即客有過問者亦不數見也家
政嚴整謹於賓祭衣冠筵俎無不肅潔獨自奉
儉朴非有大會不輕擊鮮曰吾以惜福云公生
而寡兄弟數舉丈夫子又皆不立長女爲王氏
婦亦死比年七十餘獨一少女以字予生愉贅
入承祀更曰段生公病且革手書愉爲後今奉

諸姪以居而召其疏族義子各分子財產有差
撫臺延津李公聞狀下記告長吏曰段公立後
分財可謂恩義明白矣配有兩鄭孺人贈孺人
平原鄭晉女先公四十三卒封孺人平原鄭
麒女先公三年卒公之微時贈孺人相之以成
其學及其貴也封孺人相之以成其宦然兩孺
人所舉子女皆夭折無在者而配愉者出副室
康氏故城康鸞女也其娠少女三年而產邑人
傳其事異焉愉將以某年月日奉公與二孺人

隸城山館文集卷之二十

三十七

合葬介謝使君狀乞銘使君深州人故公門下
士也予往來清河及從諸大夫聞所稱段公事
與狀不謬而愉以里子執經從遊賢而美秀奉
公悉嘗甚謹嗟乎段公可謂無子而有子者矣
吾悲而爲之銘曰夫修名於朝人可勉也修行
於家世所罕也孰是豐德而不延厥世孰是無
子而不失厥祀前有司馬後有中郎與公而三
悲哉此藏

明故中順大夫直隸河間府知府少菴王

公暨配恭人韓氏合葬墓誌銘

萬曆辛卯余得請罷歸而王公爲河間守也相與把臂道左憮然言別明年王公亦罷河間又明年其伯子延對走數百里衰苴及門以壙石請則公及配韓恭人兩月中相繼沒矣嗟嗟人生地上夢也聚散浮沉其於夢境在儻忽之際耳杖涕而誌之曰公諱之士字吉甫自號少菴其先瑯琊裔也世居青城鎮六世祖賁徙家鄒平宮大同府同知高祖瑋隱德弗耀曾祖晟爲

藏板山館集卷之二十

三十八

博士諸生大父黃山公誥以明經爲鄆陵教諭父復菴公陽爲諸生後以公貴贈中順大夫廬州府知府母孫封太恭人舉公一子見時老成敏慧大父奇之携至鄆陵延名師授經文業日進趙公孔昭爲鄆陵令大見器許歸補諸生爲學使吳公維嶽所知選肄湖南書院益有名諸公所矣隆慶丁卯舉山東省試戊辰登進士高第選潁州知州撫綏振飭威惠流聞治行爲江北第一滿考擢南京戶部員外郎奏績謁告視

親出補故官遷寧國府知府以外艱歸服闋補廬州聲施益振三年奏最再受策書計且遷官而操江中丞忽用忌者語列公兩臺不與聞也公因歸卧不出久之長安諸公趣詣闕補保定府同知會河間缺守按臺徐侍御奏公故二千石任治煩劇擢守河間居一歲河間大治而念母大恭人年高謀欲歸養撫臺宋中丞惜之留不爲奏壬辰大計復被蜚語中傷得旨聽調當事亦不知所出也公得遂始圖歸視甘旨若將

藏板山館集卷之二十

三十九

終身乃無何不祿矣悲哉公爲人性資坦夷色咲可親推誠接物不設城府而事有操持奉法循理屹不可奪數牧大郡用廉明敏慎所至見稱釐革興建皆有可紀潁有軍尉某橫恣不法士民重足畏之公廉其罪狀論報直指收案致法郡中震栗廬江界部有盜嘯聚至數百千人勢且不制公發兵傳檄深入其阻盜遂解郡境以安河間直兩京道上日有過客公一切罷絕宴餽務爲節約即故人所善但以卮酒往勞不

煩公帑河間城東南地洿雨水流潦方舟而陸
前守錢公橋於其南惟城東未及爲植公復爲
五橋於東連亘六里民不病涉也語具李中丞
記別駕治粟以美金奉固郤者三固進者三不
忍其愧也受而屬之主藏適有平糴之役取諸
庾而賦焉其廉而不劇如此河間民婦趙年十
六無故而死公手其牒心動如聞有嗚咽聲亟
使廉之則姑與少年通因緣謀趙趙斷指自誓
窘之百方益罵不從姑介少年並擊之斃焉遂

穀城山館文集卷之二十

四十

具成其獄而旌趙之烈郡稱神明矣所至興學
右文尉薦士類恩禮甚備其所甄獎多成科名
然公爲吏以質行自任不飾名迹又好以繩法
操下聽讞比無所阿私故常爲僚吏所憚屢見
中傷出入二十餘年官不過牧伯談者惜之居
鄉尤有恩施嘗舉子錢千緡聞里中大饑遺書
伯子盡折其券門外貨肆有挾局而覺者實無
所得也公愀然曰彼貧耳倉卒妄意室中操空
質而對吏使終身不比於人吾不忍也亟命釋

之先大夫言氏之裔貧而貨其墓石止之不聽
給其值而存之曰此非君家所有不得它鬻其
惠愛皆類此恭人者同邑韓公璋女也生而婉
婉端淑家人宜之笄而歸公執酒漿縫紉以奉
舅姑備子婦禮公嘗遊學它境歲時歸省闔扉
謝曰兩大人躬督耕織日夜作苦猶時時遣奴
持筭器食勞君凡望有成名以顯而世也晨昏
之禮新婦在是君其無歸旣貴有錫命僕使亦
充日三上食舅姑修脯醴醢咸出其手喪其父

穀城山館文集卷之二十

四十一 三百五十四

母哀毀泣號悲感行路曰痛吾親之不食於其
宗也葬事之豐踰於有子矣內政嚴整御下以
慈治生勤儉身衣布襦寸帛縷絲皆有葆藏至
郇給親族則無所吝撫畜諸子備極憐愛然能
董其藝業不使少弛有父師風賢聲著於里黨
公生嘉靖十五年正月十二日卒萬曆二十年
十一月十四日得年五十有七恭人嘉靖十四
年九月初八日卒萬曆二十年九月十一日得
年五十有八凡生七子而成者四長即廷對邑

諸生娶衡府奉祀孫櫟女次廷奏禮部冠帶儒士娶長史同邑呂克恭女次廷擢娶山西叅政高苑張修吉女蚤歿次廷薦娶浙江副使淄川韓萃善女其三殤也女一適同邑太學生孫煥然孫男六長鼎昌聘元氏知縣新城張篤敬女廷對出世昌聘長山庠生李邦澤女圖昌聘御史青城于永清女祚昌聘庠生孫載陽女運昌鉉昌永昌未聘俱廷奏出曆昌未聘廷薦出者一皆幼余觀公歷守五郡不出燕趙吳楚皆赤

蘇城山館文集卷之二十

四十二

三百二十四年

畿地也燕趙之郊政罷而俗悍吳楚之間民剽而法繁及公爲之皆若所素習然則惟是悃悃設誠不言而化獨無如中者何耳漢世良二千石如韓張諸公皆歷四五大郡所至有聲徒以牧伯地重不從旁制耳今如法諸部使者用柱後惠文交錯於上而下吏操輕重其間何以致理効如所稱云哉余旣誌之因銘之曰天之夢夢也孰是人斯而不究其庸也民嚮其腴已集於枯或銘之孟或張之孤吏安可爲乎嗚

呼

明故承德郎戶部雲南清吏司主事劉君

墓誌銘

劉君諱三英字邦彥其上世居燕元末遠祖良臣避亂南徙遂止爲濟寧人五傳至大父鉉生三子長曰允升嘉靖甲午舉山東省試次曰允中則封文林公封公三子長者三奇少者三俊君其仲也君生而穎慧七歲能屬文封公遊郡諸生以經術專門即家教授三子趨庭受業皆

蘇城山館文集卷之二十

四十三

周百九十一

有成名萬曆己卯弟俊先舉於鄉君未遇也一日夢若神語何憂不第京考出即收矣時御史監臨京考久廢君謂此殆漫也其後六年乙酉朝廷用禮臣請果遣諫議王君儀郎孫君來主東省試君卷爲一博士所置司理王君檢得之曰此可爲東人士冠也白諸主者取置高等錄其文以獻而夢中語踐矣明年丙戌成進士給事比部授成安令治有能名部使薦改元城元魏首邑也在事三年聲稱益著疏薦十餘滿

考奏績策書褒嘉爵父如其官前母商母李皆如其品久之以治民有劾擢授令官癸巳二月以使事歸省抵舍數月一夕病痰發卒矣君爲人醇謹端凝寬仁大度居家孝友有內行爲吏惻惻樸茂惠政及民古之敦德君子也一日省試事竣聞母病亟從學使乞歸情詞懇惻涕下如綆學使憫然遣之至而後飯含矣長號嘔血指爪踣地入土尺許昏暈幾隕封公懼而泣慰之曰咄孺子不幸失母復不欲活而父耶奈何不自愛若此君乃吞聲叩首謝焉兄弟同詣長安弟俊病旋君馳與俱不欲獨往封公督促使行試畢趣反行未抵舍捷書先聞而弟俊已前沒矣封公戒令家人毋泄其事君旣入門覺蹤跡非是徬徨索弟見素幢焉即以頭搶地哭曰吾以有弟而出無弟而返何用科名封公百方慰解乃肯入對旣居元城數年念封公年老日夜思歸至欲棄官歸養所司以無故事不允而封公馳書謂君吾聞長吏秩滿法得生爵其親

奈何以一日之養而稽天子恩命使我白首逢掖衣也何以稱有子矣君乃不敢言歸其入爲地官聞父有股瘍逢人自里中來問訊起居涕隨語下會有遼左之師當以部郎督餉衆難其行大司徒曰劉大夫念其親甚得取道歸省必不辭難君欣然受命而出使事已竣乃歸里門上謁見封公貌癯俯伏流涕不止左右感動居數月封公忽病君驚惶無措偃僕呻吟祈以身代已而君亦有疾猶日扶至父榻調其湯藥強作步履以寬父憂一日出訪友人議療疾座中疾作昇歸而絕其情悲矣至其敬事兄姊撫育甥姪恩禮備至加於恒情病中爲二姪納婦一縷一帛皆出已篋不以煩兄弟也內外親姻歲時問遺無不豐腆大小疏戚懷君之惠沒有遺思焉其孝友有內行如此成安值歲大侵死徙載路按籍賑貸設廠煮粥不事文具全活爲多又嘗力請於止蠲除田租加於大邑旱暵不雨竭誠祈禱至願減已齡以活百姓澍雨

輒應邑民欣感其在元城值潞王之國計邑洵
懼吏或解印逸君獨毅然任之推其經費出藏
金錢不足請諸大府益以他徭不賦民間一繒
王舟所過邑人若弗聞也而君亦以馳驅病矣
爲政廉平子諒而能以法繩大豪不怵於勢其
民愛而感之去而家尸祝焉其悃悃有惠政如
此余惟當世士君子出則爲皁節瑋行以市名
寵及問之家庭巷陌弗訾且咲稱無過舉者斯
爲幾矣一試爲吏惟飾美炫奇以中觀聽而民

穀城山館文集卷之二十

四十六

任

不知恩至幸其蚤去若脫水火而都華履要以
治行名者比比皆然以較諸劉君誠賈何如也
嗟夫浮沉淹速顧所遇合不耳以若人之德而
不假之年天何心哉獨以此爲君太息焉君生
嘉靖戊申正月一日卒萬曆癸巳八月二十九
日得年四十有六子三胤慶聘仙氏鴻臚序班
伯淳女裕慶聘黃氏延安知府子美女長慶聘
于氏河南僉事若瀛女女一未字以其年十一
月某日葬城南祖兆之次其兄爲之狀其父

之請予悲而爲之銘銘曰 吁嗟劉君抱樸真
只既材而慤美以文只維孝與友假明神只亦
有惠政保魏人只胡不百年爲國珍只殲良莠
哲昊何心只抑有豐報後其身只濟城之陽露
新岑只藏壁瘞寶匪自今只鐫辭誅德示無垠
只

明誥贈奉政大夫戶部郎中栗公暨配封
太宜人蕭氏合葬墓誌銘

萬曆壬辰故大叅東嚴栗君之子時中等以書
穀城山館文集卷之二十

四十七

三十九

來請曰昔在我先大父贈郎中公不弔于天蚤
歲即世大母蕭太宜人實矢志攻苦以保我先
君列在有位無祿先君蚤世太宜人又保我一
孤以母墜厥家幸而終天年矣將以某年月日
祔於郎中公之兆敢徵福一言以志我大父母
之行豈二孤是爲先君有知實嘉饗之予與太
叅君同舉於鄉猶兄弟也即病不文何敢辭謹
撫張君東陽狀次於篇誌曰贈公諱節字貞夫
世爲東昌夏津人高祖子感曾祖剛祖鑑大公

璋世有隱德太公配孟夫人生二子伯氏曰科次即公也公年十六失恃事繼母李夫人受博士尚書能通微旨爲文有沉思弱冠補邑弟子室太宜人太宜人者同邑蕭公明女也公爲人長大清臞偃僂若不勝衣而慷慨有奇氣資稟殊異讀書過目輒不忘與同社潘生出肄僧寺率數月不歸以爲常識者偉之後遭父喪以毀成疾大叅君尚在抱也太宜人旦夕籲天求代謂公即有不諱請以身薦蟻蟻公聞而驚曰以是三歲兒孱然如綫將以累若奈何言若是乎及卒泣血累日水漿不入於口李夫人及外王母輩日夜守之百方慰解乃強起抱兒勉爲生計家徒四壁苦宇土几形影相弔常織作至夜札札杼聲與兒啼相和其時年二十有二矣一夜風雨大至抱兒起坐壁壞壓焉隣婦舉燭瞰之顏楹覆礫室中之物皆成齏粉母子被髮裂裳體膚無恙觀者嗟而異之遂持長齋以報神貺太宜人性孝慈有至行執婦禮甚修公沒而

事外王母及李夫人甚於公在也外王母者先姑孟夫人母孟夫人沒而從甥孫居其後王母卧病太宜人日夜侍疾衣不解帶至手其唾浹蠲滌洩惡略無難色王母且死與太宜人訣曰若德我甚厚吾無以報若托天福汝耳及李夫人卒哭奠三年禪而不除戚黨稱其孝大叅君少長遣就塾師節衣衣之節食食之勸誘督策無少假貸大叅君感奮遂有成太公在時有田三頃伯氏力耕致產田且數倍至是欲中分之太宜人呼大叅君曰孺子前吾汝而無伯氏何以至今大父所遺惟是硯碯之田僅以糊口奈何從伯氏諸子割其所有言已相持而泣伯氏聞之亦不忍析同庖如初隣邑傳其事有垂涕者大叅君成進士選爲徽州司理奉太宜人之官謂大叅君曰立官之道莫貴於廉廉者民懷而神福之其或浚民膏脂以實囊橐爲子孫計曾幾何時天怨人尤災眚並至其身與家之不卹貨於何有吾幸撫成遺孤不隕而世願見焉

清白吏以母負若母下報而翁足矣大叅君
首敢不惟命隆慶改元推恩內吏贈公爲戶部
主事太宜人封如其品後爲郎中滿考乃晉今
封大叅君用才望推擇備兵塞上以瘁卒官太
宜人不及見也於邑悲哀羸瘠成疾自此嚴訓
兩孫如其訓子兩孫廩廩奉教不敢嬉逸亦如
父時太宜人髮黥齒堅形神甚健謂百歲不啻
一日偶疾輒出藏衣付孫曰吾不能待爾成也
亟呼醫環守之尋少就愈趨兩孫應省試去十

穀城山館文集卷之二十

五十

三百四十四

餘曰太宜人卒蓋亦不及見矣公沒且五十餘
年歲月滋遠不能詳其言行大宜人事近親聞
頗悉總之慈祥簡默閑於婦則處族黨姻戚恩
禮備至綜理內政斬斬有條馭下嚴而有惠平
居衣粗食淡不事鮮華惟饗祀豐潔毋所敢愛
性不喜殺生臨終戒家人毋得以牲牢薦其仁
如此仰事俯畜施及栗氏四世賴之若乃青年
矢志白首告終千霄凌雲齊光日月可也今制
觀風使者歲采民間貞烈以聞下詔褒厲

婦則否謂其已有爵秩異於閭閻婦女可無表

而彰也然以翟蕭之榮掩冰蘗之操議者歎焉

公生正德丁丑十月三日卒嘉靖己亥八月二

日得年二十有三太宜入生正德戊寅六月三

日卒萬曆辛卯八月十四日得年七十有四子

一祁舉壬戌進士仕至山西叅政孫男二時中

娶某氏用中娶某氏兩孫皆邑諸生才名甚著

能世其家孫女一適諸生姚宗虞曾孫男三榕

檉彬女二銘曰 夫有瓊枝林華方春而摧乎

穀城山館文集卷之二十

五十

三百四十四

固世之所悲也有蒼松幽篁歲寒而貞乎亦世
之所榮也嗟嗟公嗟宜人寵於國佐於神宜爾
子宜爾孫有涯者盡不朽者存千秋萬祀歸然
斯墳尚有考於吾文

穀城山館文集卷二十終

穀城山館文集卷二十一目錄

明故奉直大夫尚寶司少卿北山先生李

公墓誌銘

明故中憲大夫陝西慶陽府知府思齋田

公暨配李孺人合葬墓誌銘

明故河南布政使司左叅政諱封通議大

夫禮部右侍郎兼翰林院侍讀學士仰

芹塢公墓誌銘

明故奉直大夫山西忻州知州穀堂王公

穀城山館文集卷之二十一目錄

乙

史五十三

墓誌銘

明誥贈中憲大夫河南按察司副使石溪

先生周公暨蕭王二恭人合葬墓誌銘

明故鄉貢進士勅封監察御史肖巖傅公

暨配封太孺人汪氏合葬墓誌銘

明累贈中順大夫湖廣長沙府知府靜山

吳公暨配恭人成氏合葬墓誌銘

誥封中憲大夫惠州府知府關溪黃公墓

誌銘

明故文林郎順天府推官懋所倪公墓誌

銘

明故衍聖公府家丞東村秦翁暨配張

孺人合葬墓誌銘

穀城山館文集卷之二十一目錄

二

史五十三

穀城山館文集卷二十一目錄終

穀城山館文集卷二十一

東阿于慎行著

門人郭應寵編

北海董可威

天中李時馥校

都門李本緯

男于緯重梓

明故奉直大夫尚寶司少卿北山先生李

公墓誌銘

北山先生姓李氏諱先芳字伯承其先湖廣監利人也國初以士伍北徙因籍濮州高祖以下五世同居考贈尚寶司丞雙泉公諱鑑配劉太

穀城山館文集卷二十一

一

安人舉二子長者先生先生生而蚤慧風姿甚都從伯父蒙泉公受經十六能賦詩詩工伯父器之會選良家子尚主使者入先生名例補博士諸生先生謝不受也踰歲試而爲諸生年二十當嘉靖辛卯舉省闈高第第六上南宮不中中丁未進士時先生詩名已著而不與館選識者惜之乃與歷下殷文莊公李憲使于鱗任城靳少宰臨清謝山人結社賦詠相推第也明年選爲新喻知縣新喻者江右陋邑民吏頑梗憚不

穀城山館文集卷二十一

二

畏法虎夜入城蛇闔於寢先生弗愠也而黎令陳紀拊循元元久之三尺布矣城北蒙山大盜謝甲聚數百人城西分宜界上礦盜亦數百人久不伏法先生次第平之封內以安邑豪裴氏睚眦殺人無敢忤視先生發其死罪設法捕繫論誅二人適成人士民懷舉人羅生淫於劉氏已而攜資謁選舟行數日不知所終七年無能蹤迹先生一日論盜微得殺羅者劉氏子本也自實偵羅北上夜尾其舟肱橐而沉諸江語伏

際矣頃之改尚寶司丞一奉使冊封德藩再供殿試兩考陞少卿浮湛避世不干進取有以自適也而嘗以賦詩調謔得過兩吏部又嘗以受印詔兩御史御史內慙癸未大察其人皆在事共欲傷之少宰淮南李公江右朱公交爲力解弗能得也左遷亳州同知亳土故習悍悍先生繩之以禮師生滋不自安又嘗至廣陵坐淮陽別駕上別駕恨之適以公事至亳師生爲飛詔入之別駕會先生擢寧國府同知入賀過家而江北使者猶用亳師生語傳成曰簡先生因卧不出矣先生兩莅府州不鄙其官奉職甚修擊斷無諱二千石以下嚴之而賦性豪邁不能少有頌叩以諧時俗卒以見忌於是先生嘆曰嗟乎仕宦有命耳藏山之業十吾得其二三而噉六七天其假我餘年使竟厥緒此不足千古耶歸而坐卧一閣盡發藏書日夜伏讀經史百家之言鉤玄挾精毋不有所論著而於有韻之文自漢魏初唐下及近代握樞綜要如衡萬寶

而錙銖焉雅精計然策廢者饒足而不啻於用時時爲具饗客撫筯揆瑟二八迭侍仰天鳴鳴樂而相忘也先生爲人慷慨任俠內敦孝友外施德義賑贍貧乏惟恐不足念弟仲同芳業儒不就出秩金二百仕仲爲王家郎又爲多買田宅幾與已等養從父四老日具饗殮養業師黃先生月給廩粟環濮鄆之間所舉高年盛會施衣履而壽者幾四百人歲疫所施藥而療者四百五十人貧不能收所施輒而掩者幾六十人他所助喪贖罪優恤孤廢嗣護故人子弟尤不可勝紀郡人至今稱焉方先生在官所交皆天下名流及罷吏家居不通造請惟從蘇大司馬遊及與諸郎君酬唱久之又皆先逝而東省才士邢子愿傳伯俊輩稍得焉行前矣晚以目眚屏去聲樂遊心玄晏著達生道人傳以自喻大指歸於知命適情不近名利迹其隱見方圓之間殆仲長公理白樂天氏之流與元配盛氏贈安人繼仲任氏封安人復繼許氏亦卒詳見三

安人壙志仲氏嘗以妹歸助遷經稱內主長爲
季任先生有四女而無子側陳舉子如橋生十
四而夭所聘許氏女亦死先生悽然曰夫嫁殤
非禮也吾悲許女之志且吾無子而何以嗣孫
矣而仲有子曰如杜如杜二子次者曰燁乃合
二殤以燁爲後育於季任君子曰禮也燁官鴻
臚序班娶尚書蘇公孫諸生索女而先生四女
長適光祿監事呂堯書側張出次適河南副使
陳君忠翰子諸生可行如橋同生屬側楊女之

終城山館文集卷之二十一

五

次適趙府奉祀蘇君鶴年子標次適戶部郎中
南君兆子諸生國堵俱側武出燁子男二長某
聘孝廉邢君汴女次某幼女一受孝廉王君鼎
祚男某聘先生生正德六年六月二十三日卒
萬曆二十二年六月十五日得壽八十有四以
某年月日葬於城西北二里黃村之北所著東
岱山房稿三十卷清平閣集若干卷明雋若干
卷已行於世外爲大學古本四書各解毛詩考
正春秋辨疑漢注疏臆老子本義陰符經解五

嶽志略拾翠軒雜纂本朝安攘新編古文編開
微錄醫家須知壺天玉鏡蓬玄雜錄泰然亭樂
府諸書藏於家先生且卒呼燁曰銘我必東阿
也其以臨邑爲介燁奉子愿狀來請念先生爲
父友又辱忘年義弗敢辭論曰國朝之稱詩賦
盛於嘉隆之際吾里有两李先生两李先生者
同時同官名相比也其致有不同者歷下以氣
骨合神湛涵萬有而發以雄迅意常超於象之
表濮陽以才情赴調融洽衆采而出以和平力

終城山館文集卷之二十一

六

常蓄於法之中此其趣操也此以五音歷下則
軒轅之鼓素女之絃高張急節鏗鏘駘盪洞心
駭耳而世不能究其變濮陽則昭華之瑄羸臺
之蕭肅雖和鳴龍吟鳳下而世不能爲其真蓋
所謂異曲同工者與夫風會之流日趣綺靡而
以遺世獨立之標振薄激頽虎視千古斯爲至
矣要以溫柔敦厚不究不掇嗣三百之響以考
天地之中而導其和必有絲焉悲夫作者之難
也品其流別亦何容易哉子愿之指亦然銘曰

不溢以其名而胡匱厥或不豐以其歲而胡匱厥蛇天之道也名非我親生非我有佳哉茲立
在濮之阜左顧陳王右望莊叟達生者無涯立
言者不朽胡秩斯崇胡胤斯久咨嗟先生此維
與偶乎

明故中憲大夫陝西慶陽府知府思齋田

公暨配李孺人合葬墓誌銘

誌曰此東平先正思齋田公之墓也公生弘治
甲子九月一日得壽七十八歲以萬曆辛巳四

穀城山館文集卷之二十一

七

月十八日卒元配孺人李氏生弘治甲子七月
一日得壽八十二歲以萬曆乙酉五月二日卒
而其合葬於祖兆之前也以萬曆甲午十二月
十二日何以久營新兆也豕嗣于歷自狀其行
謁予求銘予嘉其綜敘先美詳而不誣故不辭
而爲之述曰田氏其先平陽人也國初諱思義
者徙居東平是爲始祖五傳及贈侍御公家世
淵源具李文敏公及梁太史所爲誌贈公諱明
以德義著里稱曰樂善先生凡三娶最後徐孺

人有異兆誕公公諱大有字豫甫生而岐嶷十
四能爲文賦列在諸生天資神敏下筆千言咄
嗟立就嘉靖乙酉都試會城憲臺合六郡士校
之品爲第一入試之前夕戒蒼頭治具詰午將
汎於湖同輩愕且咲旦日中果呈卷先出見
者驚賞是年遂偕計上壬辰登進士第拜官行
人奉使餉雲中襄藉羨餘千金以聞遂爲故事
甲午以外艱歸丁酉服除詣闕拜監察御史巡
視南城持憲發奸貴戚斂手亦因以抗直不容

穀城山館文集卷之二十一

八

爲忌者所中謫爲禹州別駕怡然就道恪奉官
常如佐史禮嘗守郡印綬屬歲大歉人或相食
先出秩金爲倡勸施請賑多所全活禹人德之
稍遷陽武知縣分校秋闈御史倚以裁定得僞
爲多邑有大盜奉檄名捕累年不得公至數月
設法禽獲四境肅然再遷汝寧府同知父老板
留號泣聲聞數十里嘗過故邑邑人千百爲輩
焚香製綵迎迓滿路及今皆尸祝之汝寧二年
召入爲工部郎中管易州廠甲辰擢知慶陽府

慶陽塞下要郡兵事居間公內修吏職外設守禦見謂有文武才略虜嘗猝至城下公適他往聞報馳歸夾圍而入出奇兵破走之西邊震服朔方之士多豪登籍者鮮公乃闢館爲會拔其雋三十人儼而課之自修舉者幾半有省試第一者皆公所成也慶陽治行爲關中最便者數言於朝乃以母病上疏乞歸隆慶改元恩詔進階亞中大夫公爲人魁梧慷慨材器甚豐方廉有執不肯詘節毅然偉丈夫也其孝友至行有

殺亦與已均曰不忍困吾弟且以奉法也業師公早卒無子有夫人在歲時問遺幾五十年友人尚公未仕而卒內子食貧守志惟有一女公因爲子娶之郡嘗大饑所煮粥而餉者若干又嘗大疫所施藥而療者若干驛中輸作鉅徒餓死於渠四方流民餓死於道所車載而瘞者若干施予賑貸皆此類也別駕梁公平生多蓄珍玩卒而無子或攘而鬻諸市公不忍視且戒家人斥毋得買陳君某仕爲令卒時子少以一篋寄公曰及吾子之長也畀之長而如約封識宛然一日聞隣舍哭聲遣人問故曰賣女償官公惻然憫之立爲出貲贖焉祖塋東北接某氏塋地形家以爲玉盤缺角得全爲福其人請徙以成公日均爲人子孫奈何損彼益此卒不使徙平時尤戒殺生非有賓祭不數擊鮮多月恐傷蟄虫不毀墻垣寢疾自作墳誌遺戒子孫皆立身行已大節又念贈公葬時木不甚美飭以雜木爲棺毋得厚葬作告終詩四首以遺親識

出平生衣物分散宗族俾爲遺念其篤至如此
性好讀書於百家傳記多所涉獵年踰七十手
不釋卷所著有思齋贅稿帝王纂要樂善解
歲時備覽卅遊錄退閑錄諸書皆綜核故實
所考正誤者目爲博雅孺人李氏邵人子實女
也體質端凝不妄笑語父母奇而愛之陰擇良
偶得公字焉年十八而歸事舅姑以孝相夫君
以德御娣姒諸姑和而有禮四時薦享粢盛筐
筥必豐必潔親屬賢而美之贈公嘗疾孺人手

穀城山館文集卷之二十一

十一

奉湯藥朝夕侍側至焚香額天願冬單衣三年
爲翁祈福贈公既沒姑氏寡居幾三十年孺人
每食必侍老而不衰唐氏孤甥收而育之畢其
婚嫁使皆有成叔氏大登早逝養其孤嫠旦暮
資給更徭租入皆爲經理不使知也公年幾七
十側室復舉一子孺人絕憐愛之食必分啖嘗
謂于歷曰此而翁弱息異日好視之母臧吾在
時也理家勤儉衣至三浣績常逮夜內政嚴肅
三尺之值不入中壺巫覡群媼無敢求通郡中

最號有家法云公之逝也孺人年已七十
號泣衣巾爲赤齋素三年竟以毀病子孫諱之
有餘悲焉總其大都溫仁莊恪有古女史之訓
可謂賢淑矣子男三長于歷以明經貢端謹有
文初娶舉人尚某女卽所稱公故人也繼劉氏
王氏李氏次于莘娶梁氏俱孺人出孫男一鶴
齡孫女二曾孫女二子子曰予少從父兄數聞
稱說田公云世見公賦性剛方不偶於時以爲
婞直難合乃其孝慈德義有仁人長者之風而

穀城山館文集卷之二十一

十二

不自表暴如此嘗曰昔人有言爲善若耳鳴不
可令人知之其闇修可想也世之皎皎立名自
謂不滓塵壒考其平生不見譽於鄉里者衆矣
視公質行何如孺人克配其德以昌厥後天作
之合矣銘曰 維田之宗徙自異方載德弗耀
五世而昌侍御嶽嶽旣仁而剛有偉者器有蔚
者章執法於庭厥聞孔揚剖符於塞聲績彌光
鹿門之隱有配維良並躋上壽錫胤芳祥薨如
新阡在祖之陽是韞兩璧函輝永藏自志氏

謙弗肯詳有子克孝善述而彰人孰無死維德
不忘有銘是視公其無疆

明故河南布政使司左叅政誥封通議大夫
禮部右侍郎兼翰林院侍讀學士仰芹
馮公墓誌銘

萬曆丙申八月十八日故河南叅政誥封禮部
侍郎翰林侍讀學士仰芹馮公卒於家冢子少
宗伯琦上書請卹上念琦講讀勞推恩所生
特遣守臣臨祭賜少府金錢以葬如卿臣法宗

數城山館文集卷之十一

十三

伯卜以其年十二月十二日奉安玄宮來徵堂
斧之銘禮也行遊公父子交誼甚深敢不惟命
敘曰公諱子履字禮甫別號仰芹自上世爲青
州臨朐人國初徙實遼左數傳至間山公裕舉
室南遷卽郡城家焉官貴州按察副使是生五
子皆以科名文雅稱雄海內其仲則芹泉公惟
重舉嘉靖戊戌進士爲行人奉使湖湘道卒配
蔣安人舉公京邸百日而孤考不聞問也蒲伏
號泣抱而歸舍四壁蕭然父文宋公來哭辭

儿而女焉稍長穎敏絕倫日誦萬餘言爲文詞
援筆立就十三補郡諸生未冠受廩名伏一時
隆慶丁卯與計偕明年戊辰成進士伏闕上書
訟毋蔣食貧矢節耕織自給俾臣厲志進修得
有成立朝廷感動命表其閭除固安知縣治
行著聞徵爲兵部車駕司主事滿考課最進職
方員外郎萬曆甲戌以望擢山西按察司僉事
備兵大同數有邊功累遷叅議副使治兵如故
爲故政府嬖人所中議且左遷蔣安人老矣宗

數城山館文集卷之十一

十四

伯已第爲史公因解組自免日承甘肫若將終
焉丁內艱除言官交薦起知和州尋擢陝西食
事備兵隴西居三年遷山西叅議又一年遷河
南副使以才任要劇改備易州又三年遷河南
叅政奉璧入賀宗伯方直講幃新拜官尹公乃
謂曰嗟乎造物忌太盛奈何父子同時官至穹
顯吾去汝歸矣遂稱病乞休宗伯固請扶侍賜
金給驛以歸當世榮之無何詔趣宗伯入侍越
二歲公以病聞宗伯連章請急主上惻然許

之以所居官爵公及其生存蓋異數也宗伯奉策書馳傳五日抵舍加紱於牀公持其手而泣曰必報上恩有死無二三日而瞑距生嘉靖乙亥七月十八日得年五十有八歲生受崇名沒邀殊寵可謂哀且榮矣公爲人豪爽偶邁才器絕人機鋒敏捷事無難易迎刃立解剖析利害人所不了片語可決與人處和易傾竭不設城府而動有檢押無所曲徇嘗曰吾行圓而性方理所不可音育不能奪也孝友子諒內行篤

蘇城山館文集卷之二十一

十五

修有仁人長者之稱焉歷官幾三十年爲監司郡邑治迹不同大指修舉廢隊振飭綱紀操三尺繩吏銖兩之奸母少假貸衆無滯牘庭無留訟曲直皆得其平然好優禮士大夫延見長老問所疾苦暇則前諸儒生談說經義造就爲多固安多盜少兵公籍良家少年教之騎射厲使求盜禽可三百餘人萑苻絕警大同歲侵發倉賑贍調給兵食厚招商賈輸輓雲集軍民以安邊給軍餉司農新班法馬重於舊時吏匿而懸

其舊郎中不知也軍士大恚甲而譟於門公聞呵殿而入掠吏問狀得其新者以給衆乃不譁郎中長跪謝曰微公不死亂卒即死法矣虜旣納款雲中直其王庭以公主市所予虜繒絮不中量責邊將更更以善美膚索溢額即禁母子時有闕變得公面諭無不懾伏小酋那吉入市操弓矢前跪請與公之士戲公曰吾與汝射虜射利近密遠其使公矢相屬於的曹盡輸其衣馬鬣指大愧乃前其使使自射而賞之復盡于

蘇城山館文集卷之二十一

十六

進

治具不闔扉而飲酒徐遣吏曉譬曰此訛言毋
恐士民且疑且覘知其無它乃定東鹿有妖徒
惑衆聚至千餘長吏走白兩臺計且請兵公曰
此一亭長力耳爲檄下邑逮其魁卽訊諭遣餘
衆各散歸農官無所問檄至而解奸民上言易
州諸山礦金可采也下兩臺議公曰不可礦之
爲利民竊則贏官開則詘矣非便也無事而聚
衆寇且生心密邇九陵將傷地脉誰敢任之兩
臺如議以覆事乃得已其後數年竟用諸軍校
言礦使大出西輔首困矣公居憲上又周知邊
事能寬假諸將全其體貌毋拘以小文雲中郭
將軍琥廉而少鈍保定楊將軍紹勲有勇而卞
失羣下心皆爲當事所疑公先後調護各盡其
能比楊移鎮遼左謂曰以公才略不難當虜而
難御士願少慎之楊竟以繩下急敗中它法死
恨不用馮公言也故諸生時嘗赴臨淄試夜歸
大雪有侯生者隊而僵於谷衆弗顧也公止親
掖出之乘以已騎且扶且行及城乃曙生得無

死長安周媼嘗以賣珠至舍醉遺其積歸而忘
其處憤欲自裁公使趣召媼也至而得珠叩頭
謝曰老婦無以報公但焚香祝天報公子孫耳
塞上嘗得善馬日得數百里絕愛之或飲諸河
馳而斃自囚請死公曰置之而公不以一馬傷
吾健兒又嘗有玉條脫爲吏所觸碎吏怖欲死
亦貴不問其有度如此居官廉不受私里居十
餘年未嘗以事干有司而與鄉曲最下者均茵
席踈踈退讓如恐先之亦時從二三故人觴詠
遊娛爲驩未厭也以公才猷質行卓冠人倫年
不逮耆位不及政故足悲矣然陰施厚積克饗
天心會五世之祉而鍾諸哲嗣以元德茂學遭
際 聖明將有枚卜之命所禔福於廟社而大
亢其宗惡可量哉元配宋氏累封淑人莊恪惠
和克修壺政父戶部司務某卽一川公子男二
長卽琦舉丁丑進士累官禮部右侍郎兼翰林
院侍讀學士娶姜氏處士嵐女累封淑人次珂
郡諸生娶李氏茂才延緒女女三一適張秉彝

縣令華鳳孫一適遲一梧少司馬鳳翔孫一字
蔣侍御子某孫男一長住琦出銘曰 華胄維
馮宗遼祖青歸廓其閔連枝四五厥陰蓋畝或
蓄而廡考啐於塗罔聞呱呱有母茹荼勗勤傲
逸學成名立舊德是食束髮登朝肇尹東郊政
有謳謠入陪圻父謨謀樽俎允文孔武出歷价
藩于朔于燕于隴之原惟茲氓隸是拊是飭釐
之三尺旭燠冬陽稜肅秋霜膏流大方烝徒熙
虎甲則練組罔或伏莽彼獷者戎厥角來庭爾
藏城山館文集卷之十一 十九

勲既升慶流式穀維師啓沃將諧枚卜公曰歸
與數有盈虛我操其餘如彼喬嶽出雲漠漠雨
施孔渥如彼長川汨瀦其淵厥浸瀾天維皇祐
德既豐其澤年胡不百維帝酬庸勸孝作忠物
備禮崇奄宅吉士司空之萬自天昨汝寢成孔
安有銘在埏子孫億千

明故奉直大夫山西忻州知州谿堂王公

墓誌銘

王氏其先蒙陰人也贈官保公海始徙東平再

世爲贈官保公智三世爲康毅公憲由監察御
史仕至太子太保兵部尚書都察院左都御史
正嘉之際有大勲於盟府世疇其爵是生五子
少者爲岱麓公汝孝由翰林修撰仕至右副都
御史巡撫順天是生三子少者爲忻州公文煒
誥封田恭人出也公生而穎異有淵識狀貌都
雅眉目如刻畫識者奇之中丞以虜入失利適
居粵南過家爲別公年十餘歲牽裾而啼中丞
曰而父萬里投荒生還無日誠負國恩太保世

藏城山館文集卷之十一

二十

業是在孺子杖涕對曰所不惟大人命以光祖
德不如無生仲公文煒長公一歲亦雋才也揚
携淬礪日夜攻苦時奉大人手澤相視涕淚垂
髭偕入學官經術著聞都授校士更爲舉首蔚
然稱雙壁矣中丞以廣柳北歸兄弟奔號曰天
乎曾不能少待一第伏闕上書安所稱生男可
賴也聞者悲之已而仲亦不祿嘉靖甲子公舉
於鄉偕計數北乃以萬曆癸未謁選得直隸新
河知縣在職三年修葺城垣財省繇賦招撫流

亡翦除寇虐聲爲右輔良吏部侍郎公從訪旁
邑吏治具以質對旁邑忌而反中傷之部使弗
悟也奏調山西垣曲會其地大歉民多死徙公
爲緩征節費請貸帑金民賴以蘇礦盜數千流
入界內躬率毅騎設險用伏迫之河上殲焉察
能優調寧鄉寧鄉直太原塞民貧賦棘復不有
歲長吏相承用逋責對簿終已不得奏績公念
無可爲曰寧負下考不忍撈掠枵腹以傷邦本
遺書家嗣承祖鬻賣田產頗得千金持爲邑民

錄出館文集卷之二十一

二十一

進

代祖兼請停徵一年邑民大感兩臺奏薦知
忻州下車未幾政治人孚聲稱益懋乃用他故
掛冠父老遮道扳號絡繹百里可以觀德矣公
爲人孝友溫恭坦夷濶大仁長者也其居親喪
以哀致毀其事伯仲和而有儀其撫群從子姪
吉凶補助不校諄語其待里人故舊賑贍貧乏
不問有無罷吏歸里精力尚壯時時騎馬韓鷹
射獵田間居則浮白蹋鞠自取娛樂子孫日衆
炊烟涼飈夷然安之處爲端士出爲仁君可謂

質有其文克世家聲者矣公字允大以居在鄆
州慕韓公谿堂之文引以自號生某年月日卒
某年月日享年五十有八元配唐氏同知唐公
交女鳳閑內則繼室侯氏某女克嗣賢聲子男
六承祖鴻臚寺署丞娶王氏太學生某女承父
娶劉氏署丞雲龍女唐出承家吳氏尚書介
肅公孫女承名娶劉氏太學生定女承官聘田
氏公舅御史大有孫女承聘張氏庠生某女
佐室趙出女十一長適貢生劉訥知州寅子次

錄出館文集卷之二十一

二十二

進

適太學生陳弘新御史衡子次適庠生梁國
光吏部穀孫次適庠生李廷弼憲副文芝孫唐
出次適李一鯤庠生某子次適蔡廷鳳武舉某
子次字張某知縣敬子次字趙某叅政雲翔子
次字田某吏目某子二幼趙出孫男七化鯤聘
戚氏知縣孕秀孫女化鯨聘鄭氏知州直孫女
化鯨聘徐氏知縣元吉孫女化寧聘成氏知縣
周鳳孫女化鵬聘傅氏化韶聘賈氏化邦幼孫
女四長字解某庠生次字李某知縣子

孫次字吳某介肅公曾孫一幼承租等將以某月某日葬公於祖兆以遺命徵銘念公同時舊遊稔其素履固有徵也銘曰 祖有武爾克繩只考有烈爾克承只爾之有俶爾克終只爾兆允臧爾胤無窮只

明誥贈中憲大夫河南按察司副使柘溪

先生周公暨蕭王二恭人合葬墓誌銘

柘溪先生者何楚之隱君子也隱何以稱爵儒而不試子爲貴吏爵焉及二恭人二恭人之爵

蘇松山館文集卷之二十一

二十一

坤

何以曰蕭以沒賄號從其夫王以生封尊加於子故稱太焉其秩一也合葬同室乎曰異室而同域右蕭左王從陰道也奚爲誌之而又銘之皆有懿行弗可諼焉爾誌曰先生姓周氏諱可學字得祿江西吉水人代有令顯爲邑茂族曾祖溥深祖父肇倫考公欲壽奕世載德韞而不耀成化戊戌十月十有二日先生以生束髮受經日事伊吾不殖生產考公內喜寬其貲財使供觚墨二弟弗善也先生束篋謝曰弟輩自愛

勉奉菽水吾去汝遊矣北浮彭蠡止於廬山講藝二年西之武昌渡江遡沔托於襄陽之故邑聚徒授經受室里之蕭氏是爲恭人正德改元復徙南漳漢上之士裹糧而從者常百餘人邑大夫慕其經行築館以迎先生遜弗往也嘉靖乙酉閏二親之喪盡攜其橐以行已於葬而返二弟讓產留行先生復謝曰有親不能事而糊其口於四方以違含飯跋涉之謂何而以治命析產吾弟其安焉於是先生老矣有長女而無

蘇松山館文集卷之二十一

二十一

坤

男蕭恭人謂先生以君越在異土而闕於似續周氏其不食於此乎癸巳聘王太恭人王太恭人者同邑王公鑾女也生稟淑質翁媪奇之媒至有異兆遂以來歸丙午孟冬朔夢日墮於牀旬中舉子命曰夢賜卽啓明也先生年且七十矣其後數年復舉二嬰及滿八泰行營宅兆得於青泥之坂卜曰大吉卒因葬焉時嘉靖丁巳十一月十三日也啓明甫十有三齡太恭人當室協於伯姊內勤家政外施閭里米鹽絲縷無

不惑也其撫啓明食則執觶寒則避煬夜讀則
績以佐焚膏曰庶瞑而翁於地啓明力學有成
則母訓是賴萬曆某年啓明爲司理奏滿上
曰理臣夢賜執法平允贈父某漢中府推官母
蕭孺人封母王太孺人其明年戊寅啓明爲郎
國有大慶上曰曹臣夢賜鳩工飭慎贈父某
工部主事母蕭安人封母王太安人某年啓明
副使奏滿上曰憲臣夢賜治河校士咸有成
績贈父某河南按察司副使母王恭人封母王

嚴城山館文集卷之二十一

二十五

三百九十九

太恭人三錫而及今稱猶未已也啓明之承錫
命必告先生蕭母於墓觴太恭人於堂太恭人
悲而不御第曰兒勉報國以光而世無念老人
矣壬辰啓明在徐思太恭人蓋至請告以歸萬
曆丁酉二月二十九日太恭人卒距生正德丙
子正月十九日得年八十二歲子男二長卽夢
賜舉萬曆甲戌進士任山東布政使司左叅政
配李氏贈恭人繼劉氏封恭人次夢吉邑諸生
娶雷氏早卒無後女二長恭人出次太恭人也

孫男三興岐國子生娶黃氏興豐上殤聘陳氏
女四曾孫女一啓明將以某年月日奉祔窆窆
使使來告以孤之生而失怙不及書其墓門幸
徼先靈以有大命請以葬母之月修堂斧之闕
則應曰諾銘曰夫其哀而不渝也類漢陰之逸
其儷而有終也肖鹿門之匹曰是都鄉侯之裔
自吉祖義耦二妃以家綿綿生之瓜維其有穀
以爲國華是宅與壤氣離哉佳龍螭其碑貴於
幽遐維帝之丕赫祉嘉哉

嚴城山館文集卷之二十一

二十六

三百九十九

明故鄉貢進士勅封監察御史肖嚴傳公
暨配封太孺人汪氏合葬墓誌銘

公之卽世蓋冢君伯俊舉於南宮之歲也旣以
其明年奉祔祖兆竈有銘矣而公嘗有所自行
營地在郡城東十里故博州之墟號曰天花臺
者當葬公時計欲用之莫爲決策而止其後十
有七年公配汪太孺人卒而墓門有水度不可
下會有江南地師指示天花臺兆卜之大吉伯
俊乃以其年十二月十二日奉公及太孺人宮

焉而遣弟函書乞合葬之銘不佞從公同舉相得甚驪言念生平悵然在目詎何忍辭乃爲誌曰傅氏其先洪洞人也國初諱居敬者徙家聊城以服田殖德傳三世而有聞以經術仕宦傳七世而益顯是爲公父夢巖公矣夢巖公諱良弼垂髫廩食學宮年三十餘而貢仕爲米脂令德義甚豐稱爲長者娶程夫人舉三子其季即公公諱學易字汝時志不忘親以肖巖自號生而警穎多才敏於記誦嘗從同鄉田公京兆郭

穀城山館文集卷之二十一

二十七

三百四十四

公受詩通其精義旁及子史百家之言靡不蒐獵號爲辯博嗜古而試於有司久不得志督學孝豐吳公獨異其文曰子固當晚成無以瑟等自沮年踰四十乃以嘉靖辛酉舉山東省試數上春官數罷而會伯俊亦偕計吏公乃俛仰嘆曰丈夫處世安能以一編自老有如先人之德未厭於天孺子在是乃稍行視田園招致故所狎客日相與飲爲娛樂絕意公車對矣丁丑携伯俊詣都視其入試而返伯俊登第報至則馳

書戒曰兒幸不墮書志勉爲聞人毋後一第而伯俊奉檄爲令過里門上謁所不及飯舍者數日耳嗟嗟悲哉公爲人儀觀豐偉性資豪邁而謙冲樸易不設城府蓋溫然長厚君子也與人交不爲脂韋然能服人之善所聞嘉言歸而書諸策語咲有失即向人謝過不以爲屈親知從之假貸輒傾所有予之不問其宜否或指庭中楸樹詭公曰從君乞此即顧奴子拙致客笑曰調君耳君善貸乃爾恐當貧也公亦咲不爲意

穀城山館文集卷之二十一

二十八

三百四十四

其誠慤如此自以二親早世追慕不忘言及輒嗚咽泣其事繼母張備極孝養張御公亦慈伯俊在抱張實哺養之恩誼篤至爲人所稱公有兩兄長公性嚴而公敬不掩恩仲公性和而公愛不弛禮有時樂飲它所以長公命召之立至夜分就寢聞長公一呼即起而應晚年獨仲公在築室接棟與同起居一日騎馬入城路逢賣蒸餅者呼與俱旋買以奉仲視其食已乃上馬去它多類此撫兄子數人愛如己子撫姊子二

氏愛如兒子門以內外雍雍如也施德行義洽於閭里沒有遺思焉太孺人者新都汪處士女也處士從父賈遊東郡善夢巖公故女其子年未及笄而歸上奉祖姑下奉姑氏往來二寢修晨昏節惟謹叅相得也其事二姒和而有讓二姒交口賢之公與兩兄析箸而家稍削也方且跳身遊學不視生產舉閭以內屬之太孺人簪珥環珮十九爲空而會父處士沒母趙無子迎與姑居身共卧起旦暮上食無不腆也退而瓶

錦城山館文集卷之二十一

二十九

粟蕭然爨無欲清矣公沒而太孺人老也會姑張病猶身卧床下日夜守視奉藥物而進之歲時候問仲公如公在者幾二十年其教伯俊自總角就傳約以繩尺被服飲啖不使鮮華曰毋溺兒志及其入仕日以寬厚清謹報國承家爲訓伯俊才猷風節所繇顯著稱名流矣盛年置三佐室割席均茵所育子女嘔喻拊畜一如已出子女亦忘其出也從養長安聞子光啓沒悲泣不食冒暑馳歸七日至舍護少子光熙憐愛

見其神王即喜即稍不潤輒愀然戒曰若起居不自慎耶貌何臞也而翁遺少子三今惟女在母心奈何因泣數行下里人無不感嘆宅至戚卹宗端卹卹問遺能體公所欲予及所不悉云平生禮觀音大士嘗曰我願不病而逝不必百年第恐兒不及見耳已而伯俊使楚過家不忍別太孺人趣遣之曰我無恙也旣去一日沐浴更衣什地起卽逝果符其言伯俊聞而奔且號曰天乎孤之無幸也昔者歸而不及吾父

數城山館文集卷之二十一

三十

今者出而不及吾母吾何以爲子矣聞者悲之而佐室曾告家人曰我當從女君往也一夕亦沐浴更衣溘然而逝斯已矣矣公生正德己卯九月十六日卒萬曆丁丑八月二十六日壽五十九歲太孺人生嘉靖辛巳七月十七日卒萬曆癸巳二月二十二日壽七十三歲伯俊爲吳縣令及爲御史滿考再被策書贈公如其官太孺人受號如今稱子男四長即伯俊名光宅太孺人出丁丑進士仕某道御史娶耿氏繼呂氏

常氏贈封皆孺人光啓側室張出早沒光熙曾出娶袁氏光和張出聘張氏早沒女四一適庠生王一鵬一適舉人陳節亨一適庠生馬爾驥皆孺人出一適庠生高符曾出門閥皆具公誌孫男三爾庚聘韓氏刑科都給事中學信女宅出爾圭爾璧熙出孫女一適選貢生李鳴陽庠生豫芳子宅出前誌所未有也予讀傅氏家乘夢巖公豁達大度好賑人之急嘗出一篋語三子而焚之則皆子錢券也所善李生從貸百金負不能償置酒爲壽請以居第爲質不可曰君無子而貧一旦無所棲止吾不忍也立取其券焚之李夢門之左右夾樹錦標一黃一赤且死語其妻曰卽鬻宅必於傅氏此固彼家所有將有徵也及肖巖公徙居郭里適買李宅李妻尚在具爲說狀如此其後公舉鄉薦伯俊舉進士樹標皆如其色嗟乎天之報施仁人此足以觀矣銘曰 維德天輔肇錫吉土博城之澍高原無懸環而爲渚有隄如堵自公作祖其封負斧

窳窳長古有秩斯祐世繩其武我銘宿莽匪諛匪詡以示民矩

明累贈中順大夫湖廣長沙府知府靜山

吳公暨配恭人成氏合葬墓誌銘

吳公諱士選字應魁別號靜山其先霑化人也七世祖仲芳遷居濱州以人才薦舉仕台州府推官台州生九成九成生從斌居有懿行里人字之曰福廣公福廣生瓘以明經貢爲清豐丞清豐生宜以明經貢爲兩邑博士受室於董舉

冢子仕達佐室以宋復舉四子公其季也生十有一齡母宋見背育於適氏太公爲遷安司訓轉諭撫寧公皆侍側從受春秋盡得奧義故太史陸公視學東省見公經義奇之補諸生高第名聲燁然諸齊言春秋者皆避席讓焉及視家人生產稍廢鉛槧乃以經授長君曰家之世業不可忘也長君學成舉於鄉萬曆改元公用高年賜爵越五年丁丑長君第進士給事司徒署中以使事歸省三月公即世又越某年長君爲

郎承恩公贈刑部主事元配成贈安人又越其
年長君爲郡考績公贈長沙知府成進恭人長
君乃奉壘書告於墓下撫其行誼將納諸藏以
謂行云以行所聞吳公平生孝友醇篤君子也
從太公於官嘗受秩金二錠一日兄來省視太
公四顧室中無以津遣愀然不寧公進所藏太
公色喜太公病而思雪水已泮矣自走深山蒲
伏攀緣得積雪以獻及奉父喪南還火延於舟
抱棺長號不肯舍去火亦旋滅兄仲客死潞河

穀城山館文集卷之二十一

三十三

東

妻孥流落力不能迎恨之及長君偕計欣然謂
曰孺子行矣必致仲氏至而以仲母歸又使逆
其轡焉仲子無室公爲再娶使有二子乃雨泣
曰嗟乎二十年原隰之情今始遂矣天性儉朴
一衣或三十年非有賓筵不鬻諸市長君既第
薦一縑爲衣公卻不御曰渤海老生誰不識狀
一旦從兒子作鮮華衣便嬖衆中使人指目素
志謂何其性如此成恭人者武定成公茂女也
婉綽閒靜生有令儀踰笄而歸食貧作苦不形

於色久之病眩失明猶以勤儉持家嚴肅訓子
織紉井臼皆受其成無敢不恪其後諸兄貧窶
公獨保聚家室光啓後福以恭人爲內主也方
恭人目盲公始壯室或請更娶公泫然曰以吾
之無母而有母也衣絮有寒色焉兒奈何有母
而無母乎竟不更娶已而家政賴之人乃服公
公生某年月日卒某年月日得年五十有九子
二長即道行仕山西叅政娶鄭氏累封恭人次
道濟娶某氏女一適某孫男六衡授衡佑道行

穀城山館文集卷之二十一

三十四

東

出俱幼夢夢弼夢鶴夢鯨皆郡諸生道濟出
曾孫男二皆夢多出公卽再受策書而撫寧遷
安皆奉太公祠學宮旦日三品承恩且將有大
命焉世德之報不其遠與銘曰 語云學經不
成不如歸耕公耕乎哉又云黃金滿籬不如一
經公籬乎哉旣以考爲師復以師厥子三世一
編書麟是以耕于是籬於是以致子祉生不五
鼎食死歆五鼎祀誰爲銘者魯史

誥封中憲大夫惠州府知府閑溪黃公墓

誌銘

開溪黃公者其先出宋太史庭堅六世祖禮居常熟之湖橋傳用正仲倫世爲博士弟子仲倫生欽號溪隱公四歲而孤兩世之養鞠之嘗割股療母疾以孝義聞鄧太史爲之傳溪隱公娶包生二子其仲曰璽號守溪公守溪公娶周亦生二子其仲曰祖相即開溪公也冠而字曰良佐溪隱公嘗與間右陳翁思賢賈而相讓財也以是爲莫逆交陳翁富而無子謂黃氏世長者

藏拙齋文集卷之三十一

三十五

三十一

以女贅公是爲陳恭人其後伯兄蚤世家殖稍落公任兩家之政並養二翁因自號開溪閑溪者兼二父之稱也公旣壯學書不成欲去爲吏卜兆不從乃去爲賈賈嘗有贏又好施予貧乏及修築祠橋多所損廢故亦不甚饒焉性頗狷介不能與俗浮沉而以修德砥行爲里人所服亦無能與之逆者嘗有吏事夜禱神祠燈火熒熒一僧出逆曰若異日必貴勿自恐公歸語恭人蚤起往飯僧至則無有也而見一土偶

向坐勝曰勸善大師宵夜中之貌嘆異而歸心竊自負無何子化之生見其穎異知非凡兒長爲延師求友減產以供學業遂成萬曆甲戌登進士第報未至恭人卒也化之爲比部郎值國慶覃恩初封公主事母爲安人出守惠州考績課最詰封公知府母受封號公每受封函且感且悲以恭人不及見故而化之官日進迎公不出居董家政從父老而娛樂惟時時馳書勸化之矢節報國母內顧也辛卯化之擢雲南參政取道謁公公有小恙化之跪請曰異日不獲事母至今感之其以金鍾去父公曰兒能家食吾亦安之遂以終養請化之旣在侍公因傳以家政杜門願養朝夕一盂一豆無所紛華曰朴吾性也邑大夫延入鄉飲一再卽席後遂不往居六年所乃卒公爲人偉貌修髯目光炯炯遇事能斷決不侵已諾邑有大政如鹽筴稅法多出所建畫上下胥服一日故人某甲蒼黃叩門撲

藏拙齋文集卷之三十一

三十六

一囊於地曰吾弟暴亡此其藏也語旣而去受

而局之數月其人來取封志宛然有士人子孤
而孱弱營其父兆奪於強宗代之聞吏歸焉衣
冠之族或鬻丘木於里將尋斧柯公挺身往阻
買者感動遂不忍伐粵中巨室坐大辟操重貲
走吳謁公公正色曰法在朝廷官箴在子老人
無與也去毋溷我及封今官咲謂所知吾不儒
而佩守相組心誠愧之向吾受富人金贖兒子
節行愧無地矣其志操如此公生正德庚辰二
月二十日卒萬曆丙申七月十九日得年七十

穀城山館文集卷之三十一

三十七

五

有七恭人生嘉靖壬午十一月二十一日卒年
萬曆甲戌二月二十七日得年五十有八生平
懿行具太保嚴文端公所為誌中子卽化之名
時甬以才猷勲業聞於嶺海之間其民尸祝之
娶顧氏累封恭人某女女一云云化之將以
某年月日奉公於興福之阡啓恭人之窆合焉
使來乞銘化之予門人也詎不得辭銘曰遙
遙華族國氏黃在漢江夏宋豫章肇基千吳六
葉昌封公賦質何昂昂訖時貳室兼肯堂雖離

淑媛招由房儷德同心龐與梁任依好施問孔
章黃金滿贏遜義方赤刀竹箭琛巖廊出牧南
海波不揚皇三錫命綈錦褰服其命服衡有
鏘黃髮兒齒樂且康考終大耋體魄藏儀彼莫
邪與干將玉匣瘞土騰精光楸櫨可材爵以蒼
其人則往名不忘史氏勒辭永厥芳

明故文林郎順天府推官懋所倪公墓誌
銘

于子處穀城山中鍵關而息有纓弁而及門者

穀城山館文集卷之三十一

三十八

三

贊曰陶丘諸生前進士倪公之子入而陳幣於
廷拜且祈曰先君以辛巳之歲賦鵬鳥而逝也
今十有五年矣而孤也始能負薪將奉而藏諸
祖兆以先君之辱在昆弟惟是方尺之石以累
記史死且不沒于子聞而悲之念與公偕計同
升於茲三紀存沒之感怛然於懷忍弗為辭誌
曰公諱湯字德遠懋所其自號也世為吳人曾
大父處士清初徙永清大父開尉忠再徙館陶
是生四子其仲曰欽即贈文林公也贈公以文

無害辟署掾史給事蘭臺捧檄爲豐利丞雅有能名竟卒於官公時方弱冠跋涉江海奉以歸葬家蕭然無有也大母及母在堂授經里中以資甘毳無何相繼告終拮据營葬家益貧不自振矣而公已廩食學宮文聲藉甚里中富人謂曰君柰何一寒至此誠許吾兒從遊請以千金爲壽公笑不答有士人困於逆旅公憐而容之至撤薦代薪爲客設食其安貧慕義如此嘉靖辛酉舉山東省試久約而遇折節爲恭無汰色

穀城山館文集卷之三

三十九

於里人叔父有吏事繫傳城旦書公貸百緡往贖脫叔父於鈇里人義之隆慶辛未舉進士第授山西興縣令興縣塞上小邑獷而多豪公取其魁法之惠訓其民與之休息積逋立辦而民不罷察能改蕪湖令蕪湖邑於江介五方之會其俗龐雜公益恢其才畧政日有聲部使薦書凡十有七上秩且滿矣邑故無城江盜大至筦庫告失坐是論調公不自沮也設法鈎捕盡得其盜與金因請成城而去改選成安成安在右

輔界內邑小多猾少年推理爲奸利公爲圖說古事懸法曉譬其俗稍改邑有貧生婚嫁不舉公爲葬其親且畢之姻士民大勸境有乞兒得遺金於道求其主還之曰不忍累府君政三年考績主爵最其課以聞賜之勅命貴其父母乃奉制詞衣冠以告於墓里人相顧嘆曰嗟咨乎是嚮者豐利丞之孤也不有明德其克昌世蓋是時已召爲今官京兆卿僚班在朝列計且進爲省郎顯矣會有孺人之喪又失長子悵悵

穀城山館文集卷之三

四十

不樂一疾而與萬曆辛巳八月十四日也距生嘉靖癸巳七月二十三日四十九年矣車孺入者里人某女也年少公幾歲子三長宗嶽邑諸生先公卒娶米氏次宗謙邑廩生娶張氏次宗水娶閻氏孫男一紹祖嗟嗟予別公幾二十年猶記公狀貌長身鵠立亭亭峻削非中壽以下相也其爲人風標適上而和易坦夷不設城府爲吏廉惠有聲處脂如梁而不工眩鬻豈不誠良士哉中道而闕不克其年天道謂何宗謙

而襄事伺伺請銘其志悲矣銘曰肇於吳派
於燕燕徙於齊衛之間三世而顯流慶自天胡
錫之故不畀其全一命而三遷爰始升朝遂阨
其年彼衛之原鬱鬱綿綿署曰京兆之阡厥後
將蕃故人作銘以屬其埏考公官乎下泉

明故衍聖公府家丞東村秦翁暨配張老
孺人合葬墓誌銘

往歲壬辰外舅東村秦翁卽世予表其墓未銘
其坎蓋有待也越七祀戊戌舅母孺人張氏以

穀城山館文集卷之二十一

四十一

三百八十八

上壽考終予配淑人營其葬事復率子女請銘
乃合其世系行略而鐫諸墓曰秦氏其先鳳陽
人元末東平路判官諱彥良葬於東阿因止家
焉於翁爲高祖其後世爲令長博士詳具表中
至長子令秦公門閥益盛篋室熊夫人誕翁翁
於諸子最少而失怙母熊夫人亦少諸兄三
析其產無敢違言長而娶張公吉女是爲孺人
張公吉者世籍陽穀而家荆門河上嘗爲都官
令史客死長安配曰王媪以遺腹生孺人年十

四所結褵從翁熊夫人女畜之翁性穎敏讀書
輒解悟然不肯竟學時從豪俠少年操竿瑟射
獵浮湛間里而孺人少嘗受書多覽古今圖策
亦工爲韻語顧無如翁何也而能襄其家政操
作纖絰無不精腆坐客日滿堂上呼酒酒具呼
食食具即間致狹邪履爲交錯亦不甚愠也久
之熊夫人沒翁年既長終不視家生產舉閭以
內屬孺人居則督群婢賦功出則督蒼頭
治田日修其疆場庾而藏之其區畫農事即長

穀城山館文集卷之二十一

四十二

忠

年田更無以難焉翁旣遊邑諸生無所知名因
舍業自罷一日爲長吏所苦復發憤投筆以司
馬法對御史兩得武舉高第再上長安亦復不
遇於是翁老矣客予邸中嘆曰白首從諸健兒
邑邑不得意何時褒衣棋劒稱魯國衣冠世乎
會衍聖孔公入賀聞其長者表爲家丞使典廟
庭禮樂以圭璧金絲肄習子弟翁喜爲強起一
往至又落落難合卽拂衣去不反顧而與里中
光人月旦會飲徵歌呼嘯如少年時卽又以子

壻貴益折節偃僂爲恭坐樽下稱賤子不如少年時伎僕也居久之有司使諸生奉書正憲老之席矣始孺人年二十餘舉女子子是爲淑人其後數舉數不育則爲翁多置側室亦數舉數不育及翁年七十餘尚舉竟不育也而淑人從予仕長安二十餘年翁孺人歲往一省每月許輒別去色愈戀可憐及予得請懸車淑人殊喜歸踰年翁輒逝矣翁於秦氏行最尊孫曾皆長大無可鞠者姪玄孫國華懷抱而孤因取育之

穀城山館文集卷之二十一

四十三

爲香火計其後翁沒孺人盡以父產分與諸姪及孫而爲國華別營一墅視舊有加焉然亦以是蒿目作苦僊且病矣翁性亢直好高不能下人而能容人過人有緩急多所調護不計便否孺人性亦剛下而好卹笑獨卽有合意不問親疎輒傾心爲之其相類如此以故戚鄰慕悅沒多涕泣思焉翁有三兄皆以父產溫厚後皆蕩析無餘貲惟翁保其舊業晚乃更饒而不好積聚車服飲食恣所美好矣始張公有一子曰

舉省試有名無子而沒張氏之族遂絕強近而翁孺人沒淑人亦無同產幾與孺人埒矣噫嘻

悲哉翁諱栢字大貞東村其別號也生正德己

卯七月十五日卒萬曆壬辰八月五日得壽七

十有四孺人生正德辛巳正月十日卒萬曆戊

戌四月六日得壽七十有八以是年十一月十

五日啓翁之兆祔焉予嘗謂翁孺人不貴而偕

不富而後不施而得衆不子而耀閭其於世可

謂適矣彼夫戚焦於殖產勤劬於取世操百年

穀城山館文集卷之二十一

四十四

七

之慮而靡一日之歡愚智相越又何遼哉斯予不悲其嗇後而羨其達也銘曰 孰藏汝維爾女孰爲銘維爾甥是操觚而儒是投筆而武是吏而拂衣是老而擊缶畢如墳如負山面渠侯王賢聖同歸此居孰知其所餘乎

穀城山館文集卷二十一終

穀城山館文集卷二十二目錄

明故資政大夫太子少保禮部尚書兼翰林院學士

林院學士贈太子太保謚文定平泉先生陸公墓誌銘

明故資政大夫禮部尚書兼翰林院學士

贈太子少保謚文恪雲衢余公墓誌銘

明故中憲大夫山西按察司副使同椿李

公合葬墓誌銘

明故中憲大夫四川按察司提學副使金

穀城山館文集卷之二十三目錄

乙

沙傳公合葬墓誌銘

明故南京刑部貴州司郎中石屋許公墓

誌銘

明故中憲大夫陝西按察司副使趨庭盧

公墓誌銘

明故奉直大夫直隸安州知州鳳岡張公

暨配封儒人傅氏合葬墓誌銘

魯藩輔國將軍毅齋公暨配夫人王氏合

葬墓誌銘

明贈山西榆次縣知縣東樓盧公暨配封

太孺人孫氏合葬墓誌銘

明故處士南岡單公暨配孫孺人合葬墓

誌銘

穀城山館文集卷之二十三目錄

二

丙

穀城山館文集卷二十二目錄終

東阿于慎行著 門人郭應寵編

東阿于慎行著

門人郭應寵編

北海董可威

天中李時馥校

都門李本緯

男于緯重梓

明故資政大夫太子少保禮部尚書兼翰林院學士贈太子太保諡文定平泉先生陸公墓誌銘

生陸公墓誌銘

蓋觀乎鉅公名卿其功信烈章謨猷畢效於國者間或不能不自挫其身名而急流勇退抗志

鼓城山館文集卷之二十二

一

三百七十五

塵寰往往之鴻漸之儀懷石隱之介國家不得藉其楷模士類不得想其風采雖身名俱永而體用亦未全也乃若保合太和含貞履方廻瀾倚爲砥柱平世師爲儀刑元老完人聲實並泰則 肅皇以來惟陸公一人而已陸公諱樹聲字與吉學者稱平泉先生松江華亭人也自三國爲吳大姓世有聞人而系不可詳高曾以下乃皆以隱德稱祖贈尚書梅莊公蘭配贈夫人林氏考贈尚書志梅公鵠配贈夫人沈氏皆以

公貴而志梅公鞠於母家嘗蒙其姓爲林公仕而復爲陸也志梅公三子其仲爲公季卽中丞

公樹德公之生也沈夫人夢初日投懷紅光炯室固心知其非凡而家世業農又貧無所佐讀

則強之服田與傭雜作私常帶經而鋤及覓楮爲文一日泣請志梅公願從里師受經師試以

義避席驚賞時方簡肅公爲令見而奇之補邑諸生自是輒試第一居則授徒里中間取挺脯

以佐旨甘邑令周以餒金則謝不受嘉靖庚子

鼓城山館文集卷之二十二

二

三百七十六

張文毅公典留畿試拔公第五明年辛丑舉會試第一廷對二甲第四選庶吉士壬寅歸省三載始北上故事南宮第一人被選必授館職而分宜與其胄子嚙公落落見無加禮欲以它官抑之先進有欲得公一言以爲地者公爲不省分宜詘於朝論竟授編修一日同館謁壽分宜皆更緋衣而入公獨青袍鵠立其間分宜則目攝之然亦不深訝也 肅皇帝祠竹宮儒臣競進青詞公獨無所預執政間以嘗公遜謝不應

而日與同舍高文端公毘陵荆川唐公同郡中
江莫公諸人以問學志行相切劘大爲清議所
歸吳門袁安節公時爲給事特疏品第詞林首
以守正推公卽分宜亦亟稱安得閉戶寡交如
林與吉者庚戌廷試充掌卷官知鼎魁陰有所
屬故混其卷分宜亟司不能得聲色俱厲公不
爲動壬子請急還里中途奔太公喪服闋久之
不出丁巳卽家拜南京國子監司業同志諸公
馳書勸駕勉一就職未幾卽請告歸關適園宴

穀城山館文集卷之二十二

三

七

處若將老焉辛酉起左春坊左諭德掌留院篆
旋召回坊不赴乙丑進太常卿管南京國子監
祭酒事立教務持大體略去煩苛先本實而後
藝文著汲古叢語及條訓十二以示諸生南雍
斷斷至今挈爲功令其年秋進吏部右侍郎引
疾不就 穆廟卽位特旨起原官又屢疏辭已
已再起原官兼翰林院學士掌詹事府教習庶
吉士赴召抵淮復請告返時同年高新鄭公在
政府公弟中丞原省中 新鄭遇事不如意輒語

中丞曰吾甚愧平泉趙文肅公至謂中丞舉朝
僕公正欲 主上新政一見風采知先朝培養
有此偉人耳其爲名流推重如此壬申陪推內
閣卽家拜禮部尚書兼學士疏辭不允時 今
上初嗣服公以碩德清節首膺簡召中外動色
相賀公亦感激 上恩不忍終辭乃以是冬詣
闕時江陵當國喜得引公爲重及見公相對湛
然意無所接則大失望公之莅部率正僚屬引
經誼以裁典禮操持凜凜無敢干以私虜酋邀

穀城山館文集卷之二十二

四

七

增歲幣樞臣將許之公以職力爭不可樞臣竟
不能奪嘗以公事謁江陵適冢宰先謁出入見
客坐甚偏江陵亟引正之公乃就坐同列或諷
公以相君尊重宜少委蛇公默不應蓋已浩然
有歸志矣而會明年甲戌當會試江陵營諸子
入穀欲援公正人以塞物議公微知之請去益
決疏上 溫旨勉留遣中使問賚及門江陵復
托中丞挽公微示將有別命公咲曰一史官去
國二十年始一出山豈爲樹桃李希綏席耶疏

五上乃得賜告乘傳歸瀕行疏陳十事皆關大計而辨官府抑戚倖斥貂璫尤觸時忌江陵益大咈頃之就公邸訣公踞床見之抗手謝曰病甚負公推轂奈何翌日出都傾城祖送皆謝不見相與望塵嘆羨以爲長安道上數十年所未有也先是江陵詢公公即去誰爲代者公舉宜興萬文恭及閩林文恪萬爲公友文恪則公丁未禮闈所舉士也兩公皆世所稱端人然皆與江陵有忤而江陵徒心重公竟用文恭以代公

樞權門澹泊寧靜守吾家四字箴乃吾子也是秋大行以使歸省遂請終養戊戌公年九十詔遣中書崇君大履存問公跨馬郊迎詔壬寅皇太子立詔遣儀部郎劉君憲寵存問跨馬郊迎如昔觀者夾道相指目以爲真天人也大臣三奉恩詔亦故事所未覩及遣孫景元詣闕疏謝優詔褒荅錄景元入成均而加大行月俸蓋皆異數云公嘗著毫餘雜識有云六陽終已已者已也而公年踰大耄善遊飲啖行步若飛髭髮間復見黑毫至歲建巳竟以無疾逝矣先一日手書遺言置之屏几自以冒濫國恩戒無請卹勗子孫致身以報臨終目光爍爍射人睨大行作咲容乃瞑逾時頂熱如熾四體柔和作黃金色比舍覩一大星曳白光射公廬而隕也大行奉公遺戒卜以某月某日葬於某地兩臺業以計聞上爲震悼立詔所司治葬賜祭幾壇贈太子太保賜謚文定備物而有加焉初公試南宮時郡守王公華夢謁帝庭下數

百人羅拜口舉善人則公名也守覺而異之比得第一人報守語人曰此君冥行通神明他時祿位名壽必皆第一至是果驗而公自少至老數遇奇險如頽垣墜木皆不能傷每撰辰出游天日必熙明即風雨凄瑟無不頓霽意必有神物呵護者斯亦異矣公登第六十五歲叟起叟歸中問守官兩都不及一紀而閉門掃軌優游相羊於雲水湖山若餘五十年先後二三權相力皆奔走海內而寵辱之柄卒不得少加於公

東坡先生集卷之二十二

七

東

卿泰當國所網羅推挽徧天下知名士而獨不得引公自近天下儀公以爲含譽卿雲神龍威鳳異代異人不啻松栢之鬱然後凋也壬申一出慨然有開濟之懷竟以時事不合奉身而退然室聞朝廷行一善政進一正人輒喜動眉端不則神情不懌者彌日惓惓忠愛至老不衰乃知第以退而益重稱公使主上知當世有不愛爵祿之臣者其亦未窺公大臣之用心矣公爲人修長峭岸氣骨稜稜神襟道朗舉止端凝

東坡先生集卷之二十二

八

三百四卷

終日燕居衣冠危坐不見跛倚之容持正深堅論議皆有根柢無少唯阿而寬容樂善常依長者不忍有所刻核居常無他嗜玩惟手一編生平撰述甚富然皆元本六經而尤邃於易旁引曲證多儒先所未發間涉內典玄宗用以參互儒術不爲溺也至於運烝服食諸術雖知其指不甚稱說惟飲食卧起皆有常度屏去一切伐性勞形之事恒言士大夫於世法中惟廉取薄享可迓續壽命之原何從更慕長生施德戚里情意周至御子姪族屬和而能訓即有過失莊顏對之能改卽驩家居於當事諸司不通書問惟遇歲稔民饑卽首倡鄉紳請議捐賑事關學政士風必正色昌言多所匡扶獎借寒賤後生不啻口出郡守李公以廉平得民而坐爲郎被察去郡民闔門乞留監司目爲倡亂輒捕以兵公以太義折之監司愧其言乃解兵去郡以輯寧部使長吏干旄過謁時以幅巾出見去亦無所報謝曰老臣以不任朝謁罷安能僕僕趨公

府平對賓客子弟談說忠孝名理朝家典故及
暇時耕耘事媿媿不休踰九十後漸寡酬咎惟
歛容調息神觀澄穆殆天游也所遺山田數頃
居廬僅庇子孫其書傳世者有陸學士雜著善
俗毗議鄉會公約陸氏家訓及詩文若干卷公
生正德己巳二月初七日卒萬曆乙巳七月九
日得壽九十有七元配封孺人贈夫人李氏某
人女也公爲諸生贅於其家與公食貧幾四十
年又能推慈逮下蕃公之胤丁卯先卒潘恭定
公爲志子男三長未名殤次彥章卽大行君聘
姚氏叅政某女娶莫氏方伯某女俱顧孺人出
顧孺人者太公以公艱嗣告諸廟而納者也庚
子先卒次彥卿殤陳出又嘗繼族子彥璵國子
生娶王氏通判女女五一適庠生張秉介都憲
某子夫婦以節孝旌一字庠生都伯繩奉嗣某
子天一適國子生莫是魁方伯某子前卒顧出
一適國子生董九臯廷評某子朱出彥璵出者
孫男三景昇府學生娶薛氏文學某女景新聘

盛氏處士某女景俊幼孫女二長適徐邑丞某
子采玄次適國子生顧某子同德俱庠生曾孫
女一幼景昇出彥章出者孫男六景元官生娶
宋氏叅政某女景隆縣學生娶唐氏文學某女
景象出後族彥申聘包氏孝廉某女景賢聘陳
氏工部員外郎某女景明未聘殤景行聘張氏
文學某女孫女三長未字殤次適國子生姚某
子世禎庠生次適進士李某子中梓天曾孫男
一慶曾甲辰生公所命名也曾孫女三幼俱景
元出公之葬也大行先期介思州守蔡丈人狀
屬慎行銘蔡丈人者與公同舉庚子今年亦且
九十矣行忝詞林後進嘗沐公知又嘗待罪南
宮奉公畫一生平嚮違以爲一代人宗可師百
世而得附名片石托公不朽所忻願焉公耆而
得大行見其成名且謁告歸侍踰十五年乃有
五子一孫連膝承歡而大行爲予門人志節風
度稱其家聲奉公之喪戚而有禮方悲其志而
服之又何忍辭銘曰 天篤 皇祐保艾名世

夢日公生墜星公逝道總群流學本大經文明
以止黻藻帝庭守虛抱冲稊躬如砥如淵斯
凝如嶽斯峙學有肩輿其視耽耽獨立不懼莫
公敢倖考淵棲衡託尚千古國之藩衛士之護
矩厥迹彌隱而望胥崇蒲輪三御迺正南宮典
禮宿清式我王度大政將聞歸田載賦煌煌明
哲蹇蹇匪躬十事矢謨帝鑒貞忠卷舒以時潛
見不測譬彼鴻其亦猶龍德及耆而子既庶孫
曾踰壯而第封數復成稽公名壽史無其匹維

穀城山館文集卷之二十二

十一

衛武公維師尚父爰乘大化神與天行勒銘石

永護玄局

明故資政大夫禮部尚書兼翰林院學士

贈太子少保謚文恪雲衢余公墓誌銘

禮部尚書兼翰林院學士河間余公以萬曆庚
子七月十六日卒於位部臣以聞上深嗟悼
詔贈太子少保謚文恪賜祭幾壇使使護喪出
少府金錢治葬如法蓋上之篤念講臣恩卹
備渥如此少宰北海馮公既與二三同年經紀

穀城山館文集卷之二十二

十一

生八歲而考妣客死哭哭千里扶兩棺以歸宗

人睨而溺之欲謀其產所以齟齬百方竟得無
恙而謁里師受經誦習日力年甫十三補邑弟
子試右有名宗人之謀寢嘉靖甲子以詩舉京
兆萬曆丁丑乃成進士選庶吉士卒業館中好
考覽國家故實及前代治亂所繇至校大制作
筆鋒縱橫超乘而上諸公文重焉已卯授翰林
院檢討以國慶軍恩得贈其父母如所居秩有
詔詞臣彙筆日直史館公所撰述多稱上旨

癸未分校禮闈所印皆典正士聲爲得人是歲纂修會典起五年丁亥書成進修撰賜白金文綺宴南宮戊子奉使周藩歸而舟蕩於河舟人皆號公具衣冠拜禱風止波恬如或翼之以濟已丑充經筵講官旋擢右春坊右中允兼編修簡直日講與馮公同諒通鑑時上希御法筵講臣具牘以進公乃與馮公議以便宜稽引古誼傳時政得失冀有所感悟不談說效經語辛卯典試留都撤棘而醮諸士請以身爲質所穀城山館文集卷之二十二

年皆與馮公共事而馮公再謁告歸里所直日亦公代進故獻納爲多歲時受賜金繒及他珍異差次閣臣不可勝紀云當其時禮卿闕且二年廷臣所推舉無慮十餘上皆留不下及再公名進名又在後上竟用焉在位執法守正夙夜勤恪遇天地大災時政闕失抗章力諫無火規隨戊戌歲終舉奏四方所報地震雷火及西寧鐘自鳴紹興地出血二氣舛錯古所未有今郡國元元苦征調酷權織造開採斲結無聊穀城山館文集卷之二十三

目謂經籍傳註皆爲糟粕倫理法度皆爲虛幻
惟一了此心則踰閑蕩檢無害性真後學小生
轉相崇尚雜入制義名爲新說甚悖理傷化宜
絕其端勿使進奉 旨摯爲功令下學官釐正
焉公自署部時請元子冠婚疏凡九上及正卿
席並請建儲又至八疏病甚猶伏枕視草久之
上意感動勅所司爲具將行大禮而公旣受特
知四推內閣旦夕且有後命亦不及待卒矣
名位固所不念國之大計於公志何如哉公爲

穀城山館文集卷之二十二

十五

四十五

人樸直端方忠誠體國平居以慎密自將穆然
簡默言不出口卽顰笑許可不輕假借及當大
議大政持論侃侃無所回撓僚吏卽有不當常
正色攝之始若不堪久而知其無它更信服焉
居官廉儉不視生產學士同年曾公嘗過其里
茅屋蒿徑一如諸生嘆息而去平生不受人私
亦未嘗以私干人少子從學宮試夫人祈爲一
語終不肯發貲產旣薄又以分給親族室無幾
廩官無藏橐馮公謂其貴而能貧貧而能施

阿好也爲文典重懇至以意誠爲宗不尚綺靡
詩法孟襄陽尤工爲歌行所著文集若干卷通
鑑進講錄五十卷國朝典故紀聞十八卷行於
世生嘉靖甲辰八月十九日比卒得年五十有
七配楊氏某人女累封淑人子男二長道行以
公三品滿考任國子生娶徐氏翰林修撰聯芳
女次道一蚤卒娶常氏宿州判官自省女女二
長適監生常執敬縣丞自修子次適生員王亮
芳知縣命子孫男二廷彥道一出家彥道行出

穀城山館文集卷之二十二

十六

四十六

孫女二俱幼于子曰渤海綰轂燕趙控九河之
交風氣回薄多魁碩博大之臣可任天下重者
馬恭襄王忠肅而下纍纍可指數也余公起文
學近從蕭然經術儒爾偉器貞姿磊磊嶽立其
受如萬斛之舟以此進參樞鼎匡毗化元功烈
益不可勝道哉伸於遇主詘於得年在否泰隆
汙之運有所關矣何乃徵地靈乎銘曰 海河
之會儲和孕精展也宗伯應期而生學爲儒珍
行爲士程資樸而重衷允以貞施華而染豐

靡營勇於借箸默於守瓶所執者矩所蹈者繩
法筵進說其書滿籩南宮秉禮牘交於廷國本
是圖天渝是徵聖真統壹士胥砥平師錫維允
大命將膺吳胡不憖殲我元卿宮懸輟響巷杵
銷聲微稱備物返不哀榮古皆有死不死者名
圖芳南史如日如星右瀛左滄鬱彼佳城胡以
考德墓門有銘

明故中憲大夫山西按察司副使同菴李

公合葬墓誌銘

穀城山館文集卷之二十二

十七 三月三日

于慎行曰予爲人傳誌多矣夫固有遙聞浮慕
因響索聲者乎意常不盈其辭卽生平所欲著
列覩記甚確惟恐失之詞又不充其意甚哉綜
術之難也吾鄉有李同菴公者夙稱篤行君子
予尊嚮之至欲論其行誼畢力極思不盡所欲
出何但無愧辭乎李公諱與善字伯從同菴其
別號也先世出太原之靈石元末有德原者避
亂於濟因止爲長清人是生琮舉宣德丙午省
試仕朔州別駕沒而贈太僕少卿以子綱貴故

綱第天順丁丑進士仕都察院左僉都御史以
忠貞苦節號爲名臣國史有傳都御史生貫舉
明經仕河南憲司幕史幕史生孝先是爲公考
累贈奉政大夫四川按察司僉事樂義好施鄉
閭德之娶累贈宜人趙正德壬申八月二十四
日生公於里舍公生而奇瑋十歲能爲制文十
六列學官數第爲諸生冠操履端誠見稱師友
學使下記褒焉嘉靖壬子始舉山東省試又數
上春官壬戌成進士年五十餘矣授寧津知縣
治有能名選郎晉公洪洞人也第天下良吏無
右寧津者屬且出部語其後郎請以爲已邑令
遂改洪洞公晚而登仕終不隱年以治行尤異
徵爲其過格不列臺省則以爲刑部主事會有
國慶贈考妣如其秩旋改兵部轉員外郎擢四
川按察司僉事備兵綿州三年考績再贈考妣
如今稱云萬曆甲戌遷貴州布政使司叅議分
守安平又四年戊寅轉山西按察司副使會聖
節入賀自以年至上疏乞骸骨予致仕歸家居

穀城山館文集卷之二十三

十八 三月四日

又十年以萬曆丁亥十二月三日卒於正寢得
年七十有六可謂老成黃髮受天之祉者與公
爲人長身嶽立貌莊而朴口蹇蹇不爲華辭孝
友直諒有古人風其事二親朝夕起居一粟
敢先嘗居喪哀毀骨立疏食三年不愆於禮家
世清白居無厚殖弱冠而孤有弟四人皆少值
公授徒里中貧舍之費取諸幣修歷官祿入不
管私產而置空園田以贍諸弟里人稱之公既
晚仕練習政體內察而外渾當官御衆惻惻

穀城山館文集卷之二十二

十九 三十四 君

恒耻言苛細而法紀所在守如金石即權貴要
請弗能奪也寧津故九河道填淤數千畝皆斥
不耕公募閑民墾之給牛種而貰其租遂爲沃
土泥以反室者五百餘戶邑故猾多盜公專修
德化不嚴而威猾者歛迹盜亦不行其改洪洞
值歲大旱民多死徙而使者趣賦日急公爲請
曰以歲之不登一二遺黎將凜然轉於溝壑以
憂使者何賦之爲使者感其言而止兵部之銓
武校郎吏叅閱或委諸胥史惟所上下公親取

其籍日夜鉤稽胥史不得睨視令成而布之選
者大歡蜀撫臺陳公下備邊科條於境有六事
不可行公適以請諸大夫危之公曰無傷也朝
廷設方岳大使爲元元填撫寧令阿中丞指以
敗公事卽中丞實應且憎其謂之何請而撫臺
大服亟如所適更焉入賀詣都故事供需盡卻
不受武將陳世忠故門下校也以百金及他物
爲贐出疆而致之或謂可毋挹矣公正色曰吾
先中丞居內臺食無兼味衣常三澣奈何以暮

穀城山館文集卷之二十二

二十 三十五 君

夜汚吾世其守安平土酋楊氏驚不奉法歲逋
貢金千餘縱馬數百蹂民間禾稼吏不敢問公
遣使宣諭薰以威德酋獻金器二案以解公怒
卻之酋乃大懼入其逋賦五千又開其馬於閑
乃貰不問酋益大感其操持輯定多類此也公
蓋與先兄無擇同舉於鄉公年四十最長無擇
年十七最少而相得最驩無擇每爲行言公之
器度未嘗不悚然服也兄旣不祿子始從公於
朝每覩公行事如兄所教又未嘗不戚然思焉

一日道出長清過公居第敝屋數椽不蔽風雨
曰此先中丞室也弗能更亦不敢更予爲三嘆
此不獨知公即中丞公稱名臣於當代茲可概
見矣何必蘭臺史哉公卒十有三年爲萬曆己
亥十一月十五日其次子湑乃卜吉於城西八
里之原奉公窆窆起兩宜人祔焉而以平陰博
士劉君狀來乞銘兩宜人考元配楊氏當公未
遇時勸成其學以贈稱宜人繼配張氏及公之
顯佐成其政以封稱宜人皆有芳規淑行聞於
里黨然皆不得偕老而奉公之終者佐室侯氏
也子男二長潔邑庠生娶散官孫君守廉女後
公十年卒楊出次湑太學生娶鴻臚署丞平陰
劉公雲龍女女一適太學生高君可予知止俱
張出孫男六日新日省庠生日強日章庠生日
監俱潔出日昇湑出女五曾孫男三女一俱幼
湑等篤雅而文無貴介風世其家聲矣銘曰
世不有貌堅而中瑕而公溫而栗世不有外貞
而內黷而公廉而質實踰其聲心符其迹不愧

不忤匪雕匪飾出爲民主一居爲士式此古之德
人長者而吾樂銘其室與

明故中憲大夫四川按察司提學副使金
沙傅公合葬墓誌銘

東省故多才士以予平生所友有五人焉年皆
差後於吾長者歷下于子冲氏少予二歲髫則
爲同舍生次則聊城傅伯俊氏與子冲同庚自
未第時相與不甚狎而甚早及甲戌分校南宮
得臨邑邢子愿氏年又稍後無何臨朐馮用韞
縣志館文集卷之五

氏以弱冠入詞林同朝最久而其故同舍生蒙
陰公孝與氏同用韞年相若晚乃出其門下此
五君乃一時海岱之英而吾皆得以世誼交之
惟子冲稱弟他皆降禮相與考德講藝遊心竹
素之林可謂甚盛而今垂予逝者過半矣予以
辛卯歸田明年子冲爲陝西大參沒又十餘年
用韞位至常伯且拜爲相而沒又二年伯俊罷
蜀中學使歸歸月許沒也今惟孝與在詞林子
愿以同鄉在告與吾歧而相望若三星耳伯俊

子爾庚奉王中丞先生狀求銘則藉手次第之
云傳公諱光宅伯俊其字也別號金沙居士上
世山西洪洞人遠祖居敬國初徙聊城大傳而
及米脂令相則大父也米脂公三子季曰學易
號肖岩公舉嘉靖辛酉省試不仕而以公貴累
贈中憲大夫重慶府知府更曰中憲公中憲公
娶汪公湛女累贈恭人卽公母也一夕夢瑞光
滿室寤而生公曰必耀吾宗遂以命名公生四
歲誦詩十六經術通明學使袁安節公識之隆

豫城山館文集卷之二十一

二十三

謝全

慶庚午舉省試高等入遊太學試冠大館萬曆
丁丑成進士授靈寶知縣出而聞中憲公訃也
徒跣奔號哀毀踰禮服除補吳縣吳稱江南首
邑財賦甲天下蠹敝爲多公所蒐核釐革析及
秋毫而用仁厚處官一切拊循煦喻言文法
以閒延進諸生論難經藝獎拔名流後多顯貴
乙酉召拜河南道監察御史首條便宜六事皆
見嘉納按行二關疏薦故劄帥戚繼光衆論快
之廟堂意弗是也有詔讓公公方受命按晉因

請告歸辛卯還臺次當按浙而御史寧晉王君
以劾太宰左遷公疏申救語侵太宰太宰浙人
也臺大夫因請改陝公辨題差事例又侵大夫
大夫益不能下而公平生雅遊多所厚招文士
一御史阿旨下令大索山人遂得公舍客戍之
坐註改行人司正公亦不爲悔也曰客不負吾
乃吾負客耳無何奉使岷藩道中遷南京兵部
郎中而又聞太恭人訃也其時公年長矣一痛
幾墮頭須爲白服除結廬河上矢不復出里長

豫城山館文集卷之二十一

二十四

謝全

老皆前勸語乃以戊戌詣闕補工部郎中兼攝
三篆內工河漕歲費不貲凡所綜理籌畫財省
爲多署中受成而會稅璫馬堂橫摧臨清其徒
與市人鬪射殺市人市人因焚其署守臣以民
亂問公曰此璫所自致發難不在民也疏白堂
激變狀因請誅其記史鄭惟明惟明者大猾而
竄籍戚里翼璫爲虐故公劾之疏入不報而附
璫者謬謂公爲侵官側目視之矣已亥播酋作
亂詔發兵誅少司空重慶趙公言於朝曰誠

侍郎爲郡當賢於十萬師吏部請以公往至則諸道士馬大集境土公爲治粟轉輸出納均平民皆安堵師無後憂制府長垣李公倚之軍中謀畫多所贊決寇平請釋脇從及他枉繫全活以萬計若文吏有功見誦皆爲請錄已出藏餘金錢繕治城池學官並敷陳 聖諭月旦讀法渝人大洽辛丑滿考察能奏調成都而值故播改郡計非素重臣無以填之乃進按察司副使分巡遵義所部皆新邑也兵後境多暴骨祭而

穀城山館文集卷之二十二

二十五

史記

瘞之遺俘畏誅小反督兵擊定播境遂平而安氏故與播構嘗侵其裔土舉以入黔公謂國家一統在黔猶在蜀也顧播方以逆命見誅而安民據其故土國紀謂何制府新城王公因請按輿圖歸蜀持衡未決而以望改督學政其時太比期迫星馳八郡不數月而竣省闈入穀皆所甄拔也甲辰大計前所側目者則乘間中公至傳白簡公笑而拂衣曰無傷也吾固已日夜治裝歸矣抵舍而病以其年五月二十九日終於

正寢距生嘉靖丁未四月二十日得壽五十八歲公爲人才氣倜儻風神閒曠儵然物表姿也孝友樂易情誼周洽於人無所不親少從從兄受經貴而師事終身不敢與均茵席先世田廬推以予弟不取其分群從子侄量材授貲使修生業而集其僞少肄之家塾朝夕親督課之又嘗置暇田五百以奉兩庠膏楮內外戚屬待之舉火者亦無慮數千指矣博聞彊志貫串百家落筆千言詞采流麗詩在盛中之間瑩潔儻逸

穀城山館文集卷之二十二

二十六

書模黃豫章體蒼鬱有致海內珍之所著有異曲吳門燕市蚕叢諸草半行於世夙慕方外之遊於內典玄宗無不深詣談說名理指畫世故揮塵懸河風生四座而切近事情不爲玄虛之論聽者爲之醉心平生傾身爲士無識不識畏糧而赴者所至如雨無不人人滿志卽嘗受其施後負之者意亦不爲衰也其才博大通敏無所不宜居恒慨慕勲名銳然有志當世而以任真毀過卒爲修郅者所中談者惜之嗟夫名迹

之間果足定士品乎哉元配耿氏儒官濂女貞
靜婉順早歷艱辛及公計偕而卒累贈恭人繼
呂氏指揮在桐女甫廟見卒私得稱恭人也又
繼常氏堂邑諸生億春女都諫常公序孫累封
恭人恭人笄而歸公奉侍舅姑恪慎有禮前後
二喪公皆不違手含玉而奉焉公常泣曰悲夫
有子而婦代也天性嚴潔部署臧獲經紀田產
斬斬有條公以好客善施手不能握一錢非恭
人操筯於中家殖且落而姬侍充幃亦不聞少

蘇城山館文集卷之二十二

二十七

胡

有芥蒂識者才而賢之齋居作禮大士六時誦
持不輟亦宿根也公入蜀而恭人留留幾年而
卒得年四十有四蓋殯而待公歸也公所由悲
邑成疾以此子男二長爾庚邑諸生雋雅有父
風常恭人出娶韓氏山西布政使學信女早卒
繼方氏臨清諸生翥皐女次爾申側室李氏出
未聘女一耿恭人出適館陶選貢李鳴陽孫男
一孫綿聘郡諸生顧元佐女女一未字俱爾庚
出公以萬曆乙巳十二月六日塋於郡城聊古

廟北蓋新阡也銘曰嗟乎公也孰負而竊高車
而晚爾輿乎孰脂而售瓊琚而毀爾瑜乎公至
人也其來有自其入有間不死而物不生而居
爵非我貴名非我虞宿宿信信其猶遽廬而墨
墨吁乎而咄咄書乎此一坏者誰與

明故南京刑部貴州司郎中石屋許公墓
誌銘

鄙人居疾山中久絕觚翰郡別駕許公枉車及
門請曰先君堊龍井之陽墓木拱矣堂芥之文

蘇城山館文集卷之二十二

二十八

化

闕焉不肖少孤昧於從事且以待良史幸以職
辱在宇下敬乞一言用志不朽鄙人退然不敢
承念別駕方為德於吾土太公家行又所習聞
何辭之與敢按狀公諱應亨字子嘉別號石屋
其先順天東安人五世祖誠宣德丙午舉京兆
試尉浙之蘭谿樂錢塘山水家焉誠生貞裕公
鳳鳴鳳鳴生兩湖公紳兄為比部郎綸紳生平
厓公某以子貴贈工部員外郎娶陳封太宜人
是生二子長為廣西右布政使茗山公應元次

卽公公生而穎異讀書目數行下長公畏之入
爲部郎携公而北復於故籍從學使試以才見
異補東安諸生舉庚子順天鄉試甲辰第南宮
廷對數千言省鑒鑒經國語諸公擬首甲進

世廟意有所左易置二甲授南京刑部貴州司
主事奉官凜凜不苛不縱一稟於三尺指揮其
怙勢橫行都市中有司縮舌不問怨家訟諸司
寇下公理指揮跼蹐行千金當塗求寢其獄公
廉得狀凡三申覆竟置之法丁未冬論決有內

穀城山館文集卷之二十二

壬九

卷之三

當刑呼曰嗟乎冤哉不死于法而死于賄誠經
郎許一讞斷而坐某死則死何恨時金陵赫然
有三司直之稱蓋指公與桐城阮公鶚金華
公良翰也明年七月元配張安人卒於邸舍
駕南離襁褓以例送幼子還鄉長公亦外補
州過里念蜀道險遠不能奉太宜人西也欲留
不行公亟上疏請告安太宜人於家長公乃行
而公買山西湖築室其上時御太宜人板輿行
游六橋三竺間人比之安仁色養云暇則開

讀書於百家之言靡不精討不知戶外之有屢

也少司馬蔡公汝楠雅以文行相成貽書勸駕

公報曰母老歸喪伯復居遠晨昏奈何休矣母

復言告滿上疏請益力啜菽飲水若將終焉張

安人者事姑婉順沒而太安人哭之哀左目喪

明繼聞長公遷粵悲其遠也益燥而憤併喪有

明公廢食狂走求醫四方得田先生者工金鍼

法以良藥敷之經宿乃啓時暑方熾甚久膚膚

裂公具衣冠跪禱赤日中汗出成漿不見墮色

穀城山館文集卷之二十三

三十

卷之四

鍼啓而目瞭然公喜躍遍召戚執嫺黨爲太宜
人壽而厚幣勞田先生田遂巡謝曰僕術即工
不神至是乃次公孝感爾未幾長公自蜀歸知
太宜人失明而復捧之雨泣謂兒勞于國不如
仲勞于母乃從容語公向者我出仲處以安母
氏今仲其出以報國恩余將處焉公謂不然伯
爲外吏法不得請第也待母之日深矣吾母非
常食寢不甘伯留予亦不出母乃重戚母心乎
長公乃之粵明年甲寅十月公疾甚竟不起得

年四十耳傷哉公之事太宜人當其病躁不觸而怒爲嬰兒戲百方求悅必得一解願乃已事長公如父終身不敢以鴈行進志耽澹薄不事生產祿餘盡供甘毳營山居家無僮石至或以絕糧告如不聞也抱膝而歌逍搖乎湖上矣可不謂孝友清節恂恂篤行者哉往余聞茗山先生以博物宏詞爲先進碩哲及士林所傳別駕續承世業文詞甚都信吳越間多世家也及讀公狀所溫籍復兩意其生平論著必自斐然恨不其乘耳而得從別駕公稍存其行誼以貴來遠亦所樂從也公生某年月日卒某年月日夫人張氏生某年月日卒某年月日子男幾人女幾人孫男幾人女幾人云云銘曰 生於南籍於北遠有耀食舊德興於北官於南持法平民罔冤孝純備假神明諗將毋知友兄爰錫類有令子佐名藩爲綱紀墓而石濶有年石而文齡萬千匪其德基而後何述焉

明故中憲大夫陝西按察司副使趙庭璽

公墓誌銘

盧氏其先潞城人也徙於東明則自士元始世而及遷巷公九錫配恭人蔡氏是生憲公諱學禮字立夫趨庭其別號云盧氏故田敦德世爲茂族贈公乃受尚書諱邑弟子因以授其諸子而公少負異資巍然魁岸爲士家育敏捷全法度力勤於學博聞強志名超然隆慶丁卯舉京兆第再上春官萬曆甲戌將復詣試而值母恭人病或勸盍且返裝公愀然謝曰安有親卧床簣而千里赴名有如闕於二訣何以爲子竟止不行頃之遂丁內艱丁丑北上乃成進士筮仕南召令踰年聲績大起天官偉其才望奏改臨汾三年報政勅封遜菴公如令秩母贈孺人未幾以外艱去職服除乃補東阿浹歲召爲兵部武選司主事再遷車駕郎中以望擢兗州府知府三年報政誥贈遜菴公如守秩母進恭人已復丁繼母憂服除補守義陽會播州兵興供億徵輸多所勞瘁又以權使

恭征爭不能下方有歸圖旋晉陝西按察司副
使備兵洮岷聞命欲謝不往所知咸敦迫之爲
一持節蒞鎮又與勅使爲忤竟拂衣歸歸不數
月輒病病不踰歲考終於正寢某年月日也距
生某年月日得壽若干歲公爲人誠長者貌
樸而偉性坦夷無城府接人辭色雍雅情義藹
然而凝重不佻口若鈍於辭然於世故民情談
說娓娓曲中肯綮至竟日夜不倦居職廉儉無
所紛華取簡靜寬和爲理絜綱疎目耻言細苛
而比讞精詳綜理靡密猾胥不能欺也事使之
際不爲崖異而動有執持亦無能撓其法者蓋
純然古循良吏風矣南召斗僻小邑然在山谷
陜塞中俗悍而多礦益公日夜拊循小民樽節
裁省與之休息因以嚴飭烽炮盜不得發境內
無虞臨汾平陽所治煩劇爲尤公居是邑獨久
外寬內敏不嚴而辦諸緣飾文具者反不及也
吾阿號當路邑其繁不及臨汾其衝倍之公雖
不滿朞月政通人和誦聲交作赫然最曾中矣

充爲東阿大府方制二千餘里介在兩河之中
最稱繁望公以三邑之政移之於守風聲所聞
二十七城罔不蒸蒸如在宇下兩臺諸使以
言治狀且十餘上天官考其治績表爲某省憲
副候命未下遂以憂歸故再補而後遷位雖尊
顯於公資地稱淹久矣猶以不能爲容拂衣而
老仕林惜之而里人當公之卒識與不識皆爲
嘆息泣下至空市走乎則中心誠信所感矣方
公守充予已家居公因請修郡志三年書成捐
秩金梓焉而其中紀公政績及已不及郡以在
事避也今公已告終方議俎豆之典則郡政可
續成矣然予稽漢循良傳召父爲上蔡太第言
視民如子無所臚列及守南陽述爲民興利事
甚備而曰治如上蔡朱仲卿愛利之澤詳於桐
鄉及北海太守但言以治行第一徵而不著其
事實此兩君皆公所嚮慕者固云詳略互見亦
所設施久近便否未必兩宜矣今公爲吾邑邑
稱良長吏及爲吾郡郡稱良二千石不易地而

兩奏成設有傳國史循良者取二志而徵之豈
非西京諸賢所不及備者與初贈公四子長者
爲公次學樂舉乙酉京兆次學射邑庠生次學
御皆以行聞元配邢氏累封恭人引禮郎遜女
壺範甚修子男三長薦鴻臚序班淳雅有度稱
其家聲娶里人高材女次允芳邑庠生娶舉人
楊光啓女先公一月卒次允茂娶員外郎李夢
麟女女六一適庠生鄭士儒一適庠生周大勳
一適安如岡一適庠生劉澤遠一適張應明俱

豫城山館文集卷之二十二

三十五

三十五

先公卒一字鮑奎光孫男一允茂出女四芳出
者三茂出者一長君將以是年十二月二十一
日奉公葬於祖兆之次以公甥某子狀及門布
幣乞誌及銘凡公操履治行皆予所熟覩有深
於狀者謹撮其大略而勒之銘曰 於鑠元德
函熙韞醇宅衷穆穆飭躬斷斷終淵且令既益
以文誕啓厥世載揚用賓發銅駝軌爰始臨民
試宛收汾康功日稷亦既有成遷於我邑惟是
惠和化三如一誠心溫顏煥獨是卹豈不日靖

匪彼匪亟由佐圻父馮熊而軾奄宅我曾疆惟
鳬繹訓行周孔百城是式不遐有耀聲絲茂實
建節岷洮西陲咸喜億遽懸輿伉直之以龍蛇
告診則惟天只仕稱仁君居爲良士不戒孚心
無爲致理胡不耄期爲我民紀燕及爾嗣駿發
百社穆卜斯藏有緡之里令聞則昭於萬斯祀
我銘其徵是符隱史

明故奉直大夫直隸安州知州鳳岡張公

暨配封孺人傅氏合葬墓誌銘

豫城山館文集卷之二十三

三十六

三十六

張公諱光字子陽號鳳岡濟南齊河人也居
邑之仁和里高祖敬德嘗捐貲賑荒曾祖祥流
寇入境嘗衛邑君之難大父寶嘗刈麥以食饑
人贈公朝爵剛正有氣里之不義者憚焉號曰
北里受室大使房公嶽是爲贈孺人贈孺人四
子再索爲公穎敏端慤弱而不弄贈公奇之稍
長就傅所受經籍過目不忘垂髫補弟子員試
輒高等弱冠受月廩矣嘉靖辛酉舉山東省試
數上公車萬曆癸未乃從天官謁選得河南之

延津延津河上邑也敞而當路理者稱艱公下車而考政俗輕徭省費明罰勅法未期有能名部使數薦諸朝若下記褒厲至申飭他邑何爲不若延津中川不歲詔遣近臣臨賑公設法散給來如集雲去如流水負戴而呼更生其聲如震使貧民多斥鹵貧民就煮硝礫以資口食鹽官扣而稅之公爲上記力辯可數千言民乃得蘇明年大旱用董江都遺法象龍以雲舍車而走群神五禱五應澍不出境當路獎借有

東坡先生集卷之二十一

二十七

精誠格天之語儀封之戶不核請公核之盡除其濫邑人士大悅舉謂來何暮也河決隄潰水高三丈許城且爲魚沉壁而崇水不爲災滿考奏績以望擢知安州安州古濡易地今爲右輔要郡其壤受水增設隄防以備滌洩又爲多置十種墾闢穀土大召流徙境有荒蒲之稅故以奉守弛而裁其額賈販以寬或淫而賄其夫免而借交讎以爲盜公白夫冤而坐淫及借者傳聞快之居郡三年薦書九上滿考且內擢

封之民有格鬪殺人且死而魑之者訊者主之公憤曰殺人而免死者何辜將不爲子孫地耶竟鞠其情致之法訊者要人愧而傷公同年宋中丞時爲撫臺挽之不能得亦會公病以致仕請以詔報可去而延津之民爲位祝于室安民勒石紀焉其後公沒故吏民走數百里哭祠于家可以觀政矣公爲人儻宕軒舉狀貌魁梧耳輪若珠英氣勃勃不肯少折有懷亦不能匿而孝友惠和著聞內外戚黨婚喪多所資予值歲

東坡先生集卷之二十一

二十八

大饑捐粟數百施于通衢弘先世之德焉尤敦交誼意氣相合輒傾身爲之不恤塗濡卽有所受德藏之中心沒而後已一語不相中卽貴而疆不能頰仰也肫肫其衷嶺嶺其表今之豪丈夫哉于子曰余與張公昆弟也憶其吏事而嘆直道難焉政不易地而名成于令官蹟於守豈其治異邪今士以甲第爲令借資百里寄質乎青瑣蘭臺數日筴而取之支郡守卽尤異得省郎爾令以陰陽事守罄折而睨視之守知其

然外疆爲泰而內不勝恭令所出入多于喁而少唯阿況然疑乎奈何乎張公輕以一日之官忤是耽耽年少而重以一夫之命遺其子孫此吾家廷尉所由興矣猶有天道公之嗣人不食其福與元配傅氏勅封孺人邑廩生好學公女歸而逮事尊章佐成其家政長而不子爲公置貳室孀生男而鞠育之甚於離裏已乃先公逝也公生嘉靖己丑三月四日卒萬曆庚子六月二十日得年七十有二孺人生嘉靖壬辰十一月一日卒萬曆戊子四月五日得年五十有七子男一述謹李出爲邑諸生有文聲娶衡水令馬應賓女女一適軍尉焦名世孺人出孫男一鳴鑾述謹將以萬曆壬寅八月十三日葬公城東比十里龍灣之陽與孺人合以狀謁余請銘銘曰 梁之許其民有俎燕之南頌石則刊濟水之陽誕考玄堂嚆其宅之偶鴻維光福爾來裔以祉穰穰吁嗟乎循良

魯藩輔國將軍毅齋公暨配夫人王氏合

葬墓誌銘

公諱觀吹字某別號毅齋其先魯靖王之世也封於安丘三傳爲榮順王有子六人最少者曰竹涯公健視誥封鎮國將軍配曰張夫人夫人諸姬有子五人公在叔季之間母曰蕭碩人詔選名家子也公生而穎異英吐奇五歲奏賜今名以嘉靖某年受封輔國將軍輔國之秩二品古稱八命於法貴倨矣而公內敦孝友外修退讓孜孜砥行不敢以世祿驕人德義日有聞

緣城山館文集卷之五十二

甲

正三百廿四

也其侍二親之疾衣帶不解葬而徒跣扶輿哭號百里國人慕之諸生上狀御史且爲奏褒公謝弗願鎮國王子祿厚貲產頗豐公與兄弟中分讓腴取糈曰幸奉國恩食租衣稅不忍以父產傷同氣心然公廢積貲予什一取贏久之家更饒裕而居常誦薛公之市義也一日召子錢家盡取其券焚之所捐金數千兩穀數千斛子錢家頓首祝釐有下泣者而公名大譟魯城中矣滋陽恭裕王家匱而孱病而爲公泣以弱小

孫爲寄及壯當封而爲疆宗所持莫敢保任公奮曰此王適也策在天府何罪而翦之茅遂與安立府主及中立公同署名焉又出橐金數百及多爲假貸滋陽以是得封奉公終身如大父禮安丘家監以王少子登城爲邑令所誰何邸中諸少年欲往譙令公聞遽止曰諸君胡不自喜至欲辱天子吏以杆三尺王少子出無與何令何用識之衆皆曰然遂解胥吏有連帑金而逸者長吏捕得榜掠幾死荷校及門而乞公

蘇城山館文集卷之十二

四十一

之金若干乃不問其姓名或請爲券公曰人方身無完膚三日不食忍責其券耶曲阜孔生弘煦推擇爲令從公貸二百金命下兩弘煦死子姪以田及器物來償公愀然曰所爲貸而公者義也而公不沾斗食以死而吾收若田及器物爾曹何用爲生盡卻弗受魯人益尊信公稱爲長者公爲人偉丈夫也白晢修髯眉目如畫進退容止甚修少時嗜學好古北面經師多所謁覽又工爲歌詩及曲咸有意致第中小築亭

蘇城山館文集卷之十二

四十二

環植花竹日召故人賓客觴詠優游爲樂未厭而無聲色華侈之娛旣以好義立名遠近赴之如響於屬又尊宗人推爲祭酒緩急質成凡公所調護無不人人厭其意者雅有口辯談說古今纒纒有味小大咸樂聽焉夫人王氏儀賓廉女也廉尚沅江縣君縣君能讀內則女訓諸書以授夫人輒習性幽閒寡語吟又精女紅鎮國爲公問名上其姓氏詔授今封歸而舅姑在堂上奉滌灑外御賓客無不精腆或市簪珥刺繡以佐庖俎不使公知也置姬妾數十人撫之皆有恩意正內幾四十年琴瑟靜好迄無違言可謂順矣公生嘉靖己丑九月二十六日卒萬曆己亥四月六日得壽七十有一夫人生嘉靖戊子十一月十八日卒萬曆戊子六月二十一日得壽六十有一前後計聞皆奉詔使臨祭公三夫人一禮也子男二長順從封奉國將軍娶教諭謝以敬女封淑人俱先公卒次順備封奉國將軍卽世所稱玄同君也娶典儀胡錫女封

淑人孫男三壽銅娶鄒縣孫宗吉女壽鏃未聘
皆詔授鎮國中尉一幼未名孫女一適儀賓宋
樞子文榮俱備出玄同君者以文賦著名號爲
大雅壽銅年少能詩有父風士大夫皆願交之
以某年月日奉公葬曲阜陵城之東具狀請銘
舊史氏曰子紬史及楚元王傳而美其世之多
賢也路叔爲漢宗正稱寬厚有智略至散家產
百萬以賑昆弟賓客曰富民之怨也子向孫歆
兩世大儒文質炳焉烈矣今觀毅齋公墓義好

毅齋公集卷之三十二

四十三

三十三

施不侵已諾有漢宗正風而玄同及子鼎甲博
文姁修沅聲藝苑又何與子政子駿符也夫元
王都薛奄有魯境與申白諸儒遊君子之國風
聲靡漸不虛哉然宗正主議漢廷中壘父子在
天祿石渠之府典校秘書遇合當世如此而今
制宗室不仕爲吏使龍文麟趾之奇陸沉閭里
無由自試於時謂維城之義何因述公家行爲
三嘆焉銘曰 彼穹崇者陵 皇命內史作銘

謹識歲月納諸兩楹豈伊不樂疇若公丘在魯

之垆坎中有書謀野而成饒備內美亦揚德聲
配楚元之紀綜厥世懿信而有徵爰伐樂石庸
代丹青千秋旦暮人貌榮名將孰無死而公如
生平

明勅贈文林郎山西榆次縣知縣東樓盧
公暨配封太孺人孫氏合葬墓誌銘

盧大夫自隴西塞上歸毋太孺人之喪也將以
萬曆癸卯某月某日奉祔贈公之窆手自爲狀
拜授仲兄茂才走穀城山下布幣請銘曰孤等

毅齋公集卷之三十二

四十四

三十四

不天蚤失所怙學今三紀未納墓門之鐫蓋有
待也乃者幸微一命以賁丘隴敢因毋氏之葬
紀其世於石吾子其許之大夫故有遺愛於東
土推本淵源皆公及太孺人之賜其何敢辭按
狀公世河南扶溝人也國初有諱成者田於周
午之鄉遂家焉六世而及璽卽公父也個儻慕
義多所施於其里壯歲不子禱於濟瀆出帛書
書其各錫以大夫子二旣而遙舉果然長者卽

公 字崇畧東樓其自號也生有奇氣狀貌

不凡處士孫公儒異之以太孺人字焉少學業儒以任家督不遑卒業雞鳴而作往視田隴太孺人躬操井臼以相其勤父母歎之爲人坦衷直諒飲人以和終其身不見疾言遽色而居處甚莊不爲媒慢與遊者皆昵而嚴之天性儉朴一布袍至三十年獨喜施予子錢或不能償輒焚其券曰終不以區區阿堵失所親懽有所市易不欲取贏是有筭及織者輒曉譬曰窮人荷擔以餬其口吾等坐而食之復與校多寡耶

欽定四庫全集

四十五

里惡少年坐其門而詬爲弗聞也夫手加額曰天理在上而已嘗以輸輓詣都道旁拾金二笏同行計欲瓜分公曰此忘金者必有所急一家生命繫之吾安忍取此留待其人至徵狀而還之分半爲謝不受嘗供鄆城傳役見分宜舍人橫索郵卒仰而呼天異日幸有兒貴願勿效若人爲也主者聞而異之以一硯爲贈曰此經生所遺爲若子兆公受之出遇人操一大錢狂呼於市曰蚤登科第同以授公公受之視其文

喜曰天所賜也歸示諸子且告之故使各勉焉伯子已列諸生季方九歲一日有羽衣詣門與公語語竟携季子手入以語太孺人曰道人來呼我我行去矣術者言此兒當貴天其尚大乎門惜不及見若善撫諸郎大夫也太孺人謂公彼道人謾公耳公何忽出此語公笑曰非爾所知吾十年前夢墜而見河神神傳上真語未召吾爲期五十三今期至矣居無何感微疴不言數日卒公生而昂出於漬復以河神見夢之兆

欽定四庫全集

四十六

逝里人舉訖公非常人也太孺人慧而有淑質歸事君子相敬若賓三十六年未嘗色忤姑在奉姑嘗藥和糜夜不交睫姑去奉舅修灑縫紉無弗親也周旋諸姒雍穆而怡矣無違言公之孝友所繇翼成矣及稱未以人督諸子如公教而嚴中夜炊餅餌以伺其讀諸子勤不敢休閭內之政則曰諸婦在是兒無與也諸子斌斌有文而大夫起家進士爲時名碩孫曾十餘曹多列青衿本之皆公德所貽而太孺人代終之力

爲多云大夫以榆次令最勅贈公如其官太孺人封如今稱制詞褒公以長厚端方孝友惠施著於族黨而太孺人肅雅孝敬有和熊成子之列焉則公與太孺人生平具是矣公生正德丁丑二月十五日卒隆慶己巳九月七日得年五十有三太孺人生正德戊寅十一月十二日卒萬曆庚子十一月十二日得年八十有二子男五傳詔恩賜壽官娶李氏傳姓邑庠生娶周氏傳誦錦永冠帶舍人娶陳氏傳元卽大夫萬曆

穀城山館文集卷之二十二

四七

門

丙戌進士陝西按察司副使娶趙氏贈儒人繼李氏馮氏又繼秦氏封孺人傳芳戎政軍門把總娶周氏孫男十三茂春庠生娶張氏登春庠生娶張氏會春廩生娶董氏詔出盛春廩生娶翟氏姓出榮春廩生娶陳氏癸春庠生娶張氏繼高氏同春娶劉氏誦出茂忠娶石氏茂孝聘張氏茂廉茂節未聘元出華春娶婁氏融春聘張氏芳出孫女九詔出者二一適太醫院吏目祁維庸贈叅政公斌子一適郭習易姓出者二

一適王之臣一適劉鼎功誦出者二一適楊春一適常之任元出者一許字廣平知府劉芳譽子芳出者二一字真定府知府劉懋武子一幼曾孫男八鈍樸濁熙鎮楨女一皆締名族凡公平生志行大夫蓋聞之太孺人所稱說也而公所覩記太孺人事則自能綜述之其辭不無詳略總之合志一德以開哲胤有可互見者皆非人所能爲矣銘曰公也玉立德樹于鄉簞金是棄而寶青箱爰及淑媛維德之行克修壺

穀城山館文集卷之二十三

四十八

三

範翼彼義方用諧佑啓以亢厥宗維彼哲胤爲國棟宗丹朱其轂鳳鳴鏘鏘如堂如阜終焉允臧我銘其穴俾世永昌

明故處士南岡單公暨配孫孺人合葬墓

誌銘

夫名有晦而彌章澤有綿而益茂故韋布之隱或開軒綬之祥蓬蒿之棲是兆鼎鐘之昨豈非德通昊貺福巷神謀者哉有處士單公東平世族也諱某字某氣鍾沃壤業紹素風寄迹南岡

因以自號爲人惇龐純固明允慈和刑家有孝友之稱居室表儉勤之訓陳仲弓之樹德閭鄩歸仁龐鹿門之幽棲林壑擅美公其有焉當其夙齡失怙奉事北堂家計儵然自安義命已以明習文法推擇爲郡功曹綠飾儒術恪修士行筐牘之務見謂精良年及壯室上計都省甫踰強仕卽受章服會長君用賓蜚英疊序迺棲遲衡泌絕意仕版藍輿色養魚笱非貪贏金式穀縑緇爲富周紀逸民漢志獨行兼之者公也春

蘇城山館文集卷之二十一

四十九

秋五十沉痾告隕里謠追慕巷杵遺悲詎直風木銜恤抒攀號於楸隴兩髦矢志結愴念於栢舟已哉孺人孫氏令君某公女也設帳璿閨所生早背結褵華閣尊章在堂婉靜幽閒恪恭敏慎事姑如母躬監饋之勤相夫有儀儼玳瑁之節桓姬之提甕出汲孟光之椎布操作無以踰也旣稱未亡亦遭不造長君遊學西鄆以供菽水所餘田產推讓二弟孺人以歡後舉萬曆癸酉省試筮仕唐縣尹微猷善政流聞中州民

蘇城山館文集卷之二十二

五十

春

口碑士多汗簡蓋一時循良之最也柳氏母之和丸學綠勤就雋氏母之加食政以仁孚懿哉內訓殆成始成終者與旣遷遼州太守位秩益崇以孺人大耋掛冠長往金鍾加簋曲盡承顏之娛蘭玉盈庭備極繞鄰之樂孝而不匱壽且益康可謂都五福之全罄百嘉之願者矣享年八十有五以萬曆己亥某月日終於正寢至十月廿六日啓公之兆合焉闢卧牛之藏靈開地紀局合璧之府祉發天明厥維庶哉子三長卽用賓娶某氏次用魁娶某氏次用賢娶某氏孫男若干長民悅鴻臚寺署丞娶解氏云云長君旣卜葬期遣子介幣來徵掩坎之銘行也久列世交夙欽舊德隨信傳遠雖乏中郎之筆圖芳闡逸聊修東觀之辭遂作銘曰 於乎遐哉華胄肇自有周單以國氏百世而後爲士爲庶東原之里帝懷舊德施於孫子夫膏不沃不光流不激不長乃及南岡如玉斯璞如鑑斯藏畜而不究哲嗣用昌儒興於魯吏顯於唐考沒而

壽而康嗟嗟南岡使爾曳屣通之綸懷方及
之組以歸而鄉孰與式穀爾子長發厥祥哉鄆
郊有丘汶濟交流厥壤可游歸於其室以千萬
秋後祿爾道哉

穀城山館文集卷之二十三目錄

明故資政大夫南京禮部尚書璧東林公

暨元配夫人柳氏合葬墓誌銘

明故中憲大夫都察院右僉都御史衛宇

孫公墓誌銘

明故中憲大夫都察院右僉都御史定宇

馬公墓誌銘

明故光祿寺丞訥齋朱公墓誌銘

明故勅封監察御史邑涯邢公暨配趙萬

二孺人合葬墓誌銘

明故山東都轉鹽運使司同知管曲阜縣

事進階中憲大夫桂憲孔公墓誌銘

明贈翰林院侍講秋潭張公暨配封太安

人劉氏合葬墓誌銘

明故德壽處士慮齋張翁合葬墓誌銘

明故處士筠川曹公合葬墓誌銘

明故處士繼泉閻公墓誌銘

安母吳孺人墓誌銘

明故陝西鞏昌府通判誥封錦衣衛指揮

僉事鴻石蘇公墓誌銘

穀城山館文集卷之二十三目錄

二

明故陝西鞏昌府通判誥封錦衣衛指揮

穀城山館文集卷之二十三

東阿于慎行著 門人郭應龍編

北海董可威 天中李時發校

都門李本緯 男于緯重梓

明故資政大夫南京禮部尚書璧東林公

誥元配夫人柳氏合葬墓誌銘

萬曆庚子八月二十四日吾師璧東先生考終

里第門人慎行屏居穀城山中越歲聞哀爲位

易服而哭又越一歲伯仲二君奉大司空不公

穀城山館文集卷之二十三

一 三百七十七

狀委使萬里微誌與銘某也泣而受命幸以樗

材蚤辱師造步趨詞苑歲月滋深吾師立朝行

已大節固竊窺其一二矣卽微二君之請忍無

以不朽吾師矧其藉長者之言按狀公姓林氏

諱士章字德斐璧東其別號也上世爲福清人

出唐九牧之裔中葉有諱安者遷於漳浦之烏

石山謂之烏石林氏人文蕃盛稱浦望族大父

諱疎考公諱烽皆以公貴贈通議大夫禮部右

侍郎兼翰林院侍讀學士大母柳母蔡皆贈叔

人蔡淑人之姪公也所居寢室常有赤光瞻眴
比降猶時見之兒時沉默聰穎志意不羣稍長
博聞善記爲文有大雅風學使萬安朱公國士
遇之嘉靖戊午以詩舉於鄉明年己未升於秩
宗廷對賜一甲第三人及第授翰林院編修當
世廟末年詞臣待詔金馬多以供奉承恩公獨
閉戶下帷沉潛經籍修飾矩度謝絕汎交意晏
如也壬戌丁內艱歸丙寅除補故官先以宗人
偕計避不入闈至戊辰會試乃爲分考得僞爲

數城山館文集卷之二十三

二

多出則擢國子監司業大司成豫章王公公之
座主也同爲國師士侈談之王公務持大體而
公佐以嚴密考課繩糾無所假貸諸生交心服
焉己巳丁外艱歸壬申服除以久次起家南京
國子監祭酒癸酉改北公爲大司成繩矩如前
而濟以敦大如王公法崇雅黜浮粹然一軌於
正兩都人士蒸蒸嚮風矣念太學諸生卒業而
歸格於里選疏令從其省試欲詣京兆所司檄
遣士多成就至今便之甲戌陞禮部右侍郎兼

翰林院侍讀學士故事從太學轉部少選乃兼
北門至公兩銜並拜時調特恩其後率以爲常
矣丁丑改左兼官如前時上旬御經筵公補
講官重修會典爲副總裁公雅志獻納既列經
帷思以啟沃自效早夜訂正講義先期肄習齋
宿祗畏如在御前入館考証古今損益時宜史
臣多受成焉諳練朝典明習星曆堪輿諸書在
部六年朝堂陵廟日有修舉謀畫居間諸司之
政較如指掌有所主議吏人祇服會相國居憂

數城山館文集卷之二十三

三

廷中諸公連名疏保關西馬公爲大宗伯公及
太倉王公爲佐相顧慨然以爲典禮之司倫紀
所係當爲名教守之遂不列名相聞而慊忍未
有以發也已而馬公入閣王公以告去而公所
與同事多不相謀時以職事謁相相遇公落落
無所唯阿而與它僚甚昵識者以是重公而言
者矧其形似以是晚公卽又無可中也乃摭據
里人細事傳入白簡賴上聖明不遽爲動而
太學諸生至羣詬言者之門謂林先生尸位也

等而斲骨及之不有天道耶時公去國學已數年其風聲所激士猶如此而歸志因決矣頃之陞南京禮部尚書道中再疏陳情甚力得旨以尚書致仕公故居邑城厭其喧囂乃卜郡郊東北之長橋風氣淑美相而樂之因築小塢其間爲池梁臺榭可以遊觀潮汐往來林木映帶居然一名勝也平生被服朴素儉於儒生亦無聲色之娛客至盤飧相對倘佯山水談說古今有東臯栗里之風氣骨矯健精力過人年幾八十

欽定四庫全集

四

飲啖步履若踰強壯立談纏綿常至夜分益澄神習靜佐以調攝非獨得天厚也懸車高臥可二十年仕林美之卒之前期地震三夕人以爲異距生嘉靖甲申十一月三十日春秋七十有七矣守臣以狀聞上爲悼惜遣藩臣稱制臨祠者再中書舍人持節治葬皆備物也公爲人恪誠端慎冲粹淵沉貌溫內朗器度汪洋不可涯涘蓋純然金玉君子也及第聞喜之夕諸伯叔兄弟同試在坐者皆爲歡躍不已視公殊不

動顏坐且齣軒其恬於寵辱如此孝友至性過絕恒情奉事二親盡力盡思不愆於禮始蔡淑人之壙在贈公右方一夕夢淑人臥於水中覺而隕瑰致焉啟其藏信乃遷於左人稱孝感所居去先祠墓百里而遙春秋霜露躬往掃除必哭盡哀御諸兄弟祿賜均頒多濡澤者一門雍穆恩誼惻然其與人交推誠折節聞所憂苦若將身之能容人過卽最可忿悃亦以情恕而疾惡則如仇焉里人有恬節孝義見輒崇獎儒生

欽定四庫全集

五

寒素多所周給不言有無其在長安有客外無歸者常爲資遣卽不能歸至買城墻隙地以掩其骸爲學不立門戶惟事躬行家庭師友砥礪交修以六經之言互相開發不爲虛談仲君司理辭行戒曰若爲法吏毋輕入人毋摘人過失以成己名毋忽取予仲君受命惟謹有明恕稱始公轉南曹未上及仲君秩滿則進階資政大夫蓋已無意世事久矣元配柳氏某女封孺人累贈夫人先君若千年卒繼配鄭氏某女

累封夫人壺儀內範各具制詞子男三長汝諧以廕歷南京右軍都督府經歷馴雅有文稱其家聲娶某氏次汝詔萬曆丙戌進士由南吏部郎中歷浙江右叅議恪恭明允爲時備碩娶某氏次汝誌幼側出女三長適庠生郭繼裔柳出次適庠生朱篤叙大司空子也次適御史柯挺子叔豫皆側出孫男九孚家孚宸俱庠生孚宿太學生孚寰孚宋孚宰皆汝諧出孚卿庠生孚相孚震俱汝詔出孫女十一曾孫男一女

穀城山館文集卷之二十三

三

三墓在浦西郊之舉賢山勅建工竣以某月日公卽幽宮奉詔以夫人祔禮也門人行曰吾知吾師而信朱先生之狀徵也夫名實之際難言哉士患不能爲而不知有所不爲慕爲可欲而不知有所不欲斯闇修之風尠而波日流矣吾師乎吾師乎方柄臣之隆附者皆嚮其利胡爲獨集於枯及其更也又皆竊借爲名胡爲而默默也夫非無爲所不爲無欲所不欲者與夫士誠有不爲不欲之節以御於世而治忽乃可言

矣古目爲恂恂德讓有先民長者之風惡識其卓犖哉弟子惟不能學敢揭其所未盡以告太常之議謚者而系之銘曰 鬱彼佳城在海之隅在山之麓考卜維公皇則錫命此維與築吏人縮版內史莅之以夏其屋皇皇牧伯奉是策書臨穴而祝公神在天公名在世魄於此復協惟小君以康厥后綿綿祉福門人誅德質而不史以恂來服海濱君子其永有師時惟士鵠

明故中憲大夫都察院右僉都御史衛宇

穀城山館文集卷之二十三

七

孫公墓誌銘

孫公以萬曆壬寅六月十七日卒於榆林軍府冢嗣洪基奔逆其喪以歸卜於某年月日葬於某地祖兆以待卹命先期奉中丞王先生狀再詣穀城山下請誌與銘禮也行無似故獲事公於官知其卹地而王先生公之石友以書來言誼不得謝誌曰公諱維城字某某別號衛宇東郡丘縣人也始祖伯通而下世系莫詳在洪武初諱文中者紀焉再傳諱剛三傳諱友四傳贈

方伯公諱麟五傳贈方伯公諱尚賢六傳爲公
公母贈景夫人以嘉靖庚子三月十四日舉公
年四十三矣公生而體質端凝性資卓穎既補
邑諸生文聲日進隆慶庚午舉山東省試明年
辛未成進士授濟縣知縣服官恪慎能子其民
旋丁內艱服除補太康邑俗健訟伏不可詰公
預爲稽記皆知其蹤迹至名有奸惡黠風遂
止已丁外艱歸服除補任丘任丘當道多中貴
及士族繁倍二邑公持法堅信無諱與疆邑賦

教城山館文集卷之二十三

八

君

不均履畝而登下之豪民無匿其奉過客如例
而止無加禮也滿考書最優一命於朝萬曆壬
午召入授南京湖廣道監察御史先是江陵相
君奪情起復寧國諸生吳仕期依節士也將上
書譙之未發而郡丞宗武微得其草以白操江
都御史檟檟者相君私人馳遽以告梏而斃諸
獄生婦爲冤書千言悉都市哭公至首疏其狀
劾都御史及丞下吏適戍邊天下快之故侍讀
趙公志臯張公位主事趙公世卿皆以忤江陵

指中考功法公又疏陳其狀謂三臣正人赤誠
可衛社稷無罪而錮缺海內心 上矧其言立
召三公復位其後皆至卿相有功名而方是時
海忠介公爲大夫亟稱服公曰吾臺得孫君乃
重耳中官田玉奉祠玄岳請得假符節如鎮守
法公援引 祖制力陳不可又以請宥言官忤
旨俸一年而會丁亥內察公以考績入都座師
許公從容謂曰某公吾所厚善方負時名卽有
他幸爲維護公對曰門人待罪南床惟知彈起

教城山館文集卷之二十三

九

戚畹喪者大臣爾他固不知座師默然於是竟
論罷某及他要人直聲益震已出爲松江知府
時公方按下江雲間爲屬則上書求罷主爵不
得已爲改永平至則值有海警督率將吏嚴飾
千板繕城濬隍條平賦役采葺郡乘新昌黎孤
竹之祠以暇延見諸生品其藝術禮教大興再
覲明堂課二千石治行皆爲第一壬辰陞山西
按察司副使分巡赤城赤城者上谷要塞也公
躬歷險阨簡卒蒐乘多修渠答弩矢刀戟守具

營築亭障二百六十所皆稱堅利招屬夷史車
二族得其生口千餘分布塞下論功進山西參
政旋以考績進按察使受三品誥命虜小酋安
兔恃其驍健挾市龍門曰請以鐵騎五千待命
關下惟太師進止之督撫謂公云何公曰無傷
也因請試革其賞而遣譯語兔曰若乞兒也衆
不能入必借兵某酋某貪漢物誓不借汝虜

遼城山館文集卷之二十三

十

正

虛實乃獻出邊屬夷自贖母敢挾市幕府奏上
其功進右布政使移守宣府與中丞新城王公
同心共事謀畫相參夷人關市乞賞一切裁以
故事一餅一鬻不得浮予歲積撫賞美金十有
四萬及軍市租五千皆九年例將吏悅服久之
遷廣東左布政使邊吏內轉於法爲詘鎮人大
譁督撫上書留公詔從其請改山西銜分守如
故滿考奏績受二品誥命庚子虜寇延綏詔簡
才臣往撫廷議推公乃晉都察院右僉都御史

遼城山館文集卷之二十三

十一

文百三

開府榆林至而小莊諸酋叩關乞款議者多不
敢任公疏九邊俱開關市而延綏獨閉不納有
如虜衆生心號召別部併力內侵是以一鎮代
受諸邊寇也且明詔業已許之而以小費渝
約示不信於外夷一旦用兵所費將大疏入
朝廷從之公則上言六事曰預運發曰專責成
曰酌馬戰曰嚴賞規曰重命地曰改市期部覆
皆如其請礦稅使者並緣西邊多所漁獵公疏
効狀屬歲大侵糴關中粟萬斛以餉吏士苗而
不饑先是宣府帥某鎮之世家也力鉅而有內
主公與同城常以法繩其部帥則傷公故有南
粵之徙及公開府延綏帥亦移鎮共事如前一
日登城而望積沙高與城平命發餘卒除之帥
因號其衆曰食不宿飽除沙奈何邊沙不可盡
也卒乃大譴甲而陳於和公啟門問得狀乃諭
曰本除城沙防寇攻耳安所得邊沙語衆悟乃
散而言官爲所扇動遽以適公公第謝過求罷
亦不自白有詔留公治亂卒首如法而公業以

積勞成病及有此役亦不能無邑邑遂卒於年
郎中秦君兵道劉君入哭檢其囊中餘裁秩金
一錠軍中將吏無不流涕鎮人爲罷市焉制府
李公請比以成勤事得賜大卹禮臣未覆明年
閩邊使者又以公所興修疏爲請卹樞臣覆而
未下乃藁葬以俟云公爲人修長疎爽風骨稜
稜貌朴詞侃不爲纖趨自少至老動止準繩無
失尺寸澹泊寡嗜自奉蕭然其才廓落恢弘而
出以愼密然不知有機機事也練習朝典洞曉
邊情凡所擬度咸中機宜操履端嚴謹於一介
去永平時僚吏以府藏美金致之境上笑謝弗
納其去赤城口北亦然故給事某嘗出權相門
下爲公論所斥操重而入雷都將有祈於言路
及叩公門闔扉謝弗與通山人遊客爭持朝貴
尺牒遊謁塞上母敢造公者曰固知其廉貧又
不肯遊之路將故不往爾遷官過里故人以逋
租繫請爲居間解故所服銀帶代之輸官而不
爲言其與人多此類也座師江陵柄政三爲邑

今不通一牘塞上十年於中朝要貴亦終無所
請問其介特如此然其議論常依大體聞有自
持操節而繩人以爲名者亦不取也予旣得王
先生狀而館師郭生舊遊公門所口述與狀合
蓋皆無溢美云元配王氏同邑某人女累贈夫
人生嘉靖己亥正月某日卒嘉靖庚申十一月
某日得年若干繼室李氏曲周李某女生嘉靖
丙午十月某日卒萬曆辛巳四月某日得年若
干今皆祔葬再繼紀氏臨清紀學正大綱女累
封夫人子男四長洪基庚子舉人博雅端恪有
父風節娶劉氏邑人國臣女王出次洪圖少年
才儁拔廩諸生娶游氏肥鄉人主簿某女次洪
庶幼次洪勛遺腹俱紀出女三一適劉承璋一
適崔可第一適邢所覺俱某出孫男一女三銘
曰 荷與若人正氣所鍾行潔而夷貌朴而衷
南床之秦漂漂其風北門之鑰烈烈其庸胡啖
於人而恭諸中胡斡於天而瘁厥躬下有流水
上有白虹神遊玄顙魄戢幽宮松蔭旣茂梓材

亦豐銘公之埏以耀無終

明故中憲大夫都察院右僉都御史定宇
馬公墓誌銘

前巡撫江西都御史馬公諱文煒字仲翰號定宇青州安丘人也國初六世祖四公有祝虎之異氏其里爲虎林四公生仕能仕能生斌斌生隣世隱於農隣生驥始用經術著名里稱五溪先生有子三人贈中憲公惠者其中子也娶恭人門氏是爲公父母爵以公錫恭人娘公大期

豫城山館文集卷之二十三

十四

東

而生白衣重袍贈公異之語恭人兒有貴徵顧吾非久舍兒去矣再越歲贈公果逝恭人茹荼撫公六歲過里塾聞伊吾聲歸請於祖願就外傳稍長從季父稷山公受易嗜濂洛家言蒸蒸嚮徃十七補諸生試輒傾其曹耦而丁母恭人艱嘉靖辛酉舉山東省試壬戌成進士除河南確山令綜賦平徭興學飭傳事事可爲永利士民尸祝之尤稱其折獄爲神一日有求盜卒磔於塗卒母詣縣訟殺兒有王名公笑曰去令

爲若跡之已從園墻呼卒故所捕盜李某訊於庭戒門者勿辟人人爭前覲令跡殺人何狀公傳令闔扉盡訊諸闖入者中有三人眴李色動立叱縛之具服故李使殺卒者也某子甲與人共販夜行澤中殺而奪之錢詭言中盜从公察其色有異下之獄使吏給其母妻甲事露已自實奈何可急持所奪錢來幸勿連坐母妻驚懼探米罌中錢付吏甲遂伏辜諸所摘發多類此隆慶改元徵入爲山西道御史出按鹺兩淮上

豫城山館文集卷之二十三

十五

北

便宜六曰減開中曰收餘鹽曰禁私煎曰議本折曰止截鬻曰治權豪俱報可比代積羨十餘萬金以抵正額商困乃甦請建運司學處賈子之僞文教以興仁何請告起補浙江道廷訊大辟政府有所欲出公勃然曰是嘗希相嵩指殺忠臣鍊及其二子罪歿且不蓋何言出爲政府不憚而罷公竟用見廩守德安矣到郡以文武自將猾吏重足立直矚之豪陰戒勿犯馬府君隨州守坐貶露按如法有要人爲請公執弗聽

俄而要人拜楚中丞同官胥爲公危公益發舒
不少避中丞竟無以難楚恭王薨而嗣子在抱
攝者謀奪其國與妃相訐奏諸司維治不能決
檄公入王宮問狀公以片言折之羣小伏辜嗣
子得有國矣爲郡之明年城雲夢明年城孝感
又絜郡中要害勸小店新河二鎮募卒置塚刀
斗相聞郡無萑蒲之警暇日集六屬諸生躬爲
甲乙各以便宜置學田共爲數千畝徙隨州學
宮於城爽塏偉麗紳衿奮起至今頌之甲戌朝

縣志館文集卷之二十三

十六

七

正月會上修先朝故事表二千石元異御路朝
召見面勞之曰若等良吏其爲朕善拊元元賜
白金文綺頓首受出公名在首刻焉乙亥就擢
按察副使治兵荆南荆故相君里吏治率從卻
曲公一以惠文從事無所詘相至語人使君一
似不知有我家乎日討軍實教騎射增樓船組
練之甲雄于上游江故有隄而嚙公重築之堅
實倍舊刑人呼爲馬公堤也戊寅進左叅政備
兵如故屬歲大侵亟檄所司賑貸及條荒政下

也所全活萬萬計又遴簡所部茂才餽而甲乙
如德安令公未去荆而兩試所舉士已各十數
人一時人文號張楚會上遣中貴爲江陵相
治第監奴橫行部中縛置于獄貴人媿謝廼已
相家請第傍射圃又持不予及相歸治葬迎謁
無加禮相益駭之辛巳久次乃陞按察使公先
後任楚楚人習公神明滋用震懼公顧持大體
不欲以鈞鉅釣名民滋見德癸未入朝江陵相
已逝主爵雅知公久淹卽拜江西右布政使

縣志館文集卷之二十三

十七

左遂晉僉都御史巡撫其地出教以十事要約
長吏曰時歲平厲明作除煩苛謹防禦重讞鞠
慎催科拯弊俗減訟牒禁淹繫省追呼十三郡
奉約惟謹而臨江守某最號爲毛鷲所筆殺平
民甚多前中丞祭其罪下公勸實竟伏法不少
貸金谿民以均田審其郡邑停丞因集公命自
衛縱劫掠勢甚張公聞報從數騎馳往諭立解
散之梟其渠魁屬從事良吏爲均其田民不敢
譁革除死難諸賢練公安曾公鳳韶輩久已褒

錄而親屬坐戌如故特疏請解罔所釋還百餘人忠魂公論快焉公執繩頗嚴下不得逞求所間公乃嗾悍宗貳千人譟而呼癸庚擊傷吏卒公以狀聞因乞白罷上譴削悍宗而任公如故諸不逞益恨然無以中也公往城雲夢嘗得古鼎一王元美作記以爲此仲山甫鼎至是中者爲飛語入之而中謂公以古鼎餉江陵相內交然鼎故在公閣中未出也公笑指曰嘻而鼎尹昔負而要君吾今復負而要相聞者絕倒

穀城山館文集卷之二十三

十八

仲

當事爲公理甚折獄其剛直不諧於俗知公所繇得謗以此矣有旨聽改南京公遂歸歸不踰年南北臺省交章薦公部使者先後薦無虛歲南昌張相君貽書勸駕遂巡謝負負竟不以尺牘入也家居十八載對郡國守吏語不及私至爲鄉邑畫利病則纏纏不厭里人以此德公公病靡羣羣望禱者千餘人沒無少長皆爲流涕生嘉靖癸巳九月三十日卒萬曆癸卯二月七日享年七十一元配郭氏某人女累封恭人子

四長建中蚤卒次應龍從龍先後各以其經冠東省士又以壬辰同舉南宮應龍官禮部主客司主事娶辛氏庠生省吾女封某人從龍以高平知縣被徵待詔給事黃門娶趙氏汝寧知府池女封某人又次友龍先公卒娶孫氏廩生鑑女女二長適太學生王克比男沼次適延安知府李遷梧男三冬孫男五道明聘濰縣廩生劉辛女友龍出道勉聘昌邑廩生孫渤女道勤聘選貢生劉如桐女道助聘濰縣武選郎中高桂

穀城山館文集卷之二十三

十九

鳥

女應龍出道功聘舉人王泮女從龍出孫女六皆適字名門所著有奏議維揚江右雜錄安丘志禮部兄弟將以其年五月十一日奉公葬龍水新阡自狀其行使來徵銘予從公舉省試周旋四十餘年固甚知公公爲人耿介修謹亭亭玉立不染世芬好直惡曲意所不合未嘗輕發一笑從容持論卽衆所紛纒一言而決初舉進士同輩有爲母訟節者人以謂公公於邑嘆曰令甲以三十爲斷母踰一歲奈何或請少諱公

正色曰始仕而以欺事君何以爲臣欺而爲母
名何以爲子死不敢然聞者歎服生平澹泊無
耳目之玩居官廉儉出入三十年故畝不益自
以貴不逮養服食儉然曰不忍有加於親二子
服其教各以才節建樹爲國庶積則公之清規
雅度所貽者遠也是可銘而不朽矣銘曰 扶
風之裔祥發虎林誕降名世蔚爲國琛貞衷內
凝孤標外映屹立如山淵澄若鏡楚風方扇其
誰不波入涉叩否爾淹伊何滯秘必宣重陰必
發

穀城山館文集卷之二十二

二十

三

護貞珉

明故光祿寺丞訥齋朱公墓誌銘

于慎行曰嗟乎吾乃今而銘吾友朱公也蓋公
卒之明年而元長以南臯鄒公狀徵誌與銘今
且十年往矣每一吮毫悽然欲涕輒復已之以
故人不克就而今者元長來告將以某年月日

奉公葬於某兆敢申前請乃取而次第之情至
之語固不能文也朱公諱維京字可大別號訥
齋上世南康人遠祖宋東京郡公孺庭徙萬安
之西塘世世以經術顯入國朝爲不易公生二
子長公與言爲都御史次公與信徙邑之東門
是爲東門朱氏王傳至贈尚書公鵬生太子太
保工部尚書鎮山公衡配誥封夫人劉氏舉二
丈夫子公其長也官保公得公晚憐愛之固甚
又奇其早慧益厚望之叅知河南迎師閩鄭先
生携至齊州采諸生年相若者與共研席得予
及于大叅子冲各間一歲稱兄髮皆未覆眉也
而公尤最少爲制義已甚精亦能旁及羣書時
啖果實啜茗對語輒指畫古人相期許決不爲
碌碌庸俗惟官保公亦謂此三生非凡居三年
官保公入都公任國學年十三歲諸長年生相
與觀落星石以難小友可作一語目之公應聲
曰在天成象在地成形聞者驚賞官保公出行
河公已受室因從居魯予與子冲迺往來齊上

穀城山館文集卷之二十三

二十一

三

其業如初頃之予第官保公入掌司空公從入
都隆慶庚午舉京闈高第明年以母夫人艱歸
萬曆丁丑入對賜三甲第一臚句傳於廷子冲
亦同年舉而予方以經術侍禁中相與聯鑣把
袂邀長安陌上回憶兒時相期語若可要諸皓
首固不謂一第榮也其年開吉士選衆謂可大
子冲直探丸得爾然皆不見取而公以甲第銓
大理評事評事視中博秩高而塗頗遠若以抑
之公則旦暮坐曹取法書簡練以其暇爲詩歌

縣城山館文集卷之二十三

二十二

良

諸同游名能文辭皆爲左次而公以閎閱雅游
海內賢豪無不與締交者初江陵得政時念舊
大臣中惟官保公負衆望難下以計免歸官保
會劉侍御臺疏至里子因而構之以爲官保公
缺望江陵業已次骨故以選抑公而會有奪情
之議舉朝大譁公慨然爲疏論或以避前卻喻
上乃悟不上而里友有抗疏被杖者公從一二
大夫素饘和藥從之江陵愈益恨恐而至辛巳
內察又有宵人居間竟以寺副出爲汝州別駕

方是時予亦有所避歸臥里中公倚舟而訪之
相携登岱宗日觀極飲大歡公臥峯頂石上浮
白引蒲北望長安東望扶桑之枝觴出日而嘯
歌予踞其下擊如意和之回而西望子冲方爲
上黨守在太行山下順長風呼者三公遂駕而
西上又裴回嵩少間久乃至汝至則日勤簿書
不以遷客爲解魯山寶豐二縣軍民爭田界不
決撫臺大原褚公檄公往治乃集衆諭曰夫軍
與民自生異爾朝廷視之孰非赤子第以經界

縣城山館文集卷之二十三

二十三

良

爲準官何所私不則有三尺在軍民叩頭惟使
君命乃爲調其封畛使軍不失田而民無溢稅
則兩得厥平褚公大悅謂朱公子濟時才非徒
文士也轉浙之崇德令又值孔道修吏職益謹
烏程歸安二邑豪民匿稅揭竿而譴撫臺銅梁
張公又檄公往法其首亂數人蒐其版圖得匿
稅二萬餘石賦之丘里二邑帖然張公才而薦
之及諸所興革皆爲永利崇吏民有尸祝焉江
陵卽世乃召爲工部主事嘗與修陵工有勞甲

申奉使歸省丁官保公艱服除補兵部車駕司
典太僕馬政宿弊一清戊子以文學推擇王廣
東考試得僑爲多會王爵條故江陵所抑諸賢
公名在內特擢光祿寺丞嘗署寺篆所鉤稽內
府冗蠹號爲精允公雖雍容近僚然好扼擊語
難國家大事衆所回皇輒勃勃不能自己庚寅
虜入河湟經畧主撫制府王戰廷中持兩端不
決公疏言當戰狀詔侵經畧壬辰寧夏兵變制
府魏公被逮公上疏論收疏雖留中魏亦竟解
癸巳有旨並建三王公慨然奮曰三王並封是
國無元子也此吾報國時矣卽夜草疏力言援
證古今語極切侵及政府上手疏震怒欲
置重典居三日稍解奪爵歸田里而並封議亦
中寢時謂一二諫者有力焉公旣得罷禍之非
履騎驢出都城門過阿別我會其年子冲沒又
走歷下一哭去而家居落落無與語思平生游
涉江淮數千里訪予山中留居數月重登岱嶽
尋辛巳之盟豪游未厭也公之北來不言病而

貌癯頽之忽忽告行行時面色甚慘予心疑之
旣至彭城猶使使還勞主人爲作生日行且渡
江病忽大作元長還自京兆及受治命卒於桐
城之邸明年朝正使旋予始聞訃乃於城南送
別之亭易服爲位哭焉嗟夫公方祝予生而予
至不知公歿不尤痛與公生嘉靖己酉十一月
九日卒萬曆甲午十月十一日得年四十有六
配鄒氏文莊公女封孺人子一大夏卽元長以
官保公任爲太學生才質雋朗有國士風娶鄒
氏文莊公孫也公爲人淵沉莊雅貌不勝衣而
器度弘遠識見超邁其議論捍闔研幾談微往
往出人意表好觀古今典故練習朝章先正行
藏無慮遠近率可背覆通達政體指畫時宜皆
有定見平生尤謹操行爲吏廉儉至出私金代
民逋稅不以語人崇德令舍有崇公至則藏去
而復出或呵問之應曰畏朱君清也文詞雄興
能作秦漢人語歌詩清俊婉麗其格在盛中間
予嘗與同行從車中傳紙頃刻數章皆若夙構

其天資神敏固難能也所著有朱光祿集若干
卷行於世蓋子冲以文章出李于鱗門下能得
其法亦樹勳名於時而位與年視公正等予最
不肖幸不爲造物忌然亦有惡顏焉鄒公謂人
貴自樹如公自可不公何論卿相此真善稱公
者而予以人世之情謂公生未賜環沒不聞卹
竊心悲之蓋所爲閣筆至今匪直不忍亦有待
於元長爾姑爲銘以俟之銘曰 夫何邾裔之
代有興也且復爲槐里而檻折於廷且復爲桐鄉
而以社爲烝 益之以文物揚之以德聲則未
艾而稱大齡矣爾友有言豈其相豈其卿吾微
以爲銘

蘇城山館文集卷之二十三

二十六

五十九

明勅封監察御史邑涯邢公暨配趙萬二
孺人合葬墓誌銘

邢氏故河間望也魏晉以降代有聞人在濟之
臨邑則伯通公紀焉三世而爲岢嵐公政守郡
以節惠稱邑志有傳是生四子長者諱溥以經
行修明貢爲博野教諭配曰許太孺人是生三

子長者如獻夏都給事中次者如愚都司斷
事又次即公公諱約字信甫里稱邑涯先生爲
人體質鴻臚履歷額豐準皙而美髯簡重寡言凜
然自勵而慈仁寬博姁姁愛利如恐不及豪長
者也少時應病不任受書既冠乃發憤嗜學於
百家典籍無不究覽尤好司馬史記能談其微
亦時爲聲詩詞致閑雅有元白風身既抱痾兼
通醫經藥論渾思極精從長公都下以方待詔
殿門選第高等不欲爲禁署遊也而以御母南

蘇城山館文集卷之二十三

二十七

卷

歸乞爲德王侍醫府中習聞其賢待之加等亦
列大夫自岢嵐劉公滄溟公以下又無不慕
與之交以爲邢叔子儒者也家故鼎族以貴地
雄間右長公久宦仲公當室公亦從王乞沐佐
仲視產耕田力作輔以什一殷然稱素封矣公
初室趙孺人壯而不子繼配今萬孺人乃舉伯
子卽世所稱子愿先生也子愿第爲令公封南
宮今後爲御史公封御史兩孺人再受今稱而
博野公貢時長公已貴父且受封去而爲博土

沒乃贈都諫如子官及公生封御史父子受堂
諫爵時人榮之子恩進爲方岳名位益顯而念
公孺人老矣再疏謁告歸而娛侍朝夕兩少子
亦皆起召僑異聲諸孫益衆賓客遊道盛於長
公時人以爲公福人也又十餘年至歲辛丑公
滿九十壽四方士友篚篚交於塗祝詞滿篋子
愿方謀爲具大饗客而母孺人先逝將殯之數
月公遂捐館蓋皆甚健良食非久伏簣榻困也
公家自岢嵐以下世有德聲及公兄弟益以雍

睦好施聞於州里而公棟家政最久所治比中
外尤爲殷渥故名亦益著綜之內敦孝友外廣
嫺卹皆世所難能者方兩兄在時三院一庖經
用有度小大無違言長公有九子及孫付公課
責羣之一塾厚延吳越名師不憚傾篋卽有媿
佚毋論長年咸跟受責或予夏楚子愿等乃甚
少未與也分予諸侄田宅器物率自取瘠敝請
益請更無復分予曰在彼猶在此也季父孝廉
公沂早世無子娶母携二女居薪米帛續以月

日給可四十年旣爲遣其二女女夫不業之使
與母食沒身從長公都下時郭康介公爲御史
上封事忤旨下詔獄杖至露骨創且歿公以精
醫旦夕往視親爲湯瀉洗手注善藥郭公以故
無恙後四十年起戎中爲大司馬過而爲公飲
歡相泣也顧見子愿在旁曰嗟呼三兄固宜有
此公性深湛而練內有識畧長公倚重之卽有
所彈治數從臥起咨弟於公何如有選郎構其
長官欲傳白簡公曰彼爲其屬而令諫官代擊

其長分誼若何公曰吾意政爾遂謝選郎邑文
廟及學故制狹陋又敝且侈公以兩兄意指
二千金撤而新之敦匠庀徒以千百數逾年而
竣臺使者署門表焉居所禮下邑士畫而頌之
夕而膏火室而具禽采廬而受瓦甍凡若而人
歲嘗大噉輸粟六百斛佐官振貸私哺流入及
施棺槨尤不可紀上世以來多故敝宅及邸店
幾半城郭皆以乞族子疏屬不取一錢儼也平
居多調善藥及儲禁方以病來告藍縷盤跽無

不立應鉗鉞施刑徒過必施少錢米歲時班給
邑里望公之廬如其處層秋成收穫十遺其二
三恣貧人拮取田中獲益目語傳僕今盜者逸
遇貧老婦稚卽以所益物付之戒毋復爾其者
爲人誣訟且給訟者資斧平生所行多此類也
里隣黃堂詭張刺奸中法成盧龍塞公曰飲則
杆罔母妻奈何予田六十畝室屋數楹其子至
今業焉武定入市棉數車抵舍衡之視所進入
直數溢十二亟來奔告公曰固未誤也正少竊
縮其與幾何謝去之里有篤行李芝貧而以田
莊售予之善價後二十年其子恕爲廉吏罷歸
無家公舉故莊授之直凡二百金曰以奉而翁
悉嘗恕爲位尸祝公矣又嘗買田三千屬邑無
歲田主皆不能自合悉召而折契還之北門庖
丁將解一牴公過其所特斲刀悲鳴曲跽向公
公問其直贖而付諸田特生四犢老歟瘞焉仲
公遺子錢券爲緡口數千萬及子愿入臺報至
子愿入臺報至

卷之三十一

三十一

邑有兩生擯隙伏闕相告言下御史臺治會公
在子愿卽夜過葛端肅公爲公迎謂方欲有質
於公公曰其來亦有爲彼兩生書生耳所爭至
微細而重動大憲勢且破生幸公貴之葛公舉
手曰公長者言固當遂寢其獄子愿按河東離
政而所善林侍御按長蘆齊南大賈有所請求
懷重貲以進公逆謂曰西離使者而交關東使
者前此與自攫何異公且休矣屬街卒送之出
境乃告子愿壬午大丈田公今田中盡署腴田
數畝山田文集卷之三十一
實半隄也王幹以請公曰生人之幾何而爲是
數畝者役喋喋向三老嗇夫以撓王者而公不
忍爲也武定兵使李公聞而服之奴盜公帑捕
得官送盜衣與公公曰非吾衣也又竊范銀省
人或來告公其銷銀類省人形公曰舍之銷矣
何知人形其仁有度如此及公病篤邑人走神
祠禱甚者求代沒而行哭奔臨城邑爲空至獄
岸有哀聲焉萬孺人者德平世族其在勝國爲
侯王之裔入國朝中有爲給事者四世及大吏

卷之三十一

三十一

進

公某受室於張是生孺人少而端凝簡穆不見色笑且有他治辦才公既失趙孺人雅聞萬氏賢媛納吉於門既笄二歲而歸君姑在堂丘嫂主饋及長公諸子婦逮事大母孺人孱且少也婉愿敏練退然降禮不敢以行自居君姑賢之頃姑就養京邸以公夫婦從事代丘嫂井爨公御母歸則孺人朝夕侍也久之姑目忽眚長公又逝二姒或居別第溫清以時孺人身任共養代視代言至手承湊唾終無厭色姑沒而佐公執喪所躬親營綜靡不葢備崇事丘嫂恩禮加隆曰以効所未盡于太夫人也而長公子孫衆多餐沐修脯無不出孺人所者田僮客作千指爲率賦繡饋漿遠在郊野如列廡下公及子愿善客客座常滿孺人日勅爲具無間蚤暮未嘗告訕燕居服食則務從儉薄非有節慶不御綃紈曰以爲女若婦先凡所述公高行孺人毗贊居多可覆質云公生正德壬申十月十四日卒萬曆壬寅十月初二日得壽九十有一萬孺人

生嘉靖甲申八月七日卒萬曆辛丑正月十四日得壽七十有八蓋子愿爲冏卿而母得稱恭人其稱孺人以制命云子男三侗卽子愿從御史出爲湖廣叅議轉陝西行太僕寺少卿以病予告娶陳氏邑人主簿完女累封孺人繼趙氏太醫吏目熠女次佑以廩生入太學娶張氏齊河光祿寺署正邦輔女繼子氏德州處士鰲女伉邑廩生娶葛氏德平光祿監事守貞女女七一適邑人李易知經歷鈍子一適山陽知縣郭鈺通判文顯子一適國子生張完邦輔少子一適合肥主簿陵縣趙祿國子生際子一適舉人郭鏘文顯季子一適大同府知府武定馬拯受封宜人拯封同知志德子也一適光祿寺署丞景州王沛然通判樞子孫男七王瑞邑廩生才士也工文翰有父風娶馬氏德州貢士兆明女王稱聘葛氏德平尚寶司卿昕女端肅公曾孫王藹聘殷氏濟南戶部郎中盤女文莊公孫王桓未聘伺出王爾聘張氏德州貢士鳳翼女王

未聘佑出王孚未聘伉出孫女八一適濟南
衛指揮尹功懋都督僉事秉衡子一適禹城廩
生楊明廷吏科給事中士鴻子一適樂陵廩生
史高先河南副使邦直子一字同邑王鍾恒陝
西副使再聘子一字新城王與定兵部左侍郎
象乾子一幼洞出一字歷城吳才順知縣開詩
子一字王鍾華再聘少子佑出子愿等於萬曆
癸卯三月四日奉公於城西廬莊新兆二婦人
祔是日也賓客會葬連數州邑素車編帶百里

穀城山館文集卷之二十三

三十四

成慶邑父老萬人以上醵金樹碑爲公紀德諸
生議薦私謚號爲莊惠先生自傳聞所未有也
往聞之太宰海豐楊公云嘗行濟北境中下車
問道旁汲者邑有仁人爲誰汲者曰邢太公天
下仁人也已慰敗剝又問如前曾言我邢太公
無少長皆名爲佛公何不問凡問二十餘輩皆
如其言而新城王司徒公從公質提身居室法
歸以飭其子弟曰此吾師也爲名賢所服如此
卽其上世願子昂以德行堂堂見目無以踰矣

世皆稱子愿儒宗學府自邵子才以下繼號爲
一代模楷予獨察其豈易淵誠溫然如玉不涉
世之塵滓其可爲模楷豈惟文學且亦安能與
世違哉子愿連遭大戚毀瘠骨立闔邑士庶詣
臺上書請褒其孝子愿固遮止之而使弟佑齋
所列狀請誌與銘予與子愿石交且習封公之
行固願有以傳也銘曰 箕範之疇錫福維五
曰攸好德則鮮克覩公備其四其一則獨里或
稱父生而號佛疇所未備厥後大昌神實告女

穀城山館文集卷之二十三

三十五

靈書有光名如仲弓不聞其壽年如林類不聞
其偶諸生議謚萬衆成碑可祀於社匪公其誰
涉北之源肇而墨食豈伊地文惟德之吉銘闕
於埏傳蒞於史永錫爾類曰有孝子

明故山東都轉運鹽使司同知管曲阜縣
事進階中憲大夫桂窓孔公墓誌銘

孔氏之人本朝惟宋中丞道輔之宗最顯他支
莫望也永樂辛卯諱信者舉省試高第傳子公
恂第景泰甲戌進士爲少詹事嘗改大理少卿

宮詹子彥詰賢而早世配王守義表閭壽至百有二歲語具郡乘彥詰子承英亦隱不仕而娶閣學許襄敏公之孫是生三子長者弘復即生憲公也其去兩楹之奠六十一世矣公字以誠生有異質誓而豐下魁然弱冠列三氏學試右受廬數應秋闈已而父沒以百畝之產上奉大母下撫二弟孝友聞魯中矣曲阜闕令兩臺會上公召天官試以爲當使繼其職吏民聞命咸欣然戴之故時世尹從宗公保奏人地或不相

建爲濟寧知州典邑如故公益發舒志意博求利病興革剏造百廢俱舉疆場之內煥然改矣直指疏薦再三璽書褒厲贈父爵大夫母封宜人前所未有也宜人沒而公居廬朝家不爲更令使郡丞攝之以待公除而復又滿六年信金襴服尋晉運司同知典邑如故而公年且六十矣亦會小疾遂臥不出使者爲代奏有詔致仕公爲人天資樸厚器局恢廓其治精詳敏練不慕虛華發奸摘伏有神明稱而能操縱調適以威行惠故於人情不拂宗公亦服其政數勅門下毋撓令君法也邑小而敝南北使輒過謁聖廟結轍於境厨傳圍臺罔不告備民亦不勞城池畎澮有所修復皆爲永利築堤泗上長可數十里涼不爲萬壑開荒田幾數百頃二修廟庭及禮器樂舞無不整葺此其鉅者云公旣謝政里居後令遵其遺法有所不決就家質正卽從公所出無不稱便否必有悔諸生子分皆故所教育時相從遊田間及所建文昌閣以時

眺桑梓之地棠陰蔚然如是十年而會太慶軍
恩進階中憲大夫時公已寢疾猶起具服望謝
居三月卒矣生嘉靖癸巳十二月二十日卒萬
曆壬寅閏二月二十四日得年七十歲元配孫
氏千戶執中女累封宜人先公卒佐室史秦顏
孫皆有所出子男四聞庸四氏學生儒雅士也
娶王氏知州法祖女聞廉娶賈氏教諭斐女慶
曆俱幼未聘女三一適翰林博士顏胤祚一適
引禮郎陳應揚一爲晉藩輔國將軍順海夫人

欽定四庫全集卷之二十三

三八

胡

聞庸等將以是年十一月十五日葬公於祖林
之新兆奉侍御吳公狀泣而請銘行故與公遊
習其志行爲綜大都云嗟夫孔氏之世有邑君
而與宗公並建也則以魯承魯聖師矣歷謀前
政豈無賢哲解超乘而上何與自兩臺奏選試
可而官之又以時行其殿最母論才品慮無不
兢兢自效矣而公從諸生剖符餘二十載致位
金紫完名茂樹列在循良之紀則法與人相值
也神明之胄令譽所歸第能不溺其職如順

而呼其響遠矣後之爲世尹者其尚以公爲社
稷乎哉銘曰 異夫罕如者堂也謂邑君邪
梓與桑謂里士邪蔽芾其棠胡然而畏壘胡然
而桐鄉曰聖人之後也肇宋中丞昭格烈祖迄
於公而勿替武居而剖符儒而有士以侯於故
魯於乎鑠哉誠父

明贈翰林院侍講秋潭張公暨配封太安
人劉氏合葬墓誌銘

秋潭張公者故汴之處士也而以子學士貴沒

欽定四庫全集卷之二十三

三九

章

而受爵號曰贈殿講公贈公之卒在嘉靖壬戌
以其年葬柳林之兆而配劉太安人以萬曆壬
寅卒蓋相距四十餘年歸於其室而學士已先
逝久矣元孫堯浴等以學士自撰公誌及納言
黃公所爲太安人狀來請合葬之銘嗟夫學士
吾友也能貴其父而不得及其生及生貴其母
矣而不得送其灰有沒而不瞑者忍弗爲銘以
慰吾友於地下乎誌曰贈公諱清字澄甫上
肇自青陽唐初宰相文瓘始徙姑蘇乾符

徙歛之黃備里遂爲徽人傳二十八世爲福高
公凡生三子其仲爲公年甫踰髫卽受計然之
筴北遊於汴久之宜其土俗議且卜居而聞劉
氏賢女遂因媒氏以請是爲太安人太安人
曰文學公厚母曰蔡媼世汴人也公旣室於汴
故爲汴人狀稱公爲人溫良和易外寬然長者
內有深識雖托遊於賈而慷慨嗜義不急刀錐
太安人亦明敏有心計常握筭執藉佐其出納
久之奇贏百部號爲良賈然能周人之急施舍

振貸惟力不足太安人則時有環珎贊之卽有
賈責或爲折券不數數較也贈公旣致饒給同
賈者心害其有計且侵之太安人曰君子分財
取少豈以世無管子不爲鮑叔公曰此吾志也
盡解其裝奉賈賈受而有忸怩里人汪生客成
夷門遺金滿篋寄之公所其子不知也太安人
請曰今客所遺無將爲橐中物公曰惡惡馳書
召其孤矣至以付之封識宛然汪氏孤受而感
泣方是時張公少名藉藉梁楚間士爭願識之

矣而公年四十不子人曰此夫婦有陰德天必
佑之已而夢日入懷遂生學士見其骨相不凡
內竊自喜稍長出就外傳學經有名而歛俗率
仰機利謂公暮年舉子宜修世業公曰不然凡
讀經者非必爲利祿也使得識事理曉文義從
來從長者遊不愈於啗啗貿易者乎而學士亦
請無受賈受經期不負大人所公益喜許之甫
冠輒舉於鄉里人大服公聞而偃偃此先人之
福非所幾也明年學士對南宮報罷歸數月公

卒而太安人躬操家政督其進修遂以隆慶戊
辰舉進士高等選爲吉士列文學法從臣從居
長安今上登極覃恩公贈翰林院編修母封
太孺人大婚禮成公贈翰林侍講母進太安人
則今稱也每當受封學士具翟冠霞帔以獻因
率婦子奏觴太安人御之悵然曰誠不自意以
兒邀寵顧而翁安在乎因相與泣丁丑時相奪
情有爭而得譴者學士偕同館六人上疏論救
不敢白母太安人微知狀曰事係綱常以去就

平之善吾不爲悔奏既中格學士議請告太安人曰見幾而作不俟終日吾從爾隱也遂御以歸時相既逝盡召諸所斥者學士復補故官太安人從居長安已有京闈之構左次南中太安人從居金陵然其在司成邸中不數月輒歸歸又時來不似長安中居也而學士以宗伯召入卒於中途其時諸孫尚少食指以千數太安人內持筭鑰外營喪紀拮据甚於曩昔久之諸孫皆起並列澤宮而家殖亦進不減父時惟大母是賴汁飲之士稱焉太安人居長安年六十若七十同館諸生嘗再升堂爲壽其辭甚都及游金陵遇八十誕辰南都卿士稱慶益侈而同館無幾學士卽世十年而太安人壽滿九十諸王宗室里士大夫稱慶益侈而太安人則又悵然恨子不及見矣蓋予從學士遊居則連櫺舍則共席也嘗以歲旦過謁肅拜公像於堂頎然長者質諸所稱述樹德敦仁良符其貌可與古逸民獨行時矣而所聞太安人平生狀有未備者

太安人仁而愛人然其柄家甚嚴門以內外斬斬如也安人既受掄荻躬率諸姬上食滌器如新婦禮減獲大小計口賦食餅餽皆有銖兩惟御客俎筵則極豐腆呼輒立具身衣布素非逢時節錦綺不出於笥安人以下則母敢不恭綰者蓋闕下諸君子業已嚴其母儀矣狀稱張氏家法爲里中冠婦稚化之誠然乎哉公生弘治戊午三月二十二日卒嘉靖壬戌九月三日得年六十有五太安人生正德壬申四月十二日卽一桂仕至禮部左侍郎兼翰林院侍讀學士元配鄭氏亞中大夫朝賓女累封安人女一適典儀方繼典孫男四長堯咨郡庠生娶周氏次舜咨冠帶儒士娶劉氏次堯俞邑庠生娶楊氏次舜俞邑庠生娶黃氏孫女五長適貢生和調元次適諸生李擇善次適指揮同知應襲吳道行次許郭文萼次幼曾孫男五復甲聘蘇氏元孫配高氏偉孫僖孫俱幼堯咨出魁孫舜俞出

曾孫女五俱舜者出姻家皆名族見學士誌銘
曰 吳爲里梁爲客賈以藝儒以獲獲胡以豐
好行其德公胡遽母胡延以持後以開先是俾
哲嗣銜下泉考宅於地地馳褒自天綸綽琬琰其
鑄萬年此其爲國卿民之吁

明故德壽處士慮齋張翁合葬墓誌銘

予子曰今里巷之豪以間右稱素封者所在有
之侈者馳車怒馬服食鮮媮以明得意下直卑
些纖趨俯叩機利爲嗇而已矣富而孝友謙讓
藪城山館文集卷之十三 四十四 三十三東

好行其德一何妙與予所睹見吾邑慮齋張翁
庶幾其人心甚重之據其平生鐫而藏諸坎以
示風焉張翁諱萬齡字遠夫慮齋其別號也世
居東阿之西境始祖均用國初以人材徵令樂
清均用子璘璘有四子少者義官澄澄有五子
少者諸生繼文繼文六子長者太原郡丞冕其
季晨亦爲諸生處士父也是生五子長者太學
生華齡號定齋先生次卽處士處士生而警敏
有心計年十歲所父誤傷宗人廩幾灰恐坐欲

自裁處士號泣隨之曰卽有他以身代廩幸甦
不死而識者相與奇處士非凡兒也兄伯從博
士受經携家在邑與嫂同時病歿父母皆入守
視以局輪付處士處士年甫十三屬麥大熟調
度庸保登稼於場父母材之長而委家政焉兄
伯病而試都授不能受簡法且創廩處士爲隸
人代更入使者左右百方調護得免於削兩母
弟皆病處士身爲迎醫供具湯藥日夜不少解
已而俱沒惟兄伯及庶弟在也處士初授家棣

藪城山館文集卷之十三

四十五

貲不甚豐名田僅七十畝乃益服農力作居積
致饒有田六百畝輒以中分兄弟不敢私贏而
身任公家徭賦所出程算常浮於兄弟所亦不
自白也然處士產日益進遊道益廣稱邑鐘鼎
豪矣兄伯既舉明經有雀鼠之構且不成行處
士趣兄伯入對身詣府廷代受爰書府公震欲
法之人爲囁指亦會有居問者乃已而兄伯竟
遊太學歸處士力也其後母楊孺人病沒父耄
而盲朝夕上食必出其手卽從他客飲遇有珍

鮮念父未嘗不敢先食父病一衣未更終身服
之言及輒鳴咽云其至性純篤如此久之兄伯
亦逝而處士子孫長成食指甚繁內撫孤嫠外
睦戚鄰以其間傾身擁篲從賢長者遊尤好施
予卽或負之常折其券年幾九十精神矍鑠步
履輕矯跨馬飛鞚往來數十里如少年人或問
父老何不操杖曰兒嘗市一筇以獻強爲支願
頃復忘之爾雅不善酒而從俠邪疑惡二八迭
侍窮日夜爲樂其骨力峻嶒蓋若有仙氣云處

穀城山館文集卷之十三

四十六

門

士少則爲邑功曹以例入貲得受冠帶當謁王
爵曰仕終已不顯浮沉刀筆固不若戴笠爲農
爾生正德丙子七月三日卒萬曆壬寅正月二
十四日得年八十有七歲配姜氏生某年月日
以某年月日先卒享年若干歲繼賀氏儉勤惠
和克修內政家賴以成子男三肅邑廩生先處
士四年卒娶譚氏繼王氏姜出熱邑諸生娶魏
氏默東安典史娶徐氏女一適士族關國禁俱
賀出孫男六鳴玉娶大叅劉公孫庠生一學女

鳴金邑諸生娶庠生張嘉行女鳴鸞聘劉少尹
訥女俱肅出鳴叩邑諸生娶太學馮坦心女熟
出鳴珂聘庠生謝一科女鳴佩聘郎中李公子
柔克女默出女七一適平陰庠生劉居業一適
陽穀士族閭子和一適侯中丞孫謙亨一字庠
生王之郕子某肅出一適李茂才沾郎中孫也
一適郡守劉公孫芳聽熟出一字子姪綬子元
熙默出曾孫男八燦灼燁炳燭鳴玉出紀鳴
金出經鳴韶出女二銘曰 撫而施孔博惡乎

穀城山館文集卷之十三

四十七

三

以爵隱而德不渝惡乎以儒華之祝三箕之疇
五匪祐自天其孰有此純嘏苦西之原蔚蔚者
阡君子寧止於千斯年

明故處士筠川曹公合葬墓誌銘

曹氏其先晉人也遠祖林先卜居洪洞族姓蕃
衍分戶十八其裔孫文厚以貲賈臨清因止不
返子璋從父受賈益饒其家娶王生二子長大
源李大淵皆早逝無子而中子大淵繼其業筠
川公是也公字汝觀隱於水竹之間以筠川自

號爲人修髯偉貌舉止端凝砥身潔行言動不苟有豪長者風始與弟姪居已而分產惟弟姪所欲卽推讓之輒易輒復分予家置私塾羣族之子弟延師誨之歲費以數十金族有貧而無藉者周之輒盡乃計日而稟之其處里人多所施貸婚喪不舉之常仰給焉隣有隙地環公之宅形家謂爲吉壤得之福後公不忍請也隣人欲售亦謝不納有田一區爲人所侵溝塍狹矣亦終不問侵者內愧及門謝過以田來歸世隸

穀城山館文集卷之二十三

四八

匠藉會使者有所按諸匠藉懼以公名居首衆咸爲公危之公毅然以身任不及同事里人益多公長者沒幾二十年談者猶涕泣思之其感人如此始公年十五餘卽入貲遊太學其後雖不卒業而性嗜讀書醫卜技藝皆通其槩尤精養生家言遊神物外有以自適也晚節病足移居外舍一夕呼諸子亟昇我入吾將歸矣厥明遂卒公始娶於姚早逝以汪孺人繼室孺人簡靜朴實居寡語笑內政嚴肅言不出梱卽族子

孫輩歲時進見於中門羅拜而已公之沒也身護五子以居坐臥一室不踰門樞母家相去一舍常數年不歸以稱未亡人故久之中子侍御君舉於鄉兄弟伏謁堂下上觴孺人孺人太息泣下曰嗟呼小子邀天之靈幸成一第顧安得使若翁見耶其勉砥忠孝以光而世未以人見而翁地下無愧詞矣侍御頓首受命已而成進士爲行人兩奉使藩封歸謁孺人固趣之行入而拜御史且以使事取道復謁孺人孺人卒矣

穀城山館文集卷之二十三

四九

三十四

侍御聞訃仰天號泣數日已而曰徃吾父之沒以少未成名不能志厥美今不幸失吾母將礪石於壙衛吾二親之行傳之不朽以謂行也行遊於侍御其何忍辭公生嘉靖壬午十一月二十五日卒隆慶壬申七月九日得年五十孺人生嘉靖戊子正月二十日卒萬曆戊子十一月二十二日得年六十有一子男五長橋州學生娶邢氏叅政邦女繼劉氏貢生維藩女次卽御史諧娶李氏省進士先春女次朴州學生娶蘇

氏省進士生明女次柱早卒次標府學生娶張氏省進士鯉女繼尹氏武進士盤女孫男五橋出者曰煖楷出者曰炳曰燦朴出者曰典兒曰濟南孫女三侍御兄弟將以某年月日奉孺人祔公某兆銘曰 維曹之做育于晉服綿綿其族或徙而東厥稱素封三世而興實開鼎閣有雋烈烈殿中執法未茂流長彌熾而昌隱德以彰衛水之湜佳城如砥洎都且美雙壁藏輝靈光絳天於千萬年

欽定四庫全集卷之三十三

五十一 三十一六朱

明故處士繼泉閻公墓誌銘

巢故廬之名邑而造士之牒闕焉且數十載咸謂地靈翕聚必且洩之德門而邈未聞也萬曆乙酉余典南都文衡乃得閻生錄才藻翩翩雅稱英雋固心異之而閻生從容前述其先君子之德義則知鍾祥啟祚厥有以矣久之閻生捧檄爲武強令滿考以內艱歸過而苴杖謁予曰徃先君之葬在邑北之趙橋歲月深矣今不幸而失吾母形家視其壤狹不可以祔將以倚廬

之隙先修父墓而納之石然後別葬吾母奉黃太守道年狀以請予憐其誠許焉按狀處士諱位字天與繼泉其別號也上世爲青之沂水人國初有諱成者以武功起家爲陝西延安衛百戶再傳諱才徙衛廬州又傳而支子諱讚以什一之業別居巢之橐臯愛其俗淳因止爲巢人讚有四子少者諱現現亦四子少者處士而母則陳孺人也處士生十三歲而孤撫於兄伯使累糧郡城受經萬先生瑞萬先生者廬之名宿

欽定四庫全集卷之三十三

五十一

今憲副振孫父而處士從學既成工爲文藝屢詘有司乃以將母舍業力田供養然其氣豪岸自若好談善酒能爲草書喜從文學士遊不僕僕躬襖襦服車牛隴上也兄仲爲仇所陷歿於非法詣臺白寃至傾其產伯姊十九而寡矢天守義以母氏之命餉之終身得表其間仲姊亦寡延養於家亦終其身此其孝友至行爲里人所稱者田貲不甚饒足而施貧濟阨如恐不及里皆大疫有闔室十餘口困臥內舍渴而呼漿

隣人避不敢近處士過聞其聲身負甕汲水就而徧飲沃之汗出皆生亦皆不相染也溝瘠則行饋道隘則具欄率其常矣處士五子次者爲武強令彰而廩於庠日夜期之易簣而笑曰有子如我吾不灰也三年而錄舉則大痛飲泣以不及爲而里人亦賢智其父且悲哀之處士生嘉靖壬辰正月十五日卒萬曆壬午七月二十五日得年五十一歲配李稱太孺人詳具別誌子男五長鐸娶楊氏次鉢卽武強君娶王氏

穀城山館文集卷之二十三

五十二

繼胡氏次鉢庠生娶郭氏次鉉早殤次鍵禮部儒士娶張氏女二長適剛繼先未三十寡守義次適李時佳孫男七繩紉纁鉢出緯絲銘出緩纁鍵出孫女五鐸出一鉢出二鍵出一武強君且受褒書當贈父如其官又且益進不已如誌其大略以俟而爲之銘曰 或邑於湖韞而未敷蓋有需也或世累德潔而不食以厚積也隱君洵美委和苞社厥有子也子乃升聞政稱神君俗後昆也趙橋之旁鬱夾玉光長發祥也

安母吳孺人墓誌銘

吳孺人者故金憲膠峰安公之室而司封希范母也安公諱如山世無錫人起家嘉靖己丑進士由翰林吉士仕至今官而孺人之先爲吳縣人父華母范生而多病育於隣媼十五而造公室公已及耆矣元配郭宜人操諸姬頗嚴孺人最少而惡且敏能以其意柔之揮施盥櫛順指輒辦卽有譙訶亦巽承無後言宜人歡且任之然防束亦不爲解有娠七月匿不敢言間屈公

穀城山館文集卷之二十三

五十三

三十一

指以告宜人聞恚曰女也育之男必勿舉已而男也孺人襁之於肘庖湍以之謀所置而未獲先是公有少弟早世無子婦鄒寡居久未有當嗣者至是公曰孺子真吾弟後五旬而脫諸懷襁而付之鄒母公居膠山鄒居周涇相違四十里母子不復覲也又舉一女則聽鞠之遂避不當夕矣久之公捐館舍郭鄒皆相繼沒司封生方七歲委命守舍之僕孺人年二十有六稱未人號策獨與女居思子而隕者數也公之

子當室憐而召還少弟以昇孺人孺人撫之而泣曰天乎兒乃今爲吾子也亦獨何辜而不得與於先大夫哭泣之列又藐然孤矣且柰何而公之捐館遺命伯子有所推分於弟無何伯子暴卒諸姪匿不忍予則曰季故周涇嗣也衆謂當直之宜孺人謝曰兒孱然俎上肉耳衆方操刀而忍趣之且兒也材寧必食先世之餘遂携之周涇居至則頽垣敗屋田蕪不治豪佃蚕食其中踐更徭發蹂躪萬狀孺人日夜拮据以持

數城山館文集卷之二十三

五十四

門戶司封亦不知也司封學既有成冠而舉進士官行人奉使過里拜孺人堂下則又撫之泣曰天乎嚮者襁中兒乃有今日安氏故右族也天父桂坡公嘗選腴田三百命曰養廉子孫仕者畀之公第而受田拓其畝千至是司封當受兄孫又不忍予孺人太息曰孺子幸沾一命邀先公寵靈多矣廉自力而何養爲司封敬受命不敢問田則請孺人就養孺人不從而畱自課耕織以寬司封於仕司封既再最行人考當得

臺諫而年不及格受膳部郎即乞改南將母得吏部驗封王事故稱司封至而激於時事抗書直言有旨逮問尋得釋爲編氓孺人勞曰休乎此時見爾不異自周涇歸矣司封既仕復自置第膠山至是遂隱其中讀書談道若將忘其出處而孺人代視生產老益不倦居十餘年以天壽終也孺人天性儉朴孝佛繙經終身蔬素日食纔一盂菜一衣或至十年司封有所加簋不甘也進統緒櫝而藏之司封跽曰大人良苦人

數城山館文集卷之二十三

五十五

皆有食子而兒獨食母者何孺人咲曰而不聞魯敬姜之以勤訓與性好振人之急分廩輟餐壺內外無虛日撫子女雖憐愛而約飭甚嚴稍不馴必面數必改乃已司封自言往范小有過聞母召如對廷尉簿也而今已矣孺人生嘉靖乙巳十一月二十八日卒萬曆甲辰十二月十二日得年六十子一卽司封萬曆丙戌進士娶談氏某子女繼張氏某子女女一適庠生王心一早卒孫男二廣居聘行人高君攀龍女廣與

聘庠生顧君某女孫。女三長。卽育從子者。女適大學生華。與進次字吳江中丞沈公季文子某。次字常熟。中書嚴君某子某。司封子門人也。常相爲家人語。而曰。方母之娠范也。先大夫業有兩廢子。而伯兄亦已有壯子。二人故宜人不欲多廢已。而先大夫沒。伯兄繼之。仲叔皆殤。伯兄之二子。又折。惟遺孫二人。僅髫鬣耳。而孤從襁褓。餘生廢幾成立。以奉先祖父之祀。則母豈惟有造於范。其自先大父以下如綫之緒。咸藉以不墮。悲夫。吾母之於安氏也。予聞其言。吞嗟異焉。以爲膠峰公枯楊之梯。能植本而榮華。使五旬穉中兒。承祧衍祚。爲代名流。微天之賜。不及此矣。司封端亮。儔朗卓然。不羣方其滿考。值選年差一歲。或謂可且謁歸待也。司封踴然曰。柰何以一日之資。而涉於規避。如欺君何。予聞甚服其言。他時建樹。此可槩矣。孺人之光啟安氏。豈惟一圭紱足大其間哉。司封以考公地狹別管佳城於某地。以某月某日奉孺人宮焉。而介

大行高君狀請銘銘曰 誰謂梯也華彼穠誰謂籩也充厥宗鞭赤螭兮探靈龍手排閭闔氣成虹囁臣有母教臣忠之成靡應臣節同白雲縹緲蕙帳空如坊如斧焉鬣封沒而異室魂則從壁千秋今日天中

明故西華府通判誥封錦衣衛指揮
金事鴻石蘇公墓誌銘

蘇公諱濂字子川濮州世家也皇考穀原公諱祐事 世宗皇帝官兵部尚書兼都察院右都

御史皇妣誥封夫人陳氏是生四子長者爲公次舉人澹次長史漢次太學生浣皆號佳公子也公生有異質方在保抱誦詩屬對不習而諧總角受博士易工古文辭嘉靖乙巳選貢諸生公名應詔入游太學益交四方文士相與倡和爲歌金臺十八子推爲社長吳興徐子與以下及南越歐黎諸君皆其友也公之爲諸生從東省試及遊太學從京兆試前後十上十罷則東其書度之謁選爲鴻臚署丞嘉靖末年朝儀久

廢 穆宗登極幾不能具綿墓王者屬公考索
頗得故儀章就之著爲典式三年考績陞光祿
署丞供奉大官以廉慎稱初尚書公視師北邊
有功被他中傷免至是大慶軍恩公爲內吏上
書訟狀有詔還尚書官庚午遷南寺署正明年
入賀事竣便道歸省遂丁尚書公艱服闋補北
寺署正萬曆乙亥出爲鞏昌府通判治粟塞上
綜理精勤士皆宿飽部使知其工文有所撰著
多屬視草方議所尊顯公而公自念年幾七十
穀城山館文集卷之三

五十六

馳驅窮邊終已不得大耀一日投効去矣尚書
公禦虜奏績嘗受世濟公以冢子榮承之稍遷
錦衣衛指揮僉事亦會覃恩當爵其父而公方
爲內吏謝弗受封至是乃服金紫稱子官居一
歲所遂卒公爲人魁梧古朴訥言不出口居
家以孝友著奉親侍疾執喪情踰於禮與仲君
澹少同研席自相師友並以騷雅著名士爭識
之其交友誠懇和易莊而不忤人皆樂與之遊
守官奉法飾以儒術彬彬君子也生正德癸酉

正月四日卒萬曆庚辰十月二日得壽六十有
八元配許氏鄉三老諱之女生某年月日先君
若干年以某年月日卒得壽若干子五長卽榮
錦衣衛指揮僉事堂南鎮撫司事娶桑氏嵐縣
令紹良女封恭人次荼當陽縣主簿繼弟浣嗣
次案儒官娶張氏衛輝府照磨繼德女次樂州
庠生甘河南汝寧府知府娶吳氏汾州知州道
南女封恭人次索州庠生娶顧氏德州守備郭
女女一適陳萬殊州庠生孫男九光勳武舉娶
穀城山館文集卷之三

五十九

馬氏光復錦衣衛百戶娶呂氏光祚娶周氏光
泰已丑進士河南按察司副使娶劉氏封恭人
光乾廩生娶馬氏光龍未娶孫女十人長適國子
生劉秉中次適庠生呂杰次適序班李燁次適
庠生李先秦次適庠生呂應光餘幼未字公卒
之某年月日啟許恭人兆域而合葬從吉卜也
初公與桑伯子紹良游疾革以狀爲托而冢君
久侍禁旅未能瘞墓石也憲副旣貴封及其

乃修大父之闕問諸下走往余從諸公講業頗得上下條流海內稱吾鄉文學率以濟南爲最次則濮陽北海濮陽流派尚書公爲最伯仲二君增廣倡和號爲三蘇李伯承先生從而提挈其旁故衛之東境甲於齊晉間矣公之爲文儻麗典則不尚譎詭歌詩清逸渾成出入盛中古體且薄魏晉又工元人樂府被之律同不失累黍亦善書法有晉人風骨所著蘇伯子集耶齊樂府四書通考詩說解頤騷壇未議皆行於世

而海內所品爲家詩文如國雅詩統諸集多公父子所著位雖不顯而咸山之業已足千古蓋以聞孫滋美弘而大之古稱雖不當世其後必昌幾謂公與銘曰 大東之文濮與濟濮有三蘇協於李伯氏吹埴從中起鳳啼雲間龍鳴水折楊皇琴嗟然已以文銀青武借紫澤由哲父錫以子將因貽厥復其始我銘高丘孫之以儒林文苑則有史

穀城山館文集卷二十三

六十

進

穀城山館文集卷二十四目錄

異書

明故資政大夫禮部尚書兼翰林院學士

明故資政大夫禮部尚書兼翰林院學士
贈太子少保范文恪公合墓誌銘

明故正議大夫戶部左侍郎誥贈戶部尚書見峰王公暨元配夫人于氏合墓誌銘

誌銘

明故誥封資政大夫南京吏部尚書西垣

趙公墓誌銘

明故陝西平涼府通判雨田張公合葬墓

穀城山館文集卷之二十四目錄

乙

同前

誌銘

明故朝列大夫山西布政使司左叅議前

監察御史湛明孫公墓誌銘

明故武畧將軍東巖安公墓誌銘

明故勅封孺人鄭母王氏墓誌銘

明故勅封太孺人董母李氏墓誌銘

明故勅封安人蘇母馬氏墓誌銘

明故劉母賈孺人墓誌銘

明故應封宜人徐氏墓誌銘

明故待封閭孺人墓誌銘

公兄阜泉處士墓誌銘

亡兄太學都講航隱先生墓誌銘

亡兄鄉貢進士冲白先生墓誌銘

亡弟維川茂才墓誌銘

穀城山館文集卷二十四

東阿于慎行著 門人郭應寵編

北海董可威 天中李時馥校

都門李本緯 男于緯重梓

明故資政大夫禮部尚書兼翰林院學士

贈太子少保范文恪公合葬墓誌銘

禮部尚書范公以萬曆丁酉十月丙戌卒於位

訃聞上爲震悼詔贈太子少保錫謚文恪遣官

臨祠者再兩曹郎護喪董葬事明年九月十一

日夫人楊氏亦卒伯子茂桂伏闕請詔予合葬

並祭廼奉宮端吳君狀謁銘以余從公遊久知

公深也公諱謙字汝孟號合虛唐相履冰之裔

世家錢塘宋元和中遷豫章之豐城凡再徙里

最後居孝弟坊世以儒顯有仕提舉學錄者而

封刑部員外郎諱楚蓋則公祖也父諱慶第嘉

靖乙未進士仕至雲南按察副使先娶於涂繼

娶蔣生公公之降也太公夢星光滿室知其共

兆生而穎悟不羣受業如響益大奇之太公之

兆生而穎悟不羣受業如響益大奇之太公之

郎比部出訊晉藩封公計至都下公方七歲朝夕哀真如成人禮太公守蘇公侍祖母於里能代承歡嘉靖乙卯舉於鄉卒業南雍旋奔太公之喪祖母陳母蔣亦相繼沒哀勞襲事幾於骨立隆慶戊辰成進士改庶吉士館師趙文肅公殷文莊公深識重之庚午授翰林院檢討先後修世穆二廟實錄大明會典考核精詳體裁無爽二史奏成名賜宴資再進官至修撰中間管理誥勅及符節封藩皆以恪慎著聞丁丑分校禮闈所取多名士而會臚中劉傳兩侍郎以論江陵下吏公從獄中問江陵嘆之公退而息於里辛巳內察竟出建左叅議分守潼南公夷然就之外謹汎防內理田賦鈎校精核宿弊一清癸未轉山東按學副使功令修明嚴而不刻捐廩益田以業貧生多所識拔雋茂丙戌轉湖廣左叅政督理糧餉條賦役十餘事白兩臺行之吏民稱便戊子轉山西按察使備兵井陘未上改治汝南盜起皖浙境中大震

戎賑荒拊循控制所部無虞庚寅轉山東右布政使自壬午更政諸用忤江陵謫者嚙階鵲起公獨遲迴十餘年至辛卯始召爲大僕寺卿未至轉太常署祭酒事旋充經筵講官進詹事府詹事兼翰林院侍讀學士歷禮部左右侍郎會有內詔三王並封公階大宗伯羅公上疏力陳皇儲已長宜卽正位東宮以繫天下並封非祖制也上悟遂寢俄解部事教習庶吉士端範貞軌函文肅然明年皇儲出閣簡克侍班官改吏部左侍郎協理詹事府其秋遂拜禮部尚書兼翰林院學士懇辭不允初公侍皇儲進止虔慎壹意調護起居官臣講後常綠飾上旨有所開導至是入辭復進勸勉數十言皇儲改容嘉納目送久之已而東封議起公疏曰本受封先朝其王疑在關白一部酋耳安得援朝鮮琉球例而辱王封且所遣夷使奴也亦不得偃陪臣宴例卽封關白請以所居島爲號而以武臣蒞事卽宴小西飛請於其館母遣大臣

主也。上從公議其後所遣武臣未至迺歸。

上命科臣往勘公議請罷使停封顯畫戰守機宜便而。上以科臣逗遛下詔謫罰並及禮兵堂屬公疏臣叨禮官議事不當獨臣當乞宥科臣及諸郎吏因固求去。上亦固留已竟罷封使如公議也時。上深拱禁中久不出見羣臣公疏請饗郊廟勤朝講正儲位裁章奏皆不報乙未知貢舉廷試克提調官時方修正史公爲副總裁請纂建文本紀復其年號。上是

欽定四庫全集

卷之二十四

其議下史館奏府以旁支繼統請王其庶兄已奉。俞旨公猶執奏再三兩宮三殿災陳修省事宜引漢策免大臣故事自劾而勸。上求直言補缺官急行取罷稅礦言甚切至廷中悚服丁酉滿二品考賜羊酒寶鈔給三代誥大父父皆贈禮部尚書翰林院學士妣皆夫人蔭一子國學生公在部三年請冊立冠婚累疏未報一夕視大工歸燒燭草奏語夫人曰此請不得以必爭之寢而痰作夫人與長孫呼醫環救不起

公素稱攝生形神甚王蓋以憂勞病云爲人風神瑩朗資性警捷容止甚飾談說纚纚口如懸河練核世故於四方政俗無不通曉澹泊寡營究心名理嘗讀太極圖說曰此一部中庸旨也學以慎獨躬行爲宗未嘗自立門戶天性孝友嘗念祿不逮養每逢諱日輒泫然流涕少弟十歲失怙撫育勤篤長推故產讓焉博聞善記涉獵羣言裨官方技皆所精研爲文溫潤深沉澤於大雅不以模擬爲工所著有雙栢堂稿及講

欽定四庫全集

卷之二十四

詩

業緒言行於世世家清素門庭如水子孫美秀有文束修好禮不敢以貴勢加人其家訓如此世謂公經術治行可方古人而有濟時之才位遇雖隆未及大政感爲惜之然其所建白著述卓然可傳於後則亦沒而不亾者矣夫人楊氏亦邑世家大宗伯楊文穆公姪孫女也父邦爲文學生奇其端慧口授內則女誡諸書相攸得公歸而克勤婦功甘澹丞嘗無不飭慎姊姪大小皆無間言太公之沒公在南雍夫人代親舍

玉無違禮而朝夕慰安蔣太夫人撫視稚叔皆如公在側也從公京邸每當朝謁視夜夙興飾具以俟賓友過從豆觴較核吟嗟立辦壺政斬然里巷女媼無敢窺門及從仕外服肩鑄之防益加慎焉三命爲夫人常衣皂紵親御縫紉不輟子婦以勞請休顧曰吾樂此不爲疲第吾自少至老未嘗一日忘女功懼汝曹忘之也馭下嚴而有恩周卹嫺黨如恐不及則終其身與公共爲德不衰云雖公恙素絲植天性而重家

穀城山館文集卷之二十四

六 三十三 許

學然夫人所以在御而贊襄之者內德茂矣公生嘉靖甲午正月九日卒六十有四夫人生嘉靖壬辰九月十日卒年六十有七子男二茂桂官生娶游氏應天府尹季勳女茂槐庠生娶黃氏雅州知州虞臣女女一適新建庠生魏應極孫男四炳明娶李氏炳哲娶袁氏炳睿聘黃氏皆庠生茂桂出炳文庠生娶熊氏繼黃氏茂槐出孫女二適庠生熊起電李亨璜曾孫男三基忍德曾孫女三以萬曆癸卯十二月十六日葬

於邑之宣風鄉羅湖之龍口卽賜阡也銘曰

維公之生室耀星光維公之沒象隱文昌其來有自去亦有鄉此畢如者則魄焉藏公之德器金玉其相公之才藻鸞龍其章內典文史王度有煒外敷屏翰我績用彰惟帝乃眷復厥官常寅清三禮夙夜濟蹇匡言欲議茂可殫詳夷封有詳國體以康青宮調護羽翼斯張允也君子國之棟矣昊所降賚以弼我皇亦有懿配維德之行歸於其室雙鈎掩銘制命在碑華表在唐

穀城山館文集卷之二十四

七 三十九 許

繩繩哲胤紛其球琅必百世紀以德無疆謂爲不信視此右方

明故正議大夫戶部左侍郎誥贈戶部尚

書見峰王公暨元配夫人于氏合葬墓誌

銘

司徒王公之沒也伯子司馬方開制闔於蜀亟請代而奔歸而會某功晉陟又以國慶覃恩公當贈右都御史比上疏請卹則進贈戶部尚書賜祭三壇將作治兆以二品禮某年月日葬於

城東鄭漢之賜阡先期使季子進士及門布幣
請誌與銘誌曰公諱之垣字爾式別號見峰其
先諸城人國初始祖諱貴徙新城再傳諱某以
施德著事具邑史三傳爲潁川王教授諱廉以
公恩累贈戶部左侍郎四傳爲貴州叅議諱重
光以勤事死官特贈太僕少卿已以公恩再贈
戶部左侍郎又以伯子恩再贈右都御史配劉
氏今贈夫人則故所封太淑人也太僕公六子
皆貴其次爲公劉夫人之舉公嘗有異兆數歲
病瘳已而病瘳外且棄聞雷而蘇太僕公故居
約日不再食遣公從外家稍食義菽或兄弟自
屑麥麵共啖也長從大父邸舍學日有成潁川
公讀其文喜已而泣曰是兒必大吾門惜吾不
及見耳嘉靖戊午舉東省高第歌鹿鳴於藩司
節席心動慨悵彌日夕則太僕公卒之日也明
年從兄伯諱請卹袁州之子徵賄兄弟相謂
曰卹而以賄非先志也蓋且歸乎壬戌成進士
除荊州府推官比讞精明出以平恕號無冤民

遼庶人積不奉法有詔雜治御史屬公則繫其
臣僕助惡者十四人論置重典庶人登郡樓詬
曰理官敢蔑親王公敬對曰非敢蔑王爲王治
左右之誤王而負國爾庶人噤不能語計且肆
毒於公然竟無以中也隆慶丁卯召選刑科給
事中 穆廟新政疏安民固本四事辭甚剴切
虜陷石州詔集廷臣議推公所條著爲令尋歷
禮兵左右禮刑都給事中屢疏時政得失甚至忤
旨又嘗進聖功圖基命錄宣付史館誠意伯
世延恃才恣肆公露章劾之政府爲解不得後
世延竟中法削也先是言官某以罪謫戍新鄭
柄銓欲召還而難公屬所親道意公曰有公論
在竟不能奪又科臣某者故分宜客也病而緋
衣忝市中突入掖門哭且歌公言此心疾迷罔
不足深問惟 上賁之時論以爲得體新鄭修
郝華亭諸附離之者扼腕而進公謂朝廷優禮
元臣請存大體葛端肅公意與公合亟稱其議
於朝事遂得解在省中四年嘗奉使冊封周藩

又嘗謁告省母至辛未當遷而政府因嚙公求所抑之不得則從太僕少卿遷長鴻臚鴻臚卿者貴郎積資則爲之不甚以士人任其時上日御路門朝儀繁重故以難公公左右陛楯不敢失尺寸班行肅如也歷大理左右少卿資當開府有兩人在後欲跳而先公皆讓之久次爲南京太僕寺卿俄移北寺旋轉順天府尹大修學宮及治臺官緹室藪冗濫嚴編審格采珠之令復間架之征公私便之丁丑晉都察院右副

穀城山館文集卷之二十四

十

都御史巡撫湖廣公風裁吏民凜凜公益務綏輯靜以時去其敗羣所部寧一迄無敢爲奸利景王故宮火守者誣德安倖從客飲延失且當重比公雪其枉妖人曾光謀不軌覺奉詔名捕監司繫治平民毒使誣服爲光公疏其非是劾罷監司已而他省得光已卯三品滿考受二代誥皆贈中丞官一子太學生庚辰晉戶部右侍郎協理戎政明年轉左提督倉場壬午三品再滿再受二代誥乃改部銜

如今稱云時公望實益重荷眷方殷而念母夫入老疏請侍養詔予省覲虛席以待者六月稱疾請彌堅上乃聽公其時子弟十餘人各仕爲大吏而公獨侍母夫人於里諸子若孫以監司守令入覲及以部郎出使過家上謂太母車騎羅門庭矣母夫人安享榮養年九十乃終公自以家門殷盛避不求出優游林壑二十餘年無疾而逝海內傳而異之公爲人老成凝重儼恪有儀而誠厚易直不爲矯激義有不可則毅然當之無所撓問居家序友一門馴謹有古人風諸弟子侄受業家塾羣置斗室常以夜分就寢寒則燒茅蕪磚交曉其上間雞而起月朔都試燼香數寸爲度香盡而文不成者嚴故自戊午後舉於鄉者十四人壬戌而後咸進士者十人皆公先之也官雖通貴儉朴之性始終如一世俗芬華一無所染亦雅無他嗜好子弟出入疏布徒行不以騎從百里之役必計日而遣無最失期年及大耋貌腴神王亦習養生家言端

穀城山館文集卷之二十四

上

居寡遊不通請謁嘗著炳燭百警攝生諸錄世多傳之修太僕公廟於東莊勒綸音忠勤二字爲旂又奉部使公檄建祠西郊別置祠田若干春秋萃族修祀講禮因以周其貧乏出入曳杖而步晚以未疾時御筇輿入里門必下伯子仕爲長吏則勅曰慎哉吏而墨甚於盜也及爲兵使備邊當太僕公之故地時以祖德勉之所招納屬夷功烈甚著開府川貴便道過省公念疆場事殷洒淚而趣之行曰子今非吾有也間有

敘城山館文集卷之十四

十二

經界之役馳書戒曰幸備方部毋輕以朝廷尺寸地長戎心第速竣事歸耳其在楚中延諸生郭美命與季子同舍美命後入翰苑以文名世而季子竟第其式穀而知人如此于夫人者邑世家女也父瘁生某夙有內訓既歸佐公績學紡織嘗至丙夜公侍太僕公於徐夫人從行供養惟謹公省太僕公上谷夫人居守公迎母夫人於荆母思叔季趣歸夫人亦請於公歸代菽水且督諸子學也理家勤儉布素肅然事長

敘城山館文集卷之十四

十三 周

接幼情意周浹皆得其歡嚴於訓子寬於使下家有奚奴故仕人之孫一日問而憐之厚給遣歸且勅諸子曰夫非紳裾之裔與若等不力學行如是矣其樹惇而教幾與公分功云公生嘉靖丁亥六月二十五日卒萬曆甲辰十一月十九日得年七十八歲夫人生嘉靖己丑八月十七日卒嘉靖丙寅十一月十九日得年若干歲繼配路夫人某人女子男三皆于夫人出長象乾都察院右都御史兼兵部左侍郎總督川貴某人次象晉甲辰進士娶某女三適某某孫男五與耕官生乾出與瑞貢出與齡生員與胤與繩俱晉出胤嗣戶部曾孫男二耕之子曰士勳官生齡之子曰士瞻往行脩官文史而觀公之立朝正色垂紳有古大臣之度心竊嚴之位望雖隆用猶未究惜也乃其門中才儁如龍如虎幾望江左之族而清風素節濟美流光又將與漢之關西唐之河東比家聲而程內訓則公所

始終敬佑者大矣夫進而爲士典刑退而爲家
宗王明德饗天保世滋大以有耀於在昔古所
稱淑人君子享胡耇而正國人幾謂公與銘曰
瑯琊之裔遷於桓陽維德長世以發其祥烈烈
司徒國之紀綱器博而栗質醇以方爰始登朝
李是南邦疆藩既服庶獄亦詳黃扉夕拜日有
奏章所吐者柔所茹者剛周旋列棘勳猷載揚
都輦之政泰乎趙張滔滔江漢時惟帝鄉化流
百越風偃三湘出爲屏翰入則天梁國威在管
轄城山館文集卷之二十四

國命在倉云胡來諗壽母是將九齡燕喜二公
詎償一門之盛簪笏滿床孰爲宗王公訓在堂
桓桓司馬遏虜平羌季稱國器仲亦名郎公臻
黃髮既順且康生爲人慕沒思不忘新宮應撫
在鄭之潢亦有懿配儀桓埒光自 天子命于
焉並藏儷德母替彌熾而長六槐之蔭於歲未
央

明故誥封資政大夫南京吏部尚書西垣

趙公墓誌銘

東萊有兩趙公長曰中丞公耀仲曰太宰公煥
皆宿儒西垣先生子也先生以經術爲博士老
而罷歸安兩公之養四錫爵至尚書且百歲而
沒朝廷異之使守臣稱制臨祠賜水衡金錢以
葬葬有日矣以開府胡公狀來謁誌銘行也習
於兩公而慕先生之義固不敢辭誌曰趙氏
故掖人也上世不著著自禮公禮公生秀秀公
生惠嘗賜民爵後贈吏部尚書配吳夫人子二
長者教諭公魏次卽先生先生諱孟字晉臣西
垣其別號也爲人魁幹豐髯瑩然玉映生有殊
資善記髻則列諸生冠而與兄伯同受月廩諸
生皆折下之謂兩趙生青雲可立致也然皆數
試數報罷以明經貢而先生得禹州訓導模範
甚修爲諸名公所重御史行部校文得先生卷
驚曰此無負諸生師矣再試又再報罷擢諭洧
川洧川禹州旁邑也然士不登藉且數十年先
生愍之簡其髦俊日夜程督兩公趨庭參焉洧
士丞丞嚮學有申范二生皆成進士而兩公歸

試東省亦同受月廩如先生兄弟時也語具禹
清志中嘉靖甲子仲公先舉於鄉先生自免明
年仲公成進士授烏程令其後召入爲郎改御
史而長公第辛未由吉士改御史兄弟同時居
臺各著風裁而先生亦受御史封季君又舉省
試門閥益盛先生顧退然若不勝者長公官至
中丞仲至尚書而先生年八十餘矣兩公遁出
通處以安先生又十餘年乃皆請告不出而先
生顧益甚健日從二三長老進醵飲食博塞浮
白爲歡歡如少壯獨不喜累章服出見官府部
使長吏及門修謁如家人禮亦不往報學官正
憲老席官師弟子奉書伏閣拜請勉爲吟爵後
竟謝之其時夫人年亦八十餘兩公既歸携諸
孫曾朝夕娛侍融融樂也久之亦厭出遊乃命
築室二弟之間以雙童侍焚香宴坐時召前兩
公舉忠孝大節爲諭及爲諸孫談說經義刺刺
不休素髮朱顏飄然如仙其氣骨爽伉大者不
衰蓋天授也性篤孝友念二親早世思慕終身

比封尚書祭墓猶伏地嗚咽爲孺子泣與兄伯
俱罷博士白首相從睦而能敬服食儉朴無所
紛華不以貴故易操年至上老遇後生小學皆
誦均禮一門福澤海內無兩未嘗有栩栩色稱
曰吾何知盛往遊學椽請數斗自食聞仲子一
第遂掛冠歸豈直憚折腰乎造物忌盈吾不欲
取多爾其戒滿如此先生初封御史後仲公爲
廷尉少宰兩進爵如其官及爲太宰考績先生
遂進今稱配至夫人而長公官列九卿不得重
封獨以爲歎然人益以是羨之先生平生少病
已而微患風雨兩公和藥以進輒卻不御曰百
歲老人尚何須此呼謂兩公吾夜中目光炯炯
見有甲子旌幢絡繹而至此爲何祥兩公聘不
敢對先生因索筆題偈多達生語昇入正寢猶
咲謂是何執輿者屢勳貴人也寢疾六日而逝
萬曆癸卯三月晦日也距生正德丁卯閏正月
十六日得年九十有七歲初配張氏某入女贈
恭人繼配孫氏某入女累封夫人子男三長即

耀都察院右僉都御史娶馬氏累封恭人大使
守成女次卽煥南京吏部尚書娶錢氏累贈夫
人教授好學女繼周氏典史廷樞女繼方氏累
封夫人叅議岳女次燦癸酉舉人娶王氏教諭
錫臣女俱孫出女七一適徐仲春張出一適秦
阡一適諸生林應鳳一適河間府通判崔校封
孺人一適錦衣衛經歷錢一鶚贈宜人一適訓
導王瀾一字毛弘烈未娶卒俱孫出孫男六胤
昌廩生娶毛氏同知似荀女壽昌庠生娶毛氏
同知似似女耀出祐昌官生娶徐氏知州詔女
煥出宗昌庠生娶王氏庠生針女禧昌廩生娶
楊氏推官耿光女履昌生員納級指揮娶孫氏
知縣登雲女燦出孫女一適太學生劉兆能煥
出曾孫男十曾孫女六婚俱士族予嘗爲先生
祝辭謂累朝大臣舊老多有高年之養與先生
最似者安福王氏兄爲太宰弟爲大司寇封公
受命於朝扶掖入謝江右盛傳說焉又數十年
而得先生云王氏封公壽筭不知何若又不知

偕老與否及二公侍養何狀度不及趙氏全矣
至如兩公清慎端方爲海內所嚮慕崇名瑰節
輝映圖史有不在穹顯者豈今人所可幾及哉
夫祿位與壽其欣艷在一時惟名不可朽耳以
是年十一月八日葬於城北郎子埠之陽銘曰
此巋然者封也公衮之錫匪其豐也期董之筭
匪其穹也是式穀者兩公厥稱雙璧光斗虹也
墳麓更奏亮天工也疇且爲西京之萬石疇且
爲東都之太丘其惟翁也此儒者經術之効而
名與天壤終也

明故陝西平涼府通判雨田張公合葬墓誌銘

雨田先生者清源高節士也諱鯉字爲龍其先
江西泰和人五世祖諱克榮賈於大明之李家
口卒葬其地有子諱機徙家臨清機生二子次
者諱錦嘗爲杭州幕史生處士淵室於吳氏則
先生父母也先生生而氣姿不凡八歲能文文
有奇氣先正林霜栢公時以建言罷歸見而異

之引置門下親爲授經年十三學使王遵巖公
取補邑庠及引見則驚曰乃稚子耶他日必成
大器不忍玩以青衿賜花幣而遣之又越三年
乃遊鄉校從諸生試數冠其州彙而試之又冠
其府諸生則鴈行避舍矣戊午入闈分考欲以
舉首御史亞之力爭不得請曰以須異日出則
訪而勞之辛酉都試爲劉漢樓先生所知取置
高第然於言易猶亞公太史也先生嗜書好學
於百家諸氏無不涉獵至爲制義焚膏十三年
於密篋篋卷之三十四
帶不解然十上春官竟亦不第嘆曰人也奈何
遲天乃謁選得新安令上日揭人我二箴以明
其志爲政敦古教化耻言刑罰惟遇大猾鉅宗
輒董以三尺不少假貸邑民李應曾爲左道惑
衆聚黨可數百人取其渠殛之諭散其黨大豪
李九錫椎埋爲奸覺里貴人或爲之地先生謝
不敏竟以法戍之民有孝悌篤行優之冠服使
以月旦讀法敷衍 聖諭因命童子歌皇華蓼
莪棠棣雞鳴伐木五詩而退卽有以不孝聞者

謁之諭所三日而遣之不悛則刑大修文廟益
市學田購古文籍五十餘部貯之學宮擇邑之
髦士羣而肄之官日給筆札饌食月再試而甲
乙焉納賦以錢代銀令不得美贖罪以穀代銀
令不得藏多置牛種開墾穀土流亡復業者可
千餘家其實政精心不爲文具率若此士人之
胥吏爲廉吏者特爲立祠且作傳紀之他所旌
異貞烈暴白冤抑皆此類也然先生性好勤民
而疎於事上暑月循行阡陌問民疾苦不自知
勞候入告客至則憚於盤折或不出見厨傳車
馬又多裁省過客不能無望監司或謂先生直
指報代是將薦君於朝先生弗應也今伺旁邑
之政亦不輒報曰比肩子民不願以身爲弄上
官頗不悅之延禮士夫擁簪奉席甚恭及請問
有言則掩耳告遽士夫亦有怨者三年而以別
駕行也父老守白兩臺請以新銜借留業許具
疏則已掉臂西入關矣韓國之宗衍而不馴治

粟之吏苦之先生每當賦祿延王官賢者一人
與視關石又請宗室賢者使分給之官無與也
諸宗心服頌聲滿耳居五月而乞骸諸宗且爲
白王具疏保留先生又掉臂東出關也先生爲
人儻濶落不修小文而狷潔自高亭亭物表
視流俗若將浼焉非其道義一介有盟平生不
手一錢見輒掩面曰目中無阿堵物富人賈子
操金珠錦綺求一赫號終無所應執親之喪倚
廬三年不入內室年垂八十逢三親忌日酹而
穀城山館文集卷之二十四 二十二 周

解曰室有圖史聖賢在上其莊如此郡中旣寡
交遊惟與在平孟我疆符卿相從談議及令新
安又與孟司諫雲浦相得而王中丞公素慕其
行晚節乃交之云所著詩文及村市錄類錦編
五經微言讀易的見及六子註諸書束以示二
子曰此而翁所積金也其敝可以覆瓿幸善守
之先生少時癰病狀類老人及年七十以往健
而肥澤更類少年其善養也沒時亦無大病寢
四日爾配王氏某入女法稱安人歸而不逮先
穀城山館文集卷之二十四 二十三

姑攝於庶氏庶氏虐之奉事彌篤有子婦禮庶
乃大歡代先生視產早夜拮据一縷一粟無不
祗愼曰以成君庶里婦會集競爲麗服安人以
布素叅之仲色彌泰其相先生所以最勸尉勉
皆出世俗先生莊之謂爲知己友云先生生嘉
靖乙酉二月十七日卒萬曆癸卯七月四日享
年七十有九安人生嘉靖甲申十月六日卒隆
慶壬申七月十三日享年四十有九子二俱安
人出長爾範州學生娶郭氏處士魏女早卒次

爾綱歲貢生經行甚修里稱端士娶邢氏叅政邦
女女三一適州學生郭光祚嘉祥教諭汝梅子
安人出一適歲貢生章舜臣太醫院吏目甫子
一適府學生曹標封侍御大瀾子皆側室孫出
孫二長斐然範出娶王氏處士應麟女早卒次
煥然府學生亦儒才也綱出娶劉氏省進士爾
礪女孫女一範出適王有澤省祭官舜臣子曾
孫二啟胤昌胤俱煥然出爾綱卜於某年月日
啟城東南之兆與安人合遣子奉書求賁其墓

欽定四庫全書

二十四

中之石行自是皆計從先生遊見目爲忘年
友迄今四十餘年道義之交始終不渝蓋深知
先生之操行而心誠服之惡可不爲銘然先生
之卒門下諸生方將列其名德請於所部祔食
學宮他日必有爲之勒碑若郭有道陳仲弓故
事者余姑誌其坎云爾銘曰 世也則滔滔爾
里也則嘒嘒爾彼美君子則胡嘒嘒爾寥寥爾
其遇也陶陶爾其適也尚表曰高士之阡千秋
一日則昭昭爾

明故朝列大夫山西布政使司左叅議前
監察御史湛明孫公墓誌銘

公璋琬字玉耳初號淇陽再號湛明其先武城
人也始祖好古徙家平陰好古生興興生孜孜
生廷訓廷訓生德良公父也凡有六子而公最
少生而穎異書過目輒成誦居恒危坐正襟識
者知其大器年甫十餘太公先沒母王孺人亦
卒家無遺產孑然孤也范氏姑憐而時存恤之
婦翁牛公司訓大城獲鹿召公居館與兩邑名

欽定四庫全書

二十五

六

士修業文聲益起歸補諸生試輒傾其曹耦邑
博錢塘許公見其文詫曰咄嗟此佳士也行將
天下矣萬曆癸酉舉於鄉公車報罷益攻苦爲
文夜讀書至達曙以爲常友生旦訪猶見孤燈
熒然庚辰遂以尚書舉進士第七人出太史金
陵余公之門聲稱藉甚筮仕錢塘錢塘兩浙首
邑臺司星臨其上什九在塗什一在署逮至而
應之裁決造請綽然有餘以間蠲煩苛崇實政
調停里甲望爲永利邑人藉以休息均田議起

部使屬公躬履畝而度之不旬日竣翕然稱平
均旁邑之田亦如其邑兩臺疏得紀錄已復修
鎖瀾橋鎖瀾橋者卽宋蘇公堤也迄今六百餘
年日就圯廢至是庀財賦工不勞而成屹然爲
湖中巨防矣壬午武林民亂倉卒聞變挺身往
諭衆初刃而環公已有從火光中識公者曰此
非錢塘青天使君耶是但飲西湖一杯水爾奈
何驚之則相呼解去公因嚴部署畫方略待銅
梁司馬入亂者遂定以公先期安輯故也

蘇城山館文集卷之二十四

二十六

并錄公功甲申考最予父母錫皆如公秩癸未
丙戌兩入計以卓異聞有詔召入拜四川道監
察御史巡視中城草塲災馳至禱風旋止故時
江南民運有藉詳總而略分頗滋奸弊公巡光
祿請均署催僨者職名以便稽核部覆如議中
州饑民相食疏發臨德倉粟數萬石賑之復勸
上畏天悲人清心寡欲爲弭災根本娓娓千言
已丑請告歸里辛卯起補江西道時部使交際
靡濫屢掛白簡公奮曰過流不若澄源請令兩

臺大使毋得私相問遺藉墨吏口違者臣等劾
狀疏上報可是冬出按陝西入境聞寧夏變邠
乾之間有白蓮社謀爲內應公先捕其渠魁卽
馳按寧州寧故無井取水數十里外公曰虜脫
圍城城不攻困矣乃下令浚井闕地得水水甘
而洧州人神之總兵李胸禦虜數敗而督府
庇之御史大夫亦爲內援公獨疏劾罷胸而薦
葉公夢熊可代督府副將蕭如薰爲帥後賊平
卒用此兩人力也當羽書旁午時指麾邊事衣

蘇城山館文集卷之二十四

二十七 三十四

不解帶者數月兵有次第乃以病請大夫啣公
疏覆許歸終不與平賊賞人有問秦中事者公
亦舉手謝之不自明也甲午起補江西道朝議
倭夷封貢公力言非是且請更置一二大將部
覆不能無相左其後公言竟如券已按順天貴
戚歛手長安道上望見孫御史驄不寒而慄天
津造倭倭船以計部郎某督之郎反與王者乾
沒爲奸利以相國肺腑交莫敢詰也公竟按奏
郎相國啣公又豐潤令貪而酷亦有與王屬無

臺陰護之撫臺密以語公公不顧也竟用惠文
彈治且言吏治民生之本今長吏鑽刺成風浸
不可問民何以安請嚴禁上疏止雖得 俞旨
而謀去公者益力遂出爲山西左叅議分守河
東衆頗不平公慨然就道聞西警至卽沿河修
築墩臺爲防禦計會天大旱躬禱輒應河東鹽
池久且壞與臺使決筴大加葺治工竣紀錄時
礦稅初起貂璫大橫公首嬰其鋒稍稍戢服所
部無擾銓曹推陞憲副四以名上公見時事漸

藏板館文集卷之二十四

二十八

三百廿三

難不樂久仕再請乞休部覆稱其清直可大用
詔特予告俟痊召復云公爲人端恪謹嚴好修
尺幅不肯與俗浮沉雖時見謂高簡而中實誠
厚無他腸蓋慙士也居官廉儉歸橐蕭然既疏
禁餽遺兩巡大部贖鍰一無所取於境內士人
亦不修式間之禮河東入賀嘗卻路費千金皆
人所難前後請告里居十餘年閑戶課子坐臥
一樓手不釋卷尺牘不入郡邑家人生產亦鮮
營殖惟好獎進後學周給貧乏常議建文館義

倉爲邑永利其砥德修名晚而彌篤如此病且
革猶起呼而索豸繡云夢之帝所還我御史則
公始終真一御史矣公生嘉靖辛亥七月二十
四日卒萬曆甲辰十一月十四日得年五十有
四先娶牛氏教諭利仁女贈孺人繼娶鄭氏庠
生璧女封孺人子男一振圖邑庠生娶趙氏叅
政雲翔女鄭出女三一適邑人庠生何恪子可
量一適翰林院博士孔貞寧子尚達牛出一適
邑人恩貢梁士光子應輔鄭出皆庠生孫男一

藏板館文集卷之二十四

二十九

三百廿四

光鼎聘東阿庠生孟某女振圖出予與公邑居
相隣平生稱莫逆交振圖遊予門下翩翩國士
也將以某年月日奉公葬於某地先期自爲狀
請銘銘曰燁燁南宮寶璫璵璠嶽嶽西臺風霆驅
騰騫天路誰軼諸促馭太息使人噓詎知乎鳳
之雛龍之駒佩陸離轂丹朱吁嗟乎此其爲侍
御湛明君不鵠之居

明故武略將軍東巖安公墓誌銘

武略將軍安公者其先山東章丘人也始祖諱

祥以尺藉從 文皇帝有軍功授大寧中衛總
旗遂家京師祥子榮得以平寇功陞本衛百戶
三傳而及武略武略豪俠長者也疏髯廣額器
宇卓犖慷慨有大節家嘗中貧從事賈易供大
人滌髓以其贏餘振貸貧乏無所吝惜承父志
也居著日盛以貨豪長安中矣然其爲人儉朴
居常食無兼味身無文綺而冠婚喪祭動循禮
法都人俗尚侈靡喪用浮屠及聞安氏風多改
以從禮者語在都城東隅傳述中武畧既承世職

穀城山館文集卷之十四

三十一

三十一

世廟覃恩晉秩騰驤右衛千戶典禁兵宿
衛主帥慕其名行推轂爲中軍旌旄節鉞凜然
生色禁衛爲之一清御史改令領屯屯地在三
輔民多匿稅不能充額武略調停盈縮屯民便
之逮課稅時大家車牛小家負擔稅無逋者其
有幹局如此諸知武略者以爲材任大將已而
年漸高歎曰吾產足自給終老而役屯卽勞見
筋骨祇爲他人唾夫鴻鵠九天鷦鷯一枝適所
志也吾奚以官爲卽日解冠著山人衣優游家

園親戚中老無養者奉以縑帛幼無怙者濟以
資財務令各得其所而族譜義田之立有足述
焉日復跌坐小室服无養真簡飲食節嗜慾游
神冲漠有至人之訣居常勉其子畧丞曰吾襲
先人業殆四十餘春秋閃閃爍爍如淒風撼燭
日靡公廩而寸衷未効今已矣夫爾曹苟沾一
命卽戮力一官受直怠事非吾所願也絕口不
談家事而吳氏安人雖聚首皓白不廢巾櫛室
無女侍夫妻相敬儼如嚴賓此固武畧之刑于

穀城山館文集卷之十四

三十一

本

而頽藻鷄鳴之賢安人殆庶幾矣安人先卒三
年武畧以老病臥數日竟不起畧丞將以今年
十二月二十四日合葬於東直關外八里莊之
兆奉大理丞洪公狀請銘予與安氏有鄉曲之
誼識署丞賢與之遊誼不容辭武畧諱寶字國
珍東巖其別號也生正德辛未卒萬曆己丑享
年七十有九安人生正德庚午卒萬曆丙戌享
年七十有七子一節臣上林苑監署丞娶錦衣
戶侯韓銳女孫三長仁順天庠生娶諸生魏聞

善女次位聘錦衣撫軍李登雲女三尚幼曾孫
一亦幼女三長適諸生劉第次適錦衣王卿三
適大學生楊承恩先卒孫女一適大理寺丞洪
聲適子惟耕銘曰 於鏐將軍實司禁衛克堪
厥家以光而世明祭有懷忠貞自誓雖饒於貴
不耽於利芥視塵堦蟬蛻世味宛彼安人先公
而逝穀則同室必室非異子孫繩繩誕開來裔
萬祀千秋綿綿勿替

明故勅封孺人鄭母王氏墓誌銘

穀城山館文集卷之二十四

三十三

九

元年夏侍御鄭君告滿詣闕史于生告滿亦至
居一月所鄭君奉命出按江南去一月所丁母
王孺人憂忤使謁于生志墓以大叅王公狀大
叅公者故亦爲御史孺人同產也而于生與鄭
君同遊翰苑驩甚卽不佞無能文敢不敬諾志
曰王孺人者封御史鄭公配也鄭公諱汝楫自
號樂崑處士孺人父曰順菴翁璠以子贈御史
母曰中太孺人兩家皆魏人也孺人生而穎慧
又沉雅不妄笑語居常婉婉性朴不好奇麗順

菴翁心奇之知其貴徵順菴翁授小子經孺人
常竊識之往往通大義母有少女而愛簪珥被
服多所陰厚或以謂孺人笑曰吾豈以簪珥故
傷母心竟不問孺人旣歸事夫君唯謹公家四
世同居上奉大父母次乃姑嫜日夕上食唯謹
中多婦姑恂恂退讓以身下之亦唯謹相以內
舉稱孺人賢也孺人有兩子絕愛之然課之甚
莊常夜績不寐攝兩子讀書其旁間謂侍御曰
自予兒時處閨中見爾舅讀書狀苦矣迺其後
爲御史光顯假不勤安所取此孺子念哉其母
貧外家聲夫學書不成分當老田舍田舍見者
終歲操作偃偻汗邪以祈升斗則孰與業儒難
侍御跪諾以故向學有聲第戊辰進士選爲翰
林吉士拜今官如舅氏始侍御按貴陽而孺人
病遂上書請告侍孺人壬申 天子卽位上兩
宮徽號覃恩孺人聞之呼侍御曰吾聞覃恩者
近臣得封父母何不強爲我出侍御瞿然曰唯
立起馳入見詔天官內史以璽書封御史國仕

穀城山館文集卷之二十四

三十三

三十三

父如其官母爲孺人侍御朝服拜受詔旋有江
南之命將發聞孺人病亟假道馳七日至魏面
霞裾玉佩跪進之孺人前孺人目之喜已又出
制詞讀之所以獎借甚備孺人聽之又喜已而
悲曰嗚呼吾適得榮寵如此死可矣然吾攻苦
育爾等終身同片髮母效薄俗斤斤分產待細
泣而受命越六日遂卒時萬曆元年秋七月十
五日也距生正德二年八月十六日得年六十
七歲子男二長卽國仕娶武氏封孺人次國華

穀城山館文集卷之二十四

三十四

太學生娶段氏孫女二初孺人病不飲藥大叅
自和藥以進孺人謝曰弟休矣矣生命也藥豈
益於數哉銘曰 蔚彼南山有鳳林誕生鸞鷟
羽振振五靈畢倫炳其文負圖舉翰辰楓宸西
翥于臺聲噦聞泰階既平嘉瑞臻象彼吉士爲
國珍龍光燁燁寵良臣金繩玉檢出如綸懿哉
哲母聲無垠在河之陽馬鬣新有碑螭首何蹲
蹲龍文鳥篆垂千春誰無死者嗟孺人

明故勅封太孺人董母李氏墓誌銘

李太孺人者贈霍山令西村董公配也贈公卒
二十有八年而伯子潤以郎使過家始葬公於
城西之北又越六年而太孺人卽世奉以祔焉
以予同里舊知遺子乞銘按狀董李皆長清人
贈公父曰文學公銓太孺人父曰博士公儀同
爲諸生相友善也博士公有丈夫子二長若爲
殿中丞良女子子三少者爲太孺人太孺人生
有淑質父母絕憐愛之相攸得贈公歸而家徒
四壁許太恭人恐其不堪也則前謝曰以母命

穀城山館文集卷之二十四

三十五

卷全

出事君子椎衣操作分固甘之無念兒爲上奉
尊章下相夫子婉順祗肅無貴家態宗黨翕然
稱焉公有二姊而貧姑氏日夜念之無以贍也
太孺人從容謂公以吾母之念女旦夕置饋姑
於二姊何若而令舉箸踟躕若有所顧養志謂
何以母家所饋問遺二姊無不興也而姑氏益
歡公旣罷經生業取什一自給太孺人躬刀尺
纂組佐其不給終無難色其侍舅姑之疾色憂
如子居舅姑之喪致毀如子益以孝聞矣伯子

生而數有奇兆太孺人內喜說公曰君業以早孤廢學兒幸有資當成君志簪珥屑襦可以供修幣者吾無愛也則遷就外傳曰暮罷歸輒取所業覆按必中程而後卽安蓋太孺人雅通經義能書故代父訓如此贈公病太孺人手藥與食而進焦妍如削夜則露禱於天請以身代既絕三日不食伯子長跪泣曰毋何爲若是兒幸而執業學宮未得博一第以成母名卽二弟屏然未立將安所托命其以報先人地下也太孺

較諸山館文集卷之二十四

三十六

三百一十五

人爲強進七著曰嗟乎兒能勉立身名以顯而父吾忍死以待矣伯子舉東省都試再誦春官念恐不及祿養計且謁選太孺人亟止之曰兒何不自喜正使未解儒冠何如故諸生時卽不念而世者獨不憶而舅爲貴臣顯重猶且稱珠玉在側成其宅相也吾何以瞋目矣伯子乃不敢行竟成進士爲令三載考績受策於朝伯子乃奉策書爵父於墓獻章服而焚之痛哭擗號觀者隕涕告母於堂獻禕荻而觴之卷肆稱壽

觀者也喜太孺人亦歡且哀也曰幸哉有子如是未亾人下報若翁長無恨矣嘗從霍山官舍每聞敲朴聲必詢其故多所譬解一魚一蔬不問所自不內諸扉故部使言霍山令廉惠有聲最書二十餘上本太孺人教也召入爲郎從之長安出爲歸德知府復奉以從至則微病呼醫環守救治百方不踰月卒矣生正德十年正月十一日卒萬曆二十年十一月十四日得年七十有九歲贈公諱相世系行履詳見觀察趙公所爲誌不著子男三長卽瀾舉庚辰進士任兵部郎中歸德府知府娶陳氏邑人潤女封孺人次濬娶趙氏邑人伯齡女次洙邑諸生娶陳氏邑人志喬女女一適何君錫男僊孫男五夢吉瀾出云吉旋吉皆濬出化吉遇吉皆洙出女六瀾出者一濬出者二洙出者三曾孫女二銘曰蕭然而操汎帶也其爲婦也矜然而佩瓊玖也其爲母也膺膺原隰卜云其吉三紀之後歸于其室考帝命於豐石

較諸山館文集卷之二十四

三十七

三百一十五

明故勅封安人蘇母馬氏墓誌銘

馬安人者長史蘇公潢之配參軍本之母也長史父曰大司馬舜澤先生世家於濮安人父曰寶應王簿純嘏公世家於曹皆巨族也司馬公與寶應公爲中表兄弟平生相善而長史與安人同年生以指腹締盟因委禽焉安人端莊貞靜慧穎多能少時聽父讀書輒解大義長涉經史閑於女訓歸長史數年乃舉參軍後十餘年安人忽病病心悸三年而愈久之又病參軍禱

蘇城山館文集卷之十四

三十八

三百十九

於泰山請減筭以益母無何復愈又久之長史仕爲德王士師參軍謁選爲內史安人時至長安伏臘間復歸視田廬往返者再矣又後五年參軍滿考以士師秩受安人封而德王亦上書進士師潢爲長史又一年安人病劇參軍亟遣內子還侍僅及受遺命而長史亦以請急至得視其舍惟參軍不在也訃至擗踊號哭日夜不輟聲而手楊駕部狀請銘予傷其意許之方司馬公在堂長史兄弟食指數十百人安人奉房

姑婉順處姊姒和而信待從子及宗黨有恩內

外宜之而長史從司馬公居塞上又時入長安遊諸公卿間及司馬公謝政而長史爲王家郎不得浣沐安人日視局鐫躬操家政時之田間課蒼頭奴收穫居常蔬食布衣不爲華侈及長史告歸故人賓客從之常滿奉食飲具無闕故長史好遊又不視生產家乃大饒綜之安人力也旣舉參軍念無它子爲長史多置佐室舉三女子視如參軍安人性善施予振人之厄如恐

蘇城山館文集卷之十四

三十九

任

不離黃縣王大司馬孫貧不能娶走濮陽謁長史安人使參軍兄事出簪珥助之太常張公沒而家貧其少子季彥方十歲長史字以女延師訓之後爲名士呂王政之姪鬻女於市命參軍子之以字名家司馬公沒而長公別駕濂爲怨家所昵安人趣長史亟出謁吏爲兄置辯以私財佐之事乃得直皆安人所贊決也安人平生事佛多築橋道及施財爲福利居則燕坐諷經病亟無他語惟誦佛數聲而逝生嘉靖己丑八月五

日卒萬曆戊子四月二十六日得年六十歲子男一卽本爲諸生有名用司馬公廕任前軍都督府經歷娶邢氏太學生太治女封孺人女四長適劉薑卿次適張季彥乙酉舉人卽太常公登高子也次字成大理丞守節從子一幼未聘孫男二長光德聘許氏諸生如松女次光正聘南氏延安府同知兆女女一幼未聘其一則所養呂氏女也予家近漢陽熟大司馬家世長史俠節好義有游閑公子之名尤工書畫及詩參軍肖之而孝友至性過絕人遠甚念長史作客安人居遠不來語輒泫然旣痛母不及訣也思慕音容欲追圖母像會畫工郭生至語之故泣其夕郭生夢有副禕而至者以質參軍取筆圖之肖也聞者咸竒其事而予竊怪精誠之至符於神明愈益悲焉卽不能志安人之行如郭生所圖何以慰參軍思耶乃爲之銘曰 工也貌其形史也貌其名之久而如生高陽之墟有嵩佳城鬱鬱葱葱考卜且營用妥爾靈以保爾後

生吏又爲之銘

明故劉母賈孺人墓誌銘

賈孺人者故鴻臚署丞惕齋劉公配也父南野處士諱只母趙氏世爲平陰人孺人少而莊靜慧婉嫻於姆訓處士奇之惕齋公諱雲龍年甫垂髫以開敏有材列在諸生處士知其必冒以女女之嘉靖辛丑歸於劉氏無何公遊成均丁已從公仕長安已未從公歸里萬曆癸酉公捐鉅金葬於礧山之兆甲午六月三日孺人告終穀城山館文集卷之二十四

距生嘉靖癸未九月二十五日得壽七十二歲冢嗣敬業將以丙申三月十五日啟公之窆以祔具狀乞銘予家自大父以來與劉氏世交習聞孺人之行知其有可銘焉孺人歸而逮事舅姑孱然少也旦暮上食烹執鹽齏必潔以虔舅姑悅之及從事長安姑夫人耄矣孺人謂公以鍾釜之秩闕於溫清卽邀一命而後時其柩公何公瞿然稱善再疏請急乃得歸里至則姑夫人已病藥物鹽飽浣濯柳搔罔不親也沒而哀

毀擇撈稱公之容里人曰賢哉婦之孝疑於子
劉爲邑里大姓食指踰千楊齋公任俠好客遊
道甚廣門前車轍幾無虛日孺人辨色而作逮
燭而息內以管簫外奉俎筵及公之姪若甥拊
摩嘔喻罔不備也及公之宗黨親識慶吊問遺
罔不周也里人曰賢哉內之才疑於外及公盛
年卽世子孫繁衍孺人稱未亾人以勤儉肅雍
帥作女婦而使諸子跳身遊學造請賢士大夫
母替公業間有煢嫠輒正色督過不少假貸至
穀城山館文集卷之二十四 四十二 大

其緯至隊先人之業者亦豈少哉家君爲予言
孺人天性敦朴不事紛華見里俗環珎珎孺目
尚新巧未嘗一目曰性拙弗能更也此其意識
深遠非婦流所及保胙宜家以夫吾故謂孺
人可銘也謂其可以訓也子男五敬業四氏學
教授娶殷氏繼穆氏遜業邑諸生娶何氏繼李
氏進業娶閻氏先卒居業邑諸生娶張氏請業
鴻臚寺序班娶何氏女二一適太學生長清李
滑一適太學生東平李日遷一適庠生東阿杜
詩側室女二一適東阿訓術于四科一適東平
王承父孫男六宏基敬業出宏德宏道某某未
聘遜業出女孫五一敬業出三遜業出一請業
出曾孫男二未名銘曰 於戲孺人匪其周於
材而家孰與成匪其豐於德而嗣孰與興教爲
母師行爲女宗如桓相鮑如光偶鴻趙歲二紀
歸於其宮坎而雙挺於樂考終以耀於幽局
明故應封宜人徐氏墓誌銘

應封宜人徐氏者遼州太守單公用賓之配鴻

臚序班民悅之母也世籍東平家居鄆里稟資
淑令賦性貞閑蚤聆圖史之箴風韻閨閣之秀
已而結褵著姓作儷文儒更御縞素躬操井臼
念仲卿之食貧泣衣効儼勸樂羊之出舍斷機
陳規夫君以是助也譽茂澤宮籍登天府剖符
唐邑召伯之所旬宣露冕晉陽尹鐸之所保障
宜人嚴綜管籥密贊猷為潛存御之瑟琴絃歌
成化治素絲之紉組襦袴興謠斯以成良牧之
名稱小君之位矣課徵馴雉室貴已加績試憑

縣城山館文集卷之二十四

四十四

本

熊巖樓莫挽共奉潘園之御言旋陶令之廬隱
迹東臯偶龐公之避俗解官南畝饒翼缺之躬
耕方將指三山以爲期戒雙龍而並御者也霜
摧護草日薄虞淵卷翟茀而不留謝璇室而長
往以某年月日終於正寢距生某年月日春秋
六十有四矣卦數已盈箕疇亦備仙遊雖闕懿
範猶存其有沒而不朽者與蓋嘗歷謀往古永
惟化原閨門開錫福之基士女兆興家之昨故
夫儒碩大業雞鳴之儼攸資屏翰鴻勳逾茲之

賢是顧豈不珠藏澤媚玉韞山輝珥彤管而流
芳結佩環而炳訓者哉詳夫宜人大節卓有可
傳略舉其凡是彰四德其奉舅姑也湯藥親嘗
旨甘豫待迨乎白首婦順彌敦人稱孝焉其操
家政也聞雞而興篝燈而績執麤食淡既貴無
華人稱恪焉其御叔姒也匱而絕少裕則分餘
各賦名田使有攸處其睦至矣其誨嗣人也慈
不掩義愛不忘勞膠序成材登爲內史其教弘
矣天鑒厥德神歆其和名壽兼隆祚胤永錫斯

縣城山館文集卷之二十四

四十五 三百四十四

不謂有家之內主裴德之良佐哉民悅將以某
年月日奉宜人之喪柩於某方之祖兆蒲伏踰
境展禮乞銘嚙恤因心樂棘秉性予有感焉雖
圖芳琬琰闔扉之紀闕如而勒石泉臺負斧之
封在是敬存歲月以慰孝思乃作銘曰 緬彼
淑君甄靈茂族內訓夙閑靈儀有倣嬪於儒宗
宜其象服佩管惟諧陳圖允穆敬共夫子祇奉
尊章詩敦蘋藻禮脩琮璜相之績學經術惟光
相之立政是君大邦皓首同歸百齡衍慶桂樹

騰芳萬單成詠云胡不憇奄及大命盡維留衣
孤鳴春蘭傲暉秋菊終榮是鐫爾坎以永

明故待封閩孺人墓誌銘

待封閩孺人者邑侯代郡張君元配也居同里
城內閩相輝大父密令結繼循良顯考散官
惇德讓母賈太君監察御史世祥姊也孺人
質名閨鐘靈外族三從稟訓七德含章甫當
髦之期蚤經幽閑之性六齡失怙育於大母

穀城山館文集卷之二十四

四十六

三十七

已川輝韜璧浦潤藏珠受圖史於公宮飭珩璜
於師氏矣君侯以名家儁少瞻著英聲太公博
求良匹備聆內美遂以六禮聘焉方十有五齡
結褵就駕至則德宇端莊儀形婉靜孝奉尊章
夙謹沃盥之節敬共夫子恪修佩悅之容勤以
宜家星夙而修環瑄儉以節用椎布而斥綺繡
仁惠以睦閨門肅穆以承禴祀於是舅姑稱其
朴茂娣姒洽其和柔樂羊嬪之斷機允爲賢
桓少君之輓鹿大絕儒風以今方之何

已而君侯高機賢科觀光上國捧書天闕蒞
政名都初宰魯山訪召南之遺化再君朝邑撫
馮翊之舊疆孺人外嚴篋簪內親甌金勸以勤
政愛民無負剖符之任贊以姦摘隱克照
盆之冤中更內艱號泣擗踴越日不食蒲伏返
里其孝誠焉至尤難能也昔陶大夫之偶弘農
貞風吳晉陵之妻自甘苦節觀之孺人其殆有
焉萬曆甲辰君有平陰之役鞠莠就道翟郭在
塗二豎忽侵羣方鮮効行至在平境內終於逆

穀城山館文集卷之二十四

四十七

旅君侯慨瑤華之早謝悵石窈之未封怨深孫
楚之傷痛甚河陽之悼令子千里奔號卒極還
葬吏民雪涕父老慘顏藻薦盈城薤歌載路
內君之禮數流淑媛之芳徽矣孺人生嘉靖乙
卯八月二十七日卒萬曆甲辰六月二十五日
享年五十歲子男一子銘郡庠生娶張氏保定
尹以重女也女二長適謝少叅莆子庠生錫九
先孺人卒次字吳大司馬嘉會孫指揮某孫男
女各一俱幼孺人淑資有穆惠問無疆壺政既

修母儀尤著訓成哲嗣學殖茂修文質斌然蔚
爲名士非夫教敦輟膳業勗和九孰能贊燕翼
之謨衍箕裘之訓若此哉今子以不及面訣痛
不欲生卜以某月某日奉葬某地先期擬拾淑
行求銘墓門禮也山當鴈塞旣符白鶴之祥地
枕牛岡宜勒青鳥之兆鄙人被賢君之聲教感
棘人之孺悲敬用抽毫俾鐫負斧銘曰 粵代
之疆實鍾華貫兩族甄靈四星連燦誕育淑貞
陳圖稟範宋子河魴賢侯攸贊六禮御止百兩
轅城山館文集卷之二十四 四十八 周 三十一

亡兄阜泉處士墓誌銘

阜泉處士者諱慎動字無咎吾伯兄也隱於南

山之麓臨流而築因以自號云于氏自海上西
遷四世而爲先考宗伯府君府君五子妣淑人
出者四長卽伯兄誕伯兄之夕府君歌慶而
歸門有樹幟室有懸弧大父大母逆府君而歡
曰此雙喜也以爲小字伯兄生而白皙美好眉
目如刻畫肖外王父司徒劉公生二歲所府君
携孥北遊泊舟天津老婢抱伯兄嬉於堤上堤
上人熟視驚曰此誰家兒何類花馬使君花馬
使君者外王父也嘗爲天津倉曹好騎花馬有

轅城山館文集卷之二十四

四十九 周

遺愛其地故云稍長從府君於許出就外傳不
樂學書據案呻吟視日蚤暮及讀稗官小史入
耳輒記終不復忘也府君淑人相謂長子家督
固宜使司筦籥此一卷書有兩子在于是仲氏
叔氏長矣文業已著故府君倚焉而爲伯兄納
婦使居田間歲登所獲以共膏火伯兄弗樂也
曰丈夫生不成名終不作田家兒從五特蹄泮
求活日召褐父酒人拍浮笑呼口占歌曲頃刻
數百語左手持盃右手擊案爲節窮日夜虞樂

未厭而舉聞以內外界之丘嫂故名女賢有心計纖蓄居積筭析秋毫以其故貧而母置而伯兄終不問有無卽疆之行田斗酒豚蹄祝甌寧醉矣伯兄長而面祭赭不復如兒時美好而簡默敦樸居常不出一語亦無嬉咲惟飲可數斗卽河懸齒頰人莫能折其辯醒復默默亦自不記何語旣謝儒而農顧時涉獵典記能道古今事儒生博聞者不能屈也天性剛介無所阿私聞人有不義輒正色攝之或至詬責而不善

蘇東坡集卷之二十四

五十一

三百廿四

記人過卽有嘗侮之者片言立解不著睚眦非分所當得一絲一縷不妄取予諸弟卽以儒顯然其事伯兄甚莊居前起居惟謹毋敢謾語伯兄亦不以其顯故有姁媿色凝然而已伯兄初衣布衣及行遊長安爲受儒士冠帶號爲傅小侯伯兄亦弗樂也曰業已浮湛田里卽着犢鼻何至舉阿堵物博一士冠令市兒睇咲強爲弟一服斥不復御而衣其故布衣日飲賓客及門輒至自閉不稱仕人兄也始伯兄年二十所卽

蘇東坡集卷之二十四

五十一

三百廿四

舉長女已以酒病病可三十年不復孕育及年五十病劇而遇良醫盡除其故所苦而不復能飲已乃復舉三女然竟不男命也伯兄沒時予在長安累疏上請未得命乃先使紹綬二姪葬兄嫂於祖兆踰歲得歸始伏其墓一哭翦棘而納銘焉丘嫂陳氏者聞儒鐵峰先生職女也夙稟內訓處舅姑娣姒無所失禮是生長女適李撫軍子維喬有甥男女七人佐室舉次女適故家子王建都兄生嘉靖戊子九月十二日卒萬曆戊子八月八日得年六十一歲嫂生嘉靖壬辰二月二十四日卒萬曆丁亥三月二十七

日得年五十六歲伯兄之滿六十稱壽宗伯北海馬公觴之其辭曰于長公達人非酒人也晉初諸賢以酒自放散髮把臂於竹林間而世目之曰達陶彭澤故有高陽之致已而止酒作止酒詩而世亦目之曰達於長公何居焉夫晉初諸賢其所有寄也彭澤則幾無待矣長公學不慕儒隱不謀生入貲爲儒士例得受秩棄而去

之倘亦有漢陰漆園之指耶故達人非酒人也
予因而爲銘曰 其生而不事也自以爲適其
沒而不烝也世以爲戚已之所適而世之所怛
然而愁世之所戚而已之所官然而休此其與
人者睽而與天者遊與故曰達人

亡兄太學都講航隱先生墓誌銘

于慎行曰嗟乎此吾兄航隱先生之墓也吾知
吾兄吾不誌吾兄誰誌吾兄者誌曰先生諱慎
思字無妄航隱其寓號也吾家故居海上西遷

欽定四庫全集

卷之二十四

四世而爲先宗伯府君府君舉五子先淑人出
者四焉長曰無咎次卽先生次鄉進士無擇次
乃不肖行先淑人娠時夢人遺襪衫一領曰此
蘇東坡公所服也寤而誕先生遂以爲小字云
先生生有異質跌宕負奇氣年十六七卽徧讀
羣書日課一帙凡誦數十萬言率能記憶工爲
文賦尤嗜離騷亦好兵法家策從府君遊隴西過
咸陽渭水間見古宮闕陵墓輒下馬披榛踟躕
四顧洒涕悲歌而去同行者異之不敢詰也隴

欽定四庫全集

卷之二十四

西守舍壁中得諸葛八陣圖法輒爲註解及著
安邊書數卷簡練揣摩慨然有用世之志府君
覽之私喜然外不稱善也曰兒孱然垂髫當以
經術自致安用金版六弢書爲方是時大司馬
曾公銑經制西邊建議復古河南地先生輒懷
其兵書馳一騎跳往將叩轅門獻之府君趣使
追焉曰姑毋謁制府且見張中丞張中丞者名
子立黃人適戍塞上見先生與語大奇之乃曰
下吏子謁制府非體敗乃公事留與論文藝及
談古今事上下數千載不能難之書報府君曰
吾忘年小友君家千里駒也明年遣歸就室與
無擇同遊學宮應已酉鄉試先生年十九無擇
十四矣故事士子入闈解衣裸跣陳兵夾索先
生嘆曰此錄囚耳安取禮士念欲弗入恐見不
能入而著義七篇楷書如法故爲不具草出則
走城西伎館大醉累日長歌而歸誓不從諸生
試矣後三年壬子無擇偕計上府君在平涼得
報怡然曰少者旣舉長者可坐待也歸而督課

先生先生亦自念長太無致身策不得不俛首一經於是始取帖括諸書焚膏呻吟然自其少年時獨好古文詞卽勉爲舉子業終不能工卽先生自謂工人亦弗善也又後數年不肖行亦舉於鄉府君不甚爲行善而流涕撫先生曰嗟吾兒別足折肱一何厚矣及不肖行仕二十年先生且老又病酒消衰猶屣履諸生中不肖行心悲之從容說曰嗟嗟吾兄卽今衣紫垂魚貫顯當世才如兄者幾人然而不遇命也胡不強飲著書規不朽之業而自苦如此先生仰天太息涕下沾纓曰君視而兄何若無妄魯國男子不願使里中兒目爲貴人昆弟顧無如命何耳吾聞太學羣天下士士從長安都試詞林諸公能識之且往觀乎及歲丁亥乃馳至長安入貴遊太學從博士諸生一再褰衣輒憤邑不自勝然業已就之無如何也方先生至都下時已病臞矣而值予有寒病數日不食先生日夜守視呼醫具藥療治百方予年少瘳而先生病又劇

予從床蓐間蒲伏守視先生供具湯藥如其護予狀而先生竟不起矣時萬曆戊子正月六日也距生嘉靖辛卯十一月十二日得年五十八歲彌留譚語猶作揮金教射狀曰兵法如是含笑而瞑其英氣可想矣閣部諸公聞先生客沒皆過予邸臨弔或爲歌詩挽之都門送喪車馬滿路旁云先是兄無擇卒且二十餘年弟慎出以丙戌卒未葬至是先生又卒其年八月長兄無咎又卒不出三歲連遭同產之喪三家門殄瘁形影相依蓋予於是決歸志矣累疏請告具以狀聞上報曰大臣爲國母以家爲念凡十二請乃賜歸其明年壬辰十一月十六日葬先生於祖兆嫂陳氏率子縈以誌請嗟乎吾知吾兄吾不誌吾兄誰誌吾兄者操毫隕涕不能爲辭聊著大都烏嫂陳氏者河州太守怡菴公鯤女也生二子皆夭乃以從子縈嗣先娶王氏吏目嘉言女繼劉氏生員笏女中丞範東公孫也老而側室舉一女適東平解如某亦名家子而

繁有子元燝及二女云先生爲人魁梧長大渥顏豐順談說經史擘畫世事奇偉不凡食酒至數斗扼腕語難髮上指冠里兒多柳榆之不知其有所出也常以爲經國當知大體不爲齷齪小文行兵在明賞罰用財如土毋拘於苛法慕張忠定陳同甫之爲人而持論激昂有蘇長公之氣夢信非偶也爲文典雅雄渾取法遷史而不事模擬爲一家言詩工長歌喜孫太白常樓居之調至爲騷賦沈酣楚聲尤非俗好所及而

蘇城山館文集卷之二十四

五十六

近體聲病則時有出入焉亦間爲元人樂府大有風韻多從狹邪中得之吾常欲效其體先生笑曰若拘拘小儒紙上作臺閣官樣安能爲此性行豪爽不修城府持已應物動法古人而不好講學常曰寧爲真士夫不爲假道學少時有所論撰自署屠龍子言其無所用也有怨家聞而詬曰此少年子欲爲不軌將上書告之識者爲之絕倒于慎行曰吾兩兄皆異才也先生博物閑覽貫穿百家而精麗少謝無擇無擇文詞

環鉅揮翰輒數千言而多識不及先生然皆文苑之英也落魄不偶未竟其業爲長恨耳不肖未齒失恃兩兄實訓成之幸以文學致身陸沈金馬門中而兩兄懷瑾握瑜不博一第天之生才誠何心哉先生著述可十餘種校其一二梓之他不也也也也口 翠巖連綿崆嶺造天丞雲濤烟先生之所蓄耶龍蟠之淵灑而爲川瀟瀟涓涓先生之所出耶山水之間有丘有園蘅華石田先生之所隱耶其右有卅烈考宅焉附

蘇城山館文集卷之二十四

五十七

信百

築巖然先生之所歸耶生於此乎廬化於此乎居其谷口之間其糴里之墟谷嗟乎是魯國之文儒也

亡兄鄉貢進士冲白先生墓誌銘

冲白先生者先宗伯府君第三子也諱慎言字無擇先妣淑人以嘉靖丙申三月二日誕先生於里舍生而風神淵瑩肌肉玉雪狀如好女府君淑人相與陰奇之弱不好弄伊吾一編目無旁睨食時有所思憶或至失匕其篤如此年甫

十四列爲學官弟子卽應省試御史讀其文輒見嗟異議且入彀參政豫童萬公訝其太少曰此兒國器母遽以一第盈之而以其卷傳覽諸公聲燁然諫濟上矣明年府君以靜寧考績過家西上先生從諸兄送至壽長爲歌詩數閱婉動人明年省府君於隴過關洛遺墟多所詠見者驚訝不謂垂髫生作也明年壬子年十有七歲歸自關中詣試省闈故大司空豫章李公爲濟南太守得其卷奇之以呈御史御史馮

穀城山館文集卷之二十四

五十六 三百廿四詩

公舉爲高等時尚少不知飲及宴賜之卮酒受而幾墮諸公相顧笑曰是尚不能捉酒卮卽偕計乎是年府君以郡丞入覲聞喜之夕上書自免明年癸丑都試報罷府君設宴於庭爲先生冠如古三加禮受室邑之李氏又二年乙卯淑人捐棄其後已未壬戌再上再罷而府君亦逝迨歲甲子先生有所憤邑而病病幾三月以七月十三日卒年二十有九邑里傳聞無親疎大小咸頓膺涕泣憐之以先生才高不及成也先

生爲人修長玉立風骨矯矯天才警敏落筆千言河傾泉湧紙上作刺刺聲其爲制義七首率不至日中而就未嘗塗改或操翰牘求言卽問作何書法且撰且書已付其人去亦復不自記也外叔祖中丞劉公故善章草先生能繼其法篆隸行楷並皆精妙其爲古文辭莊麗適美喜作六朝俳體然自謂非其至也歌詩爽朗不羣飄然有凌雲氣而矩裁未成天不假年嘉禾不秀豈不惜哉平生清修莊慎步趨絕無潛心理

穀城山館文集卷之二十四

五十九 周

性雅慕越中先生語與吾輩子並我疆氏同事陳鐵峰公陳鐵峰公者名職里中耆宿府君所善友也好學嗜古與先生爲忘年交講業汶水之上而先生風度閑遠志趣高華視世俗浮沉了不介意少時歸自關中從盟津渡河中流風浪大作一舟疊曉先生閉目危坐神色晏然船人異之既濟則曰此少年卽君必福人也性至孝友事府君淑人承顏慮侍如恐不及居喪哭泣極哀寢處苦由動如古法事兄御弟恩義藹然

叔人在殯時年十歲衰而寢于階時方盛暑先生踞坐其旁潛爲揮扇婢僕竊窺有流涕者予覺而牽袂啼也府君爲吏廉旣自免歸家日貧窶先生業舉於鄉杜門修業或至日宴不炊終未嘗請間官長有所關說邑君董公知之有東矢於庭者令曰吾懸三尺待汝能得十孝廉一札吾貴汝矣其人懷金及門先生大恨曰大夫以干生何若至有赭衣奉壁汗吾赫蹏謝邑君弗復見先生厭世俗別號舉時尚幼以字刻籍其後顏冲白於鄉里入國而號之四方士友至今不知也述其所自操持儼然潔白不離世之滋垢所謂好學篤行君子耶方先生舉省試行甚少耳其後十年而行亦舉然其遊學宮皆以十四對公重皆以十七名第又相符也東人士指目美之行也幸荷先靈叨有一第以及茲華髮而先生之宰木拱矣天平悲哉先生卒時有二子長者曰系年八歲次者曰紹年四歲其後系長爲諸生娶秦經歷亮女已而婦沒再娶

平陰姜氏間歲生男男未彌月系沒今其孤永動長聘在平張太守女也紹邑諸生娶李照糜茂蘭女有一子一女子曰鴻勳聘平陰趙茂才女女字喬省元宗啟子某後尚未艾云先生沒且五年而予成進士又五年以史官謁歸葬先生於祖兆彼時予少固不知銘也後往來長安欲爲求名德之辭侵尋未果而予已懸車老矣念先生奇質嫖修年不待壯無所表白於世誠痛惜之使紹礪石墓左爲書生平大畧因爲菟羅遺草僅得三卷梓諸家塾俾子孫藏焉慎行曰予爲吾兄誌蓋有所不忍書云以兄之才美第今僅得下壽有所論著成一家言垂之不朽浮沉不足道也蘭摧玉折匪降自天齋志韶年嗚悲終古尚何言哉夫終童請纓於漢廷文考摘葩於魯殿子安高步於四子長吉擢穎於七齡莫不放瓊琚之辭儵儵爲龍之彩然皆年不逮室位不登朝蚤發風零爲世長恨然則懷奇體異之士中道而閤者衆矣奈何天平銘曰 有

珠出海其光則瑾不佩而熒嗟嗟悲乎有璧璫
淵白虹在天奉而隊旃嗟嗟悲乎有植於庭瓊
敷玉英未秋而零嗟嗟悲乎有蘭在唐從風飄
揚炎天雨霜嗟嗟悲乎有封宰如自我考居弟
銘則書有雲有裔以衍厥間嗟嗟悲乎

公弟稚川茂才墓誌銘

予仕長安既以在原之戚屢疏乞骸三年而得
請歸之踰歲葬兄無妄踰月葬弟無欺於是號
而告府君墓曰天乎三兄一弟皆送入土矣獨

穀城山館文集卷之二十四

六十二

三百七

見隻身在爾而姪綬以誌請救涕而書其石曰
少弟無欺者名慎由庶母黎孺人出也以府君
別號號為稚川始先妣淑人有四男一女皆已
成立而會府君客遊隴西卜適金城孺人在侍
踰年歸里奉弟於舍府君為其少也貌清而慧
絕鍾愛之淑人之愛又甚朝夕抱弄膝上口棗
栗啖之夜則寢諸懷而臥時啼不休輒為披衣
起坐至中旦不寢孺人性卡善折挺笞兒淑人
聞其譙之若母政管吾兒也出則攜以自隨時

詫內黨此吾老生兒兄姊以淑人愛之故亦忘
其異母出者弟生五歲而淑人沒諸兄皆已有
室惟余與弟同臥起也又七年府君沒而
予亦有室弟乃從其母居當府君沒時弟年十
有三歲已能為經義辭甚可觀其後四年而弟
為博士徙自以少孤且貧日夜淬厲文聲翹然
督學使者按部數居首第受廩於庠即諸生指
數當舉者未嘗不首及吾弟也往者仲兄無妄
携兄無擇同試無擇先舉已而携予同試予又
先舉已而携弟同試試危舉者數也而仲兄竟
不遂則嘆曰嗟乎吾三十年中携三弟試何偃
蹇若此哉久之弟以善酒病百方不痊竟先仲
兄沒矣弟之病也以丙戌九月予新拜南宮報
至弟有起色而予聞弟之病且亟發筮占之其
卦遇革筮人曰不言在月二十已而果然距生
嘉靖庚戌八月十九日得年三十七歲嗟乎吾
弟病不視其藥沒不視其含有兄如此何哉始
府君與博士李先生同舍遊甚歡李先生名

穀城山館文集卷之二十四

六十三

任

東先文雅士也兩家俱孕約爲婚姻已果一男
一女遂聘李氏凡舉子女數人子男曰綬邑諸
生娶士族趙廷言女女一曰墨適中丞侯公孫
承爵孫男七元燦生員娶廩貢生殷三捷女元
燁生員娶生員謝公蔭女元美聘生員張儒行
女元熙聘東安典史張默女元燭聘戎政千總
李燾克女元煦聘太學生仇思欽女元焜未聘
孫女二一適曹省元應科子生員宗瑋一適生
員邢過位子祚昌先是府君既塋生息不蕃議

穀城山館文集卷之二十四

墓誌

三十四

改卜者久之竟以寢成孔安不忍震動而止及
弟之塋乃從江南名師爲宅吉壤於祖兆之東
恣曰必昌其後嗟乎人之禍福受命於地亦受
命於天邪盡吾心爾矣穀山子曰吾爲弟慎由
誌而有所甚痛於府君云府君兩爲州牧一爲
郡丞歸之日蕭然四壁立爾淑人卽世諸兄析
產舉不得名一錢里人固不能無妄意也其後
弟長而貧貧至不厭糠覈乃知無有乎爾嗟乎
佩二千石印綬且踰一紀而有所哀憐少子不

免啼饑庶更安可爲乎銘曰 母之慈喚而穀
女考之庶貧而疚女昆之永懷宅吉而覆女有
吳之盈虛不壽女而右女則繩繩爾後哉

穀城山館文集卷之二十四

李五 六十五

穀城山館文集卷二